



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



616

Ar 30  
R



IOANNIS  
ARGENTERII  
MEDICINAE DO-  
CTORIS PRÆSTANTIS-  
SIMI, DE MORBIS

LIB. XIII.

His verborum & sententiarum Index accessit  
copiosissimus per ordinem Alpha-  
beticum digestus.

*Librorum catalogum, & quid accesserit ex  
secunda hac editione, proxima do-  
cebit pagina.*



LVGDVNI,  
Apud Sebastianum de Honoratis.

M. D. LVIII.



# QVAE IN HOC OPE- RE CONTINENTVR.

De morbi generibus.	LIB. I.
De morbi differentiis.	LIB. I.
De causis morborum.	LIB. III.
De symptomatis , siue morborum effectibus.	LIB. II.
De temporibus, siue partibus morborum.	LIB. I.
De signis medicis.	LIB. IIII.
De officiis medici.	LIB. II.


## *HIS ACCESSIT NOVIS- simè eiusdem Argenterij.*

- De dissimilariū & similariū partium natura  
disputatio, in libro de generibus morb. col-  
locata.
- Item tractatio de natura, causis & differentiis do-  
loris & voluptatis in libris de symptomatis  
posita:
- Et pleraque alia illustriora reddita.

## AD LECTORES.



**C**ORRUPTAM esse docēdi rationem, quā multis iam seculis ferē omnes profitemur, hi quidem non agnoscunt, qui aliorum iudicio viuunt: alij verò, qui seētis sunt addicti, ne videantur haecenus errasse, id dissimulant: eosque omnibus modis insectantur, qui huic corruptioni mederi student. Temerarium etenim esse aiunt profiteri se ea scire, quæ alij omnes haecenus ignorauerunt: odiosum verò etiam esse ea immutare velle hac nostra ætate, quæ longa consuetudine, veluti legibus quibuscūq̃ sancita, & ab omnibus optima sunt iudicata: inter quos tamen qui paulò melius sunt affecti, quædā fortasse à nobis melius inueniri posse concedunt, quàm sint haecenus à maioribus nostris tradita: sed pauca hæc esse: excusandōsque interim censent & nō accusandos antiquos scriptores, qui hæc omiserint: præferunt quidd hæc omnia illorum vi, quæ prodita sunt contineri vñusquisque (si laboret) inuenire possit: itaque superfluum esse novos authores constituere, & originem disciplinarum repetere, sed potius adnectendos nostros labores maiorū libris, quib. obscuras illorum sententias explanemus, & quæ latent in positis principiis, non autem, vt nos arbitramur, prætermissa sunt, eruamus: quòd si fortè aliquid sit in quo antiquos merito reprehendere, & meliora excogitare valeamus, mirius id esse faciundum putant, nec à quouis tentandum, sed ab his duntaxat, qui vel parem illis, aut certè iam magnam auctoritatem apud omnes sunt consequuti: alioqui moueri homines non posse credunt, vt ea deferant, quæ alij omnes, quorum nomen est celebratissimum, sequantur: interim verò eos, qui inæquali sunt conditione, & viribus, iudicant illa fugere debere, quæ non solum omnibus sunt odiosa, sed sibi quoque pernitiōsa: quorūque vtilitatem, si quæ tandem proueniat, is qui huius mutationis est author dum viuit, nō sentiet: Improvidi autē, & malè consulētis hominis esse ea cōfectari velle, quæ sibi tota vite sint noxia, & aliis duntaxat fortè futura vtilia: ac deniq; hæc & similia adferunt, vt vel eos deterreant, qui parati sunt huic rei opē ferre, vel etiam fortasse exsternant vitam, & tranquillitatem be-



## IOAN. ARGENTERIVS

ne cōsulant. Contra quos omnes, prius quàm doceam, quam putem esse veram docendi rationem, vt consilij mei ratio omnibus constet, dicendum breuiter existimo. Igitur qui temerarium id factum esse putant nulla ratione, nulliusque egregij viri imitatione, id faciunt. Quir enim, quæso, Platonem, Aristotelem, Galenum, aliósque scriptores temerarios non iudicamus, quòd ea immutarint, quæ iam ab aliis alio modo tradita fuerant? Disputabant mutuo Peripatetici aduersus Academicos, & Stoicos: Scripsit Galenus aduersus omnes: hunc repræhendit Auicenna, & Auerroes: Hos alij, & denique semper apud maiores nostros liberum fuit pronunciare, quod quilibet de ea arte sentiret, quam profitebatur: ingeniosi que & non temerarij hominis officium illi esse putabant: si ea, quæ vnusquisque inuenisset, vtiliaque censeret, literarum beneficio posteris mandaret. Odiosam vero esse hanc prouinciam, in qua multos accusamus, paucos autem excipimus: scio equidem, & omnes, qui hætenus id tentarunt, sunt experti. Quid enim Montano Veronensi viro doctissimo Patavij contigerit, dum docendi methodum primus in scholas duceret, omnes nouerunt: quum paucos haberet tunc sectatores, multos autem aduersarios, qui vel hoc potissimum nomine eum damnabant, quòd methodi nomine vteretur. At tandem vicit, veraque esse agnouerunt ingenui medicinæ studiosi, quæ ille in tantis odiis, suo quoque malo, profiteri cœperat. An non etiam Vuesalius à Cæsaris aula, & familia ob id propemodum exclusus est, quòd aduersus Galenum scripsisset? Quid non molliuntur adhuc in illum Galeni sectatores? quem profectò amare, non odio prosequi oporteret, si modo sensibus nostris magis quàm hominum præiudicatæ opinioni addicti essemus: spectaremúsque quantam vtilitatem ex diuino eo opere, quod de Anatome conscripsit, non solum arti nostræ, sed etiam mortalibus omnibus attulerit. Quid verò ego pertulerim dum hic, docendo liberè quod sentiebam, profferrem, non est quod dicam: sunt enim hæc notissima, quum id omnium malum leuissimum mihi fuerit, quod quæstionarij Medici, coniuncta opera, eos à me alienare ac omnibus modis infestos reddere conati sunt, qui vtilitate propria commoti, mea studia, meamque docendi rationem audivissimè sequebantur. Verùm etsi illis facile est iuuentutem decipere

## AD LECTORES.

decipere, & superfluis obsequiis potius quàm docendi officio ad se allicere: nobis vero difficillimum tot, tantisque repugnantibus, malè receptas opiniones ab animis hominum euellere: tamen quantū in hac re consequuti simus, & amplius sperare liceat, alios iudicare volo, qui quo modo hæc gesta fuerint, & ex quàm paruo initio, ad mediocritatem quandam nunquam ut spero, abolendam iam peruenerint, nouerunt. Optima autem esse, quæ damnamus, etsi illi putant, nos tamen aliter existimamus, & quilibet, quod ipse sibi persuadet verū, & non quod alij sentiunt, memorię prodebe-  
re debet: An non putamus ea, quæ Aristoteles repræhendit à multis optima fuisse habita? quæ tamen ille refellit, quod crederet falsa esse, aut certè à re proposita aliena. Multa verò, & non pauca extare apud scriptores de nostra facultate, ut alios omittam, quæ meritò repræhendi possunt, & longè meliora fieri nobis ipsis persuademus: & iam dudum profiteri cœpimus. Quum enim Galenus (hunc enim nomino in quo si ars desit, in alto frustra quæremus) infinita propemodum volumina conscripserit, multa illi inconsideratè excidisse oportet. Neque enim multa & bene omnia scribi possunt: id quod satis apparet, quū nunquam ferè de eadē re diuersis in locis idē scribat, sed perpetuo diuersis definitionibus, diuisionibus, probandique rationibus utatur, quum principia ponit, quorū statim obliuiscitur, quū in omnibus Asiatica facundia, ne dicam loquacitate redundat, ac à nullo certo initio auspicari solet, nec ubi desinendum sit præuidet: sed quærit potius, ut ad quandam magnitudinem singuli libri perueniant, quàm ut expendat quid, quatenusq; de vnaquaque re scribere expediat. Omitto quòd rarò suo loco res tractet, sed sparsum omnia: & quòd dum nunc alteri patrocinari cupit: & nunc hos, nunc alios insectatur, nec sui interim recordatur: nec vniformem doctrinam facit: ac etiam quum nunquam libros, quos semel consecerat, rescripserit: multaque ad sui exercitationem, alia amicorum gratia potius, quàm ad ædificationem conscripserit, & multos ex suis libris imperfectos, & haudquaquam elaboratos esse ipse fateatur: Hinc profectò agnoscere possumus, & putare multa esse, quæ melius inueniri ab eo possint, qui diligentius ad eadē cōsideranda illius præsertim, & aliorū beneficio adiutus se cōtulerit. Quo magis credulitas

IOAN. ARGENTERIVS

nōstra, vel stupiditas potius damnāda est, qui omnes illius libros tanquam absolutissimos recepimus, & parem auctoritatem, repugnante ipso auctore, singulis tribuimus. At reprehendendos, & non excusandos antiquorū errores equidem putauerim, tum quod ratio id exigat, tum quod illi iubeant id esse faciendum, idēque ab omnibus optimis scriptoribus obseruātū videamus. Qui enim imperiti sunt, & inscij, dum excusari scriptores vident, errorē non agnoscūt, neq; mouentur ad ea auidius cōsequenda, quæ veriora putantur. Hac quidem honesta contentione bonæ artes, & disciplinæ crescūt, eiusmodi verò excusatione pereunt: aut certe in eō statu sapientiæ, superstitionēque rectæ permanēt, in quo iuueniuntur. An quæso Aristoteles Platonem præceptorem, cui multo plura, quā nos aliis, quos reprehendimus, debebat, excusat: dum illum nunc absurda, nunc aliena à ratione, nunc verò etiam minus probabilia, quā alij, quos ineptissimos iudicauit, tradidisse cōmemorat? Accedit quod supersticiosam, & ingenuis molestam phrasim reddit huiusmodi excusatio. Quid enim ineptius, quā quum aliquem reprehendere volumus, & significare eum errare, semper addere, quod recentiores faciunt, salua pace tanti viris ignoscant mihi manes doctissimi scriptoris, & cætera huiusmodi orationis filo inferere? quæ nec ab antiquis obseruatā videmus, nec aliunde quā ab inueterata, & iam dudū recepta superstitione, quæ omnes disciplinas inuasit, sunt inuecta? Nam qui Aristotelem, aut Galenum errare scribit, & in aliquo refellit, non propterea indoctos eos censeat auctores, aut aliter de illis malē sentit, quos ob admirabilem rerum cognitionem & amat, & veneratur: sed quod aliter cōmodē significare nequeat, quod in illis non placet. Nemo (credo) melius de Galeno, quā ego sentit: in cuius libris legendis, colligendisque adhibita omni diligentia ætatem ferē meam consumpsi, cuiusque ingenium vehementer admiror, & laborem, studiūque probor: cui omnia, aut certe plurima me debere puto. Id tamen liberum mihi relinqui volo, ut quid confundat, in quo redundet, vel deficiet, & denique in quo nō placeat, dicere possim. Sic ille professō Aristotelem summum philosophum vocat, & admiratur: interjū tamen, ubi se melius aliquid inuenisse putat, non dubitat eum refellere, faterique eundem errare, sibi que repugnare,

## AD LECTOREM.

gnare, atque etiam in illo logicam, cuius principē alibi constituit, nonnunquā desiderare. Oportet enim de Scripto-ribus ita sentire, ut eos homines agnoscamus, & non tanquam Deos veneremur, nobisque antiquam libertatem relinquamus: ac qui ita sentit, moderatē quidem id facit, sed difficile est in tanta superstitione, tantisque rerum asperitatibus temperantiam quandam inuenire, quæ omnibus satisfaciāt, maleuolorum animos coerceat, calumniāsque reprimat. Cæterum cōtineri omnia in his, quæ hactenus sunt ab aliis prodita nec existimo, nec adduci vnquam potero, ut credam: quin potius sæpe in principiis erratum esse, constituendisque alios rerum fontes, à quibus omnia hauriātur, quæ diligenter excussis aliorum opinionibus, adhuc omnino deficere videntur. Iam vero aliorū libris annectat suos labores qui velit: sēque cōsumat toto vitæ tempore in aliorum sententiis explicandis, nouisque sensibus nunquā etiā ab authore excogitatis, eruendis: quāquam id omnino non vitupero, si indigno authore moderatē fiat: nos tamen satius esse putamus, ut vni quisque quid, quantumque præstare valeat in vnaquaque re, consultis ipsis fontibus, & rerum natura, experiat. Multa enim occurrunt, dum in alieno opere versamur, quæ non placent, quæque possunt meliora fieri: & sæpius interpretatio authoris opus dignitate & utilitate exuperat: quoniam tamen alienis fundamentis nititur, propriam gratiam, & auctoritatem amittit. Quir Aristoteles ad Platonem interpretandum, & Theophrastus ad Aristotelis libros enarrandos sua studia non contulerunt? nimirum quod quilibet illorum author esse mallet, quā imitator: ac longē meliora scribi posse censeret, quā de rebus nondum inuentis certa ratione, suoque modo tradendis cogitat, quā quum in aliorum sensibus exprimendis perpetuo laborat. Num Philosophia maiores progressus fecisset, si Alexander, Themistius, Simplicius, & tot alij doctissimi viri, qui se conerunt in Aristotele interpretando, & singulis verbis curiosius explicandis, aliquam ex philosophia partem negligentius à maioribus nostris traditam elaborandam, illustrandamque suscepissent? Interim enim quum de vacuo, infinito, & tribus principiis, atque antiquorum opinionibus superfluo labore digladiamur, metal-lorum, lapidumque naturā ignoramus: nec satis herbarum,

IOAN. ARGENTERIVS

plantarúmque historiam, effigies, propriam vim tenemus, vt multa omittam, quæ de animalibus, & omni alia philosophiæ parte Aristoteli, antiquisque aliis philosophis addi possunt: Interim quum logici anxiosè contendunt, & disputant an Prædicamenta ad Logicum, vel Metaphysicum pertineant, & quod nam medium in Demonstratione Aristotelis opinione sit constituendum: Ac quum in singulis illius verbis perpendendis, & omnium interpretum opinionibus examinandis perpetuò versantur, & vsque ad nausèa de subiectis, & connexione librorum digladiantur omnes: non vident adhuc postea, quæ scribit Aristoteles de logica facultate, deesse diuidendi, resoluendi, cõponendi, docendi, scribendi que rationem, sine quibus nemo poterit vnquam pro dignitate disciplinas excolere. Non vident dialecticos locos ab Aristotele melius tractari potuisse: quippe quum à nullo certo, initio exordiat, nec aliqua ratione ostendat perfectum esse eorum numerum, à quibus argumenta petenda esse scribit: nec illud quidem adhuc constat, quot, quibúsque instrumentis ad aliquid inueniendum, vel probandum vti possimus. Ad hæc statuit ille in Ethicis quasdam virtutes, quibus fœlicitas comparari debeat: At certum numerum nõ docet eum esse, quem ponit: Quo sit vt perpetuò dubitare liceat, an aliquæ adhuc supersint, vel omnes eo numero sint cõprehensæ: id quod etiam in causarum tractatione (vt alibi ostendimus) & in multis aliis, quæ ab eo docentur, deesse video. Sic in Meteorologicis à nullo certo initio auspicatus innumeras quasdam, secundas, tertiásque, vt vocat, qualitates recenset. At interim probare eum oportebat plures esse non posse, quum multæ adhuc reperiantur, de quibus quum nullam mentionem fecerit, illius tractationem absolutam non esse ostendunt. Quod si etiã plura inueniri nequeat, quàm de vnaqua que re ab eo tradantur: tamen nisi hoc probatum fuerit, nec plura, aut pauciora extare posse: nihil egregiũ nouimus, nihil certum habemus, in quo animus quiescere valeat: perpetuò enim nos vereri necesse est aliqua relictæ fuisse: quæ omnino addere oportebat. Quin etiã in Metaphysicis proficitur se explicaturum necessariis, pbarionib<sup>9</sup> quæ omnibus artibus sunt cõmunia, quæq; difficultate, & dignitate ea exuperant, quæ in singulis facultatib<sup>9</sup> docentur: quum interim pauca huiusmodi attingat: & integros libros in nominum explanatione



## A D L E C T O R E S.

tione quæ res vel ad grammaticū, vel logicū potius spectat, quàm cōueniat tanto negotio, operisquæ inscriptioni) cōsumit. Ac ne singula prosequi, & philosophorū principē in iudiciū vocare velle videamur, cui omnia debemus: sunt meo quidem iudicio permulta in omni alia philosophiæ partē (nam de medicina nostra superfluum esse duco aliquid hoc loco scribere, quum vniuersum nostrum opus id abunde tectetur) in quibus vnusquisque laborare posset: multo, vt arbitror, felicius, maioreque laude, quàm si in aliorum sensis eliciendis, vel potius nonnunquam diuinandis assiduò laboremus. Illud verò, quod aiunt neminem alios reprehendere debere, qui iam magnam authoritatem & famam sibi non comparauerit, omnino absurdum est: & ita planè ridiculum, vt confutationem vix mereatur. Nam paucis id contingit, dum viuunt: ac non nisi post aliquot secula, mutatis hominum opinionibus, huiusmodi accedere solet authoritas. Quantam, quæso, putamus fuisse Aristotelis inter Philosophos (dum viueret) authoritatē, quum vix post sexcentos annos, vigente interim Platone, illius opera in aliquò pretio esse ceperint? Quantam verò Galeniquando aduersus Methodicos scribebat, quum passim cōqueratur eos ab omnibus aduocari, maxima præmia & honores illorum esse: doctos autem medicos nec accersiri, nedum cognosci? quod profectò non scripsisset, si illi, quos repræhendebat in maiore existimatione, quàm tunc esset ipse, nō fuissent. Roma discedere coactus fuit, vt illorum authoritati, & fauori immenso cederet: ab Asclepiadeo, & alio quodam Sophista, vt refert, nisi alius prohibuisset, cæsus fuisset: dum pro veritate fortè vehementius certaret. Attamē interim scribebat, eosque refellebat, quos falli existimabat: desinant ergo illi hanc suam authoritatē in scriptore desiderare: permittantque omnes, quæ vera putant, & vt sentiunt, liberè proferre. Eos verò, qui amicè admonent, vt nostræ utilitati, & tràquil-  
litati studemus, agnosco amicos: eorum admonitiones non sperno: calumniosas tamen aliorū repræhensiones contemno: quantumque mihi temporis concedet vita, & aliarū rerum occupatio tribuet otij, ad scribendum potissimum con-  
feram, nec vnquam desinam iuuentutem veritatisque studio-  
sos admonere, vt perspiciant, quid ego dicā, quid illi repræ-  
hendant: qui vel eos decipiant, aut melius illorum utilitati

## IOAN. ARGENTERIVS

consulant. Non proderunt peruicacibus hominibus, & seruis antiquorum scriptorum studia nostra, & pauci forte hoc seculo in tanta superstitione laborem hunc qualemcumque probabunt. At posterì, qui nullis (vt spero) erunt addicti, omnium sententias expendent, & eos à calumniis vindicabunt, quos alij nunc temerarios, nunc arrogantes, dum libere de rebus, vt sentiunt, antiquorum more, & omnium bonorum scriptorum exemplo pronunciant, iudicant. Sint nobis hæc inutilia, turbent vitæ comoda, & tranquillitatem nostram (Hæc enim esse solent virtutis præmia) dummodo posteris, & his etiam, qui nunc viuunt bene affecti, aliqua ex parte prosint: Illorum siquidem, & haud quaquam nostram utilitatem in hac re quaerimus. At qui non agnoscunt docendi hanc, quam sequimur rationem esse corruptam, cupiuntque admoniti meliora sequi, iam à nobis docendi sunt. Ac primum quidem repetenda, & ante oculos ponenda est illa vitata doctrina, sic enim postea quid damnemus, quidque in ea desideremus, qui libet commodius intelligere poterit: Nos nihil affirmamus, nihil negamus nisi antiquorum verbis & autoritate præmuniti, omnem probationem, confutationem, & vt breuiter dicam, omnem docendi rationem ab illis ducimus, & ad eos reuocamus. Si quid verò prætermisum ab antiquis scriptoribus fuerit, inuenire nos studemus: quin potius omnia perfecta ab authoribus, quibus semel nos addiximus, tradita esse contendimus. Vnum Aristotelem nunquam errasse volunt philosophi. Pro Galeno certant medici, & vnusquisque pro suo authore, exuto omni pudore, acerrimè pugnat: Nunquam in dubiū vocamus quæ scribit ille, sed tanquam verissima omnia sumimus. Quod si aliquando tentamus, leuiter admodum id facimus, & eo sanè consilio, vt maior illius diligentia, & ingenium appareat: non vt tandem rationum monitis cōuincamus eum hallucinari, & meliora his, quæ ab eo docentur, excogitanda esse putemus: & demum antiqui semper victores euadant: nosque illis triumphum canimus. Alios verò, qui eum authorem, quæ suscepimus enarrandum, explicant, aut ab eo dissentiunt, si qui fortè sint, veluti perpetua quadam cōtracta cum illis inimicitia, insectamur, refellimus, cōtra illos continuò disputamus: ad hæc venamur quæstiones, & quæ maximè dubia, aut etiam à ratione ne aliena videtur, notamus, vt alios fallere & scriptorum verbis

## A D L E C T O R E S.

bis cogere possimus: putamúsque eos indoctos, qui nō vident eas sentētiās, quas ad probationem citamus, aut interpretari, vel aliqua aliā ratione illorū vim effugere nequeūt: denique in authorum dissidiis cōponēdis anxiosa quadam sollicitudine, inanīque labore nos ipsos conficimus, nec vnquam quid rei natura, de qua agimus, postulet, in nugis occupati expendimus. Quæ profecto nulla ratione, vel digni alicuius authoris imitatione facimus. Quum enim docēdi ratio postulet, vt notius aliquid, quā id, quod docere volumus ad probationem assumamus: ducantur autem omnia, quæ obscuris rebus fidem facere possunt, vel à nostris sensibus, vel ab ingenio, & ratione, temere ob id ex aliorū verbis argumenta colligimus. Quod si quis eos, quorū auctoritate nitimur, plurimum sensibus, & ingenio valuisse cōtendat, vt perinde sit illorum inuentionibus vtī, ac studere: eadem magno labore ex insitis nobis instrumentis inuenire, plurimum fallitur. Nam fatebor quidem illos, quibus omnia tribuimus, ingeniosissimos extitisse: homines tamen agnosco, qui scilicet errare possint. Defuit enim aliquibus in scribendo diligentia: quidam nimio sui amore, & aliorū odio cōmoti percipere nequiverunt, quod rei ipsius veritas dictat. Diuersæ sunt hominum mētes, & quot homines, tot sententiæ, falli ergo possumus. Est præterea veritatis cognitio perinde difficilis, & multis obscuritatibus implicata, quæadmodum illi etiā testantur, vt nemo solus omnia probè inuenire, & inuenta tradere queat: Plus vnus in excogitandis rebus valet, alius in inuētis iudicandis, & docendis alios superat: & vt in aliis artibus plurima in dies, hominū industria, addi conspiciamus: quæ maioribus ignota fuerunt, sic profectò in disciplinis nostris multa superesse credendū est, quæ nullo modo vel sunt comperta, aut nondum satis rectè explicata: nec vnus vnquam omnia inueniet, sed multorum studio, & labore, si semel ea deesse, & nos ad ea excolēda cogitationes nostras contulerimus, fortè perfici poterūt. Sperat Aristoteles aliquos post se venturos, qui logicam, quam ipse se omnino nō absoluisse ingenuè profitetur, absoluat. Credit Galenus fore, vt aliqui nascantur, qui Hippocratem, Aesculapium, quos antiqui inter medicorum Deos retulerunt, doctrina. artisque peritia superent: quorum profectò spes cōcidit, si omnia inuenta, omniāque perfectā putemus.

I O A N. A R G E N T E R I V S

statuamusque paucos omnia melius, quàm nos inuenire potuisse: quasi non idem nunc sit quod olim cælum, eadē terra, idem generandi modus, eadē denique, & faciliior etiā, quàm illis fuerit discendi, inueniendique ratio. Quòd si quis causam quærat, quorū disciplinæ nullum incrementū iam multis seculis acceperint, quū præclarissima semper extiterint ingenia, quæ se ad earū cultum dederunt: nullam profecto aliam inueniet, nisi quòd falsa quadā opinione paucos constituimus omnia nouisse, illis credendum esse, tanquā alterius generis homines, quàm nos fuerint, & alia instrumētā ad veri inuestigationem aptiora quàm reliqui omnes à iustissima natura acceperint. Nam quot sepe videmus ab illis tradita absque aliqua probatione? quot etiam falso ab illis prodita sunt? quot vix aliquo probabili argumēto cōfirmata, quæ nos tamen tanquā verissima necessariāque recipimus? in quibus longe meliora inuenire possemus, si semel absque tanta credulitate ea expenderemus, & meliora inuenire honesta quadam, & planē humana contentione nitermur. Hinc illud factum est, vt Galeni autoritate persuasi, dum negligentius quid sensus iudicarent, spectaremus: hætenus crediderimus simias, & canes pro hominibus dissectos, & descriptos, homines esse: nimirū quòd alterius verbis magis, quàm propriis sensibus peruerso errore seducti credere maluerimus. Quòd si etiam donemus perfecta omnia ab his esse tradita, quorum verbis potissimū nitimur, non tamen propterea rectē docemus. Nam qui autoritate vtitur, non persuadet, sed præiudicat: hominū opinioni assentiri nos cogit: quum tamen docendi ratio possulet, vt ea, quæ in nobis sunt veritatis cognoscendæ principia, excitemus: & ab illis probationes ducamus: Nec alicui credamus: sed quid res de qua agimus, dicter, expendamus. Quid enim alioqui prodest sensus, & rationē à natura obtinuisse, si omnes maiorū sensibus, & ingenio viuimus & assentimur non nobis ipsi, sed his, quæ putamus ab aliis cognita fuisse? Adde quòd nūquā animus quiescere potest, dum aliorū opinione ducimur, An propterea tria rerum principia vel quatuor omnium rerum causas putare debemus esse, quòd Aristoteles id dicat in Physicis? Non id profectò, quū vulgaris omnino & inutiles sit hæc scientia: sed qui rerum naturam cōsuluit, & sensibus vel firma aliqua ratione ita esse cognouit:

tum

## A D L E C T O R E S.

rum demum huius rei certam habet scientiã , quam antea omnino ignorabat, vel plitracorum more pronúciatis aliorum verbis tenebat. Ac profecto si quis diligentius hæc perpendat, inueniet doceudi hanc rationẽ (si melius corruptionem non appello) nihil à fide, quam Diis adhibemus differre: & eos, qui scientias, liberaliorẽsque disciplinas profitentur, deterius omnino his esse affectos, qui vilissimas quasque artes exercent. Nullus est enim calcearius , aut ædificator, qui dicat se calceum construere, & domum ædificare eo modo quo facit, anti uorum suorum artificum autoritate, & verbis persuasus: sed vnusquisque sui operis, & eorum, quæ facere aggreditur, rationem paratus est reddere. Nam quid prodest alioqui rerum causas, effectus, genera , differentias, proprietates, accidentia, diuisiones, varias argumentandi rationes, locos innumeros, à quibus probationes eliciuntur, obseruasse, & didicisse: si nunquam aut certè rarissimè ad docendum illis utimur, sed toti versamur in colligendis aliorum sententiis, aliorumque verbis perpetuò nitimur? Quod si rarius id faceremus, & solum ubi res ob difficultatẽ ingenio, aut sensibus à nobis percipi nequit, tolerabilior sanè esset hic error. Sed quum in rebus notissimis, & quotidiana experientia cõprobat, cumulatim accersitisque vndiquaque testibus id faciamus: ostendimus profectò nos sensibus, ingenio, rationeque magis etiam quàm bruta animalia, quæ suis sensibus, & ingenio mouetur, destitutos. Si enim fortè cum medicis agamus, videbimus eos vereri affirmare panẽ corpus probe nutire (quod docet cõmunis vsus ) nisi statim aliquẽ adferant, qui ita esse scripserit. Philosophus non statuet hominem præcellere reliqua animãtia, nisi Aristoteles, aut aliquis illius interpretes id prodiderit. Nũquid ad maiorum imitationẽ id facimus, quos alienissimos ab hac corruptione fuisse conspiciamus? minimi momenti censet esse Aristoteles argumenta, quæ ab aliorum autoritate petuntur: at nos maximi ea facimus, & illis solum ferè utimur. Qũ ille aliquid probare nititur, principia quærit, quibus fidẽ faciat: At nos quũ de aliqua re disserimus , statim inuestigamus, quid ille de ea prodiderit, cuius autoritatẽ receptã agnoscimus. Ac mihi profectò nihil aliud videtur esse nostri temporis philosophus, aut medicus ( liceat mihi semel dicere quod sentio) quàm qui ex Aristotele, & Galeno sententiã quasdam

# IOAN. ARGENTERIVS

collegit, quas in omni re proposita citare nouit: interim *ve*  
 rò si quis alicuius rei effectus, genera, causas requirat, si ni-  
 hil scriptum apud alium inuenerimus, obmutescimus: ni-  
 mirum quòd philosophi antiquum morem, & rationem  
 iam dudum contempsimus. Nam qua in re quæso qui philo-  
 sophiâ, aliâsue disciplinas profitentur, reliquos præcellunt:  
 præterquam quòd illi Aristotelem legerunt, illius verba re-  
 ferre nouerunt, sicutque veluti indices librorum: alij verò  
 minimè? legendos quidem censeo authores, sed non es con-  
 silio, vt singula illorum verba, & sententias colligamus, sed  
 vt artem veri inuendi, & iudicandi de rebus nobis com-  
 paremus, eosque refellamus, si non placent: atque adeo illo-  
 rum more res ipsas expendere discamus: Sic, me herclè, Ari-  
 stotelem fecisse videmus, qui principia in singulis rebus po-  
 nit, quibus postea ad rerum inuestigationem, & traditionem  
 vitur: nec mouetur ex eo, quòd alius quiuis scripserit, sed  
 perpetuò spectat, quid rei natura dicat. Nonne etiam Gal.  
 eos ubique repræhendit, qui sectis sunt addicti? Nonne in  
 opere quod inscripuit de Propriis libris seruos eos vocat,  
 qui scriptoribus assentiuntur, & Aristoteli, aut Platoni, vel  
 aliis demum authoribus fidem adhibent? An nò longa ora-  
 tione secundo libro Methodi medendi in eos inuehitur, qui  
 prætermisissimis logicis demonstrationibus credi sibi volunt?  
 quòd testimonio Herophili, Hippocratis, aut alterius cuius-  
 cunque scriptoris vtantur: Nonne huiusmodi doctrinâ me-  
 ras nugas vocat, & contentionum procreatricem? An in li-  
 bro secundo de Difficili respiratione, non admonet lecto-  
 rem moueri non debere Hippocratis fama, & autoritate:  
 sed rerum demonstrationes, & probationes quærèdas esse,  
 iubetque ne sibi citra rationem, aut experientiam credamus? Eò  
 etiam pertinet, quod habet in libro de Morbis vulgaribus,  
 in explicatione illius sententiæ Hippocratis, ubi scribitur,  
 nihil negligere, nihil temere: se nò solum in Hipp-scriptis,  
 sed in omnibus antiquorum libris obseruare, vt non te-  
 mere quæ quisque ipsorum dixerit, approbet. sed experien-  
 tia, & ratione verum ne, an falsum sit, quod scripserunt,  
 examinet: quippe quum seruorum, aut libertinorum, vt  
 ait, sit inconsideratè, & temere credere his, quæ sunt ab  
 aliis scripta. Plena sunt apud eum de his omnia, ne  
 singula confectari velle videamur. Quid præterea diffe-  
 rimus

## A D L E C T O R E S.

rimus à Pythagoricis, qui quum interrogabantur de aliqua re, respondere solebant *αὐτὸς ἴσα*. Eos quidem verbis omnes damnamus: nec est, qui se Pythagoricum appellari ferret: Interim tamen illos sequimur omnes. Quare in re Philosophi, & Medici à Legum professoribus & Theologis discrepabunt, si autoritate scriptorum, res decernendæ sunt, & spectandum non est, quod res ipsa dicat, sed quod alij de ea statuerunt: Ac quantū profectò à vera docendi ratione omnes aberremus ex hoc cōstat, quòd Theologi, qui sola autoritate niti deberent, rationem quærant ex Philosophia: legum professores ex cōmuni quadā opinione, quæ leges quocunque trahit. Philosophi verò contemptis rationibus sola maiorum nostrorum autoritate, mancipiorum more, flectuntur: Quamobrem optarem equidē eos, qui se Aristotelicos, Galenicōsque esse profitentur, ostendere in quo eos imitentur. Si enim se eo nomine Galenicōs vocāt, quòd Galeno credant, recipiāntq; tanquā vera quæ ab eo traduntur, planē hallucinantur: quippe quum nihil ille vnā cum Aristotele magis, quā id detestetur: & quanto plus id faciunt, tanto magis ab eo dissentiunt: si verò Galenicus est appellandus, qui illius præcepta, & voluntatem sequitur, ad illiusque imitationem sua studia instituit: sciant illi se longē ab eo, quod profitentur abesse. Nam quonam modo Galenici dici possunt, si iubet is author non esse ex aliorum testimonio petendas probationes, neminīque credendū, & interim ipsi nihil aliud moluntur. Cæterū dubitationes, & (vt aiunt) quæstiones in singulis rebus agitare, superfluum omnino esse duco: si enim via aliqua est veri inueniēdi, quare statim eam nō inimus? sed nos ipsos inani labore in omnium opinionibus excutiendis, & excogitandis cōtrouersis emaciamus. Nam vt optimè Arist. quoque scribit, rectum index sui est, & obliqui: & qui semel intellexit verum, nō amplius opus habet inquisitione falsi. Galenus in libris de Dignoscendis pulsibus sui temporis conditionem deplorat, quòd récepto quodā errore, scriptores, doctoresque non solum quod verum esset explicare, sed etiam aliorum errores confutare & singulorum opiniones expendere cogerentur. At quanto magis deplorare nostros mores, nostraque studia oportet: si quod illi aliquando & parcius, nos continuo in omnibus, nullōque sine facimus: putamūsq; quod in re propo-

posi

# IOAN. ARGENTERIVS

posita verum est, tunc demum inuentū, & stabilitum: postea quàm aliorum opiniones abunde confutauimus: quum interim nihil sit effectum, & frustra laboratū, nisi ex propriis rei principiis, & rationibus quod quæritur, sit inuentum: quod quidē qui statim facit, quid amplius opus habet huiusmodi tam accurata disquisitione, & agitatione opinionum illorum qui aliter de iisdem rebus senserunt? quanquā tamen id omnino non vitupero, si vbi expedit, moderatē fiat. Nam quum id in singulis etiam antiquorū sententiis, & verbis, quæ interpretanda suscepimus, præstemus: hinc profectō fieri videmus, vt vix scientiarū principia egrediamur: & nihil vnquā suo loco doceamus. Siquidē qui logica docet, quæstionibus methaphysicis iuuenū teneres animos cōfundit: Qui methaphysica, aut physica profitentur ex scolastica Theologia materiā mutuatur. Qui verò medicinæ docendæ præsumt, dum quæstionibus philosophicis auditores implicat, medici institutionē omittunt: & interim quum omnes docti, omniāq; legisse videri volumus, & omnia ex omnibus in singulis rebus inculcamus, non solū minimos progressus in docendis artibus facimus, sed etiā auditores confundimus, ac malè iactis fundamentis ineptos ad grauiora studia reddimus: Acuunt (dices) quæstiones ingeniū: Id non negauerim: sed idem licet in re vtiliore facere: iacent enim propemodum contemptæ mathematicæ disciplinæ, quibus maiores nostri ad ingeniū excolendū, & exacuendū nihil melius esse iudicarunt: & in propria quidē professione rei de qua agitur contemplatio vt difficillima, sic strenue spiritū ingeniū exercet: sentio equidē nōnunquā in me omnes sensus commoueri, & omnes ingenij vires intēdi, dum aliquid definire, vel diuidere, aut illius causas vel effectus inuestigare aggredior: & in eo opere perficiendo laboro. Noui etiam quosdā, qui se quæstiones ea ratione probare dicerent, quod nisi essent illis instructi, facile respondere, & propriā sententiā tueri nequirent: Quod profectō cōtingit: quia quum desint meliora præsidia, putamus illud maximū esse, quod ex quæstionaria exercitatione qualescunq; subsidium, ne dicam potius subterfugiū, nobis cōparamus: si enim quis singula definire, diuidere, soluere, cōponerēque nouerit: si antecedentia, cōsequentiaque, & cōiuncta alienāq; à rebus perspiciat: si rerū causas, & effectus teneat, nō solū non habebit



## AD LECTORES.

amplius, in quo dubitet: sed etiam facile suam opinionem tueri, & aliorum captiosas rationes euitare poterit: In his ergo nos exerceri oportet, quæ suapte natura ad veri inuestigationem, & patrocinium sunt optima: Nec committendum est, ut quum interim omnia nostra studia ad disputationem referimus, rei ipsius explicationem, & artis, quam discere, doceræque volumus, veram institutionem contineamus: Quod si contra aliquos disputandum est, illorum potissimum excutiendæ opiniones, quarum autoritas maxima est, ut eorum erroribus exploratis, additisque rebus melioribus, posteris testari possimus nos non omnia, quæ à maioribus nostris tradita fuerant, temere recepisse, & interim agnoscant nos homines esse, qui non aliorum opinione, sed ratione, & sensibus à natura insitis niti debemus. Disputet ergo Philosophus contra Aristotelem & Platonem. Agat medicus contra Hippocratem, & Galenum, quorum quidem autoritas obesse potest: reliquos vero contemnat, quos vincere nulla laus est nec utilitas. Iam vero qui in conciliandis autoribus laborant, omnium maxime dandus sunt: Primum quod superfluum sit huiusmodi labor, & studium. Quid enim quæso prodest ad artes, disciplinasque docendas intelligere Aristotelem, Platonem, aut alios quoscunque scriptores in eo inter se consentire, in quo plurimi eos discere parè putant: aut etiã eundem authorem docere sibi perpetuo consistere, qui à seipso dissentire videtur? siquidem medici, philosophique institutionem quærimus, non autorum conciliationem: ars docendique ratio id facit, non huiusmodi concordia: deinde præter inutilem rem eam moluntur, quæ vel fieri nequit, aut certè ab eo aliena, qui à priore dissentit. Nam qui refugium inuenit ei, qui accusatur, & reprehenditur, aliud calumniatorem facit aut indoctum, quod illud non viderit, vel dissimularit, quod nos ad defensionem, & excusationem excogitauimus. Postremo quid ineptius, quam velle eos in concordiam, & amicitiam reuocare, qui prorsus inter se dissentire volunt? Hinc est quod in hac re monstra fieri conspiciamus, dum alienos sensus contra verborum vim fingimus, & præceptorum vim frangimus, ac in nobis ipsis inimicitias concitamus, ut eos, quibus nos emancipauimus, tueri, & in mutua concordia cõseruare valeamus. O misera secula, ô deprauata ingenia: quãto certè satius esset, dum nos ipsos in his nugis discruciamus, in veri naturamque contemplatione versari, & interim permittere, ut alij  
inter

# IOAN. ARGENTERIVS

Inter se, & à seipsis etiam quantum velint, dissentiant. Ac quantum quidem ab sint hi à vera docendi ratione, ex hoc potissimum constat: quòd si semel constituamus, demumq; Galenum, vel alium, què sequimur auctorè, nunquà errasse, sed sibi perpetuò constare: deinde ab illis egregiis doctoribus, vel medici, vel philosophi institutionè quæramus, inuenimus profectò eos obmutescere, vel à nullo certo principio inchoare posse: nimirum quòd nihil vnquà aliud cogitaerint, quàm autoritate aliorum vti: quæstiunculas proponere, diluere, & in conciliandis authoribus perpetuò laborare. Quòd si ad antiquorù imitationè, & exèplū id reuocare placeat: quis quæso illorù (de antiquioribus loquor Platone, Aristotele, Theophrasto, & aliis bonis scriptoribus) laborauit vnquà in aliis conciliandis? Gal. autè temere eos docere scribit, qui sine methodo docent. At in methodi ratione, quæstionaria, conciliatoriàq; hæc doctrina minime cōtinetur. Est enim methodus eo auctore vniuersalis quædā via, & ratio singulis cōmunis, ex qua omnia rectè inueniuntur, & inuenta, & facta approbatur: quæ verò perperā habent, redarguuntur: Nam qui methodo vtitur, nomina imprimis explicat obscuriora, quib⁹ vti debet, res definit, diuidit à summis generibus vsq; ad infimas species: vbi oportet resoluit, cōponit, rei proprietates, & causas inquit, argumēta, rationes, probationesq; colligit ex natura, causis, & effectibus rerum: ex his deniq; quæ vel sensibus, aut rationi patent: nec vnquà quiescit, donec id, de quo agitur, ad sua principia perduxerit. Hæc est illa methodus, quā tantopere Galenus noster cōmēdat, quum dicit se nihil tractandū, explicandūq; suscipere, cuius methodū antea non didicerit, & in ea aliquandiu se exercuerit: neminēq; excellere posse in disciplinis, qui methodo nō vtatur: temere autè, & fortuito eos docere, qui sine ea docēt, effēq; huiusmodi doctrinā tum cōpendiariā, tū ad recordationē facilē, & neminem absq; illa etiāsi infinita habeat præcepta idoneū artificē fieri posse: Eū verò qui illā tenet, nō amplius præceptis aliorū egere, nimirum quòd sibi ipsi omnia inuenire valeat, & perspicere quid deficiat, vel reducat, quid rectū, quidve corruptū sit: & merito quidē. Quid enim amplius in rebus inueniēdis, & tradēdis desiderare poterimus, si ea præstabis, quæ ipsa methodus pollicetur? Quòd si quis absq; aliorū exèplo hac do

## AD LECTORES.

cendi, discendiq; ratione vti dubitat, inuenit Platonē, Aristotelē, Theophrastū, & sapius etiā Galenū eā sibi proposuisse & diligēter excoluisse: Quo magis mirari licet Doctores in scholis vsq; ad hęc nostra tēpora nec nominis quidē methodi vnquā mentionē fecisse, aut solū inani nomine cōtentos, nunquā spectasse quod res ipsa promittit. Desināt ergo illi maledicere, & eos insectari, qui antiquū, & optimū docēdi genus sequuntur, quod forte assequi nequeunt: sināt alios facere, qui sentiunt id se pręstare posse: permittāt omnes liberē quod sentiunt pronunciare ab aliis dissentire, laborēt ipsi quantū velint in agitandis controuersis, & conciliandis scriptoribus: probationes omnes ducant à verbis, & aliorū authoritate sint veluti librorū indices: ac vndiquaq; authorum sentētiās aceruent: nos autē putemus eos, quos illi tanquā Deos venerātur homines fuisse, qui non omnia nouerint, nobisque reliquerint multa excogitata, agnoscamus nos pariter homines esse, ingeniūmq; & sensus ad veri inuestigationē, & rerū dignotionē à natura accepisse: recordemur idē cœlū esse, eundē rerū ordinē, eadem elemēta, eandē naturam, quæ eisdē homines, vt olim, pariant, & alant: credamūque corruptā esse docēdi rationē, & adulteratas à barbarie & quæstionaria doctrina omnes disciplinas: ac ob malē cōceptas de nobis opiniones, antiquos scriptores, & duos vel tres Græcos homines pro Diis esse habitos, alios autem nec homines quidē putatos. Antiquum philosophādi morē sequamur: probationes ex nostris sensibus, nostrōque ingenio ducamus: Nemini credamus, sed liberē contra omnes quod putamus verū, proferamus: Eorū refellamus opiniones, qui in magno sunt pretio, quorūque authoritas infirmis ingeniis obesse potest: Deniq; eam diuinā methodū fœdatā à sophistica corruptione excolamus, & è tenebris eruamus: qua quidē duce omnes bonas artes, & disciplinas ad pristinū nitorē reuocari posse speramus & confidimus. Ego autē hęc quæ sequuntur opuscula de Re medica in tantis difficultatibus, & aliis meis occupationibus. ea qua potui diligētia, elaborauī: Quæ si studiosis placuisse sensero, in maiore otio nō solū perficere conabor, sed etiā meliora, maiorāq; scribere aggrediar: quibus & ars nostra augeat, & alij huius nostri instituti æmuli ad eadē, vel etiā alia longē præstantiora excogitanda me præeunte, inuitentur.




# IOANNIS ARGENTERII

DE MORBIS  
GENERIS

BVS

LIBER VNVS.



**N**ON ignoro multos fore, qui hanc nostram de morbis tractationem tanquam superfluum damnabunt, propterea quòd de eadem re multi extant antiquorum, & recentiorum libri, inter quos Galenus non solum hæc attigisse, sed etiam diligentius, quam alias omnes medicinæ partes multis voluminibus excoluisse, & prorsus absoluisse videatur: quasi ego putarem me vel cum eo contendere, aut etiam meliora, quam alij omnes excogitare posse. Alij vero aliud in hoc meo instituto reprehendent, qui præiudicata quadam opinione persuasi, antiquorum monumenta non solum amare, sed etiam venerari, & pertinacius quoque tueri consueverunt. Eos verò, qui conantur suo labore, & studio, artibus, quas profitentur, antiquorum imitatione, aliquid ornamenti adicere; calumniari nò desinunt, omnibusque modis insectantur. Quibus sanè nunc respondere nolo, quod paulò antè utcunq̃ feci, quum antiquam docendi rationem à corruptione, & barbarie (quantum in me fuit) vindicaui. Qui verò melius sunt affecti, veritatisque studiosi, si paulò diligentius hæc expendierint, & secum reputauerint quid alij de hac re posteris reliquerūt, inuenient profectò multa adhuc superesse; in quibus vnusquisque, si velit, magna mortalium utilitate, & nò mediocri etiam sua laude versari possit. Nam quum alij serè omnes singula quæque consèctentur, ar-

tem, quam potissimum quærere debemus, ut potè curus vi reliqua continentur, penitus contemnunt. Galenus verò (si mihi in tanta superstitione & rerum asperitate quod sentio dicere liceat) inter alios multa certè de hac, ut de omni alia medicinæ parte optimè conscripsit: quædam tamen non attingit, quæ omnino doceri oporteret: multa variè explicat, quibus rudiores confunduntur, & semel posita principia perpetuò seruare non videtur; omnia verò (quod omnes fatentur) sparsim, prolixissimèquè docet. Quamobrem ego ad eadem scribenda me, studiàquè mea contuli, non ut cum aliquot contendere velim (omnibus enim facilè cedo) aut quod de Galeno male sentiam, ad cuius imitationem studia mea iamdudum institui; vel ab illius lectione studiosos deterream, quem ferè solum inter omnes de medicina scriptores legendum censeo: sed ut in hac parte ipsius Galeni, Oribasij, Pauli, Aetij, & aliorum, qui post antiquiores authores de iisdem rebus scripserunt, exemplo, lectori mea industria laborem minuam, dum quæ ab aliis optimis scriptoribus, atque eo potissimum Galeno sparsim, diffusequè erant explicata, breuissimè colligere contendi: & interim addo nonnulla, quæ desiderari posse videbàtur, obitèrquè admoneo, siquid principiis repugnare aut cū alio cōfundi putè. Quid verò in hac re præstiterim, iudicabūt equi iudices, qui nō liuore aut stupiditate, vel autoritate scriptorum mouentur, sed rationum momenta, & quid demum vnusquisque de quaque re tradat, sincero animo spectant. Ego certè me plurimum consequutum arbitrabor, si qua in re artem nostram auctam mea opera, vel saltem quæ ab aliis sunt prodita, aliqua ex parte meliora, facilioràquè tantis laboribus reddita censeo. Non enim eo animo hæc scribere sum aggressus, ut sperarem mea omnia fore perfectà, sed interim quum hæc antiquorum more docere tentarem, vel alios inuitarem veritatis æmulos, artisque huius studiosos ad ea perficienda, quæ à nobis in tantis aliis occupationibus vix dum inchoata putamus: vel etiam ut in hoc opere, veluti iactis fundamentis, viam mihi pararem ad maiora: melioràquè (ut spero) in maiore otio edenda.

Qua in re primum quid morbus sit, definire tentabimus, quo intellecto facilius ad reliqua progredi licebit,

# DE MORBI GENERIBVS.

3

## De morbi definitione.

### CAP. I.



**M**ORBI VARIÈ definit Galenus: etenim aliquando morbum vocat id, quod primò actionem lædit: quæ ratione priores actiones, quæ sequentes offendunt, veluti concoctionem corruptam, quæ nutritionem fieri impedit, eaque symptomata à quibus actiones labefactantur, vt dolorem, colorem in aliquibus partibus, & in omnibus potentiam læsam, inter morbos ponat necesse est. Solet & aliter eum definire, quod scilicet *Audras*, id est, dispositio, siue affectus sit, præter naturam, quæ primò actionem vitiat. Quæ definitio, etsi ab omnibus recepta est, mihi tamen non multo melior, quàm alia videtur: nam in primis ambiguo vitur genere, in quo etiam author sibi consentire non videtur, & natura rei nonnullas ex reliquis partibus reiicit. Etenim in libro de Differentiis symptomatum, scribit ille non solum morbum ipsum, sed etiam symptomata, & causas morborum dispositiones esse præter naturam: Quo loco etiam affectus, dispositionisque nomen, alterationem significare tradit, eamque stabilem & in habitu: propterea actiones affectus vocari non posse censet, quòd in ipso (vt aiunt) fieri, naturam suam obtineant: qua ratione alterationes, quæ adhuc præsentibus suis causis nascuntur, illisque ablati nondum firmam naturam sortitæ, euanescent, ab effectus appellatione excludit, passionisque esse asserit: differre enim passionem ab affectu, quòd illa sit alteratio, & motus, qui adhuc fit circa materiam, siue qualitas quæ adhuc est in motu, & per alterationem patitur, hic verò alteratio & qualitas, quæ post motum in materia manet: adeo vt passio in ipsa mutatione naturam suam obtineat, affectus verò consistat in eo, quod est factum, & subsistit, & est in habitu permanentiàmque per aliquod tempus obtinet. Itaque sanitatem, & morbum necessario esse in genere affectus, quod etiam libro primo de Locis affectis, aperte testatur. Quæ profectò mihi non placent. Nam morborum causas dispositiones vocare, est (vt credo) nomi-

ne abuti, & res ipsas inter se confundere: quandoquidem ille definit, affectum esse alterationem, & Aristotel. qualitem; causa autem alteratio non est, nec in qualitatibus, sed in eorum quæ comparatæ dicuntur genere continetur. Quod si ea, quæ morbos pariunt, non nunquam sunt qualitates; non tamen omnia, ita ut nequeat nomen affectus cōmunē esse vniuersis causis & quæ qualitates sunt, non propterea alterationes vocari debent; siquidem alteratio est motus, qui à qualitatibus differt, quæ morbos gignunt: quamobrem frustra etiam ad causæ morbi differentiam se addere scribit, in morbi definitione, quod primò actionem lædat; causa autem morbi interuentu: nam in genere morbi, quæ inter illa est differentia, statim conspicitur; siquidem morbus dispositio est, causa autem minimè. *Quædam* præterea vocare alterationem, & qualitatem, quæ sit in habitu, & stabilis, est antiquam verbi significationem corrumpere: quandoquidem ut Arist. aperte ostendit, contrariū omnino significat, nempe qualitatem quæ facile dimoueri potest; diuersam ab ea, quæ in habitu est, posita. Eam verò solum alterationem, & qualitatem quæ stabilis est, siue (ut ille ait) est in facto esse; id est, (ut interpretatur primo de Locis affectis) potest ablata illum efficiente causa permanere, morbum vocare; aut (quod idem est) ut asserit in libro de Differentiis symptomatum, morbum, & sanitatem ponere in genere earum alterationum, & qualitatum, quæ sunt in permanentia ad aliquod tempus, rationi atque nostræ nequaquam est consentaneum. Etenim in colico dolore, Nephritide, Apoplexia, & in affectibus, qui fiunt per consensum, morbi sunt, etiam illi, non nisi minimo tempore, & tam diu perdurent, quamdiu manet humor, aut vapor, aut alia quæ eos peperit, causa. Atque in hoc prorsus sibi repugnat: quippe cum scribat primo, & secundo methodi medendi, eos errare, qui morbum stabile malum esse definebant, contenditque nomen permanentiæ per aliquod tempus, quod illi tribuit in libro de Differentiis symptomatum, ab eius diffinitione penitus subtrahendum: tanquam id quod ad morbi naturam explicandam, nequaquam pertineat; sed differentiam inter morbum longum, & breuem ponat, quod apertius primo de locis affectis testatur, morbos, ut qui res sint similes & esse iam, & vocari, non solum cum facti sunt, sed etiam cum fiunt, id est, ablatis suis causis amplius consistere nequeunt, absurdum enim inquit esse, credere

partes

partes non esse affectas, nec morbo laborare, cum vehementi dolore torquentur; etsi nulla remanet dispositio, & qualitas morbosa in materia; eo ablato, quod dolorem inferebat: & merito quidem: nam si eas duntaxat alterationes, quæ dicuntur factæ, inter morbos sunt ponendæ; fiet utique ut solâ hectica inter febres, morbus sit: nimirum cum in aliis solidæ cordis partes non calefactæ, sed esse incalefieri dicantur: non enim sufficit humores, aut spiritus excalefactos esse, ut morbus sit; propterea quod viuientis partis, non humorum aut aliorum, quæ elementa aut communia sunt corporis instrumenta, sanitas, & morbus sunt affectiones. Ergo affectus non semper est alteratio, & qualitas facta, aut si est, illud certe falsum est morbum semper esse affectum, sed etiam aliquando est passio. Quare per affectum, siue dispositionem definiri communi ratione nequit. Quod verò præter naturam morbus sit verissimum est, & id sæpe ab eo probatum: tamen & in hoc etiam euariat, cum libro primo de locis affectis morbum ponit esse, quando primum corpus à naturali statu vel minimum egreditur, adeo ut ob paruitatem nec à medico cognosci, nec ægrotantium sensu percipi possit: alibi verò negat omnino vitia ea inter morbos reponenda, quæ ob suam magnitudinem hominis actiones euidenter, & (ut ille ait) sensibilibus non labefactant; & merito quidem, quando alioqui decreta eorum qui ἀπ' ἀδυναμίας, toties ab eo damnatam, inuexerunt, hoc modo stabiliuntur, & conualescentiū cōditio, neuterq; status, nō paruo errore, à medicina, eo etiā passim repugnante, tolluntur, si omnes minimas à bona valetudine euersiones, præter naturam reputare oportet. At illud etiam verum non esse puto, quod morbus primo actionem lædat, id est, immediate, & proxime: sic enim primò interpretatur in libro de Differentiis symptomatum. nam inter eum & actionem mediat vis corporis, ut interperies primò causa est facultatis agendi; facultas autem ipsius actionis: hæc verò operis, quemadmodum ille libro primo de Naturalibus facultatibus, & alibi passim ostendit, corruuntque hoc modo omnes libri, quos de facultatibus, nostrum corpus regentibus conscripsit, si illæ inter morbum, & actionem nō ponuntur. Lædūt etiā nonnullæ causæ actiones primò, nullòq; interueniente morbo, veluti cōcoctio alimenti exuperante illius copia, labefactatur, nullo modo interim affecto vetriculo, eo etiā au-



thore, sed euiſta quodāmodo ſtatim ipſa facultate. Quamob-  
 re ſi pari diſtancia cum morbis, nonnullę cauſę actiones corrū-  
 punt, aut eas inter morbos collocare oportebit, aut certę fal-  
 ſum eſt, quod ille ſcribit, morbos primō, cauſas verō ſecunda-  
 rio actionibus obefſe. Non excludi verō ab hac definitione  
 quædam ſymptomata, & nonnulla alia, veriſſimum eſſe puto:  
 nam etſi donemus diſpoſitionis nomen ſtabilem ſignificare  
 qualitatem, poſt actionem dereliſtam, vt hoc concefſo ſepara-  
 mus à morbo actiones priores, quę poſteriores impediunt, nec  
 non dolorem, & potentiam vitiatam, ſi quis hæc neget eſſe diſ-  
 poſitiones: ſecundas tamen qualitates in partibus præter natu-  
 ram contractas, ab eo nequaquam ſecudimus. Eſt enim cor-  
 neę tunicę præter naturam color, affectus, vt ille teſtatur in  
 libro de Differentiis ſymptomatum, (ſiquidem alteratio eſt, &  
 qualitas quę poſt actionem agentis) remanet, læditque pri-  
 mō actionem, vt idem pariter docet libro primo de cauſis  
 ſymptomatum, allucinationes inquam, quę ſunt in viſione  
 circa colores, non ob aliam proximam cauſam committi,  
 quā quod color illius tunicę ſit immutatus. Quod ſi humor  
 etiam aliquis eorum, qui oculos conſtituunt, idem præſtat, non  
 tamen ille, aut alius, hos errores qui ſunt in viſione circa colo-  
 res parit: eo quod humor ſit, vel obſtruat, aut aliud faciat, quā  
 quod ſuo colore efficiat, vt ea quę videntur, eodem colore præ-  
 dita credantur, adeo vt color qui in certis oculi partibus eſt,  
 proximam reddat cauſam, cur flaua, aut rubra, aut alterius co-  
 loris appareant, quę videntur: Atqui nemo huiusmodi colo-  
 rem qui viſionem vitiat, morbum eſſe fatebitur: quippe cum  
 qualitas ſit mutata, & vt poſtea oſtendemus, ex ipſo Galeno in-  
 ter ſymptomata collocari debeat; Quinetiam ob duritiem,  
 molliem, raritatem, denſitatem, ſubſtantię craſſitiem, tenui-  
 tatem & impuritatem materię, aut instrumenti communis, vt  
 Galenus docet libro primo de Differentiis ſymptomatum ob  
 ſpiritum animale vitiatum his rebus, viſionem labefactari,  
 actiones lædi contingit: quę tamen vitia morbi natura mini-  
 mē Galenus comprehendit, cum nec ad intemperiem, nec ad  
 instrumentorum morbos ex illius opinione, (vt infra docebi-  
 mus) pertineant. Poſtremo ex actione morbum definire, dice-  
 réque partes eas ægrotare, quę agere nequeunt, quod facit pri-  
 mo de locis affectis, & in libro de differentiis morborum, vel  
 etiam omnino læſam eſſe illorum ſubſtantiam, vt aperte teſta-  
 tur

tur tertio de causis symptomatum, aut vitiosam non posse esse actionem, nisi pars quæ illam edit vitio sit affecta, ut habet libro primo methodi, alienum à ratione esse puto: nam multarum partium actio aboletur, cuiusmodi sunt nervi, & vocis instrumenta, & aliæ partes, quæ vim, aut materiam ab aliis suscipiunt integra manente propria substantia, quæ tamen nullo morbo interim afficiuntur, sed ob aliarum, à quibus vim, materiamque sumunt, vitia, sua officia exercere nequeunt: vel certe illis remedia essent adhibenda, si modo ægrotantibus partibus mederi nos oportet; at id non facimus, propterea quod non ægrotant, etiam si suo munere & actione priuentur: Nam qualis (quæso) alteratio, qualitasque nervos, obstructo cerebro occupavit? Cur etiam hac ratione ventriculum morbo teneri non dicemus, quando nutrimenti defectu concoquere desinit? quod certè ridiculum foret. Oporteret præterea morbos similiarium ad instrumenta quoque referri, si modo per febres, motus, aliæque instrumentorum actiones impediuntur: quod absurdum esset, alioquin non solum solutio continui, sed omnes etiam intemperaturæ, vtrisque partibus communes morbi statuendæ essent. Hinc illæ sanè dubitationes, quæ Galenum in libro de locis affectis variè torquent, dum quærit, an pars quæ vi aliunde influente, vel materia destituitur, affecta dici possit: id quod nunc affirmat, alias negat. Hinc ortæ controuersiæ, quæ à recentioribus de morbi definitione contentiosè agitantur, dum cornæ tunicæ colorem eo quod lædat actionem, & alia multa symptomata, corrupta tota arte, morbos esse contendunt: nimirum quod nulla ratione in morbi definitione actio ponatur. Quod & ipse Galenus initio libri de differentiis morborum probare nititur, morbum inquam & sanitatē in sua natura actionem nequaquam includere; cum sanos & ægrotos dicamus agnoscamusque esse, etiam si nihil agant. Addo quod morbum necessario sequitur actio læsa, adeo ut in illius definitione assumi ea nequaquam debeat. Nec verò ut signum morbi in illius definitione actio recipienda est: quippe cum aliud sit rei naturam explicare, aliud notas tradere, per quas res dignosci possit. Præterea cum morbus non solum actiones lædat, sed etiam alienas qualitates corpori conciliet, & excrementa naturalia pariter mutet, (Hæc enim omnia morborum effectus ab eo ponuntur.) cur potius actio, quàm alia

duo in illius definitione assumi debet: præsertim quod ex illis clarius nonnunquam, quam ex actione intus latente, morbus innotescat: qua ratione vlcus intestinorum ex mutatione excrementorum, & hepatis morbum ex vitiatō colore in morbo regio deprehendimus, nullo interim præbente indicio, illarum partium actione. Ex quibus quidem patet hanc morbi definitionem, nulli morbo convenire: quia nullus morbus est, qui primò actionem lædat; nec omni si fortè alicui: propterea quòd multi sunt morbi, qui nequaquam sunt dispositiones, siue affectus, vel habitus, sed passionēs: nec non aliis competat, veluti secundis qualitatibus, & materiæ ac instrumenti publici totius corporis, vitiis: quæ tamen à morbi natura ratio excludit. Ac mirum profecto est eundem authorem de eadem re toties loquentem, tantopere à se ipso dissentire; vnòque loco asserere quod alio improbat. Quare cum tot ambiguitatibus plena sit huiusmodi definitio, nec satis perspicuis, atque nostræ accommodatis vocabulis quid morbus sit exprimat, præstat aliter eum definire; id quod rei natura duce, quæ neminem confundi patitur commodè fiet. Itaque cum morbus aliquid sit eorum, quæ corpori accidunt; sit autem quicquid est in corpore, vel constitutio, siue compositio siue forma; vel causa constitutionis; vel eiusdem effectus: necesse profecto est in aliquo istorum sanitatem, & morbum poni. Est porro (vt de similaribus partibus exempli causa dicamus) ipsarum constitutio & forma, Galeno teste, temperies: calidum verò frigidum, humidum, & siccum, & materia quæ constitutioni, & temperaturæ subicitur, & publica instrumenta compositionis causæ. Inter effectus vero reputantur potentia, actio, & opus, quod ab actione nascitur. Est quidem concoctrix facultas potentia: ipsa verò concoctio actio: cibis concoctus, excrementum corporis, color, sapor, odor, & cæteræ corporis secundæ qualitatis sunt opera, quæ sæpè ex actione, & compositione resultant: spiritus verò & humores in corpore geniti, materiæ & instrumenti rationem obtinent; quoniam ex illis partes nutriuntur, & viuere pergunt, ac illorum beneficio proprias functiones exercent: At nemo in causis compositionis & effectis sanitatem, aut morbum inueniet. Est enim sanitas symmetria, idest mediocritas quædam, morbus verò contra metria, idest immoderantia: quod nulla ex causis constitutionis

## DE MORBI GENERIBVS.

tionis est: nam calor, frigus, humiditas, siccitas, quæ tem-  
periem efficiunt, moderantiæ, & immoderantiæ sunt causæ:  
symmetria, aut ametria nequaquam; Nec materiæ quidem  
vitia, vt suo loco postea diligentius ostendemus, sanitas &  
morbis esse possunt, quandoquidem hæc accidentia, & for-  
mæ quædam sunt, quæ subiectæ propinquæ materiæ, suis  
qualitatibus iam præditæ, accedunt. Ac multò quidem mi-  
nus communis instrumenti mala, morbi erunt; quia morbus  
palsio est viuientis. Nemo etiam effectus compositionis sa-  
nitatem, aut morbum vocabit: quis enim excrementum,  
concoctum cibum, aut actionem ipsam, vel potentiam, aut  
aliquam ex qualitatibus corporis (vt vocant) secundis sanita-  
tem, aut morbum esse dicet? aut in illis ponet? Sequuntur  
enim hæc sanitatem & morbum, tanquam vmbra corpus.  
Ad hæc sanos eos vocamus, qui nihil agunt, vnde nec actio,  
nec opus, quod post actionem relinquitur, sanitas, vel mor-  
bus esse possunt, addo quod curatio non causis, nec effectis,  
sed morbis conuenire dicatur: & quod materiæ vitia aut om-  
nia, aut certe plurima nullam medicinam recipiant; morbis  
autem mederi possumus, quorum causis præseruatio Galeni  
opinionem debetur; effectus verò nullum medici officium re-  
quirant: quippe cum sublatis morbis, & illorum causis,  
sponte euanescent. Quare in humoribus, spiritibus, mate-  
ria, quæ subternitur in generatione partium, qualitatibus  
secundis, excrementis, & actionibus partium sanitas, &  
morbis ponendi non sunt, sed in ipsa constitutione, & for-  
ma: Sic enim eos vocamus sanos, non qui possint agere, vt  
Galeno in libro de differentiis morborum placet, quoniam  
hæc ratione in potentia ipsa, causis constitutionis sanitas, &  
morbis etiam constituerentur: agere enim possunt, qui  
agendi facultatem obtinent, & causas constitutionis; sed qui  
partium structuram, & compositionem secundum naturam  
sunt consequuti; ægros verò qui præter naturam sunt con-  
stituti. Quod quidem aperte ostendit initio libri de diffe-  
rentiis morborum, cum ait sanitatem *κατασκευὴν*, id est,  
constitutionem, siue compositionem esse: At cum sanitas se-  
cundum naturam sit, morbus verò præter naturam, erit pro-  
fectò, eo authore, illa nihil aliud, quàm constitutio partium  
secundum naturam, hic verò eadem naturæ contraria: Ve-  
rùm si quis exactius loqui velit, potius in constitutione par-  
tium

tium sanitatem, & morbum collocabit, quàm dicat hæc esse ipsam constitutionem: nam reuera sanitas est symmetria, & perfectio: morbus verò ametria, & vitium, quod in compositione agnoscitur; quod & Galenus ipse aliquando innuit, veluti cum in libro de differentiis morborum scribit, in ipsa structura, & compositione corporis morbum poni debere, & quinto libro de placitis Platonis, & Hippocratis, ubi morbum simularium partium, inæqualitatem, quæ nascitur ex calido, frigido, humido, & sicco, esse desinit. Constituunt namque similes partes eo authore quatuor primæ qualitates, quæ cum inter se iusta quadam mensura temperantur & componuntur, symmetriam quandam efficiunt, quæ sanitas illorum est, & dicitur: adeo ut ea, quæ ex compositione sequitur, aut in ea est ametria, & vitium, morbus sit: tamen in medicina nihil refert si dicas sanitatem esse constitutionem secundum naturam, aut symmetriam illam; quæ ex recta compositione nascitur: aut morbum dicas constitutionem præter naturam, vel vitium, & ametriam præter naturam, quæ in ea agnoscitur: Satis enim est ad medici officia distinguenda, & naturam symptomatum, morborum & causarum morbi dignoscenda, atque hæc inter se sciungenda intelligere, tum morbum, tum sanitatem pertinere ad ipsam partium constitutionem, & structuram: ad quam semper spectare oportet, cum scire volumus quid morbus, vel morbi causa, aut symptoma esse possit: Propterea nos compositionis nomine uti sumus, & utemur in morbi definitione, & aliis quæ generis morbi, aut sanitatis mentionem desiderabunt, postea quàm semel quid de eo sentiendum sit docuimus. Quod si quis morbum, dispositionem, aut affectum, vel aliud quidpiam dicere velit, non laboro, modo his nominibus compositionem siue constitutionem, aut vitium quod in ea est intelligat: ne multiplex, variæque verborum significatione rem confundamus, quemadmodum recentiores fecerunt, qui labyrinthos in hac re inextricabiles affectus nomine decepti, & eo quod adderent in definitione, à morbo actionem lædi, fabricarunt; Non enim color, & aliæ qualitates corporis, quæ actionibus obsunt, morbi esse possunt, ut illi credunt; propterea quod affectus non sunt; siquidem affectus in hac re corporis constitutionem; aut quod in ea ex componentibus resultat

vitium,

vitium, significat, lædit sanè ipsa constitutio vitiata actionem, sed non primo, nec quicquid actioni incommodat, aut prodest primo, vel alio modo morbus, vel sanitas est; sed quod est constitutio vel compositio: quod etiam ex Galeno pater, cum morbum inæqualitatem, aut constitutionem præter naturam, nulla actionis facta mentione, esse describit. Est ergo morbus constitutio, siue compositio præter naturam; Ac quod absoluta sit hæc definitio, ex his patet: quod nulli alteri eorum, quæ sunt præter naturam, & omni morbo conueniat; omnèque compositionis vitium in aliquo genere morborum reperiatur; competantque ei vniuersa quæ morbo tribuuntur; Nam constitutioni corporis præter naturam debetur curatio ex Galeni opinione, estque illa symptomatum causa, illiusque vitium siue permanens sit, siue abeat abeunte illius causa, morbus est, si præter naturam est. Cæterum compositionem hoc loco intelligere oportet non pro quarto genere constituente partes instrumentarias: quemadmodum quum dicimus eas ex conformatione, magnitudine, numero, & compositione simularium constitui, sed generalius pro constitutione ipsa, & vt cõpositionis nomen omnibus significat formam & qualitatem quandam, quæ ex mixtione componentium nostrum corpus resultat, quo modo domum ex lignis, lapidibus, calce, & cæteris huiusmodi inter se certo modo coniunctis, componi dicimus, quæque actionum, qualitatum, & aliorum operum, quæ in nostro corpore fiunt, per se causa est, & ipsius partis essentiam, veluti quum temperiem, constitutionem, compositionemve partium simularium, & eas rectè compositas quum probam temperiem sunt sortitæ, à qua propriè earum actiones proueniunt, ac denique in ipsa temperie earum naturam positam esse dicimus; quod autem compositio in partibus instrumentariis dicitur, quam Græci *σύνθεσις* vocant, coniunctionem (ne imperitos eodem nomine confundamus) deinceps vocabimus. Secundum naturam capiendum est sanitatem esse compositionem, non quòd à natiuitate huiusmodi sit constitutio: Nam multi claudi, cæci, & aliis morbis infecti nascuntur, quemadmodum Eurianaëdis filiam natiua tabe laborasse scribit Hippocrates; Nec quòd perfecta, sic enim senes, qui infirmam conditionem obtinent, à sanitate excluderemus, nec quæ ad actiones necessarias in vita obeunda est apta, quum hac ratione pueri aut senes, qui ob imbecillitatē inepti

ad

ad plurimas actiones redduntur, hoc modo sani non essent; sed secundum naturam intelligendum secundum naturalem & communem constitutionem unicuique naturæ, & ætati propriam: Præter naturam verò, quæ insigniter labefactata est constitutio putari debet. Cognoscitur porro naturalis constitutio tum ex aliis, ut postea ostendemus, tum ex actionibus tanquàm ex suis effectibus: nō quod actio omnis structuræ sit indicium, sed quòd necessariò structuram sequatur actio. Nec verò etiam actiones, quæ sine euidenti noxa sunt, sanitatem ostendunt: morbum verò, quæ euidenter sunt offensæ, quemadmodum Galenus aliquando prodidit. Etenim pueri, & senes actiones edunt, quas nemo omni noxa, carere iudicauerit, quàm illarum imbecillitas omnibus sit conspicua, & (ut illius verbo utar) sensibilis; siquidem sensibilem noxam intelligere oportet, eo authore, quæ sensibus ob insigne illius vitium patet: quippe imbecilliores in senibus, & infantibus actiones multæ conspiciuntur, quàm in validis corporibus morbo etiam laborantibus. Ergo actiones sanitatem non ostendunt, quæ omni noxa vacant, sed quæ tales sunt quales propria vniuscuiusque compositio secundum naturam edere potest: à quo termino si quis recedat, ut iam planè secundum naturam non habet, ita nondum præter naturam affectus est, nisi plurimum à naturali statu recesserit, id quod etià ex actionibus, si velimus, comprehendemus: quæ enim in his euidenter præter propriam vniuscuiusque naturam læsæ apparent, morbum significant. At euidenter læsas intelligemus, non solum si persistere in consueto opere nequeant, & desistere ab eo cogantur (ut septimo Methodi sentire videtur Galenus) sed etiam insigne aliquod aliud vitium habeant, de quibus postea diligentius agetur.

Nam qui delirant, validissimis continuisque motibus ciuntur, quos tamen præter naturam affectos iudicamus.

Quod

*Quod calor præter naturam, lapis in vesica, aut alia parte consistens, vnguis in oculo, magnitudo, numerus vitiat, solutio continui, & cætera huiusmodi morbi non sint.*

## CAP. II.



**S**I VERA sunt, vt putamus esse, quæ posuimus principia, hoc est, si sanitas constitutio est secundum naturam, morbus verò eadem præter naturam, quur est, quòd morbos quosdam dicimus esse calidos, vt quum febrem definimus esse calorem præter naturam, alios in numero, vt lapidem in vesica, vel renibus, & vnguem in oculo? profectò si intelligimus hæc morbos esse, erramus. Non enim aliquid istorum est compositio, siquidem compositio non vnū indicat ex componentibus, vt est calor, lapis, & cætera prædicta. Vt enim domus non sunt lapides, ligna, tectum, fundamenta, vel parietes, sed quod ex illis componitur & resultat. Sic sanitas similarium partium temperies est ex iusta proportionem inter se mixtis, & temperatis qualitatibus proueniens: Estque ea non calor, non frigus, sed certa corporis compositio & forma ex illis resultans. Sic morbus sanè præter naturam constitutio est, quæ excessu, aut defectu componentium fit, veluti intemperies, quæ caloris, vel frigoris, aut alterius qualitatis exuperantia nascitur: Nam si hæc morbi sunt, quænam quæso erit causa proxima morbi? Esse autem morbi causas non morbos ipsos satis constat: Caloris enim excessus temperiem vitiat, & lapis in vesica, vnguis in oculo, & sextus digitus in manu, eo quòd pars vna addatur superflua, numerus partium, & inde structura corrumpitur. Quòd si calor ipse morbus est, quid erit ipsa intemperies; quæ ob calorem exuperantem committitur? si lapis, vel vnguis morbus esse creditur, quid erit ipsa structura partis naturæ cõtraria? eadem est de aliis ratio: Liceat verò idem ex actione intelligere: Nam morbi causa est, quæ morbi interuentu actionibus obest. At si quis quærat, quur lapis actionem lædat, statim afferet, quia aliquid addit vesicæ, cuius ratione ipsius structura corrumpitur, addo quod omnis morbus Galeni  
autho



autoritate affectus sit: hic autem alteratio, hæc verò motus  
 ad qualitatem: at lapis, vnguis in oculo alterationes non sunt,  
 nec qualitates ex alteratione nasci quare nec affectus, nec morbi:  
 sunt ergo illa omnia morbi causæ: quòd si à Galeno morbi  
 aliquando esse dicuntur, non quòd morbi re vera sint, intelli-  
 gendum est, sed illorum nomine quale sit vitium in composi-  
 tione, & quæ causa ostenditur: vt quum febrem dicit esse ca-  
 lorem præter naturam, intelligere oportet febrem esse in-  
 temperiem caloris excessu factam, quod aperte ostendit, quum  
 octauo, & nono Methodi febrem intemperantiæ excessum in  
 caloris abundantia definit esse: vbi nō caloris, sed in temperan-  
 tiæ excessu febris naturā circumscribit, quod etiā ostendit Ga-  
 lenus in libris de temperamentis, & passim alibi; vbi scribit ex  
 calido, frigido, humido, & sicco; & ex illorum mixtione fieri  
 temperamentum partium; adeo vt stupidi sint, qui credunt  
 has qualitates esse ipsum temperamentum, aut illorum ex-  
 cessum esse morbum: nec non idem docet quum morbum in-  
 æqualitatem calidi, frigidi, humidi, & sicci alibi vocari statuit:  
 & in libro de Causis morborum similarium, morbum intem-  
 periem vocat. Eodem planè modo quum lapidem in vesica  
 morbum appellat, intelligit vitiatam esse structuram illius  
 partis ob malum numerum additione lapidis factam. vnde  
 nec numerus ipse corruptus dici morbus debet; vt quum dici-  
 mus morbum esse in numero, sed morbi etiā causa est: ob  
 eum enim partium naturalis structura labefactatur, quemad-  
 modum ob magnitudinem excedentem, vel diminutam, &  
 solutionem vnitatis, & reliqua huiusmodi, quæ corporis par-  
 tes constituunt, alioqui si partem ipsam numero excedentem  
 morbum esse contendas, vt sextum digitum; concedas etiam  
 oportet eam, quæ à naturali numero ablata est, vt digitum ab-  
 scissum inter morbos reponi. At Galenus non id, quod abla-  
 tum est, sed quod relinquitur, nempe structuram ipsam depra-  
 uatam, ablatione illius partis, morbum esse conuincit: Nihil  
 enim aliud sexto digito in corpore relinquitur, in quo morbus  
 poni possit: Quod satis quidem patet ex Galeno quum scri-  
 bit in libro de Differentiis morborum, ob magnitudinem  
 partis instrumentum corrumpi: Requirit verò ad probam il-  
 lius compositionem iustam conformationem, magnitudi-  
 nem, numerum, & coniunctionem similarium. Eex illis au-  
 tem nasci morbum, quum à naturali mediocritate excedunt,  
 vel

vel deficiunt, & gurgulionis abolitionem palato morbum inferre. Est porro peculiare Galeno dispositiones, causarum nomine donare, ut quum stuporem, nunc frigiditatem, nunc dispositionem ipsam à frigido contractam passim libro secundo de Locis affectis vocat. Hæc qui distinguere nesciunt, monstra pariunt, quum rixosè contendunt lapidem in vesica, & vnguem in oculo morbos esse, dubitantque an substantia aliqua possit esse morbus, & huiusmodi alia proferunt non intellecta, verbo vno authorum agitati, minime spectantes quid illorum principia, & rei natura postulet. Principium enim apud eos est (siquidem est definitio) sanitatem esse constitutionem secundum naturam. morbum eandem præter naturam. ex quo intelligere deberent constitutionis nomine non vnum ex constituentibus sumi, & id quod constitutionem, & symmetriam vitiat, morbi causam, non morbum esse ponendum.

*De generibus, & numero Morborum.*

C A P. III.



**G**ENERA morborum cū differentiis à Galeno sæpius confundi, certius est, quàm ut demonstrari debeat. Nam in libro, quem inscripsit de Differentiis morborum, non differentias, sed genera, numerumque illorum explicat: id quod satis ostendit, quum proponit se inuestigaturum, quot, quive simplices, & compositi sint morbi, tum maxime ex ipsa tractatione id patet: docet enim quendam esse morbum, qui intemperies dicitur; alium, qui ex solutione continui, vel conformatione, magnitudine, numero, aut coniunctione vitiata consistit: quæ profectò morbi ipsi sunt, non morborum differentiar: quippe quum ille primo Methodi contendat aduersus Methodicos id, quod per se consistere valet, ut temperiem, & alia, quæ retulimus, differentias morbi esse non posse. Alibi verò passim, & præsertim in libro de Typis, & vndecimo Methodi nihil referre dicat, siue genus, siue speciem, aut differentiam, vel formam, vel naturam dicas. Qua in re mirari licet, quòd alios vehementius reprehendit in eo, quod ipse sequitur, tanta nonnunquam vincendi auditate commotus, ut sui ipsius sæpè im-  
memor

memor reddatur, dum eam, quam sibi vindicat dicendi licentiam, aliis negat. Itaque nos illius imitatione genera à differentis seiungimus, vocamusque genera morborum ipsos morbos, ut intemperiem, differentias autem ea quibus morbi inter se differunt, quæque per se consistere nequeunt: ut morbi, exempli causa, inter se differunt, quod quidam magni, quidam parui, quidam salutares, alij lethales existant: magnum autem, paruum, salutare, & lethale quum de morbo dicuntur, sine eo consistere, nec intelligi possunt. Porro si morbus compositio est præter naturam, & sanitas secundum naturam: quot erunt compositiones inter se genere discrepantes, tot profecto sanitatis, & morbi genera ponere oportebit. Sunt verò duæ duntaxat, compositio similarium ex elementis, Galeno auctore, quæ temperies illarum dicitur: alia ex partibus similaribus, quæ ad instrumentarias pertinet, quam si velis structuram simplici nomine nuncupabis: quæ autem ad totum corpus spectat compositio, eadem genere censeretur cum instrumentariæ partis compositione; nec tertia addenda est, quatum ad genera morborum tradenda attinet: ut enim instrumentariæ partes ex similaribus certa conformatione, magnitudine, numero, cõiunctione, & vniõne inter se coeuntibus coalescunt: sic vniuersum corpus ex instrumentariis ipsis eodem modo inter se compositis constituitur. Duæ ergo sanitates, temperies (sic enim nunc statuamus omnem morbum similarium ad intemperiem pertinere, quod postea diligentius expendemus) & structura secundum naturam; duo morbi, intemperies, & structura naturali contraria. Iam verò quemadmodum ex diuersa compositione, duo genera morborum primò resultant; sic in vnoquoque genere, ex diuerso componentium numero alia peculiaria genera proueniunt: quum enim morbus immoderata constitutio sit, quot erunt quæ singulam compositionem efficiunt, tot sanè morbos ponere oportebit, de quibus sigillatim iam agendum esse puro.

*De generibus morborum similarium partium.*

## CAP. IIII.



**P**ROPRIOS similarium partium morbos, & omnem illorum naturam, & vim ex calidi, frigidi, humidi, sicci que temperie provenire, passim Galenus commemorat: quod quàm rectè sit dictum, operæpretium esse duco, ut paulo diligentius expèdamus: est enim res hæc multis difficultatibus implicata, quis enim quæso similem partem male effictam non censebit, quam breviorē, vel maiore videat esse, quàm oportet? Nam si unaquæque illarum non solum intemperiem ex quatuor qualitatibus in se habet, sed etiam certam magnitudinem, certamque figuram à natura accepit, videtur rationi consonum, ut quemadmodum vitia, quæ ex intemperie oriuntur similaribus propria iudicamus: sic & alia, quæ in magnitudine, aut conformatione contingunt, ad easdem pertinere putemus. De numero verò, & mutua coniunctione alia est ratio, quum hæc non possint, nisi inter plures partes reperiri; Propriam autem magnitudinem, & conformationem singulæ requirant; quamobrem si morbus constitutio est præter naturam: omnes autem eam constitutionem similarium damnent, in qua magnitudo, vel conformatio patitur, quorū horum corruptione nasci in his partibus morbos non dicemus? Si præterea morbus in eo, quod est actionis causa, ponitur, videbuntur & alia genera esse addenda: Est enim partium singularum propria forma actionum causa, eaque à temperamento diuersa, ut philosophi omnes censent, qui temperiem à qualitatibus primis fieri; formam verò à generante, efficientique rebus indi, immittique docent, & ratio etiam docere videtur: Alioqui quorū partes, quæ eiusdem temperamenti, aut certe non multum diuersi, ut os, pilus, ligamentum, cartilago, tantoperè inter se natura, & usu differunt? quod si ita est, quorū etiam in partium forma morbos quosdam non ponimus? quin etiam ex duritie, mollietie, raritate, densitate, crassitie, tenuitate, & nonnumquam sensu, & colore partium actiones lædi certissimum est, siquidem ob duritiem impressiones in partibus difficilius re-

ciuntur, & factæ pertinacius retinentur : qua ratione eos, qui duro cerebro ad imaginationes, & formarum susceptiones ineptos, memoria autem plurimum valere credimus : & partes, quæ duriores existunt, quoniam facile flecti nequeunt, & molliores, eo quod non satis firmam naturam obtineant, ad motiones inhabiles existimamus. Galenus in Arte medicinali ingeniosos eos esse tradit, non qui exacto, aut calidiore vel frigidiore, vel sicciore, aut humidiores sint temperamento; sed qui cerebri substantiam tenuem ab initio sint sortiti: Contra verò ingenio tardo, & haberi eos, quibus ea crassa contingit: ob cutis nimiam raritatem humores immoderate digeruntur, & sudores copiosius emanant: ob densitatem vero parcius, quàm expediat corpus vacuatur: quum tunica cornea proprium colorem amisit, visioni nocet: Ob exactiorem ventriculi sensum, vomitum, singultum fieri, & alio modo illius officia turbari, docet Galenus: quæ vitia, vt in morbis instrumentariorum partium à Galeno non sunt comprehensa, sic ad similes pertinere videbuntur. Nec tamen eius generis, quales stutuuntur, qui in primis qualitatibus inveniuntur; Aliud enim est actionum lædi à crassitie partium, aliud à temperamento, aliud à raritate vel densitate, aliud à calido vel frigido. Nec vero illud recipiendum est, quod recentiores putant in definitione morbi partis similari, non solum ipsam intemperiem, sed etiam quod intemperiem sequitur, morbum esse. Nam imprimis contra Galeni decreta, quem omnes sequimur, tanquam huius definitionis auctorem, id creditur: nusquam enim ille id asseruit, vt qui solius intemperaturæ ex primis qualitatibus, dum agit de morbis similium partium mentionem faciat. Præterea hoc pacto actionem læsam inter morbos ponere cogeremur, vt potè quæ ex vitioso temperamento ea magis quàm alia, quæ retulimus proveniat: quippè indurant, quæ nec siccant, nec calesciunt, aut humectant, vel refrigerant, quo modo duras frictiones fieri scribit Galenus, quum partes corporis manu validius premimus. At interim nihil siccitatis, aut alterius qualitatis præter quàm durities corpori adiunctum putatur, alioqui quæ siccandi vim obtinent, corpori commota id non facerent: quod huiusmodi frictione corpori comparare studemus: quosdam etiam vidimus, quorum temperiem damnare nõ possis, quibus tamen assidue ob cutis raritatem

tem sudor erumpebat. An putamus exquisitum, obtusumque sensum ex temperie nasci? à qua quæso? calidane, vel frigida? at quot inuenimus ventriculo æquè calido vel longè calidiore, vel frigidiore, qui tamen ob sensum exquisitum nihil patiuntur: nam quur non liceret calidis, vel frigidis sensum acuerè, vel obtundere, & quæ natiua hoc modo sunt vitia emendare? An putamus struthiocamelum vi caloris ferrum concoquere? at quur leo idem non facit, qui longè calidior putatur? vnde quæso ea quam vocant medici tenuitatè partium in medicamentis, quum inter ea reperiantur calida, humida, frigida, & sicca? quur Galenus ingenij causam, non ad temperiem, sed crassitiem, & tenuitatem, & gracilitatis venarum causam ad atrophiam libro tertio de causis Symptomatum, non ad primas qualitates, vt duritiem, & mollitiem reuocauit, si omnia proueniunt à primis qualitatibus? Credimus ne colores, & sapes omnes ab illis nasci: quur ergo herbæ quæ eiusdem temperamenti statuuntur à medicis, eundem colorem, saporémve non obtinebunt? & vnea oculi tunica vario colore suffulta conspicitur, quam totam tamen eiusdem temperamenti esse, nemo nisi qui tergiuersari vellet inficiabitur. An credimus crySTALLINUM humorem, & gemmas eum colorem (splendorem, eam leuitatem, perspicuitatem, puritatem, & alias quas habent insignes dotes ex mistura, & temperie quatuor qualitatum obtinere: sed à qua quæso? aut quibus notis ea deprehendi potest. Dulcia omnia à mediocrè calore, amara ab immodica fieri putamus: at interim multa æquè calida inueniemus, diuersis saporibus prædita, quæ & ex frigidissimis amara, vt opium, & quædam dulcia vt cicutam; Quòd si omnia eiusmodi mala ad temperamentum reuocemus, quid formatrici relinquemus? cuius errore ea prouenire sæpe docet Galenus; vt quum scribit tertio de Causis Symptomatum molliores, durioresve partes, vel vitio illius, vel materię multitudinè, & paucitate, à quibus profecto crassiores, rariore, densioresque easdem quoque gigni necesse est. An non etiam morbos oriri in similaribus partibus concedit Galenus, quas ad primas qualitates minimè referre possumus, quales sunt febres pestilentes, morbus Gallicus, & alij, qui maligni morbi dicuntur, & quos venena ea, quæ toto genere lethalia putantur, concitant: Contra quos nō calidis, frigidis, humidis, & siccis, sed his quæ tota substantia agunt, pugnamus:

quod si genus hoc medicamentorum ponit Galenus, quod à tota substantia, vel tota natura, non ob suas evidentes qualitates corporis similis mala propellit, quor etiam non eosdem morbos in corpore statuemus, quibus illa mederi solent? alioqui profecto frustra erunt excogitata hæc alterius esse naturæ, quàm alia, quorum effectus ad manifestas, primasque qualitates rediguntur. Præterea quum tria sint, quibus singularum partium natura constare videtur, propria forma, temperies, idoneaque materia, ratione videtur consonum, ut in vnoquoque illorum morbos quosdam ponamus, quorum beneficio recte valent, & recte sua officia exercent? At materię vitia statuamus esse si pars laxior, adstrictior, tenuior, crassior, rarior, densior, & nonnunquam etiam mollior, durior, & alieno colore infecta reddatur, vel etiam exactione, vel obtusiore sensu sit prædita. Hæc enim ut antea diximus, non semper temperiem sequuntur, sed sæpius etiam materię paucitatem, & exuperantem copiam puritatem & sorditiem, quemadmodum sanè magnitudo quoque & conformatio auctore Galeno ob illius variam conditionem variant. Porro ad formam omnes morbi referendi videntur, qui maligni dicuntur, qui verò ad temperiem spectent, à Galeno docentur, & omnes agnoscunt eos ex primis ipsis qualitatibus pullulare. Verum enimvero si paulò diligentius rem expendamus, inueniemus profecto nonnulla ex prædictis ad partes similes non pertinere, alia verò morbos excitare proprios his partibus. ab his, quos primæ qualitates committunt omnino diuersos. Et enim quæ ex magnitudine, conformatione, duritie, molli-tie, colore, sapore, crassitie, tenuitate, raritate, densitate, laxitate, & adstrictione oriuntur in partibus similibus mala, ad illarum constitutionem non pertinent, sed forte ad instrumentarias, quæ ex similibus conficiuntur; Nam si partes bene constitutas putamus, quæ ita sunt affectæ, ut sibi proprias actiones obire valeant, male autem constitutas iudicamus, quæ ineptam conditionem ad easdem edendas sunt sortitæ, id quod satis Galenus ostendit, quum ait morbum esse constitutionem vitiatam per quam agimus, & in eo, quod est actionis causa, & non in alio, quod in parte sit, eum ponendum censent: constat similiarum compositionem prædictorum vitio non corrumpi, quoniam propriæ similiarum actiones integræ permanent, quocumque ex illis affecto. Sicut enim magnitu

magnitudo, figura, quæ in similaribus reperitur, nihil ad eas pertinere dicitur; eodem modo nec omnes actiones, quæ à similaribus proficiuntur propriæ illarum existimari debent: sed illæ solum, quæ ab illis, vt similes eduntur. Sunt porro similarium actiones quatuor duntaxat, vt alibi ostendimus, attractio, retentio, concoctio, & expulsio, quandoquidem hæ omnes similaribus sunt communes, & huiusmodi partes, quatenus similes sunt, vnâ naturam obtinent, omniâque communia habere debent, & illis solum actionibus egent, quibus augeri, nutriri, & vniformem, similitudinem naturam à qua similes dicuntur, tueri queant: os enim vt similis est pars nihil diuersum à carne, aut ligamento, vel cartilagine obtinere debet: quatenus verò os consideratur, non iam vt similis pars, sed vt durum, solidumque quoddam corpus, quod aliis subternitur, & quo vniuersum corpus fulcitur; intelligitur sic perfecto nervo nihil confert sensus, aut mouendi vis, vt pars est similis, quandoquidem absque illis similis nihilominus esse potest, sed ea ratione, vt aliis partibus, sensum, motumque impartiri valeat: In quo opere, non iam vt similis: sed vt nervus & sensus, motusque instrumentum spectatur. At vt sine illis quatuor facultatibus nutriri nequit, sic nec pars esse potest aliquid, quod in corpore continetur. Quid verò intelligendum sit, quum dico nervum, ligamentum, carnem, & alias huiusmodi partes considerari vt similes, & vt nervus, ligamentum, caro, paucis hic expedire volo; vt hæc & reliqua quæ sequuntur, facilius intelligantur. Nam quod diuersa sit ratio ligamenti, & nervi à parte similari, nec dici illa possint quatenus ligamenta sunt, aut nervi esse partes similes, facile docere possum. Si enim pars similis est, vt Aristoteles capitulo primo libri primi de Historia animalium scribit, quæ in similes partes diuidi est apta, cuiusque particulæ idem nomen, eandemque rationem cum integra parte retinent, quo pacto ligamentum, membrana, caro, (& de quibus magis dubitandum est) arteria, nervus, vena, cerebrum, cor partes similes ab eodem authore, & Galeno dici possunt? Si quis enim membranam definiat dicet esse corpus tenue, densum, latum, aptum, & natum ad alia ambienda: quod non est, nec præstare potest filamentum, aut minima quælibet illius particula; si ligamentum est corpus durum, rotundum, breue, viscosum, flexile factum ad partes, & ossa



potissimum inter se vincienda, quis dicet filamentum ab eo detractum, adhuc ligamentum esse? eodem pacto si quis venam definiat, dicet esse corpus ex tenui substantia concavum, rotundum, longum, ad sanguinem continendum aptum: cuius naturæ esse nequit illius pars, minutim diuisa, vbi nulla amplius potest esse concavitas, nec vsus, nec actio, quàm vena ipsa præstat: Neruum recte quis dicet esse corpus longum, solidum, exangue motus sensusq; instrumentum, cuiusmodi nequit esse exempta ab eo quælibet fibra, aut filamentum, aut exigua alia illius portiuncula; An poterit cor, & cerebrum vocari minima illorum pars, quæ nec vsus, nec actione totius exercere valet? Quod si hæc dum in corpore adhuc sunt diuisa, vt nequeat præstare quod faciebat pars ipsa integra, non amplius partes dici possunt, tanto minus dicere licebit fragmentum, quantum cumque, auulsum à parte, quæ amplius cum toto non est coniuncta esse partem similem, quomodo ergo recte dicemus quamlibet nerui, membranz, carnis, ossis, venæ particulam esse neruum, membranam, carnem, os, & venam, partemque similem? quum nec pars sit aliquo pacto, tantum abest, vt appellari possit pars similis, quæ viuunt, & nervus id est instrumentum sensus, & membrana, id est pars apta ad alias ambiendas, & os id est pars quæ ob duritiem alia sustinere quæ sunt in corpore sit apta. Equidem puto nomē partis similis nequaquam pertinere ad partem ipsam, sed ad partis materiam, ex qua pars conficitur: illa enim sola est, quæ nunc similis, nunc dissimilis dici, & in dissimilia, aut similia diuidi potest: nam vt totum non est materia, ex qua illud conficitur, sed forma, quæ resultat ex materia, siue partibus, inter se certa ratione coniunctis, veluti domus, non est lapides, ligna, calx, sabulum, sed forma, quæ ex materia inter se pro ratione, & forma domus coniuncta resultat, ita pars aliud est quàm substantia, & materia ex qua ea conficitur: est enim pars animalis, quæ potest adere aliquam actionem. Ac vt totum ipsum, quod nihil aliud est, quàm constitutio illa, forma & ratio quæ ex coniunctione partium resultat, non diuiditur, sed totius materia, sic re vera nulla pars est similis, aut dissimilis, sed materia ex qua pars fit, hæc nomina, & diuisiones recipit. Quod Aristoteles, & Galenus, neruum, arteriam, cor, partes similes, & dissimiles dicant esse, ratio est, quod partem aliquando sumant pro materia ex qua illa conficitur: perinde enim est ac si dicant

ex simili substantia, & materia illa constare: cordis enim materiam, & substantiam dicimus esse propriam suam carnem: quæ vniformis, & sibi similis est: Sic venam ex solida, densa, tenuique, & alba substantia, & ligamentum & carnem, ex propria quadam materia fieri agnoscimus: quæ quum vniformis, & vndequeque sibi similis sit, ideo similis, & homogena semper censetur esse: quoniam & integra, & diuisa eiusdem generis, & similis permanet; hac igitur ratione neruus, ligamentum, caro, dicuntur esse partes similes: quod idem est, ac si dicas illarum materiam similem esse: partem enim pro materia, & substantia illius intelligimus. Cum verò sumit partem non pro materia illius sed pro fama, ex qua fit vt possit addere aliquam actionem, aut vsum; tunc quælibet pars prædictarum rerum nec diuisionem in similia, nec nomen idem retinet: nam quælibet nerui pars, neruus non est, nec venæ pars quælibet, vena, nec ligamentum vnaquæque ligamenti particula: quia nequeunt hæc fragmenta idem præstare, quod neruus, vena, ligamentum. Quæ quidem si vera sunt, vt ratio, & sensus docent vera esse, necesse est vt fateamur aliam esse tractationem, quum de neruo, cartilagine, aut carne agimus, vt neruus, cartilago, & caro est, ab ea, qua hæc consideramus, quatenus sunt similes partes; in hoc enim formam, in illo verò materiam partis exprimimus. Proinde cum dicimus nerui, cartilaginis, ligamenti portiuncula esse neruum, cartilaginem, ligamentum, intelligere debemus particulas illas eiusdem esse substantiæ cum vniuersa parte: non quod re vera sint nerui ligamenta, & cartilago: quum hoc nomen absolutè pronunciatum indicet, quod certam actionem, & vsum præbere potest. Ergo quæ ex simplici vniformi, & simili substantia re vera, aut primo intuitu constant partes simplices, vniformes, & similes vocantur. Ac cartilaginem, ligamentum, os, similia vocat Galenus, quod re vera talia sint: neruum verò id est nerui substantiam similem vocat, quoniam etsi ex dissimili re vera materia nempe medullari substantia, & membranis constet, tamen primo aspectu vna, & eadem substantia apparet. Quod si ita est, quæ posita sunt esse vitia similiarum, propria illis non sunt, quoniam actionibus similiarum partium minime nocent; pars namque similis nihil deterius nutritur, & augebitur, si laxa, quàm si adstricta, aut rara quàm densa, vel mollis, quàm dura, aut crassa quàm tenuis, vel parua, quàm

magna, aut bene quàm male conformata, aut denique in aliquo ex prædictis affecta. Itaq; si ventriculus ob nimiam laxitatem nutrimentum exactè complecti, & fœliciter cōcoquere nequit, id non patitur vt simile corpus, sed vt instrumentum, siquidem complexus, contractiōque huiusmodi illi ob cavitatem, quam habet, contingit. Proprium verò alimentum, quo tunica illius opus habent, nihil à laxitate, aut astrictione hac offenditur: alioqui pulmo laxissima pars pessimè nutriretur: Requirit cerebrum tenuitatem, vt ingenij opera probe exerceat: at id nihil ad illius constitutionem pertinet, quatenus simile consideratur: Excretio, quæ per cutem fit, dum sudores immoderatè erumpunt, cutis non est actio, sed ea vniuersum corpus ad transpirationem tanquam instrumēto quodam, vt vesica ad vrinæ collectionem, & emissionem vitur: quamobrem siue materiæ, siue temperamenti ratione, prædicta vitia contingant (non enim id nunc docere volumus) illud certe constat, similiarium partium naturam ab illis minimè labefactari, propterea quòd actiones illarum integræ persistant. Atque ob id Galenus septimo Methodi scribit eum, qui actiones similiarium tueri velit, illarum temperamentum tueri debere; & alibi partem similem id esse quod est, ob certam elementis missionem, nimirum quod crederet non solum ea ponenda esse de essentia cuiuscunq; partis, à quibus constarent, mutarenturque partium actiones, sed etiam quòd similes ipsæ ex solo temperamento quatuor primarum qualitatum conficerentur, propterea scilicet quòd earū actiones soli temperamento tribui debere putaret. Cui certè in hoc assentiri non possum, non ob prædicta vitia, quæ similiaribus, vt ostendimus, peculiaria non sunt, sed ob malignos morbos, quos vt medicamenta, quæ venenis opitulantur, non à primis qualitibus, sed à tota rei substantia prouenire ille etiam passim testatur. Si enim partem similem intelligeremus solum materiam, & substantiam, ex qua neruus, caro, ligamentum, & aliæ quæ similes dicuntur partes fiunt, nullum esset absurdum: nam huiusmodi materiam similem, tum in viuētib; tum in aliis inueniri videmus; tanquam illam sola mixtura, quatuor elementorum efficiat. At quum partem similem intelligamus non solum quæ constat ex simili substantia, temperatæque est ex quatuor qualitatibus elementorum; sed quæ vim agereq; & morbum pati potest, vt neruum, cartilagineum

in

in corpore viuente; cogimur præter temperiem formam occultiorem agnoscere, ex qua fit vt os non sit simile: id enim habet à temperie; sed vt os sit, & pars viuents: quapropter recte eo loco inquit Aristoteles, rationem qua substantia similis est, caro, vel os, & pars viuents non posse amplius à calido, frigido, humido, & sicco proficisci, sed id sumi à forma, quæ inditur, inseriturque rebus à generante. Ergo partes corporis quæ ex simili substantia constant, duplices patiuntur morbos, vnum quatenus ex elementis constant ex quibus fit, vt similes sint & certo modo temperate; alterum ex forma, qua viuunt, & inter se differunt similes à similaribus, vt os, carnem, neruum, & ligamentū inter se differre videmus, vt enim quædam actiones, & qualitates prouenire agnoscuntur in partibus similaribus, potissimum ab ipsa temperie, aliæ à forma; sic rationi est consonum duo ponere in illis morborum genera, si modo in eo quod in parte est actionis causa sanitas & morbus consistit. Quod verò hi morbi quos dicimus consistere in forma proprij sint partibus quæ constant ex simili substantia, non minus quàm illi quos primarum qualitatum excessus committit, patet, quippe cum attractiones, retentiones, coctionesque nutrimenti, atque etiam excrementorum ipsorum expulsionem in singulis partibus similaribus perperam obiri, atque adeo ipsas quoque partes per malignos morbos insigniter lædi, & homines denique sæpius extinguī, quàm ab aliis, qui aliter infestant, quotidiana docet experientia; Cæterum, siue ad formam, siue ad temperamentum, siue ad occultas qualitates hos morbos referre velis, non magnopere contendo, dummodo diuersi generis eos esse cognoscas ab illis, qui ex primis qualitibus cōcitantur: quanquam tamen aptius meo iudicio ad formam quàm ad aliud quidpiam referantur, siquidem vniformis debet esse similarium partium natura, quæ maximè mutari per huiusmodi morbos solet, quod pestilentes febres ostendunt in quibus laborantium cutis vario colore, & omni alia qualitate perinde afficitur, vt sibi similis, & vndiquaque similis vt per alios morbos dici nequeat: Verum medici quoniam formarum naturam ignorant, nec quid illæ propriè pati valeant, intelligunt, maluerunt hoc genus affectus in occultis qualitibus, vel tota rei affectæ substantia ponere: Appellet vero vnusquisque illud quo nomine velit, si modo non ignoret formam singularum partium actionum

earundem causam esse, magis etiam quam temperiem, & quædam vitia in ea statuenda quemadmodum & virtus, roburque actionum illi referuntur accepta: Nos autem deinceps Galenum sequuti, ne in varîa appellatione Lectori difficultatem pariamus, huiusmodi morbos ex tota, vel in tota partium substantia vocabimus: quemadmodum & ipsa medicamenta, & alimenta tota substantia quædam in nobis moliri recepto medicis vocabulo dicere solemus. At verò si pars animalis non est amplius, quæ suas functiones exercere nequit, ac ea constituere singulas partes dicuntur, quæ quum in illis sint, ad earum actiones edendas faciunt: nec non in eo quod in partibus est actionis causa, sanitas & morbus ponuntur: non mirum si partes quæ duplicem actionem obeunt, vnam aliquando læsam habeant, alia incolumi perseverante: nam id accidit ob diuersam, quæ in parte agnoscitur constitutionem; ita vt lædantur illæ actiones, vitata ea partis compositione, à qua proueniunt; seruatur verò ea constitutio illæsa, cuius actiones integræ perseverant; Etenim neruus vt pars est viuientis, & in similari substantia suam naturam habet, non offenditur ab his, quæ constitutionem instrumentorum vitant; nam nerui obstructio naturales facultates nequaquam labefactat, nec desinit neruus esse pars animalis, & sana vt similis per huiusmodi obstructionem, quoniam viuit, & probè nutritur, manente scilicet illæsa ea constitutione, quæ neruo debetur, vt in similari substantia suam naturam & formam habet. At obstructio nerui, sensum, motumque perdit, nimirum quod corrupta sit nerui constitutio; quæ ei conuenit, vt est instrumentum corporis.

*De generibus morborum, qui ad intemperiem pertinere dicuntur.*

C A P. V.



VO esse morborum genera similaribus partibus peculiaria; vnum, quod ad intemperiem pertinet, alterum, quod in vniuersa partium substantia constituitur, abunde demonstratum esse puto. Nunc verò operæpretium est, vt paucis doceamus, qui quòtue in vnoquoque genere inueniantur. Hanc enim Plato optimam docendi rationem existimauit,

uit, quæ à summis generibus exorsa, ad infimas vsque species continue progreditur, quæ in re non est opus, vt plurimum laboremus in illis explicandis, qui in intemperie ponuntur: si enim ex quatuor primis qualitatibus inter se iusta quadam ratione mistis, confusisque elementis, quæ propria sanis est corporibus temperies, oritur, necesse profecto est octo omnino qualitatum excessu morbos in hoc genere resultare: simplices quatuor singulis qualitatibus exuperantibus, totidem compositos iunctis inter se duabus qualitatibus excedentibus calore, & frigore cum humore, & siccitate: quin potius illud explicandum an ex solo calore, vel frigore morbus aliquis contrahi valeat. Calorem namque exuperantem sequi siccitatem, & vincente frigore redundare humorem vetus etiam fuit opinio; quemadmodum libro primo de Temperamentis meminit Galenus: propterea recentiores febrem non solum intemperiem calidam, sed etiam siccam contendunt esse: quod si febris ipsa huius naturæ creditur, nullus profecto alius relinqueretur morbus, in quo solus calor clarius vincere videatur: At si autoritate certandum sit, non deest his Galenus, qui ita sentiunt: quippè qui libro primo de Victu acutorum, & in Aphorismis, & nono Methodi febrem suapte natura calidam, & siccam affectionem, & ob id frigida, & humida postulare refert. Verum idem author illis etiam fauet, qui in solo calore febrem constituunt, vt in libris de Differentiis morborum, & octauo Methodi, & libro de Differentiis febrium, atq; passim alibi: quo sanè constat, quàm incerta sit ea doctrina, quæ aliorum verbis nitur. Atqui rei natura docet excessu solius caloris morbos nasci. Nam etsi siccitatē sibi adsciscat calor, non statim tamen, sed quum diu inualuit illius vis, id facit, nec omnis siccitas, quæ agēte calore prouenit, eius generis intemperiem, quæ inter morbos reputari debeat, committit. Siquidem non qualemcūque, sed tantam omnino oportet esse qualitatis vincentis exuperantiam, vt insigniter affectæ partis actionibus oblit. Quamobrem etsi febris siccitatem parit, & ob id humido victu perpetuò eger, solius tamen caloris exuperantia morbum facit, ob siccitatem autem non semper, sed quum vehemētius progressa, magnæ quoq; siccitatis, quæ iam actiones & alia corporis opera offendere possit, author euadit. Eadē esto de frigidis morbis ratio, quòd scilicet frigus vitiata coctione humorum sobolem procreet, sed non statim, aut non ita, insigniter

infigniter semper, vt humoris ratione morbosa intemperies putari debeat. Cæterum compositam intemperiem duobus modis committi, vno solis ipsis qualitatibus vincentibus, alio affluente etiam humore, in quo exuperet gemina qualitas, auctor est Galenus in libro de Differentiis morborum. At quæ hoc genus morbi, quod ex humorum collectione nascitur, tumoremque præter naturam excitat, ad instrumenta alibi refertur, vt eodem libro & primo de Causis symptomatû, quum inter morbos ex magnitudine prouenientes, eos recenset: id facit quidem optima ratione: Nam etsi perpetuo compositam intemperiem gignunt huiusmodi humores, propterea scilicet quod quilibet illorum duas habet in se exuperâtes qualitates, tamen nonnunquam perinde crescunt tumores, qui ab illis creantur, vt ob magnitudinem structura quoque corrumpatur, & pars sua officia exercere nequeat: quo modo orta in articularis inflammatione partes flecti nequeunt, non tam ob intemperiem, quàm ob tumorem excrecentem agere prohibeantur. Excitantur porro intemperies à sanguine, calida, & humida: A bile, seroso humore, & pituita salsa, calida, & sicca: A pituita alia, frigida, & humida: Ab humore melancholicofrigida, & sicca. Atque hæc satis de morbis qui in intemperie poni debent.

*De generibus morborum, qui in tota substantia inueniri possunt.*

C A P. V I.



VI exactam huius rei explicationem desiderat, id certè postulat, quod omnino fieri nequit: Nam formarum naturam, & rerum substantiam quis exprimat, quod si ex effectibus quales illæ sint, docere velimus, eiusdem naturæ multas indicabimus esse, quæ reuera plurimum inter se discrepant, propterea quod eadem sæpè sequuntur res omnino diuersas, & quæ inter se discrepant, ab eisdem sæpè proueniunt. At si ex causis, vt res ipsa exigeret, rem distinguere tentemus, maior etiam difficultas orietur. Nam si singula quæque prosequamur, vt nunquam assequemur quod querimus, sic nec genera confectabimur: si vero ipsa genera causarum, quænam quæso,

quæso, & quot constitui poterunt? An dicemus quosdam morbos ab aëre ambiente, quosdam ab assumptis venenis provenire: alios ab his, quæ extrinsecus corpus impetunt, quales sunt, qui morfu ferarum concitantur. Verùm nec in hoc quidem assequimur quod volumus, quoniam fieri potest, ut eiusdem naturæ morbos committat aër ambiens, quos & alia pariunt quæ assumuntur, & foris nocent. Nec illud etiam constat quot genera morborum in tota substantia ab omnibus illis, & singulis causis constitui valeant. non enim quemadmodum hi, qui à quatuor qualitatibus nascuntur octo omnino sunt, & quales sint, explicari possunt: sic cuius naturæ existant, quæ prædicta pariunt: diuersos namque morbos aër pestilens gignit, nec quos possint venena facere adhuc est compertum. At nec ex remediis genera horum morborum inueniri possunt, propterea quòd eadem remedia diuersis morbis sæpè opitulantur, ut theriaca, quæ non solum moribus ferarum, sed etiam pestilentibus morbis, quos aër gignit, & assumptis venenis succurrit: quando etiam nec ipsa remedia, quæ aduersus huiusmodi morbos faciunt, generibus sunt distincta, quamobrem ut propria horum natura non agnoscitur, nec causæ, nec effectus, nec remedia certis generibus sunt comprehensa; sic nec genera horum morborum certo numero explicari possunt. Ad id sanè pertinet quod Galenus passim scribere solet remedia, quæ tota substantia corpori profunt sola experientia inuenta, nulla autem ratione constare: quorum autem ratio nulla est, nec certa genera possunt esse. Quòd si quis putaret hæc genera esse quæ tradidimus, quum dicebamus quædam ab assumptis, quædam ab aëre ambiente, alia ab his, quæ extrinsecus nocent sumi, errat. Possunt enim hæc fortè illorum morborum esse differentia, ipsi autem morbi, quos quærimus, certè non sunt; Non enim propterea constat quot sint genere discrepantes morbi, qui ab illis nascuntur.



## CAPVT VII.

**D**ISSIMILARES omnes partes, quæ minimæ, simplicissimæque existunt ex similibus, maiores verò ex minoribus illis instrumentis constari, atque deinceps ordine quodam, & progressu maiores semper ex minoribus constitui, donec vniuersum corpus tandem ex maximis quibusque partibus, artubus, thorace, ventre, & capite resulet, optimus author est Galenus: Requiri autem in omnibus partibus, quæ ad instrumentorum compositionem assumuntur certam conformationem, magnitudinē, numerum, & coniunctionem idem in libro de Differentiis morborum tradit: quòd si vnionis corruptionem de qua postea agemus, propriam quoque his partibus constituamus, quinque omnino hætenus resulabunt proprij & simplices his partibus morbi, vnoquoque; scilicet ex illis præter naturā affecto: quæ etsi recte dicuntur, non tamen propterea constat omnia esse comprehensa hoc numero, quæ morbos in his partibus pariunt: si enim morborum proximæ sunt causæ, quæ constitutionem partium labefactant, huius autem generis putantur esse, quæ illarum actionibus obsunt, imprimis videbuntur alia ponenda, quæ instrumenta corporis efficiant præter ipsas similes partes: quippe quum absque calido nativo, nempe sanguine, & spiritu nulla pars sua officia exercere valeat: deinde plura quàm quinque illa prædicta necessaria putabuntur in partibus similibus, vt ex illis instrumenta rectè componantur: quur enim quæso quemadmodum magnitudinem, conformationem, numerum, coniunctionem, & vnionem, sic idoneam substantiam in partibus similibus non requiremus ad instrumenti constitutionem? Nam si quid ex ossibus, & carne confici debeat, fiant verò omnia vel ossæ, vel carneæ, mala profectò reddetur instrumentariæ partis structura, etsi alia omnia adsint, quæ à Galeno ponuntur. quasdam præterea actiones ob duritiem, mollitiem, crassitiem, tenuitatem, laxitatem, adstrictionem, raritatem, densitatem, colorem, odorem, saporem, & denique

denique reliquas quas solemus secundas, tertiâsque qualitates nominare, lædi, antea ostendimus: quæ quum ad similes non pertineant, proprias certè instrumentariis existimare oportet: quando omnes actiones omnino vel à similibus, vel dissimilaribus proficiuntur: Quamobrem si ea de substantia partium creduntur, quæ actionibus prodesse, obesseque possunt: quur huiusmodi qualitates, quæ noxas evidentes actionibus dissimilarium corporum inferunt, magis contemnemus quàm quæ ad conformationem, aut magnitudinem, & alia prædicta pertinere dicuntur? lædi vero actiones instrumentariæ partis ob huiusmodi qualitates præter naturam affectas facile docere possumus: quæ enim præter naturam duræ, aut molles sunt factæ ad motum, & alias multas actiones, quæ citra controuersiam instrumentariis propriæ censentur, ineptissimæ redduntur: Galenus, vt antea ostendimus ad ingenij acumen obesse crassitiem cerebri, quemadmodum etiam sanguinis profusiones ob tenuitatem tunicarum vasorum contingere refert libro tertio de Causis symptomatum: quinetiam ob raritatem immoderatè, ob densitatem minus quàm oportet vniuersum corpus digeritur. Ventriculum continere amplectique non posse alimentum dicimus, quum præter modum laxatus fuerit, propterea adstringentia ad illius robur, & cõtionem conferre credimus: cæterum lædi visionem, quando cornea oculi tunica densior quàm conueniat, aut rarior extiterit, vel alieno colore fuerit infecta, nemo est, qui non agnoscat. Nec alienum quidem est ex sapore, fetidòque odore similiarium partium actiones instrumentariarum corrumpi, quod Galenus etiam in libris de Symptomatis ostendit. Hæc & similia in hac re adferri possunt: quorum quædam scriptores recentiores nullo modo attingunt, alia verò meo quidem iudicio malè interpretantur. Nam quur sanguis, & spiritus quemadmodum ossa, caro, & ligamenta assumi non debeant ad partium instrumentariarum compositionem non docent, quid verò de mollitiæ, duritiæ, crassitiæ, tenuitate, raritate, densitate, laxitate, adstrictioneque sentiendum sit, explicare non conantur, solius coloris mentionem facientes, quem temerè concedunt morbum esse, vbi in eum, qui præter naturam est, mutatus fuerit: hac ratione quoniam et si

etsi temperies non est, ex his tamen est, quæ temperiem sequuntur. Nam si causam morbi dicerent esse huiusmodi colorem, condonari illis posset facilius hic error, morbus enim nullo modo esse potest, quum ipsa non sit constitutio labefactata. Illud verò si concedamus non solum ipsam intemperiem, sed etiam quod temperiem sequitur esse morbum; eadem ratione actionem læsam inter morbos ponamus oportet, ut antea ostendimus, quippe quum ex vitioso temperamento non minus illa quàm color partium euariet. Præterea quum morbum constituunt esse ea, quæ temperiem sequuntur, similarium quoque partium morbum fateantur necesse est, & visionem ipsam actionem cornæ tunicæ similis partis, non totius oculi: quo fiet ut actio vnius partis à constitutione alterius vitata primò impediatur, alioqui illorum opinione morbus non esset, quæ omnia profecto sunt absurda. Ego verò aliter puto esse sentiendum: Ac imprimis sanguinem, & spiritum inter ea non esse recensenda, quæ instrumentarias partes faciunt. Nam etsi absque illis actiones exerceri non possunt, tamen non ut partes id præstant sed ut instrumenta, quibus natura ad vniuersas functiones vitur: quæ autem instrumenti naturam subeunt, in omnibus rebus sciunguntur ab his, quæ res ipsas constituunt. Quod ut facilius intelligi possit, opere precium esse duco, paulò altius rem exordiri: nam cum pars sit, quæ ad totius constitutionem facit, mirum forte videbitur, quod Aristoteles nonnulla recepsit aliquando inter partes, quæ alibi negat partes esse. Etenim capite secundo tertij libri de Historia animalium, inter similes partes, sanguinem, saniem, seuum, excrementa, pituitam, utranque bilem numerat: idem de sanguine scribit capite secundo libri secundi de Partibus; At capite secundo primi de Historia, inter partes animalis humores nequaquam ponit; quin etiam idem author capite sexto secundi de partibus scribit, partem omnem constare ex sanguine, tanquam sanguis pars non sit: quod apertè testatur capite decimo eiusdem libri, sanguinem, inquam, nullam esse animalis partem. Aristotelem sequutus Galenus, passim docet quasdam partes fieri ex sanguine, alias verò ex semine, & in libris de Elementis, & alibi, humores nequaquam appellat partes, sed sensibilia corporis elementa: & meritò quidem: nam si omnis pars, ut ille statuit in libro de Constitutione artis, & septimo

Methodi,

Methodi, & passim alibi, aliquam edit actionem constat profecto sanguinem, spiritum, humorem, pilum, vnguem, adipem, & si quid aliud huiusmodi est in corpore; quod solum gignitur, nec viuit, partem esse non posse. Hanc controuersiam non est facile componere; Nam si pars est id, sine quo totum nequit esse, quo pacto animalis sanguine præditi, sanguis non erit illius pars? cur etiam animalia quæ nata sunt habere vngues, pilos, poterunt constare absque illis? erunt quidem forte illa animalia, sed non ea, ut illorum natura postulat, prædita omnibus suis partibus. Hanc difficultatem non fugiunt, qui negant hæc partes esse, contracta suo arbitrio partis definitione; Manet enim adhuc dubium, cur ab authoribus prædictis dicantur illa, aliquando esse partes, aliquando non esse. Mihi verò videtur ratio huius rei peti à consideratione totius: nam quum id quod ex multis constat diuersis rationibus considerari possit; sit ut idem nunc sit illius pars, nunc verò minime; Partem enim oportet esse eiusdem generis cum toto: ita ut si totum substantia sit, illius partes substantias esse sit necesse; ut rectè dicere solet Aristoteles, substantiæ partes substantias esse: si verò totum est, cuius partes consideramus, accidens, erunt vtique illius partes accidentia; si totum est quantum, & partes illius pariter quantæ. Propterea nec linea ex punctis, nec numerus ex vnitatibus constare dicuntur; eadem ratione, si totum est corpus, partes erunt corpora: si totum viuens, & partes viuentes. Ergo pili, sanguis, humores, spiritus, vngues, partes sunt substantiæ corporeæ, quia substantiæ sunt, & corpora: animalis verò nequaquam; quoniam animal viuit, & non nisi ex viuentibus partibus constitui potest. Quia igitur Aristoteles, & Galenus considerant aliquando animal, ut corpus, aliquando verò ut animal est, ideo dicunt sanguinem, & alia prædicta, nunc esse partes, nunc verò non esse: sic etiam Aristoteles docet, aliquando partes esse formam, & materiam, non quidem corporis vel animalis, sed substantiæ: propterea inter partes animalis & corporis, in libris præcitatis mentionem haudquam facere solet formæ & materiæ, quod nec etiam Galenus facit, qui elementa mundi, & quatuor humores inter partes non recenset, ut qui non substantiæ aut corporis, sed animalis & hominis partes querat; Ac multo quidem minus materiam & formam partes vnquam esse dicit: tanquam is qui communissima rerum principia, & partes in medicina cõtemnat. Me-

ritò igitur sanguinem, aliòsque humores & spiritum inter partes animalis, & hominis, quorum & naturam, & compositionem quærimus recipiendas non esse diximus. Nam ex eo quod in parte non est fixum & stabile, nec proprium alicui, quo pacto cõstare potest, quod est firmum, solidum propriamq; & diuersam ab aliis habent naturam. Ergo humores & spiritus partes non sunt, ex quibus instrumenta corporis conficiuntur: habent autem nunc rationem materiæ, nec communis instrumenti: nam quum ex illis similes partes gignuntur, materia illarum sunt, & corporis elementa: quum verò suo affluxu excitat calorem & facultates insitas singulis partibus, communia instrumenta esse, censentur. Caterum si omnia ex vnica substantia fiant, veluti si vniuersæ partes instrumenti, ex sola carne constent, non seruetur numerus earum partium quas compositio dissimilium postulat. Requiritur verò in similibus partibus idoneam substantiam molliem, duritiem, crassitiem, tenuitatem, & reliquas prædictas qualitates concedendum esse puto: non tamen propterea noua genera morborum in dissimilibus partibus ex illis nasci, quum poni debeant partes similes bene affectæ in sua temperie, & substantia, & reliquis qualitatibus, quæ ea vel etiam fortè subiectam materiã sequuntur. Supponimus enim in omni re materiam, cuius formam quærimus: nec materiæ vitia formæ sunt, aut Artificis, qui formam materiæ inducit: non enim dicitur domus malè constructa; si ex malis lapidibus, lignis, & alia materia vitiosa, sit constructa; sed in forma, quæ propria illi debet esse fuerit erratum: tunc enim dicimus corruptam esse proportionem, & domum malè fabricatam; quod si illius forma, & constitutio recta est, materia autem vitiosa, dicimus quidem domum rectè esse constructam, sed illius materiam malam esse. Ut igitur in domus, & aliarum rerum artificialium structura materiam supponimus, suis qualitatibus præditam; sic in structura instrumentorum corporis, supponendæ sunt partes similes, cum illis qualitatibus, quæ necessariò earum materiam, temperiem, & formam sequuntur: & quærendum postea quid in illis reperiatur, ex quo instrumenti, & totius formæ consurgat, itaque dicimus laudquaquam spectari morbos, aut vitia alia, quæ à propria similiarum natura, & temperie statim, vel qualitatibus earum sequentium merito proueniunt; alioqui quum ob caloris, vel alterius qualitatis excessum impeditur actio partis instru

## DE MORBI GENERIBVS.

3

instrumentariæ, vt motus corporis in febribus, cogeremur profectò intemperiem ipsam, causasque illius ad instrumenta referre, quod absurdum omnino foret. Nec verò illud nos mouet quod ea actionē lædant partis instrumentariæ: propterea quod non quidquid actioni partis illius efficit, morbus est, sed quod constitutionis illarum natura continetur, id enim per se actionibus obest. Nam, vt antea diximus, intemperies, motum, sensum, & multas alias instrumentorum functiones offendunt, quas tamen ab illorum morbis excludimus: propterea Galenus intemperaturas crystallini humoris lædere quidem oculi functiones censet, sed tamen eas ab oculi instrumentariæ inquam partis morbis excipit. Quod si ita est, duritiem, molli-  
tiam, colorem, & reliquas qualitates, quæ temperiem sequun-  
tur, etiam si actiones lædant, ad eas tamen partes minime per-  
tinere putandum est. Sed vt temperies & substantia idonea  
similariū supponitur, quum ex illis instrumenta constari de-  
bent; sic & prædictas qualitates supponere oportet. Adde  
quod & morbis per se medemur, eas autem qualitates corrigi-  
mus, non ipsis, sed temperaturæ adhibitis remediis. Eodem  
modo durities, & mollietates bene temperatis similari-  
bus partibus, secundum naturam habent. Nec par est de illis, quæ est  
de asperitate, & laxitate ratio. Nam durities, & mollietates, non  
mutata vehementer temperatura, variari non posse creduntur.  
Asperitas verò, & laxitas, manente etiam eadem temperie, fa-  
cile immutantur, utpote quæ facultatis formatricis providen-  
tiam sequantur, quæ eas partes læues, asperasque in eadem  
temperie, quas tales esse oportebat, efformat, quum sicciora  
etiam quedam ossa, quæ aspera esse oporteret si temperaturæ  
vim spectaremus, laxiora aliis humidioribus, mollioribusque  
efficta à natura conspiciamus. Sequitur raritas densitasque, vel  
calorem & frigus, vel materiæ copiam & inopiam. Itaque si se-  
paremus à partibus instrumentariis, quæ temperiem, propriamque  
naturam similariū necessario sequuntur, & communia omni-  
bus actionibus instrumenta, non plura quam quinque relin-  
quentur ad instrumentarias conficiendas necessarias, nempe  
conformatio, magnitudo, numerus, coniunctio, & continuitas  
similariū. Sic enim domū rectè fabricatam iudicamus, quem  
omnes suas partes iusta magnitudine erectas acceperit; & ostia  
fenestras, aliosque meatus idoneos habet, & vbi expedit est  
aspera vel læuis, & decentem figuram, connexionem & par-

tium vnionem est conſequuta.

Nam ordo in coniunctione continetur, quandoquidem recta non poteſt eſſe partium poſitura, niſi certo quodam ordine ſingulæ partes fuerint diſpoſitæ. Ex quibus quidem patet ſimilares partes materiam eſſe instrumentariarum; ex ſimilarium verò magnitudine, conformatione & ex pluribus ſimilaribus numero, & coniunctione, diſſimilares instrumentariæ partis formam, & compositionem reſultare: nec non ſanitatem, & morbum nõ in omni re, quæ in parte eſt actionis cauſa, ponenda eſſe, ſed ſolum in eo, quod ad compositionem, & formam ipſius partis pertinet; nam cum etiam vicio materiæ ex qua instrumenta conſciuntur, lædantur illorum actiones, vt antea oſtendimus: certum eſt in his morbos diſſimilariū non eſſe reponendos: ſed ſolum in forma & conſtitutione, quæ instrumentis debetur; Quippe cum morbus, & ſanitas affectiones quædam ſint, & forma, quæ materiæ addita partem conſtituit, intendique & remitti artique noſtræ ſubiici poſſunt; materiæ autem plurima vitia ex primis principiis orta, nullam mutationem, nec medicinam admittant; propterea mirum non eſt, ſi aliquando multarum partium actiones læduntur, nec tamen illis proſit medicina vlla; quoniam ex materia indita à primis principiis vitium eſt contractum. Eſt ergo morbus vt antea ſuppoſuimus vitium quod formæ, & non materiæ partium accidit. Eſt hæc quidem de his noſtra opinio, quan-

quàm non impedio vt alij aliter ſentiant. An verò quemadmodum compositionis cauſæ poſitæ ſunt, quæ ad actionem partis edendam propriè cōferunt, ita omnis actio ex ipſa ſtructurea proueniat, poſtea expendemus, quum de effectibus morborum agemus.

De morbo

*De morborum generibus, qui in instrumentariis  
ob formationem nascuntur.*

## CAP. VIII.



VOD Galenus in partibus *Autaractis* vocat, nostri, nunc conformationem, nunc formam vertunt, tria autem hoc nomine significari Galenus scribit figuram, asperitatem & læuitatem, cauitates & soliditates partium; & optimè quidem, quum eas partes male efformatas dicere soleamus, quæ vel peruersam sunt consequutæ figuram, vel asperiores, vel læuiores, aut solidæ, vel perforatæ præter naturam sunt effictæ: quod si ita est tria in primis morborum genera in conformatione resultabunt; Vnum, quod in figura, alterum, quod in asperitate, & læuitate, tertium in soliditate, & meatibus consistit; Ac in singulis quidem generibus alij nascuntur morbi, tot profectò numero, quot modis earum recta constitutio corrumpi potest: Nam multis modis figuram partium variari contingit, siquidem quæ rectæ naturæ esse debent curuari possunt, & quæ curuæ erigi, & omnes flecti, reflecti, distorqueri, inæqualiter crescere, aut minui, & quæ rotundæ nonnunquam quadratæ euadunt, & hæc alias figuras capiunt; denique tot morbi peculiare in hoc genere oriuntur, quot possunt ipsæ esse figuræ cuiusque partis. Nec illud etiam ignorandum est figuram aliquarum partium primò, & per se, aliarum verò per Accidens corrumpi: quemadmodum angustiore facto thorace pulmo figuram suam seruare nequit. At in asperitate, & læuitate, vnicum solum genus statuitur: exasperatis scilicet partibus, quas læues esse oportet, & illis læuigatis in quibus naturalis conditio asperitatem requirit. Cæterum in partibus, quas natura meatibus quibusdam, & cauitatibus donauit: multiplices morbi inueniuntur: vel enim plures, aut pauciores, vel latiores, aut angustiores, aut etiam penitus deperditæ sunt cauitates, & meatus: Partes verò, quas necesse est solidas esse, in hoc morbum experiuntur, quum excavatæ fuerint, meatusque aliquos acceperint. quæ quoniam exemplis aptissime à Galeno docentur, & statim etiam per seipsa innotescunt, ad alia morborum genera properabimus.



## CAP. IX.



**I**NSTRUMENTARIAS partes quasdam ex vna similari substantia, alias ex pluribus similibus constare Aristoteles docet, ac in illis quidem nec sanitas, nec morbus, ex numero partium consistit, in his verò duos nasci morbos corrupto iusto numero partium; quando scilicet plures fuerint, aut pauciores quàm esse deberent, omnibus constare puto, & id rectè à Galeno etiam demonstratum fuit: qui in hoc tamen non placet, quòd quosdam affectus ad numerum referat, qui ab hoc genere videntur alieni, tum quòd etiam quosdam in hoc genere aliter ponat, quàm còuenire videatur: etenim deficientes partes diuidit ille in lib. de Differentiis morborum in funditus abolitas, & ex dimidio præcisas, siue mutilatas. quemadmodum si linguæ portio, vel pudendi amputetur, contenditque huiusmodi mutilationes ex dimidio factas ad numerum, non autem ad magnitudinem esse referendas: propterea inquit, quoniam etsi magnitudo aliqua à parte demitur, non tamen vsque adeo euident est in magnitudine vitium, vt ob id mutilatum animal videatur. interim tamen numerus partium sit diminutus. At ego aliter puto esse sentiendum: Nam per huiusmodi diminutiones membrum numerum suarum particularum sæpè retinet, sed breuiiores omnes sunt effectæ: abscissa enim linguæ portione, quæ relinquitur suas venas, neruos, carnem, & denique omnes partes, quibus constat, obtinet sola magnitudine dimioutas, nec facit quòd totum non videatur ob magnitudinem deperditam insigniter affectum, quum totius morbus non sit, sed partis relictæ, quæ certè mutilata apparet: quòd si ex dimidio factas obruncationes inter mala, quæ ad numerum spectant, reponamus, quur etiam supercresecntem vlceribus carnem, quam ille ad magnitudinem refert in eodem genere nò collocabimus? Ac etià si quis spectet actionis impeditæ causam, inueniet profectò vitium esse in magnitudine, non in numero: quòd enim loqui nequeat, cui linguæ portio perijt, causa in promptu est, quòd illa ob breuitatem ad omnes oris partes exeri, extendique nequeat: quinetiam in hoc rectè sentire mihi non videtur, quòd decimo quarto Methodi ophiafum, & alopecia inter hos etiam morbos ponat, qui ad

nume

numerum pertinent; quemadmodum, & vitiliginem, melicerides atheromata, & steatomata, Nam si spectemus pilorum vitia, quæ in ophiasis & alopecia contingunt, symptomata erunt, siquidem illis non medemur, sed subiectæ intemperaturæ, corruptionique humorum, quo fit vt morbus, qui in illis reperitur, intemperaturæ sit genus quoddam, non autem in numero morbus vllus: sic præterea pilos partes corporis faceremus, vel similes, vel organicas, agerent ergo aliquid: quando quidem omnis corporis pars suas habet actiones: Nutrirentur igitur vt omnes corporis partes, At ille negat secundo de Temperamentis pilos nutriri, sed excrementi affluxu impelli solum, & in longitudinem extendi. Vitiliginem in libris de Symptomatis collocat inter symptomata, quæ male peractam nutritionem sequuntur, eandem verò (vitiliginem inquam) melicerides: præterea achores, & atheromata, steatomata morbos esse scribit ex intemperie, quam parit humoris vitium. Credit etiam decimo quarto Methodi carnem, quæ ab vlcibus deciditur ad numerum attinere, quam in libro de Differentiis morborum verius ad magnitudinem refert. Caterum inter ea, quæ corpori adiciuntur nonnulla esse toto genere præter naturam, vt lapidem in vesica, vermes, pus, grandinem, suffusionem in oculo, & quæ in abscessibus reperiuntur, & denique (ne singula prosequamur) quæ ex substantia constant prorsus inutiles, atque ita corpori sunt inimica, vt non solum alterationem, aut diminutionem, sed integram ablationem desiderant; quædam verò ex genere eorum esse, quæ secundum naturam existunt, optimè à Galeno in libro de differentiis morborum est proditum: qui tamen non mihi videtur rectè vnguen oculi his annumerare quæ dicuntur esse secundum naturam, vt sextus digitus, qui aliquibus adnascitur. Nam etsi vnguis ille similitudinem quandam habet cum vnguibus digitorum, nihilominus ex diuersa & inutiles omnino materia est confectus. Itaque commodius meo quidem iudicio consistet in genere eorum, quæ toto genere naturæ contraria censentur.

*De morbis in magnitudine.*

C. A. P. X.



VO prima morborum genera magnitudinis vitio in partibus corporis nasci quilibet facile agnoscere potest: vel enim supra modum excrescit partium mo-

les, vel minuitur plusquam ratio postulat: Est autem decrementi vna ratio, quum ipsa partium substantia demitur, Altera quum partes nutrimenti defectu contabescunt. Incrementi autem etiam duplex, aucta scilicet partium substantia additione familiaris, cognataeque materiae: quod illis euenit, quibus praeter naturam caro, pinguedoque augetur, vt de Nicomacho Smyrneo refert Galenus, & his quibus vel lingua, vel alia pars supra modum statim ab initio excreuit, vel etiam accedente magnitudine humoris, vaporisque affluxu, quemadmodum inflammatae, indurataeque partes, vel flatu distentae extuberant vsque adeo, vt magnitudo actioni obsit, alioqui ad hoc genus huiusmodi vitium non pertinebit, sed simularium partium erit morbus, quae ex humoris contactu geminam contrahunt, qualem habet redundans materia temperiem. At caro, quae in vlcerae partibus plus solito crescit ad magnitudinem quoque spectat.

*Genera morborum, qui ex mala conjunctione proueniunt.*

CAP. XI.



**I**N coniunctione partium spectari positum, & mutua connexionem optimè scribit Galenus: quae enim inter se rectè coniunguntur suo loco stare debent, & commodè praeterea colligari: quod si haec vitientur duo omnino fient morbi, vnus quum partes à suis sedibus recedunt, & peruerso ordine collocantur: alter quum perperam colligantur. Porro in situ proprii morbi contingunt, si quod in superiore loco collocari debet, in inferiore sit positum: si dextrum fiat, quod in sinistris oportebat esse collocatum; Item si retrocedat, quod anteriorem locum desiderat, aut longius distet, quod propinquum vult esse natura, aut iaceat ad latus, quod in medio constitui debet, vel foris est, quod intus naturalem suam sedem obtinet: vt quum per vulnera thoracis pulmonis fibrae exeruntur. At in connexionem morbi nascuntur, quum ligamenta longiora, breuiora, crassiora, tenuiora, latiora, angustioraque fuerint, vel aliam figuram, aut aliud denique vitium acceperint, cuius ratione partes peruersè connectuntur: quod si partes inter se coarticulentur, vtriusque vitio recta structura corrumpitur, & varij morbi nascuntur: quum enim quae

quæ aliam suscipit angustioiorem habet concauitatem, aut latiore, quàm alterius conditio requirat, aut è contra malè affecta est, quæ in aliam inferitur: quor erunt in singulis vitia cuius occasione structura instrumenti corrumpatur (neq; enim in omnibus eadem esse possunt, quum figura magnitudine, multiplicitate alia ratione partes quæ eisdem vinculis copulantur, inter se differant) tot planè morbi in illis resultabunt.

*De morbo, qui communis similaribus & instrumentariis partibus à Galeno ponitur.*

## CAP. XII.



**C**ONTINVI solutionem non esse morbum, sed illius causam antea ostendimus, atque hanc quidem non communem morbis similarium, & instrumentariarum partium, sed propriam duntaxat instrumentariis putamus: propterea nullum communem morbum simplicibus, & compositis partibus ex soluta vnione prouenire, vt Galenus putat, nobis persuademus. Nec in hoc quidem spontè, vt nec in aliis, ab eo dissentimus, sed à natura rei admoniti, & principiis, quæ paulo antea, eo auctore, posuimus, coacti; si enim morbus constitutio est præter naturam, censeanturque ea singulas partes constituere, quorum beneficio partium actiones, bene, malève peraguntur, nullo pacto profectò immediatæ, proximæque morborum causæ (de his enim agimus) morborum similarium partium esse poterunt vitia, quæ in illis ex diuisionibus, solutæque vnitate nascuntur: propterea scilicet quod etsi partes similes per huiusmodi noxa vitiantur, illarum tamen actio, constitutioque minimè offenditur. Nam quemadmodum nemo negauerit lædi partes similes, quum figuram suam, vel magnitudinem naturalem amittunt; non tamen ob id morbum in parte simili ea committere quispiam concedet, quoniam illius essentia, & constitutio non corrumpitur: id quod agnoscitur, quoniam actionibus huius partis huiusmodi mala non obstant; Ita quum vnio similarium labefactatur, eas quidem aliquo modo offendi certissimè est; læsionè tamen ad essentiam, & cõpositionem illarum haudquaquã pertinere.

nec in illis morbum parere eadem ratione putandum est, quòd scilicet nullum inferatur earum actionibus nocumentum: Licet & alia ratione idem probare. Si enim Galenus obstructionem venarum hepatis, non venarum, sed ipsius visceris morbum esse dicit; nimirum quòd venæ vt partes similes sunt, & vt membranæ quædam, aut tunicæ considerantur, propter obstructionem non impediuntur, quominus suas actiones exercent: quur idem ex solutione continui contingere non putabimus? quum nihil ad illarum actiones vnio huiusmodi conferat, sed sola ipsa ex quatuor qualitatibus temperies; id quod, si auctoritate certandum est, illorum causa, qui rationum omnium momenta contemunt, & antiquorum scriptorum verbis ob ingenii imbecillitatem, quæ probationum vim percipere nequit, vt mancipia imperio mouentur, licet id facile probare; quod doctioribus ex his, quæ superius scripsimus, quum de similiarium partium morbis ageremus, patere puto. Nam Galenus secundo Methodi solas qualitates primas actionum similiarium partium causas esse ponit, & naturam illarum nihil aliud esse, quàm temperiem tertio eiusdem operis libro prodidit. Omitto quod & septimo libro scribiteum, qui actionem similiarium tueri velit, illarum temperiem tueri debere: quinetiam partem similem id esse, quod est ob certam ex elementis missionem in libro de Constitutione artis, & in eo, qui inscribitur de Differentiis morborum aperte testatur, & denique nusquam vnionem de essentia, & natura similiarium vel dixit, vel probauit: At quum in libro de Differentiis morborum communem esse morbum solutam vnionem statuatur, nullis profectò rationibus nititur, quæ cogant nos huic rei assenti: i. Est porrò ratio, qua vitur huiusmodi; si quid sit secundum naturam commune similiaribus, & organicis partibus, quod animanti aut functionem, aut vsum aliquem præstet, eo vitiato, communis morbus statuetur: At qui vnitas communis est his partibus, quum ob eam vnaquæque illarum vna dicatur, & vnâ edere functionem, vnûmque vsum præbere; in ea ergo communis morbus ponendus. Imprimis enim illud concedere non possumus quod de vsu partium scribit, quum de actione solùm agendum sit hoc loco: siquidem in definitione morbi vsus ab eo non ponitur, sed actio, & compositionis vitium ex actione, non vsu expedit: quando etiam postea læsiones, quæ actiones  
offen

offendunt, morbos, quæ verò vsum impediunt, illorum causas esse putat: Deinde docendum erat quem vsum similaribus præster vnio, & quomodo vtriusque partis actionibus, & profit, & obsit. Licet namque simili argumento efficere, vt alia, quæ partes organicas citra controuersiam componere dicuntur, communem morbum committunt; quippe figura partis communis est similaribus, & instrumentariis, & ob eam dicuntur illæ figuratæ: vt ab vnione, & continuitate, vnitæ, & continuæ vocantur; veluti etiam à conformatione, magnitudine, & coniunctione, conformatæ, magnæ, & coniunctæ; & si quem vsum exhibet vnio similaribus, aut alio modo cõfert, vel nocet, idem etiam illa efficiunt: Non tamen propterea in figura, conformatione, magnitudine, coniunctione communis aliquis morbus statuitur, quoniam similis partis constitutio, & actio ab illis nihil patitur. Erat ergo hoc modo dicendum, si aliquid sit commune vtrisque partibus, quod actionis sit causa, eo vitiato, communis morbus constituitur. At ob vnionem corruptam actio vtriusque partis læditur, id autem probandum erat: Etenim actiones similarium partium sunt, quemadmodum antea diximus, quæ naturales à medicis dicuntur, attractio, retentio, concoctio, & expulsio, quæ quidem omnino ex temperie (Galeno authore, cuius opinionem hoc loco excutimus) & mixtione quatuor qualitatum proueniunt. Nam pars vulnerata, nisi intemperies accedat ex humoris affluxu, aut forma, vel substantiâ corrumpatur (quod nos superius addidimus ad similes pertinere) attrahet, retinebit, concoquet, & expellet, & denique nutrietur, & augebitur, non minus profectò, quàm antea dum omnino erat integra; quemadmodum videmus in carnis generatione fieri, vbi non solum proba perficitur nutritio, sed etiam quod ex vulneris concavitate est deperditum, actione partium diuisarum restituitur: Nec putare quidem oportet regenerationem hanc fieri à carne subiecta adhuc sana; nam vbi nulla amplius subest caro, vt in vulneribus, quæ ad ossa vsq; pertingunt, quid aliud statui potest, quod carnem procreet, præterquam extrema, & labra carnis diuisa? At nec pus quod in generatione carnis prouenit, ostendit læsam esse aliquam naturalem facultatem: Nam vt in omni concoctione propria quædam proueniunt excrementa: sic pus proprium est excrementum concoctionis, quæ fit à partibus vulneratis, exulceratisque: quod quum laudabiles suas qualitates obtin

obtinere, rectè peractæ cōcoctionis, & nutritionis, est inditium, quod si pertinacius contendas impediri actiones similarium à solutione continui, repugnante ratione, & experientia, idem mihi cōcedas de aliis prædictis oportet, nempe contortum os, aut alia pars male conformata similes noxas experietur ob peruersam conformationem his, quas solutam vnionem inferre posse putas: sic sanè non minus occlusis, aut patefactis, vel alio modo vitiatis suis meatibus pars similis proprias obire actiones prohibebitur, quàm si diuisionem aliquam patiat. Præterea sequeretur nunquam posse reperiri morbum ex solutione continui in parte instrumentaria, quin similes etiam ipsæ morbo affligantur. Non enim potest solui vnio partis instrumentariæ, manente integra, & sibi continua similari, quæ ad instrumenti compositionem assumitur: At Galenus ipse ἀντιστοιχίας morbos organicarum partium, & non similarium esse censet, nimirum quòd quæ relinquuntur partes similes, non minus exerceant sua officia, quàm quum essent antea integræ; alioqui idem illud esset etiam similarium morbus. Quod si aliquod est impedimentum, quo minus actiones similarium rectè peragantur, id sanè primo, & per se non continget ratione diuisionis factæ in parte similari; sed ex diuisione sectis etiam vasis, quæ materiam, & calorem in singulas partes spargunt, sicut intemperies; aut deerit materia ad nutritionem necessaria: At hoc non est partem similem morbo laborare in resolutione continui: Ridenda verò illorum opinio est qui credunt noua quadam ratione persuasi in solutione vnitatis, & vnionis, etiam fieri morbum similarium partium: illas enim aiunt constitui ex elementorum mixture, & vnione: quæ cum vitiatur necessario corrumpi constitutionem partium similarium, & in illis morbum fieri. Non enim de hac vnione elementorum agit Galenus; quum quærit id quod commune est similaribus, & organicis, & communem in eo morbum: Sed de eo quod continuum vocant, philosophi (nam pro eodem vsurpat continuitatem, vnionem, & vnitatem) Vno verò illa elementorū corrupta nihil aliud est quàm intemperies, aut certè non nisi in ipsa temperie morbum committit: At in ea nequit esse aliquis affectus communis partibus organicis, & similaribus; quippe cum proprii sint morbi omnes in intemperie, similaribus. Quod si pro vnione, & vnitatem intendant continuum, videbunt illi miseri quidem homines ne dicam

dicam stupidi, quàm ridicula euadat eorum ratio: dicent ne? vitiari continuum, quando in mistione elementorum qualitas vna aliam excedit: Atqui si illam intelligunt continui solutionem, velintque illam differre à temperie, illud certe nunquam ostendere poterunt, huiusmodi affectionem communem esse etiam dissimilaribus; ea sanè est vt inquit Galenus vnitas, vnio, continuitas denique ipsa ex qua cum similis, tum organica pars dicitur vnita, eadem, & sibi ipsi continua, apta nataque est vulnerari, contundi, frangi, & vt vno verbo dicam diuidi: quæ res quantum sit diuersa à mistione, & vnione elementorum, nemo sanæ mentis dubitare potest; qui Galenum, Auicennam, & alios medicos de hac re tractantes vnquam legerit. Cæterum Auerroes arbitratur alia ratione, in solutione continui fieri morbos partium similarium, & eos quidem non communes organicis, sed proprios ipsis similaribus: continuum enim quod reuera continuum, primo, & per se simili parti, organicæ verò non continuum, sed potius contiguum, idque ob connexionem similarium partium conuenire tradit: ex quo quidem sequi putat, vt in continuo consistat duntaxat sanitas, & morbus similarium: in contiguo verò dissimilarium, idque similarium ratione. Verum errat, & ille, nam figura, & magnitudo primo, & per se similaribus competunt, per illas verò organicis, non tamen propterea fit aliquis morbus similarium partium in figura, & magnitudine, quia hæc non faciunt ad actionem similarium. Contiguum à continuo Galenus in hac re non ita scrupulosè distinguit, etsi etiam instrumenta corporis beneficio similarium non solum cõtigua, sed etiam continua sibi ipsis, & vicinis membris euadant. Falluntur etiam alij qui ideo continui solutionem, morbum instrumenti esse dicunt, quod figuram, & conformationem illius partis vitiet; esset enim hoc modo morbi causa remota, nequaquam verò morbus, aut certè non formalis (vt aiunt) morbi causa, de qua agimus, quum dicimus in magnitudine, conformatione, calore, & frigore morbum esse: sed continui solutio ex propria & sua ratione vitiat structuram instrumenti; non secus quàm vitia, quæ ex magnitudine, numero, conformatione, & coniunctione similarium nascuntur in dissimilaribus. Quod si quis ipsius etiam Galeni auctoritatem hic requirat, locus est apertissimus Capite primo libri secundi de medicamentorum compositione secundum locos; vbi scribit morbum

in



in similaribus partibus ex sola intemperie provenire, eos verò qui à multitudine materiæ alicuius nascuntur, instrumentarium partium morbos esse: At multitudo quum dispositionem dolorificam cōmittit, de qua eo loco agitur, non alia quidem ratione id facit, quàm quòd continuum soluat: Quapropter si tunc non obest multitudo similaribus partibus, quum dolorem committit, constat profectò nec solutionem continui illius opinione ad eas partes pertinere etsi id aliquàdo, vbi negligentius rem tractat, aut noui dogmatis author esse studet, tradit. Ergo solutionem continui nunquam morbum, quum non sit compositio præter naturam, sed causam morbi partis instrumentariæ, quemadmodum alia vitia partium similarium, quæ in magnitudine, conformatione, numero, & coniunctione consistunt, putare oportet. In parte autem simili, quatenus similis est, hæc vitia nō sunt, nec actionem iuuant, aut lædunt, vel vsum aliquem præstant: quandoquidem nihilominus similis pars est sana, quum diuisa est, aut male figurata, quàm quum sibi continua, & rectam obtinet figuram: quidquid autem huiusmodi mali in ea contingit, ad eam quidem pertinet ea ratione qua ad instrumenta componenda requiritur: quod si ita est, constat nullum esse morbum communem similaribus, & organicis corporibus; In hoc etiam mihi non satisfacit Galenus, quòd arteriæ totius incisionem morbum esse contendat, tum in ipsa arteria, tum etiam in parte instrumentaria, in qua arteria ipsa inuenitur: diuisionem verò portionis arteriæ, ipsius morbum proprium ponat: quippe quum par in vtroque sit ratio, & instrumentum patiatur ob similis sectiones plus, vel minus pro incisionis inæqualitate: quur præterea arteriæ, vel ligamenti diuisiones totius instrumenti, & ipsius partis similis: apopasmata verò instrumentorum duntaxat passionem constituat, nulla ratio suadet. Vt enim in similarium diuisione instrumentum, sic quum id auellitur, similes pati necesse est.

Hæc habui, quæ dicerem de morbo communi similaribus, & instrumentariis partibus, quæ si quis diligenter expendet, paradoxa quidem, sed non *παράλογα* inueniet.

Gen

*Genera morborum, qua in solutione continui consistunt.*

## CAP. XIII.



**R**OPRIVM esse morbum qui ex solutione continui nascitur, instrumentariis partibus, non autem communem similibus, & ob id quinque, & non solum quatuor esse ponenda, quibus constat structura instrumentorum corporis, cōformationem inquam, magnitudinem, numerum, coniunctionem, & vñionem partium componentium, abundè probatum esse puto. Illud verò nunc sequitur explicandum qui quotve morbi ex soluta vñione proueniant. quod quidem ita explicatum à Galeno video, vt facillè rudiores rei difficultate, & authoris varietate confundi possint. Nam nec de numero morborum idem perpetuò ille sentit, & in nominum varia significatione, magnam parit lectori difficultatem, ne dicam, confusionem: etenim in libro de Differentiis morborum quinque simplicia genera solutionis continui, vlcus, fracturam, conuulsionem, ruptionem, & auulsionem enumerat. At quarto Methodi *ἀπὸ τῆς λύσεως*, id est, vasorum in orificiis apertionem, & *ἀπὸ τῆς ἰσχυρῆς* addit: Præterea erosionem, contusionem, siue collisionem, quam *ῥήξις* appellat, & puncturam in libro de Constitutione artis: Caterù libro tertio de Causis symptomatum eos errare scribit, qui diapedesim causam esse putant sanguinis excretionis, & ab aliis diuersam: quum tamen quinto Methodi eam omninò, & distinctam ponat. Quantum verò in nominibus his euariet, vnicuique licet intelligere: Nam, vt à cōuulsione incipiāmus, quam *σπασμός* vocat, scribit quarto Methodi, & in libro de constitutione artis, & de Differentiis morborum, & alibi sæpius, hoc nomine solutionem continui significari: quum tamen in libro secundo de Causis symptomatum inter motus deprauatos conuulsionem, & rectè quidem ponat: Aliud verò est motus deprauatus, aliud continui solutio: Conuulsionem præterea nervis solistribuit in libro de Morbis, quam in libro de Constitutione artis ad musculorum fibras spectare scribit: Ac etiam omnem solutionem continui, quæ in nervis fit conuulsionem vocare, est (vt credo) nomine abuti quippe quum ea solum ita videatur nominanda, quæ ob  
vehc

vehementes distentiones neruorum, quales sunt per conuulsio-  
 rios motus, contrahitur: quæ enim vulnerando nascitur, vulne-  
 ris nomen accipit additione partis vulneratæ; id quod etiam  
 alibi facit, quum de neruorum vulneribus, & puncturis agit, &  
 testatur apertè initio sexti libri Methodi medendi; vbi docet  
 solutionem continui simplici nomine carere, quum in ner-  
 uum, venam, & arteriam inciderit: Docet præterea quomodo  
 arcenda sit conuulsio à neruo vulnerato; quod frustra tentaret  
 facere, si omnis continui solutio, quæ in neruo oritur, conuul-  
 sionis nomine contineretur. Auulsionem, quam vocat ἀπὸ-  
 σπασμ, propriam solum instrumentorum contendit esse in li-  
 bro de Differentiis morborum, quum tamen quarto Methodi  
 eam definiat esse solutionem continui in ligamento. quod vbi-  
 que alibi inter veras partes similes recenset. At fracturam  
 etiam vocare omnem solutionem continui, quæ accidit ossi-  
 bus, improprie admodum dictum puto: quis enim fractum  
 os esse dicet, quod leuiter solum est vulneratum? Vlcus, &  
 vulneris nomen confundit tertio Methodi, quum vulneris  
 curationem sub nomine vlcus simplici docet: quinetiam  
 communiter omnem solutionem, quæ in carne fit, vlcus voca-  
 ri passim statuit. At in libro de Constitutione artis quod ab  
 erosionem solum in carne nascitur, hoc nomine appellari iubet:  
 quod verò ex incisione, vulnus. Quod si etiam admittamus  
 hæc omnia rectè dicta (neq; enim in hoc laboro, sed in re ipsa  
 inuenienda) non tamen propterea constat, qui, & quot in solu-  
 tione continui morbi proueniant, quod in libro de Differen-  
 tiis morborum docere potissimū suscepit Galenus. Nō enim  
 ex partibus in quibus morbi nascuntur, illorum genera sume-  
 re debemus, sed ex immediatis causis, quæ eos pariūt: quod an-  
 tea ipse ostendit, quum inuenit octo esse morbos in intempe-  
 ratura, quoniam quatuor sunt qualitates, quæ temperiem mu-  
 tare possunt; alioqui si ex partibus, & diuersis nominibus mor-  
 bos quæreremus, plura profectò, & inutilia genera resulerent;  
 quippe calida intemperies, quæ cor affligit, febris; quæ caput  
 inuasit ex solis aestu, insolatio dicit solet: At non propterea hi  
 morbi diuersi sunt inter se generis: Itaque vel ex propria natu-  
 ra diuisionis species sumendæ, quemadmodū ille in Methodo  
 facit vbi vlcera quædam ponit esse oblonga, quædam lata, alia  
 profunda, & quæ ex his nascuntur genera: vel ex causis efficien-  
 tibus solutionis continui proximis, & immediatis, quod idem  
 eodem

eodem opere alibi facere nititur, quum omnem cōtinui diuisionē, vel à rptione, vel cōtusione, vel erōsione fieri scribit: Verum nescio quia ratione omittat secantia, siue vulnerantia: frangētia cōtudentium nomine vix etiā contineri possunt, quū nobis cōtudentia significant res graves, & duras, quę molliores partes, vt carnem, & molliora ossa, quę in se cedere possunt impulsu afficiūt, & diuidūt: frangētia verò peculiariūter vocētur, quę ossa cōminuunt: Ad hæc nō solum dura, & crassa corpora frangendi vim habent, sed & alia nō nulla, quę cōtudentiū appellatione contineri nequeūt. cuiusmodi esset si quis vtraq; manu appræhensum os flectēdo frāgeret: quare nihil perpetuū ex Galeni tractatione in hac re nobis inuenire licet: id quod fortē faciemus, si rei naturā spectabimus, & expendemus ex vniuerso rerū genere, quę diuidendi vim habeāt: quā in re occurrēt imprimis quę tenuia sunt, & ad secandū idonea, vt ensis, sagitta, deinde quę sunt acria, & mordacia, tertio loco quę graua, dura, & obrusa: Alia demū quę rumpendi vim habēt, quę vno genere rerū compræhendi nō possunt, quum quædam replēdo, quędam alio modo, omnia tamen tendendo rumpāt, quod si ita est, quid obest, quominus quatuor morborū genera simplicia statuamus in solutione cōtinui, & singula suis, aut confictis nominibus, nūcupemus? Igitur diuisionē, quam faciunt tenuia, & ad secandū propria, vulnus nūcupemus: Eam verò, quam acria cōmittunt, vlcus, recepto etiā à medicis vocabulo, appellabimus: quę verò à duris, & crassis corporibus nascitur, quū generali nominē careat, mutuato à specie nomine, contusio dicetur vel fractura. Demū ea, quę sit à tendentibus, rupturæ nomē capiat. Iam verò ex diuersis causis, quę in vnoquoq; genere reperiūtur, propria quædā inferiora genera oriuntur, quę ex partiū diuersa cōditione & causarū diuerso agēdi modo suis nominibus significantur. Nā diuisio omnis, quę à secantibus in quacunq; parte fit, vulnus nuncupatur, vt quū ossa, carnē, neruū, & quācunq; aliam partē vulnerari dicimus: quod etiam Galenus octauo Methodi testatur, quū vulnera ait inferri ab acutis, & omnino ab his, quę ad secandū sunt habilia: Verū quū inter ea, quę secant, & vulnerāt, quædā punctim, quædam casim continuū soluant: quę pungendo fit diuisio, pūctura proprio nominē vocatur, ab actionis modo accepta nomenclatura, quęadmodū quum

punctis nervis curationem, & remedia instituimus: si casum committatur sectio, nō alio quā vulneris nomine significatur: in ossibus capitis ἰσχυρὸν Ἀλκμαῶν, & ἰσχυρὸν à Græcis dicitur huiusmodi solutio, quæ vel ab acuto, atq; secante alio modo, fit. At si ab erodentibus continuū solvatur, vlcus cōmuni in omnia nomina à nobis, à Græcis ἰλκός nuncupatur: In osse autē peculiari nomine nos cariem, Græci τρυμαλκία nūcupāt, nonnunquam verò & vlcera ipsa erosiones vocamus à causis erodētibus, quæ exulcerant appellationē sumentes: quod si à rebus grauius, & duris extrinsecus lædentibus cōtinuum diuidatur: in partibus quidē, quæ ictui cedere possunt, & in seipsas cogi, & cōprimi, cōtusio vocatur: sic enim carnē affectam, nervos, & molliora ossa in pueris cōtusa appellamus: At si duriora fuerint corpora, vt ossa, si partes illarū commuantur, fractura nūcupatur, si leuius afficiātur, vt contusio propriē nō vocatur huiusmodi affectus, sic facili non est aliter propriē nominare. In ossibus capitis fractura, à Græcis ῥωγμή, & ῥήσις appellatur. Cæterū si vnio vitietur à tendentibus, ruptio dicitur: At in nervis cōuulsio à Galeno vocatur, etsi tamen ei diuisioni solum nomen hoc cōuenire videtur, quæ à conuulsione fit, id est tensione facta ad originē nervorum, nec id quidē propriē, siquidē (vt antea ostēdimus) cōuulsionis nomen deprauatū motū, non vnionis vitium medicis significat: quæ autē in ligamētis, aut instrumentariis partibus à tensione fit diuisio, auulsio (si placet) nominetur: Nam quæ secando fit, vulneris, & quæ erodendo vlceris nomē, vt alia, capit: At quæ in mēbris, tunicis, & aliis partibus, quæ tendi possunt (carne, & musculis exceptis) cōtingit solutio à tēdentibus, nullo proprio nomine est donata: Ea verò, quæ in musculis, & carne prouenit, generis nomine ruptura, & à Græcis ῥήσις nūcupatur: Atq; hæc quidē sunt simplicis solutionis continui nomina, & species: alia verò quæ à Galeno nonnunquā adduntur, vel excogitari possunt, aut ex his cōpositæ sunt, vel ad illas redigūtur: Ac ne lōgius abeam ἀναρτήματα, id est orificiorū vasorū apertio (si modo inter solutiones cōtinui apte collocari potest, quum in cavitatē potius sit vitium) si quidem à tensione fiat, ruente humore magno impetu, aut copia distēdente, ad rupturā redigi debet: quum verò ob acrem quampiam qualitātē intrinsecus, vel extrinsecus aduenientē erosa aperiuntur, sub vlcere cōtinentur, & ubiq; Galenus id genus solutionis cōtinui ob tēsiōnē, vel erosio-

nem nasci scribit: vnde si à vulneratibus, & pūgentibus, vel cōtundentibus accidat orificia aperiri, propriè (eo authore) anastomosis nō dicetur, sed vulneris aut cōtusionis appellatione cū loci affecti additione, vt alia accipiet. Diapedesim verò inter solutiones cōtinui initio quarti Methodi recenset, quam quinto eiusdem operis libro nō longè à principio ob rarefactionē tunicarū vasorū, & sanguinis tenuitatem, atq; etiā apertionem orificij graciliū ipsorum vasorū fieri meminit: qua in re rarefacientia necesse est ponat inter ea, quæ continuū soluunt, nec nō sanguinis ipsius tenuitatē, sed nescio qua ratione. Quòd si ex apertione orificiorum fiat, idem diapedesim, & anastomosis statuāt necesse est: quin etiam, vt antea diximus eos errare scribit tertio de Causis symptomatū, qui diapedesim causam esse putāt excretionis sanguinis, & diuersam ab alijs, quā aliter omnino sentiat libro quinto Methodi medendi. Quare hoc affectionis genus à solutione cōtinui excludendum potius esse censeo. Porro *μειγμα* mixtus est affectus ex contusione, & ruptione, vt quarto eiusdē operis libro idem tradit: *ὀφθαλμο* verò, quæ à nostris illisio dicitur, cōtusionis est species, quā scilicet cōcauitas aliqua à collidentis corporis ictu facta apparet, sed absq; alia diuisione: *θλάσμα* etiam vocant nomine generis mixtū affectū ex contusione, & fractura: quando scilicet partis cōtusa externa superficies nō diuiditur, nec compressa apparet, interior autē multas, & paruas diuisiones patitur: Est & cōpositus ex his affectus, si contusa pars non solum ad interiora recedat, sed etiā in exteriori faciē diuisiones quædam cōspiciantur, qui quidem nullo proprio nomine est donatus: Sed hæc satis quidem de morbis, qui ex solutione cōtinui proueniunt, & eorū nominibus, quibus significantur, quæ etsi planè perfecta nō sunt, huiusmodi tamē esse puto, vt beneuolus lector agnoscere possit plurimum à nobis in hac re tam variè tradita fuisse elaboratū: etsi quæ relicta sunt faciliè in prædicta capita redigi poterunt. Solet Galenus scribere necessariū imprimis esse ei, qui artē aliquam methodo tradere velit, vt nomina propria singulis rebus imponat, quæ semper postea obseruet, nec cū alijs cōfundat, quod vtinā ipse præstitisset, quotiēs enim quæso de generibus, & nominibus solutionis cōtinui agit, & perpetuò diuerso modo: At sanè præstitisset hæc semel suo loco diligenter

pertractasse certa quadam, & propria singulis appellatione, & inuariabili docēdi ratione, tum ex rei natura, tum ex consuetudo loquendi modo desumptis: sic profecto omnibus liceret facile intelligere: quæ nemo vnquam assequetur, qui nō integram tractationem de iisdē rebus, quibus ille sparsim, nullōque ordine agit, rursus aggrediatur: quæ quidem dista velim non vt eum repræhendam, cui certe plurimum debemus: sed vt eos admoneam, qui in quæstiunculis, conciliandisque authoribus perpetuò versantur, multo meliora superesset, in quibus maiore fructu, & laude laborare possint.

*De morbis compositis partium similarium,  
& dissimilarium.*


C A P. XIII.

**E**tsi obiter quædā antea attigimus, quæ ad hanc rem pertinet, & rursus in sequenti libro, in quo morborū differentias prosequemur, de cōposito morbo agendū est: tamen præsens institutum postulat, vt generali quadam tractatione quæ quorūve morbi cōpositi, tum in similaribus, tum instrumentariis partibus oriri possint, doceamus: præsertim quod nō facile sit ex Galeni libro de Differentiis morborū, in quo ex professo de hac re agit, elicere quid author sibi velit, & quod nos nunc quærimus, quum enim similarium partium morbos cōpositos censuisset eos esse, qui ex duabus qualitatibus inter se sine humore, aut cum illo iunctis resultant: nescio quo modo mutata docēdi ratione, aliter statuit, eos esse cōpositos in partibus instrumentariis, non qui ex duabus, vel pluribus causis nascuntur, sed qui simul plures partes occupāt similes: Nam si vna est compositorū morborum (quatenus sunt cōpositi) natura, vnā quoque oportet esse in omnibus ratione, qua cōpositi dicuntur, nec similarium morbos ex causis efficiētib, dissimilarium vero ex materia subiecta diiudicari: aut si hos hac ratione, illos etiā eadem componemus: Ac quæto quos dicemus esse cōpositos morbos similarium? An qui plures instrumentarias occupant vitata cōformatione, magnitudine, numero, cōiunctione, vel vnione? Sic certe viderur sentiendū, propterea quod ex contrariis ratio sumpta iudicat, dissimilarium pluriū morbos ad similes esse referēdos, si similarium morbi proprii sunt instrumentariis. Quod si id videt

videtur absurdū, nec cōpositi dici possint similariū affectus diuersi, qui diuersas partes infestāt (siquidem ij iam ad instrumenta sunt relati) relinquitur vt vnus morbus, qui plures similes male habeat, aut qui in vna solū parte cōsistat, cōpositus putetur: Atqui neuter cōpositus dicitur, nisi gemina sit intēperies, vt ipse Galenus pāssim ostēdit, quo quidē cōstat, nō ex subiecta materia sumendā esse cōpositionis morborū rationē. Quod si particularius quādam, quæ in fine libri de Differentiis morborū de hac re scribit Galenus, expēdamus, inueniemus profecto hūc cōpositionis morborū modum ab his principiis, quæ antea (eo maxime auctore) posuimus alienū: Illic enim inflātionē statuit esse morbū totius instrumenti per accidēs, eo quod singularū partium instrumenti sit morbus, atq; ophthalmiā, quæ in vna etiā solū parte, nempe tunica oculi, quæ adnata vocatur, consistit. Idē quoq; de erosionē, & vlcere corneæ scribit, & deniq; similariū corporum morbos ex accidēti ad totū instrumentū pertinere: Ac de vlcere quidē, & erosionē corneæ quid sentiendū sit, ex superioribus patere puto, vbi omnē cōtinui solutionē ad sola instrumenta retulimus, & si illius opinionē sequamur, nō per accidēs, sed primò morbus est instrumenti ipsius, quū nullo alio intrerueniēte, visio per huiusmodi affectū lædatur: Inflāmatio, si tantū crescat, vt magnitudinis ratione actiones instrumenti impediāt, optimē inter morbos instrumentarios, vt antea ostēdimus, reputatur: alioqui minimē, vt nec alij morbi similariū: si enim in sola cōformatione, magnitudine, numero, cōpositione, & vnione morbos experiuntur, eo auctore, instrumenta: necesse omnino est, siue primo, siue secūdario id fiat, eorū generū morbos esse, qui instrumenti morbi esse debēt: alioqui quo modo quæso ex accidēti fuerit alicuius partis morbus, quod nec morbus quidē illius esse potest? An nō etiā in hoc eodē loco sibi pugnare videtur Galenus? Nā, quū primo bis dixisset similariū corporū morbos ex accidēti ad totū instrumentū spectare, postea statuit eosdē propriē ad totū instrumentū referēdos: eos verò, qui vnā quampiā partem inuadūt, & cōpositi sunt, vt inflāmatio, per accidēs fieri morbos instrumentorū. In quo etiā nescio qua ratione moueatur: quippe quum nihilō magis referat plures partes, quā vnā laborare, si modo re vera sit cōpositus: Præterea quū illic scribit nō referre siue quis plures dicat, siue vnū morbū to-



tius instrumenti, diuersos morbos, qui in diuersis partibus resident, eo quod curatio non varietur: in hoc mihi videtur sui instituti obliuisci, quod est nō docere quo modo capiantur morbi, quatenus curationem variant, sed quonā modo reuera cōpositi, aut simplices dici debeant: sic profectō non erat quod laboraret in simplicibus inueniendis, quando curatio ipsa rectē instituitur adhibitis propriis remediis, siue simplices, siue cōpositos morbos nūcupemus, quibus medemur. Ac quum huius rei tractationem exactiorem se differre dicat in Methodum medendi, nec id postea præstet, quod pollicetur, facit vt dum negligentius quādam suis locis explicat, perpetuō postea dubitemus, quo modo ea, quæ variē sunt explicata, rectē capi debeant: Quamobrē ne diutius in his moremur, certa & perpetua quadā docendī ratione, eos constituamus cōpositos morbos tum similariibus, tum dissimilariibus partibus, qui ex efficientibus morborū causis cōiunctis proueniunt, qua ratione si quis supputauerit ex complicatione quatuor primarū qualitātū, quatuor in similariū partium temperie resultabunt morbi cōpositi: In tota verō earum substantia nō magis simplices, quā cōpositi (vt credo) dici possunt: quum ignoremus quo modo ab huiusmodi morbis partes affligantur: quoniam verō quinque sunt posita, quæ instrumenta corporis constituunt: conformatio, magnitudo, numerus, coniunctio, & vnitas, quæ omnia omnibus modis inter se cōplicari valent, & omnino viginti sex, cōplicatis summis generibus, efficiunt morborū species, vt sequens tabula ostendit, & pentagona figura mathematica demonstratione docet. Ex speciebus vero ipsis, quæ in singulis generibus reperiūtur inter se cōiunctis certus numerus resultabit, quem facile assequetur, qui arithmetica omnino non sit ignarus: nec illud quidem ignoro nonnunquā similes partes quæ instrumentum aliquod cōficiunt, & ipsum instrumentum propriis morbis simul tentari, quēadmodum quum adest vlcus, & intemperies, sed hi non cōpositi, sed cōplicati potius morbi dici debēt, quando quidem cōpositi, & simplices circa eandem materiā versantur, & aliud sit duos esse morbos, aliud verō morbum fieri cōpositum: de qua re proximo libro, ad quem iam propere-  
randum esse duco, diligenter agemus.



### Coniugationes morborū cōpositorū in partibus organicis

Conformatio,	Coniunctio,	Magnitudo,	Numerus,	Vnio
Conformatio,	Coniunctio,	Magnitudo,	Numerus	
Coniunctio,	Magnitudo,	Numerus,	Vnio	
Magnitudo,	Numerus,	Vnio,	Conformatio	
Numerus,	Vnio,	Conformatio,	Coniunctio	
Vnio,	Conformatio,	Coniunctio,	Magnitudo	
Conformatio,	Coniunctio,	Magnitudo		
Coniunctio,	Magnitudo,	Numerus		
Magnitudo,	Numerus,	Vnio		
Numerus,	Vnio,	Conformatio		
Vnio,	Conformatio,	Coniunctio		
Conformatio,	Magnitudo,	Numerus		
Conformatio,	Numerus,	Vnio		
Coniunctio,	Numerus,	Vnio		
Coniunctio,	Vnio,	Conformatio		
Magnitudo,	Vnio,	Conformatio		
Conformatio,	Coniunctio			
Coniunctio,	Magnitudo			
Magnitudo,	Numerus			
Numerus,	Vnio			
Vnio,	Conformatio			
Conformatio,	Magnitudo			
Coniunctio,	Numerus			
Magnitudo,	Vnio			
Numerus,	Conformatio			
Vnio,	Coniunctio			

# IOANNIS ARGENT- TERII DE MORBORVM DIFFERENTIIS

## LIBER,

\*



DIFFERENTIAS morborum sparsim, atque adeo variè, vt alia serè omnia profectur Galenus, vt quo loco sint illæ legendæ, & quid differentiarũ vnus cuiusque nomen nobis significet, non facillè intelligere liceat: legas enim apud eum, vt ex multis paucos referamus, morbos quosdam esse magnos, quosdam simplices, alios acutos, nec interim satis explicari quid per magnum morbum, acutum, simplicemue intelligi velit: sic nonnullos complicatos, quosdam graues, alios communes, quosdam proprios, & denique multas alias differentias ab eo numerari senties, quarum quædam ab vno, & eodem fonte manant, aliæ à diuersis nascuntur. qua in re fontes, & generalia capita imprimis poni oportebat, & doceri quænam, & quot essent, à quibus sumerentur, & deniq; quæ propriæ, & essentielles, quæ alienæ & accidentariæ differentiarũ explicandum: Nam cõtemptis generibus, à quibus omnia diuidendo oriuntur, frustra infimas species, & differentias quæres. Præterea vt in diuisione febrũ essentielles differentias ab accidentariis separandas esse censeret, eosque reprehendit, qui eas inter se miscent, vel in primis differentiis consistunt, tanto magis profecto id in morborum differentiis faciendum erat, & ab eo fugiendum, quod in aliis damnat, quanto communium tractatio singulorum explanatione artibus docendis est vtilior: Qui enim morbum diuidere nouit, non solum febrem, sed etiam alios omnes morbos probe diuidet: mirarique sanè licet, quòd quum plurimæ omnino morborum sint differentiarũ genera solum doceat in libro de Differentiis morborũ, aut certe solum eam differentiam, quæ ex materia subiecta sumitur: Nam qui dicit morbos quosdam esse similiarium partium, alios instrumentarium, nullam profecto aliam differentiam explicat, quàm quæ ex materia, in qua morbi gignuntur, capitur,

tur, quum tamen liceat, sicut febres diuisit, sic ab essentia morborum, & aliis multis, eorum differentias ducere: id quod nos, quantum in nobis fuerit, duce ratione, efficere conabimur. Quantum enim difficile sit bene diuidere, docet Aristoteles initio operis de Partibus animalium: tantoque profecto difficilior nobis est diuidendi ratio, quod ne mo haftenus ex antiquis scriptoribus eam satis explicare sit conatus: Aiunt quidem illi genera per suas differentias in species diuidenda esse: At à quibus sumantur differentiae, quod praecipuum est in hac re, non docent. optaremque, in hoc versari, qui praecipuis logicae, philosophiaeque studiis contemptis, totam vitam in aliorum placitis intelligendis, pertinaciusque defendendis conterunt, & interim si quid definiendum, diuidendum, resoluendum, componendumue sit, aut causae, vel effectus rerum inuestigandi, nisi haec ad verbum ab aliis conscripta, & expressa legerint; unde initium capiendum sit, omni arte destituti, ignorant: Scribit Galenus primo ad Glauconem omnes errores qui in medicina nascuntur, ex malis diuisionibus provenire: At pauci interim sunt, qui vnquam morbum, vel aliud quidpiam, quod ad medicinam pertineat, diuidere per omnes suas differentias tentent: hinc quaestiones, hinc dubitationes, & sophismata omnia ferè nascuntur. Trademus ergo eas differentias, quae etsi exactae non fuerint, si ad illorum logicam, & nunquam expressam diuidendi rationem referre velimus, erunt tamen arti nostrae utilissimae: utpote quae curationem varient: qua in re poterunt alij ab iisdem generibus alias differentias ducere, & quasdam in commodiore forte genere, quam nos fecerimus collocare: Neque enim omnes prosequi, sed quae magis sunt necessariae, & continuo in ore medicorum versantur, methodumque; potius docere, quam alios inuitemus ad meliora excogitanda, tradere institui-

*Quæ sint, & à quibus sumantur morborum differentia.*

## CAP. I.



**T**AQVE quum morbus sit cōstitutio præter naturam, quæ ab his sumantur differentia ex quibus morbus definitur, proprias, & ut vocat essentialis merito existimabimus: igitur à compositione differentia sumetur essentialis: Ita enim voco, quæ curationem variare possunt, ne in essentialis nomine litigemus. Porro cōpositionis differentia quædam à compositionis ratione, quædam à cōpositionis causis, alia ab effectibus, alia denique à partibus cōpositionis ducuntur, unde & ab his omnibus morborum propria differentia sient. nec multum quidem laboro si quis easdem duci dicat ab essentia, causis, & effectibus morborum; Nos tamen hoc loco priorem diuisionem sequemur.

*Differentia morborum sumpta à compositionis ratione.*

## CAP. II.



**S**T sanè morborum cōpositionis ratio, ut aliquid excedat, vel deficiat, quapropter ab excessus, de defectusque quantitate differentia capiuntur, quales sunt illæ quum dicimus morbos alios esse magnos alios paruos, quosdam etiam maximos, minimos, & extremos: sunt enim hæc excessus, & defectus nomina: Est quoque de cōpositionis huius ratione, ut id quod excedit vel vnum sit, vel plura, unde morbi simplices, & compositi, & inter compositos complicati, confusi nuncupantur.

*Differentia morborum à causis compositionis.*

## CAP. III.



**M**ORBUS omnis à quibusdā, ex quibusdā, in subiecta materia sit, sine præterea aliquē assequitur, & quædā habet, sine quib⁹ fieri, & propriū finē assequi nō potest: quare merito differentias quasdā capiet ab efficiētibus causis, quasdā à materia ex qua, alias à subiecto in quo, alias à fine  
&

& nonnullas etiam à causis sine quibus fieri nequit. Sunt porro inter causas efficientes quædam propinquæ, aliæ remotæ. A propinquis ducuntur hæ differentiæ, quum morbos quosdam calidos, frigidos, humidos, & siccos dicimus, quosdam in numero, vel magnitudine, vel conformatione, vel coniunctione, aut vnione consistere dicimus, quod scilicet à caliditate, frigiditate, humiditate, siccitate, numero partium, & magnitudine, & cæteris à mediocritate recedentibus excitentur, de quibus antea in generibus dictum est. A remotioribus verò, & quæ immediatas has mouent causas, plurimæ resultant differentiæ, quales sunt illæ, quum nominamus morbos biliosos, pituitosos, æstiuos, hyemales, qui. scilicet à bile, pituita, ætate, & hyeme, quæ omnia vim habent calefaciendi, vel refrigerandi, vel aliquid demum ex supradictis faciendi, oriuntur. Similes sunt illis hæ differentiæ quum ab ira, mortificatio, timore, exercitatione immoderata, somno, vigilia, otio, vel labore morbos contrahi dicimus. Quoniam verò inter efficientes causas quædam sunt, quæ morbos gignunt, quædam fouent, vel augent, aliæ tollunt, ab illis quoque differentiæ petuntur: quemadmodum quum dicimus quosdam à causis euidentibus solum gigni, vt diarias febres, alios ab occultis vt putridas: item nonnullos ab externis solum causis nasci, vt vulnera: alios etiam ab internis, vt vlcera: nonnullos præterea à natura sola, alios à medico, alios vtriusque opera curari, quosdam ab his quæ per se agunt, alios ab his quæ per accidens, nonnullos ab internis solū, alios verò ab externis remediis tolli, alios à putredine, alios ab aliis causis foueri, & intèdi. Cæterū à materia ex qua propinqua nascuntur hæ differentiæ, quæ scilicet quidam morbi fiant ex sanguine, vt inflammatio, quidam ex bile, vt erysipelas & herpes, quidam ex pituita, vt oedema, & scirrhi vnū genus, alij ex humore melancholico, vt cancer elephantiæ, & altera scirrhi species: ex remota verò materia hæ ductæ differentiæ videtur, si eosdē rumores dicamus vel ex cibis biliosis, vel pituitosis, vel melancholicis, vel sanguine plurimū gignētibz procreari. At à materia subiecta nascuntur plurimæ differentiæ, qualis est ea quum quosdam dicimus esse morbos similariū partiū, quosdam instrumentarium, quosdam item particulares, quosdam vniuersales: eos ita vocantes, quod partem vnā, hos quod vniuersum corpus infestent

festent: Videretur etiā ad hanc differentiā pertinere quā dicimus quosdam communes esse, quod omnes naturas corripiant, alios proprios, qui aliquos solum potissimum inuadant: Est & propria huius generis differentia, quando quosdam morbos solidarum esse partium, qui & in habitu morbi dicuntur, quod in solidis partibus, & habitu consistent, vt hectica febris, alios in humoribus, vt febres putridas, alios in spiritibus, vt diarias vigere: Item quum dicimus morbos quosdam esse pueriles, alios seniles, qui in pueris & senibus, vel solum, vel magna ex parte gignantur: eodem modo muliebres morbos, cutis, neruorum, capitis, cordis, vetriculi nominamus ex propinqua, vel remota materia, in qua morbi resident, differentias fumentes. Iam verò à fine sumuntur differentia, cuiusmodi est illa, quum diuidimus morbos in salutare, lethale, & eos qui nec solui possunt, nec suapte natura occidere. At quoniam nihil fieri potest, nisi causæ certo modo agant, & adsit locus accommodatus, suppetatque tempus idoneum, meritò & ab his propriæ quædam differentia deriuabunt, vt in causis gignentibus, quando dicimus quosdam paulatim, alios confertim gigni, quosdam primogeneos, alios secundarios, & per consensum gigni. In causis verò soluentibus morbos, quod quidam per crism, id est confertim factam mutationem, alij paulatim, & denique per sudorem, vel vrinam, aut alio modo solui dicuntur. A loco in quo gignantur morbi, sumuntur illæ à Galeno scriptæ differentia, quum ait morbos quosdam esse epidemios, alios endemios, alios pestilentes, alios sparso: etsi videntur hæ differentia non solum à loco in quo proueniunt, sed etiam à subiectis corporibus, in quibus gignantur, duci, vt suo loco postea docebimus: quinetiam à loco, in quo dissoluuntur morbi, differentia quædam fieri possunt, cuiusmodi ea esset, si diceremus nōnullos morbos in locis calidis, vel frigidis, vel humidis, alios in siccis finire. At verò à tempore generationis differentia illæ resultant, quā dicimus quosdam esse morbos recentes, & novos quosdam inueteratos, alios innatos, alios post natiuitatē ortos, quosdam in principio alios in augmento, vel vigore aut declinatione consistere. Sumuntur & à tempore quo ad finem perueniunt, qua ratione, quosdam breues, alios longos, alios productos vocamus. Breues nēpe, qui cito ad terminū suum peruen

perueniūt: longos qui nō nisi longo tēporis spatio desinūt.

*Differentia sumpta ab effectibus compositionis.*

C A P. IIII.

**S**E Q V V N T V R sanè morbosam compositionem quædam vt proprietates, quædā vt accidentia: Est enim morbo proprium, quod suos mores habeat: vnde quosdā dicimus esse benignos, alios malignos. Proprium item est, quod sit vel legitimus, vel spurius: hinc quidam dicuntur exquisiti, & legitimi, alij non exquisiti, & nothi. Sunt porro symptomata, siue accidentia morbi, actiones læsæ, tum etiam qualitates corporis præter naturam mutatz, & opera, quæ in corpore fiunt corrupta: quamobrè ab illis omnibus non inutiles etiam differentiz ducuntur. Ab actionibus quidem quum dicimus morbos quosdam esse, qui animales actiones, alios qui vitales, alios qui naturales lædunt, quosdam delirium, sitim, alios vigiliā vel lassitudinis sensum inferre, vel dolorem excitare, vel aliud quidpiam huiusmodi, quod vel actio sit, vel maximè cum actione coniunctum, de quibus exactius agemus, quum expendemus quinam, & quot sint morborum effectus. A qualitatibus corporis prouenit illa differentia, quum dicimus morbos quosdam esse, qui iæterum committunt, vt inflammationes, & obstructions hepatis, alios qui naturalem colorem in nigrum vertunt, vt obstructions lienis. Ab operibus verò capi videtur ea differētia, qua dicimus quosdam morbos excrementa retinere, vel plusquam natura postulat expellere, nonnullos sanguinem corrumpere, alios pituitam vel bilem plurimam gignere, vel aliud in corpore facere, quæ differentia etsi propriè ab actione non sumitur, quum opus spectemus, quod sit, sine actione tamen exprimi nequit. Itaque ab utroque opere, & actione duci videbitur. Porro quū morbi effectum esse dixerimus læsionem, eo quod actiones, qualitates, & corporis opera lædat, vt ab his, quæ facit differentias accepimus, sic à læsionis differentiis non improprie resultabunt morborum differentiz. Sumuntur autem læsionis differentiz à modo læsionis, quædam enim vehementes sunt, aliæ languidiore: vnde morbi quidam vehementes, qui vehementer lædunt, alij languidi, qui mitius



tius id faciunt, quo modo etiā alij leues dicuntur: Præterea quum lædere motū quendam ostendat, à differentiis motus morborū differentiæ nō omnino alienæ capi possunt, qualis profecto ea est, quū dicimus morbū esse acutū, vel tardū, eū ita vocantes, qui celeriter, hunc verò qui tarde mouetur: Pertinent ad hoc genus illæ etiam differentiæ, quod morbi quidam sint cōtinui vel intermittentes, ordinati vel inordinati, æquales vel inæquales, incrementales vel decrepentes, vel eundem tenorem semper seruantes, quosdam redire, recidiuūq; facere: nōnullos in alios permutari, vt costalem morbum in paripneumoniam: alios immobiles, nonnullos facere moueri, vt qui ex flaua bile: alios difficilē, quemadmodum qui ex atra consistunt.

*De differentijs à partibus morbi ductis.*

C A P.

V.



EMVM à morbi partibus licet proprias differentias capere, quemadmodum quum dicimus morbos quosdam quatuor partes, siue tempora habere, vt qui paulatim soluuntur, alios duo vel tria, quales sunt, qui per crism finiuntur: atque hæc quidem satis de veris, & necessariis morborum differentiis ne singula prosequi videamur, quæ vnusquisque intellectus capitibus, & fontibus vnde ea emanant nullo negotio inuenire poterit: quare ad accidentarias accedamus.

*De differentijs accidentarijs morborum.*

C A P.

VI.



ACCIDENTARIAS differentias vocamus, quæ ab extraneis rebus, plurimūq; à natura morbi disiunctis ducuntur, quales sunt, quæ ab his sumuntur, vnde morborum nomina sunt deriuata, vt quum dicimus morbos quosdam chironios, telephios, vt vlcera chironia, & telephia, vel regium, vel comitalem morbum: huiusmodi etiam videtur esse quæ sumitur vel à loco, in quo vigere ceperunt, vt quum quosdam vocamus morbos Gallicos, alios Anglicos, & denique accidentarias alienasque differentias eas esse agnosces, quæ ad curationem minimè conferunt.

Disce

*Differentia morbi magni, & parui.*

## CAP. VII.



**V**TRUM SVMMA genera morborū in suas species sunt à nobis diuisa: sic & supradictæ differentia nonnullæ in alias diducuntur, quas docendi ratio postulat, vt breuiter prosequamur: Præterea quū antiqui medici negligētiore videantur fuisse in nominum explicatione, quibus morborū differentias significamus: nam diuersos morbos vno nomine, & vnū diuersis nominibus sæpè significant. atque ita non paruam in tota medicina confusionem pariunt, operæpretium esse duco, vt eodē negotio hæc etiam paucis perstringamus: quo difficultatem omni ex parte studioso lectori, nostro labore, minuamus. Ac ne longius abeamus. Morbum magnū, & paruum, quos improprie, antiqua consuetudine, ita vocamus (quippe quum de rei facultate quantitatis vocabulū enunciemus) non vno modo à Galeno summi certissimum est: aliter enim sumat oportet, quum morbi magnitudinem sanguinis missionem indicare scribit, aliter quū morbos magnos eos vocat, qui vel maligni sunt, vel in mēbro nobili cōsistunt: Nam nō omnis morbus, qui nobilem aliquam corporis partem male habet, sanguinis detractionem postulat, vt scirrhus, œdema, intemperies sicca, vel frigidi cerebri, hepatis, vel cordis, aut etiam calidus morbus, vt hectica febris: nec in omni maligno affectu sanguis demendus est, vt in his, qui à venenis excitati propriis antidotis, nō sanguinis extractione, curantur: Nec est recipienda illorū opinio, qui hos morbos magnos vocant, sed ob viriū imbecillitatem sanguinē non mitti putant: quum apertè Galenus lib. quarto de Præfagitione ex pulsibus neget hecticā febrē vnquā magnā esse posse. quinetiā docendi ratio postulat, vt semper iisdē morbi magnitudinē metiamur, quod Galenus nō facit, siquidē quarto Methodi ob partis præstatiā, vel ob cacoethiā, aut ppter ipsius morbi essentia magnos morbos fieri scribit: Septimo autē eiisdē operis lib. ex lesē actionis præstatiā, ppria affectus essentia, & facultate, q̄ lesū corpus gubernat, morbi magnitudinē estimari tradit: varius ergo est Gal. quū de morbo magno agit, quū nec qd sit, nec qua rōne magn⁹ cēseri debeat, aperte ostēdat:

dar: Sunt verò qui definiunt morbū magnū esse, qui periculofus sit, eū autē periculofum, qui magna accidentia infert, qualia sunt, quæ medicum terrent, vt partium imbecillitates, pulsus carentia, stupor, syncope, quorū sanè opinio non placet, propterea quòd multi sunt morbi, qui huiusmodi inferunt accidentia, vt hectica febris, intréperies insignes cordis, qui quidem periculofus sunt morbi, non tamen magni dici possunt, quo modo dicimus morbos magnos venæ sectiōnem indicare. Præterea maligni morbi hac ratione magni fierent, siquidem periculofus sunt, quum tamen Galenus ubique magnitudinem morbi à more separet. Ac contingit quidem, vt qui magni sunt, periculofus etiam euadant, non tamen contra omnes qui periculofus semper magni dici possunt, atq; alia sanè ratione magni, alia periculofus censeri debent: Ergo quā nihil adhuc in hac re perspicuum sit traditū, naturā rei consulamus, quæ omni confusione depulsa, viam facilē mōstrare solet ad id, quod quaerimus consequendum. Itaq; quum magnū, & parū comparatione ad mediocre dicantur, magnus meritò vocabitur morbus, cōmuni omnibus ratione, qui mediocritatē excedit: vnde quot sunt media, ad quæ morbus refertur, tot sanè morbi magni erūt differētiæ, totq; modis morbus magnus dicetur. Atqui in vnoquoque genere, in quo excessus, & defectus notantur, media quædam statuuntur, ad quæ excessus, & defectus referentes, simpliciter tale iudicamus esse, quod in suo genere maximè excedit. Hoc igitur modo morbos magnos eos vocabimus, qui inter morbos naturā morbi maximè retinent, & in suo genere præpollent. Est porrò naturæ morbi propriū, & inseparabile, quod affligat molestēq; corpus, vnde qui vehementer id faciūt, magni appellātur, vt idē sit morbus magnus & vehemens: quod etiā Galeno authore facile licet probare. Etenim libro quarto Methodi medēdi, vbi magnitudinem morbi sanguinis ablationē indicare scribit, pro magno graue, validū, & vim magnā habentē vsurpat: quinetiā primo, & tertio de Crisibus ad hunc modū habet, siue magnū, siue vehementer morbū dicas, nihil refert: Est autē vehemēs morbus, vt postea ostēdemus, qui validè, & paruo tēporis spatio affligit, quo fit vt idem etiam sit hoc modo magnus morbus, & acutus, quemadmodum à Galeno sæpius vsurpatur, vt quum in Aphorismis primi libri maximum extremum & acū

& acutissimum pro eodem sumit, & acutum, vehementemque definit, qui valida infert accidentia, & citatum, velocemque habet motum. Hoc sanè modo morbi magni nomen usurpamus, quum ab eo sanguinis missione indicari tradimus: quum enim validus sit, velociterque moueatur; valido, & velociter succurrere potenti, cuiusmodi est venæ sectio, remedio opus habet: qua ratione etiam tenuissimum victum ægris intungendum esse dicimus, quum morbi sunt maximi: quamobrem, nec hydrops, nec febris hectica, vel cordis intemperies sicca, aut hepatis scirrhus magni simpliciter morbi censentur, etsi in principe parte consistant, & periculosi iudicentur, propterea quod validam vim non habent, aut si validam non certe citatam, hoc modo peripneumonia, pleuritis, angina, phrenitis, apoplexia magni morbi intelliguntur. Illis enim venæ sectio, tenuisque victus ob vehementiam conuenit. Vna est hæc morbi magni significatio, quæ & vera est, & maxime propria Galeno, quæ etiam metimur morbos magnos qui in vnaqua; specie inveniuntur: Nam quemadmodum in ipso genere morborum medium quoddam statuitur; sic in vnoquoque genere qui maxime excellunt, vel infra medium subsistunt, magni, parique esse dicuntur: quo modo magnam febrem, magnam inflammationem, & paruum ad id quod mediocre in febribus, & inflammationibus est, respicientes, appellare solemus: Alia verò est significatio, & differentia quæ respectu virium sumitur: quum enim vires nostri corporis morbum ferant, & cum eo contendant; qui eas excedere videtur morbus, magnus dicitur. Quæ ratione morbus magnus usurpatur à Galeno, quum eos magnos vocat, qui partem principem occupant, vel maligni existunt, aut suapte natura in vniuerso genere morborum, magni: Est namque hæc latissima morbi magni significatio, quum magnum pro eo, qui plurimum à naturali mediocritate recedit, tunc usurpamus; quo pacto scribit Galenus primo ad Glauconem ad tantam magnitudinem morbum peruenisse, quantum vnusquisque à naturali suo statu recessit, quo significatu magnus pro periculoso capitur, periculosus enim est, qui plurimum à natura sua hominem distrahit, qualis vt plurimum est, qui in membro nobili consistit, & qui suapte natura magnus, qui malignus, quique facultates nostrum corpus gubernantes, aut præstantes, præcipuasque actiones labefactat: quippe quum natura huiusmodi morbos non facile vincat, sed sæpius



illis, dissoluto robore, succumbat: Ceterum virium nomine non solum corporis, sed etiam medicinæ vires intelligere oportet, in his scilicet morbis, qui non tam naturæ opera, quàm artis nostræ beneficio curantur: Eos namque magnos optimè vocabimus, quemadmodum Aëtius Cappadox Elephantiasim maximum morbum appellabat, eo quòd omnium remedium vim contemneret, & excederet: sumi autè his modis morbum magnum, nec plures esse illius differentias ex Galeni libro de totius morbi temporibus apertè intelligere licet, ubi scribitur: Morbum magnum capere oportet, quum supra vires nostras fuerit, vel propria substantia magnus, vt homo, vel equus magnus: Propria autem substantia magnum intelligas oportet, ac si dicas in genere suo, quod satis ostendit, quum ait, vt homo, & equus magnus, qui tales dicuntur, eo quòd in genere suo magni existant: diuersa tamen quædam est in his magnitudinis ratio: Nam hominem magnum, aut equum solum vocamus, quando iustam eam mediocritatem, quæ medio sui generis debetur exuperat. magnum autem morbum vocamus, non solum, qui ob excedentes, sed etiam deficientes causas morbosas à mediocritate sua recedit; vt autem in his, qui alio modo magni dicebantur, qui maximè excellit maximus censebatur, sic nunc qui plurimum abest à naturalis status mediocritate, maximus est putandus: qua ratione magna symptomata à magno morbo, & maxima ab eo, qui plurimum excellit, naturamque distrahit prouenire passim scribit Galenus: Illud tamen probare non possum, quòd quum ille quarto Methodi de venæ sectione agat, & eam morbi magnitudinem querere deberet, quæ sanguinem demendum indicet; quæ scilicet ex propria essentia morbi sumitur, de alia etiam mentionem faciat, quæ virium collatione dicitur; nec distinguat quinam ex morbis magnis eo remedio opus habeant, sed absolute pronunciet morbi magnitudinem id esse, quod venæ sectionem monstret. Hinc sane illæ contentiosæ disputationes, quæ passim de venæ sectione in scholis agitantur, dum nonnulli cōtendunt omnem morbum magnum huiusmodi remedium postulare, sed repugnare aliquando vires, quæ cum huiusmodi morbis, vt hectica febre, infirmæ subsunt. Alij verò aliter sentiunt; omnes certè Galeni varietate confusi: qui tamen (vt nos ostendimus) vera præcipit, si modo intelligamus duas apud eum esse morbi magni differentias, vnam, quæ idem sit cum vehementi, quæ indi-

catrix

atrix est venæ sectionis, aliam, quæ nobis idem, quod periculosus morbus, significet: quin etiam in eo mihi deficere videtur Galenus, quod non omnia enumeret, quæ morbum magnum reddunt, neque enim solum ob partis præstantiam, malignitatem, & magnitudinem affectus, sed etiam ob causarum vim morbi magni fiunt: quemadmodum qui cum multitudine humorum laborant, ob humoris exuperantiam periclitantur. Male præterea meo iudicio magnum suapte natura morbum ex urinis oleaceis, sputis perniciosis, & denique signis aliis lethaliibus dignosci scribit in libro de Temporibus morborum: quandoquidem hæc non magis eum, qui suapte natura, quam qui virium ratione magnus est, aut malignum ostendunt: Postremo eos vocare magnos, qui ex cacoëthia consistunt, est magnum cum maligno confundere, quos inter se distinguere plurimum refert, atque hæc satis de morbo magno & paruo: ex Galeni opinione, quamquam tamen paulo latius meo quidem iudicio magni morbi quam acuti natura sese extendere debet; siquidem ossium crassiorum fracturas inter morbos magnos statuimus, qui tamen acuti esse nequeunt, nimirum quod antequam perfecte sanentur, acutorum terminum excedant: quare magnos vocarem, qui vim magnam obtinent siue cito, siue tardius solvantur, etiam ut plurimum cum magnitudine celeritas coniuncta est: alioqui si magnos eos vocemus qui simul insigniter, & paruo temporis spatio infestent, differentia ea prætermittitur, quæ morbi continentur, qui valide, & nullo tempore præscripto affligunt: præsertim, quum Galenus ita etiam sumere videatur quum vehementes pulsus à magnis distinguit, nec ita magnos ut morbos vocet. pertinet ad hanc opinionem quod ille scribit libro septimo de Compositione medicamentorum per genera; inflammationem magnam vocari, vel ob ipsius insignem tumorem, vel ob partis inflammatae magnitudinem; ex quo quidem loco colligimus non solum magnos à vehementibus differre; (siquidem inflammationes, schirrhii qui vel hoc, aut illo modo magni ponuntur longius progredi possunt,) sed etiam eos, qui oriuntur in partibus, peculiari alia ratione, magnos censendos esse, quod scilicet magnam aliquam partem occupent.

*De morbo æstiuo, & hyemali.*

## CAP. VIII.



**ÆSTIVOS** morbos intelligunt medici, tum eos, qui in æstate gignuntur, quemadmodum Hippocrates æstiuas quartanas vocat. quæ æstate nascuntur, tum qui proprij sunt æstati, conueniuntque cum illius temperie, vt tertianas febres æstiuas nuncupamus, quòd à bile flaua fiant, quæ æstate potissimum viget, committendique huiusmodi morbos propriam vim habet: vulgus etiam æstiuos videtur vocare morbos, qui æstate finiuntur, vt quum æstiuam quartanam appellat, quam existimat non prius solui posse, quàm ad æstatem peruenit: sic hyemales, vernaes, & autumnales intelligere oportet: quanquam etiam autumnales ad similitudinem eorum, qui autumnò gignuntur, vocantur omnes, qui sunt incòstantes, & incerti, vt in eo Aphorismo Hipp. Quando eadem die modo calor, modo frigus autumnales morbos expectare oportet.

*De bilioso, & pituitoso morbo.*

## CAP. IX.



**BILIOSVM**, pituitosumque morbum vocamus, qui à bile, pituitaue provenit, quo modo cholericam passionem, & tertianas febres biliosos morbos appellamus. Dicitur & biliosus, in quo bilis redudat, veluti quum ex obstructione hepatis ob crassos, viscidòsque humores facta, occlusisque meatibus, per quos bilis expurgari consuevit, ea in vniuersum corpus effunditur, aut ad ventriculum intestinæque transmissa, vomitione, aut alui deiectione excernitur: Eadem sit ratio de melancholico, sanguineoque morbo.

*De morbo communi, vniuersali, particulari,  
& eorum differentijs.*

## CAP. X.



**TSI** communem morbum pro vniuersali, & contra vsurpamus, tamen propriè vniuersalem vocabimus, qui vniuersum corpus infestat, quemadmodum quum dicimus febrem vniuersalem pro eo, quod est totius corporis morbum esse;  
**Inflamma**

Inflammationem autem particularem. Communem verò ad Græcorum imitationem, qui *παίσιονα & κοινὰ νοσήματα* huiusmodi morbos vocant, definiemus, qui multos inuadit; simplicitérque communes dicuntur: quum verò febrem communem morbum esse dicimus, non simpliciter, sed corporis adiectione id facimus: Docet etiam differétiam inter communem, & vniuersalem morbum, quod illis opponitur: Nam communis morbis *σποραδικοὺς*, id est sparfos, non particulares opponunt Græci. Vt ergo cōmunes morbi sunt, qui multos inuadunt, sic sparfi separatim, sparsimque homines apprehendunt; Porro communium morborū quidam *ἐνδημοί*, quos interpretes publicos vertunt: alij *ἐπίδημοί*, siue *ἐπιδήμοι*, qui vulgares appellantur. Definit autem Galenus *ἐνδημούς* eos esse, qui semper tenent locum quempiam, vnde à quibusdam vernaculi, & patrij nostra lingua dicuntur; *ἐπιδήμοις* autem vocat, qui tempore anni aliquo in regione aliqua grassantur, quorum qui perniciosissimi sunt, multosque occidunt, pestilentes vocantur morbi: Differunt autem endemij ab epidemiis, quòd illi perpetuò eandem regionem obsideant, hi verò minimè, tum quòd vniuersum epidemiorum morborum genus causam habeat aërem ambientem non ex loci ratione, sed potius ex cœli statu infectum: endemij verò vel ex aëre patrio, vel etiam ex aquis, quibus regio tota vitur, nascantur, ita quidem videtur sentiendum Galeno auctore in libro primo de Morbis vulgaribus, & de Victu morborum acutorum, etsi non satis exprimat quonā modo hi morbi inter se differāt, ex omnibus tamen locis colligo epidemios, & endemios id commune habere, quòd sine discrimine omnis ætatis, & naturæ homines pariter inuadant, vtpotè qui ex communi causa proueniant: In hoc verò eos differre, quòd epidemiorum causa semper sit aër, aliorum autem ea etiam quæ toti regioni sunt communia, communis victus, vt cibi, & aquæ præsertim communes. Præterea quòd proprius sit loco aër, qui endemios committit, alienus verò, & aliunde corruptus qui epidemios facit. Adde quòd endemij lethales esse non solent, vt epidemiorum genus, quod pestis dicitur. His omnibus opponuntur sporadici qui sparūm, priuatimque ægros discrepantesprehendunt, neque secundum communem aliquem modum consistunt.



*De morbo in habitu.*

## CAP. XI.



**M**ORBVM in habitu dupliciter vsurpant medici, vel enim intelligunt eum, qui habitum corporis occupauerit, vel qui difficile iam remoueri possit, qua ratione hecticam habitualement (si ita loqui liceat) febrem nominamus; tum quod in habitu corporis consistat, tum quia stabilis, solutūque nontumax, quemadmodum quæ habitum iam contraxerunt. Porro corporis habitum hic intelligere non oportet partes, quæ primum oculis subiiciuntur, nempe carnem, & musculos, qui omnia ambiunt ossa, quo modo Galenus aliquando vt in arte medicinali sumit: Non enim solum exteriores illæ partes, sed etiam interna viscera in hectica febre male habent, sed quemadmodum ille scribit libro primo de Differentiis febrium, habitus corporis nomen nobis significare solidas partes; hic quoque intelligendo solidas partes, non solum vere solidas, quas ex semine constare ille putat, sed omnes, quæ humoribus sunt solidiores; quo modo dicimus corpus nostrum constare ex spiritibus, humoribus, & partibus solidis.

*De morbo proprio, & improprio.*

## CAP. XII.



**Q**UEMADMODVM *ἰδρυπάδης*, id est propriam passionem vocat Galenus libro primo de Locis affectis, quæ ita iam stabilis est, vt ablata causa, quæ eam excitauit, permanere possit, & propriè affici partes dicit, quæ proprio affectu hoc modo laborant: sic vno modo licebit proprium morbum appellare, qui ita iam firmatus est vt remota causa, à qua primū est procreatus, persistere valeat: Alio modo propriū morbū dicimus, qui nulli alteri potest contingere, vt intemperiem proprium morbum simularium vocamus, vt visionem propriam esse actionem oculi, quod à nulla alia parte edatur. Appellat & in hoc significatu signa propria Galenus in libro de Differentiis febrium, quum quædam indicia illarum ait propria esse, alia inseparabilia, quædam verò communia, & separabilia alia.

Posset

Posset etiam quispiam iis, qui sunt multis communes, proprios opponere, quos Græci potius *εἰσαγαγμένοι* vocant: Sic ergo improprios vocabimus, qui (veluti Archigenes dicebat) sicut umbra cito transeunt, quos alio nomine libro secundo de Viſtu acutorum morborum incompletos, ut stabiles completos nominat Galenus: vel quia alios infestare valent, quales in partibus per genera distinctis nulli reperiuntur: quippe quum simularium partium morbi, nunquam ad instrumenta pertineant, aut e contra, in corporibus vero ipsis id contingit; quemadmodum quum tertianam non proprium esse morbum pituitosis corporibus, sed biliosis dicimus.

*De Salutari, & lethali morbo.*

CAP. XIII.



**S**ALUTARES eos vocari morbos, in quibus certò speratur salus, aut ut plurimum ad salutem solvuntur; lethales verò, qui vel semper, aut magna ex parte perimunt, omnibus patere puto: quemadmodum etiam quòd illi dubij intelligantur, quorum euentus est incertus. In hoc tamen non placet Galenus, quòd duplicem solum finem saluti, & mortem omnibus morbis constituere soleat; tertium enim quoddam genus est, quod nec occidit, nec vnquam sanatur; cuiusmodi est elephantiasis, & in nonnullis calculus, podagra, morbus Gallicus, comitialis morbus, destillationes in senibus; quemadmodum optimè Hippocrates admonuit in Aphorismis, hoc genus morbi senes ad mortem comitari: triplex ergo finis morbis omnino statuendus: quòd si interim quidam sunt, qui in alios terminentur, ut lateralis morbus in peripneumoniā, & hæc in phrenitidem, & ipsa etiam phrenitis nonnunquam in lethargum; omnes tamen tandem vnum ex prædictis finem consequuntur.

*De morbo, qui per Crisim soluitur.*

CAP. XIII.



**M**ORBOS qui paulatim solvuntur, nullo peculiari nomine donarunt medici antiqui: Eos autem quos céticos, & per crisim solui dicunt Græci, vertunt nostri interpretes morbos, qui subito finiuntur, sed male; quum crisis non

solum subita, sed magna etiam sit, Galeno auctore, in morbo mutatio; quod ostendit, quando crīsim definit esse mutationem ἀδρῆαν, id est magnam, & repentinam, sic enim verbum Græcum explicat tum alibi, tum in primo de Causis symptomatum: Carent ergo proprio nomine qui subito finiuntur morbi sine magnitudine: Ac in hoc quidem Galenum probare non possum, quod crīsim negligentius definiat: Non enim omnis mutatio magna, & subita, quæ in morbis contingit Crisis appellari potest; quum postea dicat crīsim omnem subsequi, vel excretionem, vel abscessum, illiusque auctorem esse naturam, facultatēque excreticem; sunt enim magnæ alix, subitæque mutationes in morbis alio modo, ut quum sanguis in febribus synochis usque ad animi defectum, iubente medico, mittitur, vel statim moritur homo ex vulnere, aut apoplexia, vel alio modo confertim absque naturæ opera, & excretionem dissolvitur corpus: Ergo quum solutiones, mutationesque in morbis, alix subito, alix paulatim fiant, & illæ aut cum vehementia, vel sine vehementia: & rursus quæ vehementes existunt, vel à natura cum excretionem, vel abscessu, & in pueris etiam per coctionem, vel ab alio fiant, eas quidem, quæ à natura peraguntur crises vocabimur, præsertim si cum excretionem, vel abscessu contingant. Nam per coctionem vix aliquid subito mutari potest; alix verò simplici nomine carent. In hoc etiam non videtur Galenus servare sua principia, quum enim crīsim magnam subitamque mutationem definierit esse, postea tertianas exquisitas, qui certe morbi non sunt magni, nec magnas mutationes facere possunt, primo ad Glauconem, & alios leuiores morbos alibi per crīsim finiri scribit.

*De morbo breui, & longo & producto.*

C A P. X V.



**B**REVEM morbum vocari, qui cito finitur, docente hoc nomine ipso, omnes nouerunt: At non omnes definire possunt tempus, quod excedere non potest morbus, qui brevis esse debet: sed soli medici, qui breues eos statuunt esse, qui intra quadraginta dierum spatium terminantur: Eos autem longos censendos putant, qui vel ipso quadagesimo die desinunt, aut ultra progrediuntur. At verò producti, siue  
extensi,

extenſi, quos Græci vocant *παρεξένοιας*, morbi intelliguntur, qui in ſuo genere acceſſiones habent exquisitis morbis longiores; quo modo tertianam productam, teſtante Galeno libro ſecundo de Differentiis febrium, vocamus, cuius acceſſio tempus acceſſionis exquisitæ tertianæ excedit. vocat & Galenus quorſdam affectus nunc breues, nunc longos, vt quum apoplexiam quadrageſimo ſeptimo Aphoriſmo ſexti inter longos morbos recenſet, quam inter acutiſſimos alibi collocat, id autem facit, quòd aliquando acceſſionem horum morborum ſpectet, quæ ſanè breuiſſima eſt, aliquando diſpoſitionè ipſam, quæ non niſi longo tempore finiri ſolet.

*De morbo benigno, & maligno.*

C A P. XVI.



**MORBVM** malignum, quem Græci *κακός* vocant, definit Galenus libro primo Proſſethi. corum eum eſſe, qui quum periculum vitæ minetur, ſpem tamen ſalutis non adimit; ſed meo quidem iudicio non bene: Etenim magni periculum etiam portendunt, vt magna febris, magna inflammatio, quæ omnino ſunt cum periculo, ſpem tamen ſalutis (quantum in ſe eſt) non tollunt: Alibi verò malignos morbos appellat, qui omnibus ritè, decenterque factis, non tamen ſanantur, quomodo vlcera maligna quarto Methodi vocat: At quum medicus prænoſcere debeat, antequam curationem aggrediatur, quæ benigni, maligniue ſint affectus: neceſſe proſecto eſt ex his definitionem moliri, quæ ſtatim cum ipſa natura morbi ſunt coniuncta, non ex aliis, quæ temporis ſpatio eueniunt: uſurpat etiam nonnunquam malignum pro vehementi; vt quum octauo libro Methodi medendi ab inedia febres in bilioſis corporibus malignas reddi ſcribit. pro eo quòd eſt vehementes, & acriores. Cæterum libro primo de medicamentis per genera ad hunc modum ſcribit: Vlcers quæ ex humorum confluxu, vel multorum, vel acrum oriuntur, ſine eo quod locus affectus huiusmodi iam diſpoſitionem habuerit, vt licet bonum ſit, quod inſluit tamen ipſum corrumpat, dyſepulota nomino: quæ verò dictam diſpoſitionem iam obtinent, præcipuo vocabulo cacoëthe appello. Contra verò initio libri quarti, eiufdem operis, his quæ ob influentes humores cicatricem ægrè admittunt, ſine nomine relictis;

ea pariter vocat dysepulotica, & cacoethe, quæ ob locum affectum, humores ipsos corrumpentia, cicatricem, haudquaquam recipiunt. Postea tamen ubi de emplastris ad vlcera maligna ab Andromachio scriptis agit, admodum maligna vlcera vocari censet, quæ vel in parte malè affecta consistunt, aut quæ ex prauo succo influente proueniunt, erodunturque tanquam hæc ab his differant, quæ difficilè ad cicatricem perducuntur, quibus nihil sane relinquitur, si vtrunque affectum ex parte laborante, & humoris confluentis prauitate, maligna vlcera sub se continent. Ac profecto nemo est (ut puto) sanæ mentis, medicinæq; peritus, qui non agnoscat multa negligentius à Galeno fuisse scripta. Quum enim nihil frequentius in ore habeat, quàm maligni, benigniue morbi nomen, ut quum febrem malignam, vlcera, & alios denique morbos, benignos, malignosque nominat, & morem morbi (quod nomine malignitatem, benignitatemque comprehendimus) à medico, si quid aliud, dignosci debere præcipit: oportebat sanè diligentius eum alicubi docere quid his nominibus intelligendum foret, nec rem eandem nunc vno modo, nunc alio viurpare. Nam qua ratione quæso, maligna vlcera, aliquando ex curatione & euentu, aliquando verò ex causis & dispositionibus definiemus? cur malignos affectus cum aliis confundit? Cur aliter vlcera quàm febres, aut aliud morbi genus maligna nuncupabimus? quum eadem debeat esse definitio, ut idem est nomen, eademque natura: quatenus maligna esse censentur: quamobrem alii conati sunt hæc definire, malignum scilicet vocantes, qui furtim; benignum, qui palam grassatur: quæ ratio quibusdam sanè conuenit, ut illis febribus, quæ quum paræ tactu, & propria sua natura appareant, interim tamen præter expectationem occidant. Verum quum multi sint maligni morbi, qui vehementiam suam ostendunt, qualia sunt vlcera neruorum, quæ non latenter, sed palam nocent, nec non morbi, qui ex morfu ferarum lethaliū contrahuntur, totum hoc genus morborum propterea definiiri non potest, quòd furtim affligat: vnde putarem communi omnibus ratione ita eos circumscribi posse, quòd scilicet malignus sit morbus, qui seueriora infert accidentia, quàm pro ratione propriæ essentia affectus conueniat: Hoc enim modo paruam febrem in qua calor exiguus sentitur, si parua accidentia infert, mitem, benignamque censemus: quòd si vehementia exciter sympto

symptomata, malignam iudicamus esse: sic paruum vulnus, quod sequuntur accidentia magna, malignum appellare sole-  
mus. Vocabimus & humorem malignum in febribus, qui concoctionem in excrementis ostendit exactam, & tamen febrem fouet, producitque præter euentem rationem. Licet verò & alio modo, sed eadem ratione morbum definire malignum, cuius natura causæ, & effectus ad manifestas causas redigi nequeunt: Hac enim ratione morbos à venenis, quæ tota substantia siue qualitativis occultis nocent, illatos, malignos dicimus: Et elephantiasim eodem pacto malignum affectum censemus, quòd naturam habeat, quæ certis, & euentibus qualitativis exprimi nequit: veluti nec humoris natura à quo gignitur: Non enim quia calidus, vel frigidus, vel crassus, vel tenuis humor sit, sed quòd indicibilem quandam qualitatem habeat, malignum huiusmodi morbum committit: ferè autem contingit, vt qui vehementius sæuiant morbi, quàm exigua eorum natura monstret, ab illis causis nascantur, quarum qualitates, & vis certa ratione exprimi non possit, sed ad totam rei substantiam (ne omninò causam ignorare videamus) referatur. Ita meo quidem iudicio malignos morbos definire oportet: nam vlcera quæ ex humorum affluxu procreantur vel fouentur, atque adeo illa, quæ ex aliis intemperaturis, bonum sanguinem corrumpunt humida, intemperata, aut alio nomine, potius quàm maligna aptius nuncupabimus.

*De morbo simplici & composito.*

CAP. XVII.



**S**IMPLICEM morbum non vno modo dici apud Galenum intelliget, qui illius libros diligenter excutiet: Nam aliquando simplicem pro miti vsurpat, vt quum diariam febrem, aliòsque leues morbos simplicissimos, mitissimòsque vocat; Eos his opponens, qui vehementia inferunt symptomata; nonnunquam etiam malignis aduersari dicit, & pro benignis capit, vt tertio libro Prædictionum; vbi simplicissimas febres interpretatur non malignas. Sumit & simplicem pro eo, quod simpliciter dicitur; vt quum intermittentem tertianam, id est simpliciter dictam, vocat: ad contrariæ differentiam, quæ adiecto continui nomine pronuntiatur. Quinetiam simplicem morbum pro vno capi, & duplici

plici opponi constat; quemadmodum quum simplicem tertianam & duplicem dicimus pro eo, quod est vnā & duas tertianas. Simplicem item intelligi morbum, qui composito aduerfatur, clarius est, quā vt dici debeat: intelligentes ſcilicet tunc propriē ſimplicem, in quo ſimplex, & vnica eſt diſpoſitio ex ſimplici cauſa, & vnica vim habente excitata: qua ratione intemperiem exceſſu vnus duntaxat qualitatis factam, ſimplicem nuncupamus: Alio verò modo ſimplicem vocamus morbum, qui cauſas præſentes non habet, à quibus eſt excitatus, vel fouetur veluti diariam febrem initio decimi libri Methodi medendi ſimplicem vocat, eo quòd ablatis cauſis, à quibus orta eſt, manet: putridam autem contra compositā dicit, propterea quòd cauſam habet, à qua fouetur, atque augetur. Sumi præterea ſimplicem pro exquisito certiffimū eſt, quum ſæpius in libris de Criſibus Galenus febres, quas exquisitas vocauit, poſtea ſimplices nominet. Cæterum compositū, quem *σύνθετον* Græci morbum vocant, definit Galenus eum eſſe, qui cum alio morbo coniungitur. At quum eos etiam compositos nuncupemus, qui cum cauſa ſua, aut ſymptomate ſunt coniuncti; præſtat generalius definire; ita vt cōpoſitus dicatur, qui cum aliqua re aliena à ſua natura coniungitur. At quoniam cum diuerſis miſceri poteſt, non vnica eſt compositi morbi peculiaris ratio, nec etiam appellatio: quandoquidem ex diuerſo compositionis modo, diuerſa etiam nomina ſunt excogitata. Quod ſi docendi ratio poſtulare videtur, vt tot modis compositi morbi nomen, vt ſimplicis uſurpetur, & contrarios his affectibus, qui à ſimplici ſignificātur, oſtendat; fecit tamen docendi uſus, & antiquorum licentia, vt nec æquales, neque oppoſitæ prorsus ſint ſignificationes: Itaq; compositos vno modo intelligimus, qui cauſam præſentem habent, quæ eos peperit, atque hac ratione putridas febres compositas dicimus, quòd adſit obſtrictio, ex qua ſunt natæ: Alio modo compositos vocamus, qui adiuncta habent ſymptomata admodum inſignia, adeo vt peculiārem medici curam poſtulent: hoc pacto Galenus primo ad Glauconem febres compositas, complicatæſque appellat: quæ cum huiusmodi ſymptomatis connectuntur, videturque tunc compositus, pro vehementi, vel maligno ſumi, qui etiam ſæpe morbus cum alio morbo coniungitur, compositusque ob id dicitur, vt intemperies calida cum ſicca. Compositionem autem fieri vult Galenus tum inter morbos eiufdem generis:

ut quum intemperies intemperaturæ coniungitur; calida, & frigida cum humida, & sicca: tum inter morbos eiusdem speciei, ut si tertiana tertianis misceatur febribus: vel diuersæ, ut si tertiana quartanis coniungatur, nec non diuersa genera diuersis generibus, & diuersi generis diuersas species inter se componi posse idem author statuit; veluti si intemperies cum vlcere coniungatur, & febris cum luxatione, morbos hos compositos esse contendit. Adhæc compositum morbum aliquando vocat Galenus, quum duo morbi contrariæ naturæ in eadem parte consistunt, quod ostendit, quum scribit in lib. de Differentiis morborum ex meatibus partim dilatatis, partim constrictis opinione eorum, qui atomos ponebant, partes ita affectas, morbo composito laborare. Iam verò ex diuerso compositionis modo variæ quoque & singulis peculiæ appellations sunt excogitatæ: alij enim ita componuntur, ut inter se implicentur, quos Græci *ἐπιπλεγμένους*, & *ἐπιπλεγμένους* vocant: alij verò confunduntur, mutuòque temperantur, vnde eos nominant *κραννμένους*, id est confusos, & temperatos, ut ex secundo de Crisibus, & tertio libro de Morbis vulgaribus Galenus docet. Intellico autem implicatos, siue implexos morbos, qui propriæ suæ naturæ, vel semper, aut saltem aliquando ab alio distincta retinent, ut quum tertiana quotidianæ coniungitur, sed diuersis horis earum singula inuadit, quod etiam Galeno placuit libro secundo de Differentiis febrium; quamquam ille in præmio secundi Commentarij tertij libri de Morbis vulgaribus, nescio qua ratione, appellat morbos complicatos, quum plures partes simul afficiuntur: Confusos verò, & temperatos definit eodem authore, qui ex mutua missione ita coniunguntur, & temperantur, ut illorum natura minime distincta appareat, veluti si quotidiana, & tertiana eadem hora hominem apprehendant, quo tempore non rigor, qui tertianam ostendit, non frigus externarum partium, quod quotidianæ est indicium, sed horror ex frigore, & rigore mistum symptoma nascitur: Sic sanè Galenus, quum tertianæ, quotidianæque accessio simul adueniunt, & quotidiana continua, & tertiana intermittens hoc pacto coniunguntur, temperatam, confusamque fieri febrem commemorat: Verum in hoc non placet, quod compositum morbum vocet duos morbos diuersi generis in eodem instrumento, sed in diuersis partibus similibus instrumētum componentibus consistentes: quemadmodum



admodum oculi morbum appellandum censet in libro de Differentiis morborum, quando plures eius particulæ laborant: plures enim morbos, qui ad vnâ compositionem, vnâque naturam spectant, vt intemperiem ex duabus qualitatibus prouenientem: siue eandem partem occupet, vt inflammatio: siue plures, vt hectica febris morbum vocare compositum rationi est consonum. At diuersi generis morbos dicere vnum esse, quum diuersa sit, quæ vitiata est compositio, diuersâq; & non composita remedia suapte natura requirat, non admodum videtur probabile, quemadmodum antea ostendimus; non tamen prohibeo, vt vnusquisque sentiat vt lubet, dummodo intelligat verè eos compositos censendos esse morbos, qui ex eodem genere inter se coniunguntur: vt quum intemperies vna alteri, & conformatio magnitudini, numero, coniunctioni, vel vnioni connectitur.

*De morbo exquisito notho vero, & non vero.*

CAPVT XVIII.



**X** Q V I S I T V M morbum, quem Græci *ἀνθρῶπις νόσος* vocant, pro simplici aliquâdo usurpat Galenus: vt quum scribit secundo de Crisibus exquisitas febres statim ab initio cognosci posse, eas verò, quæ cum aliis componuntur non item. At propriè exquisitus morbus intelligitur, qui in suo genere sincerus est, quamquam de omnibus morbis non ita hoc nomen usurpamus, sed de his potissimum, quos humoris vitium committit: Non enim intemperiem calidam, vel siccam ab externis causis in aliqua parte contractâ exquisitam, aut notham dicimus: quemadmodum tertianam, quartanam, aut aliam huius generis febrem, vel inflammationē, vt quum exquisitam pleuritidem, vel erysipelas exquisitum secundo ad Glauconem Galenus vocat: Cæterum tertianam exquisitam definit ille eam esse, quæ vltra quartum, aut septimum circuitum non progreditur, verum longè antè quàm finiatur, eam dignosci à medico necesse est: quandoquidem alia remedia exquisitis morbis quàm non exquisitis conueniunt: quamobrem ratione exquisitam vocabimus, quæ in suo genere sincerissima est, & simplicissima. Intelligemus autem eam sincerissimam, simplicissimamque, quæ à pura bile gignitur: Nam quæ cum pituita,

pituita, vel alio humore miscetur; non iam exquisitam, & legitimam, sed notham, & adulteratam mistione alterius humoris. tertianam parit: quod si interim non solum ex sincera bile, sed etiam ex anni tempore æstiuo, ætate iuuenili, laboriosa vita, & aliis huiusmodi exquisitam tertianam circumscribere videtur Galenus, ita intelligendum est, ut ea per se id non faciant, sed quatenus, puram bilem in corpore redundare significant: Eodem itaque modo exquisitos, siue legitimos morbos intelligemus, qui purissimi sunt in suo genere, & mistione causarum, humorum inquam, minimè adulterantur: His verò contrarios nothos non exquisitos, impuros eadem ratione vocabimus: hoc enim modo exquisitum erysipelas vocat Galenus secundo ad Glauconem, quod non est cum inflammatione, aut alio genere tumorem adulteratum. Illud verò ignorandum non est exquisiti nomen in morbis etiam compositis à Galeno usurpari, quemadmodum quum secundo de Differentiis febrium exquisitam semitertianam nominat, eam intelligens, quæ ex æquali mistione tertianæ, & quotidianæ continuæ nascitur. Veri morbi etsi pro exquisitis sumi posse videntur, latius tamen veri nomen, quàm exquisiti patet: Etenim tertianam quamcunque veram, aut verè tertianam esse dicimus, at exquisitam non omnem, ita ut videatur verus morbus esse, qui in suo genere commodissimè recipitur, cuique generis nomen, & ratio competit: Exquisitus verò, qui in suo genere sincerus.

*De morbo vehementi & graui.*

C A P. XIX.



VOD nos vehemens dicimus, vocant Græci σφοδρῆς. Definuit autem Galenus libro tertio de Differentiis pulsum illud esse vehemens, quod validam, siue fortem, vel robustam, & celerem simul actionem habet, qua ratione etiam secundo de Sanitate tuenda exercitationem vehementem esse scribit, quæ violenta siue valida, & velox simul existit. Proinde morbus vehemens erit, qui validè, & celeriter affligit, qui certè idem erit cum acuto, quum Galenus acutum vocet, qui valida infert symptomata, & velociter mouetur: Erit idem etiam cum magno, qui  
simpl

simpliciter magnus est, ut antea obiter admonuimus: quod verò Græci *ισχυρον* siue *ισχυρον* dicunt, solent nostri interpretes graue, validum, vel forte vertere. Galenus autem pro magno nonnunquam usurpare solet validum. fortem, grauem, & vim magnam habentem, ut quarto libro Methodi medendi, quum tamen qui verè magnus est, non solum validus sit, sed etiam velociter moueatur, si modo idem est magnus, & vehemens. At grauem morbum, quem *χεστιν* Græci dicunt, pro periculoso ferè usurpamus, quum aliquos graui morbo laborare dicimus. Quod si pro vehementi, & difficili aliquando sumimus, id facimus, quoniam qui vehemens est, vel difficilis, periculosus esse solet. Languidos autem morbos, leues, & mites, vehementibus, & grauibz opponimus.

*De acuto morbo, illiusque differentiis.*

C A P. X X.



**Q**UAM varius sit Galenus in acuto morbo definiendo, & ostendendo quinam acuti sint, vnicuique constare puto: Nam tertio libro Prædictionum, & alibi sæpius, contendit omnino eum esse acutum, qui cum febre continua, & magnitudine quadam affigit: Nunc verò acutos quosdam cum febre, alios sine febre statuit: ut quum morbum comitalem, apoplexiam, tetanum, acutos morbos esse dicit. Alibi, ut libro sexto de Morbis vulgaribus, eum vocat acutum, qui propria tempora, siue partes vsque ad finem velociter transiit, nulla magnitudinis, aut febris continuæ mentione facta: quo modo tertianam febrem inter acutos morbos nonnunquam recenset, & nobis diariam, quæ vno die omnia sua tempora percurrit, & vlcera, & denique omnes alios morbos, qui quatuordecim dierum spatio (qui terminus acutorum morborum statuitur) finiuntur, acutos nominare licebit. Confirmat hanc opinionem, quum differentiam hanc morborum, qua dicimus quosdam esse acutos, alios longos à tempore sumi scribit tertio libro Prædictionum, non à febre, neque magnitudine morborum. & quum acuta ea vocari omnia, quæ velocem motum habent, breuique spatio durant secundo Methodi, tradit: idem ostendit primo ad Glauconem, vbí acutam febrem longæ opponit. Quinetiam idem author quosdam morbos, ut Apoplexiam,

plexiam, & Epilepsiam, quos alibi acutos vocauit, vt quadragesimo septimo Aphorismo sexti libri, longos appellat: Ac vt constat ex tertio Prædictionum, magna de his nominibus, & eorum usu apud antiquiores medicos fuit contentio. Nam quidam ex Græcis, vt Celsus refert libro tertio, morbos diuiserunt in acutos, & longos; quo fit, vt Galenus varia tractatione, dum nunc hos, nunc alios sequitur, lectorem cōfundat; vt plurimum tamen acutum vsurpare videtur pro vehementi. Porro vt varius est Galenus in acuti morbi significatione, ita nusquam exactè illius differentias, & aliorum morborum, à quibus hæ nascuntur, expressit; id quod nos ex variis ipsius locis adiuti nunc facere tentabimus. Igitur quum morbi alij sint breues, alij longi. his relictis (vtpote qui à natura acutorum morborum sunt alieni) de aliis agemus. Porro breues morbi alij cito, alij tarde (qui & tardi dicuntur) terminantur, quòd scilicet tardo motu progrediantur: qui quoniam intra quadraginta dies desinunt, breues propterea censentur: qui verò cito ad finem perueniunt, quidam comitem habent magnitudinem, & acuti ob id nuncupantur; vt pleuritis, peripneumonia, lethargus, phrenitis, angina, febris ardens; Alij sine fortitudine præproperè finem suum consequuntur, vt diaria, & alij similes morbi, qui breues, & parui dicuntur. Ex acutis rursus quidam simpliciter acuti, id est sine adiunctione aliqua dicuntur, qui intra decimum quartum diem soluuntur, quidam non simpliciter acuti: qui intra vigesimum, & post decimum quartum finiuntur; vt qui vigesimo septimo, & vigesimo die desinunt; suntque iidem re cum simpliciter acutis: Idem enim morbus ob causæ maiorem vehementiam, aut paruitatem, aut ægri naturam simpliciter, aut non simpliciter acutus euadit: Alij verò sunt, qui acuti dicuntur, hoc adiecto, quòd quadraginta diebus terminentur. Quartum additur genus, quod eos continet, qui ex acutis profecti vocantur, vt tabes, suppuratio, hydrops, & similes, qui ex acutis sæpe fiunt, & inter acutos nonnunquam numerantur; quum tamen re vera sint diuturni: Id autem faciunt medici, vt originem morborum reperant: quoniam enim prædicti affectus, & nonnulli alij ex acutis morbis nonnunquam proueniunt, aliquando verò ex aliis causis nascuntur; acuti nominis adiectione, qualis fuerit eorum origo, monstrant: postulatque etiam docendi ratio, vt vniuersum acutorum morborum genus, in quo acuti mentio fit, diuidendo exhauriamus;

et si interim quidam ex diuisione resoluant, qui postea inter longos reponi debent. Iam verò inter simpliciter acutos morbos, quidam peracuti, qui & acutissimi dicuntur, quorum terminus est intra septimum diem; cuiusmodi est angina, cholera, tetanus, apoplexia: Alij, qui à septimo vsque ad decimum quartum extenduntur qui simplicis nominis inopia; nomine generis non aliter quàm simpliciter acuti vocantur. Peracuti rursus bifariam diuiduntur: Nam quidam ex illis simpliciter peracuti, qui intra quartum diem abeunt, qui ob id peracutissimi nominantur: Alij qui quartum excedunt; quales sunt, qui quinto, & sexto iudicantur, qui etiam peculiari nomine destituti non aliter quàm simpliciter peracuti appellari solent. Ceterum acutorum, qui intra quadraginta dies terminantur, nonnulli sunt, qui ex *μικροί*, id est ex degenerazione, & mutatione in aliam speciem, & à Galeni interpretibus ex decidentia dicuntur: Huius autem generis sunt acuti illi, qui intra vigesimum diem imperfectè iudicantur; deinde vehementia contracta, reliquum, quod superest, intra quadraginta dies, vel etiam sexaginta, vt Galenus scribit secundo de Diebus decretorijs, dissolui consuevit. Alij verò sunt, qui statim ab initio veluti prohibiti, tardiusque moti, & nullam interea subitam mutationem moliri, ad quadraginta dies producuntur; quorum alij accessionum remissiones habent, quæ in exactam integritatem finiunt. Alij cum continua febre semper perdurant. Tertium genus eorum, qui intra quadraginta dies recedunt, eos continet, qui manifestè acuti in principio, & ante vigesimum diem non securè sunt finiti: deinde remissionem fecerunt; post hæc reuersi, mox intensi, nouissimè quadagesimo die desinunt: de quibus dubitat Galenus secundo de Diebus decretorijs an simpliciter, vel ex decidentia acuti dici debeant. Quos verò morbos vocet *παρρηξιακοί*, id est adauctos tertio Prædictionum non explicat; mihi tamen intelligere videtur per adauctos acutos, quos diximus antea non simpliciter acutos alibi ab eo dici; quin etiam eos esse morbos ex decidentia dictos, & eos, qui vocantur acuti quadraginta diebus soluti, patere omnibus puto, qui Galenum non oscitanter legerint.

*De morbo continuo, & intermittente.*

## CAP. XXI.



T febrem continuam, & interpolatam bifariam  
 vsurpari scribit Galenus libro primo de Morbis  
 vulgaribus, ita morbos continuos, & intermit-  
 tentes duobus modis intelligere possumus: con-  
 tinuos inquam, vel quòd nunquam desinant af-  
 fligere, vel cum hoc etiam quòd nullam mutationem per in-  
 teruallo vsque ad iudicium, siue solutionem faciant; quos nouo  
 vocabulo (vt author est Galenus) recentiores Græci *συνέχουσ*,  
 & nostri continentes vocant: Intermittentes verò, quos Græci  
*διαλείποντες* appellant, qui vel perpetuò non affligunt, sed ali-  
 quando ad integritatem desinunt, vel qui nunquam quidem  
 penitus recedunt; interim tamen nunc exacuuntur, nunc re-  
 mittuntur, cuiusmodi sunt còtinuæ, tertianæ, quotidianæ, quar-  
 tanæ, & semi tertianæ febres: Ac propriè quidem intermitten-  
 tes dicuntur, qui ad quietem, & integritatem perueniunt; &  
 continui, qui nullas exacerbationes inferunt, sed eum, quem ab  
 initio acceperunt tenorem, ad finem vsque seruant, nulla acce-  
 dente accessione. Qui verò continuò affligunt, & per interual-  
 la intenduntur, & remittuntur, quoniam cum intermittenti-  
 bus in hoc conueniunt, quòd remittantur, & exacuuntur; cum  
 continuis autem quòd perpetuò affligant, ob id à quibusdam  
 intermittentes, ab aliis continui dicti sunt; quum tamen potius  
 mediam quandam naturam inter eos obtinere, & medij ob id,  
 ancipitesque in hoc genere, Galeño autore, si antiquos Græ-  
 cos sequamur, putentur: Obtinuit tamen iam consuetudo, &  
 recentiorum vsus, vt omnes eos continuos dicamus esse, qui  
 perpetuò quomodocunque affligunt, quos Græci *συνέχουσ* vo-  
 cant; Intermittentes verò eos diligamus, qui aliquando  
 affligere desinunt, & solum per interualla sunt mole-  
 sti: At qui perpetuo quodam tenore absque ac-  
 cessionibus infestant, ad Græcorum imita-  
 tionem, qui hos *συνέχουσ* vocant, com-  
 mode à nobis iam recepto no-  
 mine continentes  
 dici pos-  
 sunt.



**M**ORBVM ordinatum vocant medici, qui certis, statisque temporibus, quod Græci *κατὰ πρῆξι-  
σιν* dicunt, affligit, exacerbatūrve, quomodo tertianam ordinatum morbum dicimus; propterea quod tertio quoque die, inuariabili motu, exacuitur: Contra verò inordinatū intelligimus, qui incerto tempore, & minimè secundum periodum recurrit; quos alio nomine errantes, & erraticos, atque incertos nuncupamus; Illos verò qui certum ordinem obseruant, stabiles, & non errantes dicere liceat, quos & constantes vocamus, & ab Hippocrate *ἰστέδεις νόσοι* dicuntur: Etsi non solum, qui certum tempus non seruant, sed etiam quoquo modo à natura sua euariāt, inconstantes appellentur; vt ex octauo Aphorismo tertij libri videre licet.

*De morbo aequali, & inaequali.*

**S**CRIPSIT Galenus de inaequali morbo intergrum etiam libellum, nec tamen satis adhuc expressit an vna, & eadē ratione, vel pluribus morbus æqualis, inæqualisve dici debeat. At si quis diligenter notauerit, quæ de hac re variis locis ab eo traduntur, non vno modo hæc nomina vsurpari intelliget; Etenim in libro de Inæquali intemperie, vocat inæqualem intemperiem, quæ in omnibus partibus corporis, quod alteratur, æqualiter non est insita; quo modo febres putridas inæquales morbos appellamus; quòd per eas partes solidæ nondum planè sint excalefactæ: sicuti humores, quos calor penitus occupauit, & insigniter affecit; & vt clarius dicam consuetis philosophis, & medicis nominibus, quòd humores sint excalefacti, partes verò solidæ adhuc in ipso calefieri & mutari. Ceterum in libris de Causis morborum inæqualem intemperiem intelligi scribit, in qua corpus à causis contrariis pari modo agentibus, simul alteratur, mutaturque: vt quum eodem tempore calidius, frigidiusque, vel humidius, sicciusque redditur, quod ostendunt Liplaræ vocatæ febres, in quibus calor, & frigus simul sentiuntur;

tur; qui modus ab alio profecto differt, vt satis omnibus constare puto: Nam in illa intemperie excessu vnius qualitatis alia omnino est remissa, in hac verò cōtraria simul, sed diuersis locis, vt in illa etiam vigent. Appellat & primo de Differentiis febrium accessiones inæquales, quæ diuerso modo, contrariisque motibus affligunt: qualis est tertianæ accessio, & omnium aliarum febrium, quæ cum frigore inuadunt, cui postea calor succedit: æqualem verò qui solum calefaciendo, vel refrigerando molestat: sic igitur & morbum æqualem, inæqualemve alio modo capere oportet. Quinetiam libro sexto de Sanitate tuenda, æqualem temperiem censet esse, qua omnes corporis partes afficiuntur; Inæqualem verò, quando in diuersis partibus differentes sunt intemperaturæ: qua ratione corpus illud intemperatum dicimus, cui, si velis, hepar, vel caput frigidum existit. Postremo inæqualem alio modo nominat morbum Aphorismo vigesimo tertio secundi, quæ inæqualem ita motum habet, vt nunc minuatur, nunc verò increascit. Atque hæc satis quidem de variis significationibus æqualis, inæqualisve morbi, ne ex homonymia in Galeni lectione rudior decipiatur lector.

*De morbo redeunte, recidiuamque faciente.*

## CAP. XXIII.



MORBOS redeutes, siue recurrentes (ita enim nominare liceat) quos Græci ἐπαναγόμενα νοσήματα vocant, definit Galenus in tertio commentario Protheticorum eius generis esse eos, qui parum quidem remittuntur, moderatioreisque euadunt, sed rursus postea exacuuntur, quo nomine complecti non videtur eos, quos dicimus recidiuam facere, quos Hippoc. duodecimo Aphorismo secundi libri ἐπιστροφώδεις νοσήματα appellat; Nam eos ἐπιστροφῆς, id est recidiuam facere usurpamus, qui non solum quomodocunque inclinant, diminutique sunt, sed penitus extincti putabantur, remanente solum aliquo in corpore symptomate ex præterito morbo, vt siccitate oris ex febribus; quod symptomata morbi causam, vt humorem, vel dispositionem morbosam subesse adhuc significat, quæ nisi probo victu, vel aliis remediis penitus aboleantur, paulatim aucta, vel simile priori, vel aliū morbum rursus excitat. Nihil tamen prohibere video,



vt vnoquoque eorum nomine vtrunque morbi genus, quod scilicet remittitur, exacuiturque, & fuga simulata, rursus redit, comprehendamus.

*De morbo per consensum, & primario genito.*

C A P. X X V.



QUOD Græci συμπάθεια dicunt, nobis compassionem, aut consensum, aliorum exemplo, appellare liceat. Dicunt autem Græci per sympathiam, & nos per consensum partes corporis affligi, & morbos quosdam gigni: Quid verò his nominibus sit intelligendum legentibus Galenum, non satis constare potest; propterea quòd ille nunc vna, nunc alia interpretatione vititur, & in eadem etiam pagina libro primo, & secundo de Locis affectis, de hac re diuersa tradit. Nam aliquando morbos, qui per sympathiam sunt contracti, opponi his contendit, qui proprii sunt, hoc est, ita stabiles, & firmi, vt recedente etiam causa, quæ eos excitauit, permanere possint, propriamque curationem requirant: Interimque eos reprehendit, qui primariæ passioni, quam *πρῶτη πάθεια* Græci vocant, sympathiam opponunt: quum *δευτέρα πάθεια*, id est secundaria, & posterior passio priori aduersetur: At alio loco, eorum sequitur opinionem, quos antea refellit, distinguitque per oppositionem ex diuisione primarios affectus ab his, qui per consensum infestant: Nonnumquam tum his, quæ per se, vel propriè, vel primariò consistant, nullo habito discrimine eos opponit, qui per compassionem sunt geniti: quod vnusquisque facillè agnoscere poterit, qui vtrunque etiam legerit, & inter se contulerit, quæ in supradictis libris de hac re ab eo authore scribuntur; tanta sane varietate, & scribendi licentia lectorem confundere solet, vt nihil perpetuum ex eo sibi polliceri quispiam valeat. Verum enimvero si per compassionem affici dicitur pars aliqua (vt ille scribit) quæ ab altera afficitur: constat nihil aliud esse affectum per sympathiam, quàm qui ab alio est excitatus; ita vt idem sit cum eo, qui secundario genitus est: sic enim & verbum ipsum ostendit, compati; & vsitatus à medicis loquendi vsus. Quippe quum dicamus quibusdam caput dolere ob cōsensum cum ore ventriculi, existente scilicet prius in ipso ventriculo morbilica

morbifica causa, quæ capiti dolorem postea peperit. Qui ergo aliis non succedunt morbi, nec ab aliis excitantur, sed à suis causis primò gignuntur, illi primarij. & per protopathiam constare dicuntur. Qui verò ab aliis nascuntur, vel morbis, vel morborum causis aliquam partem prius infestantibus, secundarij, posterioresque, & per sympathiam, siue *dispositio ad eam* esse putantur: Quamobrem male aliquando eos per sympathiam molestare morbos scribit, qui perpetuo non mutant, neque per propria symptomata discerni valent: Eos verò primogeneos esse, qui propriis symptomatibus exactè dignoscuntur, stabilemque naturam obtinent: quandoquidem fieri potest, ut per consensum, siue secundarij sint affectus, & tamen perpetui, firmique, & evidentes simul notas habeant: cuiusmodi est dolor capitis proveniens vitio stomachi vapores ad caput emittentis, à quibus caput ob longiorem moram, aut vehementiorem vim pertinacem iam dispositionem contrahit: adeo ut stomacho etiam persanato, non recedat, sed peculiarem sibi curam desideret: quin etiam primogenet esse possunt, etsi ob parvitatem symptomata non inferant evidentia, citòque ob instabilem, leuèmq; impressionem evanescent; nimirum quòd propria horum natura in hoc solum posita sit, quòd aliis præcedentibus non superueniant; quemadmodum hoc solo, illi per compassionem consistere dicuntur, qui ab aliis sunt geniti, siue evidentes, siue obscuras postea notas habeant; & naturam stabilem, vel mobilem sint sortiti. Præterea illud quòd de partibus affectis per consensum scribit, nullam scilicet actionem lædi, nisi pars illius author lædatur, rationi consonum mihi non videtur. Nam dicere partes eas affici, quæ influente facultate, quemadmodum nervi vulnerata spinali medulla, vel materia, ut voci destinatae partes, vulnerato thorace, effluatione destituuntur; perinde est, ac si quis dentes morbo correptos diceret, quòd per inediam cibo privari proprium munus exercere nequeunt: Læduntur enim solæ partes, quum earum compositio, vel primario, vel secundario labefactatur. Postremò putare naturalia instrumenta primario affectu semper laborare, quum illarum actio impeditur (quod Galeno in fine libri primi de Locis affectis est visum) non admodum est probabile; quippe quum non minus hæc, quàm alta suos morbos, notasque per sympathiam sæpius contrahant: Ad hæc calore, & spiritu destituta illæsa interim illarum temperie, agere

nequeunt : vt temerè credere non debeamus in parte malum esse, quum actiones fieri desinunt.

*De morbo per se, & per accidens.*

CAP. XXVI.



**Q**UEMADMODUM per se aliquid fieri apud Galenum idem est, quod immediatè, siue primò : per accidens autem idem quod secundariò, vt ex libro de Differentiis symptomatum, & aliis multis locis constat, ita morbum per se conuenire alicui parti vult Galenus, qui primò, & immediatè partem eam occupat : per accidens autem, qui secundo loco ad aliam pertinet, quemadmodum similarium partium morbos ad partem instrumentariam per accidens spectare scribit in libro de differentiis morborum, & morbum per se lædere actionem, & causam verò per accidens, id est, secundo loco dicimus : Quòd si in eadem compositione id fieri potest, quomodo febrem totius corporis morbum per accidens esse censemus? eo quòd primò morbus sit singularum partium similarium & totum ipsum corpus, quatenus ex instrumentis compositum consideratur, per accidens morbo in figura, vel alio simili genere, laborare creditur; quando dissimiles partes eodem modo malè sunt affectæ: Tamen nullus est morbus in similaribus partibus, qui secundo loco, siue ex accidenti morbus vocari possit instrumentariæ partis; quoniam diuersa est illarum partium natura, & compositio: nec potest vnquam intemperies fieri, vitiata structura, quæ corporis instrumentis debetur. Nam sicut sanitates illarum partium inter se sunt distinctæ; sic profectò morbos distinctos inter se esse oportet. Adde quod partes eo modo differant, quo illarum vitia inter se dissident. Quapropter si vitia diuersi generis in essentia posita, possunt ad vtrunque partem pertinere, poterit vtique & pars similis fieri per accidens organica, quo quid potest dici absurdius? Vnde in his nullus morbus per se, aut per accidens inueniri hoc modo posse credo: quod si interim eadem causa, vt inflammatio magna, quæ similarium temperiem vitiat, & ob excessentem magnitudinem alicuius instrumenti constitutionem corrumpit, proprios tum similaribus, tum instrumento morbos excitet; fiet quidem, vt eadem causa

causa diuerfos morbos committendi vim habeat, de quo non dubitamus, sed nunquam continget vt vnus partis morbus ad aliam, quæ diuersam obtineat constitutionem, spectet, si modo morbus compositio est præter naturam. Et illorum vitia genere sunt discrepantia, quorum compositio generibus est distincta. Quomodo enim quæso intemperiem morbum instrumentariæ partis vocabis, nullo modo labefactata illius structura? quippe quum integra maneat, vrgente sola intemperie, simularium magnitudo, numerus, conformatio, coniunctio, & vnio, ex quibus instrumentariæ constantur: qua in re mirari profecto licet, quonam modo Galenus non viderit hæc suis principiis repugnare; quum enim antea constituisset omnem morbum instrumentariæ partis, vitio conformationis, magnitudinis, numeri, & coniunctionis concitari: agnoscere statim debebat, quod sequebatur: quidquid morbus instrumenti alicuius esse deberet, ad eadem genera esse referendum, siue primò, siue secundariò id contingeret: Quod si ob vehementiores intemperaturas, similes vel extenuentur, aut præter naturam augeantur, non tamen propterea morbi illæ partes ita affectæ, sed morborum causæ in instrumentis fiunt: Sed hæc satis de morbo per se, & per accidens, & superius enumeratis morborum differentiis: quæ enim relictæ sunt, fallere nequeunt Lectorem, quum vel eodem modo à Galeno semper vsurpentur: vel per se statim ostendant, quod illarum nominibus significatur.

# CLARISS. DOCTIS- SIMO'QVE IVRISCON-

sulto Latio Taurello Ioannes

Argenterius S. D.



**O**PERIS mei partem, quae tribus libris morborum causas cōspectatur, quum multi alij occurrerent praestantissimi viri, de me meisq; stultas bene merui; tibi tamen potissimum, Lati doctissime, cui & hoc nomine plurimum debeo, dicendam esse censui: Quum enim universa nostra haec Academia tua maxime opera, & consilio non sine magno labore, & studiorum omnium beneficio regatur; merito bonam earum rerum partem; quas nostra parere potest industria, ad auctorem, moderatorēque suum referri debere iustum esse putavi: idq; eo praesertim, quod viro omnis philosophiae studiosissimo continuis, maximisq; negotiis occupatissimo, atq; etiam propemodum laboribus oppresso, ea maximè conuenire existimarem, quae ex ipsis philosophiae naturalis fontibus sunt ducta, & ad morbos cauendos, perspecta illorum origine, accommodatissima. Addo quod quum multa in hoc opere contingant, in quibus Galenus medicorū praestantissimus mihi non satisfacit; nonnulla etiā tractem ab Aristotele philosopho; um principe discrepantia: non satis tutum esse duxi in tanto hoc sectarū studio, tantiq; aliis difficultatibus, quibus boni omnes, qui suo ingenio, & studio posteris bene consulere, atq; etiam uiuentibus laborē honesta contentione demere conātur, unde quaq; premuntur; ea absq; tuo patrocinio cedere, & publicā da tradere. Nosti enim tu, vir optime, ad quē cunū iura, & calumnia deferūtur, me saepius à maleuolis, ne dicam

peruerſis quibuſdā hominibus, qui nihil egregiū in vita  
 moliuntur, ſed omni ratione aliorū cogitationes, & operā  
 retardare, impediri eg. nituntur, vulg. rumore laceratū:  
 quod neſciū quomodo medicinā totam, exploſis à noſtris  
 ſcholiſ optimis quibuſq; authoribus, fracta ſcilicet illorū  
 authoritate, ſubuertere conarer: quod quā ſaluū ſit,  
 ex hoc potiſſimū opere cognoſceſ; in quo nō artē damno,  
 quā ſtudio, oſſinē proſiteor; non artiſices cōtemno, quos  
 arno, & uenior: nec ab alijs bene tradita, quae pro opti-  
 mis recipio, euertere cupio: Sed antiquorum imitatione,  
 quae ab illis humano more vel ſunt praetermiſſa adicere,  
 aut forſe etiā negligentius cōſcripta expolire, illuſtrarēq;  
 meo labore, & perficere ſtudeo. Hac ergo tu ea, quae ſolēs  
 humanitate omnes cōplecti, accipieſ; & ſi quando licebit  
 per maximas tuas occupationes, quibus premeris, dum  
 primus ea ſecretiſ tanto noſtro huic principi & in gra-  
 uiſſimis, ac praecipuis quibuſq; cauſis audiēdis, iudicā-  
 diſq; cōtinuo verſariſ, ad animi relaxationē legeſ. Nam  
 etſi tanta ea nō ſunt, quāta cōſimia tua virtus, & ſumma  
 variāq; eruditio poſtulāt: tamē (ſi de ſuis laboribus unus-  
 quiſq; abſq; arrogātia ſuſpitione aliquid ſperare debet,  
 polliceriſq; audet) huiuſmodi erunt ut mea erga te obſer-  
 uantia pignoriſ loco haberi, & poſteris te ſtari poſſint me  
 nō ſemper in utro ſepultū iacuiſſe, & eo tēpore vixiſſe, quo  
 tu ſumma prudētia, & in ſta quadam ac omnibus grata  
 aequitate in pulcherrima totius Italia regione ius dicebaſ,  
 & praclariſſimā Academiā Piſanā Duce Coſmo  
 Mediceſ optimo, & omnibus virtutibus ornaſſimo  
 Principe conſilio maximo, & mira quadā ſollicitudine  
 regebaſ. Vale & perge, ut facieſ, de tota noſtra Acade-  
 mia, literatiſque omnibus bene mereri. Piſiſ quarto  
 Calend. Septemb. M. D. XLIX.

# IOANNIS ARGENT- TERII DE CAUSIS MORBORVM

## LIBER PRIMVS.

### *De utilitate huius tractationis.*

#### CAPVT I.



OSTVLAT iam nostrum institutum, vt de morborum causis agamus : positis enim morbis, illorū origo quærenda est. Verum quoniam non solum morborum, sed etiam multarum aliarum rerum causas medicum tenere oportet; & à nobis etiam postea quærendum est, vnde proueniant morborum differentiz, & symptomata omnia, operæpretium esse duco, vt imprimis generalem de illis tractationem (ex qua postea quæ propria sunt singulis, eliciantur) quantum ars nostra desiderat, hoc loco instituamus. Quæ res profecto nescio an maiorem vtilitatem, quàm dignitatem, vel difficultatem obtineat. Nam quum nihil eorum, quæ in corpore fiunt, ignoratis causis, scire liceat : nec etiam quidquam rectè agere possimus (siquidem ablatione causarum morbi tolluntur, & ob diuersas causas diuersa remedia in ægrotis, variâque viuendi ratio in sanis exigitur) ac quum causæ ad suos effectus dignoscendos signa præbeant, hinc magnus profecto, multiplexque illarum vsus, & vtilitas agnoscitur. Quid enim dignius, præstantiusve, quàm causas earum rerum perspectas habere, quarum cognitionem profitemur? Hac enim re potissimum philosophos reliquis hominibus præstare credimus : quòd illi abditas rerum causas, quæ difficultate aliorum ingenia superant, agnoscant : Nec alia quidem ratione medicinam nostram olim inter sapientiæ partes à summis philosophis, qui eam diligentius excoluerunt, reputatam existimare par est, quàm quòd eam maximè medicinz partem spectarent, quæ causas eorū, quæ in corpore nostro eueniunt, expendit.

expedit. Nam reliquæ in abiectiore quodam rerum genere versantur, quàm ut possint in tam digna facultate locum inuenire. Quàm verò difficile sit huius rei explicationem pro dignitate excolere, & posteris mandare, omnibus constare puto, qui aliquando de ea tradenda certa docendi methodo, cogitauerint. Nam & res ipsa per se ardua est, & à philosophis perinde explicata, ut quum illi generaliore quadam ratione, id totum, quod quærimus, complectantur, parum medicinam nostram, quæ inferiora rerum genera potius sectatur, adiuuent. Quòd si à scriptoribus de medicina posita saltem essent capita, quibus res hæc tota constaret, non esset profecto quòd nos multum amplius laboraremus. Sed quum illi non satis etiam explicent, quid sit morbi causa, quas, quòtue causas medicina consideret; quòd imprimis ad philosophorum imitationem ab illis faciendum erat, nec etiam explicent quarum rerum causas medicus inquirere debeat; nec quæ sit causarum vis, quòve modo inueniri enarrarique possint, & à quibus rebus eas petere oporteat. Quum præterea ferè semper proximas, immediatasque prætermittant, dum in externis, quas vulgus etià nouit particulatim enumerandis præter modum occupantur, rem profecto difficillimam nobis reliquerunt. Omitto quòd multarum rerum, ut omnium ferè differentiarum morborum causas Galenus noster omiserit; alias verò sparsim sit prosequutus: quo quidem sit, ut non solum ignoremus quo loco reperire possimus, quòd quærimus, sed etiam desit docendi methodus, quæ à certo initio auspicari debet, & perpetuo quodam filo singula de quibus agitur, enarrare. Ac non solum hæc quidem incommoda ex interrupta illius tractatione nascentur; sed etià quòd interim dum eadem variè explicat, aliis errandi occasione non paruam attulerit: Etenim male Auicenna de Causis procatarticis disserit, quòd Galeni varietate confusus, quid in ea re verius esset, ignoraret. Negant recentiores causæ coniunctæ aliquem in medicina esse usum, quòd in diuisionibus causarum, illius, ut aiunt, Galenus non meminerit. Denique qui de morborum causis agunt omnes ferè diuersa docendi ratione vtuntur; nimirum quòd artem in antiquioribus certam non inueniant, quam perpetuò communi quadam concordia sequantur. Ac nobis profecto adhuc difficilior huius rei explicatio redditur, quòd (quum nonnulla occurrant, in quibus non solum à medicis, sed etiam à summis philosophis dissentimus) in ea tempora



tempora inciderimus, in quibus nemo quod sentit, libere dicere audeat; nisi cum illis planè consentiat, quorum autoritas iamdudum apud omnes inuoluit: sed id ab omnibus, qui aliorum opinionibus sunt addicti, equitè animo eo maxime hæc nostra licentia ferri debet, quòd antiquorum exemplo eam nobis vindicamus, & quòd neminem accusemus, neminem vituperemus: omnes maiores nostros, qui suo studio, & labore nobis profuerunt, ut par est, summopere diligamus. Quod si interim aliquando ab illis discrepamus, id non ea sèc facimus, ut omnium optima, & rata haberi velimus, quæ tradimus, sed ut aliis meliora inueniendi occasionem præbeamus, dum in dubium reuocamus, quæ hætenus longa consuetudine veluti legibus quibusdam nescio qua ratione, sancta fuerunt: Anguror non defuturos, qui nostra refellere & Aristotelē, Galenūque, quos reprehendimus, tueri nirentur, id quod etiam maxime exopto, si modo id non contentiose sed veritatis inueniendæ causâ, facere aggrediatur. Sic enim sperandum est, ut ex hac honesta contentione veri inueniendi ratio ad pristinum philosophandi genus, quod non opinione aliorum, sed ratione constabat, reuocetur: verumtamen in tantis difficultatibus quod aggressi sumus prosequemur.

*De generibus causarum; quibus in  
medicina utimur.*

C A P. I I.



**Q**UID causa sit, superfluum puto esse definire. Nam id quod adferimus quum ratio, siue (ut philosophorum verbo utar) propter quid queritur, causæ nomine donari omnes (credo) non erunt, qui vel leuiter in philosophia sunt versati: vel si aliter ex rei natura definire velis, causam vocabis, quæ ad rei constitutionem quoquo modo aliquid confert: quando etiam causæ non minus sunt, nihil nobis querentibus, quàm si aliquid queramus. Illud potius explicandum quæ quòve sint causæ: id quod ita explicat Aristoteles, & alij vniuersi philosophi, qui cum sequuti sunt, ut eas omnes quatuor omnino esse contendunt; formam scilicet efficiens, materiâ, & finem: à quibus Galenus dissentire videtur, qui nonnullas alias addit; Et enim in libro de Differentiis symptomatum, & sexto de Vsu partium, annumerat prædictis causis; vtilitatem, scopum, in-

strum

strumentum, exemplar, & voluntatē, & aliam præterea, quam vocat causam sine qua non; quod quā rectē faciat, paulo diligentius à nobis expendendū est: Nam scopum, vtilitatēmq; addere, superfluum esse duco; quippe quum scopus, finis, & vtilitas idem causarum genus faciant, quod enim finis dicitur, eo quod in hoc actiones desinant, scopus etiā vocatur, quod finem scilicet nobis proponamus, in quem alia omnia, tanquam in scopum dirigantur. finem præterea nobis proponimus, non per se, sed quatenus bonum quidpiam, quēadmodum optimē Aristoteles docuit omnia nempe finem, tanquam bonum aliquod expectere; alioqui vtile, honestum, & iucundum, & ipsum quoq; bonum addere oporteret, tanquam alias causas, si sub fine non continerentur: siquidem propter illa ad agendum mouemur; sed hæc vt diximus, sub fine, qui boni ratione proponitur, omnia comprehenduntur. Quod etiam Galenus ipse in libro de Causis procacitatis testatur, vbi scribit idem esse finem, vtilitatem, scopum, & ipsum propter quid, sola autē ratione, ea inter se differre: Cæterum exemplar, reique idea quam mente concipimus, dum rem ad illius similitudinem effingere nitimur, in his, quæ secundum naturam agunt, causa non est; nimirum quum natura non electione, nec alterius rei contemplatione sua formet opera: In aliis verò sub forma cōprehendi videtur: Est enim rei forma quædam in animo, qua duce, alias peculiare rerum species effingimus. At voluntas vt communis omnibus, quæ fiunt, causa non est, ita in quibus locū habet, ad efficientem redigitur, eo enim quod impellat, excitetq; corpus tanquam instrumentum, quo vtitur ad agendum, causæ nomen sortitur; sed meo quidem iudicio grauiora sunt, quæ de instrumento, & causa sine qua non, dicuntur: nec eorū opinionem recipere possum, qui instrumenta sub efficiente comprehendere volūt. Nam in medicina nostra plurimū refert hæc inter se seiungere. Aliter enim vitiatos motus corrigimus, quum illorum instrumenta sunt laxa, aliter verò quum ab ipsa facultate corporis partes impellente, labefactantur: Præterea calidū agere dicimus, vt concoquere, expellere, quæ non facit, vt agens; siquidem agēdi vis, à temperamēto, structurāq; partiū refultat: sed quatenus corporis facultatibus suo influxu, vt instrumentū inseruit quo modo etiam arteriæ corpus inter pulsuum causas, & thoracem inter ea, quæ respirationem mutant ponit Galenus: quod scilicet instrumenta sint, quibus efficiens pulsuum, respir

respirationisque causa ad suas actiones obeundas vitur: Præterea ex eo principio, quo vitur Aristoteles ad alias causas inueniendas, id quod volumus, commodissimè, vt puto, probare licebit, propterea enim inquit ille quatuor esse causas, quoniam quatuor sunt quæ sita, nempe à quo, ex quo, cuius gratia, & id quod facit rem esse. Quod si ita est, liceat nobis instrumentum addere, propterea quòd quærere possumus, per quod res fiat: si enim finem ab efficiente differre putamus, quòd ille reddat rationem cuius gratia, hoc verò ostendat à quo res proveniat; & denique si omnes quatuor causæ inter se genere differre creduntur, quòd totidem sint interrogationes inter se diuersæ; quur instrumentalem quoq; aliis non addemus? quum quærat per quod res fiat, quod nulla ex aliis causis facit. Tantum profecto eam ab efficiente differre oportet, quantū discrepat interrogatio à quo, ab ea, quæ per quod aliquid peragitur, quærit: quod etiam loquendi vsus, vnde hæc sunt desumpta, apertissimè monstrat. Belli namq; instrumenta dicimus esse pecuniam, arma, equos, tormenta, munitiones: bellum autem gerere homines his rebus munitos. Adde quòd si Aristotelem legamus libro secundo Physicorum, vbi de his rebus tractat, inueniemus omnino instrumenta ab efficientibus excludi (siquidem efficiens illud esse definit, quod primo monet; quod non faciunt instrumenta, quæ secundariò, & ab aliis impulsa mouent, id quod Themistius optimus Aristotelis interpretes adnotauit, additum scilicet esse verbum, primò, in efficientis definitione ad instrumentorum differentiam, quibus sanè efficientis nomen competere non potest, si ratio non conuenit: Ac multo maius, vt arbitror, sub fine comprehendi possunt instrumenta, quod nonnulli interpretes Aristoteli placuisse putat. Vbi enim ille causas omnes & vltimo loco inter eas finem enumerauit: addit quæcunque alio mouente inter ipsum, & finem reperiuntur, siue instrumenta, siue opera fuerint, finis gratia extare, quod verissimum quidem est; verum non propterea ex hoc constar, an instrumenta sub efficiente, vel fine comprehendere auctor velit. Si enim spectemus vltimū finem, cuius causa omnia instituta; non possunt illa finis rationē habere, vtpote quæ ad incrementum sint ad finem consequendum: At si tanquam media considerentur, in quibus quæ antecedunt efficiētia, quiescunt, finis rationem subibunt: qua in re interpretes Græci nihil vltra quàm Aristoteles scribunt. Alij verò ex nostris duplicem

eam relationem animaduertentes ea ab Aristotele ad finalem causam referri scribunt, quod & docendi ratio postulare videtur; quum ea verba statim sequantur causam finalem, & connectione quadam dicendi cum illis, quæ de ea dicta sunt ita connectantur, ut ad efficientem, de qua multo antea egit, non nisi magna violentia trahi possint. Attamen ratio convincit, ut non minus à fine quàm ab efficiente instrumenta seiungantur. Nam ut differre ostendimus per quod, ab eo, quod est à quo, sic omnia hæc discrepare ab eo cuius gratia, unusquisque intelligere poterit, qui omnino tergiversari nolit. Nec par quidem est ratio de instrumentis, quibus sanitatem comparamus, nempe remediis, & victu, quæ est de purgatione, & macie: sunt enim hæc mediæ quædam actiones, & opera, quæ prius consequimur, quàm ad ultimum finem, sapientem scilicet perveniamus. Instrumenta autem ipsa ut remedia, & victus statim ab agente assumuntur, ut eorum beneficio agere possimus. Quamobrem statuamus, si placet, quincum quoddam genus causarum, quod instrumenta contineat. Quod si rationum momenta id solum efficere non possunt, quod querimus, repugnante scilicet Aristotele, & testibus sit opus, adferimus Platonem, & Galenum qui contra Aristotelem sentiunt, nobisque favent. Cæterum addendam esse aliam causam censeo, quam Cicero in Topicis, & Galenus vocat sine qua non, definitque esse huius generis causam, quæ quidem perfectionis nihil addit rei, quæ sit, ab illis tamen, quæ conferunt, seiungi non potest: vel ut brevius dicam, causa huiusmodi est, sine qua res fieri nequit. Nam si tot ponendæ sunt causæ, quot sunt quæsitæ, & interrogationes genere inter se differentes, hæc omnino alterum genus causarum faciet. Ut enim querendo à quo res fiat, efficientem quandam causam constituimus ab aliis diversam: sic profecto quum querimus cū quo, aut sine quo aliquid peragatur, aliud causarum genus ponimus tanto ab aliis diversum, quanto interrogatio ipsa ab aliis discrepat. Quod si hanc non recipiamus causam, sub quo quæso alio genere tempus, locum, spatium in quo fit motus, privationem, motus terminum à quo, & in quem definit, comprehendemus? quæ tamen omnia rationem reddunt ab aliis causis genere diversam: & proinde causarum genus requirunt ab aliis alienum. Si enim reliquæ causæ eadem ponantur, diversa autem sint vel tempus, aut locus, sântque ab illis, quas statuunt causas, diversa: statim huius dis-

ferentia causam prouenire dicimus, vel temporis vel loci ratione: quo modo tempus, vel locum vni defuisse ad agendum idoneum, alteri hæc apta extitisse dicimus. Eodem pacto si quis quærat, quid idem ab eodem fine impulsus citius à Pisana vrbe Luccam, quàm Florentiam perueniat: non aliam sanè inueniet causam, quàm quod vna breuior, quàm alia sit via, siue spatium, in quo motus peragitur. Quod etiam Aristoteles libro sexto de Physica auscultatione monstrat: vbi differentiam lationum, cæteris causis paribus positis, nunc in tempus, nunc in spatium diuersum reuocat. Eodem pacto si quis petat causam, quid nigrum in album, & color in colorem solum permutari valeat: causam profectò nullam audiet, quàm quæ ex priuatione, & terminis mutationis sumitur: quod scilicet ex contrario in contrarium duntaxat mutationes fieri possint; si quæ verò alia sub hoc genere causarum contineri videbuntur, postea docebimus. Nunc verò satis sit ostendisse genus aliud causarum addendum esse, quod scilicet comprehendat causam sine qua, & cum qua aliquid obitur, quod si duplex hoc genus officere velis, vt differre videtur interrogatio sine qua ab ea, quæ petit cum quo aliquid fiat, non magnopere impedio. Est verò & aliud adhuc causarum genus à prædictis diuersum, quod causam assignat, quum petimus, quid in aliquo fiat vnum, in alio aliud, quæ propterea causa, in quo, merito vocabitur: quid enim inflammatio cordis perimar, quæ verò carnosas partes affligit salutaris existat, causa est id, in quo inflammatio nascitur. Ad hæc causam pertinet quod Aristoteles quærit, quid scilicet Sol ceram liquet, & fundat, lutum verò cogat, & induret, docetque causam esse huius diuersitatis id, in quo Sol agit, quod profectò sub nullo alio genere hætenus est comprehensum. Nec illis quidem assentior, qui hoc genus causæ ad materiam referunt. Propterea quod materia ab Aristotele definitur hoc Solo quum causæ rationem obtinet, quod ex ea existente in re, quæ sit, aliquid componatur: quamobrem tantum hoc causarum genus, quod quærimus à materiali causa discrepare necesse est, quātum differt dicere in quo ab eo quod est, ex quo quidpiam proueniat. Itaque si vera est ratio qua Aristoteles vtitur ad causarum numerum constituendum, quod scilicet tot sint genere inter se discrepantes, quot quærit quæstio propter quid genere inter se differentia; cogimur omnino alias omnes adicere, quarum mentionem hætenus fecimus; præsertim

præsertim quum Aristotelis ratio nullo modo repugnet; Nam, quod illud sit causa, quod assumitur ad rationem reddendam quum quæritur propter quid aliquid fiat, & quod à forma, efficiente materia, & sine ratio huiusmodi petatur, certissimum quidem est. At propterea hæc non efficiunt, quin plures reperiri causæ possint, nec certa aliqua ratione ostendit perfectum esse quem ponit causarum numerum. Addendum enim fuerat, & probandum (posteaquam enumerasset quatuor illas, quas ponit) fieri non posse, ut plures inueniantur. Nam si plura ipsum propter quid completi inuenimus, cogemur perfectio causarum numerum usque adeo augere, quandiu nihil reperimus amplius, quod quæri possit ab alio genere diuersum. quæ ratione si vniuersum causarum numerum excutere velimus, octo omnino genera constituemus, quoniam octo quærimus, nec plura quæstio propter quid completi videtur: vel enim petimus quid faciat rem esse sine quid res sit, & formam assignamus, vel à quo res sit, & efficiens adferimus, vel ex quo cõficiatur: quæ materia est, vel in quo quod est subiectum, vel cuius gratia, & finis ratio est, vel per quod, ad cuius quæsitum instrumentum respondemus, vel sine quo nullo modo, aut cum quo melius, faciliusq; res peragitur id quod est quærere causam sine qua nõ, vel cū qua, sub quibus, ut diximus, cõmunia hæc omnibus cõtinentur tẽpus, locus, termini motus, spatium. In his quæ motu locali feruntur, & motus etiã ipse, & in his quæ gignuntur, alterantur, & deniq; in aliud transmutantur, priuatio additur, quæ etiam huius generis causa censenda est, quandoquidem absq; illa mutatio huiusmodi fieri nequit. In singulis verò operationibus propria quædam alia inueniuntur, veluti imbecillitates partium causæ sunt, ut eò potius decumbant fluxiones, quàm in alias partes, quod causæ genus sub nullo alio cõtineri potest. Non enim imbecillitas fluxiones efficit, sine ea tamen fluxio non suscipitur, aut facilius, vel melius, aut semel recepta diutius cõseruatur. Eodẽ modo retentio alimenti in ventriculo causa est bonæ cõtitionis, quæ illic peragitur, at non ut efficiens, siquidem id ad alteratricem, cõtrectricemq; facultatẽ spectat; nec ut forma, vel materia, aut finis, nec deniq; ut alia ex prædictis causis. quare merito in genere causarum, sine quibus non, hæc collocatur. Sunt, ut diximus, in omni ferè opere huiusmodi quædã causæ quas singulatim prosequi, aut certo ferè genere comprehendere non licet: id tamen quod omnibus cõmune est &

earum naturam docet, explicare possumus: ut eas scilicet huius generis putemus esse, quæ quum in nullo alio genere collocata reperiuntur, id ei, quod fit, præstat, ut sine illis nullo modo aut cum illis facilius, vel citius, aut vehementius actio fiat, vel diutius perduret, aut alia conferuentur, vel melius denique aut deterius res perficiatur. Quod si quis rei qualitatem, quantitatem, agendi modum, ordinem addenda esse putat, quod etiam sine his res fieri nequeant, non prohibeo, mihi tamen videntur hæc in efficiente sapius includi, neque enim efficiens dici potest, quod ad agendum qualitatem, quantitatemque idoneam non habet, modumque, & ordinem necessarium non seruat, quando etiam quædam, hac sola ratione, efficientia evadunt, quum suapte natura alioqui non sint, quemadmodum cibi temperati morborum non dicuntur causæ, nisi vel quantitate exceßerint, aut intempestive, vel perverso ordine ingerantur, vel denique in aliquo ex aliis scopis de quibus suo loco agetur, fuerit erratum: venena verò statim suapte natura morborum effectrices causæ censentur, verum tamen nonnunquam hæc etiam reddunt causam ab efficiente diversam, quo fit ut tunc ad genera causarum, de quibus modò agimus, nempe ad causam sine qua, vel cū qua redigantur; Veluti quum petimus quur prius frigoris externi occursum sequatur cutis astrictio, quàm caloris ad internas sedes reuocatio; vel quur inutilis, noxiæque etiam sit expulsiō humorum, quàm concoctio non præcessit, causa nō nisi ab ordine petitur, quod scilicet ita comparatum sit, ut illa præcedere, hæc verò subsequi debeant. At si quis causam requirat, ob quam idem eodem instrumento, & sine impulsu diversa vulnera feriendo eidem parti inflixerit: diversus percutiendi modus causam reddit, quod scilicet inæquales fuerint ictus, vel alio modo inter se discrepantes. Cæterum si quis nonam causam addendam esse putat, quæ dicatur causa circa quod, fortè non errabit; quandoquidem hæc ab aliis diversa esse videtur. Atque hæc quidem de generibus causarum, quæ duce ratione, & earum necessitate, utcumque liquit excogitauimus; licebit verò aliis meliora fortè inuenire, id quod maxime cupio; Interim tamen non possum cum Aristotelis, & aliis Peripateticis consentire, eorummet principiis, & rationibus impulsus. Nec iis quidem moueor, quæ in Arist. defensionē adferri fortè possent, quod scilicet ille solū de causis necessariis, & per se agat in Phisicis, & quod istæ, quas nos addimus,

mus, concausæ potius sint, quàm causæ, vel etiam quòd ad eas, quas illi statuunt, redigantur. Nam si absque illis, quas nos ponimus, nihil fieri potest, patet maximam esse earum non minus, quàm aliarum necessitatem. Præterea non solum de necessariis, sed etiam de aliis, quæ sunt per accidens causæ, agit Aristoteles in *Physicis*. Quir deinde de omnibus non pertractabit, quibus causæ definitio conuenit? Quòd si illis etiam concedamus ad naturalem Philosophum nō pertinere de aliis causis agere, saltem illud non negabunt in *Metaphysicis*, ubi quod commune est omni artifice docetur, hæc non fuisse prætermittenda; vel enim ad logicum, vel metaphysicum spectat causas omnes, quæ scientiis, & artibus singulis sunt necessariae, explicare. At nusquam id facit Aristoteles; quum in *Logicis* numerum non quærat. In *Metaphysicis* verò iisdem fere verbis, eodem numero (quasi eadem esset physici, metaphysicique tractatio) causarum explicationem complectatur. Quir verò concausas, & non causas vocabimus, & quomodo causæ veræ non fuerint, si illis definitio competat? siquidem vnumquodq; prædictorum aptissime assignamus, quum propter quid, siue ratio eius, quod sit, quæritur: quir præterea ab initio causas à concausis nō seiunxit Aristoteles; & diuersis definitionibus earum naturam non est complexus? Non prætermittas eas fuisse ab Aristotele, eo quòd temporis, loci, & priuationis mentionem alibi faciat, absurdum est dicere. Non enim quid sigillatim tradat, & necessitate coactus, quum non possit omnes effectus in suas causas redigere, quærendum est; sed quid sentiat, ubi ex proprio iustituto numerum causarum inuestigat. At si has non prætermisit, quas nos addimus; quir non plures, quàm quatuor esse statuit? si modò genere inter se discrepant quatuor illæ ab aliis, vt nullo modo vna sub alia comprehendi queat. Id quod clarius profecto esse puto, quàm vt doceri à nobis debeat. Quum enim probatum sit, & etiam res ipsa satis per se ostendat prædictas omnes quæstiones, siue interrogationes genere inter se differre, aut omnes inter se eodem modo distinguui debent, aut nullæ, sed vnicum genus ponendum; ad quod alix omnes reuocentur. Adde quòd docendi ratio ita facilius redditur, quum distincta sunt genera: quandoquidem alioqui necesse est controuersias nasci, quum nonnulli easdem causas ad vnum genus; alij verò ad aliud potius referre possint.



*Quot modis unaquaque ex prædictis  
causis dicatur.*

## CAP III.



**I**RGENTIBVS Galenum patere puto materiae nomen variè capi; Nam in libro, cui titulum fecit, An ars tuendae sanitatis pertineat ad medicum., duplicem statuit subiectam materiam: vnā in qua, aliam ex qua. Sic Dioscorides materiam medicam vocauit ea, quae ad corporis praesidium à medicis adhibentur; verum nos materiam proprie vocari diximus, auctore Aristotele, ex qua ingrediente compositionem aliquid fit: Causam verò in qua subiecti nomine aptius donari puto: hoc enim modo accidentia in subiecto esse, & alterationes omnes in subiecto fieri, & recipi dicimus; quanquam tamen etiam subiectum pro materia, & hæc pro illo nonnunquam sumatur: quemadmodum materiam subiecti contrariis, & ex subiecto aliquid fieri, pro eo quod est ex materia, sæpius scribit Aristoteles: Et nos materiam coctionis alimentum esse dicimus, non quòd ex ea, sed in ea potius concoctio fiat. Ceterum remedia, præstidiaque omnia, quibus medicus ad hominum salutem vitat, ideo materiae nomen acceperunt, quòd ex illis variè efficiantur compositiones ad tuendam sanitatem, vel morbos profligandos: nam quum simplicia adhibentur auxilia medicorum; non ex illis, sed ab illis, quod fit, prouenire rectius dicemus; quemadmodum sanè vniuersum remediorum genus efficientis rationem subit; si ad id referatur, quod in nobis parit. sunt enim in corpore mutationes à remediis, non ex illis: siquidem affectus corporis ex materia medica minimè efficiuntur. Sit ergo materia vna ex qua, quæ rei inest, quæ fit; & quæ proprie materia dici debet, quemadmodum quum hominē ex sanguine gigni, tanquam ex materia, dicere consueuimus. Alia verò in qua, quæ verius subiectum vocatur, quomodo febrem accendi in spiritibus, vel humoribus, & morbum esse in corpore, & denique accidentia in materia tanquam in subiecto esse intelligimus. Adde tertiam, si velis, materiam, quæ, à qua, vel etiam magis improprie ex qua; quæ efficientis naturam subit: veluti quum intemperiem à bile, vel ex bile fieri; & sanitatem ex materia medica parari dicimus, propterea quòd in eo humore vis sit intemperaturæ gignendæ: in remediis

diis verò efficiendæ sanitatis. Porro inter ea, quæ efficiunt aliquid, esse nonnulla quæ per se, alia quæ per accidens efficientia dicantur, omnibus notum est; quemadmodum illud etiam, quod quædam sint propinqua, alia remota efficientia: Verum non perinde constat quot modis quæ per se, vel per accidens agunt, dicantur: Aliter enim Sol, aliter homo gignit hominem: aliter ventriculus fluxionum ad pectus decumbentium author censetur, quàm expultrix cerebri facultas; vel ea, quæ ipsum cerebrum calefaciunt, aut refrigerant: Qua in re coepit quidem Aristoteles exemplis docere diuersam hanc efficientium naturam, quum scribit alio modo consultorem, alio patrem efficere, quod faciunt, verum nulla certa docendi methodo omnes diuersos efficientium modos complectitur, sed ex duobus positis exemplis, quum ait & omnino faciens facti, & mutans mutationis authorem esse; nobis varietatem hanc, non sine difficultate excogitandam reliquit. Nec oportet quidem existimare superfluo hæc quæri; quandoquidem ob diuersos modos, quibus aliquid fit, admonemur diuersis præsidiiis, diuersaque agendi ratione vtendum esse. Aliter enim morbos curamus eosdem, si diuerso modo, & à diuersis efficientibus excitati fuerint: quapropter nitendum est docere, quot modis aliquid efficiens dici possit. Dicitur itaq; illud vno modo efficiens, quod rebus formam præbet; quo modo homo hominem efficere dicitur: Alio modo vocatur efficiens, quod materiam suppeditat, qua ratione cibos multos fluxiones excitare putant medici, quod materiam largiantur, quæ fluxiones parit: Idem facere dicimus ventriculum, quum malè concoquit, malè namque concocti cibi cruditate corporis partes aggrauant, fluxionisque authores euadunt: Et feminam procreare liberos hac ratione credimus, quod materiam suppeditet, ex qua fœtus conformatur: Quinetiam quod materiam commouet, efficientis nomen meritò sibi assumit, qua quidem ratione expultrix vis cerebri, eo quod humorem impellat; Sol quia liquando commouet, & externum frigus comprimendo distillationes ad partes subiectas excitare dicuntur: quæ verò instrumenta præbent, putantur etiam eius, quod fit, efficientia; quo modo quæ calorem augent in cerebro, ex quo vigilia, vel in corde, vnde ira, illorum authores statuuntur, propterea scilicet quod calorem excitant, quo natura ad omnes actiones tanquam instrumento vtitur. Eodem modo eum concitasse bellum puta-

mus, qui alteri arma, equos, pecuniam, & alia belli instrumenta suppeditauerit. Numerantur quoque inter efficientia, quæ agendi vim, rationemque præbent, quandoquidem qui consilium dat alteri, non alio modo author eius, quod sit, esse censetur, quàm quòd agendi rationem doceat. Ad hæc quæ finem, vsumque rei euariant, efficientium nomen assumunt: hoc modo corporis, animique motus magnos, pulsus facere dicimus; eo quòd pulsuum vsum mutant; cuius occasione, pulsus etiam variantur. Nec alienum quidem esse puto, ut ea, quæ præbent subiectum, & causas sine quibus, aut cum quibus res peraguntur, inter efficientia recipiamus: hoc enim modo alimenta etiam, quæ sanguinem, aut bilem copiosam gignunt, morbos peperisse intelligimus, quòd materiam exhibuerint, in qua (mutatione prius in humores facta) febres nascuntur: An non etiam mortis authorem eum dicemus fuisse, qui locum, aut tempus ad occidendum aptissimum alteri indicauerit, vel potius suppeditauerit: Itaque (meo quidem iudicio) non errabimus, si illud efficiens statuamus, quod singularum causarum beneficio suos effectus molitur: quandoquidem primo, & immediate nihil aliud efficere inuenitur: Propriè tamen efficientia à philosophis vocantur, quæ formam rebus inducunt: Ac etiam inter ea, quæ ordine quodam sese consequentia aliquid faciunt, priora posteriora mouentia, eorum denique, quæ sunt efficiuntia ponuntur: Lædit enim actionem intemperies, hanc efficit (si velis) calor excessus, hunc accendit motus, qui ob id actionem quoque vitare dicitur. Cæterum efficientes causæ ab eo, quod faciunt, denominationem sumunt, sic enim gignentes, augentes, alterantes, iuuantes, lædentes, conseruantes, & denique hoc, vel aliud efficientes, vel proprio nomine, vel adiunctione eius, quod fit, dicuntur. Quinetiam illud ignorandum non est efficientes causas quum subiectæ materiæ ratione, minimo accepto momento, res quæpiam fit, *παράγει*, idest occasiones vocari: Nam hoc modo vbi corpus putridis febribus est expositum, & ex ira, vel insolatione, aut alia quacunque leuissima causa in eas incidit, in materiam causam reiciamus; generationi verò occasionem dedisse, quæ leniter in corpus egerunt, dicere solemus. Postremo in definitione efficientis, quam tradit Aristoteles, aliquid notandum esse existimo: si enim id solum statuamus esse efficiens, quod primum principium est mutationis, quæ mota mouent (& ramen instrumen-

ta rectè dici nequeunt) ab efficientibus seiungere cogimur, & aliud causæ genus, quo ea contineantur, nulla cogente necessitate, constituere. Veluti externum frigus primo refrigerare corpus dicimus: ex frigore verò adstrictionem nasci; ab hac propelli humores, qui varios postea morbos pariunt: quæ omnia profecto illorum morborum efficientia sunt; nec vnum alterius instrumentum aptè vocari potest. Quamobrem nobis sit illud efficiens, à quo aliquid fit, siue primum sit in agendo, siue à primo impulsus. Illud verò sit instrumentum (vt diximus) per quod fit, quod quidem duplex statuunt esse medici, atque etiam philosophi: vnum commune, aliud peculiare & proprium: vocant autem commune instrumentum in nobis, per quod vniuersæ corporis actiones peraguntur; estque illud calidum innatum, de cuius natura, vt variè sentit Galenus, ita in libro secundo de Causis symptomatum commune instrumentum, vel sanguinem, vel spiritum, vel ipsum calorem, qui in illis est, vocat; pluraque ob id huius generis instrumenta ponit. Vtitur autem natura ad omnes actiones tum animæ, tum corporis sanguine, & spiritu. Peculiare verò instrumentum est, quod singulis actionibus obeundis potissimum est à natura comparatum, vt oculus visionis, ventriculus coctionis, nervus sensus, musculus motus instrumentum vocatur. Arque hoc quidem duplex statui potest: Nam quædam ex propriis verè instrumenta, alia verò similitudine, proportionèue potius dici debent: siquidem nervus verè est instrumentum; cute verò ad sudores eliciendos natura tanquam instrumento vtitur, quum per eam aquosum humorem foras extrudit; sed diuersa profecto ratione, quàm per nervos, singulis partibus sensum impartitur: quippe quum nervus agendi vim habeat à facultate impulsus, si modo sentiendi vis per eum in alias partes spargitur; Cutis verò nihil efficiat, sed tanquam subiecta materia viam exeunti humori præbeat: capit tamen aliquid ex instrumenti ratione, quum potius per eam, quàm in ea sudores euocari dicamus: quin etiam inter vera instrumenta aliud est præcipuum, quod in toto instrumento maximam ad agendum vim obtinet: quo modo Galenus humorem cristallinum præcipuum visionis instrumentum vocat, nimirum si ad alias oculi partes referatur quæ præcipua non sunt instrumenta. Ipse verò oculus simpliciter visionis instrumentum dicitur. Formam re vera considerat medicus, quum de corporis constitutione agit, &

non aliam quærit præter illam, quàm actionis autorem agnoscit. Temperiem namque corporis formam, & non animam statuit esse, propterea quòd mutatione temperaturæ, actiones mutari, atque etiam animam ipsam à corporis temperie vario modo affici conspiciat; quamquam Galenus nonnunquam liberius animæ essentiam, philosophorum more, definire aggreditur. Quum verò de morbo, & sanitate agimus, formam spectamus ad proportionem, ut quum febrem intemperiem calidam definimus: compositi enim, & non accidentium sunt veræ formæ. At finem considerat simpliciter, ut finem, veluti quum finem coctionis dicimus esse assimilationem. Nunc verò nomine utilitatis, & usus, quemadmodum commutationis pulsus, & respirationis varium usum, cuius gratia fiunt illi, tanquam finem ponit Galenus: Reliqua verò, quæ ad alias causas pertinent, vel partim sunt superius explicata, vel per se ita patent, ut enarratione nostra non egeant.

*Causarum differentia.*

C A P. I I I I.



AVSARVM differentias enarrat Aristoteles, quum mutato nomine, *ἡρώων*, idest modos causarum se docere scribit: Nam dicere quasdam esse rerum causas per se, quasdam per accidens, alias actu, alias verò potentia, nihil aliud est, quàm eas differentias explicare, quibus causæ inter se differunt. verum certa docendi methodo differentias eas non complectitur; quippe qui non doceat à quibusnam differentiæ sumi debeant, nec ex ea tractatione constet qui, quòtue modi, siue differentiæ esse possint; relinquit enim semper aliquid explicatio rerum, quæ à certis capitibus non auspicatur, sed singula quæque prosequi nititur: id quod hoc potissimum loco ostenditur, ubi Aristoteles plurimas differentias omittit: cuiusmodi ex ea, quòd inter causas quædam sint æternæ, aliæ caducæ & corruptibiles: & illa qua dicimus quasdam esse certas, alias incertas: quòd quædam præterea sint præstantiores aliis, vel maiorem aut minorem vim ad agendum obtineant: & denique innumeræ aliæ huiusmodi differentiæ reperiri possunt, de quibus oportebat omnino fieri mentionem: aut certè capita, & fontes indicari, à quibus quæ relinquerentur ob incomprehensibilem singularium specierum multitudinem, facillè dari possent. Nec illud quidem

dem existimare oportet eas enumeratas ab eo fuisse, quarum esset in philosophia aliquis usus: illas autem prætermittas, quæ inutiles ab autore putarentur. Quir enim quæso (si usum spectemus) de his etiam, quas nos addidimus, non meministi. Aristoteles: quippe qui rarò complexam, incomplexamque causam, quam inter suas enumerat, in usum ducat; statim verò utatur eo modo, quem prætermisit; quòd scilicet quædam sint incertæ, quædam certæ, nimirum quum fortuna, & casus hoc modo potissimum ab aliis differant: An non etiam æternæ causæ, & corruptibilis necessitas maxima ostenditur, quum in sequentibus libris æterni motus æternam; corruptibilis corruptibilem causam esse probat: quid? quòd finalem causam ceteris præstare alibi contendit: quod nemo intelligere posset, qui prius ex hac tractatione (ubi omnia, quæ ad hanc rem pertinent, summa diligentia tractari debent) non didicisset causas hoc modo inter se differre posse; quòd quædam sint aliis præstantiores. At ne singula prosequamur, unusquisque qui tergiuersari nolet; intelliget non solum parem esse harum omnium differentiarum rationem, sed etiam artem esse ab Aristotele prætermittam, quæ omnes differentias summatim per capita complectatur. Itaque quum causæ ad id comparatæ sint, ut aliquid cõferant ei, quod sit, meritò à tribus præcipuæ differentiæ emanabunt; nempe ab his, quæ conferunt ad agendum; ab his, quæ aguntur, & vario agendi modo. A natura quidem & proprietatibus causarum, hæ differentiæ sumuntur; quum dicimus quasdam esse æternas, ut cælum, quasdam corruptibiles, quæ scilicet ex corruptibili materia, aut in ea consistunt. Item quòd quædam omnium præstantissimæ, ut finis, quædam omnium abiectissimæ, ut materia. Item quòd quædam complexæ, aliæ incomplexæ, & simplices; quædam vniuersales, quædam particulares. Ab eodem fonte ducitur hæc differentia, quum dicimus causas inter se differre, quòd quædā sit, ut materia, quædam ut forma, & denique aliæ, ut aliud quidpiam ex prædictis; Item quòd aliæ sint generales, aliæ particulares; cuiusmodi etiā est quam ferè solam scriptores de medicina nouerunt, quum causas diuidunt, quòd quædam scilicet sint procatarticæ, quædam antecedentes, aliæ verò coniunctæ: Nam quoniam eorum, quæ causæ sunt, quædam procatartica, quædam antecedentia, alia vero cum suis effectibus coniuncta existunt, ob id hanc differentiam ab illis capiunt: Ab eodem etiam capite emanat ea differ

differentia, qua dicimus morborū causas quasdam ab his, quæ assumuntur: nonnullas ab his, quæ admoventur; alias ab his, quæ excernuntur, vel à nobis fiunt, prouenire: & denique si quæ aliæ à rebus ipsīs, quæ causę existunt, huiusmodi occurrant differententię, duci poterunt. Cæterum ab his, quæ ab ipsis causis fiunt, differentię sumuntur, quod quædam intemperiem committant, aliæ continuum soluant; quædam leues morbos solū, aliæ graues suapte natura inferant, nonnullę animum, aliæ corpus lædant, et si quæ aliæ huius generis sunt differentię. Iam vero ab agendi ratione hæ petuntur differentię, quod quædam per accidens, aliæ per se agant: quædam actu, aliæ potentia: quædam certę, aliæ incertę: remotę quædam, aliæ propinquę, mediatę, vel immediatę: quædā prior, alia posterior. Item quum dicimus quasdā valide agere, cuiusmodi sunt quæ vulnerando, aut à tota substantia nos lædunt, vt actiue qualitates: alias verò leuius, vt qualitates, quæ passiuę vocantur. Quasdam præterea intus solum vim suam exercere, vt cibum, & potum: quasdam foris duntaxat, qualia sunt quæ vulnerando corpori nocent, alias intus, & foris obesse, & prodesse, vt aërem ambientem: nonnullas item per interualla agere: alias perpetuò, vt aërem ambientem: Ac ne singula prosequamur, à diuersa agendi ratione, constat differentias sumi posse. Atque hæc quidem de causis communia hætenus habuimus cū philosophis, à quibus nostra orta est medicina, cætera autem quæ sequuntur, peculiaria erunt arti, quam proficemur. Nam et si quædam alia postularet de causis tractatio omnibus artibus communia, cuiusmodi essent, si quis vim causarum, & in illis inueniendis progressum quendam & modum doceret: quo facile omnes, & reperiri, & inter se distingui possent (quæ certè artem omnibus disciplinis communem desiderant) tamen ne videamur, quod proprium est philosophorum nobis vendicare velle: illis relictis, ad ea, quæ sunt nostrę arti propria, & summopere necessaria, nec satis à medicis explicata, properandum esse duco.

Quo

*Quorum causas medicus inquirat.*

## CAP. V.



ILLVD imprimis in hac re tradendū esse puto, vt doceamus, quorum causas medicum quærere oporteat. Quum enim diuersarum rerum diuersæ sint causæ, nec omnes in omnibus, quæ fiunt, sint necessariæ, reperiantur: postulat profecto docendi ratio, vt quemadmodum causarum genera, & differentias explicauimus, sic etiam genera, differentiâsque eorum, quorum causas inuestigamus, philosophorum imitatione doceamus: Nam Aristoteles statim ab initio tractationis de causis libro secundo de Naturali auscultatione proponit, quorum causas philosophum inquirere oporteat, nempe generationis, corruptionis, & omnis mutationis. Igitur vt in vniversam dicam medicum necesse est corporis, & animi illorumque passionum, & effectuum, qui ab illis proueniunt, causas tenere; corporis quidem causas scrutatur, quum quærît qua ratione totum ipsum hominis corpus, illiusque partes hoc, vel illo modo sunt constitutæ: quum præterea docet animalis generationem ex sanguine, & semine fieri, ex elementorum mixture temperiem corporis resultare, ex similaribus instrumentariis partes constari, totum ipsum hominem, omnesque illius partes non temere, sed utilitatis alicuius causa fabricatas, & denique quum de corporis generatione, & compositione, quantum permittit illius professio ex propriis principiis ratiocinatur. Eorum vero quæ ad animum pertinent, causas disquirît, quum docet qua ratione ira, tristitia, & aliæ animi perturbationes sedari, atque etiâ persanari possint. Quid item, tardiora ingenia excitet, quid remissiores, abiectiôsq; animos intendat, & commoueat, vel denique docet qua ratione corpus ab animo, & hic vicissim ab illo afficiatur: quum vero sanitatis, morbi que causas, & qua ratione diuerso modo à medicamenti alimentis que afficiatur corpus quærît, eorum, quæ corpori accidunt, causas petit, tam vero quum bonæ vel malæ coctionis, coloris, & aliarum qualitatū, excrementorū corporis, generationē, mutationēque expendit, quor præterea ceteris temporibus quædā mutationes in corpore proueniant vtilēs, aliæ vero in alijs noxiæ, & quare prosint excretionēs, quæ per



per connexas, & è directo positas partes cum affectis sunt, alia autem obfint, causas explicat eorum, quæ corporis constitutionem sequuntur: Ac ubi causarum ordo aliquis reperitur, causarum ipsarum causas etiam conquirimus; ut quum in febre calorem ex prohibita transpiratione, illam ex obstructione, hanc rursus ex humoribus crassis, vel viscidis, vel multis, huiusmodi vero humores ex ipsis alimentis, vel otio, aut aliis causis procreari ostendimus.

*Quid morbi causa.*

CAP. VI.



VONIAM nostri non est instituti in hoc opere causas prædictarum rerum præter quàm morborum, illorumque partium, & symptomatum explicare: ideo superfluum esse duco hoc loco corporis constitutionis, eiusque aliarum passionum causas, quas abunde philosophia docet, prosequi, quando etiam tota huius rei ratio in supradictis causis posita, non magno labore inueniri potest ab eo, qui huius rei studio teneatur. Quamobrem ad morborum causas accedamus, imprimisque quid sit morbi causa, quomodo ve intelligi debeat ostendamus, quod variè quidem, & aliquando diligentius, alibi vero negligentius Galenus noster facit: Quum enim causam morbi dicit esse primo de Locis affectis, qua tangente afficimur, quaque recedente quiescit affectus, negligentius quid causa sit, definit: Externæ namque causæ afficiunt quidem corpus quum adsunt, nec illis ablatis recedit quem pepererunt affectus, quæ tamen ob eo etiam causæ dicuntur. Veluti quum diariarum febrium causas ponit esse insolationem, exertationem, crapulam, vigiliam, & reliqua huius generis, quæ abeunt concitatis suis morbis: est quoque parum accurata ea definitio, quam tradit in libro de Differentiis symptomatum, ubi illud dicit esse causam, quod suos effectus iam peperit, nec amplius facit, siquidem potius causæ censentur esse, ut in libro de Constitutione artis scribit, quum agunt, quàm quod agere possint, vel egerunt: quænamadmodum sane nemo negauerit: crassos humores, qui obstructiones pariunt, illius causam esse: Nec verò recipienda est ea definitio quam assignat alio loco in libro de Differentiis symptomatum, quod scilicet illud sit causa, quod

quod ex sua natura ei, quod sit partem aliquam generationis confert, propterea quod quædam etiam sunt non suapte natura, sed per accidens cause. Atque hac ratione excluderentur etiã causæ sine quibus nõ quas nihil perfectionis rei quæ gignitur præbere meminit: Quinetiam quæ ad auctiõem, & conseruationem morbi faciunt, hac definitione nõ sunt comprehensæ, quas tamen inter morborũ causas, septimo libro Methodi miedendi, complectitur, quum eas in gignentes, & augentes diuidit. At in libro de Arte medicinali diligentius quidem, sed nõ perfectè, quid causa morbi sit, ostendere nititur, quum causam insalubrem, siue morbosam eam statuit esse, quæ vel morbum efficere, vel factũ conseruare potest: Non enim hac definitione complectitur eas, quæ morbũ augent. Quamobrem communi generaliorẽque definitione dicamus eam causam morbi esse, quæ quocunq; modo aliquid morbi cõfert; Conferunt autem quædã eo quod constituent, aliæ quod morbum gignant, aliæ quod augeant, aliæ quod genitum cõseruent, aliæ denique, quæ etsi præcipuam vim nõ præbent, sine illis tamen nec gigni, nec augeri, aut conseruari morbus potest. Constituit morbos propria vniuscuiusq; forma, vt febrem intemperies caloris excessu nata: eandem gignunt, quæ intendendi calorem vim obtinent tanquam efficiẽtes causæ; & quæ materiam suppeditant, ex qua morbi gignuntur, & subiectum præbent, in quo morbi resident, qua ratione inflammationẽ ex sanguine gigni, quod ex tali materia ipsæ partes inflammationes contrahant, & febres hæcticas in solidis partibus, putridas in humoribus, diarias in spiritibus oriri, tanquam conferat aliquid ad eorum morborũ generationem subiecta materia, dicere solemus. At verò alienum non est eas auctrices ponere causas morborum, quæ vel primò eum pepererunt, aut alia, quæ eandem vim obtineant, vt æstus, quas excitauit febres, eam intendit; idem eas, quas labor peperit, auget. Idem facit materia, & subiectũ. Et enim inflammationes ex sanguine primum cõstantur, & perseuerante illius affluxu crescunt: & corrupti humores, vt generationis morborũ, sic etiam auctiõis authores existunt: cõseruant, quæ augendi quidẽ vim non habent, nõ tamen propterea morbos propellere possunt, quales sunt causæ, quæ eiusdẽ sunt naturæ cum gignentibus, & augmentibus, sed imbecilliorẽ vim sunt sortitæ: Nam quæ contrariam vim habent morbis, eos tollunt, nec morbosæ, sed salubres causæ sunt, censendæ.

Non

Non habent quidem præcipuâ vim, sed tamen aliquid faciunt ad generationem, auctiorem, & conseruationem morborum causæ sine quibus & cum quibus appellatæ, vt postea inferius ostendemus: Illud verò hoc loco sciendum est, quòd etsi causa potissimum dicitur, quum actu confert, tamen etiam illæ, quæ potentiam ad id habent à medico contemnendæ non sunt. Eas enim quæ facere possunt, & nondum aliquid faciunt, quum remouemus, præcauere dicimur: Quum verò illis repugnamus, quæ iam morbum committunt, siquidem immediatæ fuerint, curare, sin minus etiam providere ne obsint, recepto loquendi vsu, putamur. Sed hæc diligentius explicabuntur in eo libro in quo de Officiis medici agemus.

*Quas causas in morbis querere oporteat.*

C A P. VII.



VVM in morbis causas quæramus in medicina nostra non tam sciendi, quàm agendi causa, vt scilicet earum cognitione eos præcauere, mitigare, illorum incrementa sistere, & denique rectè curare possimus; constat aut de omnibus non esse agendum, aut certè parem non esse omnium prædictarum causarum vtilitatem: Nam etsi morborum causæ finem aliquem assequuntur, medicus tamen cum quantum licet, fugit, quum omnino morbosus causis resistat, nec ob eum finem primò, & per se quicquam molitur, siquidem natura, & ars sua instrumenta non ad perniciem, sed ad salutem animalis exercent. Per accidens itaque, & non primò, nec per se finem morborum, & causas illorum spectat medicus, vt scilicet illo impedito eum consequi possit, qui ad animalis salutem est utilis, nempe sanitatem, vtpote quæ secundum naturam existat; Alicuius enim gratia, actionum scilicet secundum naturam, quibus ad vitæ munia egemus, sanitatem comparare studemus, morbos autem nullius causa quærimus, sed nobis nolentibus insperatò, temerèq; accedūt. Finalis ergo causæ in morbis nullus, aut minimus est in medicina vsus: absentibus verò morbis eorum procreatrices causas quærimus, & quem finem habeant, spectamus; vt illis reluctando morbos præcauere, & sanitatem tueri valeamus. At quum adsunt morbi, quid tandè illorum causæ effecturæ sint, inquirimus; vt ex illis signa colligentes rectè

rectè prædicere possimus, quid sit futurum: Ad formam in morbis spectamus, quum philosophorum instituto propriam vniui cuiusque morbi naturam inuestigamus. Differre namque intemperiem à peruersa instrumentariorum partim structura propria illorum morborum forma docet: ob quam etiam curationem variamus: Quur enim diuersa remedia postulet intemperies, quàm structura dissimilariū, causa est, quòd diuersa sit illarum partium forma & natura: Quærimus efficientia omnis generis: nam quid morbum gignat, augeat, foueat, & tollat: quid item per se, aut per accideus, quid iam faciat, quid facere possit, quid vt communis causa, quid vt peculiaris quid remotum, vel propinquum; denique quid vnumquodque in morbis præstare valeat, expendimus. Quinetiam instrumentum cõmune, tanquam causam in morbis quærimus, per quam & morbi gignuntur, & tolluntur: Nec minus profecto materiam consideramus, quum inuestigamus ex quo humore tumores consistant; ex qua materia nascantur obstructions, crassasne an viscida, vel multa. Præbet & suos vsus subiecta materia, in qua morbi resident: Ex vario namque subiecto varias rationes, & multiplices in morbis curationes formamus, vt quum sciscitamus, quur inflammationes cordis, & cerebri omnino sint periculosæ, aliæ verò magis tutæ: quur canceri insanabiles, œdema autem faciliè curetur: quur ex sanguine benignæ febres & salutare: malignæ & perniciosæ ab atra bile proueniant, in quibus rationem ex materia vel subiecto corpore ducimus, sub quo corporis instrumenta hoc loco comprehendimus. Quippe quum morbi, in illis tanquam in subiecta materia sint positi; variant hæc quoque curationem, quando aliter inflammationem, quàm erysipelas, aliter febrem, quæ in humoribus, quàm quæ in partibus solidis residet: alio modo cordis inflammationem, quàm musculi, externæ'ue alterius partis curamus: Multiplex etiam est causarum sine quibus, & cū quibus in morbis utilitas. Nam si quis quærat quur acutus morbus ante decimum quartum non desinat; ratio est, quòd nondum ad illud tempus peruenerit, quo solui potest: Ab eodem genere petitur causa, si quis petat, quamobrè morbo sit correptus, qui diutius est apricatus; quoniam scilicet longiore tempore Solis iniurias tulit. At si quis ex sanguine confertim emissio statim liberatus fuerit: alius autem longè postea, cui humor paulatim emanauit: causam habent diuersi effectus, quòd alio modo ab

eodem remedio fuerint affecti:qua ratione etiā discrepantibus morbis ab eisdē causis diuerso modo agentibus homines corrumpuntur. Quir verò vix conualescere possint, qui ex vehemēti morbo resurgunt, causa sumitur à termino à quo: Quare autem ex tremore cordis homo moriatur, si quis postulet; causam assignari audiet, quòd in spatio, & loco, in quo cor ipsum mouetur, aquosus humor contineatur, qui motus libere fieri prohibet; vnde calor visceris, & vita tandem extinguitur.

Quòd verò quædam partes ab eisdem causis fuerint affectæ, aliæ verò minimè, earum imbecillitas, & robur, & conformatio, magnitudo, numerus, positura, connexio, raritas, densitas, mollities, durities, varia denique illarum conditio, cum qua facilius, difficiliusve morbi nascuntur, sæpe in causa est; quir autem ex quibusdam morbis non omnes gignantur, causa ex eo petitur, quòd non omnes ita opponantur, vt mutua fieri possit inter eos mutatio. Verum tamen si multiplex hic est causarum in morbis vsus, non omnes tamen in omni re, quæ de morbis quaritur, semper & eodem modo considerantur. Vbi enim causas scrutamur generationis morbi præter alias, causæ etiam sine quibus generatio fieri nequit, vt tempus, locus, terminus à quo, & reliquæ huius generis eo perpendendæ sunt, quoniam illis renitendum est. At vbi genitus morbus est, non iam vt causæ, sed vt signa considerantur; ex quibus quis, qualisve sit morbus, dignoscamus: Eas autem tanquam causas consideramus, quibus præsidia debentur, quæque agendi rationem mutant; quales potissimum sunt, quæ morbum constituunt, augent, & conseruant; quandoquidem morborum causas, vt aliorum etiam, quæ in corpore nostro peraguntur, eo præsertim consilio inquirimus, vt medicinam facitemus, non autem vt rationem reddamus, siquidem ars nostra ad actionem,

non rerum contemplationem comparata est: quod si aliquando ex causis rationes ducimus; id vel per accidens facimus, quòd alioquin eorum affectuum,

qui nostra præsidia desiderant, naturam

perspicere nequeamus, vel quatenus medicinam cum

philosophia proficemur.

*De causis morborum procatacticis,  
& antecedentibus.*

## CAP. VIII.



**C**AUSARVM morbi differentias facile vnusquisque ad imitationem eorum, quæ superius de differentiis causarum generatim dicta sunt, absque alia explicatione inuenire poterit. Quamobrem id solum superesse video, vt vsum, & proprias quarundam differentiarum significationes, in quibus multos hallucinari puto, breuiter doceamus. Ac imprimis quidem occurrunt procatacticæ dictæ causæ, quas nonnulli præcipientes, alij aliter, Celsus verò euidentes appellare videtur: Nec non etiam illæ, quas Græci *πρὸνυμώσας*, nos præcedentes, vel Celsi imitatione, abditas vocare possumus: in quibus quidem explicandis nō solum plurimum laborant Neoterici, sed etiam inter se non parum dissentiunt, omnes Galeni varietate confusi, qui diuerso modo hæc nomina vsurpare solet. Etenim libro primo Methodi medendi, & quarto de Sanitate tuenda, vocat eas præcedentes, quæ in ipso animalis corpore consistunt: Procatacticas verò, quæ extrinsecus eueniunt; id quod etiam in libro de Causis morborum aperte testatur, tum etiam initio libri primi de Causis pulsuum, vbi præcedentes vocari tradit, quæ in animali ipso continentur, siue affectus sint, siue motiones præter naturam. Procatacticas autem non solum hoc definit, quod sint extrinsecus positæ, vt superius adductis locis fecit, sed hoc etiam addito, quod vehementer alterent, immutentque corpora. Quæ ratione quæ leues morbos, vt diarias febres committunt, inter procatacticas passim alibi perperam collocaret. At in secundo commentario de Natura humana, præcedentes causas definit, quæ morbos efficiunt. Eas verò quæ ab illis originem trahunt, procatacticas appellari censent. Quod si ita est, solum licebit præcedentes vocare, quæ immediatæ sunt, aliæ autem omnes procatacticæ erunt, & quædam necessario internæ, aliæ externæ: Calidum enim morbum calor ipse committit, hunc humor (si velis) calidus accendit: hic rursus ex obstructione, prohibita transpiratione, incalcescit; quæ omnes profecto internæ causæ sunt: Cibus autem crassus, qui obstructionem fortè peperit, externa causa.

Quinetiam eo quòd scribat proprium esse diarium febrium, ut à causa procatarctica incipiant; constat non solum eas, quæ extrinsecus adueniunt, sed à nobis ipsis etiam excitantur causas morborum, procatarcticas esse; quippe quum ab ira, mœrore, tristitia, vigilia, & multis aliis, quæ à nobis proueniunt, diariæ gignantur. Quamobrem non mirum, ut diximus, si Auicenna & alij, qui eum sunt sequuti, in definitione causæ procatarcticæ, & antecedentis hac varietate Galeni confusi errarunt; quum procatarcticam describunt, quæ ab externis, vel ab anima prouenit. Nam motum, bubonem, vigiliam, inedia, alui fluxum diarias inferre, & inter procatarcticas causas non semel refert Galenus: quæ tamen nec extrinseca sunt, nec ab anima fiunt: nisi quicquid in corpore fit, ab anima prouenire, longius sumpto principio, quàm medicina nostra postulet, censeamus. Quod si Galeni opinione ea duntaxat, quæ sunt extrinsecus posita, procatarcticæ causæ nomine continentur, perperam dictum est eos morbos à causis procatarcticis nasci, quos animæ perturbationes pepererunt, nisi quis (nescio qua licentia) animam inter ea enumeret, quæ sunt extrinseca. Ac si quis librum de Causis procatarcticis, & locos, quos ex aliis libris adduximus legat, inueniet aliter ab antiquissimis medicis, quàm ab aliis, qui Galeni tempore vigeant, aut paulo ante eius secula vixerunt, hæc nomina usurpata esse, Etenim antiqui procatarcticas causas morborum vocabant alio nomine *πρὸς αἰτίαις*, id est, occasiones, quòd scilicet suapte natura morbum inferre nequeant, sed solum ubi imbecillum corpus, aut alio modo paratum ad morbos suscipiendos inuenerint, aut certè non vehemètem concitent affectum, nisi subsit morbola dispositio, quæ causæ agentis vim suscipiat, & ultra promoueat. Veluti ira, lassitudo, tristitia, quæ suapte natura diarias, ubi vero malis humoribus refertum est corpus, aut præter modum excalescens & exsiccatum, putridas etiam & heclicas febres procreant. Quanquam tamen libro quarto de Vitæ acutorum scribit Galenus non amplius rectè dicti *πρὸς αἰτίαις* morbi causam, si propria sui vi, & non ob subiectam corporis dispositionem morbum exciter; hæcque ipsas rectius occasiones quàm manifestas causas vocari. Confundit tamen hæc inter se sæpius: Etenim æstus, frigus, vigiliam, mœstitiā, crapulam, lassitudinē, & quæ huius sunt generis nunc procatarcticas, alibi rectè, ut libro secundo de Natura humana, nonnunquam occasiones,

siones, vel etiam manifestas omnibus causas, vt libro primo de Differentiis febrium, appellare solet. Iuniores autem medici, qui post antiquissimos illos superuenerunt, procatarcticas causas vocarunt, quas illi occasiones dicebant, Inter quos etiam placuit nonnullis eas inter procatarcticas solum recipere, quæ externæ forent: alias autem omnes, si modo essent euidentes, quidam tamen occasiones à manifestis causis distinguebant.

Quo quidem factum est, vt quum Galenus nunc hos, nunc illos sequitur, diuersa tradat, & à seipso etiam dissentiat, quanquam tamen propriè procatarcticam causam ille (quando ex propria opinione loquitur) intelligere videatur, quæ recens, & simul euidentis est, vt ex primo de Differentiis febrium patet, vbi eam ita definit, tum etiam ex eo, quòd occasiones eas nominet, euidentes esse oportet, recentes verò, quoniam secundo de natura humana, æstus, frigus, & reliqua prædicta, quæ inter procatarcticas causas ab eo passim recensentur, recentes morborum causas appellet, nullo facto discrimine, siue à nobis nascantur, siue extrinsecus occurrant. Quòd si aliquando procatarcticas vocat, quæ sunt externæ, fortè id faciat, vel quòd plurima illarum pars ab externis rebus ducatur, vel quoniam ita patèr, vt non solum medicis sint perspectæ, sed etiam idiotis, quasi extrinsecus essent positæ: contra planè quàm antecedentes, quæ suapte natura sunt occultæ, & nō nisi medicis cognitæ: vnde meritò abditas à Celso vocari diximus: vel ita inueteratæ, vt non nisi graues affectus pariant: procatarcticæ verò ferè omnes leuiores suapte naturæ morbos procreent.

*De causa morbi coniuncta.*

## CAP. IX.



ONI VNCTAM causam tanquam commentum quoddam Auicennæ, & aliorum Arabum medicorum nonnulli nostræ tempestatis medici reiecerunt, qui acrius etiam in illos inuerti sunt: quòd non solum rem commentitiam, & à Galeni placitis alienam, sed etiam medicinæ inutilem excogitatam putent: quam tamen (si Galeni autoritate, & ratione certandum est) recipere hi etiam cogentur, qui alios reprehendunt. Etenim Galenus passim illius mentionem facit, vt in libris de Causis pulsuum, & de Differentiis, & Causis symptomatum, & septimo libro Aphorismorum, atque etiam



contra Iulianum, & secundo Methodi medendi, ne infinitos alios locos recenseam, ubi primam, siue proximam, & immediatam rei causam *συνεχόμενον*, id est continentem dicit esse; adeo ut nihil differant proxima, & continens causa. Exigit id etiam rei natura; quæ enim cum effectibus coniunctæ sunt causæ, ut immediatæ ab Aristotele, sic apertissime Celsi nomine continentes appellari debent; quanquam tamen Galenus in hac etiam re varius esse solet: quippe qui nunc antecedentes à coniunctis separet, ut Aphorismo trigésimo libri septimi, ubi spumosi excrementi coniunctam causam esse statuit statuosum spiritum, qui cum humore ob vehementem motum commiscetur: Antecedentes verò plures enumerat, quemadmodum etiam commentario tertio libri sexti de Morbis vulgaribus apertè docet, ubi causas in procatacticas, antecedentes, & coniunctas diuidit: Aliis autem locis, in quibus duo solum genera procatacticarum, scilicet, & antecedentium facit, sub antecedentibus coniunctas complectitur; id quod facillè probari potest ex eo, quod scribit contra Iulianum, plenitudinem continentem, & simul antecedentem causam esse. Omnes enim coniunctæ antecedentes sunt, at non contra: siquidem proximæ rerum causæ, quoniam euidenter non sunt, sed peritis solum cognitæ, sub procatacticis contineri nequeunt: Ex antecedentibus verò non omnes coniunctæ, quia non omnes immediatæ, sed vna duntaxat, nimirum quod vnius effectus, vna proxima in vno quoque genere sit causa: aliæ omnes mediatæ, & ab effectu remotiores, atque seiunctæ. Ac profecto illud mouere non debebat eos, qui contra hæc scripserunt, quod Auicenna exemplo comodo non sit usus ad coniunctam causam significandam: quum nec etiam alij, qui caliditatem, aut lapidem in velica morbum statuunt esse, eam assignare possint: At qui morbum præter naturam compositione esse intelligunt, facillimè coniunctas in singulis morbis causas inuenient, & ab aliis differre cognoscent: Malæ enim compositionis causa in omnibus morbis est iniusta proportio componentium. Nam si quis quærat, quur compositio per morbos vitiosa sit, statim adferet id fieri, propterea quod proportio inter componentia non seruatur: quur verò non seruatur, excessus vel defectus componentium in causa ponitur: quur præterea excessus, vel defectus fiant, causæ adferuntur, quæ id facere possint, ut quur calor exuperet in corpore, ratio, & causa est, quod cibis, excrementum, aer ambiens, ira, vel  
aliquid

aliquid ex his, quę mutandi corpus vim habent, calorē auxerit. Itaq; rursus patet eos errare qui calorē præter naturā auctum, morbum dicunt esse, quū nec etiam immediata morbi causa sit calor, sed duplici interuallo à morbo distet, id quod cōtrario ordine à causis exordiēdo intelligere licet. Nam si quis, exēpli grātia, cibo vtatur calidiore, primū ab illo calorē in se augeri sentiet: calor verò excedēs proportionē, quā habet cum aliis qualitatibus, quum secundū naturā habemus, amplius non seruat. Ipsa autē proportio corrupta cōpositionē vitiat, quæ iam morbus est, vbi præter naturā, id est, insigne vitiū cōcepit. Ex quibus profectō iā patere puto causas cōiunctas à Galeno positas, & à natura rei exigi, & nihil aliud esse, illius opinione, & ipso nomine attestante, quàm proximas & inhæretes ipsius affectibus causa: adeo vt positīs effectibus, illæ etiā ponantur, & his remotis, illi quoq; euanescent: quemadmodum in re proposita apparet. Posita enim vitiata proportione in his, quæ nostrū corpus cōponunt, mala cōpositio, siue morbus ipse statim sequitur. Ea verò ablata, vt sanitas redit, quæ ex iusta proportione nascitur, sic morbus esse definit. Mirariq; sanè licet eos, qui contra hæc sentiunt, constantissimēque asserunt nullam vnquam causæ coniunctæ in morbis mentionem à Galeno esse factam (concedunt tamen in aliis rebus necessarium illius vsum) non vidisse parem esse in omnibus rationem, si modo ita se habent causæ morborum ad suos morbos, vt aliarum rerum causæ ad suos effectus: Quod si etiam Galenum consulamus, inueniemus profectō in morbis eum causas continentes ponere, quod apertissimē patet ex eo, quod scribit in explicatione textus 20. tertij commentarij sexti libri de Morbis vulgaribus. Quid clarius item eo, quod habet primo de causis symptomatū, vbi habet tunicæ vucę foramen angustū reddi ob tensionem ipsius tunicæ tanquam à causa coniuncta. Est enim eorum opinione angustia meatuum morbus in conformatione, quæ si causam habet coniunctam tensionem; cōstat profectō morborum esse causas quasdam coniunctas, ne plurimos alios locos confectionemur, ex quibus idem (Galeno authore) probare liceret. præsertim initium libri de Causis pulsuum, vbi scribit non solum in pulsibus, sed in aliis omnibus tria esse causarum genera, inter quæ præcipuum est continentium causarum genus; & meritō quidem. Est enim (si quid aliud) huiusmodi causa à medico dignoscenda; quum alioqui fieri nequeat vt arte aliqua,

vel sanitatē tueatur, aut morbos propulset: Nouit enim etiam vulgus ex ira, crapula, labore, & cæteris huiusmodi causis morbos oriri; sed qua ratione, quoue modo hæc id faciant, ignorant, quæ medicus perspecta maxime habere debet; quandoquidem non primis illis causis, quæ excitato morbo plerunque abierunt, sed aliis, quæ in corpore sunt relictæ, & præsertim immediatis remedia adhibeat pro diuersa scilicet vniuscuiusque natura, id quod nunquam commodè præstare poterit, nisi præcognouerit quasdam esse cum morbis coniunctissimas causas, quoue intercedant media inter singulas extremas causas, & morbum ipsum: Nam pauciora in quibusdam, plura in aliis interueniunt: Ac ne longius abeas, crassus cibus crassos humores procreat, hi obstructionem pariunt, hæc transpirationem caloris prohibet, quæ postea calorem augeat: Auctus calor proportionē cum aliis amplius non retinet, ex hac tandem compositio labefactatur, & morbus nascitur. At motus corporis calorem statim intendit, ex quo solius proportionis interuētū morbus provenit. Quamobrē non solum constat causas cōiunctas ab antiquis omnibus medicis fuisse excogitatas, sed etiam maximum esse illarū vsum, nec non certum ordinem, certamque seriem in singulis morbis inter causas agentes tenendum esse, nec quiescendum, donec ab externis ad immediatas morbi causas sit peruentum, aut ab his, si contrarium ordinem sequaris, ad illas accesseris: sic enim cognosces quibus, quōtue remediis in singulis morbis pugnandum sit.

*À quibus morbi causæ sumantur.*

C A P. X.



V V M varia causarum genera in morbis à medico considerari oportere ostenderimus, illud videtur iam explicandū ex quibus rebus illa petantur: Non enim omnia morborum causæ esse possunt, & plurimū quidem refert nouisse quæ, qualiæue sint, quæ huiusmodi vim obtinent, quandoquidem id curationem, præseruationemq; atq; etiam prædictionem plurimum mutat: Aliter nanq; morbos præsentēs curamus, quos aër concitauit, aliter quos peperit cruditas; diuersis remediis aduersus eosdem imminentes pugnamus: & vt variant morbi ob diuersas causas, sic ex illis quid futurum sit, præuidemus. At  
quum

quum varia subiiciatur morbis materia, quæ (si singulas illius differentias prosequi velimus) arte facile cōprehendi nequit; siquidem varia multiplexq; est humani corporis conditio, vna autem sit omnibus cōmunis, quæ arte ob id non eget: Ea verò ex qua morbi proueniunt, per se pateat his, qui nouerūt quales, quòtue sint humores, & aliæ substantiæ, ex quibus morbi constitui valent: quinetiā quum causæ sine quibus, aut cum quibus morbi constant, partim eadem in omnibus statuuntur, partim etiam in singulis euariunt, tractationē à nobis, qui communia solum hoc loco sectamur, & methodū eorum, quæ arte cōprehendi possunt, proficemur; nō requirunt: Vt autē instruem̃tales causæ, quæ cōmunes sunt, eadem sunt in omnibus: peculiare verò singulis subiectæ materiæ naturā assumunt: forma verò morborū certis generibus antea est cōprehensa: finalis demum causæ in hac re nullus est vsus: propterea illud solū superesse video, vt quæ, quòtue, & qualia sint rerum genera, quæ morbos committendi vim habent, breuiter perstringamus; Ex quibus etiam eodem negotio reliquæ efficientium differentiæ innatescent: quandoquidem eadem rerum genera morbos pariunt, augent, fouent, iuuant, & lædunt: Nec etiam prædictas omnino contemnemus, vbi illarum aliquis erit vsus. Itaque vt de his communi ratione dicam, ea causæ morbi esse possunt, quæ vim habent, structuram, constitutionemque nostri corporis labefactandi: quorum quædam necessario nos afficiunt, alia verò nō necessario, nec perpetuò, nec omnes immutare valent; cuius generis sunt quæ vulnerant, contundunt, aut alio modo temerè corpori nocent: quorum vt certa non est comprehensio, nec certus euentus, ita (inquit Galenus) sub artem non cadunt: Non quòd artis non sit genera, & vim eorū docere, sed quòd ad medicum non pertineat præcepta tradere, quibus doceamur huiusmodi rerum impetum, & iniurias cauere. Ea verò, quæ nemo fugere potest, sed omnibus communia existunt, quorumque prouidentia medicinæ subiecta est, certo numero comprehendit Galenus, sed non semper eodem, & æquali. Etenim in arte medicinali sex genera eorū constitunt nempe aërem ambientem, motum, quietem, somnum, vigiliam, quæ assumuntur, quæ retinentur, & animi affectus: Ac libro quinto de Sanitate tuenda, quadruplex materiæ genus facit, quæ mutandi corporis vim habet, quum illam diuidit in ea, quæ assumuntur, geruntur, educuntur retinenturque,

& foris adhibentur; Et melius quidem meo iudicio, quum illa sex non omnia comprehendant: vt lotiones, vnctiones, & alia, quibus extrinsecus vtimur: quinetiam animi affectus ad motum, & quietem redigi videntur: adeo vt illis positis, frustra hi postea addantur: Quòd si etiam per ea, quæ assumuntur, solum comprehendamus cibum, & potionem, vt Galenus intelligere videtur: relictæ sunt, quæ in corpus iniiciuntur. Ex illis verò quatuor generibus nascuntur omnia, non solum quæ necessariò, sed etiam quæ aliter quomodocunque corpus immutare valent; quorum naturam, & vim medicum tenere oportet, siquidem etiam ea, quæ vulnerant, secant, & vrunt, medicina requirit ad morbos propulsandos, & sanitatem agris comparandam. Igitur per ea, quæ assumuntur, comprehendimus alimenta, medicamenta quocunque modo, & per quemcunque locum in corpus assumpta; siue corpora sint solida, aut potiones; siue per os ingerantur, siue immittantur per anum, pudentia, vel aliam quamcunque corporis partem: Eorum verò, quæ geruntur nomine tum animi, tum corporis motus, & quietem intelligimus; vt otium, exercitationes, vitæ conditionem, iram, tristitiam, cogitationem, & his similia, quorum quædam à nobis solum proueniunt, vt animi perturbationes, & vitæ conditio: quædam verò ab aliis in nobis fiunt, vt frictiones, nauigationes, gestationes, quæ veliculo obeuntur: quædam verò mixtam habent naturam, quum partim ex aliis in nobis fiant, partim etiam à nobis proueniant, cuius generis est equitatio, & gestatio; & præterea in qua corpus vario modo agitamur: Porro genus eorum, quæ extrinsecus adhibentur, continet quæ impulsu agunt, vt vulnerantia, cõtudentia, frangentia. Item quæ nos ambiendo circundant, vt aërem, lotiones, natationes, & si quid simile reperiat, quanquam in natatione non solum ex aquæ adhæsu, sed etiã ex motu corpus alteratur. Comprehendit præterea, quæ corpori adiunguntur, & applicantur, veluti vnctiones, cataplasmata, cerata, & huius naturæ alia. Postremo quæ collo, reliquisque partibus appenduntur, aut circumligantur, vt vincula, quæ partibus iniiciuntur, aut alio deniq; modo extrinsecus corpori adhibentur. Iam verò quæ educuntur, ea cõplectuntur, quæ quocunque modo à corpore exeunt, vt sudorem, stercur, vrinam, sordem, vaporem, saliuam, pituitam, quæ emungitur, humorem, qui per purgationem, venæ incisionem, vel alio remedio educitur: ad quod etiam genus spectet

spectet pinguedinis, carnisque excretio, vel detractio; vt carnis ipsius abscissio, & ossium, vel neruorum, vel denique aliarum partium substantiæ, quæ à sibi cognatis rescinditur. Sunt etiam huius generis, quæ præter naturam in nobis concreuerunt, vt lapides, lumbrici, pus, dracunculi, & siquid aliud simile, quod extractum à corpore, corporis constitutionem mutat: Venus etiam quatenus semen excernit, huius generis existit; quatenus verò corpus commouet, ad ea, quæ fiunt (quemadmodum & excretiones corporis) redigitur: Etenim actio ipsa, nempe excretio aliquid eorum est, quæ aguntur; Id verò, quod excernitur ad ea, quæ excernuntur, spectat: eadem omnia quum retinentur sub cōtrario genere comprehenduntur; quæ simul coniuncta, propterea quòd contrariorum vnum est genus, quartum caput facere dicuntur ab aliis tribus diuersum. Ac perpetuò quidem ab his rerum generibus morborum omnium effectrices causæ & occasiones sumendæ: nec faciendum; quod omnes de medicina scriptores faciunt, qui in omni ferè morbo diuersos fontes statuunt, ex quibus illorum causas dicunt. Inuenies enim, vt postea docendo patebit, in his quid morbum efficiat, quid augeat, quid conseruet, quid tollat, & denique quid quocunque modo corporis statum mutare valeat.

*Quæ requirantur vt hæc causa morbi fiant.*

## CAPVT XI.



**H**TSI omnia, quæ prædiximus, vim habēt agendi in corpus nostrum, tamen quum agunt, nisi accedant alia quædam, proprio effectū frustrantur: Non enim omnia, nec eadem semper, quæ assumuntur, vel fiunt, aut extrinsecus adhibentur, aut denique à corpore educuntur, morbos committunt. Quamobrem Galenus in libro de Causis morborum, docet tempus, magnitudinē, & approximationem, siue vicinitatē requiri in causis, quæ morbos excitare debeant, idq; optimè quidem: Nam etsi insolatio morbos parere potest, id tamē in his non facit, qui in vmbra versantur, & longe absunt à Solis æstu: quòd si Sol æstiuus ob vehementē feruorem morbos cōmittit, non propterea fit, vt hybernus idem efficiat, quum facultatem & magnitudinem parem non obtineat: Neque vero acesse est omnes

omnes corripī morbo qui vel minimo tempori spatio æstiuum Solis ardorem tulerunt; quod his solum contingere videmus, qui diutius in eo versantur. Verum Galenus iis non contentus, addit in libro de Differētiis febrium corporis præparationem, idque meritò: Nam etsi insolatio dolorem capitis potest committere, in omnibus tamen id non facit, sed in his qui faciliè pati valent; alioqui omnes ab eisdem causis morbis pariter corriperentur. Quo quidem non moueor, quòd nunquam hic author vno loco tradat quæ sunt illius operis, sed semper plurima relinquat intacta, quorum explicationem ars ipsa desiderat. Quis enim non videt multa alia adhuc desiderari in his, quæ morbos procreare valent? Nam etsi quæ assumuntur aut adhibentur corpori, vim habent morbum gignendi, non tamen omnia id præstant: siquidem temperata hoc frustrantur effectu, quemadmodum quæ familiaria sunt, & naturæ nostræ amica: quamobrem requiritur in morbosus causis sæpius etiam aliena substantia, noxiæque qualitates. Qua ratione venena, quæ toto genere nobis sunt inimica, vel minima etiam quantitate assumpta, eam quam habent vim exercent, morbosque in nobis excitant, & temperata, ut diximus, eo quòd mediocrem qualitatem sint sortita, prosunt: quæ verò insignes habent qualitatum excessus, obsunt: morborumque authores censentur: quin etiam agendi modus, ut morbi gignantur, sæpe causa est; Nam quæ paulatim agunt, sanitatem conseruant: vbi verò confestim suam vim exerunt, morbos pariunt, Hoc enim pacto cursus, veloxque motus morbos concitare valent, quod ambulatio alioqui facere nequit. Desideratur præterea tempus, siue agendi occasio, & ordo; siquidem exercitatio ante cibum inita, sanitatem tuetur; repletis autem tracto nutrimento crudo per corpus, excitatisque obstructionibus, morborum fit occasio. Lac secunda mensa sumptum, dum longiore mora retinetur, interitum quum alia concoquuntur, corrumpitur, morbosque facit: Ingestum verò ante alios cibos vile fit corpori nutrimentum. Itaque causæ, quæ parituræ sunt morbos, naturam, substantiamque & qualitatem, quantitatem, agendi modum, ordinem, occasionem, & vicinitatem assumant oportet ad id præstandum idoneam, suamque vim exerant in corpus ad concipiendos morbos præparatum. Quid verò præparationis nomine intelligendum sit, quum de generatione morborum agimus non explicat Galenus: Ego tamen, communi in omnibus

bus morbis ratione, sub corporis præparatione comprehendendo imbecillitatem: Sunt enim imbecilla corpora excipiedis morbis exposita: Nam quæadmodum virtus fortis, vt idem auctor dicere solet, omnia cõtemnit, sic infirma omnia facillè patitur: Intellego præterea idoneam temperiem, conformationem, magnitudinem, numerum, compositionem, duritiem, mollitiem, raritatem, densitatem, crassitiem, tenuitatem, & variam denique corporis conditionem, quæ ad varios morbos gignendos plurimum habet momenti: Nam calida corpora parata sunt ad suscipiendum facilius, quàm reliqua, morbos calidos: partes verò magnæ, & numerosæ vulnerantibus, & extrinsecus irruentibus maximè sunt expositæ: Quæ angustos habent meatus obstructionibus promptissimè corripiuntur: quæ verò extrinsecus corpori occurrunt, cuti proximas partes ob illarum situm facillimè affligunt, difficilior internas offendunt: Cantharides vesicam, & renes potissimum afficiunt, quòd earum partium natura peculiariter ab illis sit apta nara pati. In solatio capiti dolorem facillè conciliat, alias autem corporis partes, vel ob situm, vel ob naturam ineptam illæsas seruat, aut certè minimum offendit. Rariora corpora externis iniuriis, densiora verò internis, quæque à nobis proueniunt, magis sunt obnoxia, quæ solidæ sunt partes, morbosius causis facilius resistunt: duræ cõrudentibus difficilior quàm molliores, rumpentibus verò pari facilitate exponuntur: Ac vt semel dicam, diuersæ partes corporis pro varia earum conditione promptius, difficiliorque ab eisdem causis morbos suos contrahunt, quarum rerum diuersitatem medicum ignorare non oportet, qui quid morbum in singulis committendi vim habeat, inueniri studet.

*De vi causarum morbi.*

C A P. XII.



ON solum quæ, quòtve sint, & à quibus sumantur morborum causæ, medicus dignoscere debet, sed etiam quid vnaquæque illarum præstare valeat, quàmque facultatem obtineat, perspectum habeat necesse est. Nam quemadmodum Hippocrates scribit fieri, non posse, vt medicus rectè vnquam quæ futura sunt, præfagiat; nisi signorum omnium naturam, & vim



vim prius nouerit; sic profectò qui causarum morborum vim, & naturam ignorat, nunquàm de ortu, & generatione morborum rectè sentire vel eorundem curationē, præseruationēque cōmodè instituere poterit. Quo magis mirari licet hæc ab antiquis Philosophis, & Medicis prætermissa fuisse: quæ meo quidem iudicio quilibet assequetur, qui hæc tria nouerit, quid scilicet possit vnumquodque, qua ratione illud efficiat, & quid demum tempore acquirat, quidve statim præstare valeat. Igitur quædam sunt, quæ solum materiâ præbere possunt, vt sanguis ex quo animal conformatur: alia verò, quæ efficiendi vim exhibēt, vt idem humor quum inflammationes parit, & febres excitat; sunt enim inflammationes ex sanguine tanquàm ex materia; febris verò à vi calorifica, quæ in eo est humore, nascitur. Sunt quæ formæ, efficientis, & finis simul rationem subeant; quod optimè etiam ab Aristotele proditum est. Ac vt ad institutum nostrum rem contrahamus; quædam sunt, quæ morbos gignunt, quædam, quæ solum augent, aut genitum auctumve conseruant: quædam, quæ morbos vehementes semper excitant, aliæ, quæ solum mitiores inferre possunt, quæadmodum rursus nonnullæ totum corpus affligere, aliæ verò nō nisi aliquam partem infestare valent: nec desunt quæ vnius generis morbum solum excitant, aliæ, quæ etiâ diuersi: sunt quæ nunquam morbi esse possunt, aliæ, quæ quum morbi sint, aliorum etiam morborū causæ fiunt: Atque illud etiam prætereundum non est nonnulla inueniri, quæ omni vi, qua pollent, obsunt, quædam quæ vna solum morbos inferunt, aliis autem vel non nocent, aut non statim, aut non adeo euidenter, vt morbus appellari debeat, quod ab illis prouenit. Efficiunt hæc præterea quædam suapte natura, quædam quâritate, alia qualitate, nonnulla ordine, vel agēdi modo: alia tempore certo, alia demum loci, corporisq; subiecti ratione. Gignunt scilicet morbū effectrices illorum causæ; Conseruant, vel intendunt eadem genere, vel subiecta materia, vel causæ cum quibus, & sine quibus res esse nequit; veluti æstus, qui febrem accendit, eandem auget, minuit, fouētque, prout maiorē, aut minorē, aut æqualem vim ei, qui primum febrem concitauit, obtinet. At si in corpore admodum calido, & bilioso, febris vel leuissima sit cōcepta, subiecti humoris ratione intenditur. Eadem minuitur, vbi ob corporis raritatem febrilis calor facilè expirat, alioqui increfcit, vel perpetuò eundem tenorem seruat, qua ratione differentiæ febrium

februm continentium constituuntur : vehementiores morbos venena pariunt, mitiores procatarcticæ causæ, ex quibus diarræ febres proueniunt; totum corpus afficere potest aer ambiens, & quæ extrinsecus vniuerso corpori adhibentur. At quæ vulnerant, vnâ partem primû lædunt, alias autem vniuersumq; corpus non nisi per sympathiam cum ea, quæ primum fuit offensa. Vnius autem generis morbum committunt vulnerantia, intemperiem sine humore cõmittentia, tumores præter naturam temperiem vitiant, & eodem negotio structuram instrumentariæ partis corrumpunt, si ad tantam magnitudinem excrescant, vt illius actioni euidenter obstant, quemadmodum etiam lapis in vesica, nunc obstructionem parit, quum meatum vrinarium occupauit, nunc structuram ipsius membri, additione vnius partis labefactat. Inedia, quæ calefaciendi, siccandi que vim habere perhibetur, quosdam offendit solus siccitatis ratione, in quibus scilicet natiuus humor consumitur, quosdam verò accendit, vt quum calidos in febrem præcipitat, alios vtroque modo afficit: quemadmodum si in corpore admodum bilioso, & gracili febrem pariat, quæ non minus fortè siccitate, quàm calore hominem lædit. Intemperies & morbus est, & morbi causa euadit, quum depaisto humore, vel eo, auctis excrementis, acervato, partes præter modum extenuat, aut immoderatè attollit: Calor verò perpetuò morbi causa censetur. Cæterum venena erodentia, vel toto genere lethalia suapte natura perimunt: Soporifera solum aucta eorum quantitate, calida quidem digerunt, at non omnia, sed quæ certam qualitatem sunt sortita; temperati cibi, si cætera adsunt accommodata, ordine peruerso, morborû fiunt authores: quæ autem incidunt, & secant, nisi violentius impellantur, non obstant: quare agendi modo morborum causæ constituuntur: Omnia verò prædicta intempestiuè exhibita, & quædam etiam peculiariter certis temporibus prosunt, obstantve; quod de Australibus constitutionibus dici solet, hyeme scilicet eas morbosas esse, salubres verò æstate. At subiectæ materiæ ratione, quædam morbos parere, quæ alioqui id facere nequeunt, aut certè non pari vi, omnibus constare puto: Intellico autem hoc loco materiæ ratione, nō solum corporis temperiem, & structuram; sed etiā ætatem, sexum, anni tempus, habitationis locum, & omnem aliam diuersam conditionem, cuius ratione corpora euariant, facillimè etenim à mediocriter etiam

etiam calidis, quibus temperies calida est, febres accidunt, & qui imbecillem partium connexionem sunt fortiti, luxationibus, aliis; infinitis iniuriis sunt expositi: loca humilia, & concaua pluiiarum multitudine morbosissima redduntur, at quæ montosa sunt, & elata his ferè meliora euadunt. Quæ assumuntur in corpus, internis partibus obesse sunt aptissima, externas offendunt facilius, quæ nos ambiunt: quæ inspirantur, aut per expirationem emittuntur maximam vim habent afficiendi pulmonē, cor, & cerebrum: quæ deuorantur parem vim in ore, ventriculo, hepate, & intestinis ostendunt. Nec nō quædam venena ob incognitam quandam sympathiam, & antipathiam quasdam partes peculiariter afficiunt, alias verò, quas etiam attingunt, seruant illæsas, vt ad alias properent, quas lædere sunt nata. Atqui sanguinis profluuium minorem vim habet ad generandos morbos in foeminis, quàm in masculis, quum videamus mulieres multis etiam annis sanguinis profluuiio vexatas, & interim vel minimum offensas, viros autem aut ex pari vacatione non longo temporis spatio, vel peremptos, vel certe maximis morbis correptos. Ac, vt breuiter dicam, tum ob subiectam materiã, tum alia prædicta vim, naturamque causarum omnium, & maximè morborū, de quibus agimus, variari contingit. Cæterum agendi modo inter se causæ differunt, diuersamque vim assument. Nam quædam per se agunt, & certos morbos excitant, aliæ verò per accidens alios inferunt, & sibi etiam contrarios, veluti calefacientia calidos morbos pariunt. Tempore autem longiore, durante vehementia, atq; in humore calido dissoluto, frigidos tandem asciscunt, quemadmodum & vinum suo excessu, dum calorem natiuum copia obruit, frigidos infert morbos; quod tamen alioqui suapte natura calidos creare potest. Quinetiam vt calidos, & frigidos, sic humidos, & siccos affectus concitat calor; eos quidem liquatis, & suis humoribus, qui in corpore à frigore erant concreti; hos vero vehementius digesto humore. At frigus frigidos per se morbos, calidos autem, vt febrē, prohibita transpiratione promouet, quemadmodum etiã à siccantibus morbi sicci nascuntur, per accidens autē frigidi, depaisto namq; humore calorem elanguescere, exuperarēq; frigiditatem necesse est. Pariunt eadem ratione humectantia suapte natura humidos & frigidos suffocato & oppresso quodammodo calore natiuo, in quo quidem opere præualeat nonnunquam id quod per accidens fit ei, quod

quod per se euenit, aut contrā; vel ob agentis vim, aut corporis patientis differentiam, vehemens enim frigus in corpore antea non excalesfacto, aut non admodum denso, frigidus morbos potius, quā calidos excitat, quod autem mitius est, aut adstrictionem habet adiunctam, præsertim in corpore à calore rarefacto, occlusa via, calidos gignit, non frigidos. Sunt præterea quædam, quæ ita agūt, vt solum excessu morbos committant, cuiusmodi sunt quatuor qualitates, aliæ verò etiam defectu, vt quæ morbos in organicis efficiunt, cuius generis sunt numerus, & magnitudo diminuta. Iam verò quid causæ morborum tempore acquirant, ignorandum non est, quædam enim sunt, quæ temporis progressu malignæ redduntur, aliæ verò quæ mora mitescunt. Nam semen retentum lethalis veneni vim assumit, sic malignos reddi humores, qui ex purgatione suppressa in mulieribus redundant, scribit Galenus. Pituitosus autem humor tempore concoctus melior euadit. In aliis etiam causis vis eodem modo quærenda, veluti in materia quid, ex quo, & in quo, & quatenus, quando, & quomodo pari valeat, ignorandum non est. Eodem pacto quorum possit esse aliquid instrumentum, quid finis, & quid sine quo, & quid cum quo fieri queat perspectum habere oportet. Atque hæc quidem sufficiant de generali vi causarum morbi: Ex quibus profectò intelligemus non solum quæ causæ, quos morbos, & quo modo parere valeant, sed etiam quibus remediis, quove modo illis repugnandum, & in quibus potissimum properandum: vel morandum, aut aliud denique faciendum sit.

*Quonāmodo progrediendum sit in causarum  
inuestigatione, & quæ causa in morbis  
singulis recensenda.*

## CAP. XIII.



NON solum quæ, quove sint morborum causæ, qualis, quantæque illarum vis Medicum tenere oportet, sed etiam quum eas inquit, certo ordine progredi debet; & ab illis auspicari, à quibus ad reliquas commodissimè transire liceat. Ac illud etiam ignorare non debet, quando singulæ causæ, singulæque genera enūmerare necesse sit: quando verò aliquas omittere, & quædam solum genera excutere expediat: quæ qui-

dem docere nescio qua ratione contempserunt antiqui scriptores: Si enim multa sunt causarum genera, & differentiae: si quaedam propinquissima, quaedam remotissima, aliae verò mediae, & inter extrema collocatae, certū profecto in illis ordinem reperiri necesse est: quum qui ignorat non solū ignorat quod res ipsa habet, sed etiam quum causas alicuius rei inuenire studebit, temere ratiocinabitur. At si quidpiā ex vno solo causarum genere oriri possit: frustra in aliis omnibus recensendis elaboramus: Ars ergo in his requiritur, quae quod fieri debeat, certa ratione monstrat: quod autem Galenus, & reliqui, qui eum sunt sequuti, ea methodo hae non explicant, vnicuique constare puto. Nam neque à comodo aliquo principio exordiri solēt, neque omnes, quas oportet enumerāt; sed ferē solum mediatas, & remotiores, contemptis propinquis, in singulis morbis explicant, aut si propinquiores nonnunquam attingunt, ita tamen id faciunt, vt quae inferioris sunt generis cum his enumerent, quae ex superioribus nascuntur. Id quod satis apparet ex lib. Galeni de Causis morborum, & primo de Differentiis febrium, vbi de illarum causis agit: Quum enim causas morbi calidi ex adstrictione corporis, & alimento petendas esse scribit, & febres ex cruditate, & aëris occurſu excitari alimentum, & aërem: statim à summis generibus rerum, quae morbos committere valent, nempe ab his, quae assumuntur, & extrinsecus occurrant, ducit: siquidem quae morbos pariunt quaedam sunt ex his, quae assumuntur: quaedam verò, quae extrinsecus nostrū corpus afficiunt. At constrictio, & cruditas ex primis generibus nascuntur. Nam ab his, quae extrinsecus adhibentur, adstringitur corpus; Ab his verò, quae in corpus assumuntur, cruditas nascitur, relinquiturque: illud postea adhuc quaerendum vnde cruditas, & adstrictio proueniat, quod illa scilicet ex alimento, hae ab adstringentibus, quae vel à refrigerantibus, vel exsiccantibus proueniunt. Atque vtrumque genus refrigerantium scilicet & adstringentium ab his, quae extrinsecus adhibentur ducitur. quum autem ei bus sit assumptus calidus, qui febrē fortē excitauit: frustra quaeret medicus, nimirum quod inutilis sit hae inquisitio, posteaquam causarum inuestigatio ad summa capita peruenit. Quod si Aristoteles censet in causarum tractatione non esse quiescendum, donec ad primas remotissimāsque causas sit peruentum, probare minime possumus medicorum consuetudinem, qui nunquam vel rarissime vsque adeo progrediuntur, vt summos fontes

fontes inueniant, sine quibus tamen nec sanitatē tueri, nec morbos propulsare idoneis prædiis cuiquam licet, quippe quum aliter eos curemus, qui febrem contraxerunt ex cruditate, aliter eos, qui ex adstrictione laborant, aliter si cruditas ex cibi copia quàm si immoderato potu sit orta; alio modo si adstrictionem peperit frigiditas, alio si siccitas, & denique remedia sæpe varianda sunt, si iidem etiam morbi ab assumptis, quàm si ab admotis, vel aliis causarum primis generibus sint contracti. Recensenda porro sunt aliquando omnia summa causarum genera, nonnunquam verò vnius solum generis satis est mentionem facere. Nam si in vniuersum quid morbum, vel morbi genus aliquod, vt febrem parere possit, queramus: vniuersa causarum genera, à quibus effectrices illorum causas sumendas esse antea meminimus excutere oportet; & omnium vim perpendere; eorum scilicet quæ assumuntur, corpori adhibentur, geruntur; & excernuntur retinenturque. Neque enim aliter ei, quod queritur commode satisfacere possumus. At si causa pateat, quæ morbum excitauit, aut natura propositi effectus monstret fieri non posse, vt omnia ea rerum genera huiusmodi vim obtineant, aliis contemptis, ad eum fontem statim properandum est, à quo rei propositæ causæ oriuntur. Si enim vulneris causas quis petat, frustra quidem spectabit, an ex genere eorum quæ assumuntur, vel retinentur, aut à corpore ducuntur quidpiam reperiri possit, quod vulnerandi potestatem habeat, propterea quòd ex vulneris natura statim admonemur illius causas ab his, quæ extrinsecus occurrant petendas esse; siquidē nihil aliud est, quod vulnerare corpus valeat. Eadem sanè ratione si quis præcedente crapula in febrem diariam inciderit, frustra laborabimus in aliis examinandis, quæ easdem febres pariter committere solēt; quippe quum statim medico innotescat non aliud, quàm ex crapula huiusmodi febrem sui originem accepisse: quòd si effectus posito cuius causæ non pateat, quig; à variis rebus nasci possit, tunc singula genera excutienda sunt, vt reiectis illis, ad quæ rei propositæ causæ referri nequeunt, tandē inueniamus quæ vera sit eius causæ. Recensendæ verò in omni genere (quod excutere cœpimus) omnes causæ, donec omnia media percurrerimus, atque ad verumque extremum peruenierimus; alioqui non solum ignorabitur generationis ratio, sed etiam quibus, quòtve auxiliis sit opus, intelligere non poterimus. Non enim satis est nouisse inter ea, quæ extrinsecus agunt frigus

febres parere posse, sed præterea docendum est quonam modo id faciat, quòd scilicet primum cutim adstringat, adstrictio verò transpirationem prohibeat, hæc calorem accendat, cuius excessu proportio qualitatum non seruetur: atque hoc modo intemperies, morbusque nascitur: quibus sanè intellectis vnà etiam statim percipimus, adhibenda esse remedia, quæ extrinsecus calefaciant, rarefaciant, tum etiam assuenda ea quæ idem præstent: nisi impediatur calor, qui supra modum auctus sui extinctionem, refrigerationemque desideret, quæ nemo vnquam commodè administrare poterit, nec intelligere quæ, & vbi diuersa remedia adhibere oporteat, si perspectum non est quæ, quòve inter extremas causas, remotissimas inquam, & coniunctam interiaceant media. Itaque quoniam in causarum enumeratione ab extremis, & à mediis auspicari possumus, docendum iam est; vnde commodius exordiri liceat. Ac quòd à mediis enumerationis initium sumere non debeamus satis constat, quandoquidem duas hoc modo, & inter se contrarias vias instituere oporteret: vnā, quæ versus coniunctam causam, aliam quæ ad remotas procedit, præstet autem vno modo quàm duobus inuenire quod querimus, tum etiam quòd media non per se, sed extremorum ratione enumerentur, ab extremis ergo auspicandum. Qua in re si quis quod commune est, pertractet, commodè à summis generibus exordietur; vt si quis quid morbum parere possit, docere studeat, statim consuetis summis rerum capitibus, ostendet tum ex his, quæ assumentur, tum ex illis, quæ extrinsecus adhibentur, aut fiunt, vel retinentur, aut immoderatè excernuntur, reperiri, quæ & quomodo id facere valeant. At si morbo, vel alia quapiam re posita illius causas inuestigemus, optima mihi videtur via, & progressus, si ab immediatis causis exorsi ad alias perueniamus. Posito enim effectu quid melius fieri potest, quàm statim enumerare causas, quæ illum còstituunt, quæ quum vna omnino sit, quæ à pluribus postea nascitur, nec tamen semper ab omnibus summis causarum fontibus; hinc frustra sæpe recenseamus vniuersa, quæ nostrum corpus immutare valent ad eā inuestiganda quæ à nonnullis solum proueniunt. Sic sanè Galenus putridæ febris causas vndecimo libro Methodi inquiri, quum febrem ipsam ex calore, hunc ex prohibita transpiratione accendi, prohiberi autem in his febribus transpirationem ex obstructione vasorum docet. Ipsam autem obstructionem

ex humorum crassitie, visciditate, & multitudine nasci tandem ostendit. Nec tamen oberit quæ secundo loco prædicta sunt (vt rudioribus magis innotescat) exemplo aliquo patefacere. Statuamus itaque alicui mutatum esse naturalem totius corporis colorem ad flauitiem, vel pallorem præter naturam, quod genus affectus regium morbum vocamus, cuius causæ Inuestigandæ, recensendæque sint: qua quidem in re si Galenum aliosque scriptores consulamus, inueniemus varias poni huius rei causas; Nam tradunt illi ob virtutem expulsiuam, & alteratricem vi etiam morbi, quinetiam ob hepatis obstructi- nem, eiusdemque scirrhum, inflammationem, & intemperiem, quæ absque tumore infestat hoc genus mali committi: Ad- dunt præterea illius causam esse posse viperæ morsum, & non- nulla alia venena, atq; etiam bilem flauam, & vesicæ suscipien- tis bilem infirmitatem, quæ nequeat à sanguine bilem ad se trahere, nec alienum esse, vt ob nimiam repletionem affecta vesica vacuari nequeat, atque hoc modo bilis non expurgeretur, sed ita per vniuersum corpus feratur: Hæ fere sunt causæ regij morbi, quas illi ponunt, & sparsim enumerant, in quibus qui- dem multa si nō reprehēdere, certe desiderare possumus; Atque illud imprimis, quod in tanta causarum multitudine nonnullas etiam omittant, quasdam verò addant, quas rei natura reiicit. Nam quid obstat quominus etiam ex materiæ vitio, vt alimēto admodum bilioso plurima bilis gignatur, quæ vnā cum san- guine per corpus delata, colore alieno corporis inficiat? Præ- terea si expultricis, attractricisque infirmitate id contingere potest, quur omnes, qui iam ad mortem properant, extinctis propemodum omnibus viribus, abundante etiam bilioso hu- more (quod his accidit, qui ex febre ardente pereunt) in regium morbum non incidunt? Adde quod ex huiusmodi particula- rium causarum enumeratione nunquam constare potest an omnes rei causæ sint comprehensæ, quum à nullo certo initio explicationem auspicentur. Quo fit vt perpetuò hæsitare cogamur, an omnes sint enumeratæ, vel aliquæ semper supersint, quas alius inuenire possit. Quinetiam ordo desideratur ne prio- res causæ cum posterioribus pariter recenseantur: Nam etsi scirrhus, & inflammatio, & obstructio pariunt regium mor- bum, non tamen pari intervallo id faciunt, siquidem obstructio causa est, propterea quod delationem bilis vitiatæ meatibus, per quos ferri is humor solet, impediatur. Inflammatio verò eo



quod eodem comprimendo adstringat, angustioresque reddat; quo fit ut adstrictio, & obstructio non eadem vicinitate regij morbi sint causæ; quemadmodum inflammatio, & humores crassi & visciidi, quorum illa adstrictionem, hi verò obstructionem pariunt. In hoc etiam errare solent, qui de causis scribunt, quod non doceant quid efficientis, quid materiæ, quid instrumenti, aut causæ sine qua nō, aut denique alterius generis rationem obtineat. Etenim bilis tanquam materia regij morbi causa esse censetur: Excretrix verò facultas, vel alteratrix tanquam efficiens, obstructi meatus tanquam instrumentum partium, si vehis, externarum raritas, quæ ad suscipiendos humores est aptissima causæ cum qua rationem habere videtur: Postremo oportebat tandem singulas huiusmodi causas ad ea rerum genera redigere; à quibus illi etiam authores omnes morbos, omniâque symptomata nasci prodiderunt. Quamobrem præstat, ut antea diximus, à coniuncta cum effectu causa exordiri, & alias deinceps veluti resoluendo inuestigare. Ergo si color vniuersi corporis in pallorem mutatur, necesse omnino est id ex humoris biliosi affluxu contingere: Porro redundantia huius humoris causam esse oportet, vel quod talis humor plurimus in suis fontibus scilicet hepate gignantur; aut quod à sanguine nō expurgetur, sed vñà cū sanguine per corpus distribuatur, & erret, vel quoniam secreta bilis à sanguine in omnes partes feratur: vel etiam quod optimus humor quum ad externam corporis superficiem externasque partes peruenerit corrumpatur in bilemque vertatur: Si enim biliosi humoris plurimum gignatur, necesse est corpus pallescere, etiam si multum huiusmodi humoris per solitas excretiones educatur: veluti in his apparet, qui tertiana febre correpti plurimum bilis procreant, & excernunt, longè tamen pallidiores solito cōspiciuntur; quod si mediocre etiam sit quod gignitur, nisi tamen à sanguine secernatur, continuòque expurgetur, paulatim aceruatur huiusmodi humor, qui sanguinem, corpusque suo colore inficit; Idem quoque necesse est eneniat, si forte bilis quæ cū sanguine continetur, ab eo secernatur, & ad cutē regeratur, vel trahatur; tūc enim illius colorē in cutē efflorescere oportet; Nam quod laudabilis humor sæpe gignatur, & tamen ob vitium partium, ad quas peruenit corrumpatur, notissimū esse puto. Nec videtur fieri posse ut ab aliis quàm his causis humor in habitu corporis abūdet, & illius color permutetur. At illæ ex aliis nascuntur. Etenim co-

pius

piofus humor gignitur, aut vitio materiæ, quæ affumitur; aut vitio efficientis causæ: siquidem omnino oportet multam bilem procreari, si alimenta, quibus vescimur, apta natæque sunt conuerti in huiusmodi humorem, vel etiam si alimēta optima fuerint, id tamen quod eam parit insignem vim obrineat: quæ ratione ex præsana, & lactuca qui ardente febre laborant, copiosam bilem sibi moliuntur: Efficiunt verò quædam statim in ipsa humorum generatione, vt intemperies hepatis calida, & sicca: Alia autem postea, veluti venena nonnulla, quæ sanguinem vitiant, & in bilem, aut alium humorem degenerare faciunt. Cæterum si non expurgantur excrementa, vel vitio facultatis nequeuntis attrahere, aut expultricis exolutæ, vel quoniam instrumenta sunt ineptæ viæque obturatæ per quas ferri consueuerunt, id accidit. Bilis autem secretio à sanguine non expultricis beneficio, sed vi attractricis perficitur: vnde constat duas relinqui causas, quæ expurgationem prohibeant, nempe expultricis actionem, & meatuum vitia: Expultricis tamē officium requiritur, posteaquàm recepta est bilis in vesicam hepatis coniunctam, & ad intestina ferri debet: Vt enim in segregatio-  
ne huius humoris à reliquis, nec hepar, nec venæ expellunt, sed sola vesica huic operi destinata, eum tanquam familiarem ad se allicit: sic in ea delatione, quæ à vesica ad intestina fit sola expulsio illius vesiculæ requiritur, nihil conferentibus ad attractionem ipsis intestinis, sed solum admittentibus quod aliunde eò regeritur; oriuntur & hæ causæ ab aliis; Nam quod attractio fieri nequeat, materia aliquando crassior, aut copiosior est in causa: nonnunquam verò ipsius facultatis imbecillitas, aut etiam viarum oclusio: quanquam alterius generis hæc causa est, vt antea in diuisione adnotauimus; si modo alia remedia, aliæque curatio exiguntur, vbi facultas laborat, quàm si in meatibus vitium adsit. Eodem pacto expulsio nō perficitur aut materiæ, aut facultatis vitio: quod cōtingit omnino ob intemperiem; vel corruptionem totius substantiæ, si facultas à similibus partibus proueniat, aut etiam labefactata instrumentariarum partium structura. Nam impediri expulsionem affecto instrumento docet vrina, quæ reddi nequit, aut certe difficile excernitur iis, quibus vesica retenta diu vrinæ copia distenta, & veluti exoluta est: attamen quum id solum in his partibus contingat, quæ nostro arbitrio constringi, moueri-  
que possunt; quæ autem solius naturæ beneficio reguntur,

sele exonerant, antequam noxias tensiones pars experiatur; non immerito repugnantibus etiam aliis antiquioribus scriptoribus, huiusmodi causam à re proposita excludimus. Iam verò viæ occluduntur vel à comprimentibus, vt scirrhus, inflammatione: vel ab obstruentibus, quod faciunt crassi, multi, viscidique humores, vel lapillo, vt aliquâdo in morbo regio visum est, vel ab adstringentibus, qualia sunt refrigerantia, & certo modo siccantia; vel ob coalitum partium, quæ antea diuisæ fuerunt, & in ipsa curatione malè conglutinatæ, nec non etiam ob nimiam siccitatem nonnunquam partes cõcavæ subsident, & contractis lateribus occluduntur. Quòd si non videtur fieri posse, vt ob adstringentia, meatus per quos bilis deducitur, repugnante loci distantia, aut ob peruersum coalitum, propterea quòd nec vulnerari facile possunt, aut si id contingat, mors, nò expectata regij morbi generatione, statim subsequitur, aut propter subsidentia occludantur, relinquatur solum causæ lædentes huiusmodi vias, quæ vel obstruunt, aut cõprimendi vim habent. At verò quod vltimū est ex diuisione, secernitur, expelliturque biliosus humor per vniuersum corpus expellente facultate, quæ aut vi morbi irritatur, quod his contingit de quibus scribit Hippocrates in Aphorismo illo, Quibus in febribus morbus regius ante septimum, malum; Aut etiam tempestiue insurgente natura aduersus noxium, sed euictum humorem; veluti sæpe contingit in laudabili crisi, reiecta ad cutem bile, corpus pallorem insignem concipere; Atque hæc quidem omnes causæ tandem ab his provenire cognoscuntur, quæ assumpta, vel extrinsecus adhibita, aut excreta, vel retenta, vel quomodocunque facta mutandi nostrum corpus vim habere posuimus: quo fit vt non solum hoc modo intelligamus quæ sint coniunctæ, quæ ue remotiores causæ, sed etiam quæ superfluo nonnunquam à scriptoribus addantur, & quæ ab illis prætermittantur; nec non etiam quo ordine progrediendum sit in causarum omnium inuestigatione, & qua demum ratione in tanta multitudine eam inuenire liceat, ad quam quod queritur, referatur: reiectis enim his, quorum nulla sunt indicia, eas recipere cogimur, quæ evidentes notas habent; de qua re non est quòd hoc loco agamus, quandoquidem nunc causarum inuestigationem, & enumerationem, non autem cognitionem, quam alibi explicabimus, instituiamus.

# IOANNIS ARGEN- TERII DE CAUSIS VNIVSCVIVSQUE

GENERIS MOR-  
BORVM

## LIBER SECVNDVS.

*De causis intemperaturæ.*

### CAPVT I.



**C**ALENVS in libro de Causis morbo-  
rum statim docere aggreditur quid in-  
temperies singulas, calidam Inquam, fri-  
gidam, humidam, & siccam committat,  
cuius quidem institutum probare non  
possum: Si enim docendi ratio postulat,  
vt quæ communia sunt prius explicentur;  
quæ in primis intemperaturæ causas non prosequitur, sine  
quibus nec intelligi aliqua arte potest, quid intemperiem ca-  
lidam, aut alias prædictas pariat? Vt enim in vna quadam  
communi natura, qua intemperaturæ sunt, conueniunt; sic  
profecto eius, quod illis commune est, nempe intemperatu-  
ræ tradi causas necesse est; quibus compertis, minimo nego-  
tio, quod singulis est peculiare cognoscitur. Omitto quod  
solum effectrices causas attingat: Nam etsi præcipua illarum  
debet esse tractatio, aliæ tamen, vbi expedit prætermitten-  
dæ non sunt: Itaque nos intemperaturæ morbosæ causas po-  
tissimum hoc loco inuenire conabimur, deinde cuiuslibet  
intemperaturæ, nec non morborum, qui totam partium sub-  
stantiam corrumpunt. Postremò eorum, qui in partibus in-  
strumentariis consistunt, idque eo ordine seruato, quem in  
generibus, & differentiis enumerandis sequuti sumus. Com-  
mittit porro intemperiem, vt diximus vitiata proportio, quæ  
mixturem corrumpit, hanc excessus qualitatum efficit, hanc  
rursus quæ qualitates intendendi vim habent, de quibus non

solum in his, sed aliis etiam omnibus morbis deinceps à nobis agitur: Etenim cause quæ perpetuo eadem in omnibus manent, arte non egent, quæ explicentur, sed quæ in singulis euariant; quippe vitiatam proportionem morbum committere in omnibus perpetuum est; quemadmodum quod excessu, vel defectu componentium proportio ipsa corrumpatur: At quæ excessus, & defectus sunt authores, variatur, nec eadem in omnibus inueniuntur; ob id quæ arte opus est, quæ doceat quid unicuique in hac re conueniat. Nam etsi quatuor rerum genera existunt, ex quibus morborum causæ sumuntur, non tamen ex omni genere causas semper petere licet, sed quidam sunt morbi, qui ab vno duntaxat fontes causas capiunt: vt vulnera, quæ solum ab illis, quæ extrinsecus nocent, excitari possunt: quidam verò qui ab omnibus generibus suas causas ducunt, cuiusmodi est, de qua agimus, intemperies; quam quidem præcipue committunt cibi, potiones, medicamenta ingesta, aut alio modo in corpus assumpta: qualem enim vim obtinent, talem etiâ corpori intemperie inferunt: licet ea nonnunquam contrarium præstant, sed ex accidenti quodam. Frigida nanque alimenta suapte natura frigidos pariunt morbos, prohibita verò nonnunquam caloris transpiratione, febres accendunt: Habent autem maximam vim ea, quæ assumuntur ad intemperiem gignendam in eorum corporibus, qui infirmam habent coctionem, aut vehementer intemperati existunt, vel exiguos corporis meatus sunt sortiti: Pariunt etiâ excrementa retenta intemperiem, eademque emissa præter naturam idem præstant: Nam quum retinentur, eam, quam habent vim corpori impatiuntur: quum verò præter naturam excernuntur, faciant vt reliqua, quæ in corpore manent, exuperent, maioremque ad agendum vim assequantur; liquidem bile copiosius euacuata, pituitam in corpore abundare, & illa retenta hanc minui, corpusque calidius reddi necesse est: His autem potissimum obsunt quæ retinentur excrementa, qui angustos meatus habent, diutius enim in his illa morari oportet, quibusque expultrix debilior, retentrix autè vis validior existit, quique imbecilliores aliquot partes sunt nacti, quomodo retentis alui excrementis præter consuetudinem minimo temporis spatio quosdam vehementer capitis dolore corripimus: alios verò minimum offendi, etiam per integros dies aluus non excernat; nimirum quod illis infirmum, his verò firmum sit caput: At ab his quæ immoderate educun

educuntur à corpore, potissimum afficiuntur, qui molli carne, rarâque textura sunt præditi: faciliè siquidem illorum robur exoluitur, corporisq; cōditio intemperiem admittit. Iam verò quæ geruntur à nobis ipsis, vel aliunde obeuntur in corpore nostro supradictis generibus non cedunt, quod satis ostendunt animi, & corporis actiones violentius concitatae, ut ira, tristitia, gaudium, cogitatio, immoderata exercitatio, & quæ sunt eiusdem generis, à quibus omnis naturæ intēperies prouenire docet quotidianus vsus; id quod tum per se, tum per accidens, & commodius in vno, quàm in alio præstant. Nam exercitatio immodica per se corpus calefacit, aucto vero calore etiam exsiccatur; ut tristitia primò exsiccatur, postea verò etiam febres accendit. Animi perturbationes etsi omnes tandem afficiunt, multo tamen promptius eos, quorū vitalis vis imbecilla est, & corpus infirmum, & ad dissolutionē ob mollitiem, raritatemq; expositum: Corporis motus facilius corpora admodum dura, aut molliā infestat, siquidem illa immoderatè exsiccantur, hæc autem violentius statim digeruntur. Caterum quæ corpori admoventur, morbos quoque procreandi vim habent, si insignes qualitates acceperint, quales in aëre ambiente potissimum; nonnunquam in vnctionibus, & lotionibus apparent; ex quibus morbos, vitiata tempērie, nasci sæpius vidimus, vel similes ipsis qualitatibus, aut etiam illis contrarios; quippe frigida, quæ extrinsecus admoventur, aut corpus ambiunt, & frigidos sua vi, & calidos, occlusa via calori, pariunt morbos. Quæ verò violentius corpori occurrant, ut vulneratia, contumētia non nisi ratione doloris, cuius occasione humores in partem affectam irruunt, intemperiem faciunt: Ac ne singula excutere velle videamur, vñquib; intēperaturæ causas facile inuenire poterit, qui vim singularum rerū, quæ nostrum corpus affligere possunt, quidue illud facilius, aut difficilius quoue tempore, & modo, & loco pati valeat, prænouerit.

*Morbi calidi causæ.*

C A P. I I.



A V S A S intemperaturæ, in qua calor exuperat, quinque generibus complectitur. Galenus in libro de Causis morborum, motu, putredine, vicinitate corporis calidi, constrictione corporis, & alliaci calefacientis assumptione;

ptione; sed meo quidem iudicio non satis rectè, & sine metho-  
do id facit. Quum enim quatuor rerum genera alibi statuisset,  
quæ corpus quocunq; modo mutandi vim habent, eodem ser-  
uato numero oportebat profectò ab eisdem etiam morborum  
calidorum causas petere. Deinde quum libro primo de Diffe-  
rentiis febrium ea enumeret, quæ febris sunt causæ, postea verò  
modos doceat, quibus illæ febres accendunt; sint autem modi  
illi, quos in libro de Causis morborum causas statuit, necesse  
est, ut ipsas causas omittat, de quibus agit in libro de Differen-  
tiis febrium: nempe lassitudinē, iram, mœrorem, cruditatem,  
æstum & alia multa, quæ illic enumerat, quæ quidem calidio-  
rum morborum causæ existunt, sed agendi modo inter se diffe-  
runt, nimirum quòd quæ tam constringendo corpus, alia putre-  
faciendo, alia mouendo, alia denique alio modo eosdem mor-  
bos pariant. Præterea quum putredo, quæ à propinquo corpo-  
re contrahitur, & rei calefacientis vicinitas ad vnum genus re-  
ducantur, quòd ea continet, quæ extrinsecus corpus afficiunt:  
oportebat sanè vnum genus primum ponere, ex quo postea per  
diuisionem, quæ cōtinentur sub eo, nascerentur. Nam inter ea,  
quæ corpori extrinsecus occurrentia calefacere possunt; non  
solum putrida, sed etiam multa alia aliis qualitatibus prædita  
idem faciunt, ut videatur potius genus quoddam caloris nempe  
putridi, quàm diuersæ rei hotare. Quæ enim vicina, aut propin-  
qua sunt, calefacereq; valent, quædam calorē ex putredine, alia  
ex acrimonia, alia ratione alia eum obtinent. Quinetiā si quis  
singula genera confectari velit, inueniet statim plura esse po-  
nenda, quàm illa quinque, de quibus ille meminit. Nam ut  
cibi, & medicamenta sumpta; sic sanè excrementa retenta, vel  
præter naturam emissà calidos morbos faciunt: siquidem bilis,  
quæ per aluum excerni consuevit, dum retinetur, calidorum  
morborum fit causa: & ob immoderatā pituitæ excretionem  
idem humor in corpore augetur, eosdēque morbos concitat.  
Atque eo etiam auctorē cruditas addenda est; quandoquidem  
ex ea febres procreari libro primo de Differentiis febriū com-  
memorat: quæ quidem si febres accendit causa quoque mor-  
borum calidorum statuenda est; quemadmodum profectò &  
vigilia, & inedia, quæ in quinque illis generibus aptè comprē-  
hendi nequeunt. Quamobrem præstat principia posita reti-  
nere, & in constituto rerum numero, à quibus morborum o-  
mnium causæ petuntur, consistere: veluti ipse alibi facit; ut  
quum

quum libro primo de Præſagitione ex pulſibus, ex eiſdem ſon-  
 tibus ducit ea, quæ corpus refrigerare valent. Itaque ſi excutia-  
 mus ea quatuor ſumma rerum genera, facile inueniemus quid  
 in quolibet calidos morbos procreare poſſit, vel nequeat: Igi-  
 tur ex genere eorum, quæ extrinſecus lædunt ſunt ea, quæ vel  
 ambiunt corpus, vel ei admouentur: ſi calida, aut frigida fue-  
 rint, aut adſtringentia morbos calidos faciunt, ſed diuerſo mo-  
 do: Etenim frigus, & adſtringentia omnia meatus cutis con-  
 ſtringendo prohibent, ne calida ſubſtantia diffuatur: quæ intus  
 retenta vel ſuapte natura, vel quòd putreſcat, aut in aliis putre-  
 dinem ſuo ſeruore concitet, internum calorem auget: Calor  
 verò externus, intrò demiffa ſua vi validiore, cognatum ſibi  
 calorem intendit. Nec pari tamen facilitate in omnibus hæc  
 calidos morbos pariunt, quippe externus calor promptiſſimè  
 eos inuadit, qui calore potiſſimum biliſo abundant, aut rara  
 ſunt cute: Illi enim utpote iam plus iuſto calidi, vicinum calo-  
 rem facilè concipiunt: Hi verò eundem promptiſſimè vndi-  
 quaque admittunt, & in viſcera interna aliis partibus longè  
 calidiora recipiunt. Frigus externum tum eos qui nouo calore  
 æſtuant: tum illos, quibus cutis naturaliter eſt adſtricta, &  
 excrementis calidis abundant, potiſſimum lædit: Patfactis  
 etenim externis meatibus in profundū magis ſecedere poteſt,  
 & maiore conſtrictione calorem includere, & hoc modo excre-  
 mentis tranſeuntibus viam præcidere. Vbi autem admodum  
 iam adſtricti ſunt meatus, faciliſſimè externi frigoris occurſu,  
 vel obcæcantur, vel ita præcluduntur, ut via excrementis exeun-  
 tibus amplius non pateat: Quæ vtrò abſque frigore conſtrin-  
 gunt, ut aquæ aluminofæ lotiones maximè in his corporibus  
 vim propriam exerere valent; In aliis verò, quæ aliqua occa-  
 ſione ſunt excalefacta, aut nullam vel minimam poteſtatem  
 ad morbos huiusmodi committendos obtinent: id quod docet  
 quotidiana etiam experientia. Qui enim ex curſu, aut ſolis ca-  
 lore, vel alia ratione æſtuant ſi in frigidos locos ſe conſiciant,  
 febribus ſtatim corripiuntur. Quod ſi in balneum aluminofæ  
 aquæ deſcenderint, nihil plus fortè offenduntur, quàm ſi ali-  
 ter affecto corpore eiufdè balnei vim experirentur. Quinetiam  
 pariunt calidos morbos, quæ vulnerant, contundunt; & deniq;  
 alia omnia, quæ violentius corpus imperunt, ſed non ſuapte  
 natura, verum ea ratione, quòd excitato dolore colligantur in  
 partibus humores: qui quum non ſatis ob multitudinem dif-  
 ſari



flari possint, putredine ascita affectam primum partem, deinceps reliquas excalefaciunt. Nec illud fortè alienum fuerit putare calidos morbos etiam nasci posse ab his, quæ collo, & reliquis partibus appenduntur. Si enim hæc habēt vim perimendi eiiciendiq; fœtum, comitiales morbos sanandi; quæ etiam inueniri non poterunt, quæ propria sua vi calidos morbos accendant? Iam verò ex genere eorum, quæ assumuntur, calidi quoque morbi proueniunt; sed diuerso modo. Nam quædam propria vi id faciunt: veluti aër in corpus attractus si calidus fuerit, & cibi, potiones, ac medicamenta, quæ calefaciendi vim habent, quædā verò per accidens, & hæc vel qualitate, vel quantitate, vel corrupto ordine idem faciunt: quippe quæ actu sunt frigida, dum vehementius incalescit corpus, assumpta densando internos meatus febres gignūt, & quæ viscidam, crassāq; naturam habent, excitatis obstructionibus, idem faciunt. Porro quantitate aucta, humorum copia quoque augetur, atq; etiam statim ab ipso nutrimento copioso & adhuc crudo venarum canitatis nonnunquam occluduntur, prohibitæque per eas partes effluatione, calor increfcit, & ex eo morbus nascitur. Quum verò minus assumitur quàm oportet, humoris defectu calor intenditur: quo modo ex inedia febres sæpius excitari videmus: At si quæ facillimè coquantur, vt lac, post alios cibos ingerantur, longiore mora corrupta putrescunt, calidōsque morbos excitant. His ergo modis ab assumptis calidi morbi fiunt. Ab his verò quæ ab aliis in nobis fiunt, vel à nobis proueniunt, quales sunt animi, & corporis motus, & omnes denique actiones calorem augeri continua experientia monstrat: quum videamus ex ira, mœrore, lassitudine, & omni alio motu febres sæpius excitari: Atque etiam ratio docet omnes immoderatos motus calefaciendi præter naturam facultatem habere: verum non æqualem in omnibus omnia obtinent, facilius etenim biliosos accendit inedia: promptissimè à tristitia, & vigilia sicca corpora incalescunt: rara facile offendit lassitudo, difficillimè quæ pituitosa sunt; & densiore cute sunt prædita: & denique alia in aliis facilius vim suam exerunt. Cæterum ea, quæ excernuntur, & retinentur, calorem quoque augere sunt apta: si quidem euacuatæ præter modum frigidis humoribus, vitiatæ proportionem, calidos exuperare oportet; qui vt calefaciendi, sic gignendi morbos calidos facultatem assequuntur. Retento autem calido humore, calorem quoque intendi necesse est: unde

otio febres comparari mirum non est; propterea quòd emissæ exercitatione calor minuitur, excrementâque interim in corpore aceruantur, quæ ex quacunque occasione putredine concepta calidorum morborum causæ fiunt; Atque etiam ad hoc genus pertinere videntur fluxiones, collectionesq; humorum, quæ in partibus sæpius fiunt; qui quoniam in loco affecto impacti retinètur, corrumpuntur, & putredine adiuncta calorem intendunt, calidósque morbos gignunt: Atq; hæc quidem satis de Causis intemperaturæ calidæ, in quibus si quid desiderabit studiosus Lector cõsultis ipsis fontibus, ex quibus omnes morborum causæ oriuntur, adhibita (quam hætenus obseruauimus) docendi methodo, facîle inuenire poterit.

*Frigidi morbi causa.*

C A P. I I I.



RIGIDOS morbos ex propinquitæ rerum frigidarum ex ciborum, potionumve quantitate, & qualitate; præterea ab adstrictione, & rarefactione corporis, demum ex otio, & motu moderato excitari scribit Galenus, hac ratione persuasus, quòd ignis etiâ ab eisdem causis extinguatur. Quæ in re imprimis in numero causarû mihi deficere videtur: Nam excrementorum calidorum euacuatio, & frigidorum retentio frigidos etiam morbos gignunt, quemadmodum ex sanguinis profluuio diuturno, & immoderato hepar, lienem, & totum denique corpus refrigerari, atq; etiam huius occasione aquam inter cutem nasci videmus; & pituita redundante in cerebro, quæ excerni consueuerat, frigidius illud euadit: sicut & aliæ omnes partes, in quibus huiusmodi humor exuperat. Quòd si quis Galeni auctoritatem hoc loco requirat eo non contentus, quod rei natura, & sensus ipsi docent, librum primum de Præfagitione ex pulsibus legat: vbi ille ex humoribus frigidis retentis corpus refrigerari tradit. Deinde motus, & quæ rarefaciunt, frigidos morbos fortè non committunt, sed frigidos simul & siccos: Vt enim corpus dissoluto humore primum incalcescit, demum verò refrigeratur, sic etiam exsiccat: quemadmodum videmus nimio labore, bilem primum procreari, deinde consumpto humore, & tanquam pabulo deficiente calorem clangescere, & corpus melancholicum frigidum

gidum inquam, & siccum, & siccus etiam quàm frigidus, non autem frigidum solum reddi. Quinetiam quæ extrinsecus admota rarefaciunt, ut calefaciendi vim habent: sic calidos primum digesto aliquantulum humore (in quo statu corporis calor, qui prius humoris copia ferè opprimebatur accenditur, validiorque redditur) morbos pariunt, postea verò eadem ratione frigidos unâque; siccus. At verò constrictione faucium, & asperæ arteriæ inter causas morborum frigidorum ponere non mihi videtur esse rationi consentaneum: Extinguitur quidem animal aucto calore ob prohibitam respirationem: At interim frigidus morbus nullus gignitur; nec caloris defectu, sed nimia abundantia cordis, animantisque calor suffocatur. Postremo ciborum defectus frigidus morbos non parit, sed siccus primum; deinde vel calidos ut in his, qui facile accendi possunt, & ex inedia in febrem incidunt, aut tandem frigidos, & siccus. Deficiente namque humore, debilitatque calore, frigidum, & siccum corpus tandem euadit; non frigidum solum, cuius causas eo loco non compositi morbi ex frigido & sicco pariter exuperante Galenus explicat. Nec par profectò est ratio, quam adfert de extinctione ignis, & generatione morborum frigidorum. Aliud enim est extinguere ignem, & calorem nostrum; aliud extinguere, & refrigerari, aliud morbos frigidos in nobis gigni, & calorem aboleri, ut satis omnibus constare puto. Nam etsi ignis extinguatur lignorum penuria, non tamen propterea refrigeratur. Nos autem non quid calorem nostrum extinguat; sed quid corpus præter naturam refrigerandi vim habeat, quærimus: id quod nunquam efficient, quæ prohibita respiratione calorem intus augent, hæc enim calidos morbos faciunt. Nec frigidos unquam excitant, quæ calefacientia remedia postulent, sed si perseveret affectus, oppresso calore, mors statim succedit: ut in his qui iniectis vinculis collo, nullo oborto interim frigido morbo, sed caloris vi strangulantur, & perimuntur, euenire conspiciamus. Ac ut tandem ad nostros fontes redeamus, quæ nos extrinsecus ambiunt, aut corpori admoventur, siquidem calefaciendi vim acceperint, calidos, ut diximus, vel calidos & siccus, aut frigidos & siccus morbos procreant: Si verò ex genere refrigerantium extiterint, calidos inducunt morbos, ubi meatus corporis rarefactos violentius constringunt, caloremque expirare prohibent, sin minus intro sese insinuante frigiditate, frigidi morbi nascuntur, veluti in partibus corporis externis, deuscto prop

propemodum calore ex ambientis frigiditate, frigidos prouenire morbos nonnunquam videmus, quod potissimum his accidit, qui per niuem, aut hybernū frigus iter faciunt, in his enim pedes, & manus quodammodo concretæ, non tamen penitus extinctæ (alioqui mors, & non morbus esset) euidenter apparent. Nec fortē alienum fuerit putare, quòd ex vinculis iniectis externis partibus frigidi morbi nascantur, quum non sit par ratio, quando prohibetur respiratio, & impeditur expiratione caloris in quapiam parte. Nam prorsus cohibita respiratione mors sequitur: vbi verò partes vinculis constringuntur, influente calore priuatæ refrigerantur, in morbosque frigidos incidunt. Iam in genere eorum quæ assumuntur causæ morborum frigidorum ex qualitate, & quantitate rei ducuntur. Frigida etenim alimenta & medicamenta ingesta propria sua vi corpus refrigerare posse notius est, quàm vt probari debeat. Quum verò nimia quantitate assumuntur, grauata facultate coctrice, oppressosque quodammodo calore, frigidi morbi proueniunt: quemadmodum optimè Galenus à liberaliore vini potione, quod alioqui suapte natura calefacere est aptum, attolitur morbum, soporososque & alios qui frigidi sunt affectus, inferri meminit. Nam quæ potentia calida existunt, nisi prius vincantur, & caloris nostri beneficio quæ in illis latet vis exciretur, non calefaciunt, sed obruto calore refrigerant. Atque alia etiam ratione in quibusdam partibus ex assumptis alimentis frigidi morbi nascuntur, nempe quod nimia illorum copia arteriæ, & venæ occludantur, per quas calor à suis fontibus eò permeat, veluti à multis cibis non bene concoctis lienem obstrui contingit, atque ita interclusa caloris via, partem ipsam refrigerari, quod potissimum illis accidere necesse est, qui angustiores ab initio eas vias sunt sortiti. Penuria autem (vt dicimus) nutrimenti non parit frigidos morbos, aut certè non frigidos solum, sed etiam vnà cum frigiditate siccos. Porro quæ excernuntur, & retinentur frigidos morbos concitant: tum quòd retentis frigidis excrementis necesse sit corpus refrigerari, & immodicè vacuatis calidis humoribus contrarios in corpore vigere oporteat. Quòd si quis ea etiam, quæ retinentur euictò calore, morborum frigidorum causas nonnunquam esse censet, meo quidem iudicio non errabit, quandoquidem ob impactos retentosque in aliquo membro humores, qui inflammationem pariunt, quam excipit syderatio, hoc modo frigide

morbus nascitur. Postremò ex genere eorum quæ fiunt non desunt causæ morborum frigidorum. Nam somnus longior corpus refrigerat. sic nonnunquam vigilia dissolutis spiritibus, quemadmodum, & otium, vitæ quæ nimia tranquillitas. Tabescit siquidem calor nimio animi, & corporis otio, atque ita frigidius vel statim, vel frigidorum humorum copia acervata corpus redditur. Motus autem, ut antea diximus, suapte natura frigidos morbos procreare nequit, sed solum subiectæ materiæ ratione, veluti in corporibus, quæ faciliè dissolutis spiritibus non expectata siccitate refrigerantur.

*Causæ morbi sicci.*

C A P.

I I I I.



**I**N causis humidi & sicci morbi explicandis methodo utitur, & ad principia sua redit Galenus, quum ex assumptis, & excretis, atque etiam ex admotis, & his, quæ geruntur eos nasci tradit, quanquam tamen genus eorum, quæ fiunt, & retinentur, excernunturque subiceat; & exemplis solum exprimat, quando scilicet ex curis, & vigiliis, & immoderata corporis dissolutione huiusmodi morbos concitari meminit. Itaque ut res ex suis fontibus primum ducatur, pariunt morbos siccos quæ assumuntur tum qualitate, tum quantitate. Nam alimenta, cibi inquam, & potiones, & medicamenta, quæ exsiccandi vim habent, cuiusmodi sunt acerba, austera, & in nonnullis etiâ amara, salsa, & acria id faciunt. Cibi autem humidioris, & potus etiam paucitate, quemadmodum & inedia exsiccari corpus omnes nouerunt. Quum enim perpetuò insiti caloris vi degeratur corporis humor, si minus reponatur humidæ substantiæ quàm absumatur, siccos morbos tandem sequi necesse est; ac etiam fortè quæ assumuntur alia ratione siccitatis sunt causæ; quòd scilicet ob crassitiem meatus obturent, difficilèq; in omnes partes trahantur, nutritionemque hoc modo scilicet perferri prohibeant, quomodo eos extenuari, tabescereque videmus, qui hepatis obstructionibus ex crassis, viscidisque humoribus frequenter tenentur. Quòd si id contingat non assumptorum vitio, sed ob viarum naturalem angustiam causa in subiectam materiam reicienda est. Pariunt & siccos morbos, quæ excernuntur, & retinentur: siquidem cohibitis humoribus siccis, aut humidis plusquam oportet euacuatis corpus siccius reddi

reddi par est: atque nō solum qualitatem humorum, sed etiam quantitatem euacuationis siccitas sequitur. Ceterum ex genere eorum quæ sunt sicci morbi causa quoque sumuntur. Omnes enim nouerunt ex corporis motionibus, animique perturbationibus veluti tristitia, cura, lætitia immoderata, cogitatione, longiore, vel vehementiore, ratiocinatione, & vigiliis superfluis præter naturam exsiccare corpus, id quod euenire videtur, quod per huiusmodi actiones, sanguinis, spiritusque copia, id est calidi natiui vis requiratur, quæ ut animi corporisque functiones magis intenduntur, ita facilius, promptiusque dissoluitur. Nec aliam puto esse rationem, quæ moreror, & cura corpus siccitate consumant. Nam in cogitatione, & vigilia illud quoque accedere potest, quod quum influentis caloris vim requirat cerebrum ad eas actiones peragendas, humorem & spiritum halituosum ab internis fontibus secum euehat calor, quæ postea ab ipso extenuata, & in vaporem conuersa ob loci conditionem, & situm in aërem circumstantem expirant. At ubi lætitia homo afficitur, fit quedam veluti ebullitio potissimum circa hepar, & cor, ex qua pariter sanguis, & spiritus extenuantur, vniuersumque corpus expanditur, atque ita resoluta humida substantia subita nonnunquam mors, vel alioqui siccitas subsequitur. Siccant & frictiones duræ, & asperæ & longiore tempore adhibitæ: siccant quoque orium; quoniam languescere tunc calore corpus infelicitè alitur, vnde extenuatis partibus ad humorem adducendum, crassitiemque comparandam motum potissimum adhibemus. Iam vero ad quartum genus eorum scilicet quæ extrinsecus adueniunt, accedendum est, docendumque an omnia, quæ sub eo genere sunt comprehensa, & quo modo siccorum morborum sint causæ. Itaque in primis sese offerunt, quæ nos ambiunt, ut aër, lotiones, natationes in rebus exsiccantibus, cuiusmodi sunt aquæ sulphuræ, alumniosæ, nitrosæ, ferreæ, & si quæ alia huiusmodi sunt, quæ vel propria vi siccant, vel adiuncto calore, digesto humore per accidens idem faciant. Qua in re illud neminem mouere debet, quod ex balneis alumniosi, sulphureis, & ferreis, siccos morbos nasci dixerimus, quum duplicem vim singula habeant, siquidem sulphurea, & alumniosæ aqua non solum siccant, sed etiam calefaciunt: ferrea autem refrigerat, & simul siccant. Nam etsi admixta cum siccitate alia qualitas nonnihil etiam

agit; tamen siccitatis ratione compositio, & temporis præter naturam redditur parum alterius excessu offensa. Quod si interim vel febris vel affectus aliquis calidus, vel frigidus unâ cum siccitate nascitur, ut temperies, quæ ab utraque qualitate insigniter vitiatur, compositus morbus ex composita causa, pariter exuperante utraque qualitate, non immeritò putabitur, id quod in omnibus causis, quæ duplici vi sunt præditæ, intelligendum esse velim; quum simplices morbos illarum usu provenire dicimus. Tunc enim unius actio præpolleret, quæ morbum intulit, alterius vi non ita conspicua: quod accidere puto vel ob inæqualem vim qualitatum, vel ob corporis, quod afficitur differentiam; quemadmodum videmus ignem vehementius calefacere, quàm siccare, quum adustæ partes non multo sicciores, longè autem calidiores quàm propria natura exigat, appareant: nimirum quod maior insit igni calefaciendi, quàm siccandi vis. Tristitia verò in aliquibus febrem gignit, alios verò sine calore vehementius exsiccat, non alia, ut arbitror, ratione, quàm quod quædam corpora ad calorem, alia ad siccitatem concipiendam sunt aptiora. Idem sanè quod ambientia corpus præstant quæ illi applicantur, ut unctioes, cataplasmata, cerata, & huius generis alia, quæ vel siccandi solum potestatem habent; aut etiam cum aliis qualitatibus coniuncta, sed tamen præpollentem, aut subiecti ratione magis efficacem. An non etiam iustum est ea, quæ vulnerant, & contundunt, aut alia etiâ ratione dolorem inferunt inter exsiccantia numerare? quandoquidem experientia docet eos, qui doloribus torquentur siccitatis excessu propemodum contabescere. Quod etiam his contingere necesse est, quibus partes vinculis diutius, aut violentius constringuntur. Sic enim prohibita alimenti distributione humoris penuria pars exsiccat. An verò ea etiam, quæ alligantur partibus vim possideant siccos morbos gignendi aliis considerandum relinquo, quum nulla evidenti ratione id ego probare possim: absurdum tamen mihi non esse videtur, ut si maiores effectus præstât, hos etiâ illis tribuamus. Ceterum peculiare quoddam genus causarum morbificarum in siccis morbis reperitur, quod ex nobis ipsis ætatis cursu provenit: siquidem insiti caloris vi in omnibus nullo alio accedente errore perpetuo subiectus humor digeritur, & inemendabilem siccitatem paulatim corpus contrahit.

*De causis morbi humidi.*

CAP. V.



B eisdem etiam generibus rerum humor auge-  
tur, morbiq̃ue humidi proueniunt. Nam & cibi,  
& medicamenta humidiora, aur aliquo modo  
excedentia humidius, quàm par sit corpus red-  
dunt: alioqui si plus exuperent, oppresso iam  
quodammodo calore frigidos etiam morbos inferunt: sic pro-  
fectò quum plus humoris gignitur, quàm dissoluatur, & hu-  
mida quæ excerni consueuerant, retinentur; aut quæ sicca natu-  
ra sunt, plus iusto excernuntur, humorem augeri necesse est,  
qui morbos postea pariat humidos. Idem faciunt otium, cor-  
poris animiq̃ue securitas, & vmbratilis omnis vitæ conditio.  
Quinetiam humidior aër, frequentes in aquis dulcibus lotio-  
nes, præsertim post cibum; sicut etiam motus eodem tempore  
intempestiuè susceptus; veluti & vnctiones, & cataplasmata, &  
alio modo admota medicamenta humectantia. Postremò quæ  
appenduntur corpori idem præstabunt, si humectandi vim eo  
modo sint sortita. Atque hæc quidem de causis morborum, qui  
ex intemperie consistunt dicta sint: nam ex simplicibus com-  
posita facillè innotescunt. Vt enim quæ assumebantur, excer-  
nebantur, vel extrinsecus nos afficiebant, aut à nobis fiebant  
simplici vi prædita simplices morbos, exuperante vna qualita-  
te, excitabant; sic si compositam duplicemque naturā mixtione  
duarum excedentium qualitatum eadem assumant, composi-  
tos morbos parient. Quare illis prætermisiss, qui ex solis qua-  
litatibus contrahuntur, ad eos accedemus, qui ex qualitatibus  
cum humoribus coniunctis cōsistunt; propterea quòd illorum  
generatio fluxionum originem, & occasiones requirit, quæ ex  
supradictis intelligi nequeunt.

*De composita intemperatura ex duabus qualitati-  
bus cum humore & fluxionum causis.*

CAP. VI.



V P E R E S T, vt antea diximus, in hoc ge-  
nere morborum, quod ex intemperie cōsistit, &  
partibus similaribus est proprium, vt causas ex-  
plicemus intemperaturarū, quæ cū humore aliquo  
cōtrahuntur, in quo quum duæ omnino ex primis qualitatibus



præpolleant, compositæ ob id censentur intemperies quæ ab eo nascuntur. Et porro huiusmodi morborum natura cognitu facillima, utpote quæ ostendat tumorem præter naturam, qui neminem latere potest: At quonam modo, & à quibus causis humores in partibus corporis colligantur, & denique quæ sit horum morborum generandorum ratio, quæ qualisve causæ, nec etiam inter Medicos præstantissimos convenit. Omnes enim tumores ex fluxione humorum excitari statuit Galenus quum alibi passim, tum potissimum in libro de Causis morborum, quo loco etiam fluxionem ipsam omnino ob naturæ expulsionem commoueri tradit: Libro verò secundo de Differentiis febrium trahi humores à dolente, vel calente parte scribit: fierique præterea genus quoddam attractionis fuga vacui, aliud verò quum partes ad se alliciunt, quod sentiunt familiarare: expelli autem quod vel qualitate, vel quantitate vim expultricem molestat, passim commemorat. Quod verò in vnam partem potius quàm aliam truantur humores, censet tribuendum esse robori, debilitatiq; partium, eas nempe, quæ omnium sunt infirmissimæ suscipere quæ ab aliis reiciuntur excrementa: partes autem validas, & firmas eadem repellere, & iniurias omnes à se propulsare. In quibus sanè nonnulla forte negligentius dicta inueniemus, si paulò accuratius singula examinabimus: Nam illud imprimis verum esse non puto, quod tumores omnes ex fluxione humorum nascentur; quippe quum nonnulli ex materia paulatim in partibus congesta, & acervata tandem erigantur, cuius generis sunt flatuosi tumores, & scirrhi quorum materia non aliunde influit, sed sensim colligitur, ubi partes ob debilitatem nutrimentum proprium vincere nequeunt; argumento quòd huiusmodi tumores paulatim incrementum, repentinum autem ortum & incrementum obtineant, qui ex fluxione excitantur: quod inflammationum generatio potissimum ostendit, in qua partes affectæ minimo temporis spatio in tumorem attolluntur. Quis enim verrucas, aquam inter cutem quæ tympanites, aut etiam ascytes dicitur, ex fluxione nasci putabit? Statuere ergo omnino oportet duobus modis partes corporis in tumorem attolli; quod etiam innuere videtur idem author decimo tertio Methodi, & omnibus recentioribus placere video ex congectione inquam (sic enim illi vocant) & humorum decursu: atque illo modo flatuosos, & prædutos tumores vel semper, vel ut plurimum fieri

hoc

hoc verò calidos, aut etiam molliores ex pituita natos; Calidi namq; humores ad motum sunt aptissimi, nec paulatim acervari possunt; eo quòd vel statim putrescāt in vasis coarctati; aut ab illis in partes effusi dolorem inferant, cum quo diuturni affectus vix consistere queunt. Gigni verò ædemata per fluxiones id ostendit, quòd videamus in hydropicis, & his qui à longis morbis resurgunt vesperi potissimum tibias intumescere; manè autem tumorem minui; quod significat aliunde humorē decurrere: qui enim in parte cumulatur humor, tam subitas mutationes facere nequit, subito inquam gigni, & dissolui: Nō solum verò à natura extrudi humores in alias partes docent inflammationes, quæ flante borea, constringentēque, & exprimentē humores proueniunt; sed etiam adstringentia medicamenta, quæ in subiectis partibus repulso eo humore eiusmodi morbos concitant: Caterum attractionem fieri ob familiaritatem substantiæ docent etiam externæ actiones: Quæ enim familiaria sentimus, illa quoque audissimè arripimus. Atqui ob fugā vacui, vel caloris vi, aut ob dolorem attractionem vllam fieri nō putauerim: Nam quum corpora veluti cōstricta sint in suis locis, siquidem æqualia perpetuò loca, & locata (vt philosophi aiunt) existunt; sponte in locum ampliorem quæ humidiora, leuioraque sunt, & ad motum prompta feruntur, absurdum aliōqui fuerit putare vas inanitum aerem allicere, aut vacuum sentire, quippe quum nullo sensu sit præditum, & quæ attrahūt, eo trahantur, vt retineātur, quod etiam Galeni est principium: Quæ autem retinētur omninò, eodem etiam authore familiaria sint oportet: quid autem familiare intercedere potest inter aërem, & vas ipsum? quo modo attrahet quod nullā vim attrahendi habet? alioqui quur etiam retinendi, concoquendi, & expellendi potestati ei non tribuimus? Sed vt diximus sponte aër in vas, dum liquor effluit, aut aqua, vel alius liquor in fistulam in eum excluso aëre demissam sese insinuat, nullo autem modo, vt mea fert opinio, attrahitur. Porro calorem etiam nō trahere ad se humorē docent, quæ euidenter in externis rebus apparent; siquidē videmus lintea humida, & humore irrigata exsiccari, quum igni admoventur, non quòd ad ipsum ignem humor feratur vi caloris attractus, quum purissimus, & humoris expers maximè sit aër, qui igni est propinquissimus: sed quòd humor ab igne excafactus in vaporē mutetur, qui suapte natura sursum attollitur, & non ignē versus mouetur. Calor præ-

terea quæ diuerſi ſunt generis, diſſipat, & à ſe inuicem ſciūgit: quæ verò homogenea ſunt, cogit, & vnit. Proprium denique caloris munus eſt calefacere; ad calorem verò ſequitur fuſio concretorum ſegregatio, & congregatio. Attractio autem ne quidem per ſomnium excogitari poteſt calorem ſubſequi. Ad hæc quæ attrahuntur, vt retineantur, alliciuntur, alioqui fruſtra eſſet attractio. At ridiculum foret dicere ignem, aut alterius rei calorem retinere, aut expellere: Poſtremo quur magis humida quàm ſicca arriperet calor? Quod ſi ita eſt, quur lapides, & ligna ad ſe non trahit ignis? At ſi ad locum excalefactum confluunt humores, non propterea eò trahuntur, ſed quoniam ſpatium amplius redditur rarefaciente calore, & humores funduntur, tenuioresque & mobiles redduntur; qui ſponte poſtea in excalefactum locum tanquam ampliorem ſecedunt. At verò dolorem non attrahere certiſſimum eſt: Nam dolor irritat. Quæ autem irritant, expultricem vim ad agendum mouent, non attractricem: id quod oſtendunt vomitus, & aliæ excretiones, quæ ſunt dum facultas expultrix ſtimulata aduerſus id quod moleſtat, inſurgit. Quod ſi viam inueniat, & id quod moleſtat extrudi valeat, foras, aut in aliam partem quod noxium exiſtit, concitata facultas propellit, alioqui quæ vicina dolenti ſunt, & ipſa etiam, quæ dolet pars fruſtra antea doloris expulſione tentata, maiore conatu enixæ ſanguinem, & ſpiritum in ipſam dolentem exprimunt: quod etiam Galenus decimotertio Methodi teſtatur. Eſſi enim dolorem attrahere dicit; quum tamen cauſam huius rei docere aggreditur, fluxionis cauſam dolente parte omnino ad expultricem refert. Vrget præterea idem, quod in aliis argumentum. Si enim dolor attrahit, vt retineat trahit, id autem quod retinetur familiare eſſe oportet, & mutari in naturam eius, quod retinet, & mutat; quo modo videmus partes corporis alimentum ad ſe allicere, retinere, concoquere, & demum in ſui uſum, & conſeruationem vertere; Non ſolum verò in parte tumore affecta dolorem, aut calorem, qui fluxiones commoueat ponere oportet, vt Galenus facit, qui decimotertio Methodi ſcribit fluxionem ſcilicet incipere à parte affecta, quum ob dolorem, & calorem oboritur inflammatio; ſed etiam in aliis: quod docet quotidiana experientia: Ex digiti enim dolore in aliis, & inguinibus contrahi inflammationes, & æſtuante capite ſubiectas partes fluxionibus grauari conſpiciamus; qua ratione lateris inflammationes Solis vi calefacto capite,

pite, liquatisq; humoribus frequentissimè proueniunt: Expel-  
 litur quoq; non solum quod qualitate irritat, aut copia grauat,  
 sed etiam quod tota (vt aiunt medici) substantia est molestum.  
 Vt enim excretiones triplices facit Galenus, eorum scilicet qui  
 vel quâtitate, vel qualitate, aut tota natura sunt aliena; sic pro-  
 fectò dum naturæ irritamenta quærimus tria, & non duo dun-  
 taxat ponere oportet. Quum namque natura ac res humores  
 protrudit; aduersus id, quod qualitate infestat, insurgit: quum  
 eisdem ob copiam grauantem reicit: pugnat aduersus quâtitate-  
 tem: quum verò lapides concretos in corpore, aut lumbricos  
 abiicit, quod toto genere est inimicum prosequitur. Idè ipse te-  
 statur Galenus libro tertio de Causis Symptomatum, quû scri-  
 bit vomitum concitari non solum quum venter copia gra-  
 uatur, aut à vitiosa qualitate irritatur, sed etiam quû ea, quæ in  
 se continet à natura sunt aliena, id est tota substantia inimica:  
 Suscipiunt sanè fluxiones debiles partes. At non solum illæ, sed  
 etiam quæ in loco inferiore sunt positæ, aut in eo collocatæ, ad  
 quem suapte natura ferri possunt quæ mouètur, aut rariore, vel  
 molliore, vel calidiore, vel immobiliore, & quæ dolore ten-  
 tantur, & quæ vacuæ sunt, aut è directo expellentibus subiiciū-  
 tur, vel quæ vias habent ad suscipiendam idoneas, ad expellen-  
 dum verò ineptas, quales sunt quæ latos meatus habent, & cum  
 parte vnde decurrit humor coniunctas, carèt autem meatibus,  
 per quos aliò susceptum humorem transmittere valeant: Non-  
 nunquam verò etiam suscipere coguntur corporis partes, quum  
 meatus sunt occlusi, per quos excrementa expelli consueuerūt:  
 Ac ne longius abeas, vt rudioribus res exemplis patefiat: Reci-  
 pit cutis corporis excrementa, quò debilissima sit pars; crura,  
 quòd in infimo corporis loco sunt posita, quò faciliè humores ob  
 grauitatem decumbūt: Vapores caput potius quàm aliam par-  
 tem petunt, quòd illi sursum ferri suapte natura sunt apti: Exci-  
 piunt fluxiones glândulæ potius quàm caro, propterea quòd ra-  
 riores, laxioresque existunt; caro potius quàm ossa, quoniam il-  
 la mollior, hæc duriora, & solidiora. Ad calidiore partes spon-  
 te ferri humores antea ostendimus, quemadmodum ad dolen-  
 tes facilius quàm ad alias trudentur: ventriculus porius quàm  
 hepar fluentes humores ob eius sinum, & cōcauitatem suscipit.  
 Promptiores esse ad recipiendos humores immobiles partes  
 quàm mobiles testatur Galenus libro secundo ad Glauconem,  
 fortè quod validiores sunt, quæ sese motu exercent; vel quòd dū

sedem mutant, sæpe præterfugiant irruentium humorum impetum, quemadmodum videmus externis iniuriis partes eas magis expositas, quæ sede firma illatos ictus expectant, quàm quæ vario modo sese tuentur. Dextræ partes dolēte, vel grauata dextra capitis parte fluxiones ferè semper recipiunt, quòd recta ferri soleant humores, utpote qui præualentis elementi naturam sequantur. Thoracis partes decurrentes humores per venas cernicis recipere coguntur, eosdemque continere, quòd venæ illic definant, nec alia habent conceptacula, in quæ recipi humores facillè valeant, & in alias partes transfundi. Obstructis meatibus per quos bilis ad intestina delapsa extra fertur, eadem vnà cum sanguine per vniuersum corpus spargitur: Atque ut vna ratione solum recipiuntur nonnunquam humores confluentes, sic contingit idem ob plures causas fieri. Nam aliquando pars quæ recipit debilior, rarior, mollior, calidior, & in idoneo loco ad suscipiendum collocata est, viasque habet aptissimas, & simul dolore tentatur, & denique ob varias causas quæ in motu est materiam admittit. Ex quibus constat fortè negligentius hæc à Galeno fuisse explicata, quum multas prætermittat causas, alias vero superfluum addat, & verum agendi modum in illis non doceat. Quæ nos, rei natura duce, adhibita maiore diligentia facillè in capita quædam hinc sumpto initio colligemus: Itaque in omni tumore, qui ex inutili substantia consistit, duas imprimis oportet collectionis materię causas nosse, vnā fluxionum; alteram, quam congestionem appellare liceat. Porro in fluxione duorum causas querere oportet, motus scilicet ipsius humoris, & eiusdem susceptionis; quæ Galenus inter se confundit, dum fluxionum causas inquit: quum tamen (ut res inter se distinctæ sunt; & aliud est humorum fluere, aliud suscipi) ratio exigat, ut causæ etiam illorum inter se distinguantur, & separatim explicentur. Igitur quum fluxio localis quidam sit motus, aut certè sine eo non fiat, necesse profectò est easdem genere causas esse fluxionis, ob quas res alias locum mutare conspiciamus, id quod sanè contingit, vel quòd sponte ab innata vi impellantur, vel ab aliis trahantur, vel propellantur, extrudanturue: fertur sursum suo impetu ignis, deorsum terra. Trahi verò hoc loco dicimus, quòd violentia ab alio præeunte ducitur, vel à subiecto corpore geritur, quomodo equitres ab equo; & currum à bobus trahi dicimus. Propelletur quod ab alio retrò truditur: Atqui humores, qui fluxione partes alias grauant, trahi nequeunt; quoniam,

quoniam, vt antea ostendimus, solum ea trahuntur à corpore, quæ illi sunt amica, & retineri, sibi que vt plurimum assimilari debent. Quare quum à nullo gerantur, illud duntaxat superest, vt vel sponte confluant, aut ab alio propellantur: Illud verò contingit, quum humores ipsi sunt excalesciti, & fusi; meatus locique corporis rarefacti; ampliores vacique reddit; quo modo ex ira, cursu violento, inordinatòque motus alimentorum præterea, & medicamentorum calefacientium assumptione, & ab igne, aëreque calidiore, liquatis, fusiisque humoribus, qui veluti concreti prius erant in corpore: & rarefactis subiectis corporibus pleuritides, aliarumque partium inflammationes contingunt: Calor autē, vt diximus, vel in parte, quæ suscidit; vel in alia, à qua incipiunt commoueri humores consistens, fluxionis causa esse potest. Incalescens enim pars in superiore loco posita calore fundit humores, qui deorsum sponte labuntur: atque eadem etiā partes vt aliæ excalescunt, amplioresque ob id redditæ, faciunt vt humores eò decumbant, veluti caput vt alias partes, dum æstuat, sæpius humore replei videmus. Potest & calor alterius partis, quæ nec suscipiat, nec transmittat humores primum causa esse fluxionis: veluti ex ira, corde primū calefacto, vniuersum corpus caloris fit particeps: atque ita qui in eo continentur humores, funduntur, & in aliquā partem sponte irruunt. Cæterum expelluntur humores quum facultas expultrix irritatur, id quod contingit, vel ob ea, quæ dolorem concitant, vel ob materiam aliquam quæ vel tota substantia, aut qualitate, vel quātitate vim eandem molestat: quin etiam ab his, quæ comprimendi vim habent, qualia sunt frigida, & adstringentia exprimuntur in subiectas partes humores; quemadmodū spirante Borea, compresso cerebro, expressisq; qui in eo continentur humoribus destillationes pectus tentant, & inflammationes in inferioribus partibus, vt angine, peripneumonia, & pleuritides nō rarò oriuntur. Qua ratione etiā fortè frigida potio, quæ æstuante corpore assumitur, eo quod denset, violentiusque sese in rarefactas partes insinuet, humoresque extrudat, fluxiones inflammationesque parit: Atque hæc quidem sunt fluxionū causæ propinquiore effectrices: confert verò ad hæc nonnihil & materia ipsa. Facilius enim decurrit quæ tenuis, quā quæ crassa existit, & quæ nullum lentorem habet, quā quæ viscida est, & calida quā frigida, & multa quā pauca, vt pote quæ maiore impetu fertur, & impellitur.

Faciunt

Faciunt plurimum etiam instrumenta, siue conceptacula, per quæ humores decurrunt: vt enim faciliè recipiuntur in partem concuam: sic per eam faciliè diffiunt: quemadmodum, & per partes raras, molles, & quæ subiiciuntur his, à quibus humores commouentur, ac etiam per debiles calidiores, & coniunctas promptius labuntur humores. Susceptionum autem causæ antea sunt enumeratæ, si modo illis addas quæ ex materia sumuntur, quando etiam tenues, calidi, nullo lentore affecti, & pauci humores contrariis facilius suscipiuntur. Iam verò congestionis causa est vel partis imbecillitas, quæ nutrimentum conficere non potest, aut meatuum obturatio, quæ prohibet ne peracta nutritione excrementa reiiciantur, quo modo lienem in tumorem durum attolli conspiciamus, vel quòd etiam nutrimenti plus affluat quàm illi sit necessariũ: qua ratione in ventriculo multa aceruantur excrementa. Præterea qualitas nutrimenti, quod ingeritur, rebellis ad coctionem facit, vt aliquid semper relinquantur non concoctum, nec planè euictum, quod aliorum additione paulatim crescit, & nisi natura illud expellere anteuerat, tumorem tandem excitat: vt autem coctricis, sic expultricis potentia infirmitas, & fortè etiam retentricis superfluum robur humorum aceruationis causa nonnunquam existit: Atque hæc quidem omnes causæ ad quatuor rerum genera tandem rediguntur. Quæ enim foris admouentur, vt vntiones mediocriter calidæ, aëris constitutio australis, aut non admodum calida humores fundunt, colliquantque. Nam qui multũ calidus est, humores potius dissoluit quàm moueat: quæ vero extrinsecus refrigerant, aut adstringunt, contentos in corpore humores exprimunt: quæ vulnerant, & contundunt dolore concitato, fluxionum etiã sunt authores: Eadem omnia intemperiem committere possunt: quæ si potissimum frigida extiterit coctionem vitiat, & aceruationis humorum fit causa. Nam licet ex omni insigni intemperie, ex frigida tamen non etiam vehementi aceruantur excrementa, propterea quòd huiusmodi qualitas cruditatè maximè parit: Aliæ autem ad consumptionem potius aptæ, nisi perinde excesserint, vt partium robore dissoluto concoctio etiam frustretur. Præbent & suam vim ea, quæ ex genere eorum, quæ fiunt, ducuntur: veluti exercitationes violentæ, & veloces, clamor, & ex animi perturbationibus ira, gaudium, quæ fluxiones eodem modo accersunt. Quinetiam inter ea, quæ assumuntur, calidi cibi, calidæque potio

potiones fundendo, & intemperiem committendo; crassi vero, multi, acres obturando meatus, facultatem irritando, vel materias toto genere inimicas procreando, quæ postea expultricem facultatem stimulent, aut ea oppressa, in parte detineantur, & quæ retinentur excrementa, eo quòd corpus grauent, aut quòd dolorem inferant, pariter fluxionum causæ euadunt: Quæ verò excernuntur immoderatè, calore debilitato, congregationis potius, quàm fluxionis causa existunt. Ex quibus sanè ne singula quæque in vnoquoque genere confectemur; patet quoque in re proposita progressus, & ordo causarum, & quonam modo vna ab aliis nascatur, & illæ tandem ab aliis, donec ad suprema rerum genera sit peruentum, ultra quæ medicus non progreditur.

*Causa morborum qui in tota substantia positi sunt.*

## CAP. VII.



**E**TSI cogimur de his nonnulla etiam postea, ubi scilicet de causis benigni, malignique morbi agendum erit, tradere: tamen docendi ratio postulat, ut hoc loco summam explicemus causas, quæ ad vniuersum hoc morbi genus pertinere videntur. Itaque inter ea quæ assumuntur, aer ambiens, qui inspiratur, maximam vim ad huiusmodi morbos procreandos obtinet, quum scilicet corruptus, & maligna aliqua qualitate infectus fuerit, id quod docent pestilentes febres, quæ hoc potissimum modo ex aëre vitiata substantia concitantur: Quin etiam aquæ corruptæ, & venenosa medicamenta deuorata, quæ similem potestatem habuerint, hos morbos pariunt: At ex genere eorum, quæ extrinsecus nocent, plurimum etiam potest aer, quum sese per cutis meatus in profundas, nobilioresque partes insinuat, nec tamen alienum est malignam huiusmodi vim à vulnerantibus, & his, quæ corpori applicantur, aut appenduntur immitti posse, quod etià vulgus nouit infici nonnunquam gladios, & alia tela, lethaliaque ob id ut plurimum esse vulnera ab illis illata, quòd scilicet ignorata illorum vi & veneni natura frustra remedia ab illis quæramus, quæ ob euidentes qualitates morbi opitulari solent: An non etià ex genere eorum, quæ fiunt, causas horum morborum sumemus? quum ob frequentiores, validioresque exercitationes, longas curas, & motorem exurantur humores, in atramque bilem tota substantia noxiam



noxiam tandem degenerent, huiusmodique morbos hoc modo procreent. Quin & venus, nostra haeretate, malignes bubones, malignas pustulas, malignos dolores, perueria ulcera, & omnia denique alia mala, quæ eos infestare solent, quos morbus Gallicus torquet, tota corrupta corporis substantia parit. Cæterum ex retentis emissisque corporis excrementis nasci quoque huiusmodi morbos rationi est consonum: Cohibita namque atræ bilis excretionem, cancri, elephantiasis, mania, comitialis morbus, & huius generis alij morbi maligni sæpius excitantur. Expurgatis autem præter modum his humoribus, qui contraria natura vim atræ bilis exoluunt, peruersos morbos fieri necesse est; benignos verò exuperantibus benignis humoribus. Iam verò & alia causarum genera nonnihil etiam ad horum morborum generationem cōferunt: Nam rara corpora aut nimis adstricta, & quæ corruptis humoribus reddunt, quæque intemperata promptius, quàm alia peste corrumpiuntur. In neruis ferè maligni morbi proueniunt, in carne benigniores nascuntur: necnon temporis progressu qui mitiores ab initio fuerant morbi, nonnunquam peruersi euadunt, & qui primum maligni putabantur, fracta tandem naturæ robore illorum malignitate mitescunt.

*Causa morborum qui ex conformatione  
vitiata consistunt.*

#### C A P. VIII.



**A**M tempestiuum esse puto vt causas morborum, qui instrumentarias partes infestant, paucis prosequamur; qua in re illud imprimis ignorandum nō est eundem esse in his causarum ordinem, eandemque rationem, quā esse diximus in causis morborū partium simularium: Etenim structura præter naturam morbus est partis instrumētariæ, cuius causa existit vitiata componentū proportio: Componunt porro instrumentarias similes sua conformatione, magnitudine, numero, coniunctione, & vnione, vt antea ostendimus. Hæc rursus ab aliis corrumpuntur: de quibus hoc loco à nobis agendum est his exorssi, quæ conformationem labefactant. Nam causas vitiatæ structuræ generatim ostendere velle superfluum puto, tum quòd hæc omnibus consent, tum quòd ex his, quæ in singulis

gulis suis generibus referuntur, vel etiam ad illorum imitationem, quæ de intemperaturæ causis generatim superius dicta sunt, faciliè vnicuique innotescere possint. At quoniam conformationis nomine figuram, asperitatem & læuitatem, cauitatem & soliditatem complectimur, nec omnia ab eisdem causis læduntur: propterea sigillatim de vno quoque agendum est.

*Figura vitiosa causa.*

CAP. IX.



**C**AVSA vitiosa figuræ nec omnes, nec methodo complectitur Galenus, quum à nullo certo initio exordiat, nec aliqua capita sibi proponat excutienda, dum peculiariora quædam vitia solum recenset. Quod quum omnibus patere putem, non me conteram in illis ostendendis, sed excusis propositis rerum generibus, statim quod propositum est, explicare aggredior. Igitur quæ assumuntur partium figuram tum quantitate, tum qualitate labefactant: veluti in prima conformatione fœtus conspicitur, quum natura nimia humoris copia obruta crassiores, deformatæque partes effingit, aut inopia laborans, tantum substantiæ singulis locis apponere nequit, quantum naturalis partium figura exigit: quod etiam in aliis, qui iam adoleuerunt, contingit: Sicut in tabidis, qui quum non satis nutriantur, naturalem figuram amittunt: & in his, qui præter naturam crassescunt, aut aliqua parte, aut toto corpore eadem vitia ob nimiam copiam substantiæ, quæ apponitur, oriri apparent: Ipsa autem vasa decentem figuram non seruant, quum nimia assumptæ materiæ copia præter modum instantur, aut penuria illorum tunicæ concidunt, contrahunturve: Cæterum ob qualitatem illius formatricis vis suo fine frustratur, quum duriorem materiam est nata, quæ faciliè figurari nequit; aut molliorem ut effluat, aut calidiorem aliquo loco, quæ plus æquo distenditur: Eadem mala contingunt quum alteratrix facultas qualitaris vitio ineptam materiam, qua nutriatur corpus acceperit. Iam verò ab his quoque, quæ aliquid faciunt figuram pariter corrumpi accidit: Nam vitio formatricis facultatis ob imbecillitatem nequeunt singulas partes aptè figurare, dum in utero fœtus constituitur, eam lædi credere par est: Culpa autem fœtus crassioris, aut debilioris, aut viæ angustioris ipsius figura corrumpitur; quum faciliè ab utero extrahi

extrahi nequit; sed in ipso ostio matris præter naturam committitur. Quinetiam ob intempestiuos vehementiores, & inordinatos motus sæpius contingit figuram pati: qua ratione crura quibusdam ad interiora, aliis verò ad exteriora flecti conspiciamus; dum molliora adhuc corporis innitentis gravitatem sustinere nequeunt: Ex clamore præterea thoracis partes magis dilatari, & naturalem figuram amittere, absurdum non est: id quod etiam facit superfluum otium, dum partes aliquæ nativo calore debilitato contabescunt; & laboriosa vita, quæ exasperato calore corpus tabefacit. Ac, ut summatim dicā, ad hoc genus redigendæ sunt aliæ omnes motiones, quæ vel à nobis proveniunt, vel ab aliis oriuntur; quales sunt equitationes, navigationes, & errores, quæ à nutricibus in contrectatione, & educatione infantium, atque etiam à medicis committuntur dum effractus artus efformant, aut luxatos restitunt; aut denique alia vitia emendare nituntur: & interim partis figuram labefaciunt. Cæterum ab his quæ extrinsecus nocent, figuram partium lædi certius est, quàm ut demonstrari debeat; quandoquidem vulnerantia, contudentia, rumpentia, & violentius alterantia id sæpius ostenderunt: alterantia quidem vel consumpta partis substantia, vel plusquam oportet corpori adiuncta, alia autem propria violentia statim id vitium committentia. Postremò quæ retinentur, & excernuntur similem vim obtinent; siquidem per immoderatas vacuationes nares acutæ redduntur, & tempora collabuntur, & aliarum denique partium figura corrumpitur; quemadmodum retentis excrementis in elephantiasi laborantibus nasus, & labra crassescunt, aures verò extenuantur, figuræque pervertitur, obortæque phlegmone, aut alio tumore, cohibitis humoribus, quos excerni oportebat, eadem in figura vitia contingunt, aut simplicia, aut etiam interim magnitudine oblata. Reiicienda quoque nonnunquam est perversæ figuræ causa in materiam subiectam: nam molliores partes à minimis quibusque occasionibus pervertuntur; duriores autem iniuriis huiusmodi magis reluctantur. Ex eisdem verò fontibus facile ducere licebit ea, quæ peculiariter in figura vitia committant, quid scilicet flectat, reflectat, erigat, curvet, distorqueat, inæqualiter minuat, aut augeat, & ut breviter dicam alio modo naturalem figuram immuet: quid item materiæ, quid efficientis, aut alterius generis causæ rationem obtineat.

Causæ

*Causa quæ concavitates, & soliditatem partium corrumpunt.*

## CAP. X.



VVM plura sunt in cavitatibus partium vitia, Galenus solum docet causas, quibus meatus constringuntur, vel latiores euadunt: At etiam docere oportet quor plures, vel pauciores illæ fiant, & solidum reddatur, quod cauum esse debet. Intellego autem cavitatis nomine partium sinus, quos alio nomine ventres vocamus, vt ventriculi cordis, vteri, cerebri sinus dicimus: præterea meatus, tum etiam vasorum orificia: meatus autem quos *πίπυς* Græci vocant, significant nobis foramina, quæ in partibus corporis, maxime verò in cute apparent; nonnunquam etiam pro sinu sumuntur, quem vasorum tunicæ constituunt; quo modo continentem febrem obturatis internis meatibus corporis oriri dicimus. Quòd si quædam sunt, quæ vim solum habent orificia, & meatus claudendi, aut aperiendi, alia verò, quæ idem etiam possunt in latioribus ciuitatibus; tamen omnium causæ generatim à nobis tradentur, vt quilibet postea quid vnique conueniat, facile inuenire valeat: Igitur plures sunt cavitates excauato partis loco, quem solidum esse oportebat, pauciores verò solido eo effecto, quod cauum esse debet: latiores verò auctis, quæ prius aderant concavitatibus; angustiores eisdem constrictis: Caterum etsi fingere fortè possumus post natiuitatem ex aliqua occasione produci posse nouas cavitates; id tamen frequentius contingit errore ipsius facultatis formatricis statim ab initio perperam corpus effingentis: qua ratione duos nonnunquam meatus, qui bilem eructarent in ventriculum fabricatos fuisse refert Galenus in libro de Temperamentis: cuius quidem erroris causam etsi non facile est inuenire, ratio tamen dictat, vel ob proprium vitium eam aberrare, vel ob materiæ copiam id contingere. Quibus sanè rationibus pauciores quàm par sit cavitates fieri necesse est: Nouimus etenim quendam sine ano, id est, absque meatu, & orificio in interna intestinorum parte natum: cui malo simile est vitium, quod de mulieribus imperforatis, vt vulgus dicere solet, à celeberrimis etiam authoribus refertur: Iam verò augentur concavitates à rarefacientibus, distendentibus;

aperientibus, laxantibus, atque etiam partium operatione; si-  
quidem æstate cutis meatus calore rarefacti latiores euadunt:  
vterus quum fortis est grandior, distensione augetur; veluti  
& vesica, & ventriculus, & aliæ omnes partes, quæ distendi  
possunt. Vasorum orificia, quæ antea erant contracta, aperien-  
tium usu patefcunt; quemadmodum erosio venarum osculis  
sanguis regeritur: Quæ prius erant tensæ partes, dum im-  
moderate laxantur, latiores euadunt; quo pacto ob immodera-  
tum expultricis facultatis motum laxari, latiorésque partium  
concauitates Galenus fieri commemorat. At usu, & operatio-  
ne partium earum sinus augeri constat: sic enim vteri conca-  
uitatem frequenter coitu crescere aiunt: Atque hæc quidem sunt,  
quæ latiores corporis concavitates reddunt, tanquam imme-  
diatæ causæ: quæ rursus ab aliis nascuntur: Rarefaciunt etenim  
calida; distendunt repletia, exsiccantia, & quæ extrinsecus  
attrahunt, & diuellunt, vt in membrorum dilaceratione con-  
tingit, & in aliquibus partibus vehementior actio, vt in voci-  
feratione, & clamore intendi partes thoracis, & brachia in ar-  
tiori complexu, & crura in vehementiori motu, & renixu  
tendi videmus: Quinetiam in aliis nonnullis ob morum par-  
tis cui illæ, quæ tenduntur sunt alligatæ, tensio contingit; quod  
apparet in morbo comitiali: qui affecto cerebro oritur: ad il-  
lius enim motum nervi quoque tenduntur: Quæ quidem non  
parem vim habent in omnibus cavitatibus: Nam quæ rarefa-  
ciunt, solum cutis foramina dilatare possunt: Quæ verò siccan-  
do tendunt, aut ob connexionem meatus potius adstringunt,  
quàm patefaciant: Confert quoque subiecta materia ad huius-  
modi latitudinem componendam: Quæ enim calidiores, hu-  
midiorésque sunt partes, promptissimè diduci possunt & di-  
stendi: aliæ vero non pari facilitate. Iam verò aperiunt vulne-  
rantia, erodentia, frangentia, contudentia, & repletia: Quæ  
autem *ἀνασπαίνουσι* dicuntur, id sanè faciunt, vel quòd ob cras-  
sitiem orificia vasorum tendant, aut ob acrimoniam leuiter  
erodant: Laxant tum calida, & humida, tum expultricis facul-  
tatis superfluo conatus: ac nonnunquam etiam huius causa est  
retentivæ imbecillitas. Cæterum angustiores redduntur me-  
atus, aut penitus quoque deperduntur, quando corpora, quæ ca-  
uitatem constituunt, comprimuntur, concidunt, contrahuntur,  
obstruuntur, coalescunt, tenduntur, & distorquentur: in quibus-  
dam etiam locis quum à suis sedibus egrediuntur. Compressio  
contin

contingit, vel ob adjacentis corporis, aut ipsius partis extrinsecum tumorem, quemadmodum quum angustior redditur vena ob vteri tumorem, & venæ in hepate ob illius inflammationem compressæ angustiores fiunt: Quinetiam ob rem extrinsecus constringentem, vel grauantem, compressionem fieri docent vincula, quæ venis, & arteriis iniiciuntur, quorum occasione minores illarum meatus euadunt: Atqui concidunt latera meatus constituenta, dum nimio humore imbuta suum terminum retinere nequeunt, & quæ superna sunt ob id in subiecta cadunt; id quo l etiam ob vacationem eorum, quæ in cavitatibus continentur, contingit. Contractio autem fit vel à refrigerantibus, quemadmodum cutis meatus ab externo frigore, & in accessionem iniitiis, recurrente calore, ad interna viscera, & in acfessionem videmus, vel à siccantibus, siquidem exsiccata corpora corrugata contrahuntur: Qua ratione mammæ, & vterus in vetulis animantibus, & omnes corporis meatus in tabidi siccitatis excessu minuuntur: Contrahunt, & quæ adstringendi vim habent, veluti medicamenta adstringentia dicta.

Præterea facultas retentrix contractionis meatuum causa fit, quum vehementius mota partem molliorem vèdiquaque ad extremum in se cogit, ac constringit. Sic quum oriuntur partes agerè quæ desinunt, contrahuntur, quemadmodum pudendorum cavitates, intermissa venere, corrugantur, minorisque euadunt: Nam otio calor corporis languescit, desinunt quæ ob id partes, & illarum cavitates augeri: Porro obtusètio à re, quæ in concavitate continetur, crassitie, lentore, & multitudine oritur: quorum quæ iam familiaria sunt ipsi parti, vt cibus, & sanguis contentus in venis, quædā excrementa sola qualitate inimica, vt crassitie, tenacè quæ humores, quædam quantitate, vt eorundem copia, aliæ vero etiam tota substantia, vt lapis in vesica, pus, sanguis concretus, callus, & siquid est huiusmodi, quod partium meatus obturet: Ad hoc genus pertinent tubercula, quæ innascentur cavitatibus partiū, & eas obstruunt: Non tamen impedio si quis ætenu genus faciat Galeni imitatione, qui conspantia ab obstruētibus seivrgit: Mihi tamen placet, ne plura capita superfluo fiant, vt quidquid intrus cavitates occupat, siue humor, siue tumor, vel aliud quodcunque fuerit, vel inter obstruentia reputemus, vel vniuersum hoc genus obturantium esse dicamus: quorum quædam sint obstruentia, alia verò conspantia, quæ quidem ea ratione inter se diffe-

rant, vt obstruentia non affectis lateribus, quæ cavitatem constituunt, solum meatus occupent: Constipantia verò ex tumore interno ipsius partis oriantur: Coalescunt partes quum vulneratæ vel exulceratæ fuerint: Intercedente siquidem carne coalitus partium, atque ita nonnunquam obcæcatio meatorum contingit: Extensione partium cavitates illarum minui docet etiam sensus; quum partis luxatæ vt longiores euadunt venæ, & ligamenta, sic etiam angustiora apparent: quod etiam probat ratio. Quod enim longitudini additur, à latitudine detrahitur: Quinetiam male figuratas partes ob distorsionem suas cavitates angustiores obtinere nulli dubium est; quemadmodum excrementis alui via præcluditur, quum intestina à suis sedibus dimota in scortum deuoluuntur; nimirum quòd situs mutatione rectas (quas habent cum ano coniuncta) cavitates amittant. Ad hæc tandem ad quatuor rerum genera rediguntur: Etenim inter ea, quæ assumuntur, sunt, extrinsecus adueniunt, excernuntur, & retinentur, inuenies quod rarefaciat, distendat, aperiat, vulneret, erodat, frangat, cõfundat, cõprimat, obstruat, glutinet, contrahat, denset, constringat, vacuet, repleat, tumores excitet, & expultricem facultatem ad actionem vehementius concitet: tum etiam retentricem imbecillam reddat: Item quòd calefaciat, refrigeret, humectet, siccet, accessiones in morbis efficiat, atque etiam crassas, viscidas, multas familiares, omnibus modis inimicas substantias gignat, & denique ea omnia pariat, quæ supra posuimus: quæ sigillatim hoc loco prosequi nostri non est instituti, qui potius methodum, quàm singulorum explicationem hoc loco profitemur.

*Asperitatis, & leuitatis partium causa.*

CAP. XI.



**R**XASPERANTVR sanè partes, quæ prius erant laxæ, vel erosæ, vel inæqualiter & vehementer exsiccata: Ab his enim asperitas fieri videtur. Nam quum asperum sit, quod inæqualem habet superficiem, ob erosionem subsultant partes, ob vehementem siccitatem humida portione absumpta siccæ inæqualiter eminere necesse est. Quod etiã Galenus in Arte medicinali, vbi de voce leni & aspera agit, memoria præprodidit:

Ad

Ad hæc faciunt, tum quæ assumuntur, quum acrem, & abstergentem vim habuerint, vt alimenta sicciora, & acriora, & eiusdem naturæ medicamenta. Præterea quæ extrinsecus offendunt: quemadmodum videmus oculos, guttur, fauces, nares, & stomachum etiam ipsum ob extrinsecus aduenientem puluerem, aut aërem vehementer siccū, qualis spirante borea esse solet, exasperari: Idem excrementa acriora retenta efficiunt: quum respiciamus non solum carnē, sed ossa etiam ab excrementis erosa asperitatem cōtrahere: At ex genere eorum, quæ fiunt, vix inuenias quod exasperandi vim habeat; nisi multis intercedentibus mediis, veluti vehemens motus primum calorem intendit, qui humores calidiores, acriorēsque reddit, atque ita calidioris & acrioris humoris interuentu exasperat: Contrariæ causæ adferendæ in læuite partium: Quæ enim humectant & lentorem habent, læuigādi quoque facultatem habere dicuntur: Nonnihil etiam luuat quæ subiicitur materia: siquidem quæ sicciores sunt partes, siccantiū vi facilius, quàm aliæ exasperantur: & quæ molles promptius quàm duræ ab erodentibus idem patiuntur.

*Causæ morbi ob numerum partium vitiatum.*

## CAP. XII.



ORRO deficit numerus partium, vel quòd dum natura in vtero effingeret animal, non sine factæ, vel postea quàm genitæ sint, perierint: illud vel ob materiæ defectum, vel ob naturalium facultatum imbecillitatē, quæ materiam aptam attrahere, retinere, & alterare nequiuerūt, contingit; alterū fecit sectio quocunq; modo facta ab his, quæ continuū soluunt; putrefactio, valida refrigeratio, aut alio modo contracta caloris natiui extinctio, vel erosio; quemadmodum multis ob fluxiones acres, & erodentes à capite ad fauces decurrentes gurgulionem cecidisse; dum vehementius sæuaret morbus Gallicus; conspeximus: Refrigerantia, & partes adstringentia, extincto natiuo calore, faciunt, vt vel sponte concidant membra, vel tanquam putredinem verò corrumpentem membrum, aut syderationem inferentem, atque etiam ob sectionem petire partes multas præter rationem experientia ipsa satis docet; Cæterum quum duplex sit apud medicos putrefaciendam



genus (nam Aristoteles putrefactionis nomen aliter quàm Galenus sumit) unum, quod non omnino causticam habet vim, aut imbecilliores, & essentia est tenuioris; alterum, quod calefacit, & simul humectat, quod verè putrefacientia completur; quæ loquidem sine dolore partem corrumpunt accedente fœtore: Huiusmodi corruptio putredo nobis est: Quamquam latius aliquando putredinis nomen capit Galenus; quemadmodum quum sanguinis corruptionem putrefactionem simpliciter vocat secundo de Differentiis febrium. Neque enim omnis sanguinis corruptio cum fœtore consistit, etiam si eam solum intelligamus, quæ à calore nascitur: quod ostendunt putridi humores; qui per febres sine fœtore excernuntur: Ac profecto si quis diligenter spectet, quæ de putrefactione sanguinis eo loco scribit Galenus, nihil aliud quàm separationem quandam humorum intelligi inueniet: adeò ut in hoc etiam putrefactionis nomine abutatur: Itaque quum tot putrefacientium nomine à Galeno intelligantur, de verè putrefacientibus hoc loco agimus, & ipsa vera putredine; cuius causæ sunt humiditas, & extraneus calor: Nam quod Galenus habet in libro de Causis morborum de putrefacientibus medicamentis, ad verè putrefacientia non videtur pertinere; sed ad alterum genus, quod sub erodentibus à nobis est comprehensum, quemadmodum etiam excrementa, quæ in animalibus congeruntur, putredinem non efficiunt, nisi obstructionem pariant, quæ putridus calor excitatur. Præterea si medicamenta verè putredinis causam statuatur esse, quum etiam alimenterum non meminit (quum inter ea multo plura sint calida, & humida; quàm inter medicamenta, quæ putredini occasionem præbere possunt: Quamobrem præstat putredinis causas hoc loco statuere; quas primo de Differentiis febrium, & tertio de Morbis vulgaribus, & passim alibi ponit materiam humidam, & calorem præter naturam: quum medicamenta ea putrefacientia (ut diximus) non verè putrefaciant, nec ob id partium numerum minuant, sed erodendo eas abscindant: quod quum non solum hæc faciant, sed multo melius quæ verè erodentia censentur, aut exurendi vim habent, ratio profecto exigebat, ut quartum genus, quemadmodum nos ipsi, constitueret Galenus; quod scilicet erodendo causa est, ut partes deficiant: Putredinis autem causas non solum ponere oportet medicamenta putrefacientia, aut excrementa corporis, aut prohibi

prohibitam transpirationem, sed (vt diximus) quæcunq; calorem præter naturam in humore accendunt. At vero si partium numerus augeatur, & secundum naturam illarum sic substantia, causa est facultatis formatricis robur, & materię utilis copiarum deficiente verò naturali figura existimare oportet causam esse vel familiaris materię abundantiam, aut imbecillitatem figuratricis potentię, quæ regere, mutareq; materiam nequiverit: Quod si præter naturam extiterit pars, quæ additur, si quidem sola qualitate præter naturam existat, iustum est credere, id ob materię vitiosam qualitatem contigisse: veluti quum ex crassiore pituita verrucæ nascuntur: Si verò toto genere præter naturam fuerit, vt vermes: non alienum est talem quoque materiam constituere, atque in singulis etiam propriam causam efficientem, non meo quidem iudicio in omnibus naturæ robur, quemadmodum Galeno placet in libro de Causis morborum, sed propriam ad cuiusque generationem qualitatem. Etenim lapidem à valida natura nemo gigni putauerit; quippe quum calor excedens causa sit, vt lapides in partibus concresecant, cuius excessu vt alterius omnis qualitatis naturæ robur minuitur, quod non nisi in bona temperie consistere valet. Atque in hoc quidem genere etiam causarum ordo conspicitur: Nam vt primo naturalis figura ob vitiatam proportionem corrumpitur; hæc ob malum numerum, hic rursus ob excessum vel defectum partium corporis, quæ adduntur, vel auferuntur ob causas prædictas: sic ille tandem ab his nascuntur, quæ assumuntur, egeruntur, retinentur, aut à nobis fiunt, vel extrinsecus afficiunt; vt unicuique, qui non omnino negligenter, quæ hætenus tradita sunt notauerit; non expectata alia explicatione constare puto: quare ad ea accedamus, quæ sequuntur.

*Magnitudinis aucta, & diminuta causa.*

C A P. X I I I.



**M**AGNITUDO partium augetur, minuiturq; ab eisdem fere, & propinquis, & remotis causis, à quibusearum numerum excrefcere, & deficere antea probauimus: Nam si id quod additur, omnino naturalem substantiam habet, & pars, quæ augetur decentem figuram seruat, causa est utilis materię exuperantia, & agentis virtutis robur, quomodo carne, pi-

guedinēq; adiecta nōnulla corpora præter modum crassescunt. Quod si figura nativa non seruetur, imbecillior vis, aut formatricis error, sed eadem materia indicatur: veluti quum caput aliqua in parte præter naturam prominet: At si quod additur substantiæ planè non sit simile subiecto corpori, incrementi causa censetur inutilis materia, vel quantitate sola, vel etiam qualitate noxia; quemadmodū quum partes ob sanguinis boni copiam contracta phlegmone in tumorem immoderatum attolluntur, & exuperante excrementosa pituita in his, qui aqua inter cutem laborant, vel vniuersum corpus, vel certè nonnullæ partes immoderate extuberare conspiciuntur: quod etiam in vlceribus contingit, quibus caro bona, aut spongiosa & flaccida supercrescit. Quia in re illud mirum videri non debet: quod nature robur in his morborum causa nonnunquam statuatur: quandoquidem id non facit, nisi materiæ copia, aut vitiosa qualitate impulsæ, quam quum omnino consumere nequit, in affectus, quantum licet, naturalibus vicinos, & simillimos commutare contendit: præstat enim ex sanguinis abundantia paulatim influere potius carnem copiosam quàm alienam substantiam gigni. Cæterum plusquam naturalis cōditio postulet decrescunt partes, aut materia idonea destitute: quemadmodum videmus per inediam, aut vsum malorum ciborum corporis molem cōcidere, aut exuperante consumptrice causa: veluti per vehementes febres, & alia digerãria, violentius consumpto humore, quo partes constant, & nutriuntur, corpus tabescit. Ad quod etiam genus pertinent naturalium virtutum imbecillitates quæ alimentū ad se non trahunt, non retinent, nec quantum vsus postulat assimulant: nec deniq; excrementa, quibus nutritio corrumpitur, segregant, forasque propellunt: Quinetiā obstructions venarū & aliorū meatuum, per quos debet digeri alimentū, diminutionis partiū causa existunt: Ac de his quidē omnibus Galenum in libro de causis morborum; vbi huius rei tractationem instituit, mentionem facere oportebat: quum non minus ab his, quàm à sectione, exustione, putrefactione, & immodica refrigeratione partium moles decrescat, quando etiā externas iniurias, quibus partes minui contingit, omnes non complectitur. Nam erodentia, & calefacientia, & siccantia præter ea, quas superius cōmemorauimus, non minus quàm ea, quæ ille numerat naturalem partium molem minuunt: veluti etiam incrementa ex fluxionibus humorum nascuntur.

nascuntur, de quibus tamen eo loco non agit: quum tamen ratio postulare, vt postea quàm tumores præter naturam inter morbos, qui ex magnitudine consistunt, enumerauit, illorum quoq; causas minimè prætermittet: Si præterea incrementa partium ex diuersa materia fiunt, res distinguenda erat, nec in omnibus optimæ materiæ copia incrementi causa ponenda erat. Quæ quidem dicta velim, non Galeni causa, qui hæc non ignorauit, et si fortè ea negligentius prætermisit, sed vt eos admoneam, qui sectis, & hominum authoritati ita sunt addicti, vt omnia perfecta, nihilque apud eos deesse putent, quos nullo adhibito iudicio temere sequuntur, sed valeant illi. Nos verò ad reliquorum morborum causas properemus, has enim quas enumerauimus causas ab his rerù generibus, de quibus toties iam egimus, nasci notissimum omnibus esse puto.

*De causis morborum qui ex coniunctione vitiata proueniunt.*

## CAP. XIII.



**P**ARTES, quæ in aliis continentur, siquidem laxiorem connexionem sortitæ sunt, ob continentium vulnera, vlcera, aut quocunque modo factam apertionem à suis sedibus exiliunt: quo modo vulnerato abdomine nonnunquam intestina exeunt, quorum etiam pondus, & grauitas causa est, vt rupto peritonæo descendant ad vesicam, & alienas cauitates occupent: Idem faciunt imbecilliora ligamenta, quæ vel faciliè rumpuntur, vel laxantur: qua ratione mulieribus nonnullis vterus aliquando procidit, quod illis etiam confingit ob vehementem expultricis facultatis motum, dum violentius partum extrudere nituntur. At si partes inter se coarticulètur, vtriusq; vitio situs illarum immutari potest: Quum enim quæ suscipiæ pars angustiores habet concauitatem, quàm alterius caput postulet, non potest hæc ad suum locum peruenire, quum latior est, aut ablatis superciliis labefactata, vt liberius vagatur in concauitate quæ recipitur pars; sic faciliè sursum ascendere, & in omnem partem exilire potest; quorum quoque causæ sunt vincula ipsa longiora, aut breuiora, aut debiliora, quàm res exigat. Atq; vt hæc nascuntur à quatuor rerum positis generibus: sic & alia quædam vitia quorum occasione situm par-

tium immutari contingit: Nam vehementes motus, contundentia, frangentia, laxantia, tendentia, auellentia, & cetera huiusmodi partes à suo loco sæpius dimouent: Connexio verò, ut antea ostendimus mala fit, quàm ligamenta longiora, breuiora, crassiora, tenuiora, latiora, vel angustiora, aut alio modo præter naturam affecta fuerint, nec illis locis inserta, quibus secundum naturalem constitutionem implantari debent, quæ omnia vel conformatricis virtutis errore, aut materiæ vitio statim ab initio, aut postea accedente aliqua ex supradictis rebus occasione proueniunt; siquidē alimenti defectu, ut aliæ partes, sic & ligamenta extenuari possunt, & superflua copia crassiora redduntur, & ob extremæta retenta vel eroduntur, aut inflata crassescunt, & ob superfluas vacuationes gracilescent, minoraq; fiunt: quod his contingit nonnunquā, qui tæbe cōsumpti ob nimiam ligamentorum siccitatem, & duritiem vix flecti queunt: Lædi vero etiam partium ligamenta à vulnerantibus, & contudentibus, aut alio modo extrinsecus lædētib; & à validis, inordinatisq; motionibus docet quotidiana ferè experientia.

*Solutionis continui causa.*

C A P. X V.



**I**ERI omnem continui solutionem à vulnerantibus, erodentibus, rumpentibus, & contudentibus vel frangentibus superius quàm morborum genera quæreremus, ostēdimus: nec alia quidem causa addenda est, quæ id efficere possit in nostris corporibus: nam in aliis rebus idem ex siccitate fieri accidit; sicut ellychnium continuitatē suam ex ariditate amittit: nostra verò corpora tantos excessus non ferunt, quin præueniat mors. Quare illud solum in præsentia superest, ut doceamus à quibus rursus hæc proueniant. Itaque vulnerantia ab vno genere rerum duntaxat sumuntur, nempe ab his, quæ extrinsecus violentius impetūt, & dura ad secandūmq; idonea existunt: veluti ensis, sagitta cuius etiam generis putanda sunt quæ morfu feriunt, confert tamen nonnihil etiā materia subiecta. Nam molles partes promptæ, duræ verò ægrius vulnerari possunt. Erodunt quæ vehementer calida, & sicca existunt, idq; vehementius faciunt, si crassitudinem adiunctam habeant, & partes nactæ sunt molles nullo lentore imbutas: Nam dura & crassa,

crassa, & humore irrigata viscido, vel etiam aquoso difficile eroduntur: siquidem illa duritie, & crassitudine munita difficile aliorum iniurias admittunt; hæc humore tenaci circumdata acrimoniam exoluunt, & temperant. Sumuntur sanè erodentia ex omni prædicto rerum genere, & ex quibusdam statim nullo intercedente medio, ex aliis vero factis prius multis aliis mutationibus. Etenim inter ea, quæ extrinsecus adhibentur, medicamenta acria admodum, & ignea, siue quæ vno nomine medici caustica, siue adurentia vocant, quum primum corpori admouentur, paululum à nobis excalescunt erodunt, quemadmodum amari salisque humores, qui in corpore retenti nunc venas, nunc arterias, vel carnem, aut cutem, vel etiâ ossa exedunt: motus verò animi, & corporis, & qui nos circumdat aër, prius corpus excalescunt: ex calore postea acres, mordacesque humores procreantur. Quæ verò assumuntur, siquidem medicamenta fuerint, vt cucurbita sylvestris, aut etiâ venena, quæ ab actione mutuato nomine erodentia vocantur, cuiusmodi est arsenicum, cantharides, statim vim suam exerunt. At alimenta prius in humores conuertuntur quàm erodere valeant. Rumpuntur partes facilius, quàm alix molles, duræ, tenues, idque à tendentibus, & contudentibus; Tendunt replentia, exsiccantia, extrinsecus diuellentia: & partium nonnullarum vehemens actio, & earum motus, quibus quæ tenduntur sunt alligata. Replent assumpta, retecta calefacientia, humores fundendo, vaporesque gignendo; refrigerantia humores intrò pellendo. Exsiccantia superius sunt comprehensa. Vehemens actio, & motus ab his solum, quæ fiunt, sumuntur: Diuellunt, lacerantque corporis membra, quæ extrinsecus comprehensis, violentiusque tractis partibus tendunt. Contunduntur, quæ in se cedere, & rursus attolli possunt, huiusmodi sunt molliores partes, vt caro, nerui, venæ, ligamenta, & in corporibus adhuc ob primâ ætatem tenerioribus ossa ipsa præsertim capitis; quæ postremò duriora euadunt: ea autè duntaxat contundendi vim habent, quæ vel dura, & crassa sunt, & extrinsecus irruunt, vt lignum, lapis; quibus simile est, si quis ex alto loco in terram, aut super lapides, aut aliâ rem contudentem deuoluitur. Nihil enim refert an ex lapidis idu cõrûsa pars aliqua sit, an quæ delabitur pars vehementer in lapidem, aut terram impingat. Idem faciunt quæ graui sunt, quomodo ex graui, magnoque pondere quæ subiecta sunt corpora contunduntur. Eadem frangunt, si subiecta corpora,

quæ

quæ afficiuntur, dura adeo fuerint, vt in se cedere nequeant, sed siccitatis excessu, & ictus violentia comminuantur: Quæ ratione ossa frangi, carnem contundi ab eodem etiam ictu, eisdemque causis dicimus. Frangunt quoque ossa quæ vehementius ea flectunt, vt per magnas inæqualésque saltationes contingit: ex quibus sanè causæ singularum specierum, quæ in vnoquoque genere reperiuntur, siue simplices siue compositz fuerint, facile innotescunt. Nam puncturæ causa est quod pungendo vulnerat, plagæ verò siue incisionis, id quod cæsum ferit. Caries quum sit species erosionis omnino ab erodentibus sit, nisi quod videntur vehementiora esse quæ ossa, quàm quæ carnem, aut alias partes molliores erodunt. Quæ verò impulsu agunt, leuiterque ossa afficiunt, genere frangentium, & contudentium cõtinentur sola maioris minorisque differentia inter se discrepantia. Cæterum *αὐτοτομία*, inquit Galenus tertio de Causis symptomatum, sit vel à mordentibus, vel à multitudine, vel à natura ipsa expellente ea, quæ contristant. At libro quinto Methodi eandem ob vasis imbecillitatem, vel sanguinis irruentis ad illius orificium copiam, vel ob acrem quampiam, quæ illi extrinsecus incidat qualitatem. Ita quidem solet perpetuò de eisdem rebus diuersa tradere, docet autem natura rei vasorum orificia à tendentibus, quæ intrinsecus vasa ipsa distendunt, & ab erodentibus intrinsecus, extrinsecusve aperiri. Possunt idem præstare quæ pungunt, si fortè in orificium inciderint. Nam vasis ipsius imbecillitas, & mollieties non aperit, sed causa est, vt ea quæ aperiendi vim habent, promptè eam exerant. sanguinis verò copia, & naturæ expellentis impetus, & actionis partis quæ afficitur vehementia, vt clamor, qui pulmonis vasorum orificia referat; & si quid huiusmodi est, ob tensionem anastomotica dicuntur. Atqui diapedesis inter solutiones continui recenferi non debet; Si quis tamen id contendat, causam habebit tunicæ vasorum rarefactionem, vel gracilitatem, & sanguinis, qui in vase continetur tenuitatem, vel caliditatem. Quod autem ex vasorum gracilium apertione fieri non possit, quemadmodum Galenus libro quinto Methodi scribit, ex hoc constat, quod alioqui cum anastomosi diapedesis confundatur. Nam si patefactio orificiorum anastomosis est, vt ipsum nomen monstrat, quæ illis ad apertis diapedesim fieri putabimus? Auulsio verò ipsa ab his solum, quæ extrinsecus tendunt, perficitur. Iam verò  
enchym

enchymosis quum mistus sit affectus ex contusione , & ruptio-  
ne, solum fieri potest à contudentibus in partibus, quæ rum-  
pi possunt , quales solum sunt , quæ tensionem admittunt. At  
omnes contusionis species ab eisdem genere contudentibus  
proveniunt, fiuntque diuersæ contusiones, vel ob subiectæ ma-  
teriæ , vel ob contudentis corporis maiorem , minorémque  
impulsus. Atque hæc quidem sufficiant de Causis morbo-  
rum simplicium , & nonnullorum qui compositi sunt ; si qui  
verò relictæ sunt compositi , quorum causæ non sunt explica-  
tæ, ex simplicibus faciliè intelliguntur. Etenim expositis qua-  
tuor rerum generibus , quæ nostrum corpus immutant, inue-  
nies quod compositas intemperies gignat , vel duos morbos  
in partibus instrumentariis excitet. Item quod similes &  
instrumentarias partes pari modo offendat , & denique  
quod duos , tres , & omnes morbos , qui in parti-  
bus oriri possunt , committat , si modo propriam  
singularum rerum vim perspectam habue-  
ris, & quid vnaquæque pars pati valeat, de  
quibus hoc loco agere non institui,  
minimè ignoraueris. Quamob-  
rem iam ad causas diffe-  
rentiarum morbo-  
rum properan-  
dum esse  
puto.



# IOANNIS ARGENTI TERII DE CAUSIS

• DIFFERENTIARVM  
MORBORVM

LIBER TERTIVS.



**Q**UEMADMODVM Galenus morborum ipsorum causas explicare tentauit, ita profecto oportebat illum causas etiam docere, quæ morborum differentias pariunt: Non enim solum quid intemperiem aut structuram partis instrumentaria corrumpat intelligere debet medicus, sed quid etiam morbum magnum, acutum, breuem, longum, æqualem, inæqualem, continuum, intermittentem, & cæteras prædictas morborum differentias committere valeat, compertum habere debet, alioqui quoniam modo quæso commoda iis remedia adhibere poterit? Si enim vnica sit magnorum omnium morborum causa, vnico remediorum genere perpetuò pugnandum erit: Quod si plures extiterint, tot planè excogitanda sunt auxilia quot cause inter se genere discrepantes extiterint: quod nemo vnquam intelligere poterit, nisi prius de huiusmodi causis egerit: Hinc profecto nascuntur omnes cōtrouersie, quæ de remediis agitantur: veluti quum Galenus omnem morbum magnū venæ sectionem indicare, aliàs verò pro venæ sectione purgationem requirere scribit: Hinc orta ea dubitatio an etiam in intermittentibus febribus expediat, vt in continuis, sanguinem mittere, & multa huiusmodi alia, quæ comparatis morborū causis cum præfidiis, de quibus litigamus, nullo negotio intelliguntur, & quid verius ab authoribus, qui diuersa hæc præcepta tradunt, scribatur, perspicitur: Quamobrem nescio qua ratione hæc sint à Galeno nostro vel penitus prætermissa, aut certe leuiter, & nulla arte explicata: Nam nec de omnium prædictarum differentiarum causis agit: etsi fortè quorundam causas explicare aggreditur, tamen non communi quadam ratione, qualem ars desiderat, sed propria duntaxat vni morborum generi

id facit: veluti quum causas docet quur febres quædam sint continuæ, aliæ verò intermittant, & quur inter continuas quædam eum tenorem, quem ab initio acceperunt, perpetuò retinent, aliæ verò certis temporibus intenduntur, & remittuntur: At docendi methodus postulat, vt imprimis, & quæ in vniuersum continuitatis, intermissionisq; omnium morborum causæ esse possint doceantur: Ex quibus quæ singulis sunt propria, postea facile innotescunt: Omitto quòd ea, quæ de hac re scribit, in occultissimis locis, vt in commentariis in Hippocratis libros, & sparsim tradat, quæ tamen vt parem aut maiorem etiam vtilitatem habent iis, quæ de morborum causis pertractantur, ita peculiare suum opus ab eo, qui artem docet, desiderant: Quod si ex his, qui post Galenum scripserunt aliqui saltem hæc attigissent res nobis facilior nunc esset relicta: At quum omnes vel rei difficultate perterriti, vel solum ad ea scribenda eisdem sæpè verbis, quæ ab antiquioribus, Galeno præsertim, tradita fuerant, permoti: ne vno quidem præcepto, ne dicam verbo, nos iuuerint, nobis omnia excogitanda reliquerunt: quæ si absoluerè nequiuimus, saltem aliorum ingenia ad meliora meditanda excitabimus: aut quæ nunc trademus nobis erunt auxilio, si aliquando (vt speramus) totam medicinam suo ordine conscribemus. Nec existimare quidè oportet hæc ab aliis prætermissa fuisse, quòd omnibus peruia, & notissima essent: Nam si quis inscriptionem duntaxat proponat, quanam scilicet causæ morbum magnum, aut continuum, vel acutum, vel alterius differentia ex propositis alium faciant; videbit statim diuersas causas ab vnoquoque adferri quòd maximæ difficultatis est indicium. Illud tamen hoc loco ignorandum non est eum, qui velit huiusmodi causas enarrare, non solum de efficientibus causis agere debere, sed etiam de aliis omnibus generibus, quæ superius posuimus: Vt enim illæ in generatione morborum omnibus morbis communes erant, & differentia potissimum in efficientibus reperiatur: ita in his omnia causarum genera æqualem ferè vim obtinent, siquidem ob diuersa efficientia, ob diuersam materiam, & subiectum, & causas sine quibus non, & instrumenta, & formas etiam differentes huiusmodi morborum differentia proueniunt, vt statim ex ipsa tractatione vnicuique patebit.

*Morbi magni, & parui causa.*

## CAPVT I.



**A**LENVS (vt antea obiter commemorauimus, quum de morbo magno ageremus) passim morbum magnum ob partis prestantiam, malignitatem, & magnitudinem affectus committi scribit, sed id quidem meo iudicio non paruo errore quum magnum, & malignum, & periculosum simul confundat: Nam inorbus magnus pro vehemēti; & periculoso ab eo usurpatur, nec eadem possunt esse vtriusque causa: quamobrem seunctim de vnoquoque agendum est. At quoniam qui simpliciter eo modo magnus est, idem cum vehementi, & acuto, ne cogamur eadem saepius repetere, illius causas hoc loco potissimum prosequemur, quem nos proprie magnum nuncupandum esse (quod scilicet valide affligat) superius annotauimus. Deinde illius, qui etli magnus dicitur, pro periculoso tamen sumitur. Itaque inter efficientes causas quae calidam, frigidamque intemperiem committunt, haec magnos morbos quoque pariunt: Nam humor, & siccitas obtusam vim habent, adeo vt valide corpus molestare nequeant: Idem quoque praestare valent quae vulnerant, frangunt, cōtundunt, & rumpunt: habent enim haec magnā ad agendum vim: At quae conformationem, magnitudinem, numerum, & coniunctionem partium corrumpunt, nisi calefacientium, refrigerantium, & continuum soluentium interuentu vim suam proferant, vix magnorum morborū causa esse possunt. Quod profecto docent, qui in vtero matris male conformati fuerūt, aut ineptam magnitudinem sunt sortiti, aut aliqua parte mutilati; vel denique in coniunctione partium male affecti, nullo tamen interim hoc modo magno morbo laborare putantur. Iam verò materiae quoque ratione magni, paruique morbi fiunt; ex sanguine namque, & bile vtraque praesertim si atra ex adustione consistat, magni: ex pituita, serosoque humore parui proueniunt morbi; Confert quoque ad horum morborum generationem varia partium, & subiecti conditio; siquidem in mobili parte, musculorum extremitatibus, nervis; vt plurimum magni morbi nascuntur: in carne, tunicis, ossibus minores: At ob spatium in quo mouentur nonnullae partes, consistere nonnunquam morbos magnos docet cor, quod,

quod, quum occupato ab aquoso humore spatio in quo dilatur, & constringitur, liberè moueri nequeat, syncopas, & alios grauissimos affectus parit: Quinetiam tempore, accedente in excrementis corporis putredine, qui prius erant leuissimi affectus, maximi euadunt, & vulnerantia, calefacientia, & vniuersum genus efficientiū pro vario agendi modo, & ordine, nunc magnos, nunc paruos morbos concitant: Nonnè quoque instrumentum commune vim suam exhibet ad morbos magnos excitandos; quum obstructis arteriis pulmonis, & cordis, atque ita caloris natiui motu impedito maximis morbis corpus statim corripiatur? Ab his ergo hoc modo magni, paruique morbi excitantur. Eum verò magnum ita dictum, quòd vires excedat, vitæque discrimen minetur, omnes causæ in omni genere efficientium, quum vehementius excedunt, efficere valeant: Nam & quæ siccā intemperiem, & quæ frigidā, humidā, calidā, aut alterius cuiuscunque generis morbum inferunt, si tantum excedant, vt naturæ & remediorum vim superent, magnos, id est, periculosos excitabunt. Inter quæ nonnulla etiam, quæ minimum possunt ad morbos alio modo magnos committendos, magnam in his potestatem ostendunt: Etenim siccantia obtusam, tardāque vim habent: at tamen grauiores, periculosioresque morbi censentur, quod siccitas, quàm quos calor, vel frigus committit: nimirum quòd huiusmodi intemperies, quàm aliæ difficilior corrigatur. Creduntur quoque maiores, periculosioresque morbi, qui ex atra bile, vel æruginosa, quàm qui ex pallida, aut sanguine, vel pituita, & qui ex hac salsa, quàm dulci, vel insipida proueniunt: Præterea maligni morbi periculosiores, benigni tutissimi, & minimum periculosi meritò putantur; atque etiam vt plurimū magni, qui principes partes, aut vniuerso corpori seruientes, occupant aut imbecilliora aliòque modo male affecta corpora inuadunt. At in quibus natiuus calor vehementer patitur, & denique quæ magni in corpore excessus, aut defectus causæ esse possunt, periculosi quoque magnique morbi ponendæ sunt causæ.

*Causæ morbi æstiu.*

## CAP. II.



**R**OPRIVM æstati morbū, quæ calefaciunt, atque etiam siccant, gignunt: quamobrem easdem in hoc morbo causas statuere oportet, quas antea diximus esse calidi, siccique morbi. Qui verò æstate gignuntur, quidam ob temperiem aeris ambientis, quidam verò ex aliis causis consistunt: atque inter illos quidem nonnulli similem omninò temperiem obtinent ei, quam habet temporis conditio: alij verò in aliquo euariant: Nam et si æstas flauam bilem procreat, tamen durante caloris vehementia ex portione bilis crassioris atram parit, à qua æstiuæ distæ quartanæ nascuntur, qui certè morbus proprius æstatis non est, quum ex atra bile oriatur; ex flaua autem consistant, qui propriè æstiu dicuntur. Qui verò frigidi sunt, aut humidi, vel alterius naturæ à refrigerantibus, & similibus denique causis singuli in æstate pullulant. Cæterum eos, qui æstate soluuntur, frigidæ, & humidæ causæ committant oportet. Eadem sit ratio de morbo autumnali, hyemali, & vernali. Confert etiam subiecta materia ad eorū generationem. siquidem calida, sicca, graciliæque corpora æstiuis propriè dictis morbis magis quàm alia sunt exposita.

*Causæ biliosi, & pituitosi morbi.*

## CAP. III.



**B**ILIOSVM morbum, qui à bile gignitur, excitant ex quatuor generibus rerum, quæ procreandi bilem vim habent. Illum verò in quo bilis redundat, sed à bile nō fit ea, quæ vel meatus, per quos extra corpus ferri huiusmodi humor consuevit, aut virtutem attractricem & expultricem partium illius attractioni, & expulsionī destinatarum offendunt: Idem statuatur de pituitosis, melancholicis, & aliis morbis, qui à cæteris humoribus proueniunt; quibus etiam cōfert subiecta materia ad illorum generationem aptior vel ineptior.

Causæ

*Causa morbi in habitu.*

## CAP. IIII.



**M**ORBOS in habitu ita dictos, quod difficile remoueri possint, excitant causæ efficientes, quæ difficile pati queunt, & expelli: Difficile siquidē siccitas corrigitur, difficile fractura, vlcus caui. Præterea quæ morborum malignorum sunt causæ, ægri quoque curantur vitia, in quibus pars aliqua restitui debet, aut augeri magnitudo, aut emendari conformatio. Quod si aliquando vitium, quod ex siccitate est, facile emendatur, ut quum humoris, & spirituum defectu corpus exsiccatur, id tamen non ipsius qualitatis ratione sed materiæ, quæ facile ob tenuitatem dissoluitur, & regignitur, contingit: vel potius separanda est tanquam diuersæ naturæ siccitas, quæ humoris defectu provenit ab ea, quæ ob siccam qualitatem in parte est concepta: quæ ut propriè siccitas est, sic difficillimè inter omnes alias qualitates tollitur. Præterea inter morbos, qui difficile curantur, omnes quum vehementius exceßerunt; modo secum non habeant coniunctum humorem feruentem, & mobilem (hi enim citò finiuntur) difficillimè terminantur; Et enim vehemens caliditas, frigiditas, magna vulnera, aut fracturæ insignes, ægrius quàm quæ minores existunt, curantur. Est quoque huiusmodi morbi causa materia ex qua morbi gignuntur, siquidem humor melancholicus, & pituita difficilior quàm sanguis & bilis, & crassa materia quàm tenuis, & multa, quàm pauca, & viscida, quàm quæ nullum lentorem habet, maiore negotio corrigitur. Partes præterea, quæ in profundo corpore sunt collocatæ, aut debiliores, aut duræ, vel calore propemodum destitutæ, contumaciores morbos contrahunt. Veluti etiam qui longa mora corpus iam occuparunt; alij enim, qui recentiores sunt, promptius tolluntur; conferentibus scilicet ad horum naturam causis sine quibus, & cum quibus morbi procreantur. Cæterum morbum in habitu dictum, quod corporis habitum occupet, si totum habitum sumamus, non omnes causæ tales morbos excitare possunt, cuiusmodi sunt quæ vulnerant, frangunt, & alia demum, quæ aut vnam, aut certè non omnes partes afficiendi vim habent, sed quæ communio rem naturam sunt sortitæ: inter quas quædam primo id faciunt, veluti, quæ

fecus nos ambiunt & vniuerso corpori admoventur; Aliæ vero interuentu aliarum, vt ea, quæ assumuntur, eo quòd humores gignant, qui postea in omnes partes delati habitum etiā corrumpunt: Ergo quæ intemperiem committunt, morbum in habitu excitant, ab aliis autem causis vix vnquam totius corporis habitus vitari potest. •

*Acuti, siue vehementis morbi causa.*

C A P. V.



**D**E nulla re frequētius agit Galenus, quā de morbo acuto, quum de illius natura, remediis, & solutione passim præcepta tradit: At nulla generali ratione vsquam quid acutum morbum efficiere possit, docet: quod tamen imprimis explicanduū fuit. Quir enim frigidus humor, & calidus acutos morbos pariter committant, vt quum ex illo attonitus morbus, ex hoc verò ardentes febres nascuntur. Quir præterea vulnerantia, & contudentia idem efficiant, quum diuersæ tamen sint naturæ, nemo intelligere potest, qui perspectum non habet id, quod in rebus diuersis idem, & commune existit. Quinetiam quum illa, quæ enumerauimus nunc acutos, nunc acutis contrarios morbos pariant, docendum hoc etiam erat, quir alterum semper non fiat. Quæ sanè res percipi nequit, nisi imprimis quæ sit morborum acutorum causa præcognouerimus: quæ si ignoratur; tum in curatione, tum præseruatione, & etiam prædictione euentus morbi errores committi necesse est. Nam multo diligentius præcauebimus futuros morbos, quos præuideamus fore acutos, & præsentis illorum causis perspectis, propriis remediis propulsabimus: ac denique omni illarum vi, & natura lustrata, quid futurum sit, præsentemus: Itaque si morbus acutus est, qui validè affligit, & citò soluitur, causam sanè oportet huiusmodi esse, quæ vtrumque præstare valet. Quæ enim, vel subito solum agere possunt, & tolli, leuiiores morbos faciunt, quales sunt diariæ febres, quæ à spiritibus materia scilicet ad concipiendum calorem, & remittendum facili nascuntur. Quæ autem multum obesse possunt corpori, non semper acutos morbos inferunt: quod ostendunt magna vulnera illata musculis quæ diuturna esse solent. Igitur inter alterantia quæ siccant, & humectant, acutorum morborum

rum causæ esse nequeunt, quandoquidem vt superius ostendimus hæc magnam vim non habent; aut si magnam, non certè concitatum: Calor verò, & frigus potest quidem, sed non semper, quum videamus vniuersum corpus, vel partem aliquam calido, aut frigido morbo laborare, qui tamen morbi diutius perseuerant, & leuiiores etiam existunt: Ergo illa tunc solum acuti morbi sunt causæ, quum abundè excesserint. Neque enim natura molestiam insignem, quæ ab illis prouenit longo tempore sustinere valet. At nec etiam in conformatione, magnitudine, numero, & coniunctione partiû morbi acuti faciliè inueniri possunt: Quæ verò vulnerant, frangunt, aut alio modo continuû soluunt, si lethalem morbum inferant in parte principe, vt plurimum acutum morbum procreabunt: Diu enim pars princeps magnas noxas sustinere nequit, nisi remittantur: salutare autem ab his causis in illis partibus morbi, longiores existunt, nec acuti esse possunt; quod cerebri vulnera, & contusiones salutare ostendunt, quæ non nisi longo tempore perferantur: in aliis autem partibus externæ huiusmodi causæ pro illarum vehementia nunc breues, nunc longos, nunc acutos, aliàs nõ acutos faciunt morbos: Magnum enim vulnus in coxa, quod occidit pro magnitudine vulneris, sub termino acutorum morborum aliquando continetur, aliquando verò excedit. Præterea ex materia, morbi quoque acuti causæ sumuntur: etenim humor admodum calidus, & feruens in vniuerso corpore, aut saltem in trunco illius contentus, vel etiam in substantia partis imbibitus, ita vt tumorem excitet, huiusmodi morborum causa esse agnoscitur, id quod ostendunt ardentes febres, quæ quoniam ex feruente humore constant, inter acutos morbos præcipuum locum meruerunt. feruentem autem, & non quocunque modo calidum oportere esse humorem ex eo intelligere licet, quòd longæ febres ex putrescente materia, sæpe nascuntur, quæ propterea quòd non satis calida est, vt faciliè moueri, dissoluique possit, acutorum morborum termino minimè continentur: & diariæ febres, quæ ex calida materia nequeunte vehementem calorem concipere, citò quidem concitantur, tamen quia validæ non sunt ab acutis excluduntur. In toto verò corpore huiusmodi humorem acuti morbi causam esse monstrant continuæ febres, per quas in eo ob vehementem putredinem humor ardet: At eum, qui in maioribus vasis talem calorem cōcepit, procreare acutos morbos



ex febribus, quæ synochæ dicuntur, intelligere licet. Eum autem, qui solum in habitu corporis residet, etiam si calidissimus sit non efficere morbos acutos docet tertia febris, quæ ex sincera bile nascitur, nec tamen inter verè acutos morbos reputatur. Cæterum eundem humorem, qui inflammationem excitat in parte nobili, aut saltem non ignobili authorem esse morborum acutorum indicat pleuritis, peripneumonia, phrenitis, hepatis & septi transversæ inflammatio, & angina, qui inter acutos morbos præcipuam dignitatem sibi vindicant. In carne verò, aut alia parte exiguo sensu prædita quæ consistunt inflammationes, ut vix excedunt decimum quartum diem antè quàm suppurentur, vel alio modo dissoluantur, ita nisi insignis fuerit tumor, valde non molestant, propterea à morborum acutorum natura recedunt. Iam verò frigidi, crassi, viscidique humores ferè solum in cerebro, & corde acutos morbos gignere valent: nec id quidem suapte natura, sed ubi tantum exuperauerint, ut vel vim illarum partium penitus obruant, ut in attonito morbo, & lethali syncope apparet, vel vehementius facultatem expultricem irritare possint: quod in epilepsia contingit: Unde frigidi sola quantitate, & peculiaris partis ratione. Calidi autem humores, qualitate potius acutos morbos inferunt: Hoc modo ergo efficientiùm, materiæ, & subiecti ratione acuti morbi proueniunt. Nec tamen alienum est temporis processu quosdam morbos acutos fieri, alios verò acutiem deponere, ut in febribus accidit, quæ ex crassiore materia. & ob magnas obstructions obortæ tandem concepta vehementi in humore caliditate acuti euadunt, & fracturæ, quæ ab initio vehementes dolores excitarunt, postea vero mitigato malo in diuturnum, mitiorémque morbum degenerant: Occupato autem spatio cordis ab aquoso humore vehemètes morbos nasci omnes nouerunt. Atque hæc quidem satis de causis acuti morbi, siue vehementis, ex quibus contrariorum morborum causæ faciliè innotescunt.

*De causis morbi continui, & intermittentis.*

C A P. VI.



ONTINVVM, id est, qui nunquam desinit morbum, donec omnino ad finem suum peruenit non omnis causa, sed quæ stabilis & perstinax sit, committit. Inter quas quædam suapte natu

natura, aliæ verò ob loci cōditionem huiusmodi vim capiunt: etenim vulnerantia, contudentia, refrigerantia, humectantia, & denique omnia alia, quæ nullo immerso humore, aut vapore contento in corpore morbos inferunt, eisdem continuos faciunt, quum paulatim fracta illarum vi minuantur morbi, nec aliqua causa subsit, quæ illorum impetum nunc dissoluat, nunc insultus novos pariat: At humor, & trateria, quæ in corpore continetur, aliquando suapte facultate idem facit, aliàs verò alterius ratione: etenim sanguis quum calefit, aut putrescit, aut in aliquo loco colligitur, aut alio modo morbum procreat, continuos eos reddit, id quod ostendunt synochæ vocatæ febres, & inflammationes, quæ perpetuò hominem infestant. Reliqui verò humores, si quidem putrescant, tunc solum huiusmodi morborum causæ sunt, quādo aliquo in loco ita sunt conclusi, vt vacuari nequeant: quod apparet ex febribus tertianis, & ardētibus, quarum illæ ex humore bilioso putrescente in habitu corporis, hæ vero ex eodem contento in maioribus vasis consistunt, & inter se differunt, non humoris ratione, sed loci conditione: Nam in ardentibus febribus coarctatur humor in profundo corpore, nec exitum habet, donec natura, victa morbosa causa, apertisque viis, impetu maiore facto, quicquid erat noxium, extrudat, aut ars ipsa propriis auxilijs idem extrahat. In tertianis verò, & omnibus alijs intermittētibz febribz patentē viam nacti humores dissoluntur; vel impellente natura, vel educēte medico. Quod si omnino victa sit morbosa dispositio, morbi finis contingit: At si ea subsit, quæ nouum humorem regnat, aut aliunde suscipiat, priore expulso, vt remittitur, & continuus esse desinit, sic alio accedente rursus repetit. Si verò nulla adsit putredo, vbiq̃ue collecti fuerint huiusmodi succi, authores sunt continuorum morborum, vt monstrat morbus regius, qui ex bile sparsa per habitum corporis perpetuò affligit. Humoris ergo totius excretio intermissionis causa est, continuitatis autem si aut nulla, aut quædam duntaxat illius portio educatur: Quod enim superest, continuitatis causa fit: morbosa verò quæ subest dispositio, & certis temporibus humorem aceruat, & commouet, non primò, & per se, sed humoris interuentu interpolationis causa censenda est: est enim in continuis etiam sua dispositio, sed intermissio non accidit, propterea quòd vt diximus, humor in locis obstructis coarctatus omnino non expirat nec

propellitur. id quod fortè ob humoris crassitiem, & copiam, & quod putredinem nō acceperit, noc minus quàm ob vasorum obstructionē, aut cutis adstrictionē contingere potest. Quod verò de humore dictum est, idem de vapore, aut alia materia, quę in corpore nostro gignitur vt vermibus intelligatur: Nam vapor, qui in aliquo loco conclusus est, continui morbi fit causa, qui autem expulso priore regignitur eius qui per interval- la repetit, quo modo inflationes muscutorum continuas, colicos verò dolores ex flatu sæpe intermittere conspiciamus: nisi quod putredo in his non contingit, quę interpolationis causa putatur, vbi locus non repugnat. At quoniam continuo- rum morborum duplex est natura, quidam enim verè conti- nui, qui præter quàm quod nunquam deserunt hominem, nun- quam etiam exacuuntur, sed eum tenorem, quem ab initio ac- ceperunt retinent, alij verò, qui certis quibusdam temporibus suas habent exacerbationes horum quoque causa explicanda est, quę in naturam humoris prorsus referri debet: Nam si san- guis humor fuerit perpetuum quendam tenorem morbus ser- uat. Eodem modo si spiritus, quod ostendunt synochæ, & dia- riæ febres: Quod si ex bile, vel pituita, vel humore melancholi- co morbus nascatur certis diebus, & horis ingrauescit corporis affectus: siue id ex humoris natura, & proprietate, siue aliter cō- tingat. Neque enim hoc loco accessionum morborum, & cer- ti periodi causas inuestigare volumus, quod postea faciemus. Nunc quod experientia docet, cōcedamus morbos ex sangui- ne, vel spiritu, vel aquoso humore ortos nullas accessiones ha- bere, eos autem, qui ex aliis humoribus originem ducunt cer- tis temporibus exasperari, & postea remitti etiam si in aliquo loco adeò sint coarctati, vt nihil omnino dissoluatur. At nec illi quidem perpetuò exacerbationis sunt causæ, sed quum pu- tredinem conceperint: quippe quum videamus ex bile acriore, aut pituita non putrescente contractos morbos nullos insul- tus facere, nimirum quòd ex putredine sola exacerbandi vis humoribus adueniat, qui in constipatis locis morbos concitat: Nam in aliis, qui in habitu corporis, aut in aliqua cavitae, vt ventriculo continentur, facultatis expultricis irritatio ab hu- more, qui per corpora sensibilia fertur facta, accessionis causa statui potest: ex mutua siquidē pugna ingrauescere morbum, & ob novos morbosæ causæ aduersus naturam insultus inten- di, remittique mala, rationi consonum est. Cæterum si ex san- guine

## DE CAUSIS MORBORVM. 125

guine morbus consistit, interim dum ille formam retinet, nec ob caloris vehementiâ tenuior pars in bilem flauam, crassior in atram abit, nulla quidem accessio fit. Quod verò perpetuo crescat, aut minuatur, aut eandem magnitudinem seruet morbus, id facit expirationis, & accensionis ipsius humoris æqualitas, & inæqualitas. Nam si plus ob leuiorem constipationem dissolui contingat, quàm accendatur perpetuò minuetur morbus donec ad finem peruenerit. quòd si vehementius cutis sit adstricta, vt minus expirare possit quàm succendatur, semper ad finem vsque increset. At si æquali portione id quod digeritur ei, quod succeditur responderet, in eadem æqualitate, eodémque tenore perseverabit morbus. Atque hæc quidem de continui, & intermittētis morbi causis, ex quibus intelligere vnusquisque potest ob formam morbi, efficientes causas, materiam, quæ in corpore continetur, & subiecti, locique conditionem, atque etiam causas sine quibus non continuos, intermittētēsq; morbos fieri: Nam quòd vulnus continuò infestet, febris autem etiam per interualla, diuersa morborum forma causa est. Quòd ea, quæ putrefaciunt intermittētes, alia verò quæ aliter afficiunt humores, continuos perpetuò morbos pariant, causa à diuersitate efficientium sumitur: Quòd verò ex sanguine semper continui, ex bile verò interpolati morbi proueniant, causam reddit diuersa materia. Quir autem in osse continuò affligant morbi? In ventriculo intestinis, & renibus etiam per interualla, causam à differentia subiecti ducimus. At humores, qui in magnis venis continentur perpetuò infestant: Qui verò in habitu corporis nocēt, certis temporibus sunt molesti ob loci conditionem: Augentur perpetuò, aut minuuntur, vel eundem tenorem seruant febres, ob cutis maiorem, aut minorem constrictionem.

*Morborum qui per accessiones affligunt ipsarumque accessionum causa.*

### CAP. VII.



**Q**UA ratione contingat morbos quosdam continuos esse, alios autem intermittētes fieri antea ostendimus: Nunc verò illud explicandum sequitur, quir tam in continuis, quàm intermittētib; exacerbationes quædam fiant: atq; illæ quidem certis, & statis quibusdam temporibus, aliæ verò

incertis repetant, quæ quidem res semper difficilis habita est, & magnas controuertias hætenus excitauit. Nam quidam id totum ad Lunæ, syderumque motus, & vim reuocant. Alij verò causam ponunt in cæca quadam, & occulta, (vt aiunt,) humorum proprietate: Qui autem melius sentire videntur, omnem accessionum causam ob expultricis facultatis irritationem fieri volūt. A' quibus profectò dissentire cogor. Nam qui ab astris causas ducunt, aut rem notissimam moliantur, aut non eam causam docent, quam quærimus, siquidem omnia inferiora superiorum vi & prouidentia gubernari omnes iamdudum nouerunt, qui philosophiæ omninò non sunt ignari, adeò vt non magis huius rei quàm aliarum omnium, quæ in corpore nostro peraguntur, causas superiora reuocare debeamus. At quum sydera cælestesque orbes non primò, nec per se, sed quod aliquid efficiant in corpore, causæ accessionum ab omnibus censeantur, nos qui de proxima, & coniuncta causa disputamus, cogimur eorum opinionem haudquam probare. Qui verò causam constituunt in occulta quadam humorum proprietate, non solùm videntur mihi laborem subterfugere, (quippe quum facile sit hoc modo omnium rerum causas assignare) sed etiam planè ei, quod experientia in alijs docet, repugnant; Etenim singulis mensibus, certisq; etiam diebus, & horis purgantur mulieres, & quibusdam temporibus podagra & calculus, comitialisque morbus homines urget, non ob huiusmodi proprietates aliquas, sed quia accretur noxia materia, quæ postea quàm adeò excreuit, vt facultatem expultricem commouere possit, eam irritat, quæ aduersus id, quod molestat insurgens, menses mulieribus mouet, alijs verò eò impulsio humore, vbi recipi excrementa consueuerūt, prædictos affectus parit. Si præterea ob humoris naturæ accessiones fiunt, quur semper, aut certè vbi humores præter modum exuperant, accessiones nō fiunt? Quur ergo qui regio morbo laborant tertio quoq; die, quæadmodū qui tertiana afficiuntur, nouos insultus nō experiuntur? Adhæc oporteret in spiritu, & vapore statuofo, qui colicos dolores, & comitiales per intervalla affligit, certā quandam, vt in humore, proprietatem poni. Quum enim accessionū pariter sint causa humores, & vapores huiusmodi: quur humores ob latentes has proprietates, status verò alia ratione eiusdē effectus authores esse credemus? Quod si etiā flatibus hanc vim donemus, quare sit vt certis temporibus,

poribus, quemadmodum humores, perpetuò nō infestent? At nemo est ita vexatus cholico dolore, qui vel longa etiā morbi consuetudine edoctus, prædicere possit qua die, quāue hora novam exacerbationem expectet; Nouimus etiā quosdam, qui semel duntaxat in anno eo die, quo nati sunt febre leuissima, & quæ vno, aut altero die abiret, corripì solerent: cuius rei quis quæso humor, quæ humoris proprietas causa esse potest? An sanguis, qui continuo affligit, an bilis, quæ tertio quoque die molestat, an pituita quæ singulis diebus, an atra bilis quæ non nisi quarto die grauis est? Si enim ob certā proprietatē id contingit, humorem alium extare oportet, in quo proprietas hæc affligendi per annos ponatur: At præter supradictos humores nullum alium nouimus in corpore, siquidem de seroso nemo (credo) imbigit; quo magis mirari licet Galenū negare quintanas, aut sextanas, aut sequentis alterius diei febres (de quibus Hippocrates in libro de Morbis vulgaribus agit) vnquam reperiri posse, quòd scilicet nullus sit humor, qui post quartum diem morbos exacuat; quasi id ex humoris natura pereretur, & non alibi ad expultricem facultatem accessionum causas rede-  
 gisset. Quæ (etsi raro id cōtingat) nihil tamen prohibet, quur quinto, sexto, aut alio quoque die aceruetur quod molestat, & accessionum sit causa. Quippè quum magis mirum sit singulis annis, eo semper die, morbos quosdam redire, quàm quinto, aut sexto quoque die accessiones quasdam repetere. Ceterum ob expulsionem inutilis materiæ accessiones fieri docet vomitus, & purgationes mulierum, & podagra, quæ expulsi ab aliis partibus humoribus repetunt: alioqui quænam quæso alia potest assignari in his causa? Quum enim humores ab vno loco in alium secedant, vel quòd sponte eò decurrant, aut attrahantur, vel expellantur, nec per attractionem fluunt menses mulieribus, quippè quum nihil sit, quod attrahat inutilem eum sanguinem, & tantum planè attrahi deberet, quantum retineri, concoqui, & in nutrimentum verti potest, nec verò etiam spontè fluit humor: nam quum semper pateant viæ, quur continuo non elabitur huiusmodi sanguis? Aceruatur ergo paulatim in venis vteri sanguis transmissus, & reiectus ab omni parte corporis, qui postea quàm abunde creuit, illius copia irritatur vteri facultas expultrix, quæ truso humore vasorum orificia aperit, & quantum molestat, reiecit. Docent idem euidentissimè vomitus, qui per singulos febrium insultus in tertianis potissi-  
 mum

mum contingunt, quos dolor, & morsus stomachi ostendunt non alia ratione provenire, quàm concitat expultrice facultate; nimirum quòd aliæ omnes attractrix in quam, retentrix, & concoctrix ob familiaritatē rerum agant, sola verò expultrix à noxiis, & irritamentis exerceatur. Attamen propterea nō fit vt omnium accessionum expulsio sit causa. Nam repetit sapius per intervalla colicus dolor ex flatu excitatus nulla expulsionē facta. Quid enim quæso, potest esse, quod expellat? An deorsum repugnante illius natura propelletur? An sursum quò non expectata expulsione, sed suo impetu fertur? Præterea videmus ex inflammatione accendi febrem, quæ tertianæ modo affigit, cuius rei causa expulsio esse non potest. Quid enim ab inflammatione expellitur, quod talem febrem gignat, aut aliunde ad eam propellitur? quandoquidem post principium desinunt ad partem affectam ferri humores: quod etiam Galenus libro de Temporibus morborum tradit, aut si quid etiam increcente vigentēq; morbo confluit, paucum certè illud est, vt vel æquale sit iam dissoluto, aut ob exiguam copiam tam vehementes accessiones, quales phreniticis, & pleuriticis euenire videmus, committere nequeat. Quinetiam nouimus omnes febres, quæ ex sanguine excalescunt, vel etiam putrefacto nascuntur circa primam diei partem vehementius affligere; non ob aliquam sanè nouam expulsionem, sed ob aliam omnino causam. Adde quòd si ob fluxiones humorū accessiones fieri dicimus, temerè ob expultricem solam illarum periodos excitari putabimus, quum fluxionum causæ aliæ præter expultricem superius sint positæ: Quamobrem quum accessiones solum fiant, vbi noxia aliqua est materia, (Nam & vlcera, vulnera, fracturæ præter febres, comitiales morbos, podagram, colicas passiones, & huiusmodi reliqua, non aliter vno tempore magis quàm alio ingrauescunt, quàm quòd accedat noua materia quæ exacerbationis est causa) cogimur profectò vnicam ponere propinquam huius rei causam, noua scilicet excremēta; aliæ autem omnes, quæ illa in partibus per intervalla acervant, remotiores causæ sunt, id quod faciunt tum quæ materiam huiusmodi gignunt, & paulatim acervant, tum ea, quæ ad affectum locum commovent: de quibus antea abundè egimus, vbi tumorum generationem, & causas explicauimus. Igitur si pars quæ per intervalla afficitur, malum sibi parit: vt colon intestinum, quod ex flatu genito certis temporibus affligitur, & ventriculus qui ex  
mala

mala coctione excrementa congerit, ex quibus dolores per interualla oriuntur, ad coctionis vitium causa redigenda est, ipsam inquam facultatem coctricem, vel materiae, quae assumitur copiam, vel corruptionem. His enim de causis cruditates, excrementa que proueniunt, quae vel ob intemperiem, aut copiam dolore vrgent partem ipsam, aut expultricem commouent: qua ratione nunc vomitus, nunc dolor vetriculi accedit. Eodem modo in continuis febribus, quae ex bile, aut humore melancholico, aut pituita putrescente in maioribus venis proueniunt, exacerbationes contingunt, quod ob malam, quae subest, dispositionem certis temporibus succrescant noui humores, qui accedentis insultus causa fiunt. Eadem quoque causa statuenda est exacerbationis quae ex tumoribus praeter naturam prouenit. Nihil enim confluit quod illius sit occasio, sed ex acruato humore portio per interualla accenditur, & corrumpitur, ex qua dolores, & alia symptomata augentur, perseverantque; quandiu planè euius alteratricis facultatis beneficio, aut portio etiam illius dissoluta fuerit, contingit tamen validam esse concoctricem, & ob expultricis infirmitatem, vel viarum obstructionem humorem acruari, & mora, accedente postea putredine, & corruptione, nouos fieri insultus. Quod si aliunde materia adueniat, causa putanda est non semper expultrix, sed alia omnia quae illam commouere posse dicta sunt: sic enim accessiones febrium intermittentium contingunt, & vomitus, expellente scilicet in illis facultate à venis in habitum corporis humorem, in hoc autem expurgante per superiores partes ventriculum. At status venenosus, qui ex pedis, aut alterius partis digito ad caput elatus comitiales exacerbat, sua vi impulsus effertur. Per attractionem autem, ut diximus, accessiones non fiunt, quum nihil attrahatur noxium, aut non primò, nec per se, sed genitis prius excrementis, labefactata coctione id contingit. Atque hæc quidem sunt, ut mea fert opinio, accessionum causa: nec mirum videri debet si sæpius huiusmodi fiant repetitiones, & per certa, statimque tempora: Nam, ut optime scribit Galenus, quandiu hæc permanent, circuitiorem accessionum permanere, & eam tandiu similem, & per certa interualla semper repetere necesse est. Quod exemplo ex mulieribus sumpto ostendit. In illis enim, inquit, quoad similis causa, & æqualis permanet menstruum, eadem eorum circuitio retinetur: Neque etiam illud mirum videri debet, quod non eodem tempore bilis, pituita,



ruita, humor melancholicus, & alia materiae accessiones pariant, quum par non sit illorum copia & vis, nec pari ob id tempore colligi, & molestare possint. Quoniam enim ex sanguine materia copiosa suppeditatur, ideo continui sunt qui ab illo nascuntur morbi, quia verò pituita, post sanguinem in corpore redundat, fit ut tantum illius gignatur, ut quum noxiam ex putredine qualitatem acceperit, quotidie infestare possit: Bilis autem portio minor est, quam pituitae, maior quam humoris melancholici: quapropter non quotidie, sed tertio quoque die; atra verò non nisi transactis tribus diebus molestare valet. Quod verò praedicti humores febres non exasperent, nisi putredinem conceperint, & longè maiorem acrimoniam acquisierint, vomitum verò, aut podagram, vel aliorum morborum insultus concitent absque vlla putredine, fortè causa est, quod vniuersum corpus per febres infestari debeat, quod ex sola humorum copia contingere nequit, nisi ex putredine vitium accedat. At si quis curiosius quærat, quur pituita quotidie, bilis vno relicto, atra quarto quoque die grauis esse solet: is imprimis aliter putat quam res habeat, siquidem bilis singulis quoque diebus, & atra etiam accessiones facit, ut quum illa tertianas, & quartanas duas, vel tres parere dicitur: Nam quòd quotidie infestent tunc huiusmodi humores, quilibet concedit. Nec aliqua ratio est, qua credere cogamur potius duas, aut tres esse tertianas, quam quòd tanta sit humoris copia, & ex putredine comparata acrimonia, ut singulis diebus suos faciat insultus, quæ quum mitius habent, rarius & per maiora quædam interualla afficere solent. Si enim eos, qui nephritide aut cholico dolore, aut morbo comitiali, vel podagra laborare consueuerunt, non alia ratione, frequentius, aut rarius affligi putamus, quàm quòd nunc plus, aliàs minus mali humoris gignant: Si præterea anticipationis, tardationisq; accessions causam vniuersam ad humoris quantitatem, & qualitatem reuocamus, quur etiam id quod singulis diebus, aut per maiora temporis spatia in accessionibus morborum contingit, ab eisdem causis prouenire non credemus? Quòd si maiorum autoritate, & receptis iamdudum opinionibus quispiam persuasus putet aliter fieri non posse, quam quòd bilis tertiano circuitu suos insultus pariat; & causam quærat, cur necessariò tertio quoque die infestet, nec ad longius spatium produci, aut ad breuius contrahi valeat, quæ ab eo prouenit accessio, sciat is se postulare quod dici nequit, & commu

communem habet cum aliis multis dubitationem. Perinde enim est, ac si quis causam scire desideret, quur mulieribus bene habentibus singulo quoque mense, & certo quoque die, & non minore, aut maiore temporis intervallo purgationes per vterum accidant; & qua ratione acutorum morborum natura, & vehementia decimū quartum diem excedere nequeant: Alij verò qui degenerant ab acutis, omnino intra quadraginta dies finiantur. Vel quur robur iuvenile, vigorque corporis nonnullis antea, omnibus verò trigésimo quinto anno minuitur; aug quur nemo inuentus sit, qui post vigesimum quintū ætatis suæ annum, vel minimū longitudinis suo corpori adiecerit: quum interim multi toto etiam eo vltimo anno insigne incrementum accepisse conspiciantur. Sunt & permulta alia huiusmodi, quorum certa prorsus ratio non est, sed certa natura, certique termini, citra quos consistere, & ultra progredi rei natura nequit. Illud verò iam explicandum sequitur, quur scilicet, accessiones certo, & firmo ordine redeant, aliæ verò perpetuò anticipent, vel tardent, vel etiam ab vno die in alium transferantur, & denique quur fiat, vt quidam morbi ordinati, & inordinati nascantur. Quod etiam quodammodo in his, quæ diximus, iam est comprehensum, quoniam tamen non satis adhuc est explicatum, & in eo Galenus euariare videtur, ne rei difficultate deinceatur lector, aut illius varietate confundatur, paucis hæc iterum explicare aggrediar. Itaque Galenus secundo commentario libri primi de Morbis vulgaribus inordinatos motus in morbis contingere scribit à frigore, & copia humorum: Libro verò secundo de differentiis febrium ordinem in accessionibus febriū corrumpi tradit ob humorum permutationē, & malam victus rationem: quas causas necesse est etiam ponat in omni alio morbo, qui per accessiones affligit. Verū quum ordinis in omnibus vna sit causa, à qua aliæ omnes proueniunt: ea imprimis à medico dignoscenda est; nisi enim in ea cōuenirent, permutatio humorum, & victus deprauatus; res tantopere differentes vnius, eiusdemque operis, nempe ordinis corrupti causa esse non possint: Quur præterea victus deprauatus ordinem turbet, non pater, nisi prius communi ea ordinis causa perspecta: Quamobrem natura rei consulenda est, quæ quod querimus facile ostendet: Si enim ordo stabilitatē quandam monstrat, siquidem incerta, & instabilia sunt quæ ordine vacant, necesse profectò est ordinis causam stabilem, & inuariabile esse: quemad-

quemadmodum optimè Galenus in libro de Præſagitione ex pulſibus ſecundo monſtrat; Nam quod idem manet, vt idem facit, ita eundem agendi ordinem ſeruat: Contra quod mutatur, nec idem amplius eſt, actionem, agendique ordinem mutat. Itaque ſi quod acceſſionis in morbis cauſa eſt, idem perpetuò durat, perſeuerabit etiam ordo acceſſionum: Si verò illud euariar, ordo quoque mutabitur. Quapropter ſi acceſſionum humores, aliæque materiæ, quæ in corpore noſtro gignuntur cauſa ſunt, ordinem tandiu ſeruari oportet, quandiu humor acceſſionis author ſuam naturam ſeruat; ea verò mutata acceſſionum ordo ſimul corrumpetur, id quod experientia etiam docet: febres enim, quæ ex humore bilioſo putreſcente accenduntur, quandiu bilis ſuam naturam retinet, tandiu tertio quoque die ſeruato ordine exacuuntur. Quum verò ob aſſationem durante calore flaua bilis in atram vertitur, iam quarto quoque die non amplius tertio acceſſiones redeunt: Ac non ſolum quidem natura humorum, & propria ſpecies, quæ certis, ſtatique temporibus colligitur, ſed etiam certa illius quantitas, & qualitas requiritur, vt ordo ſeruetur: ſiquidem acrior bilis, aut copioſior anticipationis acceſſionum cauſa fit. tardationis autem, quæ mitior euasit, & minore copia exuperat. Quare quum dierum numero, & horarum, acceſſionum ordo variari poſſit, ordinem in diebus humorum naturæ, in horis verò qualitati, & quantitati eorundem in febribus poſſiſſimum tribuimus, niſi iam uſque adeo excedat, aut perinde vitioſam qualitatem acceperit, vt etiam dierum ordinem peruertere valeat, ſic profeſſò contingere videamus, quum ob deprauatum viſum, aut eam, quæ ſubeſt in corpore diſpoſitionem, plus, aut acrioris bilis procreatur, acceſſiones anticipant, aut copia diminuta, aut mutata qualitate tardant; non tamen propterea quàm certis ſuis diebus repetunt. quod tunc poſſiſſimum contingit, vbi vel humor in alium permutatus, aut ſupra modum auctus eſt, vel malam omnino qualitatem concepit, qua ratione febres, quæ alternis diebus infeſtare cōſueuerant, duplicato malo, quotidie poſtea nonnunquam hominem inuadunt. Quo fit vt hæc ſola ſit corrumpendi ordinem cauſa, quæ ex humorum permutatione in aliam naturam, vel qualitatem, aut quantitatem, ſumitur: viſus autem deprauatus, aut frigus, vel calor eiſdē cauſæ ſint, quatenus ab illis humorem mutari contingit. Quod ſi ita eſt, illud quoque patet acceſſio-

num, illarumque ordinis, & inordinationis causas à sola materia, quæ in corpore gignitur, duci.

*De causis morbi æqualis, & inæqualis.*

CAP. VIII.



Aufas morbi æqualis, inæqualisve varias esse oportet, propterea quòd vario modo, vt antea ostendimus, hæc nomina à medicis vsurpantur. Si enim inæqualem intelligamus, qui inæqualiter afficit partes, in quibus consistit, causæ erunt, quæ inæqualiter agunt, nec statim ex æquo omnes quas lædunt, partes afficiunt; inter quas etsi Galenus solum primas qualitates commemorare videtur, vt quum intemperiem inæqualem, nulla facta alterius morbi inæqualis mentione, dicato peculiari opere explicat, tamen nihil prohibet, quo minus in aliis morbis æqualitatem hanc, & inæqualitatem statuamus, quippe quum inæqualia vulnere, contusiones, & fracturas dicamus, quando ex affectis partibus quædam penitus confractæ, contusæ, & vulneratæ, aliæ verò leuiter solum læsæ apparent: quos sanè morbos pariùt propriæ illorum causæ actionis natura, & modo differetes. Quòd si inæqualem morbum sumimus, in quo viget contrariarum causarum vis, veluti quum calor, & frigus in eodem membro sentitur, siquidem verè contrarias causas intelligimus, solè quatuor qualitates huiusmodi inæqualitatis auctores esse possunt, alia enim per minima inuicem misceri, & confundi nequeunt. Si verò quocunque modo opposita, & discrepantia contrariorum nomine admittimus, idem licet in aliis inuenire. Contunditur enim, & vulneratur, frangiturque sæpe in eodem loco eadem pars. At si inæqualem ponimus, qui contrariis moribus infestet, vt vix hanc inæqualitatem inuenies præterquam in febribus, in quibus corpus refrigeratur, & incalcescit: & in animi affectibus, vt in pudore, in quo primò contracto ad viscera calore, externæ partes refrigerantur: deinde eo recurrente, recalcescunt illæ, sic caloris natiui motu hanc inæqualitatem prouenire censendum est. Cæterum eum, qui inæqualis dicitur quòd nunc increseat, nunc minuatur efficiunt causæ accessionum effectrices, de quibus antea egimus.

*Causa morbi recidivam facientis.*

## CAP. IX.



Recidivas morborum scribit Galenus secūdo libro Aphorismorum cōtingere ob reliquias malorum humorum, qui tempore putrescentes febrem regignunt. Alibi vt sexto libro de Morbis vulgaribus causam reuocat ad frigidos, & multos humores: quibus locis nulla generali ratione huius rei causas complectitur, sēpē enim redeunt morbi in quibus prorsus euacuati fuerant humores illorum aucthores. Nec solum quidem in morbis frigidis, sed etiam in calidis recidivas fieri quotidiana docet experientia. Quamobrem statuere oportet, vt alio loco facit Galenus, recidivarum causam omnibus communē ipsam morbosam dispositionem, quæ sublato morbo in corpore adhuc residet. Vt enim ea primo morbum intulit, sic postea rursus, vel eundem, vel aliū procreat, nisi penitus extincta fuerit, nouo scilicet humore, aut vapore, aut alia substantia genita, à qua morbi quū satis excreuit, aut idoneā qualitatem accepit, repullulāt. Hac profectō ratione febres, quæ prorsus curatæ videbātur, latēte febrili dispositione, redeunt: & vlcerā, quæ vera cicatrice testā putabantur, quū subest mala in vlceratis partibus affectio, humor gignitur, qui vlcus noua facta erosionē dispefcit: omnes ergo morbi, in quibus cōtingit recidiva ex humore, hoc patiuntur, sed nō ex eo perpetuo, qui à priore morbo relictus est, verū sēpius ob genitū ab ipsa, quæ nō abiit, dispositione. Atqui nō omnis dispositio solet residuas facere, sed quæ difficilē tolli potest, quales sunt frigida, & potissimū quæ malignæ existūt: Hæ enim vt perfidæ sunt, ita aliquādo remittuntur, vt omnino sublata videantur: verum postea ex leui quoq; occasione, viribus reassumptis, nonos insultus, nouosq; morbos prioribus similes, aut ab illis diuersos ex humoribus, quos paulatim aceruāt, suscitāt. Est verò etiā aliquādo recidivæ causa humor ex antecedēte morbo derelictus, qui vel mora putrescit, vel affluēte nutrimento corrupto augetur, aut aliquā deniq; qualitātē cōcipit, quorū occasione morbi redeūt. Porro cōtingit per eos morbos relinquī humores, vel ob crassitiē, visciditatē, & multitudinē ipsius humoris, vel ob viriū debilitatē, aut meatū obstru-  
ctiones,

ctiones, aut medici culpa remediorumq; defectu. Occasionē verò putredini præbent quæ calorē intédunt, & noua excreméta pariunt: Augent autē relicta excrementa varius copiosusque victus, & quæ coctionē viriant. Quæ omnia à quatuor rerum generibus superius compræhenlis, ducuntur.

*Breuis, & longi morbi causa.* C A P. X.

**M**Orbi longi & breuis causas methodo non docet Galenus: Nā neq; eas explicat, quæ omnibus morbis sunt cōmunes, & eas de quibus tractat, tū sparsim, tum nullo ordine enarrat. Quū enim ex crasso, & viscido humore, & cutis adstrictione, viriū infirmitate, aëris ambiētis frigiditate, & aliis huiusmodi longos morbos, à contrariis verò breues procreari scribit, causas duntaxat docet morborū, qui ex humore consistunt. At interim causa aliqua est, quæ fracturas, vlcera, & alios morbos, qui sine humore affligūt, breues, aut longos efficit, quā medicus ignorare haudquaquā debet: quū medicina omniū morborū causas, genera, & differētiās polliceatur: nec alioqui commoda remedia illis adhibere, & illorum euentum prædicere valeat, quorū causas non tenet. Ac tanto profectò diligentius in aliis morbis id faciendū erat, quanto plures sunt, qui sine humore, quàm qui cū illo infestāt. Alterius verò generis causa est, & alio modo humor crassus, quàm cutis adstrictio, vel ambiētis frigiditas, aut imbecillitas ægro tantis longos morbos parit: siquidē humor crassus causa est tanquā materia, ex qua morbus cōsistit: Cutis adstrictio causa cū qua longi fiunt: qui excrementorū euaporationē desiderant, & nō nisi rarefacta cure diffari possunt. Aëris circūstantis frigus hac ratione causa est longitudinis, quòd exter nam superficiē densando cutis meatus constringat. At vires ipsæ sunt, quæ morboſis causis euictis, & expulſis morbos tollunt: Quæ si infirmæ extiterint, non nisi longiore tēpore sanitatē comparare valent. Itaq; docendi ratio postulat, vt singula genera causarum excutiantur, & expendatur an ex omni genere, an ex quibusdā duntaxat causæ sumātur lōgi, breuiſq; morbi. Atq; illud etiā imprimis doceamus, quæ omnibus morbis sint cōmunes, & quæ propinquæ, quæve remotæ: vna enim omnium morborum (quatenus longi, breuiſq; sunt) est natura, vnde & vnā oportet esse omnibus cō-

munem causam, peculiare autē, & remotiores in singulis plures, ut proprię, & plures sunt morborum naturę, & proprietates. Est porro ea vna, & cōmunis breuitatis, & lōgitudinis causa, quę ex celeritate, tarditatēque motus sumitur. Qui enim celeriter mouētur morbi, citō ad finem suū perueniunt. Qui verō tardius longiores necessariō euadunt. Atqui non eadem est celeritatis, tarditatēque ratio in omnibus morbis. Nā, qui lethales sunt, quāto minores tanto tardius mouentur, quanto verō maiores extiterint, tanto celerius finē suum assequūtur. In salutaribus verō idem aliquādo, ut in lethalibus, nōnunquā contrariū euenit. Qui enim per crīsim solūtur, magni sunt, & vehemētes, & ferē citius terminantur, quā qui minores existunt sed alio modo desinūt: omnes tamen in suo genere quāto mitiores, tanto citius soluuntur, siquidem ardens febris citius finē suum assequitur, quā fractura, & inter huiusmodi febres quę mitior est, prōptius vincitur, quā alia sui generis. Quare per certa genera morbi diuidēdi, & vniuscuiusque generis breuitatis, & longitudinis causa inuestigāda. Igitur morbi omnes, vel cū vitio humorū consistunt, vel alio modo citra humorē affligunt, cuiusmodi sunt omnes ferē morbi, qui ad partes instrumentarias pertinent. At humor, qui morbū infert, vel sola alteratione emendatur, aut etiā expulsionē eget. Sunt pręterea, ut diximus, omnes morbi, vel salutare, aut lethales: Porro salutare omnes morbi breues sunt, quū citō vincuntur, longi autē quū difficilē: Atqui promptioris victorię causa est nōnunquā morbi ipsius forma. Hac sanē ratione intēperies breuior esse solet, quā fractura, & vlcus: & inter ipsas intēperaturas, authore etiā Galeno, calida, & frigida maturius finiri apta est, quā humida, & sicca, nimirum quod forma naturāque illorū facilius pati, mutarique possit, si modo cętera paria existant: Nam parū vlcus citius quā magna intēperies sanatur. Est & materia ipsa ex qua morbi gignūtur causa breuitatis illorū, & longitudinis, propterea quod vna minore negotio, quā alia vincitur: qui enim ex humore calido consistūt morbi facilius quā qui ex frigido, & qui ex humido prōptius quā qui ex sicco, & ex pauco quā multo, & tenui quā crasso, & ex friabili, quā viscido à natura, artēque vincuntur: vnde diaria febris eo quod ex calida, & omniū tenuissima materia, nempe spiritu consistit,

fiſſit, omniũ breuiſſima, poſt quam ſequũtur biliſi morbi, deinde qui ex ſanguine originẽ ducunt: lãgioreſ, qui ex pituita naſcuntur: omniũ verò longiſſimi qui ex humore melancholico excitãtur. Præbet & ſuas cauſas in hoc opere materia corporis ſubiecti: Nã morbi, qui in ſolida, durãq; materia verſantur, difficilius mutantur, quòd ægrius patiatur ſubiectũ corpus: Partes verò mollioreſ, rarioreſ, & quæ cõcauitates habent, prõptius admittũt remedia, & ſuos morbos deponunt: Quinetiã ex cauſis, ſine quibus, aut cum quibus breuitatis, lãgitudinĩſq; ratio petitur: ſiquidem morbi, qui in locis cõſtrictis & remotioribus conſiſtunt, difficilius ſanantur, diutiũſq; perſeuerare ſolent: quẽadmodum qui longiore mora iam veluti obſederunt, occuparũtq; partem, quam afficiunt. Qua ratione aquã inter cutem, quæ primis diebus ſoluta nõ eſt, eo quòd tempore validioreſ radices iecerit, aut penitus, aut nõ niſi difficillimẽ ſanari poſſe putamus. Efficiunt breuitatẽ, & longitudinẽ in morbis, corporis & medicinæ vires: Hęc enim ſunt, quæ euictis morboſis cauſis ſanitãtẽ laborantibus reſtituunt. Quòd ſi imbecillæ fuerint, tanto proſectò difficilius euincuntur morbi, diutiũſq; perſeuerabunt quanto illarum robur minuetur. Requirit autem morbus nunc haſ, nũc alias vires validioreſ: vbi enim alterationẽ ſolum poſtulat morboſa cauſa, in ſola coctrice robur exigitur. Vbi verò etiã expulſio requiritur, expultricẽ quoq; validã eſſe oportet, quemadmodũ, & attrãtricẽ, & re-tentricẽ, vbi adiectione copioſioris nutrimentĩ morbus tolli debet: Poſtulamur quoque maius robur in facultatibus regentibus noſtrum corpus, vbi interna ſunt vitia, propterea ſcilicet quòd medicina promptius externis malis ſuccurrere poſſit: Interna verò naturæ opera magis tollantur: Sunt verò cõmunes omnibus morbis, quas enumerauimus, cauſæ, ex quibus quæ propriæ ſunt in vnoquoq; breuitatis, & longitudinis, minimo negotio eliciuntur. Ac vt vno exẽplo reliquorũ cauſas intelligere valeat rudior lector, ſtatuamus intemperiem contractã cum vitioſo humore, qui vel alteratione ſola, vel etiam expulſione opus habeat: oſtendamũſq; quæ in vnoquoq; vitio breuitatis, longitudinĩſq; cauſæ reperiuntur. Igitur ſi alteratio coctionem deſideret, breuiſſimus erit morbus, in quo humor facilẽ concoqui poterit: id quod continget ſi concoctrix facultas eſt valida, & humor



ipse ad coctionem aptissimus, qualis potissimum est, qui calidus est, & humidus, tenuis, paucus, & in eo corporis loco positus, in quo facultas concoctrix viget: veluti sunt interna viscera: Quòd si refrigeratione, aut calefactione postulet humor, parvidetur mutationis facilitas. Citissime namque à refrigeratibus & caleficientibus remediis in corpus assumptis, humores intus contenti mutantur: & qui ad externam superficiem vergunt ab admotis idē pari facilitate patiuntur: Eritque ille ad refrigerationem magis idoneus, aut calefactionem qui suapte natura vel loci ratione, aut iuuantē natura promptius pati potest. At si humor qui morbum intulit, alteratione, expulsionēque simul eget, brevis morbus red dicitur, si humor facile alterari expelli que vnā potest, id quod contingit, quum humor calidus, tenuis, paucus, minimè viscosus existit, & in eo loco consistit, vbi naturæ concoquētis robur viget, facileque pater via ad expulsionē: promptēque admittuntur remedia coctionem iuuantia, & humore ipsū educētia. Hoc modo biliosæ febres quàm pituitosæ breuiorē, quòd illæ ex feruētī humore, & tenui, pauciorēque proueniant: continentes verò febres aliis breuiorē cōspiciuntur, propterea quòd humor, qui eas gignit in maioribus venis, & profundo corpore vbi concoctio viget, cōtinetur, ventriculi morbi breuiorē esse solēt affectibus lienis, quoniā integris viribus eo ferri possunt remedia: In via autē exoluuntur, nec facile ob meatuum angustia recipi possunt, qui ad lienem ferri debent. Febres quæ per vomitū, aut alui fluxum solūntur, citius desinūt, quàm quæ per cutem, vacuato humore, terminantur: latiorē enim illæ via sunt, per quas minore negotio, quàm per angustiores cutis meatus excrementa noxia ferri possunt: & quibus contingit per cutē euacuatio, promptius in illis morbi finiuntur, qui rariorē texturam sunt sortiti, omnibus autē naturæ robur, celeritatē addit, tarditatem verò infirmitas, & prædictis cōtraria. Iam verò ob cōtrarias causas longiorē, breuiorēque lethales morbi reddūtur. Nam quū illi citius, tardiusue perimant, quāto maiores, minorēque fuerint: meritò fit vt forma eorū imprimis sit longitudinis, breuitatisque causa: vnde vulnera citius quàm intemperaturæ, aut fracturæ, aut alij morbi occidunt, quod cōferim affligēdi vim habeāt, quæ vel minimū retardari potest, quū perniciofa existant. Inter ipsas verò intemperaturas

raturas, quæ cum humore est, celerissimâ infert mortē: quod ostendūt inflā mationes: deinde quæ calida, vel frigida est, ut in his apparet, qui ob nimium colorem suffocati pereunt vel in itinere cōcreti frigore statim extinguuntur: omnium tardissima est sicca intēperies, quādo hectica febris, & tabes nō nisi post longū tēpus vitā adimūt: Est & causa in his morbis breuitatis, & longitudinis materia morborū. quippē quū biliosus, & sanguineus humor multus, tenuis, malignus celeriorē inferunt mortē, quā qui aliter sunt affecti. Quinetiā subiecti ratione additur his morbis celeritas, aut tarditas, quod ostendūt cerebri, cordisque vitia, quæ minimo tēporis spatio, ut in apoplexia, & syncope cōtingit, perimūt. aliarū verò partiū morbi nō nisi quū longiorē morā cōtraxerint; quod videre est in aqua inter cutē, quæ hepatis vitio per integros annos homines male habet anrequā occidat: An nō etiā tēporis, locique ratione cita sequitur, aut tarda mors, quippē quū videamus humores cōtentos in internis corporis sedibus atque etiā in illis locis, ad quos ægrē remēdiorū vis peruenire valet, aut quorū facultas tēpore iam plurimū inualuit, prōptius aliis occidere. Nec desunt quidē his morbis, & illi, quæ sine quibus, aut cū quibus causæ dicuntur: Nā qui vires habent validas, quibūque nō desunt auxilia, longius vitā trahunt, facillime verò extinguuntur, qui vires habēt infirmas, & præsidiis idoneis destituuntur. At qui per sudores dissoluti pereunt, tanto minore tēpore mortē expēriuntur, quāto cute sunt rariore. & subiectā materiā, quæ expirat tenuiorē, calidiorēque aliis obtinēt. Tardior tamen his mors cōtingit, quā qui pervomitū, aut alui, vel sanguinis profluuiū extinguuntur, quāto latiores sunt meatus. per quos hæ sunt vacationes, quāmi quæ per cutē obeuntur. Atque hæ quidē sunt propinquiore, tardæ citæque salutis aut mortis causæ: aliæ autē, quæ enumerari solent remotiores, veluti cibi, qui crassos, tenues, frigidos, calidos, benignos malignosque humores procreant, & victum deprauatum ægrorantium: somnū, vigiliam, animi affectus, externū calorem, aut frigus, quæ cutē densant, & rarefaciunt, & reliqua huiusmodi mortem, & salutē maturasse, vel tardasse dicimus, quæ quidem per se horum non sunt causæ, sed quoniam vel formam morborum, & vim, vel materiam, vel aliam ex prædictis causis mutarunt.

*Causa morbi salutaris, lethalis, & qui nec  
sanari, nec occidere potest.*

## CAP. XI.



**C**AETERVM salutarem morbum inferunt  
causæ, quæ naturæ, vel artis beneficio vincun-  
tur. Contra verò lethalem gignunt, quæ supe-  
rari nequeunt, quarum sanæ nonnullæ sunt,  
quæ suapte natura id faciunt: Quædam verò  
non nisi vehementius auctæ: Aliæ ob loci naturam aliquan-  
do salutare, aliquando lethales morbos excitant. Porro mor-  
tem inferunt sua natura morbi illi, quorum forma, & vis to-  
to genere perniciofa existit, quales sunt morbi, qui ex vene-  
nis pessimis contrahuntur: Perpetuò salutare sunt diariæ,  
tertianæque exquisitæ febres. Excessus autè ratione salutè  
mortèque pariunt ea, quorū natura & vis perspecta est. Nā  
quæ calefaciunt, refrigerant, humectāt, siccant, atque etiam  
vulnerant, contundunt, rumpunt, & frangunt, suapte natura  
non occidunt, sed quū tantū excesserint, vt earū vis amplius  
cohiberi nequeat. Quum verò mitius agunt, curabiles mor-  
bos pariunt: nisi ob loci, subiecti que rationē aliud eueniat:  
Parua etenim vulnera curantur, si in carne, aut ignobili parte  
constant: At si illata fuerint nervis, aut partibus, quæ prin-  
cipatum obtinent, vt cordi, cerebro, perimunt: Ex spiritu fe-  
bres accedunt perpetuò salutare: ex malignis humoribus  
ferè semper perniciofa, ex bile verò, & sanguine pro humo-  
ris copia, & vitio, vel loci, in quo putrescunt cōditione, nunc  
salubres, nunc lethales: vbi febris vel etiā mediocris vrget,  
ob vehementē cutis adstrictionem, quæ transpirationē pro-  
hibet, mors nonnunquam cōtingit: Quemadmodū etiam ob  
virū infirmitatē, & robur iuuant, lædentēsq; causas mor-  
bi alioqui salutare, lethales, & hi cōtrā salutare redduntur:  
Nam vis valida corporis affecti, & optima quæ adhibentur  
auxilia, omnia cōtemnūt. In aliis verò etiā quæ leuiora sunt  
mala, suspecta habere oportet. Quinetiā tēpus quosdā salu-  
bres morbos reddit, alios exitiosos facit: veluti quum beni-  
gni, mitēsque affectus mora in malignos, & hi in illos trās-  
eunt. Iam verò morbum, qui nec sanatur vnquā nec tamen  
occidit, cōmittunt causę quę vsque adeò imbecillæ nō sunt,  
vt superari queant, nec perinde validæ, vt naturæ remedio-  
rūq;


rinque vim prorsus cōtemnant, qualis est elephantiasis, podagra, cancri, qui ignobilem partē infestant, quorum sanē causa aliquando materia est, vt in elephātiāsi cōtingit, quod genus morbi ex melancholico non tamen prorsus maligno humore consistit: Aliquando verò loci affecti natura, quod in podagra vsuuenit: quibus enim pedes infirmi sunt, in his facile suscipiuntur corporis excrementa, quę quidē morbos pariunt non lethales ob loci ignobilitatem. nec tamen eius generis, vbi iam tempore inualuit affectus, vt penitus abigi possint: Repugnat enim integræ curationi partis imbecillitas, quę sibi ipsi morbos parit, & ab aliis illatos promptissimè admittit: Conferunt ad id morbi genus iuuantēs lædentesque causę, quandoquidē morbi, qui solius naturę opera vinci nequeunt, perseverant affligere, quū idoneis remediis destituuntur, id quod in illis apparet, qui sanitatis cura contempta, toto vitę tēpore scabiem alunt. Nec alienū quidem est ob corporis affecti situm, huiusmodi etiam morbos prouenire posse, siquidē hac ratione. renū, vesicęque vlcera infanabilia putamus, quòd longè distantes affectę partes nunquam remediorū vim integram admittunt: Id quod etiā de effectricibus malorum causis sentiendū est. Nam qui Gallico morbo vocato corripuntur, ob maiorem, minorēque afficientis veneni vim, aut sanantur, aut perpetuò secum ferunt, quem semel conceperunt morbum.

*Causa morbi primarij & per consensum.*

CAP. XII.



**M**ORBV M primarium, id est qui primo partem aliquam infestat, omnes causę ex omni genere efficientium inferre possunt: Nam quę assumuntur, quęque extrinsecus occurrunt partes, quas contingunt primariò afficiunt, & quę sunt, eam, quę actionis est author, primò immutant: atque etiam excrementa locum, in quo continentur, si morbosam vim habent, alterant corrumpuntque, id quod etiam faciunt dum emittuntur. Non tamen æqualem omnia in omnibus vim obtinēt, siquidem, quę extrinsecus agunt, primariò extimas partes, alias deinde lædunt: Quę verò assumuntur in corpus, internis visceribus primariò obstant, aliis autē partibus deinceps. Cæterum per consensum



secundariisque morbos non omnia excitare valēt, sed quorum vis ad alias partes transferri potest, id quod quædam faciunt suapte natura, quædam non nisi quum vehementius excefferint, alia verò ob loci naturam. Etenim quæ calefaciunt, sua vi vnà cum parte primò excalefacta vicinas remotioresque etiam alias prompte iminuant, facile siquidē caloris vis expanditur: quod ostendunt biliosi humores in vētriculo contenti, qui emissio sursum vapore, caput in cōpassionem trahunt, & febres quæ corde primò calefacto vniuersum corpus, emicante à fonte calorifica qualitate, statim afficiunt. Idem præstant refrigerantia, sed minori fortè celeritate, quandoquidem frigoris contracti in pedibus omnes aliæ partes participes quàm primum eundunt. At siccantia, & humectantia, aut alio modo lædentia spargere ad vicina suam vim nequeunt, nisi vel abundè excefferint, aut locum primum occupauerint, à quo reliquum corpus facile affici queat. Nam sæpius crura, aut brachia siccitate contabescūt, interim illæsis aliis corporis partibus. Vehementem autem oportet esse in corde siccitatem, quæ in alias partes deriuat. Hac quoque ratione vulnerato cerebro, contractis statim ad eam partem nervis, corpus cōuelli videmus, atque etiam nervis ipsis vulneratis per cōtinuitatem, communicata læsione cerebro, vnde illi enascuntur, eadem symptomata conringunt. Aliæ autem partes, quæ principes non sunt, nec publicum munus in corpore exercent, suas læsiones aliis impartiri nequeunt, nisi efficientium natura, aut vehementia id faciant. Ergo causæ horum morborum potissimum ab efficientibus, & subiecto sumuntur: Ex materia autem, quæ in corpore consistit, ea sane ratione illi etiam proueniunt, quatenus coniunctæ sunt cum humore qualitates, quæ sunt eorum authores, quomodo ex bile contenta in ventriculo caput per consensum affici magis, quàm ab alio humore dicimus: propterea sci-

licet quòd in-bile calor viget,  
qui facile sursum  
euaporat.

**Causæ**

*Causa morbi proprii, & improprii.*

## CAP. XIII.



**M**ORBVM proprium, qui ita vocatur, quòd permanens stabilisque sit etiã ablata causa, quæ eum peperit affectũ, committunt non omnia sed quæ pertinacem naturã sunt sortita, cuiusmodi potissimum existunt, quæ vulnerant, contundunt, frangunt, aut alio modo in partibus instrumentariis morbos excitant: manent enim hi morbi ablati causis, quæ eos primũ procrearũt contumaci quadã, & rebeli natura, quæ semel recepta pertinacissimè hæret: At quæ calefaciunt, refrigerant, vel alio modo alterant, nisi ob excedentẽ vim vehemẽtius egerint citò spõte sua, aut re fragãte sola natura, ab illis factæ impressiões euanescent. Quinetiã partiũ natura ad horum generationem non parũ confert: Nã quæ inter illas molliores sunt, vt facile impressiões à causis agentibus recipiunt, sic eas minimo negotio deponunt. Contrà verò quæ duræ sunt, quod semel acceperunt, pertinacissimè retinēt. Præterea ex atra bile, pituita, sanguine deindẽ, postremò ex bile pallida morbi fiunt, qui difficilius tollũtur, ex spiritu verò, & vapore qui nullo negotio abeunt. Ceterũ propriũ morbum qui peculiaris est singulis partibus, propriæ peculiarẽsque causæ inferunt, intemperiem quidem quæ alterandi vim habent: structuræ autem vitium in partibus instrumentariis, quæ eam labefactare possunt.

*Causa morbi vniuersalis, & communis.*

## CAP. XIII.



**V**NIUERSALEM morbum, id est qui vniuersum corpus occupat, committunt causæ, quæ totum corpus immutandi vim habent, cuiusmodi sunt, quæ alterando agunt. Nam quæ alio modo corpori nocēt, veluti quæ vulnerant, contundunt, vt vniuersum corpus per se lædere non solent, ita peculiare singulis partibus morbos pariunt. Porro communem omnibus vel certè multis morbum inferũt causæ, quæ communes esse possunt. Vt aër, & aqua: eodem enim aëre, eadẽque aqua, eiusdem regionis incolæ sæpe vtuntur, iisdẽque propterea morbis laborant, si illa noxiam

xiam qualitate conceperint, quæ etiam ex communibus pestilentes morbos gignunt, si vehementiorem, aut malignam qualitatem ex perniciosis ventis, vel ex fœtore cadaverum, aut fumi, ut in castris sæpè contingit, vel ex alio quocunque inquinamento fortè acceperint. Est nonnunquam etiam causa communium morborum communis victus, quum. sex annonæ penuriâ sylvestres herbas hominum turba ingerere cogitur: quod aliquando contigisse suo tempore populis Romanorum ditioni subditis, refert Galenus. At vero peculiare singulis morbi proueniunt ab his, quæ peculiare vnumquemque afficiunt: ob diuersam nimirum viuendi rationem, quoniam enim diuersis alimentis, medicamentisque homines vtuntur, diuersoque modo in reddendis, retinendisque excrementis efficiuntur, nec eisdem animi, corporisque motionibus agitantur, diuersisque rebus occurrant, discrepantibus morbis meritò corripuntur: Confert tamen ad horum generationem subiecta quoque materia, quæ enim in eodem aëre versantes omnes non corripantur ab eisdem morbis, causa est diuersa corporum conditio, quæ non perinde ab omnibus afficitur: Quapropter cause horum morborum à duobus generibus, nempe efficiente, & subiecta materia potissimum sumuntur: Et si non nihil etiam confert tempus, & mora: Nam qui diu in corrupto, pestilenti que aëre commorantur, peste tandem corripuntur aliis omnino illæsis vel minimum certè affectis, qui paululum duntaxat in eodem versantur.

*Morbi maligni & benigni causa.*

C A P.

XV.



**B**ENIGNI morbi à benignis causis, Maligni à malignis nascuntur: ex sanguine enim, & pituita benigni morbi: ex flaua bile, & magis ex vitellina, maximè autem ex atra maligni proueniunt: Quin etiam aëris tempestates pestilentes, malignos, & forte etiam calidæ, & humidæ cōcitata varia putredine, aliæ verò benigniores morbos pariunt: Quod etiam faciunt alimenta, & medicamenta, tum quæ extrinsecus lædunt, & à nobis proueniunt nocumenta: qualem enim singula vim obtinent, talem in morborum generatione exercent: Est autem horum duplex genus. Nam

Nam quædam sunt huiusmodi sua natura, vt venena, quæ toto genere pernitiola censentur: Quædam verò per varias alterationes benignitatem, malignitatẽque acquirunt, veluti biliosus humor in malignam atram bilem caloris vehementia, & insipida pituita in falsam ob putredinem sæpè permutatur: hæc autem alteratione, mixtionẽque benignæ substantiæ mitescunt, malignamque qualitatem exuunt: Præterea partium diuersa natura causa existimari potest, quæ eadem nunc malignos, nunc benignos morbos excitent: Etenim vulnerantia in carnosâ parte benigna, in neruosa maligna vulnera efficere solent. Sic etiam in vtero, ano, vesica maligniora vlcera, quàm in alijs partibus oriuntur: Vnde horum quoque morborum causæ ab efficientibus, & subiecto affecto corpore, ducuntur. Atque etiam tempore, quo malitia acquiritur, aut deponitur.

*De causis morbi simplicis, & compositi.*

C A P. XVI.



**S**IMPLICEM morbum pro leui dictum gignunt causæ, quæ mitiorem agendi vim sunt assequutæ, qualia sunt, quæ leuiter alterando corpus immutant. Hac quidem ratione, ob materiæ quoque diuersitatem, leuissimas febres ex spiritibus, grauiores vehementiorẽsque ex humoribus prouenire videmus: Quod etiam contingit ob corporis affecti naturam: siquidem in carne simplices, in neruo grauiores morbi committuntur. Cæterum simplicem, id est vnum morbum inferunt causæ, quæ vnicam vim habent, vt intemperiem calidam quæ duntaxat calefacere possunt. At verò compositum compositæ causæ præcreant, atque etiam ex compositis complicatos, & confusos morbos complicatæ, confusæque causæ inferunt. Nec non etiam subiecta materia aliquid horum generationi confert. Nam calidi & sicci ad calidos, & siccis morbos concipiendos sunt à natura aptissimi, ad simplices verò affectus, in quibus vnica ex qualitatibus præpoller: postremò qui ab initio simplices fuerant, tempore compositi euadunt, & febris, quæ siccitatem tandem sibi adiungit: quum solo calore primum noceret.

Causæ



*Causæ morbi, qui paulatim, subito, vel confer-  
tim siue per crism soluitur.*

CAP.

XVII.



AM verò morbos, qui subito solvuntur, efficiunt causæ, quæ subito tolli possunt: quales sunt inter efficientes, quæ ob intemperie potissimum calidam, & frigidam morbos pariunt: Prompte enim calidum à frigido mutuo extinguitur: tardius paritur humidum à sicco: difficilime inter qualitates siccum ab humido: Quare ut morbi ab illis prompte, ab his vero qualitatibus paulatim fiunt, ita etiam solvuntur: Atque etiam inter causas, quæ morbos instrumentarijs partibus inferunt, quasdam statim, alias maiore negotio auferre licet. Luxatæ namque partes breui temporis spatio sæpe reponuntur, & fractæ restituntur, reintegranturve, nisi veret partis conditio, veluti in capitis ossibus contingit, quæ contracta coaptari nequeunt, sed extractionem postulant: Tibiæ verò, vel cubiti ossa fracta citò quidè restituntur, & coaptantur, sed integra sanatio longiore eget tempore, ut callus gignatur, qui dissidentia ossa inter se glutinet. Nec minus vulnera, in quibus nihil deperditum est, citò vnione facta coalescunt. Licet etià superabundantes partes, aut aucta substantia in tumore præter naturam elatas subito rescindere: vulnus tamè ex curatione prioris morbi relinquitur, quod longiorè postulat curam: Quinetiam huiusmodi morborum nonnunquam causa est materia. Nam diarię febres confestim solvuntur, quia ex spiritu fiunt, & morbi, quos multitudo sola, vel etià feruor humorum absque putredine concitat, eo vacuato vel refrigerato subito abiguntur. Qua ratione Gal. misso copioso sanguine synochas febres iugulare se solitum commemorat: At si materia, quæ morbi est causa, alteratione opus habet, contingit ut nunc cito, nunc tardè illati morbi expellantur: quippe qui ex solidiore, crassiorique materia, vel multa consistunt, aut plurimum à naturali qualitate recesserunt, non nisi longo tempore emendantur: subito enim huiusmodi vitia vinci nequeunt. Accidit etià loci ratione morbos procreari, qui subitam habent generationem & solutionem veluti in morbo comitiali contingit, qui ex crasso, pituitosoque humore irruente, occupantque cereb

cerebri ciuitates cōfertim nascitur, & soluitur, expellentis scilicet facultatis robore. Eodē modo stomachi dolores ex multa, glutinosāque pituita oborti, ex purgatis per latiores ciuitates ipsius partis noxiis humoribus, statim desinunt. Qui verò morbi substantiæ alicuius regeneratione opus habent, siquidē ea spiritus sit & subito curantur, & gignūtur: quo modo morbi, qui animi defectū inferunt, dissolutis statim spiritibus, accidunt in eodēque regentis, minimo negotio abeūt, vlcerā verò caua, vt paulatim fiunt, sic sanātur, quo sit vt partim ex solutionis ratione, partim ex consideratione, propriæ facultatis causarū morbi, inuenire liceat, à quibus proueniant qui subito, qui vt paulatim, & à quibus finire possint. Cæterum morbū, qui per crīsim, hoc est, cū subita & magna mutatione soluitur, agente natura, cōmittūt necessariō humores, qui cōfertim expelli possunt. Nam ex spiritu subitæ quidem, sed non magnæ mutationes in morbis fieri possunt. In partibus verò solidis, qui nascuntur magno morbi, non nisi paulatim extingui valent. Illæ autem quæ à medicis fiunt magnæ subitæque mutationes, quales sunt quum in febribus sanguinem effundunt vsque ad animi defectum, aut lapides opera chirurgica extrahunt, vel luxata membra manu reponunt, aut aliud denique huiusmodi moliantur, naturæ affecti corporis beneficio nō proueniūt, & à crīsis antea similes mutationes sunt seruātæ. Cæterū oportere expultricem facultatem, & nō aliā in hoc opere exerceri ex hoc constat, quòd quū duæ sint, quæ morbos finiunt, concoctrix nimirum, & expultrix: illa magnas mutationes subito vt hæc moliri nequit. At vehemēter quæ quæ expultricem hanc vim irritari oportet, si harum mutationum author esse debet: Vt enim ea molestatur sic agit. Quamobrem impelli eam vehemēter necesse est, siquidē per crīsim morbos finire debeat. At si irriteretur facultas ipsa nec tamen locus pateat, per quem noxios humores protrudere valeat, frustra ea molietur excretionem, nec expectari potest subita aliqua, magnāque in corpore affecto mutatio, quod sanè ostēdunt laterum inflammationes, quæ perpetuō facultatem huiusmodi commouent, paulatim tamen expurgato humore per tussim dissoluuntur. Quamobrem merito totam huius rei causam in humorem reieciimus, qui vehemēter expultricem excitare, & liberum exitum habere

habere potest. Est porro huiusmodi humor potissimū, qui feruidissimus est, & nullam partem peculiariter infestat, sed in cavitatibus vt venis, & arteriis continetur, aut si partem aliquam obsedit, certè in ea receptus est, in qua huiusmodi sunt vasa, per quæ noxia materia effundi potest. Sic enim vehementes febres per crism solui conspiciamus, mitiores autem minimè. Inflammationes autem hepatis, lienis, cerebri, sanguinis profluuium subito finiri, aut admodum mitescere, aliarum verò partium eisdem morbos agente natura, non nisi paulatim dissolui nouimus. Potest huiusmodi mutatio non solum à calido, & feruente, sed etiam à frigido multo, crassoque humore accidere: Nam hoc modo ventriculi morbi ex tali materia procreati, eo confertim per aluum, aut vomitum expulso, desinunt: & apoplexia in nervorum resolutionem transit, transmissa affatim humore à cerebro ad nervos, quas mutationes meritò inter crises reponimus. Verum etli calidi, frigidi que humores confertim extruduntur, suntque causæ morborum, qui per crism soluuntur, tamen calidi suapte natura potius, frigidi autem magis ob loci naturam, aut materiæ multitudinem, quàm quòd irritandi vehementem vim obtineant, id præstant. Atque hæc quidem satis de morborum ipsorum differentiarumque eorundem causis, quantum nostrum institutum exigit, dicta sint: quibus (patefacta methodo) quilibet meliora forte excogitare poterit, & in vnoquoque morbo proprias, peculiareque causas inuenire: quod enim nos generatim, communique omnibus tractatione, explicare primi (vt arbitror) in hac re tentauimus, vtile, vt speramus, id in singulis vnusquisq; sibi sentiet: Nam qui nouit à quibus causis magni, continui, intermittentes, acuti, calidi, frigidi, aut alterius modi morbi proueniant, facile intelligere quoque poterit, quid febrem magnam, acutam intermittentem, aut alium alterius generis morbum committat.

IOANNIS ARGENT-  
 TERII DE GENERIBVS,  
 ET DIFFERENTIIS  
 SYMPTOMATVM  
 LIBER VNVS.

*Quid symptoma.* CAP. 1.



**I**RIA esse præter naturâ, morbos scilicet, causas morborum, & symptomata, sæpius à Galeno ostensum est, & iam dudum ab omnibus medicis, suadente ratione, receptum. Itaq; iam postulare videtur nostrum institutû, vt postea quàm de morbis, illorumque causis egimus Galeni imitatione, ad symptomata quoq; trãseamus. Quæ quidem res nõ solum cognitu pericunda, sed etiã medico summopere necessaria existit: Quid enim quæso iucundius, quàm posse cognoscere (quod hæc tractatio promittit) quot, quibûsve modis, & à quibus causis corporis qualitates, actiones, excrementa, & alia deniq; omnia opera, quæ in nostro corpore obeuntur, mutari, vitariq; cõtingat? Sunt (vt postea ostẽdemus) symptomata causarum, morborumq; effectus: Quo fit vt illa sine his cõtstare, aut planè cognosci nequeant: siquidẽ effectus signa sũt eorum, à quibus proueniũt: nec causarũ natura, & vis, nisi perspectis eorũ effectibus, planè intelligi potest. Quinetiam ad curationẽ facit plurimum huius rei explicatio. Nã quædam à morbis, & causis nascuntur, quæ curationem sæpius interrumpunt, & aliud medici officiũ requirunt. Alia verò huiusmodi vim nõ habent: qua ratione nunc mitigatione, nũc curatione præsentibus symptomatis, aliquando præseruatione opus esse dicimus. Quæ nemo vnquam rectè intelligere poterit, qui prius integram de symptomatis tractationem non absoluerit. Ac inter omnes quidem Galeni libros diu sum admiratus eos potissimũ, quos ille de hac re cõscripsit: Nec immeritò quidem, vt mea fert opinio: siquidem alij ferè omnes si cum his cõferantur (quod omnes etiam, qui iudicio aliquo sunt præditi, & medicinæ non ignari farẽtur)

negligentius ab autore elaborati videbūtur: verum quum diligentius. ſæpiuſq; eos legere (quum de eadem re ſcribere inſtituiſſem) coactus fuerim, multa ſanè optimè à diuino eo autore tradita, cōfirmato priore iudicio, cognoui: nōnulla tamen alia depræhendi, quæ fortè meliore docēdi methodo ſcribi. doceriq; poſſent. Verū ne alia proſequamur, quæ ſuo loco oſtēdentur, illud imprimis cōtemnendum nō eſt, quod ad nomen ipſum pertinet. Nā quum primo libro methodi medendi, & in Arte medicinali *συμπτωμα*, quod noſtri caſum vererūt, & *συμβεβηκός*, quod à noſtris accidens dicitur, inter ſe diſtinxiffet: quod illud præter naturā, hoc verò ſecundū illā eſſet. Poſtea in libro de Optima ſeſta, & paſſim alibi hæc nomina inter ſe cōfundit, quū ſcribit quædā eſſe ſymptomata ſecundum naturā, vt niger color Indis, quædā verò naturæ cōtraria, veluti nares acutæ vi morbi factæ. Scribit etiā libro primo methodi ſymptoma eſſe quod ſequitur alterationē ſecundum, vel præter naturā. Sic accidentia morbi pro ſymptomatis ſæpe uſurpat, vt quū ſcribit octauo capite artis, medicinalis ſymptomata etiā propriè vocari accidentia. Vnde quidē Græci medici, quæ morbū ſequuntur, nō ſymptomata, ſed *επικυρῶντα*, id eſt ſuccedentia ſcilicet morbum appellare maluerūt. Ducitur autē ſymptomatis nomē à verbo *συμπίπτω*, quod eſt (ſi vim vocabuli exprimas) ſimul cado, vt *συμβεβηκός* à verbo *συμβαίνειν*, quod idem ſignificat, quod ſimul euenio: ſimul enim veniunt effectus cū ipſa cauſa, à qua proueniunt. Nec tantū diuerſa ſignificatione, quàm diuerſo uſu, & uſurpatione hæc vocabula inter ſe differunt: quū pari felicitate, quod aliud ſequitur, ſignificent: Accidēs autē verbum noſtrū nō oſtendit aliquid, quod aliud ſequatur: Accidere enim corpori dicimus nō ſolum morborū effectus, ſed etiā ipſos morbos, & eorum cauſas. Iam verò quid ſymptoma ſit, medicis explicandum eſt; de qua re etiā varia ſcribit Galenus. Nā in libro de Differentiis Symptomatum, quicquid eſt in corpore præter naturā, generaliore quadā ſignificatione, ſymptoma eſſe deſinit: Propriè verò intelligendum quod morbum tanquā illius effectus ſequitur: ſive quod alia omnia cōtinet præter naturam excepto morbo, & illius cauſa; quæ poſtea in ipſa tractatione nō ſeruat: nam libro primo, & ſecundo methodi medendi actiones laſas à ſymptomatis diſtinguit: quū tamē morbos ſequantur, & inter propriè

priè dicta symptomata in libro de illorum differentia ab eo comprehendantur: Præterea vocat etiā symptomata morbos, qui ex aliis morbis nascuntur, vt febrē dicit esse symptoma pleuritidis in libro de cōstitutione artis: Adde quod nō nulla enumeret inter symptomata, quæ eo posito principio, in eorum numerum recipi nequeunt. Alia vero reiiciat, quæ non minus, quàm alia recipere oportet. Si enim symptoma est præter naturā, id autem est, quod plurimū à naturali statu recedit, quis pandiculationem, palpitationē, ructus, crepitus, sternutamentū, rufsim inter symptomata reponet? Quis tumorem partis, vt ille facit in libro de Differentiis morborum, qui ad tantā magnitudinē nondum excreuit, vt actionibus incommodare queat? Necesse namq; est totū corpus, vel partem, quæ præter naturā habet, ægrotare, nec suas functiones ob insignē læsionem cōmodè exercere posse: Atqui per prædicta symptomata nihil, aut certè parum admodum corpus afficitur, sæpèq; etiā nullis præsiidiis, quæ morboſis affectibus debentur, opus habet, sed illa, vel statim sponte desinunt, aut parū cōmutata viuendi cōditione, nullo negotio euaneſcūt. Quod si leuiora hæc vitia inter symptomata statuuntur, licebit etiā minimas quasq; ab optima constitutione euerſiones inter ea ponere, quæ præter naturā censentur: quo fiet, vt nō solum temere alibi neuter status inter sanos & ægros sit positus, sed etiā decreta eorum approbētur toties ab eo reiecta, qui corpus nostrū continuè affligi, morbisq; vexari censebant. In quo præterea genere Symptomatum tumor ille qui ad eam magnitudinē non excreuit, vt actionibus obesse possit ponetur: an inter excrementa, vel qualitates corporis, vel actiones læsas: quod nulla ratione fieri potest, si ea legamus quæ ille sub illis generibus cōprehendit: an inter morbos, vel causas morborū, si forte dicamuseū intelligere eo loco symptomatis nomine quicquid est præter naturā: At morbus nō est, si causam esse dicit: nec causa morbi esse potest, si morbū ob suam paruitatē nequit inferre: Quare nullo pacto symptoma erit censendus. Cæterum quū sanguinis profusiones, vomitiones, & alias excretionēs toto etiā genere præter naturā, à symptomatum consortio seiungit, si modo tempestiuè fiant, id est (vt ille in libro de Differentiis symptomatum interpretatur) expellatur id, quod molestat, cōtenditq; nihil eorū, quæ ad animalis

commodum peraguntur in corpore, inter symptomata reputari debere, sui mihi videtur obliuisci. Sic enim tussim, rigorem, horrorem, singultum, sternutamentum, crepitus, vomitum, alui profluium, quorum beneficio natura sese à noxiis, morbosisque; causis expurgat, inter symptomata temere collocaret, illorumque; causas dum aliorum symptomatum causas inuestigat, explicaret. An non etiam libro secundo de Causis symptomatum scribit quædam ex illis naturæ esse opera violentius à morbosa causa concitata? Cui simile est illud, quod habet libro tertio eiusdem operis, expultricem scilicet deprauato motu niti, quum per singultum noxias causas expellere studet. Quod si ita res habet, necesse profecto est multa ex symptomatis ad animalis commodum (quod negat in libro de eorum Differentiis) pertinere: siquidem eorum beneficio natura utilitati studet: Nonne enim quemadmodum à malis humoribus irritata facultas tussim commouet, sic etiam sanguinem, à quo molestat, per diuersas corporis partes sæpè effundit? & vellicantes ventriculum acres humores, aut copia grauantes, excitata huiusmodi facultate, extrudit pari omnino in omnibus utilitate, & incommodo, parique; etiâ facultatis robore? Quamobrem eadem quoque ratione hæc omnia sub natura symptomatum comprehendere oportet. Quod si quæadmodum symptomaticas eas excretiones vocare solet, quæ obsunt, symptomata etiâ appellaret, quæ perpetuò nocent, & alio nomine quæ per morbum profunt vacuationes, & conferentia symptomata donaret, non esset quod damnare possemus: sed quum hæc omnia mutuis nominibus nuncupet, probare non possumus tractationem, quæ omnia confundit, & multorum errorum occasionem præbet: Illud verò etiam, quod scribit symptoma pressius sumptum nihil aliud esse, quàm quod morbum tanquam umbra corpus sequitur, contenditque; omne symptoma à morbo provenire, eo etiam authore, quum de horum causis agemus, ostendemus non esse rationi consonum: propterea quod non solum à morbis, sed etiâ à morborum, naturaliumque rerum causis multa nascuntur symptomata. Ergo intelligit ille symptomatis nomine, aliquando quicquid est præter naturam, aliquando id quod secundum naturam existit: nonnunquam id quod sequitur morbum: aliquando id quod provenit non solum à morbis, sed etiam à causis morbi: aliquando excipit à symptom

ptomatis actiones morbosas: aliquādo verò symptoma vult etiā sequi sanitatem, & statum secundum naturā: vult nonnunquam symptoma esse nō solum quod in ægrotis fit, sed etiā à natura vincente, & extrudente quod obest: aliquando symptoma ei est, quicquid à morbo cōmittitur siue morbus sit, siue aliud: aliquando symptoma statuit esse effectus, qui obfunt ægrotis, vt excretio symptomatica: adeo vt nihil perpetuum, & stabile doceat hic author: toties enim mutat sententiā, quoties de eadē re agit: Scripsit in libris de morbis, de symptomatis, in Methodo medendi, in opere de locis affectis, in libris de placitis Platonis, & Hippocratis, & alibi passim integras paginas, de nomine morbi, symptomaticis, causæ morbi, passionis, actionis, dispositionis, siue affectus, nec vnquā stabilire aliquid in ea re potuit: quod postea docēdo sequeretur: Scribit de nominibus statim esse conueniendum: cum interim ipse nullum de illis loquendi finem faciat: nunc sequitur quod alio loco improbavit: atq; ita suam tractationem, & nos ipsos confundit: Ego verò in meo hoc opere symptoma intelligo, quicquid præter naturam morbis, & illorum immediatis causis exceptis, in corpore reperitur.

*De generibus, & numero symptomatum.*

C A P. I I.

**G**ALENVS in libro de differentiis symptomatum tria in vniuersum symptomata esse ponit, Actionem læsam, excrementa, & qualitates corporis præter naturam, quæ primas sequuntur: nihil enim horum morbus est, nec morbi causa proxima (nam remotæ causæ morborum symptomata aliquando euadunt) veluti cum nimia vigilia, aut somnus immoderatus, motus, excrementa, quæ præter naturam retinentur, aut emittuntur, aliæque huiusmodi, præsentis morbos intendunt, & novos etiam alios pariunt: Verum vt mea fere opinio alia præter enumerata symptomata sunt addenda: est enim cibus male concoctus, & sanguis qui per morbos corrumpitur symptoma, vt omnibus constare puto, quum intemperiem, & vitiatam actionem sequantur, perinde, vt secundæ qualitates: quum tamen in nullo ex prædictis symptomatis hæc contineantur. Nam quod aliquis dubitare posset, sub



excrementis nequaquā cōprehēduntur: quippe cū excrementa vocūtur, quæ ab aliis post cōcoctionē segregata, extra corpus excernuntur, excretionēmq; postulant: quod his nō conringit: Nam etsi cibus male conficitur in febricitantibus & improbus sanguis gignitur, nō tamē propterea iudicamus, ea excrementa esse, & tanquā inutilia reiicienda: Id quod etiam euidentius in carne spongiosa, aut alio modo vitiosa apparet: Quæ etsi huiusmodi gignitur, in corporibus morbo oppressis, aliud tamen quā excrementū eam esse putamus, dolore præterea, & præter naturam voluptatē, symptomata nemo esse negauerit, quæ tamē sub nullo ex prædictis tribus generibus symptomatū cōprehenduntur. Quod quidē ob quorūdam inscitiam, ne dicam malignitatē, paulō diligentius docere institui, ab ipso nomine exorsus, ne alicui imponant varia illius significata. Porro nomē doloris, quē græci πόνος, λυπώ, ἀλγύδουρα, ἀνία, δόλω, κίπον, & ἀλγήμεν, vocant, ut Galenus aphorismo sexto libri secundi, & alibi testatur, duo significat, dispositionem, siue causam ipsius doloris, vel molestiam illam, quā omnes cōmuni conceptu intelligimus, doloremq; vocamus, nec teritiā significationē apud Galenū est reperire, ut quidā sentiunt: qui scripserunt hoc nomine etiā significari actū eum in quo dolemus: neq; enim illi authorē habent, ex quo id probare possint, aut certe non Galenū, cuius opinionē se tueri posse dicunt: eo quod dolor apud illū bifariā vsurpetur, vel pro actū quo dolemus, vel pro eo quod voluptati opponitur. Duo quidem doloris nomē significare scribit Galenus, sed nō ea quæ illi ponūt: Nec illud quod dicūt, id probat, ut rationale, ita dolorē duo significare: non enim ex aliorum nominū duplici significatione, sed ex loquendi vsu accipere debemus, quod vno modo, vel pluribus vsurpatur: Igitur cū dolor apud Galenū significet dispositionē dolorificā: & id quod voluptati opponitur, de illa significatione postea, de hac verò nūc agendū. Ac quū omnes fateantur dolorē esse symptoma, etsi aliquando morbi causa remota fieri potest, certūmq; sit eū, nec inter qualitates alicuius sensorii, nec inter excremento reponi posse. Hactenus putarunt medici, dolorē esse actionē, & sensationē læsam: & cū illorum opinione omnis actio læsa sit, vel abolita, vel debilis, vel deprauata, ponūt dolorem inter deprauatas actiones, eo quod per dolorē sentiri dicāt, quod nequa

nequaquam sentiri debet: Addunt & quidā philosophi qui de hac rescripserunt rectē Galenū, & Aulicennā dixisse, dolo- rem esse tristēm sensationē: id enim ostendere ea quæ dolo- rem excitāt. Nā quæ tendūt, vel pungūt, vel alio modo dolo- rem excitāt, id faciūt interim cū agunt, nō autē postea quā- m agere desierūt: ex quo inquiunt patere dolorē in actione cō- sistere, actionēmq; esse: Ac tandē illi definiunt dolorē esse asperū, siue molestū sensum præter naturā cōfertim factū, à mala Temperie, cū solutione cōtinui: cōtrā verò voluptatē, sensum esse blandū, secundū naturā, cōfertim genitū: Accur- santq; nos satis apertis verbis quòd hic antea docuerimus, dolorē nō esse sensationē, vel actionē aliquā. Contra quos iam disputare aggredior, nō ut mihi patrocinari velim, sed ne veritati desit patrociniū in tantis sectis, rātis cōtentioni- bus, tanta cecitate, & malignitate quibus difficultatibus hō- diē premūtur, qui liberā docendi rationē profitentur: Ac il- lud solū aduersus illos adfero, si Galenus recte dixit dolorē esse actionē: Cur illi postea cū Aristotelis opinionem excu- tiunt, id negāt asseruntque; quod nos putamus verum esse, eum inquā sequi actionem, vel certe in ipsa actione; & sen- satione fieri. Nonne redarguūt iam illū, quem recte sentire conati sunt ostendere, & lōga disputatione defendere labo- rarūt? Iam verò si dolor est actio, edet aliquod opus, ut alias actiones facere videmus: nā concoctio aliquid cōcoquit, vel certe pars corporis cōcoquendo aliquid facit, ut chylum in vētriculo, sanguinem in hepate, quid verò dolor agitur; aut quid per dolorē, vel dolendo operabitur id, cuius actio do- lor esse censetur? Nā ut oculus videndo aliquid agit, nempe videt obiecta, sic si dolor esset actio alicuius sensorij, hoc ipsum dolendo aliquid efficeret. Cæterū si dolor est sensa- tio, haberet aliquod peculiare obiectū, circa quod versatur; ut visus circa colōres, auditus circa sonos, odorātus circa odo- res, gustus circa sapores, tactus circa primas, & alias suas qualitates: At doloris quod nā quæso erit obiectū. Deinde si dolor est sensorio, erit alicuius sensorij actio & sensorio nō est autem actio visus, auditus, gustus, odoratus, tactus: quip- pe cum in omni sensatione dolor fiat: & propterea peculia- ris alicuius sensus actio esse nequit: cōmūis autē nulla est actio omniū sensuū, et si cōmune aliquid est, quòd de singu- lis sensationibus iudicat, & quorundā sensuū cōmunia quæ-

dam sunt obiecta: Ad hæc sentire est cognoscere, & sensatio est cognitio quædã, vt recte inquit Arist. At dolere nõ est cognoscere, nec dolor est cognitio. Addo quod dolere & sentire est pati, vt docet Aristoteles, quare dolor actio esse nõ potest. Virget & illud hæc opinionẽ, quod in nullo actionis læsæ genere posito à Galeno, reponi possit: nã vt nemo dubitat dolorẽ non cõtineri sub debili, aut abolita actione, ita euidenter hallucinãtur, qui eũ putant esse deprauatã actionem, ea ratione quod vrgente dolore sentiat aliquid, quod abest, dum corpus recte valet: nam etsi verũ est dolorẽ fieri à re molestante, qua caret corpus, quod nullo dolore affligitur: non tamen ob id deprauatã est actio, quã illud percipit, non magis profecto, quã si quis diceret deprauatã esse visio nem, cũ res molestas apprehendit, ac tales esse agnoscit, quales sunt. Eset quidem deprauata actio, si eas non perciperet, tales esse quales existunt: quo modo illos deprauate videre cõsetmus, qui quã rubra sunt iudicant flaua, aut duplex quod est simplex, aut perforatũ quod est solidũ, aut sublime quod est humile, eadẽ ratiõẽ deprauate eos iudicare dicimũs; qui delirant, in dolore verò, quũ percipiatur id quod õbest, nullus est error in ipsa actione: Quare nec ipse dolor p̃or actio aliqua esse: quum nec abolita nec debilis, nec deprauata sit: & quo modo quæso deprauatã erit actio, si nequit actio esse? Quod si ad Galeni placita res est reuocanda, inueniemus illum nequaquã putasse dolorem esse sensationẽ: etsi aliquando vbi negligentius rem tractat id scribere viderut. Nã in arte medicinali, vbi agit de signis corporũ ægrorantiũ apertissimẽ distinguit signa sumpta ab actionibus lætis, ab illis quæ sumuntur à dolore: idẽ docet in libro duodecimo methodi, ac passim alibi, sed euidentissimẽ in libro de differentiis symptomatũ, vbi enumeratis, sensuũ symptomatis subdit dolorẽ, & voluptatem peculiaria quædã esse sensuũ symptomata: illorũque vim in sensu tactus insignẽ apparere: In primo verò sensorio cerebro inquã ipso fieri *appropinquat*, id est vigilantia siue vigiliã præter naturã, & coma: hoc nomine soporosos omnes affectus intelligẽs: tanquã alterius naturæ essent hæc à prædictis symptomatis, quo loco etiam aperte scribit, tactũ in sua actione insignẽ symptoma expectiri, nempe dolorẽ. Ex quibus verbis patet ipsum dolorẽ nõ esse sensationẽ, sed in sensatione fieri. Quod si Galeni dicta concil

conciliare velimus facile illa ita interpretari poterūt: nam quum dicit dolorē esse tristem sensationē, nō dolorē ipsum definit, sed modū, quo dolor efficitur: tūc enim dolor nascitur, quū tristis sit sensatio. Eandē opinionē refellit Arist. decimo libro ethicorū, vbi scribit absurdū esse, arbitrari dolorem, & voluptatē esse sensationē, aut actionem: eos autē ita credere qui nequeunt actionē ab eo, quod in ea sit, separare: Itaque quum dolor nō sit sensatio, non est quod laboremus in aliis partibus definitionis refellendis: nam si genus definito non conuenit, mala tota definitio statim proditur: Quin potius examinemus alias definitiones, quæ de dolore traduntur: definiunt enim illi ex Arist. (vt aiunt) opinionē, dolorem esse passionē in appetitu, sequentē cognitionem, & iudiciū sensus: sed nō video quo modo id probent: Nam Aristoteles nulla appetitus facta mentione, lib. vj. Topicorum, definit, dolorem esse passionē animalis, factam cū violentia, à distātia partiū cohærentiū. Aiunt illi etiā Aristotelem septimo Ethicorum dicere, animal in sentiēdo laborare, tum quod spiritus in functione laboret, tū quod sequatur affectus in appetitu: ex quo asserūt dolorē esse affectū in appetitu, ex sensu ortū: sed vt dicā quod sentio, fingūt illi multa in hac re Aristotelis esse, quæ illius authoris nō sunt, aut certe nō ad dolores, & voluptates corporis, de quibus potissimū agimus, sed animi voluptates, & nequaquā ad dolores pertinent: scribit quidē ille vltimo capite illius libri animal semper laborare & ipsum videre, ac audire dolorē inferri: Sed huiusmodi dolorē nos nō sentire propter cōsuetudinem verū hoc ex aliorū opinionē tradit, vt ex illius cōtextu quilibet cognoscere potest: Præterea nō scribit ille animal laborare, eō quod spiritus in functione laboret: nā quis labor spiritibus tribui potest? Quod si illi volunt, animal in sentiēdo laborare ob laborē spiritū, & affectū qui in appetitu sequitur, & ex hoc putant elici doloris definitionem, quod sit affectus in appetitu ex sensu ortus, cur etiā spiritus in definitionē ipsa nō assumitur: Si enim utrūq; necessariū est ad doloris generationē, labor inquit spiritus, & affectus qui sequitur in appetitu, absurdū est vno assumptō in definitionē alterū relinquere. Omitto quod illi nō doceāt quid dolor, & voluptas sint, sed modū explicent quo hæc fiunt: aiunt enim ex labore spiritū, & affectu in appetitu utrūq; fieri, at

hoc est causas, & modū docere generationis doloris, & voluptatis: nō autē definire quid illa sint. Ac nec illud quidē percipere possum quid appetitus cōferat ad dolorē, quidq; cū eo cōmune habeat: appetimus enim quę sunt iucūda, reiicimus verō & spernimus, quę sunt tristia: cuiusmodi est dolor. Voluptates quidē appetimus, & illę in cupiditate, & appetitu cōstitui possunt: At dolor nequaquā. Adde quod Aristoteles eodē libro doceat, voluptates quāsdam esse sine cupiditate, quo fit vt dolorē, & voluptatē, ex cupiditate, & appetitu nequaquā definire possimus: vt potē quę nō omni voluptatis & tanto minus omni dolori cōuenire possint: Sed quis huiusmodi definitionē doloris probabit quę ipso definito est difficilior? Quapropter ex noto aliquo principio queramus aptam, & perspicuā doloris definitionē: sumemus autē principiū quo vtitur Galenus in morbi definitione inuestigāda ex cōmuni omnium cōsensu. Vt enim omnes homines dicunt se agrotare, quando sui corporis cōpositionē labefactatam agnoscūt, sic se dolere aiūt, quādo re aliqua molestant. Quare dolor molestia quādam est, at nō omnis molestia dolor est. Etenim calor, frigus, lassitudo, cibus, potus, medicamentū, molestia sępe sunt, pariūtq; corpori molestiā, sed sępe citra dolorē: Quare addendū est in definitione id quod molestiā parit dolorificā: Est autē id, (vt postea ostēdemus) quod cōtinuū soluit: ea enim molestia & passio, quę a cōtinui solutione nascitur, cū dolore est. Verū nec omnis passio, quę fit ab his quę violāt cōtinuū est dolor, nec cū dolore: nā vulnere ossiū, & etiā ipsius carnis, & nerui, aliquādo nullū pariūt dolorē vt in certamine acri, & delirantibus cōtingit, ad quod nō alia ratio nē (vt postea etiā docebimus) accidit, quā quod desit facultas, quę passiones illatas apprehēdit, & diiudicat. Accidunt pręterea dolor, & voluptas duntaxat in actione, id est quū agimus aliquid, sentimus, cogitamus, nec in omni quidē actione, sed duntaxat in sensu, & functionibus, quę principes a medicis vocātur, nec non in illis, quę vitales, & cordis passiones nūcupant, in naturalibus verō vocatis animalibus, & moriuis, nec dolor, nec voluptas sunt: nā vt sensoria sentiēdo dolorē, & voluptatē experiūtur: sic in cogitatione, recordatione rerū animus aliquādo suos dolores, suāsque voluptates capit: ex ira, & tristitia, & nimio etiā gaudio, & risu nascitur in corde dolor, & tunc solū quando fit actio. Sed de

his postea quedam diligentius proponemus. Quod si ita est, quid aliud erit dolor, quam molestia & passio, quæ agendo percipitur, ex solutione continui nata, siue molestia, & passio, quæ fit in sensu aut animo, à soluentibus continuum? nam, ut postea ostendemus, non solum in sensu, sed etiam in animæ actionibus, quæ subiectæ sunt dolori, & voluptati, dolor nascitur, ab his quæ continuitatem partium diuidunt: suo enim modo, ad subiecti diuisionem anima pati. & diuidi dicitur: Porro huius definitionis partem, quæ est de solutione continui ex Aristotelis sexto libro Topicorum sumo: non enim omnes passiones, sed eas solum quæ à diuidentibus continuitatem partium oritur, dolorificas esse docet: Quod verò fiant dolor, & voluptas in ipsa operatione idem scribit libro decimo Ethicorum: Esse verò tum dolorem, tum voluptatem passiones, & dolorem esse molestiam quandam, voluptatem verò iucunditatem aut aliud quod molestiæ opponatur, omnibus constare puto: non ergò dolor est ipsa actio, ut sensatio tristis: sed molestia, quæ fit in tristi sensatione: sic dolor qui ad cogitationem pertinet, non est ipsa cogitatio tristis, sed molestia quæ in cogitatione nascitur, ab eo quod habet vim inferendi dolorem: ita ut in sensoriis, ex sensu rei diuidentis nascatur dolor, ex sensu verò rei vnientis voluptas: In animæ verò facultatibus, secundum naturam cuiuscunque facultatis & actionis, pari ratione à re diuidente, & vniente, dum fit diuisio & vnio, dolores & voluptates fiunt: Sed hæc (ut diximus) cognitis istorum causis clarius patebunt. Ergo ut tandem colligamus quod ab initio docendum proposuimus, plura sunt genera symptomatum, quam actio læsa, excrementa, & qualitates corporis præter naturam: Verum non omnia sunt ex primo genere: nam actio primum vitiat, ad hanc postea sequuntur excrementa corporis, qualitates, aliæque præter naturam opera: & in aliquibus partibus dolor, voluptas, vigilantia, & sapor accedunt: Ut enim vnā actionem læsam alia sæpe sequitur: sic sensationem in propriis sensoriis, tristem quidem dolor, iucundam autem voluptas, prohibitam verò delationem virtutis sensitiuæ, & calidi innati ad omnia sensoria, sopor, nimium autem calidi motum, vigilantia comitatur.

*De generibus actionis læsæ.*

## CAP.

## III.



**V**NVM esse commune symptoma actionem læsam, & ex ea non solum qualitates, & excrementa, sed etiam alia opera, quæ perperam in corpore obeuntur: veluti est cibus malè concoctus, prouenire, antea abunde ostensum esse puto. Quinetiam per qualitates, quæ symptomata sunt, intelligendas viſiles, vt colores præter naturam, audibiles vt sonos, qui in corpore excitantur, odorabiles foetidas scilicet qualitates, quæ odore percipiuntur, & gustabiles, vt sapores, qui ex humoribus linguâ inficientibus sentiuntur: atque demû tactiles, vt duritiê, mollitiê, asperitatem, læuitatem, & alias qualitates, quæ tactui subiiciuntur, primis exceptis, quæ morbi sunt causæ, non effectus, omnibus constare arbitror. Illud verò nec etiam apud insignes medicos satis patet, quocum sint actionis læsæ genera: Etenim Galenus non aliter actiones læsas diuidere solet, quàm in debiles, abolutas, & deprauatas: quæ certe diuisione, vt mea fert opinio, omnia functionis vitiosa genera non compræhendit: Id quod, quilibet cognoscere poterit, qui perspectû habuerit, quid per abolutam, debilem, deprauatamque actionem intelligere oporteat: quod utcumque nec quantum res ipsa exigat, expressum existimo: & vnâ etiam pro alia sæpius vsurpatam non sine artis cõfusione ostendere possum. Nam vt nemo est, qui non intelligat eam functionem abolutam vocari, quæ nullo modo amplius fit, & prorsus quantum sensus iudicat, periit, quo modo apoplexia sensus & motus abolitio definitur: Ita de alijs maior difficultas est. Etenim Galenus imbecillitatem in libro de Differentiis morborum, symptomatumque Differentiis & Causis, ac etiam in Methodo medendi, nunc pro parua intemperie, nunc pro magno, aliàs pro actione debili vsurpat. Debilem verò actionem nunc vocat, quæ vix fit, longiorêque tempore eget, vt perficiatur, aut etiam nunquam perfectionem assequitur: Quemadmodum eos dicimus debiliter concoquere, qui vel planè vsque ad naturalem & solitam mediocritatem alimentum permutare nequeunt, aut si id faciunt, longiore tamẽ tempore solito opus habent. Nonnunquam tamen eos debilit

debiliter agere scribit, qui confusè agunt, veluti quum eos debiliter audire viderèque dicimus, qui confusè audiunt, & vident. Verum alia etiam vitia sub debili functione comprehendenda esse puto, qualis est ea actio, quæ quum semel continuato negotio opus suum perficere debet, ob debilitatem illud intermittere & pluribus vicibus absolvere cogitur, cuius etiam generis est quæ post iustum tempus opus aggreditur, & quæ paulatim agit, quod confertim perficere deberet: Ergo debilis sit, quæ nunquam perfectionem operis sui assequitur, vel longiore tempore, aut confusè, & quæ intermittit, vel paulatim agit, vel post iustum tempus ad opus conficiendum excitatur. Depravata autem actionis nomen cum aliis sæpe confundit, & propriam illius significationem exemplis duntaxat, nullaque generali ratione docet. Nam libro tertio de Causis symptomatum depravatam coctionem sub se debilem, & corruptam continere scribit, id quod de mala in libro de Differentiis antea prodidit. Alibi verò, ut antea diximus, actionum vitia in abolitas, debiles, & depravatas statim distinguit, aut in malam, & perditam: eam verò, quæ mala est in debilem & depravatam: Sumit etiam nonnunquam difficilem pro depravata, quemadmodum quum in libro de Differentiis symptomatum coctionem depravatam dispepsiam, id est difficilem coctionem vocandam esse, non apepsiam contra nonnullos censet. Sed hæc quidem leviora essent: si quid nomine depravatæ actionis intelligendum esset, aliquando ostendisset. Nā quod depravata idem sit, quod corrupta siue vitiosa, sæpius ab eo ostensum est: sed quid per corruptam intelligendum esset, doceri etiam oportebat. Ponit etenim rigorem, horrorem, convulsionem, palpitationem, tremorem, singultum, rursim, ructum, sternutationem, pandiculationem, dentium stridorem, oscitationem inter motus depravatos, sed quæ huiusmodi censendi sint constare non potest: quippe quum illi motus plurimum inter se differant, & non nisi perspecta depravatæ actionis natura, in qua conveniunt, quales sint intelligi possint. Coctionem autem depravatam definit esse alterationem in alteram qualitatem, quam sit ea, quæ secundum naturam: sed nec trahi potest hæc definitio ad omnes alias actiones. Nec etiam debile à depravata satis distinguere videtur: Nam qui perfecte alimentum non concoquit: sed paulo frigidius relinquit



linquit, non assequitur qualitatem, quæ secundum naturā existit: nū tamē, ppter ea depravatā, sed debilē potius huiusmodi cōtionē nuncuparemus. Qua ratione debiliter, non autem corruptē alimentū in ventriculo concoquere eos dicimus, quibus ea pars frigidiorē intemperie est affecta. Ac profectō mirari licet, quod Galenus in libris de Morbis, & Symptomatis, vbi generalem cōmunēque omnibus doctrinā proficitur, nihil ferē cōmune doceat, sed perpetuō in singulorum explicatione versetur. Quo sanē fit vt alia, quæ traduntur in aliis operibus difficilia propterea videantur, quod à nullo certo principio sint ducta: Nihil enim est frequentius apud medicos nomine pulsus & respirationis magnæ, parvæ, tardæ, velocis, crebræ, raræ, æqualis, inæqualis, ordinatæ, inordinatæ: nec tamē adhuc cōstat ex tractatione Galeni qualia sint in his actionibus vitia: an sub depravata, vel debili functione (nā de abolita dubiū nō est) cōprehendi debeāt: Sūt & permulta alia mala in actionibus, quarū sparsim mentionē facit, quæ nulla arte cōstat, quoniā à nullo certo initio cœperūt. Hinc fit profectō, vt nec omnes actionis læsæ formas vnquam numerare possimus, nec quiescat animus, quū eo ignorato, quod ars pollicetur, in his, quæ sparsim nullāque methodo traduntur, perpetuō laboret, & hæreat. Itaque rei natura duce omnia vitia, quæ circa actiones omnes inueniri possunt, inquiramus, & certis postea generibus comprehendamns, ne confusioē pariat innumera rerum multitudo. Necesse ergo est imprimis eā, quæ vitiata est, actionem aut fieri, aut non amplius fieri, hæc rursus vel non sit & impediatur, potentiā tamen habet, vt fieri possit: veluti si quis, ligatis manibus, illarū partiū opera exercere prohiberetur, quæ quum præter naturā non sit à nostro instituto reicitur: alia verò est, quæ definit fieri perfectō opere quæ pariter secundū naturam existit: quo modo non fieri somnū in vigilantibus dicimus, quod genus cessationis vitiosum non est, sed secundū naturā, sicut etiā deficiente materia actiones non fiunt, nulla existente in parte læsione, aliud verò est præter naturam, quod vocatur abolita actio, quæ diuiditur in prorsus abolitam, id est quæ nunquam restitui possit, vt cæcitatem visus integram abolitionem vocamus: & in eam, quæ etsi nullo modo sit, omnem tamen potentiā non amisit: Qua ratione in nervorum resolu-

tione

atione sensum, & motū abolitum dicimus, quæ tamē sapius restituntur. Iam verò quæ aliquid facit actio, vitium sortitur in re, quæ sit, & in agendi modo: Vitium enim est in rationatrice facultate, quum ignorat an agendum sit, & quid quod in delirantibus vñ venire sæpe videmus, qui ignorat an retinere, an reiicere aliquid debeant, & quid retinendū, quidve proiciendum sit: atque illud quidē vitium in principibus actionibus, & potissimum rationatrice peculiare existit, hoc verò omnibus etiam cōmune: Damnamus siquidem omnē actionē, quæ aliud opus facit, quàm oporteat: veluti si ventriculus pro nutrimento venenosam aliquā substantiam gignat. At in agendi modo, & ratione plurima vitia cōprehendimus: vitium enim est in actione si excedat, vel deficiat, quomodo magnū, parvūque pulsū, & respirationē magnam, & parvā per morbos pariter damnamus, eo quod mediocritatem excedant. Vitiosa quoque est, quæ est vehementior, & validior quā expediat, quippe quum nemo probeat phreneticorum validiores motus, & robur, aut vehementiores expultricis, aut retētricis facultatis actiones: damnamus quoque eam, quæ infirmior est, quàm naturæ cōditio exigat: vt infirmā coctionē, retentionē, expulsionē, attractionē, sensationes, pulsus debiles, & languidos, & motiones deniq; omnes. Nec vitio caret, quæ confusa est: Præterea probanda non est, quæ statutū tempus secundū naturā nō expectat, sed anticipat, vt crebrior pulsus, respiratio, & excretio, quæ antequā oportet sit, & quæ tardius quàm expediat incipit, vt tardus pulsus, tardāque respiratio morboſa censetur, q̃ tardius incipiat: vituperamus etiam quæ rarius, aut crebrius exercetur, veluti rarum crebrūque pulsū: nec nō intempestiuam functionem accusamus: quæadmodum vesicam intestini que musculum malè affectum iudicamus, quum alui excrementa, & vrina cohiberi per occupationes nequeunt: Quin & vitiosa putari debet, quæ postea quàm incepit, velocius, segniusque obitur, vt in veloci, tardōque pulsū apparet. Nec eam probare possumus, quæ ad longius tempus extenditur, vt longiores somnōs, & vigilias morboſas iudicamus, & coctionem quæ longiore tempore opus habet, vt mediocritatem assequatur: damnāda quoque est, quæ quū fieri deabeat confertim, paulatim sit, aut inter mittit quæ continua esse debet aut cōrra.

Nemo

Nemo enim probaret feminis excretionē, quæ paulatim fieret: subitas autē, & cōfertim factas sanguinis spiritusq; retractiones ad cor, internāq; viscera exitiosas etiā credimus: cōtinua debet esse pulsū, respirationisq; vicissitudo: pessimōsque intermittētes pulsus inter oēs ferē alios cēsemus. Per certa tēporis interualla bibit, edītque animal quū secundum naturā habet: perpetua autē siti, & fame sæpe vexatur, quū præter naturā afficitur. Excernit itē alui, vesiçæque excrementa per certa tēporis interualla: Quod si cōtinuò hæc faciat, perperā certē affectū est. Nec probari quidē potest inordinata, inæqualisque functio, quandoquidē pulsus, respirationes, aliæque oēs motiones inæquales, inordinatāsque maximē alienas à natura putamus. An nō etiā culpare eam oportet, quæ per corporis partes obitur, per quas non debet? veluti quum noxias sanguinis excretiones laborāte hepate inflammatione, eas ponimus esse, quæ per narem sinistram obeuntur: probamus autem quando sanguis per narem dextram profluit. Quis verò eam etiam nō damnet functionem, quæ plena est molestiis, & superflua voluptate, veluti quum somnos illos morbosos credimus, qui in somniis variis, & molestiis abundant, & motum, qui cū dolore partium exercetur, tanquam præter naturam omnes fugimus? Ad hæc illud in vitio actionis ponendū, si pars, quæ agit figuram debitam naturalibus motionibus non seruat: nec ut oportet flectitur, aut alio modo agitur, quo modo (puto) rigorem, horrorem, palpitationem conuulsionem inter peruersas actiones recensemus. Itaque quum tot ferē sint in actionibus vitia, aut si quæ alia reperiantur, facilē ad hæc redigi posse videantur: illud certē omnibus constare putō hæc omnia à Galeno illis tribus generibus non fuisse comprehensa. Nam vehementior, validiōrque functio omnino prætermissa est, & omnes aliæ, quæ in incremēto consistunt, sicuti celeriores, maiores, frequentiores, longiores, & reliquæ huiusmodi: hallucinanturque meo quidem iudicio, qui refugium in hac re Galeno quærunt, eo quod putent sub deprauata actione auctam comprehendi: Sic enim sub eadem diminutam quoque complecti oporteret, si modo contraria sub eodem genere poni debent. Quamobrem si ille diminutam, siue imbecillam à deprauata distinguit, eam pariter, quæ excedit, validiōrque reperitur, seiungere necesse

neceſſe eſt: quãdoquidem etiã in prædictis actionibus, quas auctas dicimus, nullus error, nullãq; hallucinatio conſpici-  
tur, ſed ſolus exceſſus damnari poteſt. Deprauatè namque  
eos videre ſcribit, qui hallucinantur circa ea, quæ videntur  
vt quum duplum iudicant eſſe, & compoſitum, quod eſt vni-  
cum, & ſimplex: aut depreſſum, quod eſt ſublime: vel perfo-  
ratum, quod eſt ſolidum, & contra. Sic in motibus conuul-  
ſiones, tremorẽſq; deprauatæ actiones, veluti etiã delirium  
in principe facultate corruptæ functiones eſſe cẽſentur, quę  
longe differunt natura, & genere, ab his, quas excedentes, &  
auctas nũcupamus: Quippe deprauatè agere aptè dicere po-  
terimus eos, qui cinerem, & carbones, aut res alias corru-  
ptas, abſurdãſq; appetunt, aut dormiendo delirãt. At nemo  
bulimiam, id eſt ingentem famem in qua optimi cibi aſſu-  
muntur, & lãgioreſ profundiorẽſq; ſomnos deprauatos vn-  
quam vocabit, niſi qui fortè obruſiore ſit ingenio, & iudĩ-  
cio, vel rerum, nominũmq; proprietatem confundere nõ ve-  
reatur: vt eos defendat, quos ſuæ ſectæ authores, & princi-  
pes ſibi conſtituit. Quid enim quẽſo deprauatum eſt, vbi in  
ſolo exceſſu eſt vitium? Quod ſi repugnante omni ratione  
deprauatas putemus eſſe huiusmodi functiones: cõcedemus  
quoque diminutam cibi appetentiam, leuioreſ, breuioreſq;  
ſomnos, aliãq; omnia, quæ in debilitate ponuntur vitia ſub  
deprauatione, vt diximus contineri. Duo ergo erunt prima  
in actionibus vitia, abolitio & deprauatio: cui quidem opi-  
nioni paſſim Galenus repugnat; Ac quãto certè ſatius eſſet  
concedere, quæ euidentiffima ſunt, quàm tergiuerſando, &  
ſuperſtuo hoc ſcriptorum patrociniõ optimos quoſque, do-  
ctiſſimõſq; viros tandem ad hæc abſurda perducere. Nun-  
quam putanit Galenus omnia ſua opera eſſe perfectã, & ni-  
hil aliorum labore addi poſſe his, quæ ipſe inuenire forte  
cõpiſſet. At logices facultatis non ita ignarus fuit, vt quid  
ex contrariis ſequeretur, perſpicere nõ poſſet, ſi paulo ma-  
iore cura, & diligentia infinitam hanc ſuam librorum mul-  
titudinem conſcripiſſet. Et certè tanto ſatius eſt ita de eo  
ſentire, quanto plus illi tribuimus, ſi quid eum ob negli-  
gentiam prætermiſiſſe, quàm ob logices imperitiã igno-  
raſſe dicamus. Addatur ergo in vitio actionis incremen-  
tum, vocerũq; vt diminuta, ſic huiusmodi actio aucta, vel  
ſuperflua. Eſt præterea faciendum aliud genus, quod tri-

item voluptuosamque præter naturam actionem contineat: Tristem intelligo, in qua dolor, vel alia molestia sentitur Voluptuosam cum qua adest voluptas ex causis morbosis proveniens, ut in pruritu, & in pudendorum affectibus nonnullis contingit. Quæ profecto vitia sub nullo ex prædictis generibus comprehenduntur: Nam superius eos refellimus, qui dolorem tristem sensationem esse putabant, quum dolor non sit ipsa sensatio, sed quod sensationem tristem sequitur. Qui etiam in eo reprehendendi sunt, quod dolorem, vel potius eam sensationem quam sequitur dolor, depravatam esse arbitrentur: quod scilicet per dolores sentiamus, quæ sentienda non sunt: Esset enim depravatus sensus, si doloris causam, dolorumque ipsum non perciperet. Nam ut visionem depravatam dicimus, quum credit hominem se videre, quæ non sunt, aut qualia non sunt: non depravatam verò, sed exactam, quum rectè cernit omnia sua objecta, & ea inter se discernit: Sic profecto quum sensus doloris causam sentit, depravatus dici non potest, sed exquisitus potius: essetque ut diximus depravatus, si quæ molesta, & dolorifica existunt, non perciperet talia esse. Quare tristis sensatio sub corrupta contineri nequit: Quod si ita est, quid obstat, quo minus quatuor prima genera vitiatæ actionis constituamus: unum abolitarum; alterum, quod auctas, & debiles; tertium, quod depravatas: quartum, quod tristes, & voluptuosas præter naturam functiones cõplectatur: Quandoquidem si prædicta inferiora genera excutiamus, illorumque naturam perpendamus, inueniemus ea omnia ad summa ea capita non ineptè redigi posse: Nam de abolita, impeditaque actione quid sentiendum sit, superius ostendimus. Eam verò, quæ ignorat an agendum sit, & rem unam pro alia facit, aut corruptam in re qualitatem inducit, & inordinata, intercepta, aut alio modo inæqualis est actio, quæque per partes ineptas obitur, aut etiam non seruantes naturalem suam figuram, aliamque omnem conditionem, quæ functionibus secundum naturam obeundis debetur, non immerito depravatam actionem esse dicemus: quando in singulis his actionibus error quidam cõtingere videtur: non excessus, non defectus, non molestia, non voluptuosa, aut abolita operatio. Atque hac quidem ratione delirantes, qui non percipiunt, an agendum sit, errare dicimus: & eos, qui perforata,

rata, aut solida esse putant, quæ vident, quum tamen aliter sint affecta. An non etiam errare coctricem facultatem ventriculi dicemus, quæ ex nutrimento probo pro chylo, & utili humore vermem, aut putridum humorẽ, aut variũ, aut falsum, vel acidum, aut indicibili aliqua qualitate corruptum procreet? Quis pulsatricem arteriarum vim hallucinari nõ putabit, quæ inordinatos, intercisos vno, aut alio modo in quales pulsus edit? Nonne etiã fallitur excretrix facultas, quum vnã viã pro alia capit? Conuulsionem vero palpitationem, rigorem, tussim, singultum, & reliquos partium motus, quos inter deprauatos merito collocat Galenus, quæ quæso alia ratione tales esse censemus, quàm quod motiua vis perperam quæ mouentur partes, agitet? Iam verò functionem non ineptẽ auctam vocabimus, quæ maior est, vehementior, fortior, acutior, vel debitum tempus anteuertit, aut velocior aut crebrior, aut longius extenditur, aut continua est, vel confertim obitur, quum per interualla, & paulatim fieri deberet, aut alia ratione, si quæ sit, mediocritatem excedit. Contra verò diminutam eam esse censebimus, quæ minor, quæ imbecillior, quæ obtusa, vel confusa, quæque tardius incipit, item quæ postea quàm incepit segnius absoluitur. Est præterea huius generis, quæ rarius fit, & quæ ob debilitatem intermittit, aut paulatim opus conficit, quod confertim, & continue fieri expedit, quæque nunquã perfectionem sui operis assequitur, aut longiore tempore opus habet, ut illud perficere valeat, aut alio denique modo deficit: sunt enim omnia vitia prædicta excessus, defectusque; quidã: sic sanẽ pulsus magnos, vehementes, plenos, altos, veloces, crebros, in his, qui malè sunt affecti, præter naturam iudicamus. Damnamus autẽ acutiorem auditum in ægrotis, qui iam ad mortem properant, tanquam excedentem quãdam præter naturam functionẽ, veluti etiã somnũ, qui ante debitum tempus obrepit, aut ad longius spatium producit. Itẽ continuas minctiones, aut perpetuos sermones in ægris accusamus: & naturæ contrariam iudicamus esse sanguinis spiritusque reuocationem, quæ per timorem inuadentẽque; febres confertim ad interna viscera perficitur. Quin & coctionem eã excedere putamus, quæ postea quàm mediocritatem est cõsecuta, ultra progreditur, atque id, quod cõcoquitur, torret, & adurit: Contra verò motus paruos, languidos, vacuos

pulsus, demissos, tardas rarâsq; omnes functiones, obtusas, cōfusas, tardantes, interpolatas: præterea caloris difflationes herentes, paulatimq; emanantes per vehemētiore morbos in crisis sudores, coctionē, quæ nunquam mediocritatem suam assequitur aut non nisi lōgiore tempore, vitiosas, & præter naturam arbitramur. Intempestiua autē actio nunc ad debilem, nunc ad auctam, aliquando etiam ad depravatam redigi potest. Quū enim laxato, debilitatōq; ani musculo, alui excrementa importune redduntur, debilitatis vitium est: At si validior excretrix partiū vis concitatur, retentricēmq; violet, ad excessum reuocandum est malum. Quòd si quis deliret, & in principum corona, aut in locis vbi sacra administrantur, quo tempore tacendum est, clamore intempestiuōq; sermone omnia interrumpat, nemo est qui non corruptam depravatāmq; huiusmodi operationem putet. Sunt & nonnullæ ex prædictis functionibus, quæ commodius nunc in vno genere, nunc in alio collocantur: veluti quæ intermittit, aut tardat, vel anticipat, quæ quidem nunc ob debilitatem, nunc ob deprauationem quandā, aut superfluum robur cōtingunt: quod quilibet non magno negotio deprahendere poterit, ne superfluo labore omnium imbecillitati, corrupta tractatione cōsulere voluisse videamur. Hæc enim mediocriter eruditis sufficere poterunt, quæ omnia actionum mala aut certè præcipua, & aliorum genera, si quæ supersint, comprahendunt. Nam superfluum esse puto de eo vitio rursus agere, quod in molestia, aut voluptate præter naturam positum est, quū nulla inferiora genera alia sub se comprahendat: Quòd si quis difficilem actionē prætermisam à nobis putat, alterūmq; genus cōstituendū esse, meo quidem iudicio errat. quandoquidem aut hoc nomine omnes, aut certè plurimas actionum læsiones complectimur, id quod satis patet ex libro de Difficili respiratione, vbi Galenus auctas, diminutas, & deprauatas eas respirationes sub eo nomine explicat, aut debilem actionem intelligimus, quemadmodum idem author primo de causis symptomatum, difficilem appetentiam vocat, quæ imbecilla est, aut etiam depravatam, aut depravatam solum: veluti quum depravatam coctionem dispepsiam, id est difficilem coctionem nuncupari statuit in libro de Differentiis symptomatum.

Quot

*Quot quæve sint excrementorum, & aliorum operum, quæ in male affectis corporibus proueniunt genera.*

## CAP. IIII.

**E**XPEditis vitiis, quæ in actionibus præter naturam obeundis reperuntur, reliquum est, ut ad excrementa, & alia opera, postremo ad qualitates corporis præter naturam transeamus: superius namque obiter ostendimus præter qualitates, & excrementa, & actiones aliud esse symptomatum genus, quo continetur alia omnia opera, quæ fiunt in corporibus laborantibus: cuius generis est cibus, qui malè in ventriculo concoquitur, & sanguis, & humores, qui in hepate, & venis perperam elaborantur: veluti etiam calculi, lumbrici, corrupta caro, & si quid demum huius generis aliud in corpore gignitur, quod inter excrementa propriè collocari nequit. Etenim excrementa censentur esse, quæ post coctionem humorum resultant: id quod ex Galeno patet, quum scribit libro tertio Methodi medendi omnem coctionem sequi duplex genus excrementorum, minime iudicans sanguinem, qui gignitur, excrementum esse: nimirum quum ab eo, quod à reliquis humoribus, utrique alia substantia secernantur, & extra corpus excerni debeant, excrementa sint nuncupata: Sanguis autem non est, qui excerni debet, & ab aliis segregari, quemadmodum nec spongiosa, laxiorque caro, aut pinguedo: calculi verò, & lumbrici humores non sunt, nec per coctionem, ut alij humores gignuntur, nec à communi quadam massa, ut excrementa, seiunguntur: sed propriam, separatamque materiam, & generationem obtinent: ubi tamen à corpore educuntur, communi excrementi nomine continentur, quod aliis humoribus semper conuenit, quum à sanguine sunt secreti. Interim enim dum cum eo confunduntur, humores potius nuncupantur. Porro excrementa constitueret solet Galenus præter naturam esse tribus modis, qualitate, quantitate, & toto genere: Quid verò sit excrementum esse qualitate, aut quantitate præter naturam, constare omnibus puto. Est enim huiusmodi, quum naturalem qua-



litatem, & quantitatem sibi, naturæque animali conuenientem non seruat: ut quum bilis pro pallida, flaua, æruginosa, vel vitellina, aut atra euadit, pituita salsa, vel acida, vel dulcis gignitur: Naturalem autem quantitatem excedere dicuntur, quum proportionem iustam cum aliis non retinent, aut vires grauant, aut vasa, concauitatēque, quibus continentur, præter naturam replent, & distendunt. Cæterum quod nunc toto genere alienum, aliàs tota substantia noxium vocat, non satis explicat quomodo intelligi velit: quāquam mihi non videtur aliud significare his nominibus, quàm quòd ex cernatur aliquid, cuius naturam, & formam damnemus, nō solum rei ipsius quantitatem vel qualitatem, sed rem ipsam vniuersam: cuiusmodi sunt, quæ naturæ omnino familiaria, & cognata existunt: quo modo sanguinis, & pinguedinis excretionem, & ramenta, quæ exulceratis intestinis exeunt, toto genere præter naturam esse dicimus: vel etiam toto genere alienum vocamus excrementum, quod alienam formam, & naturam corpori inimicam est sortitum: Quæ ratione, pus, lumbricos toto genere præter naturam esse ponimus, quòd ea nihil habeant, quod probari possit, sed naturæ minimè propriam, & ab ea alienam formam, & substantiam acceperint. Contraria ergo ratione aliquid toto genere inutile excrementum dicitur, nempe vel quod prorsus inutile sit, aut omni ratione familiare, & amicum. In sanguinis tamen excretionem plurimum à seipso dissentire videtur Galenus. Nam in libro de Differentiis symptomatum sanguinis excretionem per quamcunque partem factas (si profint) non amplius præter naturam esse refert. Libro verò tertio de Causis, easdem toto genere præter naturam vult reputari, ea excepta, quæ in mulieribus per vterum moderatè contingit: Tam solet à seipso variare, & ratiō idem de eadem re scribat. Verum si præter naturā illud statuere oportet, quod male affectis corporibus accidit sanguinis in mulieribus excretionem, quæ naturalem illarum conditionem sequuntur, nunquam præter naturam existimabimus. Si verò toto genere præter naturam ponitur, quod excernitur, si modo cognatum, familiarēque extiterit, profectò sanguinis euacuationes, quæ aliter quàm per vterum contingunt, perpetuò præter naturam censere par est, siue iuuent, siue lædant. Non enim à quo id fiat, & quid sequatur excretionem:

## DE GENER. ET DIFF.

nem, sed eius, quod excernitur naturam, libita, quamque in hoc casu spectamus, alioqui nec bilis porracea, aut æruginoſæ vomitum, aut sudoris fœtidi profluvium, vel alterius humoris vacuationem præter naturam crederemus, quum illa per morbos ſeſe à noxiis humoribus expurgat. Nā etſi ea tunc agit, morboſa tamen eſt cauſa, à qua ſtimulatur, & præter naturam afficitur corpus. Quod verò excernantur humores nunc tempeſtiue, nunc importune, & per idoneos, aut ineptos locos, aut alio modo, quàm oportet, differētias in ipſo excremento id non facit, ſed in ipſa actione, & excretionē: Nō enim propterea variatur id, quod excernitur, ſed diuerſa eſt excernendi ratio. Ex qua quidem non fit, vt alia vitia præter quàm prædicta in eo, quod excernitur, toto genere noxium ponere neceſſe ſit. Iam vero inter alia opera morboſa, quædam etiam ſola qualitate ſunt præter naturam, vt caro ſpongioſa, quæ in vlceribus gignitur, quædam ſola quantitate, veluti quum ob nimiam ſanguinis copiam corporis moles præter naturam augetur, & ſanguis ipſe immoderatè redundat: ſunt etiam quædam toto genere naturæ cōtraria, vt caro ipſa putrida, & calculi, qui in renibus, & veſica concreſcunt, & vermes, qui in variis corporis locis gignuntur, nec non pus, pili, ſeuum, & reliqua, quæ ſæpius in abſceſſibus genita reperiuntur.

### *De vitiis, quæ in qualitatibus corporis reperiuntur.*

#### CAP. V.



**Q**UAS corporis qualitates intelligere oportet inter ſymptomata recipi, antea oſtendimus. Nunc verò paucis docendum eſt, quot poſſint eſſe in illis quoque diſtincta vitiorum genera. Qua in re alienum eſſe non puto tribus etiam modis in eis vitium contingere. Etenim rubedo, quæ ſanguineis corporibus, dum febricitant, intenditur, ſolo exceſſu damnatur, ſi verò hi pallidi ſiant, qui rubri ſuapte natura eſſe ſolent, qualitatem præter naturam habere eos putandum eſt, ſed non toto quidem genere, quod tunc putarem euenire, dum alienas omninò qualitates à natura humorum corpus conceperit, quales ſunt, quæ

ex venenis toto genere lethanibus proueniunt. Quur enim quum variè afficiatur corpus diuersæque admodum in eo nascantur qualitates non licebit etiam ea generibus quibusdam inter se distinguere, quo illorum naturam docere, exprimeréque valeamus? Aliter namque affici corpus putabimus, quum natiuum illius colorem intendi, aliter quum in alium mutari proprium alicui humori, vt bili, & pituitæ, vel omnino in eum, qui perniciem monstret, & indicibilem quandam qualitatem imbuerit, viderimus, quippe quum natura rei postulet, vt quæ qualitate sola obesse possunt, aut quantitate, vel tota substantia aliter corpus afficiant, aliæque symptomata, & proinde alias qualitates genere etiam inter se discrepantes inferant: quemadmodum ipsa à quibus illæ proueniunt, genere differre posita sunt. Nec aliter quidem possunt disciplinæ methodo tradi, nisi prius certis generibus, & nominibus, res, de quibus agendum est, inter se fuerint distinctæ. Si quis enim fortè docere tentet, quonam modo differre cognoscantur morbi, qui à causis proueniunt, quæ sola qualitate obsunt, ab his, quæ quantitate, aut toto genere noxia existunt, non aliter commode id facere poterit, quàm si dicat illos, qui læduntur à rei qualitate, symptomata habere qualitate præter naturam, alios autem quantitate, & toto genere, quibus quantitas, & ipsa rei substantia est inimica.

*De numero symptomatum, quæ in singulis partibus reperiri possunt.*

C A P. V I.



VAE, quòtue sint generatim, speciatimque symptomata antea obunde ostensum puto, Nunc vero admonèdum est non parem esse numerum symptomatum in singulis morbis, & singulis partibus affecti: quandoquidem ex morbis quidam non pariunt excrementa, nec qualitates corporis mutant, & partes, nec easdem genere, nec numero æquales actiones edunt. Nam morbi, qui instrumentarias partes infestant, nullam per se vim habent ad excrementa mutanda: siquidè excrementorum generatio, retentio,

tio, expulsio, & quicquid denique circa illa præstare necessarium est, quatuor naturalium facultatum administratione potissimum sequitur. Nam ulcera & vulnera excrementa præter naturam procreant ob intemperiem, quæ ut plurimum vulneratis ulceratisque partibus aduenit, obstructions verò inter omnes morbos instrumentariorum partium aliquid ad excrementorum collectionem propriè pertinere videntur, quando oclusis meatibus, per quos expurgationi excrementorum via patet, ea aceruari, & præter naturam succrescere necesse est. Eadem quoque de corporis secundis, tertiisque qualitatibus ratio putetur. Nam obstructione excepta, quæ impedito excrementorum cursu alieno colore, ut in morbo regio apparet, corpus inficit, quicquid est in illis vitij, ab intemperie, primisque qualitatibus provenit. Cæterum actionum ratione symptomatum numerus in singulis partibus hoc modo euariat: Quædam enim ex corporis partibus sensu destituuntur, aut motu, quædam verò sensu, & motu sunt præditæ: aliæ fontes sunt actionum, quædam suas functiones exercent duntaxat ad propriam administrationem, & custodiam: Aliæ verò actiones edunt toti etiam corpori seruientes, & publicas. Cōtingit præterea in partibus, quæ pluribus actionibus à natura sunt donatæ, inæquales diuersasque lesiones fieri: quarum occasione nunc vna, nunc alia, aliquando omnes functiones perduntur. Est enim id iam experientia tritum in partibus affectis seruari aliquando motum, aliquando sensum, nonnunquam vtrumque pariter aboleri, ut in resolutis corporibus apparet. Quamobrem necesse est nunc æqualem, nunc inæqualem reddi symptomatum numerum in diuersis, singulisque partibus, quoniam non eadem est omnium conditio, nec paria, nec eadem mala, quibus vnaquæque illarum torquetur: Ratio tamen exigat, ut plura nascantur symptomata in parte sensu prædita, quàm in alia, quæ hoc caret: & in ea, quæ mouetur, quàm in immobili: plura omnino patitur, quæ publicum, quàm quæ peculiare sibi munus exercet, veluti ventriculus, qui geminas habet omnes naturales facultates attractricem scilicet, retertricem, coctricem, & expultricem: quarum aliæ ad nutritionem vniuerso corpori necessarias: aliæ verò ad propriam exercendam sunt destinatæ. Principibus verò partibus affectis, etsi pauciora nonnunquam in illis actionum sym-

ptomata contingunt, tamen in reliquis omnibus partibus plurima omnino, origine labefactata proueniunt, veluti quum læso cerebro, seruatís integris eius functionibus, sensus, & motus in vniuerso corpore deperditur, & affecto corde omnium partium actiones per animi defectum, & syncope concidunt paucis interim in ipso corde labefactatis operationibus, quoniam paucas habet, vtpote quòd ad suppeditandam potius vim, qua omnes actiones peraguntur, quàm ad multa officia exercenda sit à natura institutum, veluti etiam cerebrum, quod tamen nullo sensu, & motu est præditum. sentiendi tamen mouendique facultatem singulis membris largitur. Itaque quum præsens tractatio omnium partium conditionem, & actionum numerum præcognitum ponat, faciliè qui hæc, & symptomatum numerum prædictum tenet, quæ quòtue symptomata in singulis partibus consistere possint faciliè inueniet: Qui verò hæc ignorat, nec fortè etiam ea intelligeret, quæ prolixius de ea res, sed nō maiori aliqua vtilitate, hic à nobis dici possent, quare ad differentias symptomatum transeamus.

### *De differentiis symptomatum.*

#### CAP. VII.



**D**IFFERENTIAS symptomatum ab eisdem ferè fontibus sumemus, à quibus morborum differentias antea duximus: Quamobrem si quis exactiorem huius rei cognitionem desiderat, imitatione eorum, quæ illic tradita sunt, eam minimo negotio instituire poterit. Nos enim in præsentia singula prosequi non instituimus: sed potius methodum docere, & paucis exemplis rudiorum imbecillitati consulere, quibus illi adiuti ad reliqua inuenièda accendi valeant. Itaque quum symptomatis natura in hoc posita sit, quòd aliis, quæ sunt præter naturam, succedat, eaque sequantur, meritò à diuersitate eorum, ad quæ illa sequuntur, & consequentium ipsorum, præterea consequendi diuersa ratione propriæ symptomatum differentia sumuntur: quum præterea illorum nō eadem sit generatio, & solutio, nec eadē proprietates, nonnullæ quoque in his viles proueniunt differentia. Porro sequuntur symptomata quæd

quædam morbum, alia morborum, alia etiam suas peculiaris causas: etenim color præter naturam vitiatus causæ morbi, nempe humorum comes est: Actiones verò læsæ morbi ipsius sæpius sunt effectus: Actionum autem differentiarum partem ipsam affectam potius comitantur: nam quod laborante homine febre nunc cibi appetentia, nunc excrementorum retentio, nunc expulsio magis lædantur, partium ipsarum, à quibus huiusmodi actiones proueniunt, diuersa conditio, & ad patiendum aptior, vel ineptior in causa est: Quæ omnia facilius postea intelligentur, quum symptomatum omnium causas docebimus: vt autem differentiarum ductæ sunt ex hoc fonte generalissimarum, ita inferiores quædam, & specificæ in singulo genere resultant. Nam inter ea symptomata, quæ morbos sequuntur, differentia hæc est, quod quædam morbos simularum, partium intemperiem, & totam substantiam vitiatam: alia verò instrumentariarum, vt conformationem, magnitudinem, numerum, coniunctionem, vel vñionem corruptam comitantur: item quum dicimus quædam esse, quæ morbum ipsum sequuntur, quædam quæ morbi magnitudinem, tempora, principium scilicet, incrementum, statum & declinationem, & morem, quædam quæ morbos primarios, alia, quæ secundarios, æquales, inæquales, continuos, intermittentes, ordinatos, inordinatos, breues, longos, salutes, lethales, primarios, per consensum communem, particularem, aut denique aliam morbi differentiam consequuntur. Eadem profectò ratione in his quæ à causis proueniunt, differentia constitui potest, quod scilicet quædam nascentur ab efficientibus morborum causis, alia ab instrumentis, alia à materia, alia demum à subiecto: cuius generis hæc est etiam differentia, si dixerimus quædam esse symptomata morborum capitis, alia ventriculi, cordis, hepatis, nerui, ovis, vel alterius partis affectæ: alia autem totius corporis ægritudines sequi: Cæterum ab ipsismet symptomatis, quæ consequuntur, differentiarum huiusmodi oriuntur, quod scilicet nunc actiones læsæ solum, nunc etiam excrementa, & qualitates corporis præter naturam mutatae male affecta corpora, nunc vigilia inter actiones, aut delirium, vel syncope, vel concoctio vitiata, aut læsa respiratio, vel pulsus, aut plures, vel pauciores huiusmodi functiones sequantur. Sic inter

ter excrementa quòd ex laborantibus corporibus nunc pro-  
 ueniant sola qualitate, nunc uero sola quantitate, aut toto  
 genere, vel etiam omnibus modis noxiæ: ex qualitatibus ve-  
 rò nunc uisiles, nunc gustatiles, vel audibiles, vel odorabi-  
 les, aut tactiles per morbos mutantur. Iam uero ex conse-  
 quendi ratione proprias differentias hoc modo sumere li-  
 cebit. Quædam enim ita sequuntur morbum, ut cum eo  
 perpetuo sint coniuncta nec separari aliquo modo possint,  
 qualia sunt, quæ incipiente morbo inuadunt, & cum eo au-  
 gentur, vigent, declinant, & desinunt: quæ ob id cognata à  
 Galeno in libro de Subfiguratione empirica dicuntur: Quæ-  
 dam uero quæ postea eueniunt, quæ affinia eodem loco, &  
 in Aphorismis *in 1. & 2. lib. 1. & 2.* ab Hippocrate nuncupantur: se-  
 quuntur præterea quædam immediate morbos, causas, ue  
 morborum, alia uero intercedentibus aliis symptomatis,  
 veluti deprauata ventriculi concoctio illius partis affectæ  
 immediatum est symptoma, sanguificatio uero, & omnium  
 partium male peracta nutritio eum morbum sequuntur  
 tanquam longè remotiores effectus. Comitantur rursus  
 nonnulla ut propria, & peculiaria, alia uero tanquam cõmu-  
 nia omnibus morbis omnibusq; affectis corporibus: veluti  
 durities, & mollities proprium est symptoma morborum,  
 qui in intemperie consistunt: actiones autem labefactatæ  
 partus existunt omnium morborum. Ad hoc genus diffe-  
 rentiæ ea etiam pertinere videtur, quum dicimus quædam  
 symptomata per se, alia per accidens morbos se haberi: veluti  
 per se sequuntur, quæ à morbis in omnibus proueniunt.  
 Per accidens uero quæ subiecti ratione nascuntur, ut vehe-  
 mens dolor in delicatis exquisitioreque sensu præditis cor-  
 poribus ex leuissima etiã morbosa causa excitatus. Quòd  
 uero quædam actu, quædam potètia comitentur affecta cor-  
 pora, in ea differentia comprehensum id puto, in qua de co-  
 gnatis, & mox apparentibus casibus egimus. Quoniam ve-  
 rò symptomata suam habent generationem, solutionem,  
 suasque proprietates, non immeritò ab his etiam differen-  
 tias quasdam ducemus. A generatione quidem, quòd non-  
 nulla paulatim gignantur, ut corporis gracillitas, alia uero,  
 quæ subito emergunt, ut dolor sopor in comatosi affecti-  
 bus: A solutione uero pariter huiusmodi resultant differen-  
 tiæ: paulatim siquidem quædam mirefcunt, & tolluntur, qua-

lia sunt quæ siccitas parit, & alij morbi, quæ longam curationem requirunt: sunt verò, quæ subito euanescere possunt, vt sitis, dolor: in vtroque verò compositæ fiunt differentia: Nam quædam cito gignuntur, & abeunt: veluti dolores ex flatu concitati, alia verò, quæ citò quidē procreantur, tardius tamen euanescent, quemadmodum dolor, & rubedo, tensio, & cætera inflammatae partis symptomata. Nō defunt verò, quæ tardam habeant generationem, & solutionem: veluti durities, quæ siccitatis excessu à corporibus contrahitur. At quòd quædam à morbo, quædam à morborum causis, alia in omnibus corporibus, in omnibus locis, temporibus gigni, tollique valeant verissimum est, sed hæc differentia quodammodo comprehensa est in ea, in qua prosequuti sumus differentiam eorum, ad quæ symptomata se quuntur: Quoniam verò symptoma præter naturam est, & proprietates suas habet, quibus aut lædere potest, aut nequit: hinc quædam insignia symptomata, quædam leuiora, quædam vtilia, alia inutilia dicuntur: Appellat autem insignia symptomata Galenus, quæ curationem interumpunt, & variant, nimirum quòd causæ euadant morbum augentes fouentēsve: cuius generis est dolor magnus, vigilia insignis, sitis vehemens, vel ea, à quibus periculum de vita imminet, vt animi defectus, & alia actiones insigniter læsæ, quibus intermissa morbi & causæ illius curatione, nonnunquam succurrere cogimur: Qualitates autem corporis præter naturam redditæ, insignia non dicuntur symptomata, quum ob eas curationis ratio variari non soleat, vocat verò in libro de Optima secta idem author vtilia symptomata, quæ vel à causis morborum sumuntur, vt grauitas à repletionem, vel à locis, vt ægre spirare, vel à facultate, vt animam deficere: alia quæ non sunt huiusmodi, superuacanea & inutilia esse censet: quum tamen omnia plus vel minus aliquid conferant, vel ad morbi naturam, vel differentias, aut illius causas dignoscendas: quemadmodum abundè ostendimus in opere, quod de Signis conscripsimus. Atque hæc de generibus, & differentiis, naturæque symptomatum sufficiant.



238  
IOANNIS ARGENT-  
TERII DE CAUSIS  
SYMPTOMATVM  
LIBER VNVS.



**I**N Galeni libris, qui de Causis symptomatum sunt conscripti, multa desiderari posse non dubito: si modo quis spectare velit, quid docendi via, & ratio postulet, nō autem quod nostra hæc corruptio in tanto sectarum studio, & patrocinio antiquis omnibus scriptoribus tribuere solet: Nam quum huiusmodi explicatio imprimis requirat, ut auctor doceat quæ, quorū sint symptomatum omnium causæ, id omne ille prætermittit, dum singulorum generum symptomatum causas, statim aggreditur, nec illud quidem in his communi aliqua ratione facit: ex qua principia ponantur, quæ singulis postea lucem adferant. Quum enim varias causas recenset, quæ eiusdem non sunt rationis: diuersa siquidem est causa sudoris tenuis humor & multus à cutis raritate, vel retentricis imbecillitate, vel expultrice præter naturam concitata (ne perpetuò de generibus, & numero causarum, de quibus in habere agendum est, disputare litigareque cogamur) ab initio erat ab eo qui arte scribere hæc aggreditur, docendum quæ, quorū symptomatum possint esse causæ. Deinde si fortè Galenus de actionibus læsis agit, docet quidem à quibus visus, auditus, odoratus, & reliqui sensus offendantur: quid item rigorem, tremorem, conuulsionem, attonitum morbum, & peculiariter quasdam deprauatas debiles, & abolitas actiones committat: At docendi methodus desiderat, ut imprimis quæ sint vitiatæ actionis causæ, deinde quæ deprauent, aboleant, aut alio denique modo functiones labefactent, tradamus. Postea verò singulis partibus, aut nonnullis claritatis doctrinæ causæ, tractationem accommodemus, ut veluti exemplis quibusdam, quæ artificiosa methodo fuerant inuenta, comprobentur, &

& corroborentur: quum alioqui omiffa communi ratione, ex huiusmodi fingularium explicatione nunquam aflequi liceat, quod ars omnibus liberaliter promittit. Nam non folum femper omittit aliquid particulariũ doctrina, quod ex Galeni tractatione licet intelligere, in qua caufas non recenfet fymptomatum multarum partium, & ipforummet fymptomatum, veluti pulfum, refpirationis, fterilitatis abortus, labefactatæ lactis generationis, imbecillitatis cõcundi, animi defectus, & fyncope, & multorum denique aliorum fymptomatum, fed etiam quum à nullo principio exordiat, facit vt ignoremus, an certa ratione, vel temere caufæ eorum, quæ quærantur, à nobis ftatuantur. Quinetiã illud probare non poffum, quòd in quibufdam fymptomatis præcipuam caufam, aduerfus quam medicus fua præfidia inftituere debet, commemoret. In aliis autem eam potius adferat, quæ modum docet, quo fit fymptoma, quæque nihil, vel minimũ certè ad remedia inueniendã cõfert. Quũ enim comitialẽ morbum à craffis glutinofifq; humoribus cerebri ventriculos occupantibus fieri fcribit, veram fymptomatis caufam, cui remedia debentur, quæque vt præter naturam, fic cafus eiufdem generis parit, docet. At quum rigorem ab expultrice irritata fieri tradit, caufam innuit, qua cognofcamus, quonam modo ab irritante humore rigor excitetur. At nos eam quærimus, quæ opem noftram defiderat. Ac quum eadem fanè ratione comitiale morbum craffus humor, qua acris rigorem committat (fiquidem in vtroque fymptomate humor caufa eft ftimulans expultricem, quæ quum vehementius aduerfus noxiam materiam infurgit, deprauato motu & vario, pro loci diuerfitate, vititur) poftulat profectò docendi ratio, vt quod idẽ eft, eodem modo doceatur, eadẽque genere caufæ in fimilibus cafibus ponantur. Nã quur quæfo in vno facultatis mentionẽ facimus, in alio autem ad folũ humorem caufam reuocamus? Poftremo in quibufdã fymptomatis immediatã caufam, in aliis verò remotiffimã adfert, quo modo ociofos, crapulãq; deditos tremore corripit (quæ caufæ longius poftitæ funt) palpitationẽ verò à craffo vapore (quæ quidẽ propinqua eft caufa) nafci cõmemorat: quũ tamẽ in fingulis quæ rēde primũ funt, quæ funt proximę, deinde alię, à quibus illæ proueniunt, vt certa, eadẽque in omnibus fiat doctrina.

Nec

Nec verò etiam illud probare possum, quòd in eo libro, in quo differentias symptomatum se explicare profitetur, illorum causas inquirat, vt quum disputat, an omne symptoma proueniat à morbo vel non: quod in lib. de Causis statim erat faciendum, atque etiam in illis, in quibus de causis agit, multa miscet, quæ ad differentias pertinent, confusa rerum doctrina: nimirum quum seiunctas oporteat esse tractationes, & suo loco singula explicari ab eo, qui toties laudata methodo aliquid scribere tentat. Verum enim vero etsi multa in eo auctore desiderari possunt, plurima tamen optimè ab eo sunt inuenta, & memoriæ prolata: quæ si excoluerimus, quæ desunt, non magno negotio fortè inuenire poterimus.

*Quæ sint ponenda symptomatum cause.*

C A P. I.



**V**IDEO multis placere, vt omnium symptomatum causæ ad morbos referantur: quandoquidem symptoma à Galeno definitur id esse, quod morbum sequitur, & ab eodè libro primo de Causis symptomatum scribitur, magnitudinem symptomatum, magnitudinem morborum sequi: quod his solum contingit, quorum quædam sunt vt causæ, alia verò illorum effectus: quin etiam in libro de Differentiis symptomatum omnem illorum originem à morbis duci contendit. Verum aliter, meo quidem iudicio, sentiendum est: Nam etsi plurima symptomata à morbis proueniunt: non desunt tamen, quæ nullis intercedentibus morbis, ab illorum causis, & aliis nonnullis nascentur. Qua in re, si primo autoritate certandum est, non deest nobis Galenus in libro de Optima secta, vbi scribit symptomata quædam causas morborum, nonnulla verò alia partem ipsam affectam sequi. Quid? quod scribit tertio de causis symptomatum, ea inquam omnia ex intemperie similium, vel instrumentorum morbis, vel materiæ quantitate oriri. Quum enim omnes morbi aut similium aut dissimilium sint partium, præter eos autè addat materiæ qualitatem, & quantitatem: perspicuè cõstare puto illius opinione omnium symptomatum causas ad morbos referri

ferri non posse, & meritò quidem. Nam quum laesa actio symptoma sit, qualem quæso dicemus esse morbum, quum caloris reuocatione partium, quæ eo destituuntur, actiones labefactantur? quo modo per timorem relictis externis partibus recurrente confertim calore ad interna viscera, tremores potissimum oriuntur? Scribit quoque libro quinto de simplicibus visum hebetescere, interim oculis nec inflammatione, nec vlcere, nec fluxione, nec alio malo affectis: cui vitio quæ medentur auxilia oxidorica nominari pronunciat. Qualis item morbus dari potest, quum vitio spirituum vrgente syncope concidunt omnes corporis actiones? an simularium fortè erit morbus? quum temperies constet, & alioqui frustra Galenus duodecimo Methodi synopes causas in duas primum reuocasset, in intemperiem scilicet solidarum partium, & spirituum vitium, si hoc intemperaturæ ratione huiusmodi accidentis sit causa. Præterea oporteret in tam graui casu vehementem subesse intemperiem, si modo effectuum magnitudo, causæ magnitudini respondere debet. At vel nullam, vel certè exiguam intemperiem eam esse oportet, quum statim spirituum corruptione ruant vires, & illorum regeneratione protinus restituantur. Nec verò etiam instrumentariæ partis morbus fuerit, vt ex superius demonstratis patere puto: quid enim defectu, aut alteratione spirituum patitur structura instrumentorum? Quamobrem vt actiones fiunt ob rectam partiū constitutionem, & spirituum beneficio: sic eas lædi ab eisdem causis præter naturam affectis necesse est, & tunc solum ex morbo, quum partium constructionis vitio labefactantur. Nonne etiam scribit ob exactum partium sensum symptomata quædam nasci: vt stomachi dolorem, & singultum, & obtenebrationes quasdam circa oculos, quales suffusione laborantibus apparent. Quorum certè morbus nō est causa, sed potius perfectio quædam constitutionis corporis: veluti quum etiam linguam, quæ gustandi exquisita facultate est prædita, non solum extrinsecus adueniētes sapores, sed eos etiā, qui ab interno humore proueniunt, percipere tradit: Ad hæc per rigorem, horrorem, deprauatis actionibus vitio malorū humorum, nemo morbum agnoscat horū symptomatum auctorē, quemadmodum nec etiā quum expultrix facultas per alui profluvia aduersus noxiā materiam, nullam

interim nobis sentientibus mordicationē, vel intemperie,  
aut deniq; alio vitio laborantibus, in quo morbi natura po-  
sita sit, vehementius insurgit: sunt enim hæc symptomata  
à morboſis cauſis antè quàm morbum gignant inſurgente  
vi exeretrice. quæ quod moleſtat nullo ſæpe noſtro ſenſu  
extrudere appetit. Quid præterea de his dicemus, qui verti-  
gine laborant? Quis quaſo, morbus deprauatæ illius actio-  
nis, in qua omnia circumagi putantur, cauſa fuerit? An in-  
temperies? quum nullo ſæpe accedente calore: aut frigore,  
vel alterius qualitatis exceſſu, ſolo (vt mea fert opinio) ſpi-  
rituum inordinato motu huiusmodi ſymptoma contingat:  
Nec illis credendum eſt, qui morbum ſtatuant eſſe in nume-  
ro, qui huius cauſa exiſtat. Non enim instrumentariæ par-  
tes ex ſpiritibus, conſtare dicuntur, ſed ex ſimilaribus par-  
ticulis longè diuerſis à ſpiritibus, & humoribus, ſiquidem  
hæc inter elementa, & corporis principia ab omnibus opti-  
mis ſcriptoribus ponuntur: Quid de his, qui nimio Vene-  
ris amore æſtuentes dormire, & alias actiones corporis, aut  
animi probè, vt ſolebant, exercere nequeunt? ſtultū namque  
fuerit huius rei cauſam reuocare ad intemperie quod non-  
nullis placuiſſe video: quum nullis remediis, quibus corpo-  
ris intemperaturæ corriguntur, eorum morbus mitigetur:  
nimirum quod non corporis ſit vitium, ſed animi qui con-  
tinua, vehementiq; cogitatione, reuocato ad ſe calore, cor-  
poris officia exercere prohibet: Quod ſi incantationibus,  
& ſcinationibus, docente uſu, & multorum hiſtoria atte-  
ſtante, fides aliqua adhiberi poteſt, quis morbus cauſa erit,  
quum per incantationes venere quis vti, aut alia corporis  
animiq; officia obire vetatur? Nam illud ridiculū eſſe, quod  
à nonnullis de hac re dicitur, qui huius veneficij vim ad in-  
temperiem redigere volunt, omnibus conſtare puto: quippe  
quum verba, quibus venerem ligant ſcinatores, aut alia  
multa, quibus vtuntur ad actiones, corrumpēdas calefacien-  
di, aut alio deniq; modo intemperiem cōmittendi vim non  
habeant. Sed quid magis in hac re laboramus, quum Gale-  
nus, cuius potiffimū authoritate illi omnes cōtrouerſias di-  
iudicandas eſſe cenſent. ſcribat initio tertij de Cauſis ſym-  
ptomatum ventriculo nullo modo affecto ob eibi portioniſq;  
vitiū, & nonnulla alia, eius partis coctionē, reliquaq; actio-  
nes laheſactari, & alio loco omnia ſymptomata inteſtino-  
rum

rum ex intemperie, vel tumore, vel excrementis oriri commemoret. Quamobrem veneficiis, & aliis, quæ ab arte nostra sunt aliena, reiectis, utpote quæ ea consideret, quibus optulari potest, cõtemnit autem quorũ causas ignorat, quæque illius ratione & vim excedunt: quæramus iam à quibus causis omnia symptomata in vniuersum proueniāt: Qua in re, (quod omnes fatentur, & rei ipsius natura docet) imprimis ponemus morbos symptomatũ causas esse: quandoquidem intemperaturæ morbosæ, quæ excremẽta præter naturam, mutatis illorũ qualitatibus, aucta diminutq; quãtitate, vel etiã corrupta vniuersa eorũ substantia, reddunt, nec nõ etiã actiones corporis labefactant, id abunde testatur. Sunt quoque causæ symptomatũ, quæ morbos efficiũt: veluti biliosi, mordacesq; humores, tertianas febres cõmittentes, ob id rigorẽ, horrorẽmq; pariunt: Sumuntur præterea symptomatum causæ ab aliis causarũ generibus. Etenim caloris nativum vitio, quo natura tanquam instrumẽto ad omnia corporis officia obeunda vitur, symptomata nascuntur: quĩ immoderato motu, dissolutione, oppressione, varia reuocatione, actionibus secundum naturã seruire nequit. Porro materiæ vitio symptomata prouenire ostendit vitiosa cõcoctio, & corrupta ob vitiosa alimenta nutritio: At sudores, qui ob cutis raritatẽ contingunt, & pulsũ interceptiones, quæ occupato spatio eueniunt, mōstrant causas sine quibus non vocatas, symptomatũ quoq; esse authores: quemadmodũ sanẽ pulsuum respirationisq; læsæ differentia illæ, quæ in malè affectis corporibus mutato illorum vsu, ob finem symptomata nasci docent. Ac vt semel dicam ex vnoquoq; genere causarum propriæ in singulis generibus symptomatum causæ sumuntur: quæ omnia euidentius in eorum tractatione innotescunt, propterea quòd ferè solum nominis communitate symptomatum genera inter se conueniunt.

*Actionis vitiatæ causa.*

## CAP. II.



ROVENIUNT à corpore, vt antea ostendimus, actiones, corporis ipsius qualitates, excrementa, & alia opera, vt humorum, & aliorum de quibus antea egimus generatio: verum actiones qualitatũ, & operum sunt

authores, quum & ab illis hæc proueniant, & earum mutationem sequantur: ex bona namque coctione sanguis bonus, laudabiliæque excrementa, corporisque probæ qualitates resultant: ea autem vitata, hæc quoque similes labe contrahunt: Quamobrem docendi ratio exigit, vt causas, quibus contingit actiones lædi, quarum explanatione ad aliorum causas enumerandas facillima via paratur, primum hoc loco expendamus: qua quidem in re, vt antea præfati sumus, nihil Galenus quod commune sit omnibus, docet: quum statim initio libri de Causis symptomatum visionis oblæxæ causas explicare aggrediatur: idque nullo posito principio, quo certa docendi methodo intelligere liceat, nec plures, nec pauciores esse posse his, quas ille de ea re tradit: Quod si etiam numerum earum causarum, quas omnibus sensitiuis functionibus communes esse statuit, excutiamus: non solum inueniemus eo non comprehendi omnia, quorum occasione huiusmodi functiones labefactari contingit, sed nec etiam omnibus illum conuenire. Ac quod non omnes causas sit complexus, postea ex his, quæ trademur quilibet intelligere poterit: Non esse autem eas, quas ponit omnibus sensitiuis operationibus communes, paucis ostendo: Vult enim lædi posse huiusmodi functiones vel vitata potentia, vel oblæso præcipuo actionis instrumento, vel parte aliqua offensa, quæ vsum quempiam præcipuo instrumento præbet, quæ tactui non conueniunt, Neque enim tactus instrumentum vnum est præcipuum, aliud verò, quod illi subseruiat, sed vnicum est illius actionis author, nempe neruus: In aliis autem sensoriis præstabat duas ab initio causas ponere vim, & instrumentum, huiusque postea diuisionem facere, quod aliqua scilicet sit pars, quæ primas ad actiones edendas obtineat: aliæ verò illi subministrant: Iam verò illud quæramus, quorum scilicet occasione actiones lædi contingat, Itaque, vt ex certis notisque principiis res tota procedat, illud imprimis docendum esse videtur: vt ea quæramus, à quibus actiones fiunt, quum secundum naturam habemus, eo enim inuento, quandoquidem in eisdem generibus opposita collocantur, facile quoque erit inuenire, quod in hac re desideramus. Ac spectanti quidem mihi quod cõmune est omnibus actionibus, rationi videtur consonũ, vt in illis omnibus causas statuamus potentiam,

tiam, & instrumentum vtrumq; , quippe quum videamus omnes functiones ab insitis singulis partibus facultatibus prouenire, & omnes calore nativo, peculiariq; aliquo instrumēto, per quod fiant, egere: Sic enim perfectio sensus, & motus à sensifica, morriceq; facultate per nervos caloris beneficio in corpore exercentur: Sic cōcoctio à coctrice facultate, seruiēte illi calore, & instrumento aliquo, in quo facultas ipsa residet, perficitur, & denique nulla est functio, quæ tres has causas non requirat. In quibus verò vsus variari potest, veluti in pulsibus, & respiratione apparet, est etiam finis variandæ actionis causa: Nā reliquis positis, eisdem causis, solo vsu mutato, pulsus, respirationemque mutari contingit: quod optimè animaduertit Galenus, quū illarum functionum causas in lib. de Pulsibus, & Respiratione inuenire studet. Quinetiam in his actionibus, quæ absq; aliqua materia fieri nequeunt, quales sunt naturales, quæ in attractione, retentione, alteratione, expulsionēq; alicuius substantiæ versantur: materia quoq; huiusmodi obeundæ operationis causa censi debet: Vt enim bona fiat nutritio laudabile nutrimentum præter alia est necessarium: causa verò, quæ subiecti nomine à nobis donata est in re posita cum proprio instrumento coincidit. Idem enim est subiectum corpus, in quo agendi potentia sita est, & instrumentū, per quod actio obitur: veluti concoctio, quæ in ventriculo, & ab eo tãquam instrumento agente, coctrice potentia tanquam auctore, & effectrice perficitur. Nec quidem, vt arbitror, est à ratione alienum causas cū quibus, aut sine quibus non, nuncupatas inter actionis causas ponere: vt enim alimentum in ventriculo, aut alia parte concoquatur, oportet quidem adesse facultatem, quæ rectè suo munere fungatur, & instrumēta idonea, & probam materiam, & vsū si velis mediocriter vrgere. Verum nisi retineatur tantisper, donec elaborari alterarique valeat, infelix perfectio reddetur concoctio: est autem in hoc opere retentrix facultas, vt satis apparet, causa cum qua cōmode, & sine qua nullo modo concoctio fieri potest: Sic etiam cutis raritas causa est copiosi sudoris, nō tanquam efficiens, non tanquam materia, aut instrumentum, aut alterius generis; quàm huiusmodi de quo nūc egimus. Requirit & actiones tempus debitum, certum ordinem, certumque modum, & nonnullæ spatium, vt cordis arteria-



rúmque motus, & singulæ actiones suas peculiare causas sine quibus fieri nequeunt, & cum quibus commodè obeuntur, desiderant: vt raritas partium, quæ quasdam actiones promouet, & retentio quasdam iuuat, alias impedit: de quibus in singulis actionibus agendum est: licebit namque lectori singulorum causas sectanti ex communi methodo, quam nos solum hic profiteamur, quod ad rem propositam faciat, elicere. Ac quod actionum omnium vitia in prædictas causas, tanquam in proximas, & immediatas redigantur, vnicuique constare puto, quem non pigeat aliquot ex omni genere actiones ad aliarum exemplum excutere, & earum causas expendere: Etenim imbecillior facultas, vt omnibus constat, actiones vitiat, nimirum quum illius causa tremores in sensibus sensuum omnium & motionum oblationes, & in aliis etiam, quorum facultates infirmæ sunt, contingant: Debilitato autem contractoque calore nativo communi omnium functionum instrumento, syncopes, sopores per vehementiores accessiones morborum, & mille alia actionum vitia accidunt: Mictio verò, orto lapide in collo vesicæ, proprio illius actionis instrumento læso, impeditur: pulsus respiratioque mutato illorum usu à naturali mediocritate euariant. Quinetiam obruto grauatoque ventriculo nimia cibi multitudine concoctio, quæ in eo obitur, improbe perficitur: quemadmodum etiam antea diximus, quum renetrix facultas malè suo munere fungitur: Atque hæc quidem causæ, vt proximæ, & immediatæ cum actionibus agnoscuntur, sic ab aliis proueniunt: Nam facultates corporis intemperaturæ offendunt, instrumenta varij morbi exercent, varix causæ usum mutant, calorem corrumpunt, & ab actionibus, quibus peragendis incumbit, distrahunt: Non desunt quæ omnis generis materiâ, quæ ad actiones obeundas est necessaria, multipliciter varient: quarum rerum ratione actiones quoque labefactantur, sed vt diximus intercedentibus illis causis, quas coniunctas in hac re posuimus: Nec illud ignorari puto, omnia quæ hæc efficiunt ad quatuor rerum genera, à quibus antea morborum causas duximus, tandem redigi, ne superflue hic eadem repetere cogamur.

*Abolita actionis causa.*

## CAP. III.



**Q**UONIAM IN ILLUD constare puto prædictas causas, ubi plurimum exceſſerint, actiones omnino abolere: sic enim ubi ob maximam intemperiem facultas patitur, actiones perire videmus; & mortem nonnunquam subsequi, vel totius quidem animantis, vel partium, quas vitium infestat. Veluti quum ob vehementes intemperies ventriculus nullo pacto nutrimentum concoquere valet, sed tale illud reſtituitur, quale assumitur, quod in leuitate intestinorum potissimum apparet: Hac etiam ratione extincta ob aëris circumstantis insignem admodum frigilitatem facultate sensifica, & motrice, nonnullas partes præsertim extremas, quæ frigori magis sunt expositæ sensu & motu priuari contingit: quæ quidem in re illud ignorandum non est, à quibus scilicet morbis facultates maximè afficiantur. Nam etsi omnes intemperies, quum plurimum exceſſerint, vim habent abolendi facultatem, quædam tamen sunt, quæ nonnullas ex illis minore excessu tollunt: Calor enim excedens coctiones non perinde abolet, nisi maximo excessu temperiem penitus dissoluat. At frigus longè minus huiusmodi vim habet, contra verò cibi appetentiam non multo excessu tollit calor, frigus autem potius intendit, nisi vsque adeo crescat, ut fiat maxima exuperantia, quæ omnibus functionibus est inutilis: Eodem pacto retentrix facultas ab omni insigni intemperie exoluitur: ab humida tamen etiam minore: à sicca autem non nisi maxima perditur: veluti etiam voluntarius motus. Sunt præterea quædam functiones, quæ maius in facultate robur requirunt, quum alioqui exerceri nequeant: alia verò, quæ non desinunt fieri, donec vel minimum facultatis superest, quod de sensu & motu scribere solet Galenus, illum scilicet minimam vim, hunc maiorem requirere: quæ omnia ab eo præcognita esse oportet, qui fructum aliquem ex hac generaliore tractatione percipere velit. Est verò abolitarum, & intermissarum actionum quorundam causa natiuus calor, ubi enim adhibitis vinculis, aut ob suffocationem, vel dissolutionem, aut ad alia loca reuocationem is diffundi per corpus prohibetur, actiones earum

partium, quibus ille non adest, otiosi necesse est: Quibus modis adstrictæ vinculis, aut alio modo partes, eo quod caloris consortio destituantur, syderationibus corripuntur, & occlusa aspera arteria mortem subsequi, & per inediam, vehementioræque euacuationes digesto violentius nativo calido contingere animi defectum: per somnum verò externarum partium operationes caloris ad interna viscera contracti inopia cessare videmus. Ut verò calidi huius nativi, siue spiritus non eadem est in omnibus partibus conditio (si quidem in oculo purior, splendidiorque esse solet) sic ob peculiaria eiusdem vitia quarundam partium officia peculiariter labefactari necesse est: Si enim crassior, aut turbulenter, aut non perinde splendidus in aliis partibus vigeat, minimum fortè actionibus illarum oberit: At si huiusmodi in oculis fuerit, si non omnino perdet, certe insigniter visionem offendet, quod etiam à Galeno libro primo de Causis symptomatum proditum est: Cæterum læsis instrumentis ad actiones proprias obeundas destinatis, functiones illorum aboleri ratio docet, & continuus vsus: sic enim sensu, & motu vniuersum corpus obstructis nervis omnibus in eorum origine per attonitum morbum, & nonnullas partes illis abscessis priuari videmus. Eadem ratione obæcantur homines vulnerato vehementius oculo, & præsertim ea parte insigniter læsa, quæ in eo instrumento præcipuam vim ad videndum obtinet, qualis est humor crystallinus vocatus, id quod ad proportionem in omni alio instrumento intelligere oportet. Illud verò, quod abolito vsu actiones quoque deleantur, certissimum est: quippe refrigerato vehementer corpore, extinctoque calore, arteriæ pulsare, & corpus nutriri desinit, si quando ob caloris magnam debilitatem, aut subiectæ materiæ pertinaciam non dissoluatur: quo pacto etiam quum secundum naturam habemus dormire, edere, moveri, & alias functiones, quæ in nostro arbitrio sunt positæ, cessante illarum vsu, interrimitimus: Quod verò ob materiæ vitium actiones etiam destruantur, docet nutrimenti ingesti copia, quæ nulla accepta coctione, grauata coctrice facultate, & expultrice irritata, vel per intestina descendit, aut per superiores partes cruda vomitu relicitur, id quod etiam accidit, si expultrix, sine cuius quiete concoctio perfici nequit, temerè

concite

concitetur, aut retentrix intempestiuè suum opus deferat: Propterea occupato spatio, in quo instrumenta dimouentur, actiones quoque prohibentur: Veluti quum exuperante in cordis inuolucro aquoso humore, cor post deprauatos motus, quos edit, tandem moueri definit: At si tempus, ordoque desinit, & cætera, quæ sub causis sine quibus complexi sumus, mirum non esse debet, si actiones pariter fieri desinant: Neque enim quæ oculos tangunt, aut ab illis sunt remotissima, videri, nec in maxima temporis angustia ea fieri possunt, quæ longiorem moram requirunt, & perverso cibationis ordine, quid prohibet, quo minus concoctio vel in feliciter obeatur, aut etiam penitus perdatur: & deniq; expositis in hoc opere causarum generibus, quilibet non omninò medicinæ ignarus intelligere poterit, quorū occasione actiones aboleri contingat.

*Causa quibus contingit actiones quasdam aboleri aliis manentibus integris.*

## CAP. IIII.



ERDI aliquando aliquarum partium actiones, quum interim reliquæ partes nullo modo sint offensæ, satis omnibus constare puto: quandoquidē sensu, & motu, qui resoluta habent crura, aut brachia destituuntur, feliciter tamen alimentum in ventriculo, hepate, & vniuerso corpore concoquūt. Quin & illud notum est multarum partium functiones communi malo pariter aboleri, vt in attonito morbo. sensu & motu corpus vniuersum priuatur: & ventriculi coctione labefactata ad portionem læsionis, reliquas partes improbè nutriri: atque etiam labi omnium partium robur per lypothymias, & vocatas syncopes conspiciamus. Nec illud quidem nouū est in eadem parte actionem vnā, aut plures seruari, alias autem, & nūc vnā, nunc aliā aboleri: siquidem longa experientia tritum est nonnunquam in eodem mēbro sensum, & nutritionem vigere, motu perditō, & hoc incolumi sensum aboleri. Verum perinde facile non est horum omnium causas assignare posse: Nam quòd quarundam partium functiones lædantur aliis illæsis, ratio in promptu est, vel quòd facultas, aut instrumentum, vel finis, aut materia, aut quæpiam alia ex prædictis

causis peculiariter in illis partibus euariet, nulla mutatione in aliis facta: Plurimum autem partium actiones læduntur à causis communibus, veluti à materia communi, publico instrumento, communi usu, & facultate: ob communem quidem materiam ventriculi, hepatis, & omnium reliquarum partium concoctio nonnunquam vitiatur: vbi verò cor patitur per animi defectum, caloris natiui, idest publici instrumenti vitio, omnes corporis actiones labem contrahunt: per cerebri verò affectus oblæsa sentiendi mouendique facultate, partes sensu, motuque destituuntur, alias autem functiones retinent: Variato autem actionum usu partes omnes, quæ illius causa agunt, in suis actionibus noxas experiuntur, quomodo contingit pulsus, & respirationem deficiente calore, pariter aboleri: Ex quibus sanè constat vitio proprii instrumenti multas actiones lædi non posse, & vniuersas corporis functiones nec ob materiam, nec ob facultatem aliquam, sed duntaxat communi affecto instrumento vitari abolerique propterea scilicet, quòd nulla est facultas, nulla materia omnibus actionibus communis: calore autem nativo à corde influente vniuersum corpus ad omnia sua munera peragenda opus habet. Potest tamen ob commune malum, quod vniuersam structuram afficiat, vt in febribus contingit, facultas omnis lædi: atque ita vniuersæ corporis functiones pariter labefactari. Quòd verò ita vno membro actiones quædam lædantur aliis illæsis, causa non ita patet: Nam id totum Galenus ad diuersa instrumenta, aut robur, imbecillitatemque facultatis referre videtur, veluti quum sensus seruetur amisso motu causa est (inquit) quòd diuersi sint nerui, qui in idem membrum inseruntur: contingereque interim, vt nerui, qui ad cutem perreptant, sint illæsi, sensumque suppeditet: alij verò, qui musculis implantantur offensi, mouendi vim exercere nequeant: eademque ratione fieri, vt laboratibus illis, qui ad sensum sunt destinati, & non aliis, sensus aboleatur, superstiti motu. Quod si idem sit neruus, eademque pars, quæ afficitur, accidere quidè posse scribit, vt seruato sensu, motus perdat, non tamè contra fieri posse, vt aliqua pars, quæ suapte natura sentiat, & moueatur, sensum amittat retento motu, propterea scilicet quòd motus agendo, sensus verò patiendo exerceatur, maiore aut vim ad actionem, quam ad passionem requiri, proinde seruari posse.

& influere tantam vim neruis læsis, aut alio quocunque modo corpore affecto, quæ sensum quidem suppeditare valeat, ad motus tamen edendos non sufficiat. Quæ certè, vt rectè dicta sunt, relinquunt tamen in quo dubitare, & aliam causam desiderare possumus. Nam quod seruetur aliquando motus, aliquando sensus ob prædictas causas certissimum est: Ac quod etiam maius robur requiratur in motu, quàm in sensu, ex hoc constat, quòd videamus eos, qui admodum sunt defatigati, aut morti propinqui, ne moueri quidè posse, valentibus tamen interim sensibus. At illud non ita recipio, quòd puter nunquam reperiri corpus, quod moueatur sine sensu, quandoquidem sæpe contingit, vt dormientes non solum agitentur toto corpore per lectum, sed etiam sæpius surgant, quod ille sibi etiam contigisse in libro de Motu musculorum commemorat, idque sine sensu euenire necesse est, si modo somnus sensuum omnium est vinculum quoddam, & omnes sensus dormientibus feriantur, quod si quis neget repugnante rei natura & vsu, velitque rem authoritate decernere, locus est libro tertio de Causis pulsuum apud Galenum, in quo scribit apertè dormientes non sentire: id quod etiam ab Aristotele in libro de Insomniis memorizæ proditum est. Quòd si contentiosius agamus, velimusque eos etiam sensum aliquem retinere, illud certe non negabimus non æque euidentem eum esse in illis vt motum, quem tamen oporteret euidentiorè esse, & longè magis vigere, si modo facultas, quæ per neruos sensum & motum partibus largitur, quum imbecilla est, putetur integros sensus seruare posse, motus autè minimè: Quir enim (quæso) manifesti validique & varij fiunt motus, & nullus aut obscurus in toto corpore dormientium apparet sensus? Itaque constat seruari motum per eosdem neruos in eisdè partibus non seruato sensu: Quòd si ita est, quum neque ex robore, aut imbecillitate facultatis, neque ob diuersitatem instrumenti, per quod huiusmodi functiones obeuntur, id contingat, necesse profectò est aliam esse causam, quæ ex facultatum differentia sumitur: Nam quoniam (mea quidem opinione) vna est facultas motoria diuersa à sensifica, ideo fit, vt vna influente, alia autem non, functiones quæ ab illa proficiuntur fiant, alterius autem minimè: mirarique profectò in hac re licet Galenum has inter se non distinxisse,

xisse, sed perpetuò scribere sensum & motum à cerebro per nervos ad singulas partes demitti, quum duæ sint inter se plurimum differentes hæ functiones, diuersasq; ob id oporteat esse facultates earum authores, siquidem ex numero operum & functionum, numerus facultatum, vt tradit in initio libri de Naturalibus potentiis, inuestigari debet.

Quòd si inter se discrepantes has facultates re vera agnouisset, & quod in dormientibus de sensu & motu diximus, animaduertisset, non solum inuenisset, quod putat fieri nò posse, vt motus vnquam seruetur ociantè sensu, sed etiam ob diuersas potentias inter se natura distinctas non locis fortè, neque instrumentis id contingere (vt arbitror) credidisset. Nam quæ alia, quæso, potest esse causa, quur ab eadè intemperie, siue alio morbo nunc imaginatio, nunc ratiocinatio, aut memoria in cerebro lædantur, aut in ventriculo concoctio, & non retentio, aut expulsio vigente febre, quàm quòd diuersæ sunt facultates? quæ etsi offenduntur omnes ab intemperaturis, quædam tamen plus vel minus, quædam verò etiam à quibusdam iuuantur, à quibus aliæ destruuntur, quemadmodum antea ostendimus: Quòd si locis eas inter se seiungeret, facile erat causam inuenire, quòd scilicet loco eo in cerebro affecto, in quo residet, quæ patitur facultas, alia illeſa cuius sedes integra est id accadat. At quum eas nusquã inter se euidenter locis separèt, non alia potest esse causa, quàm quæ ex diuersis morbis, aut ab eiusdem excessus inæqualitate sumitur: Siquidè siccitas coctioni obest, retentioni prodest, humiditas contrà illam iuuat, hanc lædit. Vnde mirum non est siccitatis excessu aboleri coctionem, & humoris exuperantia perdi retentionem, alterutra verò excedente qualitate, vnã labefactari, aliam incolumem relinqui: Quamobrem nos, quod Galenus de sensus & motus abolitione, & conseruatione solum scribit, ad omnes alias functiones pertinere putantes, communes, quas posuimus causas inuenire laborauimus, & motum in eadem parte fieri, cessante sensu, non alia ratione putamus, quàm quòd diuersæ sint potètiæ, à quibus huiusmodi actiones proueniunt: id quod si raro contingit, in dormientibus tamen ob manifestam causam conspicitur. Quum enim sensus vis omnino per somnum quiescat, & veluti conficta in cerebro contineatur, nequit longius spargi, quum  
inte

interim motiua minimum afficiatur, siquidem somnus sensuum, non motus est passio. Est quidē hæc de his rebus nostra opinio, liceat tamen vnicuique in re admodum ancipiri, si hæc non placent, meliora excogitare. Nam quod quidam putant ideo dormientem non sentire quod vis à cerebro ad musculos transmitti quidē possit, ad cutem verò ob distantiam minimè, ridiculum omninò esse puto, quum tantum non sit interuallū vt musculis vis largiri, non autē cuti debeat, præsertim quum minima quæque facultatis portio ad sensum sufficere putetur: Quod si ex distantia huius rei ratio petitur, quur ad musculos cruris vis ea demittitur, ad cutem autem capitis, & cervicis multo propinquiorem cerebro impartiri nequit?

*Causæ quibus fit, vt interdum prorsus aboleantur actiones, interdum verò rursus restitui possint.*

CAP.

V.



**Q**Væ perdantur omnium partium actiones, aut quarundam solum, atque etiam in eadē parte qua ratione contingat nunc omnes illius functiones, nonnunquam verò quibusdam illæsis, alias aboleri satis dictum esse puto. Illud verò quod superest in abolitis actionibus, breuiter docendū est, ob quas causas accidat omnino destrui actiones, vt nunquā amplius restitui possint, vt in lethali apoplexia, & syncope vsu venit: aliàs autem videamus easdem nonnunquā ad suā naturam redire, vt in animi defectu, & per minores apoplexias, & vteri suffocationes. Itaque quum multæ sint causæ, à quibus abolentur actiones, siquidē ob propria vitia ipsius facultatis id contingat, desperata ferè res est, veluti in his accidit, qui intemperaturæ excessu extincta facultate pereunt. At si ea impediatur, vt fit per somnum, sperandum est, vt illæ ad se redeant: ob materiæ copiam, quæ perduntur actiones non periclitantur, veluti ventriculi concoctio, quæ nutrimenti copia abolita fuerat, illa consumpta, faciliè restituitur: Quæ verò patitur actio ob vitia proprii instrumenti, ad læsionis portionem intelligemus quid sperare, aut vereri oporteat. Nam eo offenso, à quo plurimæ facultates emanant, quodque fons, & origo est, res magis suspecta haberi



beri debet, veluti quum affecto cerebro in attonitis sensus & motus in vniuerso corpore abolentur. Læsa verò spina, & illius neruis, causa leuior existit, si quando eadem læsiones in sensu & motu accidunt. Atque etiā vehementer affecto proprio instrumēto sit vt amplius restitui nequeat, quæ semel abolita est actio, veluti quum omnino præciso neruo, motus partis, in quam ille inferebatur sine aliqua spe destruitur. Quòd si propter obstructionem idem contingeret, quia leuior est affectus, eam abolitionem pariet, quæ non omninè desperata credi debet: quū ferè omnes ab hac causa aliquibus membris resoluti ad pristinam sanitatem redeant. Quæ verò fiunt à communi instrumento operationum abolitiones, ex diuersa illius noxa, hoc vel alio modo vitiatæ proueniunt. Etenim ex dissolutione spirituum animi defectus faciliè emendatur, qui verò illis corruptis, aut suffocatis nascitur, vt plurimum in lethalem syncopen terminatur, & occidit. Iam verò si ob vsum deperditū perdantur actiones, siquidem vsus ad vitam summopere sit necessarius & continuus, raro contingit semel illas deperditas restitui posse, vt perdita semel respiratione & pulsu, abolito illorum vsu, vix aliquid boni sperandum est, alterius verò actionis vsus suas actiones cū spe restitutionis abolere solet, vt in appetitu deperdito contingit, repleto admodum corpore, quo euacuato consumptæque repletionem, vt redit vsus, sic & ipsa appetentia restituitur. Atque hæc quidē de hac re quantum generalis hæc nostra tractatio assequi potest. Nam qui plura & exactiora postulat, ad singulas functiones descendet, & vim omnium causarum, quibus contingit eas aboleri, perpendet.

*Debilis actionis auctag<sup>3</sup> causa.*

C A P. VI.

**I**EVIORES supradictæ causæ imbecillas reddunt actiones. Etenim debiliore reddita facultate, actiones quoque debilitari clarius ferè est, quàm vt demonstrari debeat: quandoquidem coctiones, corporis motiones, & reliquæ ferè omnes actiones in senibus, & his, qui lōgo morbo diu sunt vexati, vix tardiusque obeuntur debilitatis, quæ animal regunt, facultatibus. Eodem pacto ob nimiam humiditatem,

&

& siccitatem mollioribus durioribusq; effectis nervis motionis instrumentis, vix corpus dimoueri potest, & vulnera in ventriculo non satis donec coquatur, nutrimentum retinetur. Quinetiam natio calore debilitato, aut aliò reuocato, officia earum partium, quibus ille deficit, infirmiores euadunt. Qua quidem ratione qui studio literarum vehementius incumbunt, distracto à ventriculo, digestoque per continuas animi cogitationes innato calido, infelicitè alimentum cōcoquant. Iam verò diminuto vsu, actiones quoque minuuntur, quod in pullis, & respiratione manifestè apparet. Nam corde refrigerato, minores tardioresque huiusmodi actiones fiunt. An non etiam ob alimenti exuperantis copiam, aut alienā qualitatē imbecilliores attractiones, retentiones, coctiones materiæ vitio contingunt? quo modo Galenus tardas coctiones in ventriculo contingere ob cibos duros, & crassos scribit in libro de symptomatū Causis. Præterea occupato spatio, in quo instrumenta moventur, & deficiente tempore, aut viriato ordine, infirmiores operationes edi conspiciamus, & conuenientibus plus iusto cutis meatibus, sudores vel omnino sisti in maiore adstrictione, vel in leuiore agrius effluere. Sunt porro excedentis actionis eadē genere causæ: Nam vbi facultas excessu qualitatum mediocritatem in agendo non assequitur, in eo excedit in quo vincentis intemperaturæ causæ vis præpoller, quo modo exuperante siccitate, qua facultas retentrix gaudet, arctius continetur alimentum quàm conueniat, & caliditate vincente vehemētiore attractiones, validioresq; motus in delirantibus fiunt, & vigiliæ exuperant, & loquacitas superflua auditur. Atque etiam vbi debiliior est vis corporis, quæ retentioni destinata est, citius quàm oportet desinit suo munere fungi, cogitq; citius quàm expediat, & frequentiores excretiones fieri: vbi enim vnius opus male confectum alterius excipit actio, quæ prior est, ob debilitatem sequentem cogit facultatem maturius suas actiones expedire. Cæterū duriora instrumēta ad motū validiora existūt, & ad retinendū plusquā naturę modus postulat, robustiora: & quæ laxiora sunt, rarioræque faciliorem quàm oporteat his, quæ euacuuntur, & per ea deducuntur viam præbent, sic ianè rariiores cutis meatus exuperantis sudoris causa censentur: At virgente respirationis pulsationisque vsu,

ipsa

ipsa respiratio & pulsus crebriores, velociores, maiores, & denique omnimodo aucti euadunt. Præterea materiæ vitio augentur quoque præter naturam actiones, siquidem calidiore, siccioreque existente alimento concoctio mediocritatem excedit, dum torrentur ea, quæ alterantur: Diutius verò excrementa in aluo continètur, quum duriora siccioræque extiterint. Quòd si acriorem qualitatem habuerint, vel iustam mensuram exceßerint, celerius quàm oportet, & vehementius etiam expultricem commouent: Ac quemadmodum priores actiones posteriorum sunt causæ: sic quæ circa materiam aliquam versantur, si posteriores imbecilliores sunt, priorum actiones promouët, adaugéntque: quo pacto tardante distributione alimèti, excretiones per aluum anticipant, vberioresque proueniunt: & quum illæ, quæ præcedunt vehementius agunt, contingit quoque sequentium actiones minui. Parcior siquidem distributio alimenti fit per corpus, quum præpropere, vehementiusque illud à ventriculo per intestina descendit: At non perinde latiore factò spatio, in quo partes corporis mouentur, accidit motus augeri, vt minuuntur eo occupato, quandoquidem non urgente magis vsu immotisque præcipuis actionum causis nulla ratio cogit, vt ob ampliorem locum, motus excrescere debeant: ob tempus verò id contingit, quum alimenta, quæ in ventriculo & intestinis cōtinentur, longiore mora torreantur, siccioræque reddantur.

*Magna, vehementis validaq; actionis causa.*

C A P.

VII.



TSI difficile est quæ in singulis ferè differunt, generali aliqua ratione comprehendere: Quoniam tamen institutum nostrum postulare videtur, vt posteaquam in vnoquoque genere actionum plurima vitia posuimus, illorum quoque causas breuiter prosequamur. Ideo de hac re omnino agendum esse puto: quod quidem Galenus in pulsibus, & respiratione diligentius fecit, quum magni, vehementis, crebri, velocis, æqualis, inæqualis, & omnium denique aliarum differentiarum pulsus, & respirationis diligenter causas explicat, quæ si in motibus voluntariis, si in sensatio

sationibus, si in principibus facultatibus, imaginatrice, cogitatrice, & memoratrice facultate, præterea in attractiōe, retentione, coctione, expulsiōe, & reliquis corporis, animiq; functionibus, & singulis operibus præstitisset: nõ esset fortè quòd communem omnibus tractationem tantopere desideraremus: sed quum id non faciat, desideret tamē ars, vt non magis aliquarum functionum, quàm aliarum peculiari adhibita tractatione causas enarrēmus; cogimur profecto, quòd commune singulis est, prosequi, sine quo reliqua constare, nec intelligi possunt, & quæ prætermittuntur in singulorum explicatiōe, iam compræhensa in generali, & comuni cognoscuntur: sic sanè passim Galenus, & præsertim vbi agit de causis inæqualitatis vnius pulsus, iubet esse faciendum, explicandum scilicet quòd vniuersale est, & ad illud omnia redigenda; ex cuius consideratione si quid singulare desideretur promptè inueniri posse putat: Itaq; nos hæc ita docere aggrediemur, vt non exactam polliceamur tractationem, sed potius excusis causarum generibus, veluti quibusdam exemplis lectorem exerceamus, & inuitemus ad hæc perficienda, quæ à nobis inchoata inueniet. Igitur quum in genere actionis auctæ contineatur ea, quæ magna est, & vehemens, imprimis illarum causas docere conabimur à magna exorssi, quæ certè non vnū solum genus causarum requirit, sed omnia: nisi enim facultas valida sit, urgeatq; vsus, pareatq; instrumentum, & liberum sit spatium in quo instrumenta agitantur, superetq; tempus, & suam etiam vim præbeat commune instrumentum, magna actiō fieri non poterit. Vnde non solum tres magni pulsus & respirationis causæ, vsus scilicet, vis, & instrumentum idoneum (mea quidem opinione) poni debent, sed & prædicta omnia: quando etiam Galenus libro secundo de Sanitate tuenda tres prædictas causas, quas statim ab initio libri primi de Causis pulsuum ponit, sufficere nõ posse docet, quum quartam addat, quæ scilicet ex animalis spiritus, nempe calidi natiui mutatione petitur. Nam requiri etiā spatium liberum in motu arteriarū ad magnos pulsus creādos ex hoc constat, quòd per adstrictas inflammationes, aut schirros cōprimētes arterias magni pulsus illis in locis fieri nequeat: Sic etiam in voluntario motu fieri apparet: Neque enim in paruo spatio, vel in temporis angustia ille magnus fieri po-

rest. Est quoque magnarum actionum, quæ materiam requirunt, causa ipsa materiæ copia: Nam magni copiosique sudores elici nequeunt, ubi paucus subest in corpore aquosus humor: quod etiam fieri nequit, si cutis, per quam sudor educitur, non satis peruia sit, & effluenti humori liberum exitum non præbeat. Verum & si magnæ causæ magnas actiones efficiunt, non tamen necesse est perpetuò omnes eas magnas esse, quum magna fiunt opera, sed satis est nonnunquam vnam exuperare, alias autem mediocriter habere, quod etiam Galenus optimè, quum de causis magni pulsus agit, docet: sola scilicet virgente pulsus necessitate à mediocri facultate, & arteria non omninò inepta ad motum, magnos edii pulsus. Quum enim vsus maiorem refrigerationem postulet, mediocres arteriarum motiones sufficere non possunt, vnde plurimum distenta arteria, quæ eam impellit facultas: magnas pulsationes excitat: Quæ si non sufficiant, primum celeritatem, deinde etiam maximo virgente vsu, crebritatem asciscit. Iam verò si vehemens actio est, in qua adest robur, & celeritas, necesse omnino est validam esse facultatem, virgere vsu, & instrumèta etiam obedire & alias causas, sine quibus nihil vehemens fieri potest. Inter quas tamen præcipuam vim habet facultas ipsa, quum ea sola, aliis non repugnantibus, causa esse possit, si non vehementis omnino, quum in mediocri vsu nihil cum celeritate fiat, eius tamen, quæ valida robustaque est actio, author fuerit. Quod in his corporibus apparet, quæ in mediocri caliditate & vsu, pulsus validos fortesque ob insitum in arteriis facultatis vitalis robur, edunt. Eædem causæ intelligantur ad proportionem in aliis actionibus. Magna enim cruditas, magnaque fames, & excretio easdem causas habent, aut certe ad proportionem respondentes: siquidem magna cruditas sit ob magnam & excedentem alimenti copiam, ob insigne coctricis facultatis vitium, aut instrumenti insignem læsionem: magna autem fames non solum ab his, sed etiam quòd plurimum vrgeat edendi necessitas: atque ita in singulis functionibus licebit inuenire quid in illis sit causa magnitudinis, vehementiæ, & fortitudinis.

*Acutioris exquisitiorisque actionis causa.*

## CAP. VIII.

**E**XACTIORES acutioresq; quàm par sit actiones quasdam fieri certissimum est: veluti quum eorum conditionem damnamus: qui ob exactiorem quendam ventriculi sensum piperis aut alterius etiam mitioris rei usum non ferunt, aut qui per morbos iam plurimum debilitati, acutissimè audiunt: Cuius actionis causam vel ad còmunem, vel proprium instrumentum, aut facultatem redigemus. Alię enim nihil videtur in hac re prestare posse. Ac quod ob commune instrumentum nempe spiritum id contingere valeat, ex hoc etiam ostendere possumus, quòd Galenus in libro primo de Causis symptomatum eos scribat acutissimè videre, qui puram sinceramq; animalis spiritus substantiam sunt sortiti. Quod enim crassum, & feculentum in illis est, nonnunquàm absumit morbi: ex quo relinquitur portio magis extenuata, & purior reddita, quæ ad huiusmodi actiones est aptissima. At ratione proprii instrumèti fieri illud videtur, quod diximus, nonnullos in extremo morborum acutissime omnia, quæ dicuntur, auditu percipere: Nam id potissimum in his morbis usu venire videmus, qui siccitatis excessu humorem omnem qui in meatibus corporis, & in ipsis sensoriis continetur, obtusionisq; causa est, consumpserunt: Quæ ratione acutius, & prudentius omnia fenes, quàm iuvenes diiudicare putamus, quòd scilicet illi cerebrum siccius obtineant, hi verò humidius. Illi verò, qui piperis assumptionem ferre non possunt, causam forte habent, quòd ex certa, & delicatiore quadam temperie, facultas resulet exactiore sensu prædita.

*Actionis, quæ debitum tempus antevertit causa.*

## CAP. IX.

**G**ALENVS libro tertio de symptomatum Causis docet deiectiones alui consuetum prævenire tempus, vel grauato ab alimenti copia, vel demorso & puncto à mordacibus ventriculo, vel etiam

irritato à rebus alienis. Præterea huius quoque causam esse cibos humidiores & glutinosos: Contra verò tardiorē fieri, vel propter intestinorum imbecillitatē, quæ propellere nequeant, vel ob hebetem illorum sensum: qui non satis percipiat quæ contristant, & molestant: tum etiam ob ciborum paucitatē vel crassitiem: addit & musculorū abdominis & thoracis infirmitatem. Ex quibus quidem causis ostendit ob materiā, facultatē, & causam sine qua nō huiusmodi actionis vitium provenire. Nam quū anticipat, vel tardat ob copiam, inopiam, alienam substantiam, crassitiem, acerbitatē, visciditatem, humiditatē, vel siccitatem, materiæ vitium est: Quum verò idem accidit ob imbecillitatem, vel robur retentricis, aut expultricis à facultatibus causas ducit: Sensus verò exquisitior, aut obtusior causa videtur esse sine qua huiusmodi actiones fieri nequeunt: Siquidem necesse est expultricem irritari, si suo munere fungi debeat, id quod tanto promptius facit, quāto ob exquisitiorem sensum citius afficitur: tardius verò quanto minus sentit, quæ noxia sunt: irritatio verò, & morsus, & molestia alia, nunc ad materiam, nunc ad facultatem redigitur: Nam perinde nonnunquam pars exacto sensu est prædita, ut nullas, vel etiā minimas molestias ferre possit, & molestum sentiat, quod alioqui suapte natura huiusmodi non est, ipsiusque vitio tunc, non materiæ irritatio contingit: Quod si illa benè sit affecta ad materiam referenda est irritatio, quanquā tamen etiam contingit, ut vitio ipsius instrumenti ea fiat, & anticipet actio: veluti quum ob ulcera, aut inflammationes intestinorum expultrix commouetur ad ea, quæ dolorem inferunt, & simul in intestinis continentur, protrudenda: Nec illud quidem alienum est, mutato fine, quasdam actiones anticipare, aut tardare, ut in pulsu apparet, cuius usu aucto, statim arteriæ pulsare incipiunt. Idem patet in cibi appetitu. Nam qui in otio vivere consueverunt, si aliquando validius se exercent inanito corpore, ante tempus consuetum edere coguntur. Aliter his contingit: qui ex labore ad otium se conferunt. Sunt quoque præcedentes actiones tardationis, aut anticipationis & hæ illarum pariter causæ: Nam quoniam expultrix facultas nō insurgit ad propellenda excrementa, ante quā perfecta sit alimenti concoctio, optima ratione fit, ut tanto plus tardet expulsio, quanto magis concoctio moratur: Quod si maturius

rius corpus expurgetur, & vacuetur, tanto citius appeti-  
mentum necesse est.

*Causa actionis, quæ continuo vel per intervalla  
præter naturam fit.*

## CAP. X.



**S**CRIBIT idem author præcitato libro excre-  
tiones alui assiduas fieri, vel propter imbecilli-  
tatem, vel morisionem: Præstat tamen ad sua  
genera non solū alui excretiones, sed vniuersas  
alias actiones, quæ hoc modo fiunt reuocare.  
Igitur continuas obiri actiones, quæ per intervalla fieri de-  
bent contingit: primum instrumenti vitio, veluti quum re-  
soluto ani vel vesicæ musculo continuò excrementa, quæ  
per eas partes euacuantur, effluunt: & sudores, rarefacta præ-  
ter naturam cute, continuò emanant: & assiduæ deiectiones  
his qui tenesmo laborant, extulcerato inflammatoq; intesti-  
no eueniunt. Accidit quoq; id instrumēti communis malo:  
quod in perpetuis vigiliis delirātium & febricitantiū appa-  
ret: quoniam enim ob igneam qualitatē spiritus calidūmq;  
natiuum in perpetua quadam sunt agitatione, faciunt, vt so-  
mnus qui illorum quiete perficitur, succedere nequeat: illo-  
rum verò refrigeratione, dissolutione, vel reuocatione hic  
continuo, longiorēque tempore perduret. Præbet & mate-  
ria suam in hac re causam: quo modo sudores ob copiosam  
tenuēmq; materiam nonnullis perpetuò emanant. Cōtingit  
quoq; facultatum vitiū huiusmodi functiones variari, siqui-  
dem quæ retinere debet excrementa, ad tantam imbecilli-  
tatem peruenit aliquando, vt quū nullo modo retinere pos-  
sit, continuò ea effluere sinat, & expultrix malè affecta perpe-  
tuò aliquid expellat: Quarum verò functionū continuus est  
finis, assiduæ quoq; illæ sunt: cessat enim edendi cupiditas  
his, qui secundum naturam sunt affecti, eo restaurato, quod  
est dissolutum: In canina verò fame, quia vrget continuò  
repletionis necessitas, continuò ab his cibis appetitur. Con-  
tingit præterea ob causas sine quibus non huiusmodi vi-  
tia fieri: Nam quoniam expultrix facultas suo munere fun-  
gi nequit, nisi retentrix sese relaxet & remittat, si hæc ob  
imbecillitatem nihil amplius continere valeat, continuas  
fieri expulsiones necesse est.



*Intempestiva actionis causa.*

## CAP. XI.



**I**NTEMPESTIVAS fieri actiones ob easdem causas contingit: Nam resolutio animi musculo, qui cohibendis ad certum tempus alui excrementis præest, intempestivæ illorum sunt excretiones: Quod si vehementius concitetur expultrix, idem accidere necesse est: vel ipsius vitio, vel materiæ superflua quantitate, aut aliena qualitate, aut substantia, quo modo in morbis etiam, adhuc edentibus ægrotis, vomitus contingunt nequeunte scilicet facultate expultrice ob imbecillitatem vel minimam ciborum copiam ferre: edacia verò animalia quum sese superfluo alimento, aut alieno ingurgitent, intempestivis vomitibus & alui deiectionibus corripiuntur. Quod etiam his accidere videmus, qui ex morbis exinaniti statim se reficere, & replere student: At importuni sermones delirantium non solum facultatem ipsam, sed etiam calidum nativum perperam affectum intempestivæ huiusmodi actionis causam esse ostendunt. An non etiam urgente usu, qui bulimia, aut canina fame vexantur, intempestivè edere coguntur? Est præterea illius causa nonnunquã id, sine quo actio fieri nequit. Nam quum retentrix vis intestinorum importunè suum officium deserit, necesse est ipsam expultricem intempestivè insurgere ad excrementorum reiectionem.

*Actionis, quæ subito confertimque  
leditur, causa.*

## CAP. XII.



**A**EDVNTVR subito cōfertimque actiones in attonito morbo & animi defectu, & in utroque plurimæ ex illis concidunt: Nam attonitis uniuersa animalis facultas, quæ sensus, motus, imaginationis, cogitationis, & memoriæ est author, perit: In syncope verò uniuersum corpus agere desinit labefactatis naturalibus, animalibus, & vitalibus functionibus: quarum quidem, ut commune hoc est malum, quod confertim labantur: ita cōmunes quasdam causas illius esse oportet, quas Galenus non attigit, & quæ de apoplexia scribit, faciunt, ut minus vera putemus, quæ de syncope

syncope tradit: Negat enim in libro de Locis affectis, & de Causis symptomatum secundo circa finem, apoplexiam fieri posse ab intemperie cerebri, veluti nec etiam epilepsiam, quoniam subita illorum morborum est generatio, & dissolutio. Quod si ita est, tanto, minus credere oportet syncopem ex intemperie nunquam contingere; vt duodecimo Methodi meminit, quanto celerius in hoc affectu, quàm alio actiones corruunt: Si præterea intemperies partium id facit, quur omnes, qui ex febribus ardentibus, aut alia quacunque intemperie moriuntur, semper cum syncope non extinguuntur? Itaque quum syncope præceptus sit virium lapsus, illius causam in eo ponere oportet, quod subito affici, mutari, corrumpi potest: Solidæ verò partes subito alterari nequeunt, nec ita mutari alterantium vi, vt statim eò cingat vniuersi corporis robur, si modo quod solidum durumque est, ægrè patitur, & alterationes, præsertim tam insignes, quæ vim habeant perdendi vniuersas functiones, non nisi tempore fieri valent. Quamobrem si non ob temperamentum actiones subito labefactari possunt, nec ob facultatem efficientemque illarum causam id continget, si modo ob temperamentum facultates lædi, actionesque suas edere dicuntur. Neque etiam ob materiam, ex qua morbi gignuntur, id primò fieri contingit, quandoquidē humores putridi syncopem per se non committunt, aut apoplexiam crassi, & glutinosi, sed illi eo quod spiritus corrumpunt, hi verò animalis facultatis sedē, & cauitates obstruant, actiones perdunt. Quamquam tamē videtur etiam syncope nonnunquā fieri posse ob humoralem materiam, quæ cordis meatus, & ventriculos occupet, sed id rarò certè necesse est euenire, quū per huiusmodi fluxiones ita labantur vires, vt sine spe reuocationis (quod in syncope sæpius fit) mors sequatur: Ob finem verò multo minus accidere potest syncope. Quamobrē superest, vt solius cōmunis instrumenti vitio oriri queat. Illud enim facile subitoque pati, subitaque proinde huius mutationis author esse potest. Est porrò tenuis, calida, & mobilis spiritus substantia, vnde & facile accendi, dissolui, restitui, alterari, variè moueri, & alio modo variè potest affici, & varij proinde subitique ex eo affectus nascuntur. Quid enim citius, quæso, fieri apparet, quàm quod per timorē, lætitiā, irā, & alias huiusmodi cordis passionēs, spirituum sanguinisque

motu, aut alio vitio cōtingere videmus? quales sunt tremores, decoloratiōes, rubores circa faciē & vniuersum corpus, inordinati validiq; motus, aut extremæ imbecillitates, quæ prædictas passiōes sequūtur. Nec ratio quidē vlla est, quur huiusmodi cordis passiōes, & animi subitas perturbatiōes, à sanguine spiritūque prouenire putemus, syncopen verò ab intemperie, vel aliis causis. Requirit verò corpus in spiritibus certam quandā mensurā, qualitatem, & liberū motū, si modo rectē sua munera exercere debet, quod ostendunt symptomata, quæ eorum vitio nascūtur: quū enim illi deficient, statim etiā actiones collabūtur, id quod declarāt, qui vel in ediam diu tulerunt, aut multū in aliquo opere laborarunt, aut ob venæ sectionem immoderatā, vel alia demum ratione sunt exhausti. Nā hi, dissolutis spiritibus, calidōq; natiuo, aut subito cadunt, aut certe cessare ab omni negotio coguntur. Nocet & nimia abundantia, quod apparet, quum per vehementes accessiones, aut timorem, sanguinis & spiritus vniuersi corporis ad cor recurrentes multitudine nimia aut syncopen inferunt, aut nonnunquam etiā perimūt. Cæterum alterationes in spiritibus, vt aliis rebus fieri possunt secundum primas, secundāsq; qualitates, aut etiā totam substantiam, putātque Galenus ex manifestis qualitatibus alteratis spiritibus syncopen committi, quod experientia falsum esse docet: Nā qui acutissimis febribus laborāt, omnes in huiusmodi casum inciderent, vt pote quibus vehementer à calore spiritus alterentur, & mutantur: Quod si aliquando qui ita afficiuntur, syncope corripiuntur: id non ob intemperiem solidarum, aut spiritū contingit, sed quoniam à vehemēti calore dissipati spiritus deficient: alioqui etiam quū iacent, animo linquerentur: quod solum accidit, dum surgere tentant, aut mouentur: propterea quod in eo negotio spirituum copia requiritur minus quidem necessaria, dum in quiete corpus continetur: sola ergo ea alteratio, quæ maligna est in spiritibus toto genere inimica, syncopes potest esse causa: quod his euenire videmus, qui vel pestilentibus febribus vexantur, aut venenum assumpserunt, vel à feris virus eiaculantibus fuerunt demorfi. Maligna enim in spiritibus qualitas ineptissima est ad actiones obeūdas, quo fit vt eas labi, & perdi subito necesse sit, deficiente scilicet maximē necessario, & accommodatissimo instrumēto. Cæterum

terum lædi actiones, quū spiritus cōclusi in corde in vniuersum corpus libere spargi nequeant, indicio sunt qui prohibita respiratione suffocantur, quique ex crudis humoribus obstruentibus cordis vasa loborant, & ob id syncope corripiuntur: Quod sanè vitium propriè spirituum non est, sed ad illorum conceptacula pertinet, quæ vrgente obstructione liberum exitum illis non præbent. Hac ratione etiam adhibitis vinculis partibus, actiones earū pereunt: quoniam cōstrictis vasis spirituum, transitus & motus prohibetur. Itaque subitæ confertimque factæ actionis causa est alterutrū instrumentum: Propriū quidem, vt in apoplexia dictum est, huius verò & etiam cōmunis vitio syncope contingit, etsi immediata, proximāque syncopes causa tota ad spiritus referri videatur: In illis tamen functionibus, quarū vsus caloris spiritusque mutatione variatur, finis etiam huiusmodi mutationum causa esse potest. Veluti quum pulsus statim desinunt moueri, cessante statim vsu per subitos timores, & inuadentes accessiones morborū, per quas calor confertim relictis externis partibus, in interna viscera sese recōdit. Atque hæc quidem sufficiant de actionibus auctis: nam causas velocioris, crebrioris, & si quæ supersunt alia genera, facile ex his, quæ supradicta sunt, & etiam à Galeno in libro de Pulsibus memoriæ prodita, intelligi poterunt: quandoquidem velocioris, crebriorisque pulsus eadem sunt, vt aliarū actionū, quæ similiter fiunt, causæ: & si aliquæ aliæ præter illas, quas illic ponit, necessariæ fuerint, ad aliorū imitationē, de quibus hætenus egimus, ex positis fontibus minimo negotio emanabūt. Nec illud etiam explicandū puto. quod pertinet ad causas singularum actionum, quæ sub debilitate cōprehenduntur, si modo oppositorum eadem est ratio. Quare ad reliquarum functionum causas accedamus.

*Deprauata actionis causa.*

C A P. XIII.



VNIERSVM deprauatæ actionis genus suas etiam causas ab iisdem generibus ducit. Etenim facultas ipsa deprauatæ actionis causa agnoscitur: vt enim cum ea parum imbecillis est, infirmè solum agit, sic vbi plurimum à mediocritate defecerit quod efficit, corruptè facit. Id ostend-

dunt, qui à morbis vehementer debilitati, non solum imbecillos edunt motus, sed etiā corruptos, dum proiecto, vacillantēque corpore, aut contortis cruribus incedunt, & pulsus præterea qui appropinquāte morte, vndosi, formicantes, vel alio denique modo inæquales, deprauati que redduntur. Nec alia ratione tremores decrepitis & morbo affectis contingūt, quā quod infirmior vis corporis ætatis cursu, vel morbi vehemētia effecta solitam membrorū molē sustinere, regerēque nequeat. Sic etiam Galenus ob infirmiratē vesicæ stranguriā, quæ certē inter deprauatos motus poni debet, fieri scribit. Quinetiam quæ vehemēter excedit in agendo facultas, deprauatæ quoque actionis causa censenda est: ut enim in defectu insigni corruptio adest: sic maiores excessus eadē sequitur: quippe quā recta agendi ratio in sola mediocritate consistat. Hac quidē ratione ex nimia & immoderata costrictis facultatis functione nidorū lentam qualitatem cibi in ventriculo assequūtur, & sanguis æruginosus, & corruptus sanguificæ virtutis ob calidiore intemperie vehementia euadit: ut verò excessus imbecillitatisque ratione, sic illius vitio & corruptione quadā, quum substantia partis & forma est corrupta, actiones deprauatas edi necesse est: veluti quum ob malignā intemperie alimenti concoctio, & sanguificatio vitatur, & deprauatur. Cæterum instrumenti communis vitio, deprauatæ quoque actiones fiunt, argumento quod equi & cætera animantia caloris ebullitione immoderate agitata, inæqualibus innordinatisque, & omni ratione corruptis motibus cidentur. Hoc pacto delirium in vehementioribus febribus, caloris vi, cōmotis præter naturā spiritibus contingere videtur. In maniacis verò potius vitio ipsius facultatis, quod ob malignam quandā ex atra bile intemperiem accidit: & quēadmodum conceptis vehementioribus qualitatibus, aut accidente immoderato motu spiritus deprauatæ actionis sunt authores, sic etiam illis refrigeratis segniūque motis, aut aliō reuocatis deprauatæ prodeunt actiones: Quo modo tremores ob timorem, deferente externas partes calore, accidunt. Porro vitio proprii singularū functionum instrumenti corrumpi actiones, facile est ostendere: quum non alia ratione, concreto circa pupillam crasso humore, fenestrata omnia, quæ videntur appareāt, & ventriculis cerebri obstructis, deprauatos totius corporis motus

tus per comitalem morbum accidere videmus, nec non stranguria contingit obstruente calculo vesicæ orificium. Quod verò ob spatium, in quo instrumenta mouentur, actiones deprauentur, testantur tremores cordis, qui occupata ab humore a quosa spatio, in quo cor ipsum secundum naturam mouetur, accidunt: quinetiam deprauati arteriarum motus, ut pulsus interfecti, qui ob eandem etiam causam fiunt: Nec illud absurdum videri debet, si mutato actionum usu, ipsæ quoque actiones deprauatæ edantur: ubi enim urget vehementius actionis necessitas, ut immoderatos, & corruptos fieri motus oportet: veluti quum præsentem periculo fugere coacti temere iactatis sine ratione corporis membris, quocunque rapimur. Quo pacto fortè etiam ubi corpus in febris æstuat, maximûsq; refrigerationis adest usus, inæquales pulsus, & respirationes excitantur. Nec minus quidem materiæ vitio, quàm à prædictis causis corruptæ actiones credere oportet. Quippe quum ex corrupto nutrimento coctionem quoque deprauari nouum non sit, siquidè ex calidiore nutrimento nidorem: ex frigidiori aciditatem, & ex maligna illius qualitate indicibile vitium, id quod in ventriculo conficitur, contrahit. Ac non solum ob qualitatem, & quantitatem, sed etiam ordinem, & intempestiuam assumptionem alimenti, illius coctionem deprauari videmus: veluti quum secundo loco ingeruntur, quæ primo assumi debent, aut statim à somno, vel paulo post aliorum assumptionem (iam incipiente coctione) novos cibos ingerimus: Tunc enim variæ in ventriculo corruptiones ex deprauata coctione prouenire necesse est, quod quotidiana docet experientia. Atque hæc etiam de causis functionum deprauatarum sufficiant; ex quibus quod peculiare est singulis speciebus sub eo genere contentis, paruo sanè labore ab eo, qui ratiocinari nouit, inueniri poterit.

*Doloris causa.*

## CAP. XIII.



IN tristi actione, dolorem, in iucunda voluptatem fieri, antea ostendimus. Nunc verò causæ docendæ sunt, quibus tristes, & iucundas contingit fieri actiones, & dolorē voluptatēq; nasci: sunt porro communes causæ doloris, & tristici actionis, voluptatis, & actionis iucundæ: nam quod dolorem committit tristem reddit actionē, & ē contra quod tristem facit actionem, idem causa est doloris. Eadem est ratio de voluptate, & actione, ex qua illa nascitur: Verū hoc loco doloris, voluptatisq; causas enarrare instituimus, quorum nomina notiora sunt, quàm actionum à quibus proueniunt. Quam verò difficilis sit huius rei explicatio, ex eo patere arbitror, quòd nec inter philosophos, nec inter medicos conueniat, quænam, & quot sint doloris, voluptatisq; causæ. Etenim multa Platonis opinionem refellunt. Aristoteles pauca admodum, & ea obiter, tanquam exempla, de eadem re proponit: Galenus verò toties sententiam mutat de causis doloris, quoties de illis agit. Auicenna, & Auerroës non contenti Galeni tractatione alias causas quærunt: Sed prius Galeni opinionem excutiamus, qui doloris causas nunc particulatim enumerat, veluti quum à calore, frigore, vapore, humore vulnerantibus contudentibus, & reliquis huiusmodi dolorem committi sparsim refert: nunc verò generales, & cōmunes causas inuestigar, vt libro duodecimo Methodi, vbi duas primum ponit esse causas doloris, alterationem, & continui solutionem: deinde verò inclinare videtur in eam opinionem, quòd alterantia ideo dolorem excitent, quia continuum diuidant. Adeo vt vel duæ sint communes causæ, alteratio, & diuisio, vel hæc sola: Verū neutra istarum causarum immediata, coniunctaque doloris est causa, non enim in omni membro in quo fit alteratio, vel diuisio nascitur dolor, vt ostendunt vulnera, & intemperaturæ ossium. Cæterum libro primo de Causis symptomatum: vnam ex Platone ponit doloris causam, nempe violentam passionem præter naturam, quæ quidem est magna & subita, sed hanc causam eadem refellunt: nam violenta

lenta mutatio sola nequit esse doloris causa. Quare merito alibi, ut libro secundo de Medicamentis secundum locos, addit sensum: quippe cum absque sensu nequeat fieri corporis dolor, & ob sensum ipsum contingat aliquando dolorem fieri: adeo ut tunc præcipua sit illius causa sensus. Nam si illæ ponendæ sunt in vnaquaque re causæ, sine quibus res fieri nequit, & symptomatū causas eas dicimus esse, à quibus symptomata ipsa proueniunt, vnam certe sumere oportet causam ex sensu: ut enim absque sensu dolor corporis non sit, ita ob sensum exactiorem, singultus, rigor, dolorque à moderatis, & minimè dolorificis suapte natura causis sæpe nascuntur. Nec intelligere quidem possum quâ ratione Galenus hac causa prætermissa, dolorem soleat in his duntaxat querere, quæ sensoria vehementius afficiunt: nam si singultum nonnunquam accidere dicimus his, qui exactiore sensu in stomacho sunt præditi, & concoctionem infelicitè obiri putamus, aliquando ob instrumenti vitium, vel facultatis ipsius malum, cur etiam doloris causam, aliquando non referemus ad ipsum sensum, vel sensorium perperam affectum: ut potè quod ab his molestetur, à quibus nequaquam læderetur, si obtusiores sensum obtinuisset. Est igitur ponenda vna causa doloris, quæ ex ipso sensu petitur: quia absq; sensu dolor corporis nequaquam fieri potest, & ob sensum exquisitiorem nascitur etiam ab illis dolor, à quibus alioqui non fieret. Igitur constat præter diuisionem, alterationem, violentam mutationem alias esse doloris causas: nec adhuc inuentam esse causam proximam, & immediatam, ex qua aliæ postea nascantur: Non enim utcumque probandum est plures requiri causas ad generationem doloris, sed à certo principio inchoandum, & necessariæ ab eo causæ eliciendæ sunt. Est porro principium aptissimum in hac re, inuestigatio immediatæ causæ: ex illius enim resolutione, veluti ex quodam fine aliæ omnes protinus deriuant. Ergo si dolor est molestia quæ agendo percipitur, nata ab his quæ continuè soluunt, cognitio, & perceptio rei, quæ hoc modo molestat, immediata causa doloris erit: quum enim aliquid violentius afficitur atq; id percipitur quod afficit, passio tunc oritur, qui dolor vocatur in his quæ dolere possunt. Quam quidè causam nequaquam ponere possunt philosophi: neq;  
caim



enim cognitio læsionis, aliqua ex illis causis est, quas illi ex Aristotele receperunt, sed modus est, quo intelligitur dolor fieri. Nam quum sensus, vel alia potentia percipit passionē, quam inferunt soluentia continuum, tunc dolor oritur: causæ verò illorum opinione erunt id, quod sensum afficit, sensusque ipse: quanquā nec hic potest causa illis esse: Est enim sensus id, sine quo nequit, & cum quo sit dolor: at causam sine quo, inter causas illi nequaquam agnoscunt: Quam quidem nos ex Galeno recipientes merito cognitionem, & perceptionem rei inferentis dolorificam passionē, doloris causam esse dicimus immediatam: siquidem modi agendi sub eo genere causarum à nobis sunt comprehensi. Quod si ita est, tres statim alias necesse est resultare causas: vt enim cognitio fiat rei molestantis, necesse est adesse id, quod potest molestiā inferre, & id quod molestari potest, ac illud quod molestiam percipere valet. Quæ quidem causa in corporis doloribus semper sunt re & ratione inter se distinctæ: In animi verò doloribus, idem aliquando contingit, aliquādo verò accidit idē esse quod patitur, & passionēs ipsas apprehendit, & diiudicat: Etenim in dolore corporis, necesse est membrū quod afficitur, aptū esse ad doloris generationē: deinde adit oportet, quod vim habet dolorē inferendi. Postremo mentem, siue intellectū vel iudiciū, vel sensum communem, vel quocunque alio modo velis eam partem vocare, quæ apprehendit & diiudicat passionēs factas in singulis sensoriis, ceterum in dolore animi videmus multas esse facultates in quibus dolores sunt: nam in imaginatione, cogitatione, intellectione, ac recordatione rerum molestari, animum affici, dolorēque torqueri sæpè experimur. Itaque si imaginatio fortè pati potest huiusmodi molestias, sed eas nequit concipere, & iudicare, aliam adesse quoque oportet facultatem, quæ iudex sit, eo modo quo in corporis dolore huiusmodi vim statuendā esse diximus. At vna erit re, ratione verò duæ, si vna, & eadem facultas potest de suis passionibus iudicare, vt fortè intellectus vel cogitatio; quod absurdum nequaquā esse puto: quandoquidē alioqui progredemur in infinitū, si omnes fateremur in sua actione dolorem pati posse: aliam autē semper requiri vim, quæ de passionibus huiusmodi iudicaret: sed hoc philosophis relinquendo discutiendum, qui perinde ac si vidissent, aut digito re-

tigif

rigissent animæ facultates, ita distinguunt, ut vnâ pati aliam agere oportere statuant: quasi aliter non possit res habere, quâ quod illi fingunt. Verû his prætermisiss, & eo quod certum est recepto, esse inquâ in doloris generatione necessariû, aliquid quod patiatur, aliud quod agat, aliud quod passionibus iudicet esse, quales sunt, & eas agnoscat quæ sunt dolorificæ. Iâ expêdamus quid in vnoquoq; istorû requiratur, ut apta reddatur doloris causa. Porro facultas animæ, quæ passionibus dolorificas agnoscit, & diiudicat, apta est ad doloris generationem, quæ corrupta nō est, nec in alio opere vehementer occupata, aut ad extremû debilitata. Nā ideo delirantes negât se dolere quod corruptû sit illorum iudiciû, adeo ut nō apprehendant, nec discernant dolorificas quas patiuntur impressiones: Atq; illud est quod Hippocrates dicit in Aphorismis, Quicûq; dolêres parte aliqua corporis dolorē nō sentiunt his mens ægrotat. Qui verò vulnerâtur in certamine, nequaquâ sentiunt dolorē ex vulneribus sibi illatis, eò quod illorû animus occupetur in vulnerando aliû, sēque ipsos defendêdo, adeo ut simul nequeant apprehêdere quæ interim patiuntur. Vnicû enim est instrumentû, quo facultates omnes animi, & corporis vtuntur, calidû inquâ innatû, quod cû iâ vni inferuit vehementer agêti, nequit alteri ministrare, eo q̃ vniuersum occupetur, in prioris actiōis officiis qua quidē ratione etiâ accidere videmus ut interim quû aliquid vehementius cogitamus, nequaquâ videamus quæ circa oculos obuersantur. At verò nō dolêt qui mortî iâ sunt propinqui, quia propemodû iâ extincta facultas ob imbecillitatem ut ad alias functiones, sic ad apprehêdendas, & iudicâdas passionibus dolorificas est inepta: habeat ergo hæc oportet potētia quæ ad generationem doloris est necessaria, ut deprauata siue corrupta, aut ad extremû debilis, aut vehementer in aliquo negotio occupata nequaquâ sit: nā q̃ illam abolitâ esse minime oporteat, certius est quâ ut doceri debeat. Quod si simul imbecillis & mollis fuerit, aut exquisito iudicio prædita, omniû erit aptissima ad dolorē excitadû. Sic enim videmus ingeniosos dolorib; vehementius aliis torqueri, q̃ exquiritiore ingenio sunt præditi, quo possint exactē dignoscere omnes, vel leuissimas molestias: sic qui molliore sunt animo ut mulieres, à leuissimis quibusque rebus dolores, & eos quidem graues experiuntur: Philosophi verò, & fortes homi

homines, vix sentiunt ex aliqua re dolorem: propterea quod animi fortitudine muniti, incommoda vniuersa contemnant, nec agnoscere velint dolorifica esse. Iam verò in corporis dolore quidam necessario adesse oportet in subiecto sine parte corporis, quæ ad patiendum dolorem sit habilis: Ac nonnulli quidem in huiusmodi parte requirunt vt passibilis sit, sensu prædita, & caloris nequaquã expers. Ideo enim cartilagine & ossa, haud dolere quod frigida sint partes, sed illi superfluo duo addunt: nã si sensu præditam dicunt esse partem aliquam, includunt necessario illam calorem habere, & pati posse: siquidem sensus nequit fieri in his quæ pati nequeunt, aut non viuunt. Temere quoque dicuntur cartilagine & ossa non sentire, eò quod frigida sint partes: hoc enim illis accidit alia ratione, quia inquam nervos non recipiunt, qui sensum à cerebro, & spinali medulla in eas duntaxat partes spargunt, in quas inferuntur. Ideo enim partes quædam sentiunt, aliæ verò nequaquam, quòd illæ nervos habeant, hæ verò minime, aut certè non habeant expeditos, vt in nervorum vulneribus, & resolutione partium contingit: in hac enim propter obstructionem, in illis verò ob diuisionem nequit sensifica vis in partes immitti, quarum nerui sunt affecti: satis igitur est, si in dolore corporis pars quæ afficitur, sensum obrineat aliquem: Nam non solum in parte quæ sensum tactus habet, sed etiam in aliis quæ donatæ sunt à natura sensu auditus, gustus, visus, & odoratus, deniq; in omnibus sensoriiis dolores fiunt. Verùm quæadmodum animæ facultas, quæ iudicat de dolore, exquisita aut debilis, aut mollis, aptissima dicta est esse ad doloris generationem: sic pars quæ sensu exquisitiore in eodem genere sensus est prædita, molliorèque & delicatiore substantia constar, maioris doloris est causa. Quandam etiã oportet esse causam, cur pares non sint in omnibus sensoriiis dolores, sed maiores in quibusdam, in aliis verò leuiorè: de qua quidè postea commodius agemus, vbi causas doloris, & voluptatis, quæ fit in singulis sensoriiis docebimus. Cæterum vt in dolore corporis, non omnis corporis pars est apta pati dolorem, sic nec omnis animæ facultas subiecta est doloribus, sed quædam dum agunt dolore, aut voluptate afficiuntur, aliæ verò nequaquam: & quædam vni duntaxat ex istis passionibus sunt obnoxia, quæ quidem expli-

care

care quàm sit difficile omnes intelligere poterunt, qui vnquam de hac re cogitare velint: sed ne id prorsus intactū relinqū, tentabo equidem aliquid dicere, quo studiosos pulcherrimarū rerum inuitē ad meliora excogitāda. Ac videntur mihi imprimis omnes principes à medicis vocatæ facultates dolori & voluptati esse obnoxia; nā (vt obiter antea dicebamus) imaginatio, cogitatio, siue ratiocinatio, & memoria à suis obiectis, dolores, & voluptates experiūtur: fit & in cōcupiscentia voluptas, quādo appetimus iucunda; ex illorū verò priuatione dolor nascitur: sed an ille fiat in ipsa concupiscentia, an in alia facultate, asserere nequeo; quemadmodum, illud sanē dubiū esse puto, an voluptas quæ oritur ex appetitu, in ipso fiat: an potius in alia facultate: motionis verò & generationis initiū ab ipso appetitu sumat; Agnoscimus in ea facultate, quam animosā & vitalem Acadēmici vocant, moueri dolores, & voluptates. Nam ex ira, tristitia, timore, experimur, dolorem in nobis cōmoueri: ex gaudio autē, & risu moderatis, voluptas sequitur, ex risu verò immodico sentimus aliquando in corde, veluti dissolutionem quādam, & inde dolorem excitari: sed vt in prædictis actionibus, & passionibus, sic in his haud facile explicari posse puto, quānam facultas recipiat impressiones dolorificas, & voluptuosas: An inquam vis illa quæ timoris, aut iracundiæ est author eadem recipiat dolorē: an potius ab istis & aliis cōmoueat quod dolorem facit: ita vt illæ authores sint doloris & voluptatis; vna verò sit facultas sola, quæ passionibus inferēs dolores, & voluptates in se recipiat: quo modo inter omnes corporis partes ea duntaxat quæ sensu est prædita dolori, & voluptati est obnoxia, tametsi ex aliarū actione in sensorijs hæ nascuntur passionibus: hæc enim inquam difficile explicari posse puto. Atq; hæc sufficiant de his quæ requiruntur in parte corporis, & animæ, apta ad dolorē concipiendum. Nunc verò sequitur vt doceamus qualia esse oporteat, quæ vim habent inferendi dolorem: de qua quidem re antiqua est à Platone in Timeo ducta sententia: recepta deinde à Galeno, ac omnibus medicis, ea solū posse dolorem, & voluptatē efficere: quæ *αλγος*, id est confertim agunt. Appellant autē illa confertim agere quæ celeriter agunt, & simul magnas mutationes efficiunt: quæ enim vel sensim aliquid faciūt, aut paruas moliūtur mutationes, creduntur ne-

quaquam apta esse ad dolorem, & voluptatē inferendū: atq; id esse inquit Galenus lib. j. de Causis symptomatum quod scribit Hippocrates, dolores fieri his, quibus natura alteratur & corrumpitur: verbum enim corrumpitur celeritatem simul ac magnitudinē mutationis indicare. Quam quidem opinionem multa meo iudicio refellunt: atq; illud primum quod authores illius sibi in hac re pugnent: nam Galenus septimo libro Methodi medendi, quod & Aristoteles etiam testatur, & experiētia docet, pronunciat humidū & siccum, utpotē quæ passivæ potius, quàm activæ sint qualitates, non nisi sensim, & longo tempore posse suam vim imprimere: cum tamen Galenus lib. ij. de Victu acutorum, & secundo de Medicamentis secundum locos, statuat dolorē ab his qualitatibus nasci. Deinde idē author libro primo de Causis symptomatum hanc opinionem evertit: iūū docet ut postea ostendemus, tum naturā, tum alios sensus dolentes leniri, voluptatēque affici, quando sensim & leniter à suis obiectis tractantur. Præterea repugnat huic sententiæ experiētia: nam si quis etiam leuiter pungat digitū, siue id subito agat, siue paulatim, certe dolor nascetur: atqui huiusmodi mutatio magna non est: siquidem magnas eas censemus esse mutationes, quæ plurimum distrahunt corpus à priore statu: qualis profectō nequit esse huiusmodi punctura: quæ posteaquā ablata est res quæ pungebat, nulla eger medicina, sed solius naturæ beneficio protinus sanatur, aut potius nihil relinquitur, quod aut artis, vel naturæ operā desideret. Ergo quod leuissimam & minimā facit mutationem, dolorē potest parere. Possunt & idem præstare quæ paulatim agunt: nam ut id parere ostēdimus ex punctura, quæ paulatim adigitur: sic quū dolor fit ab exsiccantibus nulla celeritas adesse potest: sed sola sufficit actionis magnitudo. Ad hæc si omnia quæ dolorem pariūt ut postea ostēdemus, id faciunt soluendo continuum: hoc sanè erit evidens argumentū, dolorē nasci posse, tum ab his quæ leuiter, tum ab illis quæ multū solum agunt: nam ex utroq; genere reperire est, quæ continuū diuidant. Idem testantur animi dolores qui à rebus minimis, maximis, subitis, & tardis incipiūt, augenturq;. Sunt etiam multa quæ etsi cōferunt agunt, tamen dolorē nequaquā procreare possunt: cuius generis est purgatio, sanguinis missio cōferri adhibita: hæc enim suapte natura dolores mulcerē, minime

nimè verò inferre sunt apta. Itaq; quū inter illa quæ confer-  
sim agunt, quædam dolorē cōmittendī vim habeant, alia ve-  
rò nequaqua alia præterea sint, quæ etsi non nisi sensim, aut  
leuiter agunt, dolorē tamen inferunt, cogimur alia rerū ge-  
nera excutere, vt tandem inueniamus, quid dolorem effice-  
re possit: Ac ex vniuersis rebus, duabus duntaxat hanc vim  
tribuunt medici, alterantibus inquam, & continuum solu-  
entibus: sed in hoc alij aliter sentiunt: nam Auicenna tum alte-  
rantia, tum diuidentia continuū, suapte natura doloris cau-  
sas esse contendit: Auerroës autem ostendere niti tur aduer-  
sus Galenū dolorem non fieri à continui solutione: Galenus  
verò ipse aliquando idem quod Auicenna tradit, aliquando  
verò statuit dolorē duntaxat fieri ab his, quæ cōtinuum sol-  
uunt: alterantia verò non, quia alterant, sed quia ex altera-  
tione continuum violent, dolorē parere: quorum quidem ra-  
tiones paucis subicere aggredior. Ait igitur Auicenna do-  
lorem in partibus similaribus fieri sæpe, vbi nulla apparet  
diuissio: veluti quum vniuersum membrū dolet, quod tamen  
nequaquam in omni sua parte diuiditur. Addit dolorē fieri  
à calore & frigore vbi nulla cōspicitur diuissio. Præterea sæ-  
pe solui continuū, & nō sentiri dolorē: frigus verò, & calo-  
rem cum dolorem excitant, sentiri. Ad hæc dolorem esse rei  
contrariæ sensum: hūc verò ab intemperie fieri: quare illam  
esse doloris causam. Postremo sanitate similarium cōsistere  
tum in ipsa temperie, tum in continuitate: quo fit vt si dolor  
nascitur, cum res corrūpitur, vt scribit Hippocrates: necessa-  
rio quoq; fiet ob temperaturæ morbū: Hæc & similia pro-  
nuntiat Auicenna: quibus efficere nititur, vt dolor semper  
nō fiat à continui solutione. At Auerroës negat cōtinui solu-  
tionem causam esse doloris, hac potissimū ratione, quòd do-  
lor in sensibus fiat solū à propriis obiectis: solutionē au-  
tem continui non esse obiectū alicuius sensus. Quibus qui-  
dem aliæ addi possunt rationes: nam si alterantia dolorem  
faciunt soluendo continuum, committent vtrique aliquam  
speciem solutionis continui: sed quam quæso vlcusne, aut  
vulnus, vel fracturam, vel rupturam? quod si ita est cur in-  
ter causas solutionis continui, & specierum illius, non re-  
censet Galenus in libro de causis morborū, & alibi alteran-  
tia? Accedit quod duo remedia requirantur ad dolores se-  
dandos, alterans, & vniens partes diuissas: tanquam duæ sint

causæ doloris contra quas pugnāt duo remedia genere discrepantia, Quod quidem argumentum videtur esse medicis magni momenti: quandoquidem Hippocrates ex diuersis generibūs remediorum, hominem ex diuersis, nequaquam verò ex vno elemento constare probat: Galenus verò vt diximus in hac re varius est: nam in libro de Inæquali intemperie capite secundo de medicamentis secundum locos, & in libro de Natura humana, & secundo de Victu acutorū, & alibi sæpè, statuit dolorem fieri, & ab alterantibus, & à soluentibus cōtinuū: libro verò duodecimo Methodi, & primo de Causis symptomatū, & quarto de Simplicibus medicamentis, & capite decimo secundi de Medicamentis secundum locos, omnia quæ dolorem pariunt, putat id facere eò quòd partium continuitatem corrumpant: sed nulla communi ratione vtitur: nec satis docet, quo pacto singula ob diuisionem, doloris sint causæ. Ego verò arbitror vnam esse hanc immediatā, & proximam doloris causam, quæ ex continui solutione nascitur. Quod breuiter docere aggredior, nam si intemperies, aut id quòd intemperiem immediate parit, dolorem moueret non soluendo continuum, vbi vehemens esset calor, sicut contingit in febribus ardentibus, in omni parte corporis sensu prædita dolor fieret; at id nō fit: etenim thorax qui multis nervis præditus est, & ob id sensum exquisitiore habet, quàm vena cava, & renes, aut lumbi nō dolet, etsi vehementius calefit, vtpotè qui propinquior sit ipsi cordi, vbi est ipsius febris, & caloris sedes: oportet autē hanc partē, quæ magis calet, & sentit, quàm multæ aliæ quæ dolent, maiore dolore torqueri, si ex sola intemperie dolor nasci posset: Qui verò immediatam causam doloris ponunt esse solutionē cōtinui, in promptu rationē habent huius diuersitatis, quòd nō omnes partes quæ calefiunt tendantur ex humorū ebullitione, & vaporū copia: vnde potissimū circa renes & in capite, per febres dolores vrgent: quoniā etsi partes illæ minus calent, fortèq; minus sentiūt, quàm quæ thoracē cōstituunt: tamen plurimus vapor, & humor in alijs continetur, qui mēbranas, & vasa tendūt. Idcirco dolor in illis nascitur, nequaquā verò in alijs, quæ distēdi nequeunt: vel quod magnas habeāt cavitates, quæ ab humore, aut vapore replei non possunt, vt thorax, aut paucos contineant humores, ex quorum ebullitione, nequit fieri tēso,

vt caro: vel quod tensioni repugnet partis natura, cuius generis est hepatis caro. In his igitur non sunt dolores in febribus: quia etsi plus satis incallescunt, tamen solutionē continui pati nequeunt, ab illis causis, à quibus in aliis tunc dolores sunt: deinde quū qualitātū quæ vnius sunt generis, vna vis, & natura esse debeat, erit quoq; calefacientīū omnium eadem agendi ratio, quoniam eadem natura. Itaq; si ignis calefaciendo tandem comburit, continuūmq; violat: sequitur vt omnia quæ calefaciunt, eandem vim obtineant, soluendi inquam continuum, inferendūque hac ratione dolorem: etsi in quibusdam rebus ob caloris vehementiam, euidentior sit diuisio, in omnibus tamē sensus aliquis solutionis, & diuisionis apparet: nam dolor qui à calore nascitur, est semper cum quadam ebullitione, effusioneq; humorum, ex qua tensio, & continui solutio oritur. Idem testatur dolor qui fit à frigore, etenim digiti qui ex eo dolent, tumidiore, & tēsi apparent: quod inditio est cōtinuum diuidi. Hæc satis probare videntur alterantia non sua ratione, sed ea qua continuitatem partium corrumpunt, dolorem inferre. Aliorum verò rationes qui aliter sentiunt, facile est euertere: nā quod ait Auicenna vniuersum membrū dolere, in quo tamen non est solutio continui, quæ solū est vbi vulnus, vel alia diuisio conspicitur, falsum agnoscitur: etenim vbiq; dolor est, prorsus aliquid adest, quod continuū ledit. Nam vulnerata parte, quæ prorsus diuisa nō sunt, vt in puncturis neruorū cōtingit, tenduntur versus sua extrema: aut dolor cōtingit, quod cōfluant humores, qui inflammationem excitāt: ex qua mēbrū si paulatim corpori admoueat eodem modo ex fusione humorū, & vaporū generatione dolorem pariet. At si cōfertim adhibeatur, primū incidendo suo quodā modo, & penetrando, postea verò etiā exulcerādo cōtinuum lēdit: hoc modo videmus flammam, nostra corpora afficere: quod si in crassa substantia constitit, ignis, protinus exulcerando, & erodendo causa fit diuisionis continui: quod fieri videmus ab aqua feruente, & accēsus carbonibus: hæc enim subito crustam suo contactu excitant. Cæterū internus calor mitior, vt in leuioribus febribus, ex fusione, & vaporū generatione, solutionis continui, & doloris causa euadit: qui autem vehementior est, vt in febribus ardentibus, nō solum ex vaporū generatione, sed etiam



ob ebullitionem humorum, tendit, dolorémque affert. Igitur cum internus calor non nisi interuentu humoris, doloris sit causa, non mirum si hectici (vt dicimus) nequaquam dolentimbecillus enim est in illis calor, qui nequit in humorum inopia excitare ebullitionem, aut tantos vapores procreare, vt partes iam inanitæ, distendi valeant: externus verò calor vehementior potest dolorem in illis mouere, quia alia ratione cōtinuū corrumpit, diuidendo inquam, & penetrando: cui passioni obnoxij adhuc sunt hectici: Ac multò quidē melius est ita sentire, euidentia, & rerum consona sequēdo, quàm refugere ad æqualem illam temperiē, in qua animus quiescere non potest: Cæterū frigus mitius, tendit partes compellendo, exprimendoque humores à superficie cui occurrit in profundum, quod verò vehementius est frigus, vim quandam habet penetrandi, & veluti incidendi & mordēdi, vt in niue, & aëre frigidissimo morisionem sentimus, in naribus, auribus, extremis digitorū partibus. Hæc enim frigida suapte natura, & sine munimento, primum externis iniuriis exposita, grauius aliis membris afficiuntur. Ergo calor, & frigus aliquando suapte natura, aliquādo verò ob passionē quas pariunt in humore continuū diuidūt, dolorémque pariunt. At verò humiditas humectando replet: ex repletione tensio, ex tensione cōtinui solutio, & dolor fiunt. Iam verò siccitas vix potest dolorem efficere: nam suapte natura vt nec aliæ qualitates alterando, nequaquam potest id facere. Continuum autem diuidi non potest à siccantibus in partibus nervosis, & sentientibus in quibus fit dolor, quin prius mors præueniat, propterea nec cōuulsionem à siccitate fieri, facile possum ostendere: Aiunt enim huius opinionis auctores fieri cōuulsionem siccando, ex sanguinis profluuiio, purgatione, sudore, vomitu, inedia, motu, à febribus ardētibus, & aliis huiusmodi rebus, quæ corpus vacuāt, & exsiccāt. Rationi enim consonum videri, vt nerui ob siccitatem contrahantur, conuellanturque, quomodo chordas cithararum ab igne & sole exsiccari, contrahi que cōspicimus. Verū si quis paulò diligentius rem expendat, inueniet profectò hanc opinionem infirmis niti fundamentis. Nam si in cōuulsionis generatione non sufficit qualiscunque humorū cōsumptio, sed necessarium est, humorem eum absumi, quo neruus ipse constat, & terrenæ illius partes inter se glutinātur, semper præue

præueniet mors huiusmodi siccitatem, prius enim quàm teneretur materia insita singulis membris, humores qui in vasorum cauitatibus continentur, educètur, vt qui facilius sequi possint attrahentiũ, aut impellentiũ, aut alio modo vacuantium causarum vim. At cõsumptis his humoribus, imò non expectata integra consumptione, anima, vitæque expiranti: vt quæ nequeat in corpore omnem pati excessum: Sed quis vnquam vidit huiusmodi conuulsionem à siccitate, nisi quis data opera, neruos denudare, & igni exponere velit: forte enim tunc conuulsionẽ pariet siccitas: sed de igne non agimus, nec quærimus quid nostra opera fieri possint: versũ quid possint morborum causæ, quas illi ponunt, quibusque mederi debemus. Quod si cõuulsio à siccitate fieri potest, quiritabidi, qui ad extremam siccitatem peruenierunt: cõuulsionẽ nequaquam experiuntur in musculis, ventriculo, & in aliis omnibus partibus, in quibus adsunt nerui. Id verò illis imposuit, quod viderunt multos exsiccatos, & cõuulsos: quod nos ipsi concedimus, non tamen propterea conuulsio à siccitate erat: sed ob acres, aut etiã alios humores: siccitas verò ipsa ab aliis suis causis. Adde quod scribat Galenus in libro de conuulsione, eos qui ex siccitate conuelluntur, protinus mori, nec cogitandi quidem de remedio aliquo tempus cõcedere: ex quo constat eos falli qui specie mali decepti, se cõuulsionis ex siccitate auxilia descripsisse putant: quod si humectantia conuulsionẽ iuuant, id quidem non faciunt, quòd medeantur conuulsioni à siccitate: sed quòd acres, & mordaces humores, aut alios qui fortè conuulsionẽ faciant, retundant, aptosque ad euaporationem reddant: Nec par quidem est ratio de chordis cithararũ, & neruis: nam illæ exsiccatæ iam suapte natura, & nequaquam munitæ ab aliis partibus, nec attractrice facultate, cuius opera humectari possint præditæ, à calore, & siccitate facile contrahi possunt. At nerui quũ venas & arterias habeant vicinas à quibus trahere possunt humorem, & ex eo humectari, difficilẽque pati possint ob suam duritiem, & partium vicinarũ munimentũ, & denique vndiquaque regantur, & humectentur, conuulsuam siccitatem nequaquã experiiri possunt, mors enim semper anteuertit ex humoris contenti in suis vasis defectu. Ergo si dolor à siccitate fieri non potest, nisi ratione tensionis, ten di autem non possunt partes sentientes, & neruosæ à solis

siccantibus, cōstabit, à siccitate nullum posse fieri dolorem: aut si sit non erit ille quidem levis vt Galenus sentit, sed vehemēs: vt qui non nisi à magna siccitate fieri possit: sed hæc sitis de dolore qui sit à primis qualitatibus in sensu tactus. Quod verò alia obiecta huius sensus dolorem pariter cōmittant ob solutionem continui, omnibus notum esse puto: nam dura, grauiā, crassa, acria, mordacia, vulnerantia, & alia huius generis doloris sunt causæ, vel qui comprimēdo, & ob id tendendo, vel erodendo, vel incidendo, vel frangendo, vel alio denique modo, continuū soluāt: de qua re antea abunde tractauimus. Cæterum in aliis sensoriis nō perinde facile est modū inuenire, quo dolor gignitur, tamen si quis diligenter inspiciat vt tactum à prædictis obiectis diuidendo, sic, & alia sensoria affici, dolerēque à suis obiectis ob solutionem continui intelliget: nam sapores qui dolorem pariunt, vt Plato in Timeo, & Galenus quarto de Simplicibus recte docent, vel mordicando, vel contrahendo continuum corrumpūt. Idem faciunt colores, odores, & soni: hæc enim omnia doloribus sua sensoria afficiunt, quod vel cōtrahāt, aut secent quodammodo, aut dissoluant quod vnitum est. Atque hæc satis de his quæ doloris ipsius corporis sunt causæ: Nunc verò videndum est, an possit doceri ratio, qua dolores in animo à suis obiectis oriuntur: quod etsi difficillimū est intelligere, tamen præstat in re pulcherrima periclitari, quàm penitus tacere. Igitur quum dolor animæ non cōueniat sine mœrore: meritò forte statuere poterimus facultates animæ quæ dolori subiiciuntur, pati a suis obiectis, nō solum ex propria natura, sed multo magis ex passionibus, quæ in partibus illis fiunt, in quibus facultates huiusmodi resident: nam per mœrorem & luctum dum dolemus, sentimus cor admodum contrahi, & violentiam quandam ex immoderata contractione pati: id quod etiam in timore percipitur: est enim timor, vel dolor quidā, aut certe aliquid dolori simillimū. Cōtra verò in ira, sentimus cor ex ebullitione tendi, in gaudio fir & dissolutio quædā, ob dilatationē, & quandā effusionē, nonne etiam in imaginatione rerū molestarum sentimus cerebrum contrahi, & veluti diuidi? Itaque si dolores tum animi, tum corporis fiunt ab his quæ substantiam instrumentorū diuidunt, iam elici potest perfecta doloris definitio, quam antea potius supposuimus quàm certa aliqua

aliqua ratione veram esse ostenderimus. Est inquam dolor molestia, quæ agendo percipitur in certis actionibus facta dum continuum soluitur: compræhendit hæc definitio omnem dolorē animæ, & corporis: ex quo nullo negotio possunt elici peculiare definitiones. Quare superest vt ad alia properemus.

*De differentiis doloris, & illarum causis.*

CAP. XV.

**D**OLORIS differentias à nullis certis fontibus ducit Galenus, sed sparsim singulas enumerat: quo fit vt nemo intelligere vnquā possit an omnes differentias teneat, an quædā adhuc fortè relinquantur: quare ex certis capitibus rerum differentia sunt petendæ. Porro doloris differentia quæ præcipuæ sunt, sumentur ab illius essentia: Sunt autem de essentia doloris, quæ in illius definitione assumuntur. Igitur quum dolor corporis, cuius potissimū differentias, & illarum causas quærimus, sit molestia, quæ sentiendo percipitur, à certis causis nata: meritò ex differentia quæ agnoscitur in ipsa molestia quæ sentitur, & ex causis quæ illam pariunt, aut patiuntur, differentia multæ resultabunt. Notamus quidem in ipsa molestia qualitatem quandam, & quantitatem: ac à qualitate molestia semptæ sunt illæ differentie, quum dicimus, inter dolores quendam esse tensionem, aliū mordacem, aliū erodentem, aliū acutum, aliū pulsatorium, aliū vlcerosum, aliū grauem, aliū asperitibus quibusdam plenum, aliū qui terebri, aut pali perforantis sensum præbet, aliū stupidum, aliū stimulantem, aliū punctorium, aliū contudentem, aliū retrahentem, aliū denique detrahentem, quia enim sensus quidam sit tensionis, stupidus, vel quod molesti fiat cum tensione, & stupore, ideo tales dicuntur esse doloris differentia: quamquā tamen huiusmodi nomina pluribus modis à Galeno vsurpentur: de qua quidem re breuiter ago, ne quid difficultatis in tractatione ex significationis ignoratione oriatur. Sed illorum duntaxat mentionem faciemus, qui pluribus modis vsurpanrur, vel ex ipso nomine non satis patet illius natura. Igitur grauis dolor vt Galenus in primo commentario sexti libri de

Morbis vulgaribus testatur, bisariam vsurpatur: vel enim grauis dicitur, quod rei grauis loco incumbentis sensum inferat, vel quod difficilis sit. Acutus dolor vocatur ab eodem autore, qui sensum talem repræsentat, qualis à re acuta pungente nascitur: Est quæ (vt ille ait) duplex, vnus leuiter acutus, qualis ab acutæ acis punctura fieri consuevit, alius qui à re crassiore acuta excitari potest. Vlcerosum dolorem definit, qui inter mouendum, vel tangendum in laborante parte sensum excitat: qualis in partibus vlceratis percipi solet. Est verò stupidus dolor qui cum stupido sensu est coniunctus: Pulsatorius intelligitur, qui cum quadam pulsatione affligit. Mordax siue erodens is est, qui erosionis sensum affert. Punctorius est qui punctiōis sensum refert: In hoc etsi veluti radix pungendo videtur hære in vno loco, dolor tamen latius in circulo extenditur: Contundens contusionis sensum præbet: Retrahens est in quo pars affecta retrahit: Detrahens verò in quo eadem detrahi videtur. Cæterum à quantitate molestiæ siue maiore, aut minore sensu ducuntur hæ differentiæ, quum dicimus quosdam esse dolores magnos, alios paruos siue remissos, alios esse maximos, alios vehementissimos, alios minimos. Iam verò à causis dolorum sumuntur illorum differentiæ: à differentia quidem subiecti in quo fiunt, ducuntur hæ, quum dicimus dolores quosdam esse internos, alios externos, alios profundos, alios his oppositos (vt ita dicam) superficiales. A situ enim partis quæ affligitur, emanant hæ differentiæ: Ab illius verò figura proueniunt illæ, quum dicimus dolores quosdam esse latos, siue vt vocat Galenus late fusos, alios angustos, alios extensos, secundum longitudinem, alios contractos, etsi quæ aliæ sunt huiusmodi differentiæ. A partis verò quantitate, vel quod vniuersam, vel mediam, aut minorem duntaxat illius portionē occupet: cuius generis sunt in dolore capitis, cephalalgia, hemierania. At à partis substantia quæ dolet, differunt inter se dolores, vt colicus dolor Nephriticis, Pleuritis. Cæterum à causis committentibus dolorem emanant etiam quædam differentiæ, in quo genere non incommode reponi possunt hæ, quum dicimus dolores quosdam esse malignos, alios benignos, quod à benignis, & malignis causis sint nati: Item quum dicit Hippocrates inter dolores quosdam esse calidos, alios frigidos: Proueniunt

nonnullæ quoque differentiæ à causis sine quibus non. A modo quidam generationis, & solutionis, quum dicimus dolores quosdam repente oriri vel solui, alios vero paulatim: quosdam præterea per consensum, alios primario gigni. A tempore vero afflictionis, quando dicimus dolores quosdam esse nouos, & recentes, alios antiquos & inueteratos, quosdā raros, & intermittentes, alios frequentes, vel continuos: Sumi etiam nonnullæ possunt à modo quo instant: quidam enim fixi sunt, alij discurrentes, alij emicantes, qui ut inquit Galenus parte primario affecta, veluti à radice incipientes celeriter in partes adiacentes transferuntur, ut in vehementissimis Hemicraniis apparet. Atque has omnes differentias à causis duci intelligit, qui ea legerit, quæ de causis antea docuimus. Elicitur quædam differentia à modo quo dolores feruntur & sustinētur, qua ratione Galenus libro tertio Protrheticorum, quosdam dicit esse dolores *ἀνὰ ὅρον*, alios *διὰ ὅρον*: Aliæ vero sumi possunt differentiæ ab effectis quos dolores pariunt, veluti quum dicimus dolores quosdam iam inferre, aut minari inflammationem, alios conuulsionem, alios animi defectum, alios vero aliud. Sunt porro quædam dolorum nomina, quæ differentias aliquas inter se compositas significant, cuiusmodi dicit esse Galenus eum qui atrox nuncupatur: Is enim vehemens, & simul cōtinuus est, sic cephala inter dolores capitis intelligitur, qui diurnus est, & vehemens, aut inueteratus, remediis que ægrè cedens: Eiusdem generis sunt dolores capitis, qui ab Auicenna & Practicis (ut vocant) medicis vocantur, Galea, Ouum, Nux, Malleum, & Clauus. Atque hæc qui dem sufficiant hoc loco de dolorum differentiis. Iam vero tempestiuum est causas differentiarū doloris enarrare: quas nulla methodo ab antiquis compræhensas inuenio: si quis tamen diligenter rem expendat, agnoscet profecto illas omnes sumi vel à subiecto, vel ab efficiente, vel à potentia quæ sentis, iudicatque de dolore, aut ab istis inter se cōplicatis: quod ostendere aggredior in singulis differentiis. Igitur sensuum dolorem scribit Galenus fieri aliquādo à spiritu, aliquando ab inflammatione, aliquando ab humorū multitudine: hanc tamen varietatem primo ad Glauconē explicat: vel enim inquit sensuius est, sine grauitate, & pulsatione, & tunc sit à multitudine spiritus crudi, & flatuosi: aut est cum

cum pulsu, cuius inflammatio est causa, aut cum grauitate & tunc fit à multitudine humoris: De loco huius doloris varia etiam tradit, nam in omnibus partibus sensu præditis eum fieri aliquando scribit: alibi in membranis, alio loco in totis ipsis musculis. Ratio autem docet, non solū ab humore, vel vapore, vel inflammatione, sed ab omni re tendēte, eundem excitari: nec solū quidem in illis partibus, sed in aliis vniuersis quæ tendi sunt aptæ: nam per conuulsiones, & nervorū diuisiones, tensiui mouentur dolores: Capit ergo hæc differentia doloris causas suas ab efficiēte, & simul à loco affecto: porrò grauis dolor in quo grauitas quædam sentitur, fit inquit Galenus à plenitudine: quod enim repletur humore, illud graue redditur. Ait quoque eundē fieri in his qui calculo laborant, eo tēpore, quo nec calculus gignitur, nec exit: Tunc enim vehementissimos fieri dolores. Itē in mediocri inflammatione renum, hepatis, pulmonis, & denique illarū partium quæ repleti sunt apte, & exiguo sensu sunt præditæ. Ratio verò suadet eum nō posse fieri, nisi à re grauante: quæ quum adest, necessario in omnibus partibus grauem dolorem parit: propterea flatu nequit huiusmodi doloris effectus causa, eò quòd res leuissima sit: Pituita autem vel mediocri sita copia, quia grauis est eum facit. Alij vero humores, præsertim bilis, hanc vim non habent, nisi plurimum excedant: sic calculus grauem dolorē semper parit, nisi prorsus exiguus fuerit: & inflammationes in quibus plurimus humor est collectus: Estque huiusmodi dolor cōmunis omnibus partibus, quæ sensum aliquem obtinent: illæ enim omnes aptæ sunt sentire grauitatem, quòd si partes exquisitiore sensu sunt donatæ, per inflammationes sentiunt vehemētes dolores: nō tamen arbitrari debemus etiā graues nō fieri: sed hi à vehementibus obscurantur, vt vix sentiantur. Recipit ergo hic dolor causam ab agente: Acutum dolorem scribit Galenus fieri in tunica regente renes, & ventres eorum interiores, nec nō in Arteriis, quæ ad eas terminantur, & in exortu vasorum vrinariorum, præterea in hepatis tunica, & vasis ipsius. Committi verò ab inflammatione: nam quòd vulnerare acus pungentis modo aptum est, calidū sit oportet, qualis est humor, qui inflammationes parit: Ille enim penetrare, pungeréque potest. Capit igitur causam ab efficiēte, & loco affecto, nisi putes non solū in illis

lis partibus, quas recenset Galenus, sed in aliis omnibus huiusmodi dolorē oriri posse: si modo calidus & tenuis adsit humor. At pruriginosus dolor eodem auctore nascitur ob acres humores, corporis superficiem occupantes: oportet autem tales esse humores, ut scribit libro de Symptomatum causis secundo, tenues, infixosque cuti hærere: quippe tenuē, falsum, immotūmq; humorem, pruritū excitare: paucum, tenuem, mordentem, & immotum, ulcerosum affectum: multum, falsum, crassum, & immotum, lepram, & scabiem parere: paruum, tenuem, & mordacem, cum exiguo motu horrorem: cum vehementiore verò, copiosiore, mordaciorēmq; humorem rigorē inferre. Ulcerosus dolor eodem auctore fit non solum in cute, sed etiam extenditur vsque ad imas partes, & ossa: excitatur verò ab humore acro, & erodente: ex quo patet sumi causam illius à subiecto, & efficiente: stupidus dolor inquit Galenus à frigiditate fit: ea enim spirituum, & facultatis sensificæ transitum impedit: Vnde obscurus fit sensus, & ob vehementem frigiditatem dolor nascitur: itaq; vtriusq; ratione, stupidus dolor paritur: qui nihil aliud est, quàm dolor cum stupido sensu cōiunctus: Causam ergo sumit à solo efficiente: quippe cum quælibet pars sensu prædita, huiusmodi dolori sit obnoxia. Pulsatorius dolor nascitur, ut idem tradit, ex magnis inflammationibus, erysipelatis, & abscessibus, primario affectu in arteriis, in reliquis verò partibus omnibus sensibilibus per consensum: proinde in cute adnatis, membranis, quibus nullæ sunt arteriæ insignes, nec in peripneumonia, pleuritide, hepatis vel renum inflammatione: quoniam obtusus illarum partium est sensus, huiusmodi dolorem fieri posse credit: sic magnā inflammationē, vbi etiam paræ sunt arteriæ, dolorem pulsatorium efficere posse tradit: Gignitur autem dolor huiusmodi ab his causis hoc modo: per inflammationes arteriæ, vehementius ad motum excitantur, ut caloris vehementiā contemperent: verum quum liberum spatiū non habeant, vicinas partes pulsant, quæ si sensum habent, ex percussione dolent: vocaturq; dolor hic, pulsatorius. At quoniam magnæ inflammationes occupant omne spatiū, in quo mouetur arteriæ: ideo in illis etiam locis, vbi arteriæ paræ sunt, dolor prouenit: vbi verò magnæ sunt arteriæ, mediocris, vel etiā parua inflammatio, eiusdem doloris causa est: quia  
mag



magnum spatium requirunt magnæ arteriæ: ex quo patet causas huius doloris aliquando à solo efficiente, vt magna inflammatione, aliquando à solo subiecto, vt magnis arteriis, aliquando ab utroque sumi: veluti quum vtrunq; est mediocre. Punctorius dolor causam habet ex efficiente, & loco affecto: nam calidam oportet esse materiâ, & membranam quæ patitur: vnde in pleuritide dolor punctorius fit. Mordax dolor causam capit à solo efficiente, ab humore inquâ, aut vapore acris: nam quælibet pars apta dolere, huiusmodi dolori est obnoxia: Vehementissimû dolorē pariunt inquit Galenus causæ vehementissimæ: cuiusmodi est humor cicculatus in partem affectam, à venenatis animalibus. Mihi verò causa reiicienda videtur, non solû in id quod efficit: sed etiam in id quod patitur, vel in ipsam facultatē, quæ passio nes diiudicat. Nam partes admodû sensibiles à moderatis etiâ causis, vehementissimos patiuntur dolores: eodē pacto mollis animus, magnos concepit dolores à leuissimis quibusq; causis. Dolor asperitatis quibusdam plenus inquit Galenus ab inflâtorio affectu, vnâ cû humore exasperante, in carne fit, exasperare autē potest humor, qui acris est, & crassus, ob acrimoniam enim mordere: quoniâ autē crassities adest, quæ inæqualiter dispergitur, asperitatē facere potest. At dolor per quem palus videtur infixus, in crassis inquit ille intestinis fit, veluti etiâ is in quo terebro perforari videntur partes: differunt verò inter se aut multitudine, aut crassitudine, aut rei dolorē facientis potentia, siue humor, siue spiritus flatuosus fuerit: videtur autē huiusmodi materia prorsus esse crassa, & vehemēter frigida. obtusam enim diuisionē, quâ palus aut terebri acumen præstat, efficere non potest humor, aut vapor, qui crassus non sit, & simul frigidus: calida enim materia minores diuisiones facit, vt pungētes, & erodentes, penetrâtque citius quæ tenuis est: crassitudo præterea ipsius partis, vt intestinorû substantia plurimû etiam confert ad huiusmodi sensum inferendû. Contundentis doloris causas non docet Galenus: nec mihi videtur ille fieri posse ab alijs causis, quâ ab externis, quæ contendendû vim habent. Nec ille etiam docet retrahentis, aut detrahentis doloris causam: quæ quidē meo iudicio est prorsus affectus inflammationis capitis, aut finis partis: quæ sanum aliud extremû retrahit, aut detrahit. Tacet quoque maligni doloris

ris causas: quæ vel ab efficiente, aut & loco affecto sumi videntur: nam quæ malignâ obtinēt qualitātē, vt venena, quæ ex deleterijs medicamentis sumuntur, aut humores eiacula ti morfu animalium venenatorum, aut ex improbo victu, vel aëre pestilenti geniti, idē præstare possunt. Omittit ille causam emicantis doloris: videtur tamen ea esse tenuis materia, & pars princeps, aut quæ publicū munus exercet: ab illis enim tenuis substantia in vicinas facili trāsferri potest. Fiūt porrò dolores qui repentē, aut paulatim oriuntur, aut incrementū suscipiūt, vel ratione materiæ, quæ repentinā, aut tardā vim ad agēdū habet: vel ob partē, quæ ob suam mollitiē, vel cavitatē, aut connexionē, aut aliā propriā cōditionē promptē, aut ob contrariā conditionē ægrē, causas dolorificas admittit. Rarus verò dolor, id est qui rarō affligit, fit, maximē à fluxionibus per intervalla repētētib⁹, vt in podagra apparet, aut à partib⁹ imbecillibus, quæ materiā noxiā procreāt, sed eam postea promptē extrudere possunt: vt in colico dolore apparet. Continui verò dolores à cōtrariis causis excitantur. Cæterū infixi dolores causam sumunt partim ab efficiente, & partim à subiecto: nam crassus, vel multus humor, vel vapor hæreere solet in parte: & ipsa pars, quæ ob suam compositionē difficilem præbet exitū materiæ lædenti, facit, vt fixi dolores maneant. Vnde inquit Galenus in dentibus maxillaribus, oculis, & cū quadā pulsatione in auribus, & in colo intestino, accidūt huiusmodi dolores. Dolorē profundū fieri idē inquit in mēbranis ossibus adiacētib⁹, adeo vt ossiū ipsorū veluti dolentiū inducant imaginē: propterea à Græcis *ὀστέα* dicūtur: fiunt autē potissimū à frigore, vel plenitudine. Latē fusus dolor in mēbranis maximē oritur, à flatu, vel tenui humore: illa enim pars, & aliæ quæ latē sunt, vndequaq; admittūt dolorificā causam: & hæc quā tenuis & mobilis fuerit, promptē sese in omnē partē insinuat. Angusti dolores causam capiunt duntaxat à parte affecta, cuiusmodi sunt nervi, venæ, & arteriæ: huiusmodi enim partes, vt angustæ sunt, & extensæ secundū longitudinē corporis, angustos, & extensos dolores experiuntur. Noui dolores, id est qui non antiquantur à calida, vel tenui materiā fiunt, præsertim in partibus laxis: Cōtrarij verò à frigida & crassa materia in partibus astrictis. At compositorum dolorum causæ compositz sunt, ita vt non opus sit plura de hac re

hac re hoc loco docere vbi methodum potius,quàm singulorum explicationem quærimus.

*De causis voluptatis corporis, & animi.*

CAP. XVI.



TSI voluptatis remedia non quærimus, tamen quum doloribus mederi studemus, plurimum refert nouisse quid voluptatē parere, aut aliū dolorē excitare possit: sic enim quæ grata sunt, naturæ auxilia eligemus, alia vero euitabimus, quæ nouam molestiam inferre sunt apta: Accedit quod hæc tractatio scitu est iucunda, & multis difficultatibus implicata, vt nostrum laborem minimè superfluum in hac re fore existimem. Igitur voluptatem scribit Plato in Timeo, & ex eo Galenus libro primo de Causis symptomatum, fieri, quum aliquid à statu præter naturam in eum, qui naturalis est, mutatur ab his, quæ agunt cōfertim: nam quæ sensim agunt, absque voluptate mutationes facere creduntur: quorum quidem opinionem recipere nequam possum, ita dictantibus ratione, experientia, atque adeò ipso Galeno, qui in hac re sibi non constat: Nam quòd non solum in reditu ad naturalem statum, sed etiam in bene valentibus voluptas fiat, clarius est, quàm vt doceri debeat. Etenim singuli sensus miras sentiunt, cum recte habent, voluptates à suis obiectis, nec non animus ex cogitatione iucundarum rerum magna voluptate afficitur: Docet idem Galenus libro primo de Causis symptomatum, vbi enarrat quæ sint grata obiecta singulis sensibus, non solum dum ægrotant, sed etiam quando conualescunt à suis morbis, aut iam optimè valent: quod quum notissimum omnibus sit, illud refellere aggredior, quod illi dicunt, voluptatem duntaxat fieri ab his, quæ cōfertim agunt: nam & id falsum esse arbitror: Etenim si cōferta mutatio solum id faceret, voluptatem duntaxat parere possent extrema contraria: nam media nec subitam, nec magnam vim habent ad agendum: quum tamen mediij colores dolenti oculo ab extremis coloribus gratissima sint spectacula, vt Galenus libro præcitato docet: quod etiam in aliis sensibus apparet: nam dolenti tactui ex lassitudine gratæ sunt molles, blandæque frictiones, & vnctiones: quod idem

auth

author eodem loco memoriae prodidit. Fiunt ergo voluptates etiam ab his quæ sensum, & leuiter vim suam exercent: Ac quod ea quæ confertim agunt, non semper voluptatem pariant, ubi ad naturalem statum laborantes sensus redeunt, scribit & Galenus duodecimo Methodi, docetq; ipsa experientia. Etenim dolentibus partibus à frigore, calor qui confertim adhibetur non voluptatem, sed nouum dolorem affert. Ex quibus quidem patet, nec à solis, nec semper ab illis quæ confertim agunt, voluptatem comparari. Ac profectò quum vniuersam Galeni tractationem, quam facit de dolore, & voluptate in libro de Causis symptomatum diligenter expèdo, inuenio illum mala principia ponere; & posita postea euertere particularibus exemplis, & rationes quasdam in certis sensoriis reddere, quas in aliis mutat: deniq; cum nò posse aliquid in ea re stabile ponere; quum tamen vna res sit voluptas, vna dolor, quæ propterea vnā communē rationem recipere debent. Principium enim apud illum est, vt diximus à Platone mutuatum, dolorem, & voluptatem fieri ab his duntaxat, quæ celeres simul & magnas mouentur mutationes, id est, vt vno verbo dicam, confertim agunt: Ac docet quidem ille ea quæ huiusmodi sunt, dolores parere, & ali quando voluptatem: verum non docet dolorem non posse oriri etiam ab illis, quæ sensum facultatem suam exercent: euertitque hoc principium in generatione voluptatis: quandoquidem (vt diximus) docet in singulis sensibus voluptatem sæpe fieri ab illis, quæ non nisi sensum agunt. Ac quod magis est post particularia illa exempla, sumpta ab illis quæ paulatim agunt, colligit rursus recte dictum à Platone voluptatem fieri in singulis sensoriis, quum ad naturalem statum cōfertim perducuntur; quod quidem postea alia ratione rursus euertit, quum scribit voluptatem parari ab his, quæ confertim agunt, maxime si ea nobis cognata, familiariaq; fuerint: cuiusmodi sunt in gustu dulciora, odoratu ea quæ proportionē dulcibus respondent. Nam antea principium recepit, quæ confertim agunt voluptatem conciliare, nulla cognationis facta mentione. Deinde verò cognationis nomen addit: sed quā recte videamus. Si enim cognata intelligit quæ mediocria sunt, & temperata vt dulcia, non poterunt illa voluptatem parere, ubi mutatio sit à statu præter naturam in naturalem: quippe cū mutatio per

contraria fiat, nec quæ temperata sunt, magnis excessibus mederi possunt: quo modo præterea dicere potest esse contraria, & cognata: nam contraria inimica sunt, cognata autem amica: Præterea non oportebat ad sola dulcia rem contrahere, sed in omni sensu generali aliqua, aut certè particulari singulis ratione docere debebat, quid illis esset cognatum. Ego certè arbitror omnia quæ doloribus medetur cum voluptate pariter esse cognata, nec certū aliquid magis quàm aliud statuendū esse: quod, quidem idem author ostendit, dum docet eo loco voluptatem comparari à quibuscūq; contrariis. Nec quidem potest dulcis sapor voluptatē afferre in omni affectu ipsius gustus: aut si affert, non certè id faciet confertim, utpotè qui temperatus & mediocris sit sapor, qui nō nisi temperatè, & mediocriter agere potest. Postremo videmus voluptatem pariter fieri à duobus cōtrariis: Etenim dolentibus partibus à frigido, calidum, sicut dolentibus à calido, frigidum cum voluptate medetur, si certa mensura utrunq; adhibeatur. At duò contraria nequeunt eidem esse cognata: aut si sunt, non alia ratione sunt, quàm quòd medeantur mutuò contrariis malis: adeo ut superflua addatur, voluptatem ab illis conciliari, quæ contraria sunt cognata: neq; enim certa genera rerum in singulis sensoriis reperiuntur cognata: sed nunc vnum, nunc aliud: pro natura affectus, aptum est ad dolorem mulcendum. Quòd si cognata putat illa esse quæ certa mēsurā adhibentur: propterea quod idem nunc voluptatē pariat, nunc verò novū dolorem inducat in parte ex alia dispositione prius laborante: modus ille explicandus erat, quò quidem fit, ut diuersa ab eodem sequantur: itaq; quum ex Galeno non constet, in quibus possit voluptas fieri, & à quibus rebus cōciliari valeat, rem hanc nos pro viribus enarrare aggrediamur. Porro facile est docere in quibus fiant huiusmodi affectiones: Nam experientia docet, non solum in reditu ad naturalem statū, sed etiam in sanis, cōualescentibus, & deniq; in omni alio corporis statu, dolore, & voluptatē cōmitti. Illud verò difficilius est docere, quur in reditu ad naturalem statū, hi qui præter naturā habent, aliquādo voluptate afficiantur: aliquādo dolore, aliquādo verò sine sensu doloris, aut voluptatis, ad naturalem statum perveniant. Etenim in colicis doloribus vacuantiis, quæ sanitatem conciliant, semper afferunt secum volupta-

luptatem: Vbi verò partes ex frigore dolēt, calor qui sanat, parit aliquando voluptatē, aliquando nouum dolorem nascit. At à siccitate, calore, frigore, humore, & multis aliis affectibus ad sanitatē itur, sæpe absq; voluptate vlt; aut dolore: Cuius quidem rei causam nō puto illam esse, quam Plato, & Galenus tradunt: quòd scilicet voluptas cōcilietur, vbi morbis medemur, remediis confertim agentibus, sine voluptate autem sanitas accedat, vbi alterius generis adhibētur auxilia: quando quidem, vt antea ostendimus, vim habet inferendi voluptatem etiam illa, quæ sensim leuētēq; agunt: Sed petitur meo quidē iudicio ratio, à diuersitate affectuū: quorum mutationem querimus: Nam qui cum dolore sunt, ad sanitatem mutantur cum voluptate, quod si corpus nequaquam dolet, absq; voluptate sanitas comparatur: quod ratio imprimis docet: Nam quum mutatio omnis fiat ex contrario in contrarium: merito fit, vt ex dolore ad voluptatem fiat transitus, docet idem experientia: nam vbi corpus morbo laborat absque dolore, nullam voluptatem sentit ex suis remediis: Contra verò quum dolore torquetur, miram sentit voluptatem: quum dolor mulcetur, vel ablata dolorifica causa, aut ipso sopito sensu. Cur verò nascatur aliquando dolor ab his, quæ medentur doloribus: veluti quum refrigeratas partes confertim calefacimus, non ea ratio est, quam nonnulli tradunt, quòd natura subitas mutationes abhorreat. Aiūt enim pelli frigus à calore cōtrario, & ex illius pulsione repentinā intemperiem, & compressionē partium, cōtinuūq; solutionē fieri, & inde dolorē: qui nō fieret si sensim calor adhiberetur: hūc enim esse quidem amicum mēbro refrigerato, sed quoniam subito comparatur, cum fieri præter naturā, & molestū: Verū si ratio vt illi volunt, sumitur à subita mutationē: quò pacto statuūt illi ex Platone, & Gale no dolorē, & voluptatem, non nisi in mutationē, quæ confertim fit contingere? Oportet præterea idem contingere in omnibus remediis, quæ doloribus succurrunt: quod non fit: Nam subitæ, & magnæ vacuationes, in magnis doloribus maximam afferunt voluptatem. Naturā abhorreere subitas mutationes trita est sententia: quæ vera est, quum bene valentes inueteratam ex consuetudine naturā, nouis officiis subito assuescere volumus. Verū quum illa laborat subitas mutationes quærit, gratissimāsque habet: sed quod

ab illis promptè liberetur, restituaturq;. Nam larga sanguinis missio, & aquæ portio, magnâq; purgatio, vehementem voluptatem æstuantibus ex febre inferunt. Melius quoque appetimus cibos intermissos, aut novos, quàm eos, quibus vesci consueuimus. Habet ergo vim consuetudo, nō in naturalibus facultatibus, sed in animi actionibus, & propriis vitæ officiis: his enim nemo subito citra periculum assuescere potest. Illud quoq; ridiculum est, quod aiunt, dolorē refrigeratis partibus nasci, eò quod calor, frigus ipsum pellat, & ex pulsione fieri compressionem, continuique solutionem: Nam etsi calor cōtrarius est frigori: nō tamen pellendo, & comprimendo, sed laxando & digerēdo ei relustatur, dolorēq; mouet: Protrusos enim humores à frigore in partes internas, calor ad superficiem euocat, affatimq; fundit: ex fusione autem tensio, cōtinui solutio, & dolor sequitur: quod si paulatim pars calefieret, paulatim quoq; ad superficiem, & alia sua loca redirent humores: vnde nulla tensio, nec dolor fierent. Non ergo ratio generationis noui doloris, quā partibus medemur dolore affectis, ducenda est à subita mutatione, sed à natura eorum, quæ doloribus medetur. Quoniam enim inter illa quædam habent vim inferendi dolorē, ideo dolor nouus ab illis nascitur: ab illis verò nequaquam: quæ facultatem huiusmodi nō obtinent. Id autem illis accidit, quæ nequeunt continuum corrumpere. Atq; hæc in duplici quidem sunt differentia: quædam enim id habent ex sua natura: alia verò non nisi ex agendi modo: Nam quæ sensibilibus vacuant, vt purgatio, sanguinis missio, quæ adhibentur ad dolentes partes liberandas, continuum soluere nequeunt: & propterea semper cum voluptate succurrunt: & tanto quidem maiorem afferunt voluptatem, quanto maiorem portionem noxiæ materiæ educunt: Quæ autem alterando opitulantur doloribus, si conferri agere possint, vt calor, & frigus, nouum inducunt dolorē, nisi paulatim agant: siccitas verò & humiditas, quia nō nisi sensim vim suā exercent: ideoq; voluptatem semper conciliant: quemadmodū diximus fieri à vacuantibus. Ex quibus quidem patet, quando fiat voluptas in sanatione, & à quibus semper fiat, à quibus verò aliquando contingat, aliquando non: Accidit enim voluptas in ægrotis dolentibus dum sanantur: & ea semper ab illis, quæ in suo genere nequeunt dolorem procreare: ab illis  
verò

verò quæ possunt, oritur dolor, quando illis utimur confer-  
tim, nō oritur verò si sensim adhibeantur, aut non nisi sen-  
sim continuū soluere possint. Sanato enim priore dolore,  
nemo est, qui illis tamdiu uti pergat, ut valeat continuū diui-  
di. Atq; hæc dicta sint de voluptate, quæ nascitur, dum corpo-  
ra ægrotantia sanantur. Cæterum bene valentes sensus, &  
conualescentes, ab eisdem rebus delectari ex Galeni opinio-  
ne patet. Nam asserit ille libro primo de Causis symptoma-  
tum, colorem cæruleum in utroq; statu oculis iucundum spe-  
ctaculum. Quæ quidem opinione alia fortè melior inueniri  
potest. Quum enim præsidia, quæ sanis competūt, distincta  
sint ab illis, quæ cōualescentibus adhibentur: nō potest utiq;  
idem esse voluptatis causa in utroq; statu: nisi contingat ali-  
quando id quod relinquitur morbosum in conualescenti-  
bus, sanari posse illis obiectis, quibus valentes sensus oble-  
ctantur. Ac ut dicam quod sentio, in bene valentibus volu-  
ptas à cognatis, & familiaribus rebus comparatur: sunt au-  
tem huius generis quæ mediocres sunt, pro cuiusq; natura:  
hæ enim moderatè vniunt sensoria, & iam vana in medio-  
cri statu conseruant. Propterea medijs colores, & sapes  
suis sensorijs grati sunt: extremi verò diu ferri non possunt  
absq; dolore, & molestia: & meritò quidem. Nam ut ægro-  
tantibus cōtraria sunt quæ iuuāt, sic sanis utpotè in medio-  
critate quadam positis, gratū est, quod mediocre, & simile:  
At conualescentibus mista obiecta voluptatem conciliant:  
quoniam illorum mistus est affectus, partim ex sanitate, par-  
tim verò ex præcedente morbo: cui iucundum esse nō potest:  
nisi quod mistam vim habet, cōseruandi inquā, quod est se-  
cundum naturā, & mutandi, quod præter naturā est relic-  
tū. Idem sentiendū de his, qui parati sunt cadere in morbos: nā  
& mistus est illorū status, ex eo quod est secundum, & præter  
naturam. Iam verò ad proportionem eorum, quæ dicta sunt  
de his, quæ pariunt voluptatem in sensibus, licebit quære-  
re, quid voluptate afficiat animum: nam laborāci animo do-  
lore, ex contrariis illis, quæ dolorem pepererunt medicina,  
& voluptas petenda, sic enim lucrum mulcet, & sanat animi  
dolorē ex iactura pecuniæ conceptum. Ac ut in corporis  
doloribus, quæ adhibetur medicina, aliquando notum indu-  
cit dolorē, ita præsidia, quibus utimur in animi dolo-  
ribus, nonnunquam priore sedato dolore, aliū inferūt: velu-



tiqum cordis dolorem ex nimio risu, & gaudio obortum, ex tristissima, affatim reprimimus: ex nimia enim effusione, & veluti dilaceratione cordis, subita sit eiusdem contractio, & diuisio quedam, & dolor: præterea vt in bene valente corpore, grata, & voluptuosa sunt obiecta, quæ temperata & moderata existunt: sic animus bene compositus non nisi moderatis rebus delectari potest. Sed hæc philosophi, quibus fortè plus ocij est, quàm nobis, diligentius tractent.

*De causis doloris, & voluptatis, quæ sunt  
in singulis sensoriis.*

C A P. XVII.



**T**AUTEM in dolore animi pars eà, siue facultas animæ, quæ dolorificas, & voluptuosas impressiones recipit, aptissima censetur, ad dolores procreandos, eosque grauiores reddendos, quæ est infirma, & mollis: quæ verò huiusmodi passionem apprehendit, & diiudicat, creditur esse idonea, si exquisito iudicio fuerit prædita: & suam quandam habuerit molliem: ita primum videntum est, quodnam ex sensoris aptus sit, ad maiores dolores concipiendos: Quæ quidem in re Galenus libro primo de Causis symptomatum, primum locum tribuit, sensorio tactus: secundum sensorio gustus: tertium sensorio olfactus: quartum sensorio auditus: postremum sensorio visus: dictæque sumi huius rei rationem ex crassitie, & tenuitate substantiæ: quæ constant ipsa sensoria: illa enim grauius dolere, & maiore frui voluptate, quæ substantia crassiore constant: propterea visus instrumentum minimum dolore, quod tenuissimum sit. Tactum. verò maxime quod omnium crassissimum habeat instrumentum. Quæ quidem ratio, etsi ab omnibus recepta est: mihi tamen videtur multis difficultatibus implicata. Nam primum inter Aristotelem, & Galenum non cõuenit de substantia sensoriorum. Etenim Galenus in libro præcitato, nec non in eo quæ scripsit de Instrumento odoratus, instrumentum visus splendidum: Auditum æreum: Odoratus vaporosum: Gustus humidum & aqueum: Tactus verò instrumentum terrenum, & solidum: Aristoteles verò in libro de Sensu, & sensili, visum aqueum statuit esse: auditum æreum: olfactum igneum: tactum terrestrem: gustum verò pariter terrenum, quum ille tactus quidam sit: Ergo si

et tenuitate, & crassitie sensoriorū causa maioris, aut minoris doloris, & voluptatis sumuntur: incerta profecto reddetur ratio: his præsertim, qui aliorum autoritate ducuntur. Nam Galenus aqueum ponit esse gustum: Aristoteles terreum, ille olfactum vapore sum, hic igneum: Ille rursus visum splendidum, Aristoteles verò aqueum statuit. Quod si quis rationum momenta quarat, etsi quid experientia in hac re docere potest, vt forte non inueniet aliquid, in quo animus quiescere valeat: ita haud magno quidem negotio horum authorū argumenta, vel, vt verius dicam, leuissimas coniecturas refellere poterit. Ac vt primū Galeni opinionē excutiamus: si ille omnium sensuum instrumentum definit neruū esse: quo pacto potest instrumentū sensuū distinguere per crassitiem, & tenuitatem? At si neruū non intelligit per instrumentum sensuum, sed aliud quippiam peculiare singulis sensibus: quid peculiare ostendet in sensu tactus? Nam quum cutis, caro subiecta, & viscera omnia, per se non sentiant, nisi beneficio neruorum: nihil inuenire poterimus in illis aliud propriū instrumentū sensus, quàm neruū ipsum. At hunc ostendimus intelligi non posse. Præterea quū scribat ipse in libro de Instrumento odoratus, ventriculū, & præsertim illius os, esse instrumentum appetentiæ cibi, & potionis, quam quidē actionē obit, vt instrumentū tactus, quid in ea parte inueniemus propriū, & peculiare instrumentum, quod tantum differat ab instrumento tactus, quantum differt actio ipsius oris ventriculi, ab actione aliarū partium, quæ simplici duntaxat sensu tactus sunt prædita? Quid quæso est quod in eo appetentiā cibi & potionis, & horū solum efficiat? An neruorū multitudo, quæ in plurimis musculis æqualis esse potest? An exquisitus duntaxat sensus? qui non minor est in cute manus: quàm in ipso ventriculo: quandoquidem, vt ille tradit in libro de Temperamentis, natura huiusmodi cutem ita cōposuit, vt regula, & iudex omnium rerum, quæ sensui tactus subiiciuntur, foret. Cur ergo substantiam instrumenti destinati ad appetentiā cibi, & potionis, non expressit, & ad certā naturā non redegit, vt alia instrumenta, quæ propriam actionem & sensationē efficiūt? Nam vt gustum separauit à tactu: tametsi tactus quidā est, & hunc terrenū, illum verò humidum statuit esse, quoniam aliud requiritur, quàm sensus tactus in instrumento desti-

nato ad sapores sentiendos: eadem profecto ratione peculiaris quædam substantia instrumenti appetitus cibi & potus tribuenda est: quoniam propriam quandam exercet actionem, in tactu quidem, sed non minus ab eo diuersam, quam facit instrumentum gustus. At si per instrumentum non intelligimus partem aliquam peculiarem, sed integram ipsam partem, quæ integrum est instrumentum, & perfectum, ut totum ipsum orificium ventriculi compositum ex nervis, carne sua, & reliquis partibus, ex quibus componuntur: multo minus ostendere poterimus, sensoriorum diuersitatem ex crassitie, tenuitate substantiæ: An partium tenuiorum vel crassiorum est pars illa, quæ orificium ventriculi constituit, alia parte quæ reliquas componit in ipso ventriculo, aut intestina vel cutem, vel musculos conficit? aut si in hoc aliquid fingere possimus: qualem quæso ponemus differentiam in vniuersis partibus, quæ instrumentum tactus constituit, ab illis quæ efficiunt instrumentum gustus, odoratus, auditus, & visus? Inuenies enim in singulis perfectis instrumentis, multa ex crassa, alia ex tenui substantia constari: Ac minus quidem peculiare aliquid in hoc instrumento inueniri potest: si sensorij tactus nomine vim ipsam sentiendi quispiam forte dicat intelligi: Nam quis dicit vim quæ sensus tactus est auditor, crassa, aut solida esse substantiæ: aut sensoria inter se differre crassitudine, & tenuitate? Vna enim est vis, quæ per nervos in singulas partes sentientes, à suo fonte immittitur, spargiturque. Præterea si Galenus in libro de Instrumento odoratus, ideo visus instrumentum splendidum esse oportere scribit, eo quod lucem sentire debet, & auditum æreum, propterea quod dicatus sit ad sonos, qui aëre vehuntur recipiendos: & denique (ut ille ait) si natura in cuiusque sensus instrumento fabricando, similitudinem sensibilem sequuta est: perperam (ut arbitror) tactum constituemus, crassum, terrenum, solidum, & durum: ut potest qui non solum de crasso, terreno, & duro obiecto, sed etiam molli, tenui, humido & aliis plurimis qualitatibus sit iudex. Breue ergo tactus non magis terreus, quam aqueus, aëreus, & igneus: nec magis crassus, quam tenuis, aut durus quam mollis: si de omnibus elementis, & prædictis qualitatibus iudicat. Sed quo pacto potest Galenus terrenum tactum constituere, quem in libris de Temperamentis temperatissimum præsertim in manu magna

gna cōtentione probare nititur. Itaque in tactu nullum peculiare instrumentū inuenitur, quod terrenum, durum, solidū dici possit, neruo excepto: qui reliquis sensoriis est cōmunis: et si fortasse mollior in aliquibus, in aliis verò durior. At nec in aliis sensoriis facile est aliquid inuenire, quod Galeni opinioni respondeat: Nam si per sensoriū intelligamus neruum, qui sentiendi vim immittit oculis, auribus, linguæ, naribus, nemo constituere poterit, visum esse splendidum, auditum aëreum, gustum aqueū, & odoratū vaporosum: propterea quod huiusmodi differentia non reperitur inter neruos illarum partiū. Si verò sensorij nomine intelligamus instrumentum, quod edit perfectam eā sensationem, vt totum oculum, totam linguam, aurem, nihil inueniemus quod huiusmodi opinionē cōprobet: Non enim totus oculus est splendidus, nec auris tota est aërea, nec partes omnes, quæ faciūt ad odoratū sunt vaporosæ: nec aqueæ omnes linguæ partes: At si instrumentū sensus capere vult eam partem, quam passim præcipuū esse authorē actionis meminit: cuiusmodi dicit esse in oculo humorem crystallinum: non deerunt etiam, quæ hanc opinionem redarguant: nam humor ipse crystallinus splendidus quidem est, sed nō tenuioris substantiæ instrumēto odoratus, & auditus: nam instrumentum auditus, aëreum: gustus verò vaporosum esse ponit: humor autem crystallinus crassus: solidus, & concretus est: multò quidē magis quàm aër, & vapor: quibus prædicta sensoria constare dicit: Deinde si omnia sensoria vult ad naturam elementorū redigere, oportebat illū, vt terrēū constituit tactum, & aqueum gustum, & aëreum auditū, sic igneum ponere visum, non splendidum solū, quū huiusmodi qualitas in calidis, frigidis, humidis, & siccis rebus reperitur: vt quæ materiæ puritatem sequitur, sicut in gemmis, crystallo, & aliis multis corporibus perspicuis apparet: Aut si visum dicit esse substantiæ splendide, quæ aliorū sensuū substantiam non explicat per oppositas qualitates? & dicit si velit opacum esse sensum tactus, auditum verò, olfactum, & gustum medias quasdam, & sibi proprias in hoc genere qualitates obtinere: Iam verò si illi dederō instrumentū visus intelligi, quod præcipuum est in oculo ad visionem efficiendam, & illud sit humor crystallinus: quid huiusmodi peculiare instrumentū reperiemus in lingua, quod sit aqueæ

substantiæ? An illius tunica, an caro erit instrumentum hoc? videtur autem tunica hoc esse concedendū: vt quæ primò saporibus occurrat: cuiusque vitia saporem dignotionemque corrumpunt: at tunica substantiam non habet aqueā: caro verò ipsius linguæ etiam spongiosa est, non propterea aquea statui da est: nam & lapides quidam spōgiosi sunt: & corpora spongiosa fiunt, non ob humiditatem, sed ob raritatem substantiæ, in qua multi meatus aëre pleni fiunt: in quo plus potest terra, & aër, quàm aqua: hæc enim facit vt corporū substantiæ concidat, nullique fiant meatus. Si verò per instrumentum gustus intelligat totam ipsam linguam, vt scribit in libro de Instrumento odoratus, primum hoc sequitur inconueniens, quòd vniuersæ illius partes nequaquam sint aqueæ: Deinde aliter iam instrumentum sumimus, in gustu, quàm in visu: nam in hoc humorem crystallinū illud & præcipuum, quoddam instrumentū intelligebamus, non totum oculum: in illo verò totam ipsam linguam, & non aliquid quod in ea sit præcipuū, & proprium gustus instrumentum: Quid verò in auditu cōstituemus aëreū: quænam erit hæc pars? At ille in libro de Instrumento odoratus esse foramen quoddam huiusmodi instrumentū: At hoc nō probat: nec ipsum quidē foramen, sed corpus potius, quod illud cōstituit, hoc instrumentū erit. Non enim foramen aëreū dici potest, etiam aëre sit plenū: nec locus huiusmodi, sed pars omnino debet esse, quæ instrumentū constituitur actionis animalis, vt ille passim docet, quando instrumentū definit. Quod si peritioribus anatomes credere velimus, præcipuū auditus instrumentū sunt, ossicula quædam: quod si ita est, longe crassiore substantia constabit instrumentū auditus, quàm sit gustus, aut tactus sensoriū. Ac multo quidē minus solū erit aëreū, si velit illud eiusdē esse substantiæ cū medio, per quod soni vehuntur ad auditū. Nam quū auditus fiat non solū in aëre, sed etiam in aqua, erit profectò huius sensoriū non minus aqueum, quàm aëreum: quod illi non placet, qui vnum duntaxat elementum, & vnā substantiam singulis sensibus tribuit. Quid verò in sensorio olfactus vaporosum statuetur? Censet ille in libro de Instrumento odoratus, huius sensorium esse in ventriculis cerebri anterioribus. Sed quid illac firmum stare potest, quod perpetuò odores recip

recipiat: Si enim est substantia cerebri, quæ eos ventriculos constituit, non erit hoc sensorium vaporosum: si verò aliquid aliud est, quod veluti innatet ipsi ventriculis, aut cerebri substantiæ adhæreat, perpetuum & stabile esse non poterit si vaporosum erit: nam facile huiusmodi substantia per mutationes, & nasi violentas emunctiones, eliditur: & si aliā habet substantiam: aut si instrumentum est, qualiscunq; sit. Illius natura, cur in dissectionibus corporum nihil huiusmodi in prioribus illis cerebri cavitatibus reperitur? Nec ratio quidem Galeni ostendit odoratus instrumentum in ventriculis illis collocatum esse: Ait enim hoc esse huius rei argumentum, quod odorare non possumus nisi per inspirationem attracto aëre, tanquā oporteat ipsos odores ferri usque ad cerebrum: nec satis sit res odoratas naribus immittere ut odor fiat: quod ostendit, inquit, non in naribus, sed in ipso cerebro hoc instrumentum collocari: verum hoc non probat: quod vult: Nam ut agnoscimus non satis esse aliquid in naribus immittere ut odor fiat, respirationeque esse opus: & ex eo colligimus non in primis nasi partibus vim esse, aut instrumentum odorandi: ita ex eo probare non licet, fieri ascensum odorum usque ad eas cerebri cavitates: sed satis est si illi ad primum processum nervorum, qui ad supremas naris partes pertingunt, perveniant. Addo quod quemadmodum impeditis nervis visio non fit visio, quia vis à cerebro non immittitur, sic obstructis meatibus odoratus, aut cerebro, non communicata per inspirationem necessariam in hoc sensu, affectione nata in instrumento odoratus, non fit odor: Itaque ut nemo dicet instrumentum visus esse in cerebro, ubi deficit re vi sensitiva visus impeditur: ita quum odor non fit, necessarium non est credere illius instrumentum in cerebro situm esse: siquidem actio instrumenti labefactatur, non solum ex proprio, sed etiam ex facultatis vitio. Postremo has diversas substantias sensoriorum id refellit: quod Galenus nequeat unam rationem invenire, qua possit uti in singulis sensoriis. Nam in libro de Instrumento odoratus, ea ratione visus instrumentum lucidissimum esse debere scribit, quia lucē tantum sentire debebat: aëreum verò auditum necessario esse, quoniam dicatus est ad sonos, qui aëre vehuntur recipiendos: gustum verò & linguam ex humidiori corporis substantia constare, quia saporē positos in humida substantia

tia diiudicat: odoratum autem ideo vaporosum esse, & ex media inter humorem, & aërem substantiam cōstitui: quia odoris substantia huiusmodi est; & tandem concludit naturam in fabricandis cuiuscunque sensus instrumentis, similitudinem sensibiliū sequutam esse: qua quidem in re illud primum licet dicere, quod in visu, odoratu, & gustu substantia sensoriorū sumat, ex substantia simili sensibus: in auditu verò non ex substantia sensibilibus: sed medij nempe aëris, per quem soni vehuntur. Quæ quantum inter se differant quilibet agnoscere potest, nam si ex medio per quod perueniunt sensibilia ad sensoria, horum substantiam inuenire volumus: eadem erit visus & auditus substantia: si quidem colores ad oculum, vt soni ad aurem per aërem feruntur. Ergo sibi nō constat, cum in vno sensorio substantiam ex sensibilibus substantia, in alio verò ex medio, quo illud vtitur ad sentiendum accipit. Addo quod si sensoria constituunt ex similitudine sensibilibus, non solum splendidum, sed etiam coloratum oportebit esse visus instrumentum: sed qualem quæso colorem, illi necessariū putabimus: An omnes? quod fieri nequit: an aliquos, sed quo pacto alios recipiet dissimiles? An porius ratio conuincit, sensoria nequaquā oportere esse eiusdē substantiæ cum sensibilibus: nam vt recte inquit Aristoteles, id quod recipit denudatum esse oportet, à natura eius quod recipitur: & propterea recte Plato animā tanquam tabulam rasam esse dicebat: & ipsemet Galenus in libro de Vsu partiū ostendit, ex hominis usu fuisse, quod nullum instrumentum innatū sit manui: vt ea variis pro necessitate vti posset: vtque nullum insitū obtineret. Atque hæc obiter sint dicta aduersus ea, quæ Galenus de substantia vniuscuiusque sensorij tradit. Quid verò de hac re Aristoteles sentiat operepretiū esse puto breuiter proponere. Igitur scribit ille in libro de Sensu, & sensili eos errare, qui visum igneum, quod presso, agitatq; oculo, igneus fulgor appareat: nam inquit hoc accidit, quod oculi pars nigra, mediaque leuis sit: leuia autē in tenebris fulgere: id autem nō ostendere sensorium oculi igneum esse: nam si inquit oculus ex igne constaret, accideretque videre, egrediēte veluti ē laterna lumine: cur etiam in tenebris non sit visio? ridiculum enim esse credere, visum extinguī in tenebris, vt Timæus astruit: extingui enim quod calidum est, & succum à

frigido, vel ab humido, non autem à tenebris. Itaq; visum non esse igneum, sed aqueum: non tamen visionem fieri ut est aqua, sed ut translucet: Constare autem pupillam & oculum ex aqua, probare se putat, quòd sauciatis oculis effluat humor, qui videtur esse aqua: & quod in fœtibus nuper formati, oculi supramodum splendeant, resulgeantque: ob id etiam in animalibus sanguine præditis albidam portionem oculi optimam, pinguemque esse factam: ut humor persistat in congelabilis: exanguium verò oculos tunica dura ambituri, qua ab iniuria frigoris, humores, & ipsi oculi defenduntur: propterea oculos minimè omnium partium corporis rigere solere: ut qui in genere animalium munimentum aduersus frigus obtineant: ex quibus tandem cõcludit internam oculi portionem aqueam esse: quoniam perspicuam esse oportet, talem autem esse aquam. Esse verò sensorium visus, & animam ipsam non in oculi extremo, sed in parte interna: ut autem ex aqua, oculi partem cui videndi facultas est data, sic ex ære, id quod sonos percipit: olfactum ex igne: tactum, & gustum ex terra constare pronunciat: Nam sensoria oportere esse ait, id potetia, quod sunt actu ipsa sensibilia: Quapropter quum odor non nisi fumida quædam exhalatio sit, quæ ignea est, propterea peculiare sensorium olfactus potentia igneum esse: atque hæc ratione olfactum in cerebro situm esse: Frigidam enim materiam, potetia calidam esse, oculum eadem ratione à cerebro constitutum, quod omnium partium corporis humidissimum, frigidissimumq; existat: Tactum autem & gustum nõ procul à corde collocari. Cor enim cerebro ex aduerso iacere, & omnium partium corporis calidissimum esse. Hæc Aristoteles de substantia cuiusq; sensorij eo loco scribit: quæ mihi profecto non magis satisfaciunt, quàm quæ Galenus de hac re tradit: Nã si hoc principio utendum est ad sensoriorum substantiam inueniendam, quòd illa talia sint actu, qualia sensoria debent esse potetia: inueniemus profecto hanc rationem, in singulis sensoriis nequaquam respondere, atque adeo etiam ab ipso Aristotele hoc principium violari: Nam male in primis statueret oculum constare ex partibus lucidis, quòd talia sint sensibilia: nam hæc lucida non sunt, sed medium ipsum, per quod fit visus, at non ex medio quo utuntur sensus, sed ex ipsis sensibilibus naturam sensoriorum constituendam esse proponit:

Dein



Deinde si ipsa sensibilia, aut etiam media vult actu esse lucida: oculus constabit non ex actu lucidis, sed ex his quæ potentia lucida sunt: Vt enim olfactum frigidum, & humidum, & in cerebro collocat, quod huiusmodi substantia potentia sit ignis, & nihil igneum constituit actu in instrumento olfactus: ita in aliis sensoris eadem est obseruanda ratio. Erit ergo visus instrumentum ex substantia, quæ potentia lucida est: non autem ex ea, quæ sit actualis. Quod si ita est, non erit sensorium visus coloratum actu, sed potentia duntaxat, quoniam potentia tale debet esse, quale est actu eius sensibile: est autem id color, sed quo pacto erit visus instrumentum aqueum: si debet esse id potentia, quod illius obiectum est actu. Non enim aqua est potentia color. Illud verò quod affert accidere, vt in tenebris fieri posset visio, si oculus ex igne constaret, non video qua ratione id concludat: nam si illi igneum dicat esse, quod potentia sit ignis, vt ipse olfactum igneum intelligit, non poterit lumen ab oculo egredi, (vt ait) velut e laterna: quia ex eo quod est potentia ignis, nemo dicet lumen egredi posse. Illud etiam non facit quod scribit contra Platonem, non posse extingui visum, illiusque instrumentum in tenebris, eo quod ignis solum à frigido, & humido perimatur: nam quod potentia igneum est, à frigido, & humido augetur, potius quæ extinguatur. At verò si vult visum & oculum ex aqua constare, eo argumento quod vulnerato oculo humor & aqua effluunt, tam statuit sensorium esse aqueum: quia actu aquam habere: nec in hoc recipit sua principia: quum postea olfactum igneum dicat esse, non quia actu ignem contineat, sed quod potentia sit ignis: Præterea in eo falli videtur, quod putet aquam esse id, quod excernitur per vulnera oculorum, nam certi sunt humores, quos oculi compositio requirit. Addo quod huiusmodi humor aqueus, qui effluit, non sit instrumentum visus: nam si lucidum vult esse hoc instrumentum, necesse est vt intelligat humorem crystallinum: at hic nequaquam est aqueus, sed concretus, & solidus. Arguit etiam illud Aristotelis opinionem, quod nomine instrumenti visus, nunc pupillam, nunc biculum appeller, nunc id quod in eo est lucidum: quæ quidem nequit ostendere aquea esse: constat enim oculum non solum ex humoribus, sed etiam ex suis tunicis, musculis, neruis, & aliis partibus solidis: quid autem pupilla sit, videtur ille ignorasse. Oculi verò partem albam factam esse

optimam & pinguem, nec sensus viuentis animali, nec quæ apparent in anatome, docent: quicquid enim in oculo albū circumspicitur, nullā habet circumpositā pinguedinē: nec aliud munimentū, aduersus frigus, quā ex ciliis & palpebris obtinet. Est intus quidem circumfusa pinguedo: sed ad alios vsus cōparata (vt Galenus recte docet,) quā vt humores incōgelabiles seruet. Nam vt in frigore munimentū esset humorum, pinguedo itā in æstu suo calore humores funderet. Quid verò est quod scribit animā ipsam, & sensōrium visus non esse in oculi extrinseca, sed interna parte: nam vt id recte forte dicitur de sensorio, ita de anima nequaquā: vt potē quæ omnes viuentes partes occupat. Ceterum cur non probat aliquid esse aereū, actu in aere, quo auditus instrumentū consistet, vt in oculo aliquid conatus est ostendere esse aqueum, ex quo visus instrumentū constaret? Cur etiam non ostendit in tactu aliquid esse in eo terreum actu, aut aliquid igneū in olfactu, pariter actu: aut si potētia ignē huius sensorii statuit, cur eandē rationē (vt diximus) nō seruat in aliis sensoriis: in quibus illorū substantiam, ex eo quod actu in eis est, & naturā quærit: nā ideo odoratum igneū esse dicit, quod frigida materia cōstat, quæ potētia est ignis: cuius naturā est odor: hunc enim esse fumidā exhalationē. Erit ergo oculus aqueus, quod igneus actu sit, vel aereus: nā hæc potētia ignis sunt. Sic in tactu erit actu, quod potētia est terra: & in auditu quod est potētia aer: quæ quæ sint absurda, quilibet agnoscere potest. Postremo gustū dicit recte esse terreum, quod tactus quidā sit, rationi nequaquā est consonū: nam et si gustus nō sine tactu exerceri potest: tamē alio sensu sapores discernimus, quā tactu: Alioquin cur partes omnes quæ sensu tactus sunt præterita, vim nō habēt indicādi de saporibus. Tactū verò & gustū statuit ille nō procul collocaū a corde: quod quū multa alia, hoc certe euidenter refellit, quod lingua quæ gustus est instrumentū in capite, vt tria alia sensus instrumēta, sit collocata: & tactus spiritus sit per omnia corporis membra: Sed vt dicam quod sentio, opinio hæc de substantia sensoriorū, vt est antiquissima, ita paulatim ex cōtentione philosophorū creuit, & propagata est: nā quid est quod nos cogat, illa potius, quā alias partes, quæ proprias quasdam edunt actiones, vt cor, cerebrum, hepatis, ventriculū, & alia membra corporis ad

elemen

elemēta reuocare: Nam vt illa ex multis similaribus diuersi  
 temperamentis, inter se coniunctis composita, redduntur ex  
 peculiari sua compositione, apta ad propriam functionem  
 obeundam: sic existimare oportet, sensoria ipsa obtinuisse  
 partes similares, ex quarum cōpositione fit, vt vnum visus,  
 aliud auditus, aliud gustus, aliud odoratus, aliud tactus sit  
 instrumentū. Ac in singulo sensorio reperire quidem est, vt  
 in alia omni instrumentaria parte, excessum aliquē qualita-  
 tum: & partem vnā, quæ plus forte quā alia conferat ad  
 actionem: verū vt nec ipsa instrumēta, nec partem aliquā,  
 quæ in illis est, ad vnicum elemētum redigimus: ita frustra  
 tentabimus id in sensoriis facere: Quod ostēdūt tot tamq;  
 discrepantes philosophorum, & medicorum aūthores: &  
 ipsius rei natura, quæ prohibet quinque sensus quatuor ele-  
 mentis concludi posse: quo fit vt coacti quidam illorum fue-  
 rint, mediam quandam naturam, nempe vaporē inter aquā,  
 & aerem ponere: tanquam elementum quintum, præter o-  
 mnem rationem, vt olfactus suum elementum obtineret.  
 Alij verò retento numero elementorū, tactum, & gustū pa-  
 riter terreum esse volunt. Ac vt ex superioribus patere po-  
 test, nequeunt illi in hac re certa principia ponere: aut certē  
 iam posita violare coguntur. Sed iam ad illud accedamus  
 cuius causa hanc de substantia sensoriorum disputationem  
 instituiamus: doceamūque cur maiores, aut minores fiant  
 dolores, & voluptates in sensoriis diuersis. Non posse au-  
 tem rationē huius rei à substantiæ crassitudine, & tenuitate  
 illorū sumi, credo omnibus persuasum, qui intelligere ve-  
 lint, vanum esse existimare, sensorium vnum altero esse cras-  
 sius, aut tenuius. Deinde hoc etiam concessio, non patet cur  
 in crassiore sensorio, maior dolor fieri debeat. Vt enim  
 hoc difficilius patitur, ita nequit admittere facile, & vnde-  
 quaque in sui substantiam causas, quæ dolorem, & volupta-  
 tem pariunt: sic enim videmus dura, solida, & crassa corpo-  
 ra minimum dolere: mollia verò, tenuia, & delicata miros  
 sentire dolores, ex leuissimis quibusque rebus. Præterea si  
 Galenus vult lumen solis, eò quod sit tenuioris substantiæ,  
 maiores inferre dolores, quā tenebras, cur etiam id quod  
 tenuioris est substantiæ, non magis dolebit, quā quod cras-  
 sioris est? Non ergo à crassitie, & tenuitate sensoriorū, pe-  
 tenda est ratio, cur maiores, aut minores in illis fiant dolo-  
 res, &

res, & voluptates. Qui verò tradunt maiores fieri in tactu dolores, quàm in aliis sensibus, propterea quòd animal per tactu animal sit, & ob id dolor, qui tactu afficit, vitæ animalis protinus aduersetur: in cæteris verò sensibus, dolor non prorsus sit inimicus vitæ, sed vni duntaxat sensui infestus, minus probabilem opinionem tuentur. Nam etsi verum est animal esse nō posse absq; sensu tactus, nō tamen propterea sequitur dolores ideo esse grauiore in eo sensu, quàm in aliis: Si enim ea quæ animal perimunt, maiores inferūt, aut sustinent dolores, cur siccitas immedicabilis nō parit maiores dolores calore, & frigore: & cordis vulnera, quæ repentinam mortem inferunt, non sunt cum maiore dolore, quàm vulnera neruorū. Ad hæc oporteret parē esse in aliis sensoriis dolorē: quandoquidem animal nō est per aliquem illorū animal: verum in gustu maiores, quàm in auditu, & olfactu: in his maiores, quàm in visu, dolores oriuntur. Explodenda ergo est illorum opinio: Mihi autē videtur ratio sumenda esse, partim ex maiore, aut minore sensu: partim verò ex maiore, aut minore violentia, & agendi vi: quæ prædita sunt obiecta. Nam sensoriu tactus plures recipit neruos, quàm alia sensoria, & illis vitur ad sentiendū, sparsis per vniuersam partē, quæ tactu est prædita: alia verò sensoria pauciores neruos, neceos quidem per omnes suas partes diuisos recipiunt. Quia ergo protinus afficitur in sensorio tactus neruus aliquis, in quo maximus est sensus, in aliis verò sensoriis non idem accidit: ideo vna ratione, maiores in illo, quàm in reliquis, dolores, & voluptates proueniunt: Alia verò sumitur ratio ab obiectis, quæ sensoria afficiunt: Nam quoniam tangibiles qualitates, & alia tactus obiecta, validiorem habent ad agendū vim: ideo maiores fiunt in eo sensu dolores: secundo loco in sensorio gustus: quoniam sapor, qui fiunt ab aquea substantia, cum terrena mista, potentius quàm vapor, vel aer, vel color, & lumē molestare potest, & maiores impressiones facere. Quod enim crassius est, cæteris paribus, maiorem habet agendi vim. Igitur sensoria quorū obiecta vehementiore vi sunt prædita, maiores dolores experiuntur: sunt autē prædita maiore vi agendi, quædam suapte natura, vt primæ qualitates, secundis: & inter primas actiue dictæ, passiuæ: alia verò ob subiectam materiā talia redduntur: Quæ enim cū tenui materia sunt coniuncta, etsi

promptius agunt: minores tamen faciunt impressiones: quæ verò crassiorē sunt sortita materiā illa: et si obrusiorē, tardiorēq; vim obtinent: certè validiorē illam habet. Nam flamma proprius calefacit: carbo verò potentius: quod ostendunt passiones, quæ ab utroq; excitantur, quippe cum flammam quilibet tangere possit absq; aliquo insigni nocumēto: carbo verò adurit, crustāq; suo contactu protinus excitat: Ergo in sensorio tactus duæ apparent rationes suorum dolorum, & voluptatū: in aliis verò sensoriis difficile quidem est causam aliquam sumere ex diuerso sensu: quare ex differentia obiectorū, maiores, aut minores contingit in illis fieri dolores, & voluptates. A quibus verò fiant maiores, aut minores dolores, & voluptates in singulis sensoriis, nūc docere aggredior: Scribit Galenus visum ab alba, simulque splendida re, cuiusmodi est Sol, grauissimè affici: secūdo loco ab ea quæ duntaxat est alba. Contra verò iucundum esse oculis, primum quod fusco, deinde quod cœruleo colore est præditū, ab his enim citra violentiā oculi substantiam congregari, & vniri: ab illis verò segregari, & dissolui. Nigerrimū verò colorem, splēdidissimū minus infestare: nō quod contrariū minus sit molestum, quā excessus in genere cognato: sed quoniā visus instrumentū sit splēdidum, & ob id subtilium partium: nigrum verò crassarū: quod verò tenuius est, magis actiuū esse. Itaq; quū inter hæc pugna sit, remissius agere, quod crassum est in tenue: nimirū quod ab isto, illud potius pati est natum: propterea Solem, et si cognationē substantiæ, minus cōtristat: tamen tenuitate maiore, quā sit oculi substantia, facile segregare: ex quibus quidem concludit, valenti oculo iucundissimū esse cœruleum colorem: ei verò qui dissolutus est à Solis splendore, contrariū, nempe nigrum gratum esse: ei verò qui laborauit, iam tamē valet, cœruleum, & fuscum, saluberrimū esse spectaculum: ed quod non dissipet vt album, & splēdidum: nec cogat, & extinguat, veluti nigrum: adeo vt concludat, oculo laboranti, contrarios colores gratos esse: valenti cœruleum: conualescenti cœruleum, vel fuscum. Cæterū auribus infestissimam esse vocem, quæ asperrima, celerrimāq; est: contra, verò iucundissimam esse lenissimam, tardissimāq;, si modo valet sensus: quod si ægorat, iucunda inquit est, quæ lenissima, tardissimāque ex illis est: ac multo magis si numerosa fuer

fuerit: quippe cum silentium id sit in auditu, quod tenebræ in visu: Qua quidem in re illud primum afferò, quod hæc sibi ipsis non respondeant. Nam si dolenti oculo contrarij colores iucundi sunt, vt tenebræ sanant molestiã, quam lux, & Solis splendor pepererunt: non semper lenissima minima, tardissimaque vox, iucunda erit auditui laboranti, sed quemadmodũ visum ferè extinctum à tenebris, lumen recreat: ita quũ à silentio, vel lenissima, tardissimaq; voce, auditus propemodum est extinctus: voluptatem capiet à contraria voce. Quod si homini agrotanti lenissima vox, & silentium placent: hoc nihil ad rem facit: non enim quid conueniat auditui ex corporis morbo debilitato, sed quid ei competat laboranti à proprijs obiectis, hoc loco quaeritur. Nam affecto visui ob corporis morbum, & calidi natui cõsumptionem: vt in his qui mortui sunt propinqui apparet, nullus color voluptatem affert: sed tũc iucundum est, in tenebris versari, vel potius non videre, nec oculos aperire. Sunt igitur morbi singulorum sensuum, à morbis corporis, & in potentia agendi, distinguendi: quod si ita est non vna semper vox auditum oblectabit: sed quæ contraria est ei, quæ vel extinxit quodammodo auditum, aut alio modo ei obsuit. Ad hæc lenissima, & tardissima vox, valenti auditui quo pacto potest esse grata? Si enim quod moderatum est, sana, mediocriterq; habentia delectat, non tarda, & lenta, sed mediocris vox grata erit: vt enim color non extremus, sed medius bene affectum oculũ voluptate afficit: sic mediocrem vocem oportet esse, quæ voluptatem sanis auribus conciliat: quod ipsa certe experientia docet: Non enim libenter audimus eos, qui tardè, lenitèq; loquuntur: sed qui moderatam in omnibus differentiis vocem proferunt. Debat præterea Galenus docere quid gratũ sit conualescẽti auditui, vt: antea de visu fecit: vt seruaretur eadẽ docendi ratio. Ceterum gratissimos esse gustui naturaliter habẽti dulces, & pingues saporē scribit idẽ author: propterea quod hi maxime cõuenientes sint substantiæ nostræ: ei verò qui liberatus est ab aliquo, quod molestabat, pingues: quia huiusmodi saporē maxime leniunt exasperatũ gustũ. Iam verò laboranti, contrariũ saporem, ei qui obest conuenire: calidum scilicet, vbi frigidus lædit: frigidum vbi nocet calidus, siccum vbi humidus, hic verò, vbi ille infestat. In quo quidem illud primum dici po-

rest, dulces & pingues saporē semper gratos nō posse esse, valenti gustui: nam docet experiētia, hos mauseam sēpē mouere, appetentiāq; perdere, dissolutis quodammodo, & lingua, & stomacho, quā cōmuni tunica vtūtur. Deinde hoc fieri nō possum pingues saporē solum iucundos esse gustui, recēter à morbo liberato: non enim gustus solum laeditur ab his, quā habent vim exasperandi; quare nec semper remediū petendum est à pinguibus, & lenientibus. Cur etiam mentio sit in saporibus de calido, frigido, humido, & sicco, hæ enim qualitates gustum nequaquam delectant, aut laudant, vt guttus est instrumentum saporis: sed quatenus cum tactu quodam sensus hic exercetur. Quod verò scribit de visu paulo diligentius examinandum est: nam album colorem ponit semper oculis nocere, nigrum verò iucundum esse laboranti visui ex splendore: iam verò valenti minime, cum tamen ratio suadeat, parē esse in vtroq; rationem: Nam si affectis, ortis ab albo colore, medetur nigrum: cur malis, na eis à nigro, non succurret album? Nocet fortē intēsa, & subita albedo oculo à nigro vehementius cōstricto, & cōgregato: quoniam nouam facit cōtinui solutionē, ex subita, & magna segregatione, & dissolutione: sed si certa mensura, seruata instrumenti vniōne, album adhibeatur, vtique proderit, & gratum erit spectaculum: non aliter profecto, quā cum partes dolētes à frigore, moderato calidi vsu liberamus, & ad suam naturam reuocamus: Illud verò probandum erat, quod pronūtiat, subtilium esse partium, quod est splendidum: nam humor crystallinus splēdidus quidem est: tenuium verò partium quo pacto esse potest: si duriusculus est, & cōcretus: Quōd si in hoc licet aliquid fingere; certē in crytallo, vitro, gemmis, & multis aliis rebus splendidissimis, nihil inueniemus certū in subtilitate, aut crassitie partium: At verò quod tenuius est, prōprius agere forte potest: vehementius tamen agit, quod crassius est: vt ostēdunt medicamenta colliquantia, & adurētia: hæ enim quia in crassa substantia vim igneam obtinent, crustas in corpore excitant: illa autem, tenuem substantiā nacta, tantam facultatem nō habent. Sed quā in aliis sensibus res quasdam cognatas nō ponit, vt Solis lumen cognatum esse instrumento visus dicit. Illud iam superest expendendum in hac tractatione, quod scribit quosdā sensus, ab intrinsecis, & extrinsecis

secis rebus: alios vero duntaxat ab extrinsecis delectari, & dolere posse: Nam tactum, & gustum ab utroq; genere rerū affici pari modo statuit: odoratū verò dicit graueolentia ali quando percipere: beneolentia verò nequaquam. At visum, & auditū, minime ab internis affici posse: propterea quod tenui consent substantia. Ac quod gustus voluptatem ex infestis rebus capiat, ostendi dicit à pituita dulci, quā lingua aliquando imbuitur: in tactu vero motum huiusmodi, & voluptatem sentiri, quādo illæ, quæ ipsum exasperant, cōcoquantur, vel digeruntur, vel sensibilibiter excernuntur: tunc enim eum ad naturam suam reuerti, voluptatēq; affici: eandē quoque, apparere voluptatē, quando ex lassitudine laborantes, molliter fricamus, vel in balneo lauamus. In quā quidem re nonnulla sunt, in quā merito dubitare quis possit. Nam auditum offendi à sonis, qui intus excitantur, quotidie experimur, in his qui aurīū dicto sibilo laborant: sic forte visus patitur dolorem, ut instrumentum est visus, in affectibus suffusioni similibus: qui nascuntur vitio stomachi, aut alterius subiectæ partis: Præterea eo cōcesso quod ponit, auditum, & visum, ab internis causis, nec dolere, nec delectari: nō tamen propterea id fieri videtur quod tactus, gustus, & olfactus crassioris sint substantiæ: visus verò & auditus tenuioris: Nam hoc etiā concessio, quod antea refellimus: quid tenuitas, aut crassities sensoriorū facit ad hanc rē? ut enim ab externis obiectis suos patiuntur dolores, suāsque voluptates: sic si intus obiecta haberēt, ab illis afficerētur, nō minus quā ab externis: præsertim quā antea dixerit, tenuius esse efficacius ad agendū, crasso Mihi verò ratio videtur esse, si statuamus hos sensus nō dolere, quod obiecta illorum intus esse nō possint: quandoquidem huiusmodi sensoria, structuram habent comparatā, ad ea duntaxat sentiendā, quæ sunt extrinseca: nam quo modo visus potest videre quæ intus sunt? Nequeit ergo ab internis obiectis affici, repugnante illorū cōpositione, & natura. Quod si affectiones in sensoriis querimus, nō solum quas pariunt propria eorū obiecta: sed alia, quæ quocunq; modo sensum impediunt, inueniemus profecto, & foris, & intus esse, quod singulis sensibus molestiam inferre valet. Nam ut diximus sonū, & tinnitum, percipiunt sæpe aures, malèque ab illis auditus afficitur: nō minus quidē, quā ab externis sonis: nec minorem ille voluptatem



sentit, quam ea quæ tinnitum faciebant, tolluntur, quam quæ ea recedunt: quæ vel tactum, aut gustum violentius afficiebant. Idem accidit, quæ vapores visum impediētes, molestiamque oculis inferentes, abiguntur. Postremo si laborati sensui, contraria obiecta sunt iucunda, & voluptas duntaxat fit eo auctore: quando fit reditus ad naturalem statum affarim, qua ratione dicere potest, voluptatem conciliari tactui ex molli, blande, lenique cōtrectatione, & frictione? Sed iam ex his patere puto, quæ sit causa immediata doloris & voluptatis, quot ex immediata, & coniuncta causa nascantur aliarum causarum, quid præterea hæc inferre, & pati possit: Ex quibus quidem grati lectores agnoscēt, quid nos in hac re, post tot, tantosque alios viros præstiterimus: & interim ipsi habebunt unde meliora excogitare poterunt: sic enim multorum labore res perficiuntur: nō stulta credulitate, qua aliorum opiniones, & sententias, tanquam oracula Apollinis recepimus.

*Excrementorum aliorumque operum, quæ  
in corpore fiunt, & qualitatum  
mutationis causa.*

CAP. XVIII.



**N**ON est quod multū laboremus in horū causis recensendis, propterea quod eadem sunt cum illis, quæ actiones mutant. Nam quæ primò actionum, secūdo loco operum, quæ post eas relinquuntur, causæ existūt. Ne quid tamen rutilior lector in hac tractatione desiderare possit, Galeni imitatione paucis horū quoque causas perstringemus, ex quibus etiam unicuique patere poterit eā doctrinam, quæ metho-<sup>do</sup> nititur perpetuò à suis principiis duci, & cū illis indissolubili quodam vinculo annexam cohærere. Igitur facultatum vitio mutari excrementa certissimū est, quum imbecillitate reddita ventriculi coctrice humidiora quàm par sit aut excrementa euadant: ea verò mediocritate excedente caloris siccitatisque exuperantia eadem duriora calidioraque fiant. Attrahente verò parcius vi attractrice renum parū lotij emittitur, impurusque sanguis redditur, aquosusque humor in toto corpore redundat. Quum autem vehementius illa agit, vniuerso aquoso humore à sanguine attracto, ut in diabetica passione cōtingit, naturalem mediocritatem excedit

cedit quod mingitur: atque eadem etiam ratione, quā parcius attrahitur, & distribuitur per corpus alimentum, plura humidioraque euadunt excrementa; quæ per aluum emitti solent: quod etiam contingit exercente expultrice validius suum munus, aut debilius agente coſtrice. Parciora verò recrementa emittuntur, quum ſegnius agit expultrix, ipſa autem concoctrix optimè ſuo munere fungitur. Nam ubi forte excedit, alimentumque torret, ſi non aquoſum, certè bilioſum excrementum redundat. At natiui calidi ratione mutari excrementa videmus: ſiquidē eo vigente per gaudiū exercitationes ad externas partes vergente, educto à profundo corpore cum eo humore, ſudores copioſi eliciuntur: calore verò debilitato, vel ad internas partes reuocato agere per cutem tranſpirant vapores, fuliginosaque excrementa, exuperant verò intus quæ propria ſunt illis locis recrementa. Cæterum propriorum instrumentorum vitio eadem ſic mutari cōtingit: Nam obſtructis meatibus, per quos natura bilem in inteſtina effundit, quæ per aluum ſubſtano colore tinctæ, quum ſecūdum naturam habemus, deiiciuntur, candida apparent, & exulceratis inteſtinis, & ventriculo, atque ob id ineptis ad retentionem humidiora copioſioraque excrementa proueniūt, quemadmodum etiam ocluſa in ceruice aſpera arteria fuliginosæ ſuperfluitates augētur, quæ cor ipſum ſuffocant. Liberaliores præterea ſudores emanant rarefactæ cute: Ea verò adſtriſta, quæ foras expirant, parciora ſunt. Iam verò materiæ vitio variari excrementa, non eſt quod probare nitamur, quū ob alimenti copiam plura, ob caliditatem calidiora, ob illius craſſitiem hæc craſſiora euadant: Vnāque etiam ſudoris copioſi cauſam eſſe putemus multitudinem aquoſi humoris, quæ omnia materiæ vitium ſequūtur: Sumitur præterea huius rei cauſa à fine: Si quidem diminutā edendi neceſſitate pauciora quoque fieri excrementa neceſſe eſt, ea verò adauſta illa quoque augeri oportet, veluti in fame canina apparet, in qua plurima per vomitum reiiciuntur. Cæterum ab eiſdem cauſis ſanguinem carnemque mutari, lapides, lumbricos, & alia omnia, quæ in noſtro corpore proueniūt gigni, docet ratio: quū vitio facultatum, materiæ, instrumentorū, & denique ob eaſdem cauſas ſanguis copioſior, impuriſque reddatur, & calculi ob alimenti craſſitiem, alterantiſque facultatis vehementiam, &

alienam actionem, partisque vitium in corpore cōcrescant. Quoniam verò corporis qualitates primæ & secundæ omnique alterius inferioris generis proueniūt ratione humorum & excrementorum, quæ in corpore gignuntur, merito etiam easdē causas in his statuemus: Ob biliosum namque alimentum pallidius corpus materiæ ingestæ vitio euadit. Idem cōtingit, quum facultas concoctrix illud adurit, & in bilem mutat, vel expultrix, aut attractrix in ea excernenda, segregandæque laborant, vel vix sunt occlusæ, per quas excerni consuevit: Vnde vnā cum sanguine pervniuersum corpus sparsa, suo colore cutem inficit, eodem modo vitio materiæ ex qua gignuntur, & loci in quo fiunt, sonitus ex flatu in intestinis oriuntur diuersi, nunc acuti, & tenues, nunc vt ita dicam bombosi sentiuntur, & graues, nunc stridētes, vel alium denique sonū referentes. Quin & caloris motu, euocato ad externas partes sanguine, ruber rosidusque color in cute efflorescit. Eo autem ad internas partes vnā cum calore contracto, natiuus color euanescit, vt in timore contingit. Atque hæc quidem satis de his: Liceat enim vnique easdē causas in aliis qualitatibus inuenire. Nos enim omnium symptomatum causas sigillatim prosequi non instituius. quod Galenus abunde facit, sed artem duntaxat, communiaque omnibus capita docere, vnde singula minimo adhibito labore emanare cognoscuntur. Quamobrem eo (quā potuimus diligentia) perfecto, iam ad morborum partes properandum esse duco. Nam eorum essentia, generibus, differētiis, causis effectibusque explicatis hoc potissimum sequi videtur, vt partes quoque explicemus.

\*

QVVM

# IOANNIS ARGENT- TERII DE TEMPO- RIBVS MORBORVM

LIBER VNVS.

*De utilitate huius tractationis.*

CAP. I.



**D**E MORBI partibus, siue temporibus hoc libro agemus, ita cogēte nostra tractatione, atque etiam suadente utilitate, quæ medicis maxima ex hac re prouenit. Nam (vt antea diximus) post genera, differentias, causas, & effectus morborum sequitur vt de illorum Partibus agamus: utilitas verò multiplex variâque est: siquidem curationem imprimis ob morbi tempora variari contingit: Alia enim in principio morbi, alia in eius incremento, alia denique in aliis morbi partibus remedia conueniūt: Quod Hippocrates tum alibi sæpius tum maximè in Aphorismis testatur, quum scribit. In principio morborū si quid videtur mouendum moue: In statu autem quiescere melius est. Itē alio loco vbi habet. In acutis passionibus rarò, & in principiis purgandum. Sanguis quoque pati utilitate nō demitur vigente morbo, vt incipiente. Quum verò morbus declinat, nō solum superflud sed etiam inutiliter mittitur. Ac inter alterantia, & omnis alterius generis remedia alia, quædam sunt, quæ certis duntaxat morbi temporibus profunt, aliis verò obsunt: Cōfert quoque hæc cognitio ad prædictionem futurorum. Nam quo tempore mori possit, aut sanari, & quando periculum effugerit ager, præuidebit medicus, qui hæc non ignorabit: Non enim in quacūque morbi parte finiri possunt morbi, aut vita extinguī: quum nemo inuadente, aut inclinante morbo pereat, rarò autem ante quàm peruentum sit ad declinationem morbus abigi possit. Quinetiam victum in morbis bene instituemus, quum intellexerimus in vehemētissima morbi parte parcissimè,

in aliis verò vberius alēdos esse ægros. Quæ nemo vnquam rectè præstare poterit, qui ignorauerit quas quòtue singulæ morbi partes obtineant, quæ mitiores sint, & quando vehementiores incipiant, quantumque singulæ sint dūraturæ, & quæ præcedant, quæue alias sequantur: Quamobrem merito Galenus duos libros ( vt plurimos alios locos omittam ) de hac re cōscripsit, quibus si integram tractationem toties laudata methodo esset complexus, non esset profectò quòd nos amplius in hac parte laboraremus: sed quum nonnulla omiserit, multa sparsim, quædam etiam fortè suis principis minimè consona tradiderit: nostram hanc tractationem, in qua quæ sparsim à Galeno sunt dicta collegimus, & omnia ad sua principia reuocare contendimus, vtilem studiosis fore speramus: Ac vt ordine optimo procedat tractatio: primò quid tempus morbi sit, definiemus: deinde quot sint in vniuersum morborum tēpora, quòtue illorum differentiarū ostendemus. Terrio loco quot partes, quæ sue habere valeat vnusquisque morbus, trademus. Postremò quibus notis, quum præsentēs, vel futuræ sunt, deprehendi possint, & quæ tandem sit singulorum temporum natura & vis, docebimus.

*Quid tempus morbi.*

CAP. II.



Orbi tempus nunc partem morbi, nunc ætatem, aliàs causæ morbi motionem vocat Galenus in libris de Temporibus morborum: & in eo, quē inscripsit de Optima secta: & commode quidem his omnibus nominibus nūcupari potest: Morbus enim in suas partes diuiditur, quas quum successione quadam, vt tempus suas partes, acquirat: ob id morbi tempora appellatur. Aetates verò quòd quemadmodum ætatum cursu: sic morbi temporum vicissitudine immurentur: vel fortè etiam quoniam, sicut ætates vitæ partes successione animal, sic morbus partes suas assequatur. Dicuntur autem causæ morbi motiones, propterea quòd moru diuerso causarū efficientiū suas partes morbus obtineat: nam quū causæ morborū agere incipiunt, principium eorum sit: quum vehementius illæ vim suam exercent, incrementum constituitur: status autem aduenit, quum eundem

de m

dem tenorem seruant: sequitur tandem declinatio, quando earundem vis minuitur & frangitur, quæ progressu sermonis clarius innotescunt.

*De numero temporum morborum in vniuersum.*

## CAP. III.



**Q**UATVOR morbi partes solet Galenus ponere, quarum primam appellat principium morbi: secundam incrementum, siue augmentum, vel ascensum: tertiam vigorem, siue statum: quartam declinationem, vel remissionem: & optime quum de totius morbi partibus agimus. Nam quemadmodum vna est ætas, quæ prima est, alia verò in qua maxime augetur corpus: tertia in qua viget: vltima in qua omnia minuantur: sic profecto in morbis existimare par est: quum summas, & maximas illorum partes expendimus: Minores enim plures aliquando sunt: veluti quando inæqualiter mouetur morbi causa, alia additur, quæ inter principium, & augmentum constituitur, inæqualitatisque pars dicitur. Quin etiam in morbis qui per intervalla reperiunt post declinationem pars succedit, quæ intervallum & quietis, vel etiam intermissionis tempus nuncupatur: quæ etiam diligentius paulo infra suo loco distinguemus.

*Quid morbi principium, incrementum, vigor, & declinatio.*

## CAP. IIII.



**Q**UUM morbi principium variè vsurpetur à medicis, nec facile sit intelligere (quemadmodum etiam notat Galenus) quonam modo summi debeat, operæpretium fuerit in primis docere quonam modo sumatur, quum primam morbi partem principium nominari dicimus. Igitur incipere dicitur morbus, quum primum hominem inuadit. Vnde primus morbi insultus, quam Græci *ἡνικατοία* vocant, hoc modo principium morbi dicitur: quin etiam morbum in principio sæpe esse putamus, quum nondum tertium, aut quartum diem pertransiuit. Tertio modo morbus in principio dicitur esse, quum adhuc gignitur. Hinc sanè triplex ea significatio principij morbi à Galeno in libro

bro de Crisibus, in Aphorismis, & ubiq; alibi posita, quum dicit principium pro primo insultu, pro tribus primis, vel quatuor diebus, & pro toto eo tēpore, quo morbus crudus est, sumi: quanquam tamen generaliore explicatione in hac vltima significatione vti deberet: propterea quod non omnes morbi, cruditate principium suum definire possunt: id quod in libro de Temporibus morborum animaduertit: quum definit principium esse, quum morbus gignitur. Est quoque alia significatio addenda, quæ in prædictis comprehendendi non videtur: veluti quum ille scribit libro decimoterio Methodi: parum esse quod in principio inflammationis infuit humoris. Neque enim pro primo insultu capi potest hoc loco principium: quum remedia, quæ descibit, illi non adhibeantur, nec pro tribus primis diebus, nimirum quod non tandiu duret fluxio, quæ inflammata partem replet. Et multo quidē minus pro ea parte, quæ generationi morbi tribuitur: quia tunc influxit humor vniuersus, qui inflammationem committit, vbi genitus est morbus, quemadmodū ille in libro de Temporibus morborū tradit: vnde hoc modo principium intelligi debet pro parte quadam illius temporis, in quo morbus procreatur. An non etiam principij morbi nomine donabimus tempus illud, in quo æger morbo grauatus decumbere incipit? Nam si ab eo tempore dies decretorij inchoantur, absurdū autem videatur esse ab alio termino, quā à morbi principio illorum initium sumere: profectō hæc quoque significatio, quæ in nulla alia ex prædictis contineri videtur, prætermittenda non est. Porro duæ primæ significationes à vulgari opinione desumptæ videntur. Vulgus enim eos vocat in principio morbi esse, quos à primo morbi insultu correptos videt: Item eos qui in primis diebus laborant, adhuc in principio esse putat, etsi nonnunquam eo tempore etiam incrementum excesserunt. Tertia medicis solum nota, quum per multos menses morbus sæpe duret, & nihilominus adhuc in principio sit; quod vulgus ouaquam existimaret: quemadmodum & alia significata quæ sequuntur: Sunt tamen omnes huiusmodi significationes medico summopere necessariae. A primo enim insultu curandi rationem instituit conseruatione & præcautione, quæ sanis corporibus, imminentibusque morbis debentur, intermissis. A secunda significatione principij reme-

mediorum multorum vsum sumimus, in ea enim illud dictum esse puto ab Hippocrate: In principio si quid videtur mouendum moue. Hac etiam ratione vtiliter sanguinem mitti in primis diebus per morbos putamus, postea verò non pari vfu. Variat quoque (vt antea diximus) tertio modo vsurpatum principium, siquidem alia remedia morbis, quum adhuc gignuntur, quàm quum iam increfcunt, debentur. Ab ægri decubitu dies decretorios inchoamus: quum vero morbus nondum genitus est, sed parum omnino est factum, multum autem relinquitur (vt aiunt) in fieri, remedia variamus: nam hac ratione incipiente inflammatione distatissimas à parte affecta venas incidimus, ad fluxionem auertendam, quum iam delapso vniuerso ferè humore, propinquiore tondere, satius esse putetur: Ac quomodo quidem intelligi possint reliquæ principij significationes, non est quod docere laboremus, quando per se id satis patet: qua verò ratione morbum gigni & incipere dicere possimus, qui ad multos menses extenditur, non ita omnibus peruium est. Nam si indiuisibiles per se sunt affectus, statim primo insultu propriam naturam assequuntur, nulloque tempore longiore ad generationem opus habebunt: eiusdem enim est naturæ febris, quum primum inuadit, cum ea, quæ longius progressa est, vt nihil amplius requirat. Vnde si principium illud est in quo gignitur morbus, principium iam excesserit, quando generationem absoluerit, id quod in primo insultu assequetur: & meritò quidem, si modo id quod non erat, quum iam adest, & proprium nomen propriamque naturam assumpsit, genitum dici debet: Appellatur porro, & est febris in ipsa (vt vocant) *πρωμασία* nec aliud præterea requirere putabitur, vt sit, genitæque dicatur: Verum si paulo diligentius hæc expendamus, inueniemus aliter habere. Nam et si rei natura docet febrem genitam esse in prima inuasionem, nihilominus vniuersum illud tempus, in quo postea nullum insigne sumit incrementum, sub principio complectamur necesse est: quum nulla alia morbi pars tunc esse possit: ita vt toto eo temporis spatio morbus gigni dicatur, quo propriam naturam perinde recipit, vt in certo quodam statu absque magno incremento consistat, etiam si aliquanto grauior euadat, quàm in primo insultu fuerit: hoc enim modo animalia etiam ipsa gigni dicimus, non solum inquam quum omnes suas



suas partes habēt (sic namque quadraginta dierum spatium  
 duntaxat ad illorum generationem concederemus) sed etiā  
 donec in vtero manent: quo sane tempore præter generatio-  
 nem & conformationem, incrementum etiā aliquod asse-  
 quuntur: quod tamen non consideramus, sed solum anima-  
 lis generationem & cōformationem in vtero fieri dicimus,  
 postea autem augeri: non quod antea dum fingeretur & for-  
 maretur, non cresceret, sed quod nunc maxime & solū au-  
 geatur, antea verò auctio generationi seruiret. Eodem igitur  
 modo, quum morbus primam, quam accepit naturam,  
 paululū etiā auctam solum retinet, nec adhuc sensibile in-  
 crementum facit, sed tantum plane, quantum ad actionem  
 lædendam sufficit (alioqui nondum morbus genitus diceretur:  
 quum optimè Galenus scribat omnes morbos esse cum  
 quadam magnitudine, quo quidem neuter status à morbo  
 seiungitur) principium morbi esse putabimus. Itaque ser-  
 uat quendam tenorem ferè sibi similem principium morbi,  
 quum in eodem statu per multos sæpe dies, & menses talis  
 perseveret, qualis ferè in primo insultu apparuit, quemad-  
 modum & in vigore ipsius morbi: verū vigore non dicitur  
 morbus in ea æqualitate, quā habet à principio, quam sum-  
 mam vim nondū acceperit, quā quū assecutus est, in vigore  
 iam, & statu esse dicitur, ita ut vigor morbi non sit, quando  
 morbus eundem tenorem seruat: quia (ut diximus) idem in  
 principio sit, sed quando summum illud, quod incrementū  
 reliquit, in eodem statu perseverat: Ac ut rem colligamus,  
 principiu dicitur habere morbus, quum genitus est. Est au-  
 tem genitus quum perfectè suam naturā & speciem accepit,  
 quod contingit, quum ad incrementū cessante generatione  
 est idoneus: veluti animal genitū credimus, quum iam con-  
 formatum crescere augeri que est aptū: Ita profecto de mor-  
 bi principio statuendum esse puto, non autem quēadmodū  
 Galenus facit, qui quum definiuisset illud esse, in quo mor-  
 bus gigni dicitur, quæstionemque mouisset, quo nam modo  
 longum tempus morbi principiu habere posset, quum affe-  
 ctus corporis statim in primo insultu gignantur, non expli-  
 cat, quo nam pacto, quāue ratione morbum gigni intelli-  
 gere debeamus: nec propositam quæstionem ex natura rei dis-  
 soluit: sed vel legislatorum more, statuit morbi principium  
 esse in febribus, quum nullum coctionis signum adhuc ap-  
 paret,

paret, & in inflammationibus, quum pars sanguine repletur: in vlceribus verò quū tenuis aquosāque & multa sanies provenit, vel antiquorum scriptorum autoritate, qui principio morbi multorum etiam dierum spatium tribuerunt: Quare enim vniuersum illud tempus, quo humor crudus est vel pars humore repletur, vel proveniunt aquosā, multāq; sanies, morbi principium dici debet, si prius constitutum est principium esse tempus illud, in quo morbus gignitur? in primo autem insultu propriam naturam, eo authore, ille acceperit, & ab eo, quod sequitur, solo incremento differat: An non etiam illud videbitur alienum vulneris, vlcerisque principium ponere, quando sanies tenuis & multa gignitur? siquidem vulnus vlcusque in solutione continui propriam naturam fortiuntur, quæ sola diuisione omnes suas partes obtinent: humor autē qui in illis procreatur, nō tam diuisionis partes, quā subiecta intemperaturæ, quæ vno tempore dereriores, alio meliores humores, quos alterat reddit, sequitur. Nec verò etiam eam, quam de temporibus inflammationum scribit rationem, in singulis feruat, quod apparet, quum passim pleuritidis principium esse tradit, quū nihil, incrementū verò quum iam concoctum aliquid expuitur. Si enim pleuritis inflammatio est, oportebat profectò eodem modo illius partes distinguere, quo in inflammatione faciendum esse statuit, principium scilicet ponere quando colligitur humor in parte affecta, non quando hoc vel illo modo reicitur, quando etiam contrariū est recipi, & reici humorem: Atq; illud etiam quod commune omnibus inflammationibus statuit, dum illorū tempora definit, postea quum de remediis agit idoneis singulis inflammationis temporibus, corrūpit: Nā si inflammationis principium definit, quū fluxio restitit, quur in incremento, ac etiam illius vigore iubet adhibenda esse, quæ fluxiones repellunt? quur præterea de morbis, qui in conformatione, magnitudine, numero, & coniunctione, & in vniuersis intemperaturis sebre excepta consistūt, nullā mentionē facit? quod nā quæso illius opinione erit, figuræ vitiatæ, aut magnitudinis, aut aliorū deniq; prædictorū principium? omitto q̃ quæstionē de morbi principio cōmodius tractare potuisset, in eo libro, in quo de vniuersis morbi tēporibus agit: Quid enim ea facit ad eum locū, in quo de accessionū partibus agitur? Jam verò

verò pari ratione incrementum morbi definiatur esse parca, quū morbus manifestè crescit: vigor cum summū illud, quod ab incremento partum est, in eodem tenore perseuerat: declinatio verò, quū vigor ille minuitur: quanquam tamen etiam declinatio dici debeat, quum morbus in principio, vel incremento antequam ad statum perueniat, remittitur, si modo declinatio appellanda est, quum minor, quàm antea esset, morbus euadit: Cæterum illud ignorandū non est vnāquamq; ex supradictis morbi partibus, in alias quasdam iisdem nominibus nuncupatas diuidi: nam principij principium, incrementū, status, & declinatio dicitur, sic & incrementi principium, augmentū, status, & declinatio vocatur, & vigor principium, incrementum, statum, & declinationem habere putatur: eodem pacto declinationis principium, incrementū, vigorem, & remissionē vocamus, quæ sane perinde intelligenda sunt, non quòd incrementum vnquam stet, quomodo enim in eodē statu quod perpetuo crescit manet? nec quòd status declinet: quippe quum repugnet morbum vigere, & minui, sed quod partes huiusmodi ratione distinctas putemus: vocamus enim principij principium primum insultum, & id, quod ei propinquissimum est: incrementum vero quod ab eo longius recedit: statum quod adhuc magis distat: declinationem partem eam, quæ maxime vicina est incrementi principio: eadem de aliis ratio intelligitur.

*De differentijs temporum morborum.*

C A P. V.



**P**ORRO si morbi tempus motio quædam causerum ipsius morbi est: aut saltem si motio ne causerum, morbi suas partes cōsequuntur, meritò ex motionum differentiis, temporum morbi differentia sumentur: sunt autem motiones quædam vniuersales, siue maximæ: quædam particulares id est minores: quædam æquales, aliæ inæquales: Præterea aliæ breues sunt, aliæ longæ: nonnullæ continuæ: aliæ intermittentes, vel ordinatæ, aut inordinatæ: Sic igitur morborum tempora, quædam vniuersalia vel particularia, æqualia, inæqualia, breuia, longa, continua, intermittentia, ordina

ordinata, vel ordine carentia dicimus: Intelligimus autem vniuersalia morbi tempora maiores partes, in quas vniuersus morbus primò diuiditur: vt cum dicimus morbum in principium, incrementum, vigorem, & remissionem distinguui. Particularia autem minores partes, in quas singula vniuersalia multifariam diuiduntur, vocâturque peculiari nomine partes hæ minores morbi paroxysmi, id est exacerbationes, siue accessiones: quanquam tamen in morbis intermittētibz quietis tempus quod à Græcis *διάλειμμα*, id est interuallum, siue integritatis tempus & à Celso integritas dicitur, quod in febribz peculiari nomine *ἀπυρεσία*, id est infebriticatio (si ita loqui liceat) dicitur: paroxysmi pars nō reputetur: Nam de iis nominibus, vt notat Galenus in libro de Morborum temporibus, variæ extiterunt apud antiquiores medicos. disceptationes: quippe quum quidam paroxysmum vocari debere putarent duntaxat id totum, quod principium, incrementū, & vigorem, id est primam partem circuitus continet; secūdā verò, quæ remissionem & quietis tempus complectitur, quidam remissionem, alij verò interuallum nuncupandam esse iudicant, etsi illi magis placet vt id vniuersum, quod accessionem sequitur, dicatur *παρακμή*, vel *ἐνδοξία*, vel *ὕψος*, vel *ἀφαιγρσία*, id est declinatio, vel remissio, vel submissio, vel ablatio: ita vt periodus, id est circuitus in morbis sit repetitio, siue reditus ab eodem ad eadem per ordinem & circulum quendam factus: vel, vt breuius dicam, similis ad idem reditus: quo modo tertianæ quartanæque febris circuitus dicimus, qui quidem in duas partes diuiduntur in accessionem, & declinationem: atq; illius quidem nomine principium, incrementum, & vigorem: huius autem id omne, quod vigorē sequitur, intelligamus: quæ omnia inter minores morbi partes referenda sunt. Caterum continua tempora vocamus, quæ simul sunt: intermittētia, quæ diuisa: breuia quæ paruo temporis spatio perdurāt: æqualia quæ vniuersam motum habēt: inæqualia quæ difformē obtinēt: vt æqualem exacerbationem vocamus, quæ solum calefaciēdo afficit: Inæqualem verò, quæ refrigerendo, calefaciēdoque molestat: qua ratione in libro de Differētiis febrium putridæ febris accessiones inæquales, hæctica verò æquales Galenus esse dicebat. Ordinata intelligimus tempora, quæ certo ordine repetunt, Inordinata quæ sine ordine vagātur.

Sic producta, ut productam accessiōem, definiemus, quæ ad longius tempus extenduntur, quàm faciant exquisitorum morborum accessiōes: quo modo tertianas productas siue extensas vocamus, quarum accessiōes duodecim horarum spacium excedunt.

*Quot tempora vniuersalia unusquisque  
morbus habeat,*

CAP. VI.



VAM varius sit Galenus in constituendo numero temporum morborum vniuersaliū, intelligere omnes possunt, qui illius libros euoluerint: etenim in libro de Optima secta, contēdit nōnullos morbos, ut acutos multos, simul atq; inuadūt, vigere, nullūmq; incrementū habere. Quin etiam eos, qui per crīsim iudicātur declinatione. & illos qui ab initio adhibitis remēdiis solūtur, tribus succedentibus repositibus priuari putat. At in libro de Totius morbi temporibus contrarium planē statuit: nempe omnes morbos, qui ad salutem terminantur, vigorem & declinationem quandam habere, & suum incrementum: quando etiam apoplexiam, quæ breuissimo temporis spatio ad vigorem peruenit, non sine incrementō vigere posse putat. Quia quidem in re multa sunt, quæ probare nequeo: nam omnem morbum, qui sanatur quatuor habere tempora, alienum à ratione esse credo. Qui enim adhibitis remēdiis, antequam morbus crescat, soluantur: augmento, & statu mutantur: neque verò illud admitti potest aliquos morbos vigorem consequi citra incrementum, propterea quod nihil ad summum, nisi ascendendo, peruenire valet: priuari autem declinatione morbos, qui per crīsim dissoluantur, perpetuū verū non est: siquidē quibus crīsis, vigente morbo, contingit, accidit quoque declinatio. Ac scio equidem quid soleat in hac re dici, negare scilicet Galenum non esse ea tempora in morbis, qui ea habent breuissima & propemodum insensibilia, quum verò ea in omnibus morbis ponit, eum spectare quod rei natura exigit. Verum etsi hac ratione res expendatur, nihilominus relinquetur adhuc quod damnari possit: nunquam enim efficiet, ut illi morbi, qui in principio, aut incrementō extinguitur, vigorem obtineant: & si negat non esse incrementum,

aut

aut remissionē, aut aliud denique tempus, propterea quod breuissimum sit, non rectē facit: nec concludit in libro de Optima secta aduersus Methodicos, quod instituit, vt satis vnicuique, qui non grauetur locum legere, patere putō. Sic ergo negemus subitas morborum generationes nullas esse: propterea quod momentaneæ breuissimæquæ nonnunquā appareant: nec vno quidem loco, quod rei natura exigit, alio verò quod imperitis videtur, atque ita discrepāria, sed quod verum est perpetuò tradere debet, qui de aliqua re scribere aggreditur. Ac si quis profectò omnes Galeni libros excutiat, nullam inueniet tractationē magis confusam, variā, & absque suis principiis vagantem, atque eam quæ de morbi temporibus agit. Illud verò etiam quod nonnulli fingunt ad illius loci defensionem, in quo Galenus scribit omnes morbos vigorem obtinere & statum quēdam, quod scilicet absque statu contrarij motus fieri, & morbi retrocedere nequeant, perinde ridiculum est, vt confutatione opus non habeat, quandoquidem non de eo statu, & quiete, quæ inter motus contrarios intercedit, sed de parte ea, quæ incrementum sequitur, agunt medici, quum de morbi temporibus, & partibus tractatio instituitur. Itaque quum ex Galeno, & aliis authoribus colligi nequeat, quod quærimus, methodo res pertractanda est, qua duce, facile intelligere poterimus, quot quæue summx partes in singulis morbis reperiri valeant: Non enim par in omnibus numerus esse potest, siquidem plura tempora salutare, quàm lethales morbi habeant necesse est: Qua in re repetenda est ea morborū differentia, de qua alibi egimus, morbos inquā quosdam salutare esse, quosdam lethales, alios verò qui nec sanantur, nec vnquam occidunt: Item ea quod morbi scilicet, qui soluuntur ad salutem, vel per crīsim perfectam, vel imperfectam, aut alio modo finiantur. Igitur qui salutare sunt morbi, in vniuersum quatuor huiusmodi tempora obtinere possunt, principium, incrementum, statum, & declinationem: quod si per crīsim perfectam dissoluantur, non pauciora quàm tria, possunt tamen & quatuor habere: Si enim, crescente adhuc morbo, crīsis contingat, (vt in illius sine perfecte fieri potest) tria obrinebit tempora, principium inquam, incrementum, & declinationem: Vigorem autem non habebit: nimirum quod antequam ad eum perueniat, facto incremento,

declinare incipiat. Non pauciora autem quàm tria habet, quoniam in principio morbi, vt pote cruda existente materia, nulla crisis reperiri possit, quæ morbum adimat, sin autè in statu morbi crisis contingat, quatuor omnia necessario tempora aderunt, principium videlicet, incrementū, vigor, & remissio. At si imperfecta crisis extiterit, duo solum habere potest morbus tempora, principium, & declinationem: si modo excretio huiusmodi fuerit, vt morbi incrementum impedire possit: veluti quum in principio morbi ex sanguinis profluuiio adeò natura exoneratur, vt paulatim postea nullo sumpto incremento, morbus dissoluatur. Contingit, & tria adesse tempora, principium, incrementum, & declinationem, quod accidit, si in augmento morbi, aut etiam in principio crisis fiat, nec tamen tanti est momenti, vt morbi incrementum prohibere valeat. Potest & quatuor habere: quod contingit, quando in statu crises fiunt. Cæterū si morbus alio modo, quàm per crīum abigitur (siquidem paulatim id fiat) si per coctionem, quatuor partes assequetur morbus: si verò per vacuationem non necessariò augmentum & vigorem accipiet: veluti si inchoante morbo noxius humor morbi causa educitur: ex quo sequitur minui morbum, antequam augeri incipiat: etsi vix fieri potest, vt incrementum sistatur, nisi magna subitæque fuerit vacuatio: tunc enim facillè contingit: quod ex Galeno etiam intelligi potest, qui incipientes synochas febres larga sanguinis missione, prohibito incremento & vigore, iugulari posse & penitus tolli refert: quod si in augmento fiat, succedente statu morbus priuatur: Eadem quoque est in aliis morbis, qui organicas partes præcipue infestant, ratio: Nam vlcera statim, quum pars erodj incipit, sæpe persanamus: & quæ extuberare incipiunt partes, extenuamus: & leues nondumque auctas luxationes restituiamus. Ac vt semel dicam, cura & opera naturæ & medici sæpius nonnullis partibus priuantur salutare morbi. At si lethalis morbus extiterit, nusquam quatuor tempora habebit: fieri etenim nequit, vt diminuto morbo, victæque illius vehementia, homo ex eo morbo declinante pereat: quod si ille leuior fortè appareret, quum homo moritur: veluti quando per febres, refrigeratis iam membris, homo extinguatur, non tamen propterea declinare huiusmodi febrem dicemus: quon

quoniam falsa est huiusmodi remissio, utpote quæ nec à natura, nec arte vincente contingit. Nam eò tunc inclinare videtur morbus, quòd virtus sàm euicta, non amplius morbois causis reluctetur: non quòd suapte naturà, & verè minuatur: quia sanè in re eorum placet opinio, qui duplicè declinationem statuunt, quandam scilicet vincentis naturæ, aliam succumbentis. Vt enim ea prævalente, sic etiam non repugnante, extingui minuique morbum oportet. Verum illa vera, hæc autem falsa & ficta quædam declinatio credi debet: id quòd etiam alia symptomata & morborum causæ ostendunt. Nam etsi calor minor apparet instante morte, quum febres urgent: in actionibus tamen, corporis qualitatibus, excrementis, & reliquis corporis animique operibus maiora quàm antea vitia apparent: causæ autem morborum in hac remissione, ut in alia, euictæ minime sunt: Vt verò plura quàm tria tempora lethalis morbus habere non potest: sic duo necessario quilibet obtinet: quandoquidem meò iudicio, nullus morbus occidere potest, qui prius incrementum aliquod non acceperit: Vnde quum in principio morbi hominem nonnunquam mori scribit Galenus in libris de Crisibus, non videtur vera & sibi consona dicere: siquidem in libro de Temporibus morborum incrementum illorum ex lethaliū signorum apparitione indicari meminit: principium autem ex morbi generatione. At quomodo, quæso, eò tempore mori contingit, in quò mortis indicia nondum apparent? Iam verò si morbus ex eorum generatione consistat, qui sanari nequeunt, nec tamen occidere possunt, contingit duntaxat principium adesse: veluti si posteaquam morbus creatus est, nūquam augeatur: vel duo, principium & incrementum si semper increseat: vel tria, si posteaquam ad vigorem peruenit, in eo perseverat, vel quatuor: quando scilicet declinare incipit: sed perfecte non soluitur: vel quòd morbus reliquias quasdam insuperabiles reliquerit, veluti in his, qui morbo Gallico laborarunt, sæpius apparet: vel quòd mors præueniat, antequam protus curari affectus possit.



## De numero particularium temporum morborum.

## CAP. VII.



**C**AETERVM particularium temporum morborum numerus pro varia morborum differentia etiā euariat: potest tamen lethalis morbus tot habere huiusmodi partes, quot obtinet qui salutaris existit. Nō enim declinatione particulari, vt vniuersali perpetuō priuatur ille: propter ea quod etsi declinat accessio, non tamen minuitur quoque mala ipsa dispositio, & morbi magnitudo. Quo sit vt in declinatione particulari homo mori possit, à prioribus scilicet temporibus vehementer offensus, ad eō vt declinantem etiam accessionē sustinere nequeat. Igitur si cōtinuus morbus extiterit, & accessionem habuerit simplicem & æqualem, quatuor erunt tempora, principium inquam, incrementum, status, & declinatio: Principium tamen insensibile in his apparet, quoniam morbus iam adest, & solum augeri putatur. Quod si morbus per inæquales accessiones infestatur, vltra prædicta quatuor, inæqualitatis tempus additur. Ac quum Galenus quatuor duntaxat nōnunquam in his ponit, inæqualitatē sub incremento cōprehēdit, quod postea diuidit in æquale & in inæquale. Si verō morbi accessio cōfusa fuerit, vt ipsa, sic illius partes confunduntur. At si morbus nullam habeat accessionem, quemadmodum synochæ febres, & alij affectus, qui sine humore infestant, nulla etiam habebit particularia tempora solis vniuersalibus cōtēntus. Iam verō si ex genere intermittentium morbus est, & æqualem accessionem obtinet, quinque erunt accessionis partes, principium, incrementum, vigor, declinatio, & interuallum siue quietis tempus. Quod si inæqualis fuerit accessio post principium addetur, vt superius, inæqualitatis tēpus inter principium, & incrementum medium. Illud verō superfluum esse hoc loco explicare, quid per æquale, inæquale mve accessionem intelligi oporteat, quandoquidē id in libris de Differentiis morborū iam antea suo loco explicauimus: simplicem autem accessionem intelligimus vnicam, compositā, & confusam ex pluribus confectam, atque illam quidem ita capere oportet, quæ vnum morbum sequitur, hanc quæ duos comitat

mitatur veluti tertianæ cuiuscunque febris accessione simplicem nuncupamus: Eam autem, quæ ex tertiana, & quotidiana, vel alterius generis febris accessione constat, compositam confusamque esse dicimus.

*Quur tempora morbi nunc sint equalia inter se, nunc longiora alia aliis.*

## CAP. VIII.



VNIuersALIVM particulariſmꝫ; tēporum morbi causas per se patere puto: siquidem vniuersales causarum morbi motiones illa, hæc verò particulares efficiunt: quinetiā ea quæ æquales, inæquales, continuos, intermittentes, ordinatos, ordine carentes, simplices, cōpositos, cōfususq; morbos pariunt, eadē profectò morbi partes tum vniuersales tū particulares huiusmodi reddūt: quo fit, vt hęc vnusquisque faciliē intelligere possit commemoratione eorum, quæ de causis differentiarū morbi alibi tradidimus. Quur verò inter morbi tempora quædam aliquando breuissima & momentanea etiam sint, alia autē longiora euant, peculiaris quædam ratio est, de qua quidem vt pauca hoc loco dicamus, operæpretium esse duco, eoque magis, quòd Galenus de hac re nihil scriptum reliquit: Nam tradit ille quidem, quod sit, nempe principium morbi nunc breuissimum esse, vt in inflammationibus, nunc longius extendi, idem de incremento, vigore, & remissione morbi, quod etiam experientia ipsa quotidiana docet, cōmemorat, quæ verò sit huius rei causa, omittit: id quod nos quantum assequi poterimus, præstare enitemur. Itaque principij breuitatis aut longitudinis causa in facili aut difficili generatione constituenda esse videtur, & meritò quidem: Quum enim illius natura sit, vt in eo morbus gignatur, rationi consonum est, vt qui facilius creari possunt, breuitus principium fortiantur, longius autem qui difficilius. Porro facilitas difficultasque huiusmodi ex vi efficientium causarum nonnunquam petitur: quandoquidem hac ratione vulnera promptè inferuntur & gignūt, quod ea scilicet quæ vulnerandi facultatem habent, ea minimo temporis spacio exerere valeant: Contrà verò sicci morbi paulatim nascuntur, & non nisi longiore tempore procreantur, nimirum quòd illorum

causæ hebetem obtusamque naturam sint sortitæ. Est nonnunquam huius rei causa materia ipsa, ex qua morbi gignuntur: Vnde videmus acutos morbos qui ex calida, & tenui materia concitantur, vna aut altera accessione, finito principio, ad incrementum properare: sic etiam inflammationes multo promptius, quam scirrhi, & œdemata nascuntur. Confert ad id etiam subiecta materia: quippe quum partes molles raræ, & laxæ facilius, quam aliæ morbos admittant, augmenti verò morbi breuitas, aut longitudo in facili aut difficili mutatione causarum ipsius morbi poni debet: quum enim genitum morbum mutari oporteat, nempe augeri: meritò fit, vt qui causam habent, quæ facilius mutari potest, breuius augmentum, alij verò longius assequantur, qui contrario modo habent: propterea synochæ febres, quæ ex multo sanguine, & vehementi constipatione consistunt, longum obtinent incrementum: Nam etsi ex sanguine fiunt, qui facile accenditur, obstat tamen multitudo, ne facile totus mutetur. Vulnere autem eodem temporis momento & gignuntur, & augentur: quia quæ vulnerant, non solum facere, sed etiam facta vulnera statim augere possunt: atque etiam in lethalibus morbis promptè aduenit incrementum, vbi vires subsunt infirmæ, quæ morbosæ causæ excedentis impetum retardare, cohiberéque nequeunt. Contra verò longius incrementum euadit, si illæ validiore vi resistat. At status in facili, aut difficili victoria consistere videtur: Quum enim maxima, vigente morbo, pugna excitetur, qua absoluta declinatio sequitur, meritò fit, vt in illis status morbi breuior sit, in quibus, posteaquam ad summum incrementi res peruenit, facile absolui potest, quamobrem videmus quartanarum febrium vigorem longum esse, nimirum quòd ex humore huiusmodi febres proueniât, qui posteaquam summam etiam caloris nostri & remediorum vim accepit, diutius eam adhuc postea desideret, antequàm planè vinci queat. Acutissimi verò morbi, vt pote qui ex tenui calidâque materia nascuntur, vbi ad summum ventum est, vehementer naturam irritant, vehementemque ob id pugnam excitant, quæ longo temporis interuallo durare nequit. At vulnera vlceraque longiorem vigorem obtinent: quoniâ non prompte eorum natura vinci potest. Cæterum declinatio in facili dissolutione causæ morbosæ aut difficili versatur: Nam quum

quum victoriam, quæ in statu paratur, sequatur dissolutio, quæ declinationis est causa, optima ratione fieri videtur, vt tanto breuior declinatio reddatur, quâto promptius abigi pōt morbi causa. Quapropter acutorū morborū remissiones breuissimas esse cōspicimus, quoniā humor, qui eos parit, tenuis est, calidus, & acris, & ob id ad expulsionē promptissimus. Arque hac ratione Galenus nullam illis morbis, qui per crīsim soluuntur, concedit declinationem: nō quod reuerā non sit, sed quod ob breuitatem esse non videatur. Quartanas autem videmus longam declinationem habere, propterea scilicet quod illarum materia crassa, & viscida sit adeo, vt difficile expelli possit, sed paulatim & per vices extrudatur. Sic etiam in vlceribus cauis apparet, quæ quum declinare incipiant, quando carne concāuitas repletur, longum omnino temporis interuallum desiderant, nimirum quod non nisi paulatim caro regigni, & quod deperditum est substantiæ, restitui valeat. Communis est hæc ratio tum vniuersalibus, tum singulis morborum partibus: Nam eodem modo contingit totius morbi principium, incrementum, vigorem, & declinationem produci, aut contrahi, quo initia, incrementa, vigores, & declinationes accessionum.

*Quo nam modo morbi tempora,  
quum adsunt, dignosci  
possint.*

CAP. IX.



V AE autem sit ratio cognoscendi morborum tempora, quum præsentia sunt, & à quibus eorum signa sumantur, nunc explicandum esse duco. Quæ quidem in re paulo maiorem diligentiam in Galeno desideraré: Nam & in hoc plurimum euariat, & quod commune omnibus est, contracta ad paucos morbos tractatione, non docet: etenim libro tertio de Crīsis, & in eo, quæ inscripsit de morbi totius Temporibus non aliter morborum tempora, quàm ex coctionibus & cruditatibus excrementorum discerni posse scribit, quum tamen libro primo de Crīsis signa quædam ex symptomatum æqualitate inæqualitatēue sumi antea retulisset: Peculiarem verò, nec omnibus communem esse co-

gnosendi rationem, quæ ex cruditate & coctione excrementorum ducitur, certissimum est. Neque enim in omnibus morbis excrementa gignuntur, quæ coctiones cruditatesque ostendere possint: quales sunt, qui ex sola intemperie absque humoris putredine caloremque fiunt: ut frigidi, sicci, humidi, & calidi etiam, præterea omnes alij, qui in instrumentariis partibus consistunt: quorum quidem, ut partes siue tempora quædam sunt, sic rationem aliquam desiderant, qua illa percipi ex propriis indiciis valeant. An quæso, intemperiem siccam aut calidam cruris, an obstructiorem in principio esse dicemus, quando cruda est materia? quod planè ridiculū foret. Nec illud quidem me latet eos, qui pro authoribus certare consueverunt, paratos esse, ut dicant Galenum de febribus intelligere, quum ex cruditatibus & coctionibus notas sumendas esse censent: sed illi interim non animaduertunt Galenum conari eam rationem ad ulcera, destillationes, & omnes alios morbos transferre: quum alioqui etiā frustra polliceretur inscriptio tractationem de temporibus morborum: si de solis febribus postea agendū esset, frustra in libro de Morbis multa genera, differentias, & causas omnium explicasset, si eorū pattēs postea in vno duntaxat genere docere instituisset. Neque verò etiā in morbis illis, in quibus materia aliqua concoquitur, coctiones cruditatesque morborum tempora perpetuo ostendunt, quod apparet in synochis febribus, quæ vel semper augescunt, vel decrescunt, nec non in morbo laterali, in quo summus adest morbi vigor, dum humor crudus est, non autem quum perficitur concoctio, quo quidem indicio statum definit. Principium verò quum crudus planè est humor, aut certè obscuram coctionem accepit, augmentum quum euidentem ostendit coctionem. Declinationem verò quum ea planè perfecta est & absoluta. Nonne illud quoque absurdum est existimare ulcera in principio esse, quando sanies aquosa & multa gignitur, incrementum, quum ea coctionem aliquam refert? quando quidem minimo temporis spatio vulnera principium, incrementum, & vigorem acceperunt. Nam quomodo alioqui ea augeri dicemus, quum diuisio ipsa non amplius augetur, quòd si melior, aut deterior sanies procreatur, non propterea id incrementi ipsius vulneris, sed subiectæ potius temperaturæ est indicium,

vt hic etiã, non paruo errore, duos diuerfos morbos in vnum cõfuderit Galenus, dum putat se vlceris partes ostendere, & interim intemperaturæ subiectæ tempora fortè docet. Ac quum hæc viderent recentiores inter se planè pugnare, quòd vehementissimus sæpe sit morbus, dum cruda redduntur excrementa, duplicem statum sunt commenti: quorum vnum statum coctionis, siue (vt illi vocant) quo ad coctionem; alterum accidentium, siue quo ad accidentia nominant; idque præter omnem rationem. Sic enim oporteret duas esse vigètes ætates, duo principia morbi, duo incrementa, duas declinationes, duas item æqualem tenorè seruantes causæ morbi motiones. Quomodo præterea dici potest vigere morbus, cuius accidentia sunt remissa? id enim contingit, quum in pleuritide multa concocta, facilèq; expuuntur; quo tempore morbum vigere constituit Galenus sui alioqui oblitus, quum in primo de Crisibus, & alibi sæpè morbi statum definiat nihil aliud esse, quàm quo ad symptomata morbi summū. Ac sanè præstitisset illos agnoscere Galenum sibi in hac re repugnare, nec definitiones seruare, quas de singulis morborum tēporibus tradidit: nec veram communemque esse omnibus morbis rationem, quam posuit ex coctionis cruditatise notis ad morbi partes inter se distinguendas, naturæq; rei repugnare, ac variam esse de duplici statu opinionē: quærendū autem esse, quod in hac re commune perpetuūque est omnibus morbis, quòdque rei naturæ consentiret: etsi interim id Galeni placitis aduersaretur. Verum authorū, hæc contentiosa defensio, & sectarū patrociniū veritatis omne studium iamdudū fustulit. Nos autem, sophistis his contemptis, iam aggrediamur docere viā & rationē, qua morbi tempora generalia, tum etiā particularia dignoscere liceat. Ducentur profectò signa ex his fontibus, ex quibus reliqua omnia depromi ostendimus: nempe, à natura rei, ab illius causis, effectibus, & aliorum similitudine. Nam si morbi omnes sensibus essent expositi, promptissima esset cognoscendi eorū partes ex propria natura ratio. Quis enim est, qui febrem non agnoscat esse in principio, quum calorem illius scilicet essentiā, per vniuersum corpus sparsum percipit eum tenorem, quem statim ab initio accepit nulla insigni accedere auctione, seruare eandem verò augeri, quū calor euidenter crescit: sic vigere, quū eand

eandem vehementiam à summo incremento relictam calor retinet: deniq; morbum declinare, quum calor remittitur, eodem pacto in morbis instrumentariarū partium quum figura semel à naturali statu eversa fuerit vsque adeo, vt actionibus euidenter obsit, in principio morbi esse dicetur. Quòd si vitium augeatur, in incremento, deinde in vigore, postea quum redire incipit ad naturalem statū, declinatio constituitur. Idē de aliis morbis, qui ex aliis causis in partibus instrumentariis, & similibus cōsistunt, censendum est: quod enim primo sit vitium, si paulatim ad summū accedat, deinde ad naturālē redeat statum, principium, incrementū, vigore & declinationē manifeste obtinebit. Si verò paulatim, vsque adeo tamen, quod est secundum naturam abierit, vt actionibus incommodet, initium duntaxat habere dicetur: nimirum quòd morbus solū genitus sit, nō autē creuerit. Quòd si breuissimo tempore maximum incrementū suscipiat, & in eodiuus sistatur momentanea priora tempora habuisse censebitur, statum autē longū: vt in vulneribus cauis cōtingit, quæ vno momento gignuntur, augentur, & vigent, tādūq; in vigore persistunt, donec diuisio minor, intercedente carne, reddatur. Quòd si omnia tempora citò pertrāseat vitium, vel tardius progrediatur: eodē modo omnes suas partes breues longasve obtinebit. Agē igitur, vt exemplis res pateat, quodnā (quæso) in vlceribus, & vulneribus morbi principium constituemus? statuamus enim leuem fieri diuisionē in aliqua parte adeo, vt actionē non lædat, quonā modo id vocari dicemus? non quidē morbum, quū actionibus non obsit: Quare nec morbi principium, siquidem morbus est, quum in principio est. Quòd si illud omittimus, quod factum est, quodnā aliud principium morbo statuemus? Esto enim vt diuisio augeatur, tunc iam in incremento morbus cōstitutus videtur: an id sine principio est assecutus? non ita profectò: Nā (vt diximus) non omne augmentū morbosæ dispositionis morbi incrementū constituit, sed id, quod postea quā morbus genitus est, accedit: alioqui vel nondū morbus est, aut adhuc est in principio: Veluti in vlcere aut vulnere proposito leuis ea prima diuisio, quæ functiones nondū impedit, morbi pars, nondū est, sed in statu neutro ponenda. Ea autem cum illo, quod accessit adeo, vt actio primū lædatur, principium totius morbi statuendum est: reliquum autem ad

aug

augmentum pertinet: quòd si grauior ab initio læsio facta fuerit, augeatur autem rursus illa, quicquid accreuit malo, quod insigniter actiones offendere potest, sub incremento cōprehenditur, vt maneat id inuiolatum, morbum scilicet esse in principio, nec alias suas partes assecutum, quum eam magnitudinem accepit, qua functiones labefactare potest, & in eo statu absque insigni incremēto permanet, quicquid autem postea illi adiungitur, donec ad summū peruenerit, ad incrementum pertinet. Ac contingit quidem, vt momentaneum nunc sit principium, vt in vulneribus accidit. Nunc verò ad plures etiam dies extendatur: quemadmodū apparet in quartanis febribus, quæ citra incrementum, eam, quā in prima accessione acceperunt vehementiam, diu seruant. Quæ si quis ita statuat, omnes ambiguitates effugiet, in quas Galenus incidere videtur, dum diuersa ratione in singulis morbis utitur ad eorum partes distinguendas, & quosdam ponit in principio esse, qui iam planè augentur, quosdam in vigore, qui remittuntur, veluti vlcera, a quibus crassa, & concocta sanies emanat, quæ quidem non amplius videntur, sed aucta carne arctior redditur diuisio, & iam planè declinant, & ea quæ aquosam & acrem saniem emittunt, principium iam excesserunt, & in augmento constitui debent, quippe quum eo tempore latiora, maiorāq; quā prius vlcera, vulneraque conspiciantur. Est ergo prima cognitio temporū morborum, quæ ab essentia illorū sumitur: quòd si in omnibus eam oculis intueri, vel sensibus aliis comprehendere possemus, nulla alia regula nullisque aliis indiciis opus esset: sed quoniam multi occulti sunt, & intus reconditi, ex effectibus, quos edunt, ex suisque causis notas colligimus, quibus quantum licet certam cognitionē assequamur. Ac ab effectibus quidem non omnibus, sed propriis, quæq; cū natura morbi necessario sunt coniuncta, indicia sumenda. Sunt porro annexa cum omni morbo actionū offensiones, in quibusdam verò præter illas reperiuntur qualitates corporis mutatz & excrementa: neque enim in omnibus morbis hæc adsunt, nec omnes partes excrementa gignunt, quæ morbū ostendant. Quis enim (quæso) ossium, carnis, neruorum, & multarum aliarū partium morbi tēpora ex qualitatibus & excrementis dignoscere conabitur? quando etiam in affectibus earum partium, quæ excrementa gignunt, &

forat



foras emittunt, hæc ratio sæpe non iuuat: quemadmodum in melancholia morbo, aut mania apparet, in quibus malis nec excrementa, nec qualitates corporis magnū momentū habēt ad morbi tempora dignoscenda: quum nihil, vel parum mutantur à naturali suo statu, & non multo magis ea in vigore morbi quàm in principio euariant. Actiones autem ipsæ tum in his, tum in aliis morbis illorū partes optimè distinguunt: Nemo enim est, qui non videat eos, qui incidunt in huiusmodi affectionem, leuius ab initio habere: postea autem deterius agere, quo tempore morbus est in augmento: deinde similes esse certo tempore actionū noxas: quum scilicet morbus viget, donec postea declinat: quod agnoscimus, eo quòd actiones meliores quàm prius reddantur: Quamobrem quemadmodum Galenus primo de Locis affectis scribit solas functionū differentias sæpe sufficere ad morborū differentias cognoscēdas: sic sanè ad partes illorum distinguendas & internoscendas, illarū differentiarū per magis & minus sumptæ, vt tempora etiā ipsa per magis & minus differunt: omnibus fiunt cōmunes notæ: alia autem accidentia, quæ ex qualitatibus & excrementis petuntur, in quibus locum habent & percipi possunt, tanquā actionum indicia, notæ fiunt pariter ipsorum temporū morbi: resultant enim in quibusdā morbis ex mutua actione & pugna morbi, & naturæ excrementa, quæ qualis sit actio, & in qua parte sui morbus sit, ostēdūt. Quod potissimū in morbis ex humore calido & cōclusio aliquo in loco cōcitatis cōtingit. Nā quū humor præter naturā calorē concepit, naturā primò leuiter afficit, parūmq; lēdūtur illius functiones, quo tēpore morbus in principio est: Quū autē subiecta materia calidior reddita est, deteriores omnes functiones euadūt, augeturq; morbus: vbi verò vehementem, quem potest concipere calorem, accepit, vehementissimè homo torquetur, adestq; tunc morbi vigor: Contra verò natus calor insitæque singulis partibus alteratrix facultas leuiter in principio resistunt: quoniam leuiter molestantur, vehementius autem in incremento, quia grauius affliguntur. Sic sanè in statu vehementissima pugna oritur: propterea quod eo tempore ira inuadit morbus: Ac quoniam natura in humorem agit tanquā in causam morbificam: ab illo autem excrementa, quæ vnà commixta erant, secernuntur, ex ipsis excrementis quid quan

quantumque egerit natura, colligimus. Itaque quoniam natura mitius agit, quum morbus mitis est: ideo excrementa cruda, id est quæ nullam impressionem manifesto acceperunt, redduntur: quo tempore, ut diximus, morbus in principio esse creditur: quum autem vehementius vim suam exercet, impressionem aliquam, & alterationem euidentem in materia facit: proinde excrementa, quæ tunc ab humore, qui alteratur separantur, manifestam actionem ostendētia morbi incrementum significant. Quum autem vehementissima sit pugna, siquidem superare debet, tunc maxime natura vincit: Vnde excrementa reiciuntur, quæ perfici victoriam, & vigere morbum ostendunt: alioqui si secutura est mors, eundem naturæ functionem, & robur monstrant. Ita in declinatione euanesceat minuiturque morbus, quum calor natiuus perfecte vicit, confectique lædentem materiam. Contingit autem natiuum calorem vincere, non quod validior in agendo fuerit, nimirum quod eius, qui præter naturam est caloris vis vehementior, & sæpius præualere conspiciatur: quod illius essentia & symptomata ostendunt, sed potius reluctando. Interim enim dum resistit natiuus calor, consumitur materia, in qua qui præter naturam est calor, id est, id quod incrementi caloris præter naturam erat causa residebat: quo assumpto, ipsum quoque calorem putredinosum euanescere necesse est. Atque hoc quidem modo à morbi essentia, actionibus, & excrementis signa petuntur ad morbi tempora dignoscenda. Præbent tamen & corporis qualitates non nunquam etiam in hac re notas, veluti in morbo regio apparet, cuius tempora ex vitio, quod in colore apparet, distinguimus: Nā ubi pallido colore suffundi cutis, & quod in oculo album est, incipit, principium affectus, unde huiusmodi color provenit, putamus: incrementum verò quum intēditur alienus hic color: viget autem morbus, quum nihil præterea addi videtur: at tunc morbus declinat, quum pallor remittitur, & natiuum colorem corpus recipere incipit: non tamen ex decremento, incrementoque læsionis, quæ in omnibus qualitatibus corporis apparet, morborum tempora distinguere possumus. Siquidem vigente morbo, gracillitas corporis augetur. Iam verò ex tertio fonte, nempe ex causis ipsis signa haurienda sunt: quod vniuersum genus, ut illud etiam, quod ad essentiam pertinet, miror à Galeno prætermisum, quum  
tamen

tamen euidentēs huius rei notas præbeat. Nam quæ principium morbi iuuare solent, aut lædere, quum adhibentur, & profunt, vel obsunt: testantur morbum esse in principio. Eadem est ratio de his quæ crescentibus, vigentibus, declinantibusque morbis exhibentur: quinetiã causæ quæ morbum gignunt, quando agere incipiunt, illius initium ostendunt: Incrementum vero, quando earum vis augetur. Viget autem, quando ea perseverat in eodẽ tenore: inclinatur autem, quando de robore causarum aliquid remittitur. An non etiam ex similitudine vtilia indicia capiuntur? quandoquidem licet ex similibus morbis, & naturis similia colligere. Nam si ignoremus in quo tempore morbus sit, quum certa quædam symptomata nascuntur: nouerimus autem in aliis morbum fortè in extrema vigoris parte, quum ea apparent cõsistere: nõ temerè suspicabimur idem putandũ esse in eo, qui præsentē morbo laborat. Ac ad omnia quidem tempora dignoscenda, quæ ex similitudine sumuntur indicia, plurimum conferunt: maxime tamen ad minimas quasq; illorum portiones depræhendendas faciunt. nullas enim quæ certas notas ex aliis sumere possumus, quibus intelligere liceat in qua parte sit principium, incrementum, vigor, & declinatio: quantũcunq; ea processerint, & à suo fine distent. Cæterũ nõ solum vniuersalia tempora, sed etiã particularia ex his signis ab eisdem fontibus ductis cognoscuntur: siquidem quum essentia, causæ, effectus illorũ, & alia similia adsunt, augentur, vigent, minuunturq; accessionis partes ostendunt. Sic profectò an morbus habeat accessionẽ, vel non, & qualem, an scilicet magnã, vel paruam, longam vel breuẽ, anticipantem, vel tardantem, æqualem vel inæqualem, per periodum aut sine eo affligentem eadem signa testantur. Sunt etiam quidam morbi, qui accessiones non habent: alij, qui eas obtinent vehementes: alij mitiores, alij deniq; alio modo discrepantes. Eodem pacto inter morborũ causas, quædam sunt, quæ accessiones committunt, vt bilis, pituita, humor melancholicus. Alij autẽ minimè, veluti sanguis, si effectus reperiuntur, qui accessionẽ indicant, vt rigor in febribus, quæ (ne omnia prosequi velle videamur) vnusquisque facillè intelligere poterit, qui morborũ omnium naturam, causas, & effectus perspectos habuerit, sine quibus illis futura est præsens tractatio inutilis.

Qua

*Qua ratione morbi tempora dignoscas  
futura, & praterita.*

## CAP. X.



VANDO verò ventura sint morbi tempora tum vniuersalia, tum particularia citiusne an tardius nulla certa scientia deprehendi potest. Non inutilis tamen cōiectura ex prædictis fontibus ductis signis, ad hæc præfagienda sumetur. Sunt enim inter morbos (vt ab essentia rei exordiamur) qui properant, quique suas partes citò assequuntur: in quibus licebit prædicere quamprimum ventura esse quæ sequuntur tempora: veluti in ardentibus febribus contingit, in quibus tum vigor, tum reliquæ partes, aut pari velocitate, aut certe non magno discrimine veniunt, contraria ratio est in morbis longis, vt docet quartana, cuius tempora præsentia longissimè protrahuntur, & quæ succedunt tardius subsequuntur. Idem ostendunt morbi causæ: Nam bilis vt breues morbos committit, sic quæ postea sequuntur morbi partes citò venturas prænunciant, contrarium monstrant humor melancholicus, & pituita. Cæterum ex morbi effectibus hoc modo illius partes præsentemus, si quidem vehementia accidentia, quæ morbi initio apparent, & vehementes, multumque anticipantes, & in longum spatiū productæ accessiones, vt breuem morbum, sic quamprimum illius tempora ventura præfagiunt. Quin etiam quæ in excrementis apparent alterationes, idem significant. Nam si in primis diebus ea coctionem ostendant, sperare licet statum proximum esse, atque etiam eorum expulsiōe s magnæ, paruæ, quæque per commoda aut incommoda loca, & tempestiuè, aut aliter fiunt; propinqua esse aut longius abesse subsequētia morbi tempora prædicunt. Anni verò tempora cœlique constitutio, corporis status, vitæ conditio, & reliqua, quæ prosequuti sumus (dum breuis, & longi morbi notas explicaremus) signa ad hæc præfagienda præbent, quatenus scilicet morborum causas monstrant. Nec illud quidem ignorandum est ex eisdem signis particularia tempora prænosci: sunt enim ex morbis, qui accessionum initia longiora habent, in quibus earum incrementa & vigores tardius expectare oportet, alij verò, qui con-

trario modo habent, in quibus contrarium contingit. restantur idem & causa, pituita etenim longius reddit accessionum principium, & incrementum, biliosi verò morbi exacerbatio ad vigorem minimo temporis spatio properat. Sic sanè breuiores reddit declinationes & statum accelerat virtus robusta languentis corporis. Nec desunt ex effectibus morborum indicia qui per accessionum tempora apparent. leuis namque rigor proximum esse calorem, & incrementum accessionis in febribus significat. Sudor, qui emanare incipit, instantis declinationis est indicatiū. Quum verò apparent nonnulla symptomata, quæ in aliis didicimus, in fine incrementi accessionum emergere, proximum esse vigorem, ex similitudine ductis signis, colligimus. At præterita esse morbi tempora ex signis, quæ quod præsens est significant cognoscemus, præteriisse namque principium, si morbum in alia parte consistere ex propriis notis deprehenderimus. Atque hæc quidem satis de morbi temporibus, vniuersalibus inquam & particularibus sufficere poterunt his, qui nostro hoc labore adiuti, cætera si quæ supererunt adicere studebunt.

IOAN



# IOANNIS ARGENT- TERII DE SIGNIS MEDICIS

## LIBER PRIMVS.

### *De utilitate signorum.*

#### CAP. I.



VLLA propemodum est medicinæ pars ea dignior, vtiliorve, quæ de signis agit: Quum enim latentes affectus præsentis per signa dignoscimus, & quæ antecesserunt, tanquam præsentia essent, commemoramus, quæque post longum etiam tempus ventura sunt prædicimus, diuinam quandam artem ab omnibus profiteri putamur. Vtilis autem est hæc cognitio, tum per se (siquidem vtile philosophari, & res abstrusas dignoscere) tum verò ad omnia medici officia summo opere necessaria. Nam nec ea, quæ secundum naturam in nobis sunt, conseruare, nec quæ naturæ contraria profigare, vel imminentes morbos præcauere possumus, nisi omnem corporis statum perspectum habuerimus: Ac etiam quum homines quæ illis eueniunt, nobis præcognita vident, non solum artem nostram extollunt, illiusque professores admirantur, sed etiam (vt inquit Hippocrates) facilius sese illis committunt, ad omniaque remedia sustinenda paratos exhibent. Vulgi præterea infamiam & calumnias, quibus hæc ars nostra si quæ alia subiecta est, facile euitabit Medicus, qui in hac parte instructus, omnium dispositionum corporis naturam euentumque prænuntiabit: Postremo remedium auctoritatem retinebit, dum illis vretur in his tantummodo, quibus ea profutura præuidet: in illis verò quos morituros præsentit, ea non infamat, quæ aliis sunt præsidio, qui sanari possunt: Quo magis profectò mirari licet hanc medicinæ partem, cuius dignitas, vtilitasque tam late patet, à nemine (meo quidem iudicio) pro dignitate hactenus satis excultam & literis mandatam fuisse.

Nam Hippocrates ferè solum præſagia ſalutis & mortis, idque in morbis acutis, aliis generibus contemptis, eſt complexus. Galenus verò omnia etiam non attingit, & ſi id fortè contentioſis conceſſerim, certa tamen arte, non facit, quod quærimus: quum ſparſim ſingula proſequatur, & capita huius rei, quibus docendi ratio cõſtat, nuſquam doceat: Quum enim hæc tractatio potiſſimum exigat, vt expendamus quæ & quot ſint ſignorum genera, differentia, qui quòtve fontes, à quibus ſingula ſigna deriuant, quæ propria ſit illorum vis, & uſus, quæ demum ratio ea inueniendi, & recensendi, hæc omnia (vt ſuis locis oſtendemus) vel prætermiſit, aut certè non ſatis explicauit: quod quidem ex eo omnibus conſtare poteſt, quod inter eius infinita propemodum volumina nullum extet opus de ſignis ab eo compoſitum. Ac utinam ex tot tantisque illis libris, quos in Eraſiſtratum, Aſclepiadem, aut alium denique quemcunque, nulla noſtra utilitate, prolixiſſimè, & fortè etiam diligentius ſcripſit, aliquot huic tractationi peculiariter dicat: Sic proſectò habere-mus artè noſtrā multo perfectiorem, & ad diſcendū facilio-rem. Quæ quidem dicta velim, non vt eum repræhendam, cui omnia debemus, ſed vt interim dum doceo quid in eo deſit, quid ars noſtra in hac re poſtulet, ſtudioſos illius excitem ad ea perficienda, quæ ab eo optimè inchoata fuerunt: Nam quid poſt eum commemorem recentiores Græcos, vel Arabes, aut noſtros de medicina ſcriptores? qui vel ea ſolum referunt, quæ ab antiquioribus ſunt memoriæ prodita, nullo adhibito iudicio, nulla arte, aut in eorum diſſidiis componendis perpetuò verſantur, contempto artis incremento, cui ſoli incumbere debent, qui ſe ad aliquid docendum, vel ſcribendum conferunt: Ac proſectò vt res hæc digniſſima utiliſſimâq; cenſetur, ita difficultate alias omnes medicinæ partes aut ſuperat, aut æquat. Quid enim quaſo difficilius, quàm præſentia, præterita, futurâque omnia, quæ corpori noſtro accidunt, quod hæc medicinæ pars promittit dignoſcere? quum ſæpe ita lateant illa, vt nullo certo indicio depræhendi poſſe videantur, & tam multa tamque varia capita ipſa tractatio obtineat, vt etiam re ipſa perſpecta, omnia certa docendi ratione explicare ſit diſſicillimum. Quo magis nobis ignoſci à beneuoliſ lecto-ribus poſtulamus, ſi rei difficultate forte victi in tantis aliis  
occup

occupationibus, quibus iam aliquot annis ex continuo docendi labore & varia studiorum permutatione premimur, tractationem absolueri, & exacte expolire nequiverimus. Non enim (ut etiam antea ab initio præfati sumus) ad hæc scribenda nos contulimus, ut nostrâ omnia putarem perfectâ, sed vel ut studiosos veritatis ad ea, quæ nos post antiquos scriptores colligere, & arte aliqua tractare aggressi sumus, perficienda potius invitarem, aut nobis ipsi viam muniremus ad hæc absoluenda, si plus otij aliquando nacti erimus.

*Quot capita habeat hæc tractatio, & quid sit signum, quove modo hoc loco sumatur.*

## CAP. II.



**H**ABET hæc tractatio quædam omnibus communia, quædam verò singulis propria: est enim illud commune omnibus signis, quod signa sint, & alicuius generis, & differentiar, quod ab aliquibus sumantur fontibus, quod vim aliquam habeant, quod usu, vel ordine priora, vel posteriora aliis existant, quomodo præterea inuestiganda, enumerandaque sint. Proprium autem illud est, quod quædam præsentia, quædam præterita, quædam futura monstrent. Artis præterea munus est ab initio docere, quorum signa quærantur: Hinc enim quod cõmune propriumque esse debet, elicitur. Ac de illis quidem, quæ cõmunia sunt toti operi, hoc primo libro, de aliis verò postea suo loco agemus: Ac quoniam nonnulla etiam ars præcipit, quæ ad artificis personam efformandam propriè pertinent, ea quoque suis locis inferemus: Illud verò etsi logica docet, quod scilicet ad definitionem signi pertinet, ne quid tamen in hac re desideret rudior lector, ac ne etiam aliter hoc nomine utatur, quam à nobis usurpetur, ab hac tractationem nostrâ auspicabimur. Est igitur (ut definit Aristoteles) id signum, quod rem aliquam significat. Ut enim causa dicitur id, quod ad aliquid faciendum confert: definitio, quod alicuius naturam explicat: Indicatio verò id, quod aliquid indicat in usu materie medicæ esse faciendum. Sic (ut diximus) signum est, quod aliquius rei est significativum. Porro siue signa, siue indicia,



vel notas, vel alio verbo voces, quod rem occultā declarat, nihil referre velim. Non enim inter hæc nomina eam differentiam agnoscimus, quam Græci ponunt inter *σημείον*, & *παράδειγμα*, quod est scilicet, hoc necessarium sit indicium, illud vero non necessarium existat. Atque illud etiam ignorari nolim latius à nobis signi nomen sumi quàm ab Aristotele capiat. Ille enim tantummodo ab effectis signa sumi docet: Nos verò quicquid potest aliquid eorum quæ in corpore nostro sunt significare, nomine signi donamus, porro significare est tacite admonere vnum ex alio: Fit autem tacita hæc admonitio ex comparatione rei significantis cum significato: nihil enim atque facta est huiusmodi comparatio, de præsens sit intellectus quod quærebat, qua ratione ex fumo significari ignem dicimus. Nam quum notum sit effectus à suis causis nasci, non mirum est si vno cognito aliud protinus animus contipit, id quod est significare, quapropter eadem re utimur ad significandum, indicandum, & demonstrandum: nam ex causa morbi relata ad ea quæ facienda sunt in ægro tis elicitur indicatio, ex eadem confecto syllogismo, fit demonstratio ad symptomata morborum probanda, quum autem affectionem aliquam cognoscere volumus absque expressa ratiocinatione causa huiusmodi signum sit. Omnia ergo hæc probat ex vno diuersa, prout ad diuersa referuntur.

*Quæ per signa in medicina digno-*

*scere oporteat.*

C A P.

III.



**E** A B E T medicina propria sua instrumenta ad singula dignoscenda, quibus opus habet. Signis autem utitur ad omnem corporis statum, quæque in eo eueniunt, cognoscenda: Etenim corporis nostri conditio variatur, si quidem nunc secundum naturam est, nunc præter naturam, nunc verò media sue neutra euadit, aliud præterea in omni statu est: ut causa, aliud ut constitutio ipsa, aliud denique ut effectus constitutionis, vocaturque (ut antea ostendimus, quum de morbi definitione ageremus) constitutio secundum naturam sanitas, illius causa, sanitatis causa, effectus accidentis: constitutio verò præter naturam morbus, illius causa, morbi

morbi causa, effectus morbi symptomata. Sic neutra constitutio, vel non naturalis, neutra causa, neutrique effectus dicuntur, quum peculiaris alia nomina non habeant, quibus nuncupentur. Quinetiam non solum in omni constitutione, sed etiam in causis, & effectibus ipsius quoddam est ut perfectum, aliud imperfectum plus vel minus, vocaturque sanitas, quæ perfecta est salubritas, unde corpus, quod ea præditum est, salubre nominatur, quæ verò imperfecta est sanitas, & aliquo modo vitiata, insalubritas, & proinde corpus, cui illa inest, insalubre nuncupatur. At quæ media inter has reperitur, neutra etiam appellatur ad alterius differentiam, quæ inter sanitatem, & morbum est posita, extremorum tamen additione, ut quum dicimus neutrum inter salubre, & insalubre. Postulat etiam ratio ut causæ, & effectus compositionis eodem modo diuidantur. Ut enim constitutio quædam est salubris, quædam insalubris, alia neutra: sic profecto causam, effectus, salubres, insalubres, & neutros ponere oportet, nuncupantes nimirum eam causam salubrem, quæ salubritatis, insalubrem, quæ insalubritatis, neutram quæ neutrius sanitatis est effectrix, aut conseruatix. Effectus verò salubres, insalubres, & neutros dicemus, qui huiusmodi constitutiones sequuntur, quorum singula, rursus in simpliciter & secundum quid talia, & illa in semper vel ut plurimum talia diuiduntur, quæ scilicet quod summum est in suo genere, aut parum deficit ab eo, quod est perfectum, comprehendunt. Hæc itaque imprimis per signa dignoscere necesse est, an scilicet secundum naturam sit, an præter naturam, vel neutrum, siue medium, quod est in corpore. Si constitutio est, vel constitutionis causa, vel illius effectus, præterea an perfectum vel imperfectum existat unumquodque in suo genere. Peculiariter autem quædam alia in singulis cognoscenda. Nam in statu præter naturam non solum morbum, sed illius naturam, genera, differentias omnes, partes, locum in quo residet, generationis illius rationem, finem, modum, tempus, quo ad finem peruenit, solutionis qualitatem perfectam habere oportet. In causis eadem fere omnia notantur quæ in morbis ipsis. Nam quid sit causa, qualis illius natura, quodue genus, cuius differentia putetur, quo loco contineatur, quodue modo morbum gignere, intendere & fouere, & quando quodue morbo, & per quem locum expelli valeat, ignorandum non

est,causarum tamen morbi partes, siue tempora non ita dicimus vt morbi partes, siue tempora. Cæterū in effectibus præter naturam quædam etiam ex illis notare necesse est: etenim quod sit symptoma, & quæ sit illius natura, & cuius generis, & ad quam differentiā pertineat, à quo proueniat, quo loco contineatur, quas partes corporis affligat, quo tandem modo abigi, gigni; valeat, ignorandū non est. Porro in statu secundum naturam, quædam eodē modo, vt in alio, qui præter naturam existit: quædā nullo pacto. considerantur, quippe quæ qualisue sanitas, cuius generis, ad quā differentiā spectet, à quibus causis gignatur, & quos qualēsque effectus pariat, quodnam illius principium, quis finis, quo modo restitui, & corrumpi possit, cōperta habere debet medicus. At sanitatis, vt morbi partes non expendimus, siquidem in principium, incrementum, statum, & declinationem, sanitatem, vt morbum, diuidere non solemus: eadem de medio siue neutro statu cognoscenda sunt qualia notauimus in eo, qui secundum naturam existit. At verò quæ prædiximus omnia, non vtcūque, nec vno dūtazat modo medicum oportet per sua signa consequi, sed quum præsentia sunt, præterita & futura dignoscere debet. Non enim satis est scire morbum esse præsentem, sed quādo venturus sit, aut præterierit. Nec solum sanitatē, quando adest, cognoscere oportet, sed quando post morbum ventura, & quæ qualisue fuerit, antequā morbus hominem corripere, eadē planē in illorū causis, & effectibus ponere oportet. Quæ enim & quales sint causæ, quæ morbos nūc gignūt, augent, fouēt, quæque antea pepererūt, aut postea cōmittent, aut tollent, qui item, qualēsque sint sanitatis effectus, vel morbi, aut neutrius constitutionis, quū adsunt, antecesserunt, & futuri sunt, scire expedit. Quæ autem peculiariter cognoscere oporteat de his, quæ præsentia, præterita, & futura sunt, suo loco trademus.

*De generibus, & differentiis signorum.*

CAP. III.



VAE, & quorū sint signorum genera tūc patebit, quū ea docebitur ē quibus signa vniuersa ducantur: Quot enim inueniētur, quæ alia ostendere possunt, tot sanē signorum genera statuentur. Nunc verò à quibus signorū differentiæ

rentiæ sumantur, & quæ quæque illæ existant explicabimus. Quæ meo quidem iudicio ab antiquis scriptoribus ita conscripta sunt, ut in his explicandis methodo usui non videantur. Etenim Galenus, cui omnia sua ars nostra debet, nec omnia signa necessaria cōplectitur, nec quæ tradit ex cōmodis diuisionibus, & certis principiis nascitur. Omitto quod sparsim hæc enarrat, quæ quidē omnibus constare puto, qui rei euidentiā, & naturā sequuntur, quique in arte perficienda magis quā in scriptoribus remere defendēdis laborāt. Ac ut pauca de hac re attingamus illorum gratia, qui veritate perspecta, sectarum patrociniū deserunt, benēque admonentes sequuntur, Galenus in arte medicinali, ubi exactiorē quā alibi usquam de signis tractationem instituire velle videtur, signa diuidit in salubria, insalubria, & neutra: Eaq; vocat salubria, quæ sanitatem, insalubria, quæ morbum, neutra, quæ mediū statum inter salubre, & insalubre significāt. Quia in re multa desiderari posse videntur. Primū quod non satis generalis sit hæc diuisio. Quum enim signa sint excogitata, ut per ea res significatas cognoscamus, necesse profecto est signorū differentias, eorū quæ significantur differentiis adæquari. Atqui non solum sanitatem, morbum, & neutrum statum, sed illorum etiam causas, effectus, & quæ superius adnotauimus reliqua, per signa deprehendere oportet. Ac quum alibi ille quæ in nobis sunt, diuidat in ea, quæ secundū naturā, vel præter naturā, vel media cōsistunt: quorū etiā eodē modo signa non diuidit, quibus illa significātur, quod scilicet quædā sint secundū naturā, alia cōtra naturā, alia demū neutra. Deinde quū corpus salubre apud eū solum significet quod proba sanitate est præditum, insalubre quod deteriore conditione est affectum: quorū est quod signa salubria ad totum sanitatis genus extendit: insalubria verò ad morbum & appellationem in utroque cōfundit? Ratio etenim exigit, ut signum, quod sanitatem significat, sanū, quod salubritatem, & non sanitatem, salubre nuncupetur? Insalubre verò insalubritatem, & non morbum monstrare dicatur. Postremò ut neutrum quendam alium statum inter sanitatem & morbum ponit: sic genus quoddam signorum ab eo ponendum fuerat, quod scilicet illius generis esset index. Non enim rationi est consonum, ut quum de neutro inter salubritatem, & insalubritatem eo loco agit,

nulla facta illius mentione, quod alibi inter sanum & æ-  
 grum collocat, signa neutra aliter vsurpet, quàm quæ cum  
 neutrum statum, cuius mentio fit, monstrant. Cæterum  
 in commentario duodecimi Aphorismi libri primi aliter  
 signa diuidit nempe in ea, quæ vel assident, & ob id assi-  
 dentia dicuntur: Vel crîsim siue iudicium, quod fit in  
 morbis, significant: vnde decretoria, siue iudicatoria signa  
 nuncupantur, vel coctionem, aut cruditatem, vel salutem,  
 aut mortem ostendunt, quæ quidem diuisione omnino præ-  
 termittit, quæ sanitatem, & illius morbiq; causas, effe-  
 ctus, generationem, solutionemq; in morbis & solutio-  
 nis modum: item quæ morbi tempora, locum affectum,  
 & alia multa ex his, quæ superius commemorauimus in-  
 dicant. Quinetiam certam non seruat in hoc diuidendi  
 rationem. Quum enim primo ex eo, quod significatur si-  
 gna diuidere cepisset: quum dicit quædam esse, quæ pas-  
 sionem significant, oportebat sanè & alia signa pariter ab  
 eodem sumere: id quod non facit. Nam assidentia signa  
 his opponuntur, quæ inseparabilia sunt, quasi rem ipsam  
 circumstant, non tamen cum ipsa necessariò coniuncta re-  
 periuntur, debebatq; hoc modo fieri diuisio, sumpta à re-  
 bus, quæ significantur: signa inquam quædam passionem si-  
 gnificant, quædam morem, magnitudinem, differentiam  
 morbi, nonnulla crîsim, alia coctionem vel crudelitatem: quæ-  
 dam salutem, aut mortem prænunciant: & postea illorum  
 natura declaranda erat, nominâque singulis generibus im-  
 ponenda, quòd illa, quæ passionem indicant, vnà cum mor-  
 bo inuadant, & ob id passionem significantia dicantur:  
 Quæ verò magnitudinem, differentiam, & morem mor-  
 bi monstrant, eo quòd cum natura morbi necessariò non  
 sunt coniuncta, sed paulo longius posita, quasi iuxta sedere  
 videantur, assidentia ob id nuncupentur: & sic alia omnia  
 eum percurrere oportebat: Extant verò, & aliæ multæ si-  
 gnorum diuisiones apud eundem authorem, de quibus pau-  
 lo post, quum methodo rem tractare aggrediemur, obiter  
 agemus: vniuersæ tamen, quæ apud illum reperiun-  
 tur diuisiones, vel solum eam partem, quæ de morbis agit,  
 explicant: aut certè non omnia complectuntur, quæ ars no-  
 stra in hac re postulat. Id quod nos ( quantum licebit ) fate-  
 re iam auspicamur. Itaque si signum id est, quod rem ali-  
 quam

quam significat, merito ex differentiis rerum, quæ aliquid significare possunt, vel significantur, & ex diuersa significatione ratione signorum differentiæ petentur: Significant autem, ut postea ostendemus quædam ut causæ, quædam ut rei ipsius naturæ, alia ut illius effectus, alia ut similia aliis. At quum dixerimus tria prima esse genera eorum, quæ cognoscere oportet, nempe quæ secundum naturam, vel præter naturam, aut neutra sunt, primam in hoc genere, & omnibus communem hanc signorum differentiâ constituemus, quod quædam sint naturalia, quædam præter naturam, alia neutra, siue inter hæc media, ea intelligentes naturalia, quæ statum, qui secundum naturam est, monstrant: neutra, quæ neutrum: præter naturam verò, quæ huiusmodi corporis conditione indicant; inter quæ rursus quædam reperiuntur, quæ compositione ipsam, quædam, quæ compositionis causas, alia, quæ illius effectus significant: Quorum quæ compositionis secundum naturam (quæ proprio nomine sanitas vocatur) sunt indices, sana vocabuntur: quæ verò eam declarant, quæ præter naturam est, morbusque & ægritudo nominatur, nihil prohibet quominus morbofa, & ægra, ab eorum quod significatur mutato nomine, nuncupentur: Neutra autem dicantur inter sana & ægra, quæ neutram mediâque inter sanitatē & morbum conditione ostendunt. At quæ causas & effectus illorum declarant signa, nullo peculiari nomine donari possunt, sed additione eius, quod significatur, exprimuntur, quod scilicet quædam causam sanitatis, morbi, & neutrius status manifestent: Cæterum ut sanitas in salubritatem, insalubritatem, & neutram, mediâque inter eas dispositione diuiditur, sic quædam signa salubria, insalubria, & neutra, quæ ad ea dignoscenda referantur, ponere oportet: Quorum singula rursus in simpliciter, & secundum quid talia: & illa in semper, siue in summo, & prorsus talia, vel ut plurimum, siue à summo aliquantulum distantia, distinguenda, quæ scilicet simpliciter, & secundum quid, siue ut nunc, & semper, & ut plurimum salubrem, & insalubrem, & neutram sanitatem indicant. Quæ verò causas salubritatis, neutrius sanitatis, insalubritatis, & illorum effectus, quodque in illis est simpliciter, secundum quid summum, & quod à summo aliquantulum declinat, signa ostendunt circumloquutione quæ proprio nomine careant, exprimi debent. Cæterum in statu præter naturam

quæ

quæ morbum, eiusque naturam declarant signa pathognomonica, id est passionem significantia à Græcis nuncupantur: Atque inter illa (vt Galenus testatur libro primo Prothoriorum) *πρῶτα* dicuntur, quæ incipientis affectionis sunt notæ: Quæ autē alia omnia de morbis dicta ostendunt, *ἐπιφανήσυν*, id est mox apparentia, siue superuenientia signa fortè vocari possunt: opponuntur enim his, quæ morbi naturam patefaciunt, eo quod illa semper cū morbo sint coniuncta: ea verò, quæ alia de morbis indicant, nunc cū eo inuadant, nunc autem postea succedant: quanquam tamen Galenus nonnunquam tria duntaxat genera sub mox apparentibus complectitur. At quæ differentiam morbi, magnitudinem, & morem docent signa, *συνεπόμενα*, id est circumstantia, & à nostris interpretibus alsidētia dicuntur, quod morbi naturam veluti circumstent, nō autem penitus coniuncta sint, & inseparabilia, quemadmodum illa quæ passionem significant, quæ vnā cū morbo inuadunt, & desinunt: hæc autem aliquando cū morbo, nonnunquam post genitū morbum, aliquando etiam nūquam conspiciantur. Quæ verò morbi tempora declarant signa sumpta ex materię coctione, & cruditate in morbis scilicet in quibus locum habent, cruditatis coctionisq; indicia nuncupantur: Nam quæ cruditatem ostendunt, principiū morbi significant: quæ manifestam coctionem, incrementum: quæ perfici coctionem, statū: quæ perfectam, declinationem monstrāt: Alia autem signa, quibus morborum tempora inisdē morbis, in quibus coctiones, & cruditates excrementorum non fiunt, à natura ipsius morbi & symptomatibus ducta non aliter nuncupantur, quàm signa, quæ morbi temporum indicia sunt: quemadmodum etiam quæ morbi genera, locū, in quo morbus residet, generationis illius rationem: tempus, quo morbus soluitur, solutionis qualitatem, locum per quem expellitur, illius deniq; causas & effectus prodūt, proprio nomine ab antiquis non sunt donata, paucis admodū exceptis: Nam quæ subitam in morbis mutationem per excretionē, aut abscessum naturæ vi factū, quam crīsim vocāt, testantur, signa critica, siue iudicatoria appellātur: quæ alio modo factam solutionem monstrant, peculiari nomine carent, quæ mortem lethalia, quæ salutem salutaria propriè vocantur. Cæterū signa, quæ demonstrant quæ præsentia sunt

sunt *δεικνυσκινά*, id est demonstratiua, quæ verò prænunciant futura *προγνωσκινά*, id est præcognitiones, prædictiones, præfagia, vel præfensiones à nobis commodè vocantur. Quæ verò commemorant præterita *ἀναμνησκινά*, id est memoratiua signa vocantur: et si prædictionum nomen, teste Galeno in Arte medicinali, significare potest tria hæc genera signorum. Prædicere enim (vt diximus) idem est quòd præcognoscere: vnde quum ea, quæ præsentia sunt, vel præterita, vel futura quibusdam signis præcognoscimus, quasi videantur, antequam sint patefacta, ea præsentire, præfagireque dicimur. Diuidi autem rursus hæc possunt, quòd quædam scilicet præsentia solum, alia præterita, alia futura: quædam præsentia, & præterita, quædam præsentia, & futura, quædam futura, & præterita: alia verò omnia etià significare valeât, præsentia, inquam, præterita, & futura. Atque hætenus quidem eam diuisionem, quæ à summis rerum generibus, quæ significantur, incipit, vsq; ad infimas species protèquuti sumus: quòd à Galeno factum optarem, qui singulas separatim, nulla adhibita connexionè, nec summis generibus enumeratis diuisiones facit, quum tamen ille alios vbique re præhendat, qui à primis generibus diuisiones nò exordiantur, diuidereque desinunt antequam ad infimas species sit peruentum, & optime quidem: nam ignoratis summis generibus, progredi non possumus, quum lateat quid à quoq; proueniat: quid caput sit, vbi verò infimas differentias non assequimur, quid medium sit, quidve finis, & quot tandem ex ipsis generibus nascantur, perspicere nequit. Sumi possunt non inutiles aliæ à rebus significatis signorum diuisiones, quæ in superiores spargi possunt. Veluti quum dicimus quædam esse bona signa, quæ bonum aliquid præsens, præteritum, aut futurum monstrent, quædam mala, nonnulla indifferentia: Ac rursus inter bona, quædam optima, alia minus quàm optima reperiantur: sic inter mala, quædam pessima, quædam minus mala, nonnulla extreme lethalia, vel quæ præsentem iam mortem ostendunt: Præterea à rebus significatis ea sumitur differentia, quam habet Galenus quum scribit quædam signa esse quæ curationem indicent, quædam conseruationem, quædam restaurationem, alia denique præcautionem. Ab his etiam fontibus ea ducitur, quam habet primo de Locis affectis, quæ tamen comprehensa videtur in prima diuisione



uisione. Ait autem eo loco signa quædam esse, quæ morbum  
 solū, quædam quæ affectam partem, alia, quæ verumq;: quæ-  
 dam verò esse, quæ duos affectus, nonnulla quæ duas partes,  
 alia tandem, quæ causam, & affectum monstrant. Sed ne sin-  
 gula in hac parte prosequamur, liceat vnicuiq; quādo opus  
 fuerit signa diuidere, facta ex rebus significatis diuisione.  
 Iam verò à significandi modo differentia hæc ducitur, quū  
 dicimus quædam esse, quæ semper idem significant, aut bo-  
 num vt coctionis signa, vel malum, vt quæ malignitatem  
 morbi ostendunt, vel quod indifferēs est, vt cubare per fe-  
 bres in latere dextro vel sinistro: alia verò nō semper idem  
 monstrare, sed vno tempore vnum, alio aliud, qualia sunt  
 decretoria signa: quæ si cocto iam morbo superuenerint,  
 breui venturā sanitatem prænunciant: Si verò crudo adhuc  
 morbo appareant iudicationem non bonā, quæ scilicet aut  
 ad perniciem tendat, aut in longum tempus morbum trahat,  
 declarant: Pertinet quoque ad hoc caput ea diuisio quum di-  
 cimus: quædam significare vt cōmunia, quædam vt propria,  
 quædam vt immediata: alia verò vt mediata, nonnulla suapte  
 natura, alia verò aliorum ratione: & quoddam ita signi-  
 ficent, vt magnā vim in significando habeant, alia verò par-  
 uam, aut incertam obtineant: Sumuntur enim hæc omnes  
 differentię à significandi modo, & ratione: Nec dubito alias  
 reperiri posse diuisiones signorum: neq; enim hoc loco sin-  
 gula prosequi volumus, sed satis est methodum indicasse,  
 & capita monstrasse, ex quibus vniuersæ diuisiones, & diffe-  
 rentię duci possint. Omnes enim, quæ certa docendi ratio-  
 ne constant vel à rebus significantibus, aut significatis, vel  
 à significandi modo deriuare inuenientur: Aliæ autem,  
 quæ artificio carent inter se confusis fontibus ex mixtione  
 alienarum differentiarum resultant, vt antea osten-  
 dimus huius generis esse eam diuisionem,  
 quæ Galenus in Aphorismis vtitur: quæ  
 quum vnusquisque nullo negotio  
 perspicere valeat, ad se-  
 quentiā propera-  
 bimus.

De

*De signorum fontibus à quibus signa  
omnia ducuntur.*

CAP.

V.



VVM variæ sint signorum differentia, illud sequitur explicandum, vt doceamus à quibus illæ sumantur, & signa vniuersa ad omnia, quæ cognitu sunt necessaria, ducantur: Qua in re illud imprimis tradendū quid signum esse, quidve ad aliud declarandum adferri possit. Deinde an vnum solum vel plura statui debeant, à quibus omnia signa petantur, quod si ea plura sunt, quot nā, & quæ tandem sint, & an in singulis diuersa vel eadē omnibus genera statui valeat: Qua verò ratione antiqui recentioresq; scriptores hæc etiā tradiderint, omnibus veritatis studiois constare puto, quippe quum nullum ex his scopis meo quidem iudicio, methodo aliqua satis explicatum apud eos inuenire liceat, sed quosdam nec etiā attingant: alios verò empiricorum more nulla seruata docendi ratione, dum singula quæque proseguuntur, explicant, id quod ex multis aliis Galeni locis, tum maximè ex libro de Morbis vulgari bus ostendere possumus, vbi vna cum Hippocrate Galenus ea enumerat, à quibus notæ petantur tum ad morbos ipsos dignoscendos, tum ad illorum finem prædicendum, quum ait ex natura communi & propria, ex morbo, ægrotante, oblati, offerente, cœli statu, habitationis loco, consuetudine, victu, viuendi conditione, ætate, sermone, taciturnitate, imaginationibus, somnis, vigiliis, insomniis, vellicationibus, frictionibus, lachrymis, accessionibus morborum, deiectionibus, vrinis, sputis, sudore, rigore, frigore, tussi, stertimento, spiritu, ructu, flatu silente, strepente, sonoro, sanguinis eruptione, hemorrhoidibus, & cæteris huiusmodi signa sumi, quæ propemodum infinita sunt, nec arte vlla explicantur, nec memoria cõtineri possunt. Quæ enim viuendi conditio, aut consuetudo signa sunt morbi, non patet, nisi prius, quid possit esse illius indicium, sit ostensum. Quum præterea vigiliæ, insomniæ, imaginationes, vellicationes ad vnum genus referantur, nempe actionē lēsam: deiectiones verò, vrinæ, sputa, sudores ad aliud nempe ad excreta: & quod dixit de somnis, & vigiliis, idem etiam intelligi

ligi possit de reliquis animi, & corporis actionibus labefactatis: capita profecto erant explicanda, & generatim ea à quibus signa sumuntur ante oculos ponenda: sic enim intelligemus à quo fonte singula deriuent, & quæ prætermittuntur eiusdem generis, ob infinitam singularum rerum multitudinem in genere comprehensa intelliguntur. Hinc illud profecto euenit, quòd infinita propemodum signa in vnaquaque re auctores enumerent, & à diuersis principiis perpetuo aspiciuntur, definiantque in eo, quod ignoramus, an vltimum sit, an aliud post se relinquat. Hac etiam ratione fit, ut auctores in singulis morbis de numero signorum inter se differant, quum vnus plura quàm alius ponat, nimirum quòd arte nõ vtantur, quæ iustum numerum semper in omnibus assequitur: & denique id facit perpetuo nos hæsitare, an omnia signa eius, quod quærimus sint comprehensa, vel aliquid adhuc ad perfectum numerum deficiat: quæ omnia incommoda effugiet, qui ab initio certa capita veluti fontes sibi proponit, ex quibus postea singula exhaurit. Quod quidem Galenus in Arte medicinali facere cœperat, sed nec omnia capita necessaria ponit, quum multa signa adferat ad singula dignoscenda, quæ à nullo fonte ab eo proposito emanant, id quod paulo post docebimus. At si quis eadẽ quæ nos trademus, ab eodẽ auctore elici posse dicat, id sponte ei concesserim, qui antiquos omnium rerum auctores esse statuit, & omnia perfecta ab illis reperta, & tradita contentiosè litigare cupit: Neque enim contendere in hac re velim cum eo, quẽ omnium bonorum, quæ nostra habet ars, auctorem agnosco, sed aliud est aliquid elici posse ab aliquo scriptore, aliud methodo doceri quod scribitur. Quis enim nescit rigoremque diffusum per vniuersum corpus febrẽ indicare? Sed quur id hæc ostendant, & à quo signa capiatur: denique quot, quæ ve possint esse, quæ aliquid significant, solus artifex nouit: & qui hæc tradit, artẽ docet, siquidẽ ars generali quadam tractatione comprehendit, quæ vulgus non nisi in singulis agnoscit. Quot (quæso) extant medici, doctoris professorisque titulo tumentes, qui si interrogentur vnde febrium signa sumantur, ne verbum fortè, aut certè ineptè vnus metione facta, & aliis omnibus prætermisissis fontibus, respondebunt: quum tamen hoc contempro, quod comune est, frustra singula, quæ nunquã perfecte enumerari possunt, docere tentabunt.

bunt. At qui artem tenet, statim adferre poterit, vade non solum febrium, sed aliarum omnium rerum notę petantur, & si alicuius rei indicia ab antiquis authoribus conscripta fortę non fuerint, ea per se inuenire, & si quid redundet apud eos, vel deficiat: statim consultis fontibus deprehendere poterit. Ex quo quidem patere omnibus puto, quanta sit methodi vis, quantumque referat hoc modo, vel aliorum autoritate & opinione artes docere. Sed iam ad rem redeamus, & quod proposuimus explicare aggrediamur. Itaque quum essentia & natura cuiusque rei quocunque modo percepta, non solum qualis res ipsa sit, sed etiam multa alia quę ad rem ipsam pertinent, ostędat: primum genus signorum a natura rei de qua agitur, merito sumi dicemus. At quum rerum effectus rem monstrant, a qua illi nascuntur, secundum genus ab effectibus accipi statuamus. Quum autem causę rei in cognitionem eius quod efficiunt, cuiusque causę sunt, nos ducant, tertium genus a causis ipsius rei peteretur. Quamobrem tria erunt precipua rerum genera, quę nos in eius, quod querimus, cognitionem perducere valent. Rei inquam natura, causę, & effectus. Intellego autem nomine naturę rei illius formam, genera, differentias, partes, & proprietates: causę autę nomine omnia causarum genera de quibus antea egimus: Effectuum autę non idem numerus, nec eadem in omnibus ratio: Quando etiā in morbis solis hi euariant, siquidem nonnulli ex illis duntaxat actiones ledunt, alij veró qualitates corporis, & extremeta preterea mutant: & merito quidem ab his signa ducuntur: Nam quod verę significare aliquid de aliquo potest, aut aliquid est de re ipsa, illiusq; natura, aut in eam agere, aliudque conferre ei potest, vel ab ea profectum: Sunt porro de re ipsa propria illius essentia, & forma, genera, differentię, partes, & proprietates. Agunt conferuntq; causę: effectus veró a re profiscuntur, inter quos, si velis, proprietates repones: Nos tamen, contempta nimia logicorum subtilitate, nullo errore, in hac nostra tractatione signa a proprietate petita inter ea enumerabimus, quę ab ipsa essentia derivare dicentur. Est & aliud constituendum caput, quod signa cōplectitur, quę ex similibus, & omnino a proportionē capiuntur, de quo etiam suo loco agemus. Nā etiā ad omnia, ut illa priora, hoc caput nō diffunditur, in quibus tamen locū habet, signa prebet nō

parui momenti: Nunc verò illud ostēdamus, quod proposui-  
 mus hæc capita à Galeno non fuisse posita omnia: sparsim  
 tamen eum ab omnibus his signa deducere. Itaque libro pri-  
 mo Artis medicinalis, posteaquàm signa diuilit, & corpora,  
 docet à quibus signa sumātur, quibus omnes corporum dis-  
 positiones dignoscere liceat: quòd scilicet ab his capiantur,  
 quæ secundum essentiæ rationem corporibus insunt, nec nō  
 ab his, quæ ex necessitate ea cōsequuntur: nempe ab ipsis  
 functionibus, quæ à corporibus æduntur. Omitit enim (ve  
 satis patet) vniuersum genus, quod à causis rei petendum  
 esse diximus, tum illud, quod à similitudine, & proportione  
 signa sua præbet: Præterea non satis docet, quid essentiæ no-  
 mine intelligi velit, quum tamen plurimū referat hæc dili-  
 genter explicare. Etenim nonnulla ex his, quæ secundum  
 essentiā rebus inesse diximus, nonnunquam sua exhibent  
 signa, aliis Interim nihil conferentibus. At quòd sparsim si-  
 gna ab his quattuor fontibus sumat, facile licet ostēdere. Sic  
 enim febres ex caloris qualitate, in qua illarum natura po-  
 sita est, dignoscendas, & inter se distinguendas esse scribit:  
 quippe quum diariā à putrida vel hectica ex diuerso caloris  
 occurrat, & natura potissimum differre cognoscamus. Sic  
 etiā ex vigilia, insolatione, inedia, obstructione, & cæteris;  
 quæ febres cōmittendi vim habēt, acceptis indicis ex causis  
 percipimus cuius generis illæ existāt. Ac etiam ab hore, ore,  
 rigore, siti, excrementis, & aliis illarū symptomatis, & effe-  
 ctibus signa ducit, tum ad febres ipsas, tū ad causas illarum  
 & euentum prænunciandum. Nonne etiam ex similitudine  
 & proportione, indicia capit, quum scribit ad Glauconem,  
 & in libris aliis passim, nos credere debere tertianam esse  
 febrem, aut lethalem, vel salutarem morbum si alij qui eo  
 tēpore morbo laborant, huiusmodi affectu tenentur? Sunt  
 plena his omnes illius libri, nec deficere possunt exempla:  
 Verum quoniam nos plures fontes construimus, & multa  
 in vnoquoq; fonte comprehendimus inter se diuersa nō ab-  
 re fore duco, si quibusdā exēplis, quid intelligamus rudiori  
 lectori explicemus. Itaque inter signa, quæ ab essentiā su-  
 muntur, forma rei sua præbet hoc modo indicia. Vlcus ostē-  
 dit non nisi paulatim sanari posse eum, qui laborat: febrem  
 agnoscimus tactu, vulnera visu percepta illorum forma. Ac  
 posteaquàm lateralem morbum ex suis accidentibus esse  
 noui

nouimus, ducta ab illius forma prædictione, nunciamus finem ante decimū quintum diem venturum. Siccam intemperiem, quæ genus quoddam est morbi agere sanari posse, calidam & frigidā promptius præfagimus Morbos magnos, vel continuos, vel malignos, (quæ morborū sunt differentiæ,) periculosos iudicamus. Morbū, qui in declinatione est, sine periculo, nec amplius per crīsim finiri posse, sumpto à partibus illius indicio prædicimus. Si lapis cum urina excernatur, colligimus eum omnino vel in renibus, aut vesicā procreatum: quod illæ duntaxat partes vim proprietatēque habeant lapides gignendi. A causis verò hoc modo notē petuntur, diariam minimēque periculosā febrem cēsemus esse, quam vigilia peperit: malignum morbum iudicamus: qui ex acerbile excitatus est: tumorem ex sanguine vel pituita confectum, benignum esse credimus. Veremur mortē si vulnus est in corde vel cerebro. Salus expectatur, si caro laborat. Morbos, qui calidis iuantur, frigidōs, contrā verò calidōs, quibus frigidum opitulatur, agnoscimus. Breues præfagimus fore morbos, si corporis vires valide subsunt, & ubi sudor expectatur si tenuis est humor, & cutis laxa, & aperta. Iam verò effectus sua exhibent eadē ratione indicia. Etenim cum morbo vexari fatemur, quem ineptum ad solita officia obeunda conspiciamus, febre verò teneri putamus, cuius urina rufum, igneumque colorem refert: lethali verò tabe confectum, qui pus pulmonisquē carnem rufiendō reicit: male ei affectum esse hepar colligimus, cui natiuus color in flauum permutatus est. Quomodo verò signa surgantur ex similitudine & proportionē rerum, antea ostendimus. Illud tamen putare non oportet in singulis rebus dignoscēdis ab omnibus fontibus signa capi posse. Latet enim aliquādo rei essentia: veluti, quum internæ partes inflammationibus occultis laborant, effectusque ipsi, aut paruitatem perspicui non sunt, aut cū aliis confusi idā quo proueniunt, ostendere nequeunt. Quin etiam causæ ipsæ sæpe solam conjecturā gignūt: sæpe verò euidentissimas eius, quod maximus notas præbent: nonnunquā id certius quā alia facit rei essentia, alias ipsi effectus, & genus vnum quā aliud euidentiora præbet indicia: quod statim apparebit, quum de omnium illorum vi agemus. Id propositis tamen signorum capitibus semper inuenies, quod rem, quam inuestigamus, quantum

medicina præstare potest, certò monstrat. Id quod suo loco singulorũ tractatio ostēdet, non propria quidem omnibus, quando id nostrĩ non est instituti, sed perinde explicata, vt communium contractione peculiaris singulis quæ medici cognitionem requirunt, facilis fieri possit: Non enim quid febrem, aut quid inflammationem, sed quid omnē morbum ostendat, nunquid hepar, aut cerebrum affectum, sed quid laborantem partē indicet, non præteritę febris, aut instantis, sed morbi, qui antecessit, & imminet; non denique quis finis sit expectandus urgente febre, sed quid sperandum metuendũve in omni corporis statu trademus, ex quibus ea, quæ eiusdem sunt generis, in quibus (contempto, quod omnibus commune existit, & in arte scribenda præcipuum) alij ferè omnes scriptores occupantur, facile intelligentur ab eo, qui agnoscit quam vim in singulis communia obtineant. Id sane Aristotelem, & Theophrastum, qui nouerũt, quid docendi, scribendique ratio postulet obseruasse videmus: quum quæ omnibus cõmunia sunt, & generibus propria solum docent, quorum vi reliqua quæ infinitam propemodum tractationem requirunt, si singula prosequi velimus comprehenduntur.

*De vi signorum.*

CAP. VI.

**S**IGNORVM vim non minus quàm causarum medicum tenere oportet: quũ non aliter quę præsentia sunt dignoscere, præterita commemorare, & futura rectè prædicere valeat. Neq; enim eadem in omnibus illa est, sed sapius euariat, vt arte omnino sit opus, quæ certa ratione vniuersam horum naturam complectatur. Nam rigor per febres intermittentes febris insultũ significat; In continuis vorò, qui cum interna inflammatione cõsistunt, suppurationem fieri declarat: nutrimenti vehemens appetentia nunc præcessisse morbũ, qui corporis substantiã cõsumpsit, quam natura resarcire appetit, nũc inedia, aut aliquid aliud, quod corpus exhauserat, commemorat. In ardente febre liuidus color in facie, & frigus extremarũ partium mortẽ prænunciant, in intermittẽte instare accessiõnẽ indicat, alui fluxus in febris principio aut mortẽ, aut morbi longitudinẽ portēdit. cõsta  
verò

verò morbi causa proximā fore salutem promittit, denique varia signorū facultas, naturāq;. Et habet sane res hæc, si quæ alia in medicina, nescio an maiore difficultatem, quā utilitatem: Nam & per se id difficile est consequi quod quærimus; tum eo maxime, quòd antiqui scriptores intactam omnino hanc partem reliquerunt, nec viā aliquā nobis monstrarunt, qua si non perficere, saltem aliqua ratione aggredi possemus, quod in hac re desideramus. Etenim Hippocrates circa finem libri tertij suarum Prædictionū illud solum admonet vim omnium signorum eum tenere debere, qui salutem, aut mortem in morbis rectè prædicere studet, aliorum generum, quæ alia ostendunt, nulla mentione facta: Galenus verò omnia genera prætermittit, nec alio loco, nec eo, quo Hippocratem de hac re disserentem enarrat, docet in quo vis huiusmodi consistat, quot capita contineat, qua demū ratione eam consequi valeamus: quod tamen ab eo, qui artē methodo condere nititur, prætermittendum non est. Ut enim illa admonet perdiscendam esse naturam omnium signorum ab eo, qui hanc partem de Signis pro dignitate excolere velit: Sic etiam rationem, quæ id doceat, promittit, artificesq; admonet ne illius obliuiscantur: Nam quid (quæso) prodest admonuisse cognoscendum esse signorum omnium vim, si postea in quo posita illa sit, quomodo comparari possit, non doceamus: Ut enim Galenus eos reprehendit, qui quum pollicentur curandi rationem se tradere, illud duntaxat explicant, quod à primis indicationibus ostenditur, quòdque vulgus etiam novit, morbum scilicet sui ablationem desiderare, nec præterea docent quibus remediis, quòque modo commode ille propellatur: Sic profecto non satis est quòd illi in hac re scribunt, sed ratio etiam addenda quæ quòd proposuimus utilissimum, nos assequi doceat. Qui igitur de vi signorū agere velit, imprimis separare debet ea, quæ significare nequeunt ab his, quæ id facere possunt, ne vim illis tribuat, quibus nulla adest: Deinde quid vnumquodque significare, & quid à quo ostendi possit, ignorare non debet. Postremò quomodo singula monstrēt signa, explicare oportet. Ea quidem significandi vim non habent, quæ nec in nobis sunt nec à nobis profecta, nec quicquam in nos agere valent, nec similitudine aliqua proportionē nobiscum iungitur, aut dissimilitudine separatur: Nō omnia



significat omnia, sed quædam, quæ præsentia sunt, quædam præterita, quædam futura: quædam genus vniuersum, alia vnam solam speciem monstrant, eamque vel non omnem, nonnulla verò omnem, & solam ostendunt. Quin etiã quæ significantur, non ab omnibus, nec ab eisdem signis docentur. Ac ne longius absint exempla, causa quæ lædunt, eos affectus præsentem monstrant, quos offendunt, dum corpori adhibentur gracilitas insolita, nullo præsentem morbo, aut morbosa causa aliquid præcessisse commemorat, quod vim habuit corpus consumendi. Pulsus admodum languidi per morbos, futuram mortem prænunciant. Dolor vehemens, & punctorius in latere præsentem inflammationem, & anticipem euentum portendit. Color liuidus, aut niger, qui læcerata cuto à canis morfu in vulnerata parte cõspicitur, vulnus præsens, & causam, quæ malum peperit, malignam docet, periculumque simul minatur: partium insignis imbecillitas morbum significat, illius autẽ causam minimẽ excretio atræ bilis morbi causam declarat: quis verò morbus ab ea sit excitatus non necessariò docet. Rigor in febre intermittente, causæ & morbi pariter index est, quum non nisi à bile, & in tertiana excitetur: Quæ febres cõmittunt causæ, vt morborum, sic symptomatum, quæ necessariò sequuntur, sunt indicia: vehemens siquidem febris inflammationem in ternarum partium, & putredinem calidorum humorũ ferẽ sequitur: Sitis non solum bilem exuperantem, sed etiam pituitam saliam, æstuantẽsque ex sanguinis ebullitione affectus, & ventriculi intemperies calidas, & siccas comitatur. Rigor solum bilem per febres intermittẽtes reducere monstrat. Vultus in osse ea solum parit symptomata, quæ ex partium diuisione necessariò sequuntur, in vena autẽ infictum sanguinis etiam fluorem minatur. In costali morbo dolor late fusus partis affectus est index, Punctorius tum affectum ipsum, tum laborantem partem significat. Velox, & creber pulsus calidum cordis affectum prodit. Decolorata, subtrunidaque facies præcessisse vigiliam, aut frigidiorẽ morbum testatur. Attonitus morbus mortem, eamque cito venturam denuntiat. Dolor in articulis, extremisque partibus, vrgente febre, admonet abscessus illic expectandos esse. Vrina, quæ quarta die in febribus euidentissimas habet coctionis notas, salutem septima promittit. Læsa præter naturam actio

actiones indicia sunt vniuersi morborum generis. Dolor verò eos solum morbos repræsentat, qui vehementer vim habet. Calor per vniuersum corpus expansus solas febres comitatur. Dolor pulsatorius solam inflammationem sequitur, at non omnem, quod facit calor. Decubitus in latus affectum, aut oppositum in laterali morbo inflammationis differentias declarat: vehemens autem dolor punctorius, non solum inflammationem membranae, sed etiam affectus magnitudinem innuit. Calor vehemens, qui in corpore sentitur febre quidem significare potest: at non solum febrem, sed etiam inflammationem, & alios affectus calidos manifestat. Rubedo, quæ maximè circa malas in facie cõspicitur, & æstus, qui in toto thoracis sinu cū grauitatis sensu percipitur, solius peripneumoniae sunt indicia, veluti vngues adunci solam omnemque tabem sequuntur. Denique quid ostendat quod præsens est, præteritum, aut futurum, quidue vnum ex his, duo, vel omnia, quid constitutionem, illius causas, & effectus, quid illorum genera, species, & differentias: quid multis sit commune, quid vni proprium, ab eo ponendum est, qui signorum vim assequi studet. Sic etiam inter ea, quæ significantur, operæpretium est intelligere quid ab vnoquoque ostendi valeat. Etenim vitiosa structura ob conformationem, magnitudinem, numerum, & cõiunctionem corruptam, ab excrementis patefieri nequit. At hæc ostendunt qualia sint vlcera, quales febres, & quæ per tussim reiciuntur, quales quantique sint thoracis morbi, monstrare valent. At vrinae hepatis, renum, vesicae, & internarum venarum affectus propriè indicat. Alii autem excrementa, hepatis, lienis, ventriculi, & intestinorum morbos testantur: aliarum verò partium aut nullo modo, aut quatenus cum his communicant affectus produnt: nec ab aliis excrementis hi aut illi significari possunt. Sic in aliis eadem est consideratio adhibenda, ne omnia prosequi cogamur. Iam verò illud tradendum est, quod ad modum significandi pertinere diximus. Quædam enim ita significant, vt perpetuò id faciât, quædam verò nonnunquã signa esse designant, à signatisque rebus seiunguntur: quædam suapte natura, alia materię, vel alterius rei ratione sua signa præbent. Sunt quædam, quæ vt propria signa, alia verò vt communia, nonnulla rursus vt mediata, alia vt immediata, & proxima aliquid monstrant, vel vt ad logicam rem hæc redigamus quædam

ita significat vt cōueniāt illi soli, & non omni: alia omni, & nō soli: alia omni, nō soli, semp: alia omni, nō soli aliquādo: alia soli, & aliquādo: alia soli, & semp: alia soli, omni, & aliquādo: alia soli, omni, & semp: tot enim modis aliqd p̄priū dici potest: Quēdā præterea ita significat, vt maximā vim inter alia significādi, nōnulla verò minorē obtineāt. Addeq; idem eadem ratione, nunc verò diuersa, plura docet. Ac in omnibus illud etiam ignorandū nō est, quādo vnumquodq; incipiat, quando desinat, quādiu duret, quando, quādiu augeatur, vigeat, & remittatur, quale vnūquodque sit quum apparet, in quo corporis loco, in quoue affectu conspiciatur. Quid præterea aliud præcedere vel comitari vel subsequi sit aptum, ex his enim diuersi significādi modi sumuntur. Etenim actio præter naturam læsa morbi semper est signum. Ar rubedo vbi interna est pars, quæ afficitur, inflammationis iudicium esse desinit. Id autē semper facit inflammationis calor. Bilis, quæ tertianam cōmittit in densio, durōque corpore, rigorem non parit, à febrēque se iungitur, quam suapte natura comitatur ob subiecti corporis conditionem. Sic sane quædam in morbis apparent affectis quibusdam partibus, quæ in aliis latent, & per certa anni tēpora, certis diebus, horis, ætatibus, sexu vario, in diuersis præterea regionibus, viuendi cōditione varia, & denique in corporibus diuerso modo ob quācūque causam affectis: quædā videntur in eisdem morbis signa, quæ in aliis non adsunt, aut si adsunt, latent ab aliis obscurata, aut aucta, diminuta, aut alio modo euariantia conspiciuntur. Etenim attonitus morbus suapte natura mortem prænūciat, mediocris febris in senibus, infirmisque corporibus idem portēdit, sed ob virium imbecillitatem: Sic vulnus alicui parti infictum, vbi remedia idonea desunt, aut mortem, aut morbi longitudinem pollicetur. Difficilis respiratio peripneumoniam monstrat vt cōmune signum, quod partes thoracis affectas comitatur: Dolor verò, qui ab imis circa dorsum partibus ad pectus confurgit, propria illius est nota: quēadmodū & rubedo circa malas: Eodem modo dolor lateris cōmunis est partibus omnibus illius loci, quæ aptæ natæ sunt dolore tentari: at punctorius proprius est inflammationis ambientis costas membranz. Nec illud quidem ignorandum est propriam signorum quædam esse, quæ nullo modo alteri cōpetere possunt.

re possunt, ut dolor pulsatorius inflammationis, alia verò propria sunt cōtractione quadā: veluti difficilis respiratio, quæ multos affectus, & partes laborantes cōsequitur: at ea in qua recti stare coguntur qui laborant, affecti pulmonis propriū est indicium: Atque illud etiam cōtingit, ut quæ cōmunes sunt notæ pertinacius nōnunquā rebus inhæreāt, quàm quæ illis propriæ existunt: Nam febris, & tussis pleuriticæ semper comitantur: Dolor verò late fusus punctoriū sue antequā solutus sit morbo, evanescit: Immediatū est peripneumonix signum æstus in thoracis sinu perceptus: At rubedo maxillarum, palpebrarū tumor, sopor idem monstrāt, quoniam euaporationis ab inflammatione ad caput delatæ primò sunt indicia: quo modo etiam pulsus inflammatas partes ostendūt: Nam illæ primū calorem emittunt ad cor, ex quo febris, ex ea deinde usus pulsuum ipsique pulsus mutantur. Cæterum vim habent quædā certā, quædam dubiā plus, vel minus, eamque, vel simpliciter in omnibus, aut in aliquibus se inuicem facultate superant: Maximam sanè in omnibus morbis ad salutem, vel mortem prædicendam vim habent actionum vitia: in thoracis affectibus sputum, & difficilis spiratio urinis plus possunt. Hæ verò in febribus pulsibus non cedunt, sed vel parem, aut etiam pulsibus maiorem facultatem obtinēt, præsertim si nihil malignitatis subit, alioqui prævalent pulsuum indicia. Dubiam salutem pollicentur excretiones per febris initia, certam verò coctionis indicia, virtutumque robur: Difficilis respiratio partium thoracis varios affectus monstrat: quæ verò talis est, ut recto cor poris trunco stare cogantur qui laborāt, affici pulmonē declarat: Ac si cum ea expirando aer vehementer calidus emitatur, inflammatum: alioqui ex frigidis, multisque humoribus obstructum viscus testatur: Delirium calidam omnino affectionem nunciat: ubi verò cōtinuum est, aut cerebri, aut septi transversæ inflammationē repræsentat: Sitis quæ aeris frigidi inspiratione lenitur, pulmonem: quæ verò non nisi potu extinguatur, vetriculum illius fontē indicat. Denique alia diuerso modo apparentia vel eodem etiam modo, sed diuerso considerata, diuersa significant. Iam verò delirium vigentibus morbis, non incipientibus, & declinantibus accedit. Rigor declinare quartana desinit. Tussis per vniuersum morbum pleuriticæ comitatur. Calor in pituitosa febre

tardè accenditur, diùque perdurat accēsus. Pulsus parvus, &  
 inæqualis in principio, primòque incremēto accessiōis pi-  
 tuitosæ, biliosæque febris sentitur, sed cum illa diù perseue-  
 rat, ab hac verò cito recedit. Intermissiōis tēpus in tertia-  
 nis purum, in quotidianis relictī humoris, & putredinis in-  
 dicia seruat. Prompte accenditur in tertiana calor & discuti-  
 tur, tardè & per intervalla in quotidiana, nec vnquam bene  
 extinguitur. In quartana etsi tardè difficilèque succenditur,  
 tamen semel accēsus nō multo tēpore perfectè dissoluitur:  
 Parua apparent symptomata ab initio in his, qui à cane ra-  
 bido sunt demorſi, at progressu temporis vim maximā su-  
 munt febrium cōtinentiū vnum genus statim comitantur  
 magna accidentia, quæ statim postea mitescunt, & cōtinuo  
 minuūtur. in alio genere, quæ ab initio accesserunt mala, eū-  
 dem vigore perpetuò seruāt, in alio perpetuo augētur, sicut  
 per febres ardentes, crescente, vigentēq; accessiōe maxi-  
 mē vrget. Ea verò incipiēte, aut declināte minimū infestāt.  
 Instantis verò accessiōis febriū indicia sunt pandiculatio;  
 oscitatio, decoloratio, corporis grauitas. Præcedere solēt vl-  
 cera capitis manātia, vt Crito refert, furfures, scabies, & pro-  
 pria quædam in singulis affectibus sunt accidentia, comitan-  
 tur verò quæ peculiarīa, & cōiuncta sunt cum rebus indicia,  
 Ac subsequūtur quæ ab aliis necessario prodeunt. Ceterum  
 quoniam inter signa quædam sumūtur à rei essentia de qua  
 agimus, quædam ab effectibus, alia à causis, alia demū ex re-  
 rum similitudine & proportionē, an singula ex illis omnia,  
 quæ cognoscere desideramus, significare possint, & quid  
 quomodo vnumquodque monſtret, breuiter tradere aggre-  
 diemur. Quod etsi vix fieri potest communi aliqua ratio-  
 ne, propterea quod ferè in singulis hæc ratio variat, tamen  
 vtrūque id facere tentabimus, vt lectorem exerceamus,  
 admoncamusque non eandem esse illis vim, nec significan-  
 di modum: etenim genus signorum, quod ab essentia rei su-  
 mitur, præsentia, præterita, & futura declarare potest. Inflam-  
 mationis etenim essentia tumor est ex sanguine factus: hoc  
 omnino se prodit, dum sensibus subiicitur. Docet etiam cau-  
 sam aliquam præcessisse, euz fluxionem excitauit, quum  
 alioqui huiusmodi tumor erigi nequeat, an verò calor, vel  
 frigus, vel aliud fuerit, quod humorem commouerit, pec-  
 liariter non docet, id quod tamen aliquando rei essentia  
 ostendit

ostendit: Veluti quum febrem diariam in qua calor acris, & siccus sentitur, absque illius copia intelligimus ex tristitia natam. Salutem verò, & periculum etiam prænuociat inflammatio, at non eodem modo hæc significat, tumore siquidem se prodit, & certas suæ naturæ notas præbet: quòd vero ruber calidusque sit tumor fluxionem præcessisse, & sanguinem proximam esse causam significat, quoniam vero ob diuersum locum, diuersasque proprias differentias vim mutat, aliàs salutem, aliàs verò periculum præfagit. Semper autem ad omnia signa non præbet rei cuiusque essentia, interna siquidem inflammatio tumore non cognoscitur. at quum eam ex aliis indiciis nouimus, ex illius natura semper quid præcesserit, quidve futurum sit, colligimus, quæ tamen in calido, essentiam obtinent, ubique sua signa præbent, quoniam in omni corporis loco, etsi euidentius in vno, quàm in alio calidi vis percipitur. Sunt verò propria, inseparabilia, maximæque facultatis indicia, quæ ab essentia ducuntur. Porro in genere signorum, quod à causis sumitur constituentibus ipsum affectum, eadem est ratio, quæ & in ipso affectu. Ignoramus enim an sanguis, vel alius humor sit, qui tumorem in profundo corporis excitauit, si illius naturam spectemus. At ille causas, à quibus collectus in parte est, etsi non certò singulas species, quidque futurum sit, aperit, causæ verò, quæ immediatas cōcitarunt, facti affectus, & euentus notæ sunt, qualisque ipsæ sunt, monstrant. externus namque aer calidus morbum, quem suapte natura peperit, pariter calidum, breuemque testatur. Sic etiam materia, quæ in corpore abundat, qualis sit affectus, quidque sperandum, vel metuendum, & simul quid antecefferit, docet. Etenim biliosus humor, qui in corpore abundare conspicitur, biliosam febrem, quæ urget, eamque breuem fore, & victum præcessisse, qui huiusmodi humorem acernandi vim habet, manifestat, si quis vulnus acceperit per thoracem, ignoremusque an cor fuerit affectum, & quid venturum sit, partis natura id declarat: quandoquidē ex ea colligimus hominem viuere non posse, si cor vulneratum fuerit, eo autē non affecto, spem superesse de salute. Causæ sine quibus, non necessario quod præsens est, aut præteritum representant, quid autē venturum sit, euidenter denuntiam. Partis siquidem debilitas non docet, qualis sit præsens morbus, nec à quibus causis sit genitus: insanabile

tamen,

tamen, aut diuturnum affectum prædicit. At iuuantē causę quod præsens est, semper monstrant, & quod futurum: quid verò præcesserit non ita perpetuò euidenter. Calidū etenim affectum esse agnoscimus, qui frigidis iuuatur, ex quo salus continget, si ea plurimum profint, mors si nihil: anceps verò euentus expectatur, si parū conferunt: in his verò, qui ab vno solū auxilio iuari possunt, ex eo colligere licet, quid etiam præcesserit. Hoc enim pacto si ignoremus à quo genere serpentis aliquis demorsus fuerit, his adhibitis præiudiciis, quę propria sunt vulneratis à vipera: quę qualisve fuerit morbi causa hoc modo depræhendimus: Lædentes verò causę qualis sit affectus, & quid præcesserit, quique futurum, eodem modo declarant: vini namque potus, qui hominē laborantem offendit, calidū affectū declarat in corpore consistere: at nō docet quę causa febrē intulerit: id quod faciunt, quę febricitantibus obsunt, qui ex ira, vel mœrore, aut alia denique occasione febrē contraxerunt. Non adsunt semper signa, quę à causis omnibus sumuntur: quoniā nec ipsę causę, sed quum adsunt, magnam habent significandi vim, & inseparabilia signa præbent. Iam verò ex tertio genere signorum, quod ab effectibus sumitur: signa etiā ducuntur ad eadem significanda: etenim actiones læsę præsentē morbo, illius sunt indices: eo verò absente vel futurū, aut præteritum prænuntiant: & illarū differentię morborū differentias, causasque differentes ostendunt: Magnam namque corporis debilitas, magnum etiam morbum, qui præsens est, aut venturus, aut etiam antecessit, testatur. Alia sunt vitia actionum quę intemperiem, alia quę solutionem continui sequuntur. Ac sanē inseparabilia sunt signa, immediata, perpetua, & propria, maximęque virtutis, quę ab actionibus sumuntur: excrementa quę à corpore exeunt, & alia opera, quę in eo sunt, vim habent hæc omnia significandi, quę admodum etiam, & corporis qualitates, quod clarius esse puto, quàm vt exemplis monstrari debeat: At non ad omnia suas notas spargunt excrementa, sed ad eas solum actiones, quę in alteratione humorum versantur, & ad eas partes, in quibus vel ea gignuntur, vel suscipiuntur. Sic etiā color primo, & per se solum ostendit subiecti humoris naturam: vt sapor, & odor: Postea verò morbos pariter, qui corpus infestant, quidve sit expectandū: si quem enim per morbū videamus

mus liuido, aut nigro colore infectum, refrigeratos, & prope modū extinctos in eo humores, & de vita metuendū esse colligimus: In reliquis verò qualitatibus inuenies etiam quod à variis affectibus proueniat: Nam gracilitas omnes affectus sequitur, quæ extenuandi vim habet, calidos, siccos, frigidos, humidos, & denique qui probam nutritionē fieri verant, exhauriuntque immoderate, quæ in corpore continetur, substantiam. Atque hæc quidem satis de generali vi signorum, ex quibus studiosus lector ad ea, quæ desiderari possunt in re tam varia excogitanda inuitari poterit, propo- sita sibi methodo, quam necessariam in hac re antea cen- suimus. Nam quid de signis sumptis à similitudine sentien- dum sit, patere omnibus puto, quòd scilicet in illis duraxat locum habeant in quibus similitudo, dissimilitudoque con- tingit, & quòd maximam vim sæpius obtineant, vt postea ostendemus. Reliqua verò quum de signis demonstratiuis, & prognosticis agemus, suo loco peculiariter docebuntur. Ex quibus etiam, quæ hic difficiliora videntur, clariora eu- dent, & quod in singulis ab vniuersali methodo euariet, apparebit.

*Quot, quæue possint esse in vnaquaque re signa.*

C A P.

VII.



**I**DEMVVS ita esse traditas ab antiquis re- rum notas, vt nunquam duo reperiantur scri- ptores, qui inter se de numero signorum con- ueniant. Quippe quum vnus plura, vel paucio- ra, eaque diuersa quàm alius referat. Quo fit, vt non solum ignoremus, quod ab illis docetur, sed etiam perpetuò dubitemus an hic veriora quàm alius tradat: & omnia indicia eius, quod quarimus, sit complexus. Quod quum animaduertissent recētiore, qui de eadem re agunt, omnia ex omnibus signa colligunt, vt nihil prætermis- se videantur, sed hoc, vt arbitror, non est huius mali remediū, nam vel semper ex tanta librorū multitudine, aliquid omit- titur, et si omnia etiam colliguntur, tamē vel superfluò quæ- dam enumerantur, & quæ maximè inter se sunt diuersa, & aliena à re proposita ob incitiam quorundam authorū, in- ter se coniunguntur. Adde quòd non minus ignoramus, an omnes notas posuerimus, quas res singulæ habere possunt.

Non



Non enim propterea quòd multa numerantur, credere possumus, nihil fuisse pratermissum. Quamobrem methodo est opus, qua duce non solum assequemur quòd querimus, sed etiam perspicere licebit, quàm bene vnusquisque in hac re sentiat, siquidem Galeno auctore hanc methodi est vis, vt sua optimè inueniat, & inuenta confirmet, quæ verò ab illis perperam sunt excogitata, redarguat, falsique esse patefaciat. Est porro ea methodus tota in hoc positavt prius statuamus, & ante oculos ponamus id, cuius indicia querimus. Eo enim posito licebit causas omnes, & effectus illius recensere, & quid simile, dissimileve cum aliis habet, quòd ad rem faciat ostendere. Ex quibus signa omnia, vt antea ostendimus, petuntur, itaque si fortè morbi cuiuspiam notas queramus, statuendum est quis, qualisve ille sit. Deinde inuestigandù quot, qualisque possit parere effectus, & quas, quòque obtineat causas, & demù quæ illius aliquando contingunt, qui eodem malo tentati fuerunt. Hinc enim intelligemus quis notas, & quot omnino morbus habere valat: sic sanè posita morbi causa interna ex suis effectibus, aliisque causis ita innotescet, vt statim intelligere medicum liceat quæ, & quot ea habeat sui indicia: eodè planè modo ex symptomatibus quæ apparent statim cognoscemus qui, quòtq; morbi, & quot sint illorum causæ, quæ corpus infestent: sumiturque hæc methodus à Galeno initio libri secundi de Locis affectis, vbi docet, quoniam modo liceat laborantes corporis partes dignoscere: Vel enim (inquit) à partibus ipsis, vel dispositionibus, aut symptomatis exordiendum, & quæ, quòve possint ab vnoquoque significari, expendendum. Verù vt possit rursus res innotescere, vno exèplo rem aperiamus: statuamus ergo inflammationem ingentem ex bono sanguine cõfectam gracilia intestina obsidere: & perpendamus quid huiusmodi affectus super natura, & loci conditione statim præstare porest. Quod si id faciamus, inueniemus tria sequi symptomata calorem, dolorem, & obstructionem. Dolor quidem vehemens non adest, propterea quòd pars paucis, exiguisque nervis prædita exquisitò sensum non obtinet, facit tamen inflammationis magnitudo, vt omnino non sit exiguus. Calorem verò nouimus non admodum esse vehementem: qui etiam non statim, tandem tamen febrem pariat: obstructionem sequitur impedita delatio

tio eorum, quæ per aluum excerni solent excrementorum,  
 scilicet quæ ex coctione nutrimenti resultant: præterea bi-  
 lis, & pituita, quorum illa ab hepate ad intestina quotidie  
 mittitur, hæc verò in ventriculo, & intestinis procreatur.  
 Flatibus quoque & aquosum humorem, quo excrementa alui  
 diluuntur cohiberi necesse est: sequitur sane impedita dela-  
 tionem, & retentionem illorum copia, quæ paulatim con-  
 geritur, cuius vi expultrix facultas grauatur, & commoue-  
 tur ut per superiores partes, qua via patet, omnia profluat,  
 unde ructus emittuntur, bilis, pituitaque, & tandem stercus  
 euomitur, atque etiam in ipsa delatione tormina necessario  
 contingunt, dum per intestina hæc violentius trudentur: se-  
 quitur necessario quoque malus odor, halitusque malus, quo-  
 niam foetida sunt, quæ ad os feruntur. Ac quoniam ubi ex-  
 crementa partibus sunt inimicissima, necesse est expultri-  
 cem vehementer concitari: oportet pariter vehementes fieri  
 hoc casu vacuationes, & naturæ conatus, ad quæ sequitur vi-  
 rium exolutio, quam sudor, frigiditasque extremorum, &  
 mors tandem si perseveret affectus, excipiunt. Quinetiam  
 inflammationem & retentionem excrementorum sequatur  
 oportet intemperies ventriculi, unde delicitur appetentia  
 his, qui ita laborant. Accidit præterea delirium nonnunquam,  
 ob vapores scilicet ad caput elatos: ledunturque, pulsus, nutri-  
 tionisque opera, & principis facultatis officia: eo quod ven-  
 triculus, cor, cerebrum & hepar cõpatiuntur intestinis affe-  
 ctis: & denique si spectes quid inflammatio per se, & quid lo-  
 ci ratione pariat: inuenies quorũ symptomata provenire pos-  
 sint, & quæ perperam ab aliis adduntur in vnaquaque re hoc  
 vno exemplo colliges. Queniammodum in hoc casu errare  
 Aetium quilibet perspicere poterit: vult enim illis qui  
 voluulo torquentur animum ita constringi, ut nihil vel mini-  
 mum admittere possit, & præterea adesse spirandi, melen-  
 dique difficultatem, quod quam ridiculũ sit quis non videt?  
 Quid enim quæso potest esse causa tantæ cõstrictionis ani-  
 quam semper per huiusmodi affectus gracilia intestina la-  
 boreant? Quando nec etiã crassioribus laxis nisi omnino in  
 ano morbus cõsistat, huiusmodi cõstrictio fieri possit: spiran-  
 di difficultas, nisi tanta excrementorũ copia acervetur, ut septũ  
 trãuersum cõprimat, antequã sursum extrudatur: quod vix  
 cõtingere videtur, nulla orietur. Ac multo sane adhuc minus  
 vrinæ

vrinæ difficultas, vel (vt Galeno etiã placet) paucitas: Quum enim humor per intestina ferri nequeat: rationi consonum sit, vt vel illius etiam portio per vrinas ducatur, quemadmodum scribit Hippocrates in Aphorismis vrinam his minui, quib. alius copiose fluit: aliis, quorũ alius est suppressa, augeri, aut certẽ impediri non debet, quod per vesicam, & renes vacuari consuevit, præsertim quum gracilia intestina non perinde sint vesicæ propinqua, vt sua vitia illi largiri valeant: nec interim impediatur hepar, quo minus humorẽ à ventriculo, & intestinis nondum affectis alliciat: Hoc modo itaque posito affectu ex illius, & loci, qui afficitur natura, tanquam ex causa in qua, intelliges quæ primo, quæ deinceps symptomata proueniunt, & vbi licet ex propria natura affectus signa colligere, eadem etiam certũ numerum signorum præstabit. Nam inflammatio, quæ conspicitur, tumorem, calorẽ, & ruborem in primis ostendit: Tumorem sequitur tensio, obstructio, hanc alia prædicta. Tumorem & calorem dolor, & quæ eum comitantur. Præbent verò iuuant, lædentes, & singulæ denique causæ sua indicia, ex quibus omnibus quæ, & quot omnino proueniant signa, facile depræhendemus: cæterum vt posito affectu, in aliquo corporis loco licet inuenire illius notas, sic numeratis symptomatibus facile reperiemus, qui quotque sunt morbi, qui corpus infestant. Omnia namque prædicta symptomata ostendunt necessariò occlusa esse intestina, & morbum esse in depicta cauitate. Quoniã verò à comprimentibus, obstruentibus ob coalitum, subsidentiam, tumorem partis, vel situs mutationem cauitates intestinorum occludi possunt, ostendunt prædicta symptomata quænam inter omnes alias potissimum, causæ esse valeant: Constat siquidem imprimis ob compressionem intestinorum tam graua excitari in illis symptomata, vt stercora enomantur non posse: quando grauidis ob tumorem vteri intestina multo magis comprimuntur, veluti etiam contingit ob inflammationem vesicæ nullo interim infestante huiusmodi symptomate: Obstrui intestina possunt ab humore, vel vapore, aut stercore. At non posse ex vapore, aut humore, obstructions intestinorum hæc symptomata committere ostendunt colici ex his causis affecti, qui si vomunt bilem, & pituitam, & alimenta, nunquam tamen illorum excrementa vomitu reiciunt: A durò verò

verò stercore nequit obstructio oriri in gracilibus intestinis, nimirum quòd mollia sint adhuc excremēta ob cibi copiosi permixtionem, dum per illa feruntur, in crassis verò via lata est, diùq; sæpe in illis detinentur: nec tamen sursum recurrunt stercorea, sed tandem exitum per inferiora inveniunt. Multo minus profectò vulnerata intestina occludi possunt, quādo quidem priusquam coalescant, vel sequitur mors, aut nō ita agglutinantur vulneratæ tunicæ, vt internā cavitatem occupent: leuior est affectus subsidētia, quā vt excremētorum delationem prohibere queat. Quamobrem relinquatur vel ob tumorē partis, vel situs permutationē id contingere. Ac quum tumorū varia sint genera, vix scirrhi, aut œdemata in intestinis cōsistere possunt. Per erisypelata verò, & herpes insignes tumores, qui occupent exactē internam cavitatem nō excitantur: sola ergo inflammatio inter tumores horum symptomatum causa est, quod etiā experientia docet, dissectis corporibus, quæ ex voluulo perierunt. Quinetiā eos, quibus deuoluta sunt intestina in scrotum tandem stercorea per os regerere, durante affectu, cōspicimus. Itaq; duo omnino morbi ex his symptomatis ostenduntur, inflammatio, & alius, qui ex positu partis nascitur: licetq; postea ex propriis notis vter sit, facile deprehendere, quibus sanè exēplis permoti ex tradita methodo nō solum præsentiū, sed etiā præteritarum, & futurarum omniū rerū, quæ in nostro corpore cōtingunt, indicia quilibet inuenire poterit, qui rerū naturā, causas, effectūsq; inuestigare didicerit, & quæ aliis similiter affectis acciderint, nō ignorauerit, vt alio præterea non sit illi opus, his vero, qui prædictorum vim ignorant, omnia hæc inutilia, etiam si prolixissimè tradantur fore existimo. Quare ad reliqua properandum.

*Qua ratione oporteat medicum signa  
inquirere.*

#### CAP. VIII.



**E**TSI is, qui prudens est medicus, facile consequi possit, quæ hoc loco tradere instituimus, tamen vt aliorum imbecillitati consulamus, admonet ars, quæ eorum gratia inuenta est, vt paucis rationem complectamur, qua

rectè signa omnia inuestigare valeant. In quo quidem opere multos falli videmus, & artis autoritatē labefactare, dum vel longa percontatione ægrotos molestant, vt ab eis discāt, quæ aliunde sunt petenda, aut etiam de nōnullis eos interrogant, quæ vel quærenda non sunt, aut alio modo quàm faciunt. Nō in omni re opus est hac inuestigatione. Quū enim vel scribimus, aut alios docemus nulla percontatione utimur, quum soli in hoc officio versemur, id, quod commune omnibus est, explicantes. At in facienda medicina, quum quæramus quid singulis eueniat, cogimur aliorum ope uti: verum id arte faciendum, vt intelligamus, à quibus singula petenda, & quo modo sint inquirenda. Itaque illud imprimis obseruare debet medicus ne ab alio requirat, quæ per se cognoscere valet, vel omnibus sunt perspicua, quum alioqui necesse sit eam aliis omnibus indoctiorem putari. Quorsum enim laborabit ab alio intelligere ægrotum inquietudine laborare, aut siti torqueri, quem videat cōtinuò membra agitare, & os aqua colluere, potumq; exigere? Quæ verò ad ipsum pertinent medicum, nulli alteri committet. Quis nam quæso eum cōmendare possit medicum, qui velit signa, quæ vrina, aut excrementa, vel pulsus exhibent, ab alio perdiscere? quum vulgo, & verè creditum sit eū solum, qui medica arte sit instructus ea, quæ in his apparent probè diiudicare possit: Quo quidem exploditur eorū opinio, qui medicum spectatorem excrementorū esse nolunt, quòd hæc ab aliis vilioribus hominibus, qui hæc inspexerint, percipere queat: Igitur quæ propria illi sunt, & per se cognoscere valet, à nemine postulabit, sed illis potius vtetur ad famam gloriāq; comparādam, quemadmodum à Galeno factum videmus, quum agnouit quæ efferebantur in pelui à cubiculo hepatici, excrementa alui esse, & ex illis quis, qualisve esset affectus, non sine magno honore prædixit. Sic etiam ille scribit primo ad Glauconem se causam prædicere solere, quæ diarias excitauit, neq; eam ab ægrotō, aut alio vnquā petere: Alia verò quæ nō nisi ab aliis intelligi possunt, si cum sano agat hominē, aut leuiter laborāte ab eo, qui opem requirit, alioqui ab adstantibus quantum fieri licet omnia cognoscere studebit, ne scilicet ægro longiore sermone maiorem inferat molestiam, cui tamen interim exponere debet se de omnibus, vel multis ab adstantibus edoctum, ne negligenter

tior putetur, dum ab eo, qui laborat historiã præteritorum, & præsentium negligere videtur. Ab eo tamen quædam excoguntur, quæ ab alio percipi nequeunt, sed de his duntaxat sciscitandus est æger, quæ necessaria sunt, nec ab aliis doceri possunt: & interim terrorem, aut molestiam non præbent: ut quid intus sentiat, quales somni fuerint, an iucundi, vel molesti, si quid peculiariter doleat, aut non, & quid potissimum molester, & quæ similia sunt, quæ latent adstantes: temerè autem ab eo, qui periclitetur de vita, agnoscâtq; periculum, sciscitabitur, an partes extremas frigidas sentiat, an lumen refugiant oculi, an perperam audiat, temerè verèdas partes detegi postulat in muliere, præsertim si ab ea quod querit, intelligere possit, aut nõ multum referat exacta rei, quam inuestigamus, cognitio, quum nihil molestius hoc illis esse possit: At ubi res cogat non probem medicum, qui ut ægrotanti obsequatur, delinquit diligentius quæ necessaria sunt, inquirere. Modus porcontandi esse debet, ut paulatim, & certo ordine id facias: ubi nullum ex mora periculum imminet, alio qui acrius id etiam faciendum, veluti si quis ab aliquo loco ceciderit, insérq; inflammationis generatio: nisi citò succurratur, statim quid egerit, ex quo loco, quæve de causa delapsus sit, in quã partẽ corporis, in quẽve locum, an scilicet in molliorem terram, vel lapides impigerit, & alia huiusmodi statim veluti extorquenda: ex quibus curatio cõmode instituitur. Iubet Galenus sexto libro de Morbis vulgaribus submissa voce agendum esse, ubi ægrotatẽ alloquimur, & illius statum perdiscere studemus, id quod intelligendum puto, ubi gravissimus est affectus, alioqui haudquaquã offendit etiam quæ moderata est vox, continente interim oratione, nõ tamen assidua, interrogandus æger est, nisi putemus interpellationem gratam, quod ex hominis ingenio deprehendes. Neq; enim probare possum eorum ingenium, qui ut mulierculas delectent adstantes, fabulas inferunt, dum corporis omnem statum inuestigare cõeperunt: Id profectò est, quod gravitatem minuit diuinæ huic arti nostræ, & illius professores ob quorum vitium, qui scurriliter omnia exercent, viliores vulgò reddidit. Atque hæc quidem sufficiant. Nam quæ ad Medici personam formandam, & instituendam pertinent, non sunt huius loci, & alibi fortè prosequemur.

*Quæ signa sint in vnaquaque re enumeranda,  
& à quibus incipiendum.*

## CAP. IX.

**P**ORRO quum signa quædam sint, quæ res præsentēs, quædam quæ præteritas, alia quæ futuras significant: Nonnulla itē, quæ rem ipsam, alia quæ illius causas, effectus, vel illorum genera, & differētiās monstrant: Præterea quum quædam etiam à causis, quædam ab essentia, alia ab effectibus, vel similitudine rerum ducantur: Postremò quum nonnulla communia multis existant, vel propria his, de quibus agimus, vel inseparabilia, quædam mediata, vel immediata, & alia aliis maiorem vim habeant, atq; in diuersis partibus corporis eadem notæ sæpius appareant, ratio exigere videtur: vt tradamus an de omnibus semper agendum sit, vel de aliquibus duntaxat, & quonam modo à quòve genere, dum plura sint recēsenda, auspicari oporteat: Quam rem profectò confusam ab omnibus ferè scriptoribus videmus: Nam quum sæpè illi sibi proponant cognitionē morbi alicuius, vnà etiā quæ illius causas, & differentias monstrant, eodem negotio complectuntur, id quod passim Galenus facit: si enim fortè pleuritidis signa quærat, in sputo varium colorem, crassitiem: tenuitatem, aliāsq; qualitates annotat, quæ non monstrant esse pleuritidem, sed qualis sit humor qui eam committit; sic quum dolorem nunc ad præcordia, nunc ad claviculam extendi scribit pleuritidis differentias, non ipsam indicat. Eodem modo quum illi se alicuius rei signa explicare profiteantur, non tam id faciūt, quàm quòd docent quid ostendat rem, quæ abunde excessit, omnēque incrementum assumpsit: quemadmodum qui dicunt cholericam passionem significari ex pulsus defectu, sudore, membrorum contractione, & reliquis symptomatis, quæ nō omnes, sed vehementem duntaxat affectum comitantur. Quo errore etiā Dioscoridem in describendis herbis laborasse cōspicimus, dum nunc nascētes plantas, alias increscentes, aut vigētes, vel consenescentes, aut omnia simul, quæ nunquam reperiri possunt, depingit. At docendi, scribendiq; ratio postulat vt quæ statim rem ipsam mōstrant, deinde quæ illius mutationes sequūtur, tradamus, quum alioqui multis  
defic

deficiētibus notis,perpetuò dubitare cogamur,an res ea sit vel alia de qua agimus. Præterea quum propriis signis singula maximè dignoscantur,ab aliisque distinguantur,nusquam quæ sint propria morborum indicia docet,nisi fortè quum de febribus agit in libris de Differentiis febrium, idque in paucis,& in primis solum generibus facit,quod profectò erat in omnibus ab eo præstandum,docendūmq; quæ sint pleuritidis,peripneumonix aliarūque partium inflammationis,singulorūmq; morborū,qui in singulis partibus consistunt,& seorsum etiam morborum ipsorum non solum inseparabilia,sed etiam propria,& communia indicia. Sequitur sanè peripneumoniā,& pleuritidem difficilis respiratio,tussis,febris acuta,magnus pulsus,velox,& multa deniq; alia inter se communia ea obtinent,quæ medicum facile decipere possunt:At quæ propria sunt,errores euitāt,confusionēmq; omnem tollunt,& certam cognitionem reddunt,quam nemo vnquā assequetur,nisi qui quod propriū, commune,separabile,inseparabilēq; unicuiq; est perspectū habuerit. Quinetiam primaria signa,& immediata cum remotis eodem ordine sæpe miscuit:quum tamen plurimum referat ea inter se distinxisse. Sic enim agnoscimus quid aliud pariat,quidve ab alio nascatur,quid necessario enumerandum,quid verò tanquam notum prætermittendum. Nam alioqui si singula recensere velimus,vel nunquam id ob infinitam multitudinem assequemur,vel quiescere interrim animus haud poterit,tanquā omnia necessaria sint cōprehensa:nec aliquid prætermisissum,quod ad rem propositam faciat. Quo quidē errore nō solū recēiores scriptores,sed etiam antiqui medici omnes tenentur: Si enim forte enumerēt notas peripneumonix,tussim,febrē acutā,efflationē calidā,genarū ruborē,palpebrarū,venarūmq; capitis tumorem,sitim,soporē,linguæ ariditatē,deiectam appetentiam,& alia huiusmodi referunt,quorū quædam ponēda sunt,quæ ab affectu necessario proueniūt,peculiariāq; illi existūt,aut saltē intelligi nequeunt,alia verò,quæ in aliis omninò percipiuntur,superfluo recensentur: Nam qui dixit acutam febrē huiusmodi morbi esse indicium,frustra addit sitim,linguæ siccitatē,& cibi fastidium:quum febris acuta hæc necessario pariat,illiusq; vi comprehendantur: Quòd si omnia recēsenda sunt,quæ ex omnibus nascūtur symptomata, multorum



morborum signa in eodē semper repetenda forent, id quod ab omni arte est alienum. Cæterum in enumeratione signorum bifariam peccant illi, primum quod à nullo capite rem exordiantur, sed Empiricorum more singula enumerent: unde fit, vt non solum inter se discrepent de numero signorum omnes ferè scriptores, sed rem incertā reddāt: Quum enim vnum ex illis plura, eaque diuersa signa, quàm alium authorem ponere legimus, ignoramus cui credendum sit, quum neuter certa ratione, & methodo vtatur, qua intelligere liceat certiorē, perfectiorēque esse eum numerum, quem ab alio diuersum constituit. Hinc ille profectò cōtentiones medicorum, quæ in consultationibus sæpius oriuntur, quū vnus ex Paulo, alius ex Aetio, alius ex Galeno sua signa se collegisse refert, & alium accusat: vel quod nō omnia ex omnibus collegerit, vel quod eo nitatur scriptore, cuius minor est autoritas, & fides. & interim qui alium accusat, maiore forte reprehensione est dignus, vt pote qui temere multa addat maiorum autoritate confusus, quæ ars ipsa reiiicit. Deinde in eo errāt qui de signis scribunt quod quā singula enumerāt, quæ diuersi sunt generis, inter se miscēt. Nam quum quatuor sint fontes omnium signorum, docendi ratio postulat, vt ab vno genere exordiamur: nec desinamus illud vniuersum excutere, nisi aliquid prohibeat, donec inseparabilia, propria, & ea denique quæ sufficiunt indicia, ab eo duxerimus. De omnibus signis non esse perpetuò agendum constat. Quorsum enim dum solum ea, quæ præsentia sunt dignoscere studemus, notas enumerabimus, quæ præteriti, & futuri sunt indices? Quorsum vbi nobis affectus cognitionem proponimus, causarum signa explicabimus? De illis ergo solum agemus, de quibus res proposita cogit: Qui tamen artem scribere aggreditur in singulis rebus præsertim in morbis nō solum demonstratiua, sed etiā memoratiua, nōnunquam prognostica, vbi de euentu dubitari potest, tradet: quod minor à Galeno prætermisum. Exceptis enim morbis acutis, qui communia habent salutis & mortis indicia, raro omnino quem finē expectare oporteat in singulis morbis, docet: Tantum abest vt ea etiam, quæ ostendunt solutionis qualitatem, tempus, modū, & reliqua, quorum cognitio summopere est necessaria explicet. Non enim quid præsentem hydropem monstret, tantūmodo docend

cendum est, sed præterea signa ponenda futura aut desperata salutis. Non solum quid anginam mōstrat, sed etiā quid prænunciet salutem, aut mortem, illorūque genus, & tempus, & quid ostendat, quæ qualisq; fuerit generationis causa & ratio, est scribendum. Itaque qui artem scribere aggreditur, aut etiam de ægris cōsultat, non modo demonstratū, sed etiam memoratiua attingere debet. At verò qui docet de eo solum genere, quod sibi proponit, agat. Cæterū quum de omni genere agēdum est, ab his notis exordiri oportet, quæ res præsentēs declarāt, propterea quòd illa lucem aliis adferant. Nam præsentium notæ, quum ad præterita, & futura referuntur, illorum quoque signa fiunt: non ita verò in aliis semper cōtingit. Quoniam autem occurrūt cōstitutio ipsa, illius causæ, & effectus; & horum omnium genera, & differētiæ, licet vnicuique ab vnoquoque incipere, quemadmodum initio libri secundi de Locis affectis Galenus ostendit, quum methodum docet inueniēdi partem affectā: siquidem symptomata morbos, illorūque causas, hæc rursus illa, & mutuò denique sibi lucem adferūt: mihi tamē placet, & melior videtur ratio, vt exordiamur ab affectu ipso, siue cōstitutione corporis, tanquam ab eo quod inter causam, & effectum medium est: & propius ad utrūque extremū signa sua porrigere potest. Morbus enim ferè semper quæ sit illius causa, quæue effectus prodit. At symptomata, etsi morbum, non tamen illius causam certò ostendūt, veluti etiam causæ rarò quæ, & qualia sint symptomata, interueniente morbo nata indicant: quippe quum desinat sæpius extremorum vis in medio, hoc verò semper ad illa naturæ suæ vires effundat. Quinetiam quum ipsa cōstitutio sit, quæ nos primo ad agendum mouet: siquidem causas morborum abigere nitimur, vt bona reddatur corporis constitutio, actiones verò ipsæ, reliquæque effectus hanc sponte sequuntur, meritò ob id ab ea inchoandum esse putabimus. Ac imprimis quidem notæ tradendæ, quæ genus ipsum declarāt, deinde quæ differentias, & species omnes, nisi quum de peculiari aliquo agendum est. Frustra enim tunc quæ ad vniuersum genus pertinent, prosequemur: si modo illud absque hoc intelligi valeat. Quir enim de signis morbi differemus, vbi solius febris cognitio petitur? At si quis ignoret quæ signa sequantur hepatis obstructionem, obiter interim quæ ipsam ob-

structionem significant expendere potest, ut cognitione generis assequatur, quod in specie querit. Transcundum deinde ad rei causas, illiusque indicia exponenda. Postremo que effectus singulos monstrant, si forte per se illi non pateant. Enumerande autem non sunt omnes notę in singulis, sed ille solum, que proprię existunt & sufficiunt ad rem dubiam declarandam. Nam ubi pauca prestant quod volumus, quid opus est superflua multitudine uti? Quis, queso, ubi dolor punctorius in latere sentitur, & tussis urget cum febre acuta, laborabit amplius, ut ostendat hominem pleuritide correptum? Ubi vero propria non adsunt signa, aut cum aliis confunduntur, omnia recensenda sunt, quę inseparabilia esse solent, & quę à re proposita aliquando seiunguntur: omnia denique quę in aliis sic affectis visa sunt, notare expedit: Sic enim aut statim intelliges, quę communia sint, & quę propria relinquuntur, & quę immediata, vel remotiora, quęque vim maximam habeant ad id significandũ, quod proponitur. Hoc pacto Galenus nephritidem à colico dolore distinguit, quę communia fere omnia inter se indicia ab initio obtinet, procedente autem morbo, quę propria sunt, clariora euadunt, & cum inseparabilibus coniuncta certam cognitionem reddunt. Porro ab eo genere exordiri nos oportet, quod euidentiores notas præbere potest: & si omnia enumeranda sunt indicia, vniuersum genus percurrendum: At si solum quęramus quę propria sint, & quę rem fere patenter ostendere valēt, his enumeratis quę præcipua in eo genere reperiuntur, ad alia transcundum genera, eaque ut primum pariter excutienda: Nā si cui forte pulsus vix amplius sentiatur, & propemodum abolitę reliquę actiones appareant, superfluum est ab essentia rei & à causis, mortis signa colligere: Quod si actiones non sufficiant, adiungendum ex aliquo alio genere indicium est, & denique non plura cumulanda quàm res ipsa postulet ad sui dignotionem: Qua quidem in re plurimos hallucinari videmus, dum rem, quę ex vno, aut altero signo satis patet, infinita aliorum multitudine ostendere nituntur, & in obscuris rebus vniuersa genera non percurrunt: aut si id faciunt, perverso ordine idem exquatur: quum scilicet enumerationem eorum, quę ab vno genere nascuntur, à quo auspicari fuerant, intermittunt, ut ad alia transcant, à quibus rursus ad illa redeunt, quorum integram

tēgram enumerationem nulla ratione antea facere omiserunt. Quoniam verò, vt diximus, eadem genere signa in diuersis partibus sæpe conspiciuntur, vt actiones læsæ, qualitates mutatae, & quæ ab essentia sumuntur, vt in febribus, quæ per vniuersum corpus sparguntur, iubet Hippocrates medicum hæc primum in facie spectare debere: deinde in aliis partibus, quod quidem perpetuò faciendum non est, si modo ab his auspicandū est. quæ euidentiores notas præbere possunt, vt etiam Galeno placuit libro j. ad Glauconē, vbi scribit incipiendum esse à maximis, quæ circa ægrum apparent. Deinde ab aliis. Sæpe enim lethalis morbus infestat, quum tamen facies salutem ostendat, sæpe salutaris affectus urget, quem illa exitialem prænunciant: Nam si cui crus, aut coxa putrefacta sit, aut illatum vulnus in pectus, aut ventrem, vita in summo periculo versatur, quum interim facies nihil ferè, quòd præter naturam sit, ostendat, vulnerata in aliqua parte ignobili vena, ex qua copiosus sanguis effluerit, cadaverosa ob inanitionem facies apparet, quum tamē omne periculum iam suppresso sanguine sit sublatum: Ab ea ergo parte auspicandum, & ab illis indiciis, quæ clarius quod quærimus ostendere possunt, à pulsu. & vrina si febris affligat à vulnerata parte si vulnus infestet, & denique ab ea, quæ præ cæteris laborat, aut laborantem repræsentare est apta. Ex iis quidem constat, quid sit signum, quæ illius utilitas, quæ per signa cognoscenda sint, quæ, quòtue illorum genera, & differentiæ: à quibus hæc omnia sumantur, quæ & quanta illorum omnium sit vis, quot præterea possint esse in vna-  
 quaque re indicia, quo modo inquirèda, & recensenda. Quibus ita explicatis quæ communia sunt vniuerso operi, operæ prærium esse duco, vt ad ea, quæ sunt singulis propria, accedamus.

\*

A 5

IOANNIS ARGENT-  
TERII DE SIGNIS  
DEMONSTRATIVIS  
LIBER SECVNDVS.

*De utilitate signorum demonstratio-  
rum, prognosticorum, & me-  
moratiuorum.*

CAP. I.



QUONIAM verò quædam per signa cognoscere oportet solum quæ præsentia sunt, quædam quum præcesserunt, alia quum sunt futura, nonnulla autem pluribus etiam modis utile est expendere: cogit ipsa rei tractatio, ne superfluum quædam explicemus: & eadem sæpius repetamus, ut singula eo modo, quo ea dignosci oportet, tractamus. Itaque hoc libro de Signis demonstratiuis agemus: rationemque docebimus, quæ ea, quæ præsentia sunt in corpore nostro, deprehendere liceat. Postea autem signa explicabimus, quæ præterita: postremo quæ futura prænunciant: Sic enim puto clariorem fore doctrinam. Præstat tamē hoc loco imprimis docere utilitatem, & usum horum trium generum signorum: ea siquidem perspecta, illorum tractationem auidius cōplectemur: Nam quum multa inter se communia illa obtineat, præstat hoc loco semel de omnium utilitate agere: de qua quidem re Galenus nonnullis aliis locis, potissimum tamen libro primo Prædictionum scribit, ubi statuit inter ea quædam medico solum esse utilia ad honorem, & famam cōparandam, qualia sunt, quæ præterita commemorant: quædam autē & medico, & agrotō, cuius generis sunt, quæ futura præfagiunt: verū quæ ratione id fiat non docet: nec meo quidē iudicio vlla diuersitatis ratio huiusmodi reperiri potest. Si enim ea agrotis utilia censemus esse, quæ ad eorum sanitatem recuperandam faciunt, quum absque illis naturam affectuū sæpe agnoscere nequeamus (siquidem causa, & effectus, qui præcesserunt, indicant qualis

his fit dispositio in corpore derelicta, cuius natura ex prætorum commemoratione perspecta, curatione postea recte præscribitur) par sane est, quæ ex illis prouenit utilitas ei, quam demonstratiua, & prædictiones præbent. Medico verò hæc omnia æquali modo ad honorem, & famam comparandam conferunt. Ita enim eum admirantur, quum præterita commemorat, ut quum præsentia agnoscit, aut futura prænuntiat. Nec minorem quidem laudem consequutus est Galenus, quum ex pulsu mulierem amare depræhendit, quàm quum Eudemo tribus quartanis media hyeme laboranti, præter omnium expectationem, salutem promisit, & moriturum cum sudore Theagenem philosophum prædixit, eo quòd solis relaxantibus remediis ad excutiendâ in eo hepatis inflammatione medicus Theſſalius uteretur: Par illi profecto fuisset laus, si aliquid quod præcessisset, ex arte diuinasset: Aegroto verò æqualis quoque utilitas ex singulis generibus prouenit, & non in agrotis tantum ut ille facit, sed in omni alio corporis statu, illorû utilitatem metiri oportet. Quum enim medicus præsentem sanitatem tueri, & absentem restituere profligatis morbis, & interim hos præcauere commodis prædiis debeat, necesse est, ut ea, quæ præsentia in corpore sunt, aut futura, vel ita antecesserunt, ut suas adhuc reliquerint, quas fecerunt in corpore impressiones, dignoscantur, variant enim hæc medici opera: Aliter siquid eos tractare oportet, qui sani sunt, aliter qui agrotant, aliter qui cum morbo confluctantur, & diuerso etiam modo qui variè per sanitatem, aut morbum sunt affecti: Quæ omnia demonstratiua signa patefaciunt. Quin etiam vno modo cum illis agere expedit, quos diu sanos, nulla apparente in corpore morborum occasione, fore speramus: alio autem eos, quos in morbum lapsuros prospicimus, atque etiam in morbis aliter victum, remediaque instituimus, quando proximus adest illorum vigor: aliter verò, quum longius distat. His præterea quos morituros præuidemus, remedia vel non adhibemus, vel non certe ea, quæ artem infamare possint, nempe generosa: quibus uti non debemus, nisi quum ea agrotis fore utilia speramus: Conferunt ergo prognostica signa ad præcautionem, & curationem morborum, & sanitatis conseruationem. Cæterum quum memoratiua ad causarum & dispositionum corporis, quæ præcesserunt, inuestigationem faciant

faciant, ex quibus postea quę in corpore adfunt, qualia quantaque sint, ostendantur: ad eadem profecto, ad quę alia genera cōferūt. Aliter enim febres curamus, quas ira cōmitit, aliter quas intulit tristitia, aliter eos, qui morfu venenatorum animalium, quàm qui ferro, vel alio modo vulnerati fuerunt. Diuerso præterea victu utimur in illis, qui à morbis nunc primum resurgunt, quàm in aliis, qui firmam, confirmatamque propriam sanitatem sentiunt. Illos enim ita tractamus ne liberaliore, licentiorēque victus rursus in morbum grauatis viribus prolabantur, & interim adhibito quod moderatum est, refecti valeant. Hos verò liberē, & vt consueuerunt, antequàm morbo laborarent viuere permittimus. Atque hæc de vtilitate horum signorum sint dicta, ad quę referenda sunt quę sparsim, nullisque positis capitibus de hac re à Galeno traduntur. Nam reliquę vtilitates, quę singulis generibus sunt communes ex primo libro, vbi generatim de vfu omnium signorum egimus sumendæ sunt.

*Quæ dignoscere oportet præsentia.*

C A P. II.



**M**EDICVM imprimis per signa cognoscere oportet quis, qualisve sit corporis status, an secundum naturam, vel illi contrarius, aut inter hos medius, siue neuter. Deinde compositionem ipsam à suis causis, & effectibus distinguere expedit, vt intelligamus quid compositio sit, quid compositionis causa, quid effectus. Ac in singulis postea quę, & qualis sit illorum natura, ad quod genus, ad quam differentiam pertineat, percipere necesse est: veluti in naturali statu quid sanitatis rationē obtineat, cuius generis existat, an simularium vel dissimularium partium, an salubritas, vel insalubritas, id est, an perfecta, vel imperfecta, aut neutra etiam sit sanitas: differt enim in hoc vna ab alia. Eadem porrò in suis causis, & effectibus ponenda, an videlicet sanitatis causę ad similes, vel dissimiles pertineant, an salubritatis, insalubritatis, & neutrę constitutionis sint causę. Eodem modo actiones, qualitates, & alia opera, quę in corpore fiunt, quęque proueniunt à diuersa constitutione partium internoscenda. Hęc eadem in statu præter naturam per sua signa dignoscere operæpretium est, veluti quid sit

morbus, morbi causa, vel effectus: deinde cuius generis sit, an intemperies, vel vitiosa structura, præterea aut magnus, vel parvus, acutus, vel tardus, continuus, vel interpolatus, ordinatus, vel inordinatus, æqualis, vel inæqualis, per consensum, vel primario genitus, vniuersalis, vel particularis, benignus vel malignus, simplex vel compositus, legitimus, vel spurius, & denique vniuersæ illius differentię patet fieri debent. Quinetiam morborum partes, siue tempora quum adsunt, ignorare, non oportet, veluti nec etiam locū, in quo morbus residet. Causæ morborum perspectæ ita esse debent, vt intelligamus quæ sint, quæ morbum fouent, augent, minuunt, quæ sit materia morbi, quod sit subiectum, & quo loco etiam contineantur. Quid item causa sine qua morbus consistere nequit, aut cum qua in corpore alitur, & perseuerat. Quid præterea hunc, quid alium morbum intendat, aut alio modo mutet: & vt breuiter dicam, vniuersæ causarum differentię, quas in morbis considerandas esse diximus, quum adsunt, cognoscere necesse est. Id quod etiā de morbi effectibus intelligendum esse admoneo. Postremo quum morbi soluuntur signa tradere oportet: quibus intelligere liceat, an fida, vel infida, facilis, aut difficilis, perfecta, vel imperfecta sit huiusmodi solutio, & si quid præterea aliud est in corpore morbo vexato, quum adest, ignorandum non est, illiusque notæ ob id explicandę. Nec sufficit morē, magnitudinem, speciem, & motum morbi, vt Galenus in libris de Crisibus dicere solet, perspecta habere, sed vt alia omnia, quæ prædiximus, inter se sunt diuersa, medicique actiones variant: sic illorum quoque indicia sunt explicanda.

*De vi signorum demonstratiuorum, quōue modo in illorum enumeratione progrediendum.*

C A P.

I I I.



T generalis omnium signorum, sic peculiaris quædam demonstratiuorum vis est, & eorum pariter quæ præterita commemorant, aut futura prænuntiant. Quemadmodum præterea ordo aliquis erat necessarius in enumeratione primorum generum signorum, sic in singulis generibus quum multa occurrant, ars requiritur, quæ certum  
initium



initium doceat, à quo ad reliqua commodè progrediamur.  
 Ac nunc quidem vim, & ordinem demonstratiuorum pau-  
 cis cōplectemur, & eadem de aliis suo loco trademus. Porro  
 non omnia hic quoque omnia significant: sed quedam sunt,  
 quæ in aliquibus nullam vim habent, quedam vero quæ so-  
 lum genus, & speciem, eamque vel non omnem, aut si om-  
 nem, non solam: alia verò, quæ solam, & omnem monstrare  
 possunt: quæ iam rursus, quæ constitutionem ipsam, non ta-  
 men illius causas, nec locum, in quo hæc posita sunt, repræ-  
 sentant. Molo præterea significandi vt alia inter se diffe-  
 rant, quum quedam semper inseparabilia sint alia separen-  
 tur: nonnulla propria, alia communia, & paruum, aut maio-  
 rem vim alia aliis obtineant, & denique significandi ratio-  
 ne, quæ antea descripsimus inter se discrepant. Etenim ve-  
 hemens sitis in febribus acuti morbi est indicium. Decubi-  
 tus verò in alterutrum latus nihil ad id intelligendum con-  
 fert. Partium imbecillitas genus vniuersum morborum  
 monstrat, illius autem causam minimè. Excretio atræ bilis  
 morbi causam nuntiat: qui vero morbus ab ea sit excitatus,  
 non necessario ostendit: siquidem vlcera, tumores, variij de-  
 nique morbi ex ea nascuntur. Rigor in intermittente febre  
 causam & morbum pariter declarat. Actio læsa partis affe-  
 ctæ est nota: morbi autem non item. Dolor punctorius eam  
 solum inflammationem, in qua membranæ patiuntur, do-  
 cer. Calor verò omnes sequitur, immediatūque est indi-  
 cium. Sitis ardentes omnes febres comitatur, sed longius  
 eas sequitur: per vniuersum morbum tussis adest in pleuri-  
 tide. Dolor verò in latere, properante ad salutem morbo, af-  
 fligere desinit. Maximam vim ad omnē corporis constitu-  
 tionem significandam habent actiones, in aliquibus color,  
 aliæque qualitates nihil monstrant, in nonnullis verò eui-  
 dentissimas præbent præ cæteris notas. Ac ex omni quidē  
 fonte signa sumuntur ad plura significanda, sed diuerso mo-  
 do singula declarant, & ferè fit, vt genus signi signatæ rei  
 genus ostendat, differentia verò differentiam: id quod si sin-  
 gula genera breuiter excutiamus, omnibus perspicuū fiet.  
 Etenim morbi essentia, quæ in calore est, calidum affectum  
 significat. Caloris vero differentia quis, qualisve sit mor-  
 bus declarant, quippe febris index est calor per vniuersum  
 corpus expensus. At quæ acris, & mordax sentitur, putridæ,  
 vehe

vehementis que febris est signum. Declarat, & affectus sine differentia causam, à qua excitatus est, & illius differentia causæ differentiam. Nam calidus morbus materiam subesse calidam monstrat, qui vehementer calidus est, aut sanguinem, aut bilem testatur esse, quæ morbum gignunt. Docet ille eadem ratione symptomatum genus, & differentiâ, febres siquidem pulsus mutant, & pro illarum diuersitate eos diuersos efficiunt: ostendunt pariter & locum affectû. Nam inflammatio affectus est omnium partium, quæ sanguinem in se recipere possunt. At vehemens, quæque dolorem inferit insignem, ad eas solum partes pertinet, quæ sensu non obscuro sunt præditæ: Quum verò sensu percipitur rei essentia, seipsam illiusque differentias, differentes causas, & effectus suis differentiis declarat. Tumor etenim, qui extrinsecus apparet, humoris collectionem significat: At calidus tumor inflammationem, vel erysipelas, aut herpetem repræsentat: Vehemens autem calor erysipelas potius quàm inflammationem: insignis tumor hanc, & non aliud testatur: qui cutem solam occupat tumor, minimumque attollitur, herpetis indicium est, quibus sanè an bilis, vel sanguis subit, qui tumoris est causa cognoscitur. At ex his putamus ex fluxione natum tumorem. Quæ autem fluxionis fuerit causa, incertum ex hoc fit: si verò intus latet rei essentia nihil ea confert ad hæc declaranda. Perdit enim vim suam ob loci rationem. Causæ verò quæ apparent, suos effectus repræsentant, qualem enim illæ vim habent, talem his, quæ pariunt, tribuunt, qua ratione redundans bilis calidum esse morbum docet. At illæ conspicuæ non sunt, quum in corporis internis partibus sunt reconditæ. Externæ autem morborum occasiones, quales sint internæ quis, qualisve morbus, & qualia symptomata, aperiunt. Hoc pacto agnoscimus febrem ex ira concitatam, diariam esse, & alterius differentia quàm sit ea, quæ à vigilia, aut alia causa committitur. Genus causarum lædentium, & iuuantium genus internarum causarum affectumque corporis, & illarum differentia horum differentias pariter manifestant, quippe calidos humores, calidioresque morbos corpus infestare intelligimus, si calida lædunt, iuuant verò frigida. Bilem autem, aut sanguinem subesse, eorumque morbos urgere ex his, quæ peculiariter illis profunt, aut obsunt, deprehendimus.

mus. Quæ verò morbis nocent, aut conferunt, dum vigent, status sunt indicia. Præbet materia, & subiectum sua signa, suamque vim ad ea, quæ præsentia sunt inuestiganda. Nam si sanguis nocet, non solum calidos, sed etiam benignos morbos esse, qui corpus afficiunt, putare par est. Contra verò accidit si atrabilis grauis est. Affecto corde ex illius natura colligimus, nec vulnus, nec vlcus, aut inflammationem esse posse, qui infestet morbus: quod scilicet huiusmodi mala, pars hæc minimo temporis spatio ferre nequeat, quin mors sequatur: sic etiam mutatis pulsibus ex natura, & officio partis colligimus cor ipsum esse affectum. Habet ergo vim subiecta materia ostendendi, quæ, qualisque sit causa, qualis affectus, & effectus ipsi, qui corporis constitutionem sequuntur. At actio læsa partem affectam, illiusque differentiarum differentes partes significant, siquidem respiratio impedita instrumenta, quæ ad eam ædendam sunt destinata, affecta declarat. Quæ verò crebra est, qualis in his apparet, qui modo currere desierunt laborantis pulmonis est nota: non tamen pars cuius actio est vitiosa semper laborat. Sed aliquando illæ à quibus hæc vim capiunt, aut quibus seruiunt, aut connectuntur, hoc enim pacto contingit voce priuari hominem, quæ facultas motoria ad votis instrumenta illis minimè læsis non peruenit, & per affectus pulmonis, aut cordis thoracis motus variatur, quum interim nihil ipse patiatur, quin etiam laborante hepate nonnunquam respiratio impeditur, nullo affectu interim existente in partibus respirationi seruientibus. In illis verò, quæ insitas suarum functionum facultates habent, ferè semper morbus est, quum actiones illarum læduntur, & harum differentiarum affectuum, causarumque differentias significant. Celer enim frequensque pulsus calidi affectus est indicium. Abolita verò actio magnū omnino morbum subesse testatur: deprauata nunc eundem, ut delirium perpetuum, quod inflammationis cerebri, aut septi transversi est indicium, nunc leuiorem veluti ambulatio inæqualis, & inordinata, quæ ob pedis leuem dolorem prouenit. Difficilis respirationis ea differentia, in qua recti spirare coguntur qui laborant sine febre, obstructionis à multis, crassique humoribus pulmonis vasa occupantibus est index. Præbet etiam actiones suorum operum indicia, etenim coctiones, quæ in ventriculo, & hepate malè peraguntur, improba nutritionis totius corporis, vitia

vitiatique caloris sunt testimonia. Illud tamen prætereundum non est actiones ipsas, & ab affecta parte constitutioneque corporis esse inseparabiles, non tamen propterea eas perpetuo in omnibus signa fieri: quippe quum in aliquibus lateant; in quibus verò ad cognitionem conferunt, nunc per se, nunc verò alterius beneficio suam vim ostendunt. Vbi enim pars interna est, quæ afficitur, & nullum publicum munus in corpore exercet, nihil confert ad aliquid cognoscentium illius functio, Cruris verò actio læsa omnibus conspicua suas exhibet notas: at hepatis functionem nemo est, qui videat, verum quæ ex eo viscere proueniunt opera, ut humores, color, aliæque corporis qualitates testantur quales sint illius operationes. Hæ verò qualis, quantusque qui adest affectus produnt. Ex quibus sanè constat actionem oblæsam non solum ostendere partem affectam, & actionis differentias affectum ipsum declarare, ut Galenus in libro de Locis affectis sentire videtur, sed etiã affectum ipsum ex ipsa functione, & diuersas partes affectas ex differentia operationum patescere: Cæterum excrementa corporis vim non habent omnes partes affectas, nec omnes affectus ostendendi. Quandoquidè non omnes partes excrementa gignunt, quæ quidè in nostrum conspectum veniant & quæ ea gignunt, non ex omni malo perinde afficiuntur, ut variari quoque earum excrementa necesse sit. Quis enim septi transuersi morbos, sumptis indiciis ab excrementis, dignoscere studeat? excrementa procreat hepar, at per illius vulnera, aut peruersam figuram, aut inep̃tā connexionem, nisi accedat sinul intemperies, nulla contingit in illis mutatio. Illarum ergo duntaxat partiũ vitia monstrant excrementa, à quibus vel gignuntur, vel suscipiuntur, vel denique ad eorum excretionem à natura sunt constituta, quum scilicet affectus in illis contingunt, per quos recrementa ipsa mutari oportet. Quæ ratio quod excernitur per aluum loturæ sanguinolentæ carnis simile hepatis vitium ostendit, & excrementa cum sanguine, & ramenti mixta vlc̃eris intestinorum sunt indicia: Ac non solum quidem partem læsam, sed etiam genus affectus ex suo genere, & illius differentias ex suis differentiis, & causarum etiam discrimen monstrant. Quum enim præter naturam excrementa sunt affecta, morbi sunt indices: at quum vel pallida, vel nigra, vel crassa, aut tenuia, aut alia

demum qualitate prædita apparent: qualis adsit morbus, qualisve causa, quæ morbum ipsum vel foueat, vel etiam excitet, produnt: eadem sanè ratione opera alia, quæ sequuntur partium officia, quum apparent, præbent perpetuò notas eius dispositionis, quæ causa est actionis, vnde illa proueniunt: Quippe carnis abundantia humidioris hepatis pinguedinis vero copia frigidioris est signum; ceterum qualitates corporis non omnia etiam significare possunt, sed solum eos affectus, quibus aliquis subest humor, nec omnium partium conditiones, sed earum duntaxat, quæ sensibus sunt expositæ, vel humorum generationi, aut excrementorum expurgationi seruiunt: Nemo enim ventriculi, aut septi transuersi mala ex colore aut aliis corporis qualitatibus deprehendere conabitur, propterea scilicet quod illæ partes in profundo situ corporis sunt collocatæ, nec aliquid ad coloris, vel alterius qualitatis totius corporis mutationem conferant: Nemo ex qualitatibus corporis indicia se capere dicet ad partium figuram, magnitudinem, numerum, & connexionem dignoscendam: Qui vero extrinsecus apparet vitiat color nunc hepar, nunc lienem, nimirum pro diuersitate coloris, male habere significabit, quoniam scilicet ab illarum partium morbis huiusmodi color prouenit, siquidē laborante hepate intēperie excrementosus sanguis gignitur, affecto vero liene id quod in eo est alienum ex atra bile non expurgatur. Ostendit pallidus color meatū, per quem bilis ad intestina descendit obstructum, nihil sæpe interim patiente hepate: Quum verò per crises ad cutem regeritur biliosus humor, qui regij morbi speciem præbet color, solius cutis vitium indicatur, expurgatis benèque affectis internis partibus: sic etiam rubedo, quæ in parte inflammata apparet, illius duntaxat partis laborantis est signum: idem fit de aliis qualitatibus corporis iudicium, ne singula prosequi cogamur. Licet quoque ex signis sumptis à rerū similitudine quis, qualisue sit morbus, & illius causa, & ubi sedes affecta percipere: Si enim vigēte forte peste ea, quæ prædiximus ignoremus, dissitis nonnullis corporibus, qui in ea perierūt, cognitisq; illorum morbis & causis, & mēbris, quæ præ cæteris laborarunt, colligemus ex similitudine eos, qui adhuc laborarūt, pariter ut illos esse affectos: Quòd verò ad significandi modum atinet, paucis in singulis generibus hoc modo percurramus:

Nam

Nam essentia, ut diximus, non semper significat quum aliquando percipi nequeat, veluti quum partes internæ tumoribus laborant. Eodem modo color ob loci conditionem, & alię qualitates à signatis rebus seiunguntur: Dolor vehemens in parte admodum sensibili leuiore suapte natura affectus, grauiore repræsentat. Tussis per vniuersum morbi decursum pleuritidem comitatur. Dolor verò lateris, & pulsus durities declinante morbo desinunt: Actiones læsæ communia præbent morbis indicia: excremēta verò quibusdam duntaxat propria: Immediata sunt signa læsæ partis functionum vitiatæ color non item, sed quia primum actiones labefactas monstrat. Vbi verò partes externę laborant, veluti contingit in inflammationibus, immediata est nota, quę à colore capitur: Ceterum maiorem aliis in vniuersum vim habent ad affectus dignoscendos actiones: At excremēta in aliquibus prævalent. Pulsus celeriores calidum affectum, & cor intemperatum eodem modo testantur. Inflammationem autem succingentis membranę, & febrem diuersa ratione, illam siquidem duritie, & tensione: hanc velocitate, & celeritate patefaciunt. Denique quum nunc in aliquibus quædam appareant notę, quę postea abeunt, & illorum loco alię succedant, & quę in vno affectu sunt perpætua, in alio vel minimum durent: & quę in multis nullam vim obtinent, in aliis maximam ostendant. Ac denique quum significandi modus & ratio in omnibus ferè euanescit pro diuersitate rerum, quę significantur, nihil præter communem eam rationem, quam proposuimus, tradere in hac re possumus, nisi singulorum affectuum & partium corporis naturam, quod à nostro instituto est alienum, attingere vellemus. Quę enim eorum genera, & differentias collecta ex omnibus fontibus signa peculiariter ostendunt, ut quid sanitatem, quid morbum, quid partem affectam, & horum differentias significet, paulo post explicare aggrediemur, quum paucis docuerimus à quibus notis inchoandum sit, dum omnia quę præsentia sunt, dignoscere cupimus. Itaque quum hæc pars, quę de signis demonstratiuis agit, rei essentiam, genera, differentias, causas, effectus, locum in quo hæc sunt sibi proponat cognoscenda: ordo aliquis requiritur, quo intelligamus quorum notitia prius querenda sit, quę verò posterius, recensenda. Ac postulat quidem methodus, ut in hac

arte tradenda, scribendâve primò doceamus signa, quæ rei essentiam declarant: deinde quæ illius genera & differentias, tertio loco quæ causas affectus significant. Postremo quæ locum ipsum in quo hæc consistunt, patefaciant. Sic enim apparet cognatarum rerum connexus. At quum mendedi causa aut aliud agendi in singulis hæc quærimus, penultimo loco de loci affecti notis agendum. Postremò de his quæ causas affectus monstrant. Effectuum verò ipsorum inutilis consideratio relinquitur, quæ alioqui quum artem tradimus, prætermittenda non est, sed post ipsas causas idoneum locum inueniet, quum verò agendi gratia hæc inuestigamus, pariunt ea sibi lucem si prædicto modo doceantur. Quæ enim pleuritis sunt notæ, illius etiam differentias testantur, modo solum variato, ut antea ostendimus: siquidè punctorius in latere dolor inflammationis membranæ succingentis est notæ: idem quum magnus est, affectus magnitudinem repræsentat, idem & locum peculiariter affectum indicat. Nam dolor punctorius afficere nequit, nisi membrana præter alias vicinas partes insigniter sit læsa: Sanguinis præterea copiam denunciat: Quippe quum à paucis, & frigidiore huiusmodi dolor hebetetur, Quo quidem constat quæ morbi differentiæ eadem loci affecti, causarumque efficientium esse indicia, & quæ ipsum locum læsum produnt, causas etiam morborum simul indicare non cõtrâ aut non nisi generatim: etenim eo cognito quòd membrana, quæ costis subtenditur laboret, simul etiam nouimus tenuem ut plurimum oportere esse materiam, quæ inflammationem committat, quum pars densa crassum humorem facile non admittat, illud verò necessarium non est membranam peculiariter affici, si tenuis sit humor morbi causa, nimirum quòd possit etiam in musculis magna sui parte contineri paruo ipsius membranæ vitio: Præterea quum in actione primò sese offerant causæ, quæ corpus vitiant, ita progrediendum est, ut illæ postremo loco inueniantur. Quod enim vltimum in resolutione existit, id in actione primum constituere oportet, id quod nunquam commode fiet, si aliunde initium sumamus, & alio ordine progrediamur.

Quæ

*Quæ ostendant quis, qualisque sit corporis status.*

## CAP. IIII.



GE igitur ex prædictis fontibus, quis, qualisque sit corporis status, & conditio, an secundum naturam, vel præter naturam aut inter hos medius dignoscere aggrediamur: id imprimis natura vniuscuiusque docebit: Si enim temperatum quis hominem sentiat, & decenter conformatum, & singulas illius partes iustam magnitudinem, numerum, coniunctionem, & unionem obtinere videat, eum statim sanum, & secundum naturam affectum iudicabit, plus vel minus, ut hæc perfectiora, aut deteriora apparebunt: Præter naturam autem intelligetur esse illius status, si contraria adsint, medius & neuter censetur, si ab extremis æqualiter recedere sentiatur. Ostendunt id etiã causæ, quæ corpus efficiunt: constituunt, iuuant, lædunt. Eos etenim potissimum bene affectos putamus, qui ex parentibus bene affectis sunt procreati, quiq; temperatos, moderatos, & suo loco contentos humores habent, tum quæ structuram corporis secundum naturam constituunt causæ, quum nec excedunt, nec deficiunt, illud secundum naturam habere declarant. Quinetiã bene affectos putamus, qui à remediis, & medicamentis læduntur, iuuantur autẽ familiari victu, & alimẽto. Contra verò præter naturã habent, qui cõtrario modo à causis iuuantibus, & lædentibus afficiuntur: Ac nõ solum quidem immediatæ causæ, quæ primo corpus immutât, sed etiã quæ remotiores sunt, hæc testantur: Si quis enim assumpserit, aut fecerit, aut admouerit, vel excreuerit, aut retinuerit, quæ tuentur naturalem corporis conditionẽ, secundũ naturã eũ habere arbitrabimur. Præter naturã autẽ si cõtraria illis contigerint: Subiecta verò materia nullũ videtur in hac re præbere signũ, ut nec etiã peculiaria corporis instrumenta: At cõmune instrumentum non leuis est nota ad idem significandum. Quum enim natiuus calor bene habet partium temperiem, & illarum structurã recte se habere fere necessarium est. Iam verò à tertio genere, nempe quod ab effectibus sumitur, indicia ad eadẽ percipiẽda hoc modo ducemus: etenim actiones, excremẽta, alia opera, & qualitates corpo-



ris, quā secundū naturā habent, corporis statum secundū naturam esse demonstrant. At præter naturā affici corpus si cōtraria appareant, intelligemus: veluti si actiones sunt abolitæ, vel debiles, vel auctæ, vel tristes, aut vliquo modo deprauatæ, & excrementa nullo modo emittantur: vel exeant quidem, sed vel illorum substantia mutata sit, vel qualitates, vel minori quantitate, aut maiori, quā oportet, vel nō eo modo, nec eo tempore, quo debent, nec per naturalē locum & sibi accommodatum excernūtur: Si quid itēm durius, mollius, asperius, leuius, candidius, vel alio denique colore infectum appareat. Si qui præterea odores foetidi, aut ingrati sapores, aut soni in corpore sentiuntur, corpus secundum naturam non habere indicant, sed præter naturam toto ipso affecto corpore, vel partibus quibusdam si plurimū hæc à naturali statu recedant, alioqui si minor recessus fuerit, in neutro, & medio statu positum putabitur: Nec desunt in hac re significanda notæ, quæ à similitudine capiuntur. Si enim alium perinde vt ille de quo agimus, ita affectum conspexerimus, & secundum, vel præter naturam habere agnouerimus, i sem de hoc sentiendum esse iudicamus: Ac ab his quidem fontibus, sed non omnibus, neque exacte quantum docendi ratio postulat, Galenus noster capite octauo, & quinquagesimo octauo Artis medicinalis ad hæc cognoscenda signa sumpsit, quum scribit corpora salubria, insalubria, & neutra deprehēdi ex his, quæ secundū essentia rationē illis insunt, & præterea ex illis, quæ ex necessitate ea sequūtur, nempe accidētibus & corporis functionibus, quæ verò egrotant corpora, siquidem vitium sensibus patet, ex permutatione eorū, quæ secundū naturā illis insunt, quod si sensum effugiat malum ex læsione actionū, excrementis, doloribus, & tumoribus præter naturā illorū signa peti. Neque enim solum ab his notæ sumūtur, sed etiā, vt antea ostendimus, à causis ipsis, quæ affectus corporis gignunt, iuant, lædunt, tollunt, materiam præbent, vel alio modo illorū causæ dici possunt: quod ipse postea sparsim ductis à nonnullis causis indiiciis facit: veluti quū simpliciter insalubria corpora ab aliis distingui refert, quod scilicet à causis morbois promptissime afficiantur: & cerebri tēperaturas cognosci scribit sumptis notis ab his quæ extrinsecus illi occurrunt, & passim alibi à iuuantibus, & lædentibus causis signa peti: Verum

rum non solum ab illis, sed ab aliis omnibus causis eadem sumenda, ac ubi methodus proponitur, & quod commune omnibus esse debet, docetur, capita omnia ponenda, ex quibus singulæ postea notæ eliciuntur. Nam quæ à duobus dūtaxat corporū signa peti debere antea proposuerit, nepe ab essentia, & his, quæ eam consequuntur, necesse est, ut quum alibi lædentium iuuantiūque causarum mentionem fieri videremus, ignoremus an possint aliqua indicia ab illis capi, nimium quum ab initio nullum constitutum sit caput, sub quo huiusmodi causæ, & quæ ab illis ducuntur signa, contineantur. Atque id est potissimum, quod in hoc authore damnari potest: quod quum ille eos passim repræhendat, qui methodo non vtuntur, & fontes rerum non cōsectantur, sed ex malis positis principis ratiocinantur, sui statim in omni ferè re obliuiscatur, & nihil minus quàm quæ omnibus sunt communia, quærat, sed sparsim singula tradat quasi methodus in eo maxime, quod commune est, posita nō esset. Illud etiam probari non potest, quod in arte medicinali inter ea, quæ corporis cōstitutionem sequuntur, ponat solum corporis accidentia, & functiones. Nam addenda sunt excrementa, & alia opera, quæ in corpore proueniunt: si modo hæc, ut paulo antea ostendimus, euidentissimas cōstitutionis corporis notas exhibent. Ab eisdem præterea fontibus, quos ante statuerat, quum de signis corporū sanorum ageret, eum ducere oportebat notas ægrotantium corporū. Id enim docendi ratio postulat, si modo contrariorū eadem sunt genera, eadēque disciplina, præsertim quum huiusmodi varietate qui artem scribit, lectorem confundat. Si enim vniuersum genus eorum, iuxta habent secundum naturam, cognoscitur ex his, quæ illi insunt secundum essentiā, & aliis, quæ essentiam necessario consequuntur. Quur pariter ab eisdem notas non petimus eorum, quæ præter naturā sunt affecta? Præterea quæ latent vitia in partibus internis non solū ex lēione actionum, excrementis, doloribus, & tumoribus deprehenduntur, sed etiam ex causis suis, corporisque accidentibus, & aliorum similitudine. Eodem pacto externarū partium morbi non solum ex permutatione magnitudinis, coloris, figuræ, numeri, situs, duritie, & aliarum qualitatū cognoscuntur, sed etiam ex suis causis, & functionibus deprehenduntur. Etenim causæ, quæ febrem aut alium morbum

excitarunt, vel lædunt, aut iuuant, non solum corpus ostendunt ægrotare, sed etiam quo morbo laboret, indicant. Eodem pacto flauus color qui in regio morbo affectis conspicitur, morbosum corpus, morbi que naturā, & causas etiā monstrat: Cætera quæ diximus etiā absque exēplis patent: postremo duritiem inter ea enumerat, quæ sentibus subiiciuntur. Sic profecto tumores præter naturā poni oportebat. Possent & alia quidem in hac re dici, sed hæc satis ostendunt his, qui veritatem amant, certa methodo non fuisse à Galeno explicata signa corporū sanorū, & ægrotantiū, quum multa omittit capita, & ea in singulis variet. Qui vero sectis sunt additi, etiam si multo plura, & luce clariora scriberemus, nunquam errorem agnoscent, & perpetuò aliquid habebūt, quo se, suosque auctores tueantur, & veritatem ipsam damnet. Verum ut Galenus optimè dicere solet, his ne Apollo quidem cum Musis mederi posset. Sed illorum gratia, qui bene sunt affecti, ad alia propèremus.

*Nota, quæ sanitatem, illius effectus, & causas ostendunt.*

## CAP. V.



**Q**UEMADMODUM naturalé statum ab eo, qui præter naturam est per signa destinximus: sic ea, quæ secundum naturā in vnoquoque reperiuntur inter se seiungere, & ex suis notis dignoscere singula oportet. Igitur sanitatem ipsam ex propria ipsius natura, causis, effectibus, & similitudine depræhendes. Proba etenim temperies, & recta structura similium, dissimiliumque partiū propria est illarum essentia, & sanitatem illarū prodit: bonæ actiones, quæ à sanitate æduntur, & excrementa secundum naturam, aliæque opera, quæ sanitatem sequuntur, illius sunt indices. Idem faciunt causæ, quæ illam efficiunt, conseruant, iuuāt, lædunt, quum enim illæ adsunt, præsentē adesset sanitatem significant. Ex similitudine præterea, id quod ex superioribus patet, idem colliges. At causas ipsas sanitatis ex eisdem cognosces, pars enim bene figurata, quæ sanitatis causa est, ex sua ipsius natura, quū talis apparet, dignoscitur, tum etiā ex suis effectibus, sunt autem hi tum ipsa sanitas, tum quæ sanitatem sequuntur omnia. Quamobrem præsentē sanitate,

tate, & his, quæ à sanitate proueniunt: illius causas præsentē esse dignoscimus. Neque enim partes bene tēperatę esse possunt, & suas functiones, & opera probē obire valent, nisi humores corporis, quæ temperiem faciūt, rectē sint affecti: unde hæc sibi mutuō lucem præbent: à causis verò signa etiā sumimus ad causas ipsas significandas. Nam cibus optimus humores optimos, qui sanitatis sunt authores, gignunt, & genitos ostendunt. Verum quum non omnium causarū sint causæ, sed ab immediatis ad externas dūtaxat progredi possimus, vltimæ ad sequētes omnes, & priores ad posteriores cōprehendendas notas præbent, quæ verò omnium sunt primæ, & remotissimæ ex aliis causis amplius non depræhenduntur, sed ex propria natura, effectibus, & ex aliarū causarū similitudine. Quemadmodū sanē effectus sanitatis ex suis causis, nēpē sanitate sanitatisq; causis, tum ex propria natura, & priores qui; statim à facultatibus, & sanitate nascuntur ex posterioribus tanquam ex effectibus: omnium verò postremi ex aliis effectibus cognosci nequeunt, veluti temperiem ventriculi, quæ secundum naturā est, proba concoctio, hanc bona nutritio, huiusmodi verò nutritionē viuīdus color, hunc nihil aliud sequitur. Quamobrem ex aliis effectibus, quum nullos post se relinquat, id cognosci nequit, alij verò omnes priorum tanquam effectus, & posteriorum tanquam causæ, signa euadunt. Nam proba nutritio index est bonæ coctionis, quæ in ventriculo obitur, nimirū quum sit illius effectus, illa autem huius causa est, & indicium. Quod verò iuuantē lædentēque causæ, & similitudines cum his, quæ sanitatem, causas illius, & effectus secundum naturam habere putati sunt, signa quoque in his exhibeant, ex superioribus (ne idem repetamus) constare puto.

*Signa, quæ predictorum genera differentiasque indicant.*

## CAP. VI.



AM verò postea quā ostendimus quid sit, quod sanitatē, illiusque causas, & effectus declarat, sequitur vt doceamus, quæ sint notæ sanitatis simularium partium, & etiā dissimularium: quæ præterea monstrent illius causas,

& effectus: quid illorum differentias nempe salubritatem, insalubritatem, & mediam inter has cōstitutionem. Itaque sanitatem similarium partium, bonam inquam illarū temperiem, & formam ostendūt quæ ex illarum essentia petuntur indicia. Optimè etenim temperata, & in forma nullā labem habere conspicitur pars similis, quæ sana putāda est. Eodem pacto instrumentarias sanas censemus esse, quum illarum structura secundum naturam esse conspicitur. Indicant præterea hæc ipsa illorum causæ quæ præsentēs sunt, & præcesserunt, effectrices, conservatricēsque: etenim æqualis humorum proportio, proba victus ratio, decens conformatio, iusta magnitudo, perfectus partium numerus, cōcinnata, aptaque earum compositio sanitatē similis, instrumentarizque partis, & totius denique corporis declarant: Nam quæ temperiem formamque partis tuerentur, constitutionis similarium illius sunt indices: Quæ verò constituunt, servantque cōformationem, magnitudinem, coniunctionem, & unionem, propria testimonia existunt naturæ dissimilarium corporum: quanquam tamen ferè contingit, ut quæ vni constitutioni profunt, eadem etiam quod in alia secundum naturam est, conservent: Siquidē ab his, quæ assumuntur, excernuntur, & retinentur, extrinsecusque occurrūt: & à nobis geruntur, mutationes in singulis contingunt, etsi quædam peculiariter vnā constitutionē magis quā aliam tueri & labefactare sunt nata: veluti cibus crassus, qui obstructiones parit, illæsa interim partium temperie. At qui moderatam habet substantiam, & concretum, & vnā etiam temperatus reperitur, naturalem temperiem, & partium meatus pariter tuetur: Quod etiam motus moderatus facit, qui aucto nativo calore similaribus prodest, & instrumentariarum ciuitates expurgat, expeditasque servat. Cæterum effectus, qui diuersam hanc constitutionem sequuntur, horum genera quoque ostendunt. Etenim integræ partium similarium functiones, ut attractiones proprii nutrimenti, eiusdem retentiones, alterationes, expulsionēs excrementorum, quæ peracta nutritione in singulis partibus supersunt, atque opera ipsa, quæ temperiem sequuntur, veluti corporis excrementa, quæ idonea substantia, quantitate, & qualitate sunt prædita: Præterea qualitates corporis, cuiusmodi est naturalis color, mediocris mollities,

& quæ exhalant à corpore moderate affecta, & denique qualitates aliæ, quæ à primis emanant, quum secundum naturam singulis insunt, propriam simularium partium sanitatem monstrant: Idem pariter sentiendum est in partibus instrumentariis sumptis ab illorum effectibus indicariis. Sunt porro hi sensatio, cogitatio, imaginatio, ratiocinatio, memoria, motus voluntarius: attractiones, retentiones, expulsion, distributiones alimenti, quatenus à partibus instrumentariis obeuntur: Nam publicæ partes cuiusmodi est ventriculus, duplices habent huiusmodi functiones: nimirum quas san. quas solius temperamenti beneficio exercet, quæ quidem illis propriæ censentur, quatenus ut similes nutriuntur, aliis verò funguntur ad totius animalis vsum, cavitatum filamentorumque, & demum eorum, quæ ad instrumentarias partes spectant beneficio: ergo quum hæ recte habent actiones, partes instrumentarias sanas repræsentant: ab eisdem verò fontibus signa capimus ad horum causas, & effectus ostendendos: Nam causæ, & effectus illorū ex propria natura, & causæ ex effectibus suis, & etiā ex aliis causis, si modo summi generis non fuerint, & effectus ex propriis causis, & ex aliis effectibus, si modo postremi non sunt, percipies. Veluti caliditatem, quæ temperiæ efficit, ipso tactu sese prodere ipsius caloris natura agnosces, cibi calidiores, motus vehementiores, & reliqua viuendi ratio, quæ corpus paulo vehementius calefacit calorem in corpore vigere, cuius nimirum est causa, aperit motus validiores, celerioresq; animi, & corporis, utpote qui à calore proueniunt, tanquā effectus exuperantis caloris sunt notæ: Ambulatio recta, & secundum naturam sanitatis est effectus, ac per se ipsam innotescit, eam etiam indicant causæ quæ eam pariunt: si quis enim optime constructa crura, & bene affectam motricem facultatem in alio conspiciat, bonā esse, quæ ab ea proficiscitur actio, tanquā ex sua causa colliget: Quod si paruo temporis spatio iter longū quis conficiat, statim intelliget tanquam ex effectu promptā, faciliēq; illi esse ambulationē: eodem verò pacto alias causas, aliōsq; effectus sanitatis cognosces. Ex eisdem etiā fontibus differentias illarū depræhendes: etenim salubritatē, id est probā, optimāq; sanitatem: insalubritatē, id est deteriore cōditione affectā, & neutram, ac inter has mediam corporis constitutionem, ad hæc salub

salubres causas, insalubres, & neutras, quæ salubritatis, insalubritatis, neutriusque status sunt effectrices, conservatrices iuatricisque, nec non etiam salubres, insalubres, neutriusque effectus, qui à suis constitutionibus nascuntur, ex causis, effectibus, & propria singulorum natura intelliges: Siquidem optimam sanitatem, optima quæ percipitur sensibus illius natura, optimæ causæ, optimique effectus monstrant, deteriori verò hæc deteriora: Sanitatis causas optimas esse cognoscimus ex optima illarum natura, ex optimis suis effectibus, & optimis causis: & demum effectus optimos, quum optimi conspiciuntur, ac ex suis optimis causis, & effectibus, percipimus: sibi enim mutuo hæc signa præbent, & genera ex generibus, & differentiæ ex differentiis signorum deprehenduntur. Contingit tamen ut eadem nota sanitatis, & illius causæ sit testimoniū, veluti facilis, promptaque nutritio sanū esse corpus, & in eo calorē præter alias qualitates vigere monstrat, & color pallidus ut bilem redundare, sic corpus non inculpata sanitate præditum nunciat: Ac in omnibus præterea ex similitudine notas petimus: Si quos enim sanos optime constitutos, vel temperatos, aut bona structura donatos, vel aliter affectos agnouimus, eadē illis tribuimus, quos iis similes putamus: sic enim de liberorum natura, & vita statuimus ex similitudine parentum ducta coniectura, & indiciis.

*De signis cognoscendorum humorum.*

C A P.

VII.

**S**UNT porro inter causas sanitatis, & morbi præcipuæ humores: valet etenim corpus, ut auctor est Hippocrates in libro de Natura humana, & res ipsa docet, quum hi probam qualitatem obtinent, & iustam mensuram seruant, suisque in locis continentur: ægrotat autem, quando sunt contrario modo affecti, siquidem temperies, formæque partium ob formam, alienasque humorū qualitates labefactantur. Ac non solum quidem simularium natura humorum vitio corrumpitur, sed etiam ferè vniuersa corporis structura ex illis sua mala contrahit: Nam vlcera, inflammationes, cancri, & ( ut semel dicam ) tumorum generatio, calculorum, lumbricorumque procreatio, immoderata partium crassities,

ries, & extenuatio, obstructiones, figuræ plurima vitia, asperitates, læuitatēque partiū præter naturam, & nonnunquā etiam luxationes: & denique aliæ omnes propemodum noxæ ob humores in nobis accidunt. Adde quod animi corporisque functiones ad humores ut plurimum, tanquam ad earum auctores referimus, quo magis illorum naturā, & vim medicum tenere oportet. qua quidē de re libro quarto de Sanitate tuenda, & primo, & quarto Aphorismorum ex professo agit Galenus, ut alios infinitos locos omittam, in quibus obiter illorum notas se tradere pollicetur: Verum meo quidem iudicio, nulla methodo id facit, quum ex colore ab excretionibus consuetis, à symptomatibus, visu antecedente, facili tolerantia vacuationis, ab his præterea, quæ cum natura humoris sunt cōiuncta, à sexu, regione, vrina, deiectionibus, sudore, sapore, somno, vigilia, calore, frigore, ex pustulis, quæ in corpore oriuntur, otio, labore, & aliis huiusmodi eas peti scribit: Quum enim tractatio omnis, quæ methodo nititur, eo possim attestante, à summis generibus inchoare debeat, probari certē non potest, quod in hac re ita ab eo docetur, nimirum quum nulla capita, nullōsque fontes proponat, à quibus signa omnia ducantur: quo fit ut semper aliquid omittat singularem enumerationem: Id quod facile unicuique patere puto. Nec etiam si omnia recenseantur, propterea arte docentur, quæ eo modo explicantur: Nā genera prius quàm infimæ species semper doceri debent: sic enim quæ sunt eiusdem naturæ sub eodem genere comprehensa, etiam si non enumerentur, intelliguntur, audacterque affirmare possumus nihil fuisse prætermisum, quod quidē non solum certam reddit doctrinam, sed etiam animum veri agnoscendi cupidum solatur, minuitque studiosi laborē, dum ex omnibus authoribus omnes notas colligere nituntur, & interim multa superflua acervant. An propterea (quæ so)putare debemus tot esse pituitæ, aut alterius humoris indicia, quod perlectis omnibus Galeni libris, nō plura sint inuenta? Quid si nonnulla omittat? Quid si plura, & aliqua inutilia tradat? Nonne vanum putabimus huiusmodi laborem? Ac quanto quidem satius esset statim ab initio genera inuenire, ex quibus horum vniuersa signa petuntur, & artē excogitare, ad quam omnes auctores, omniū præcepta, vniuersæque notæ referantur, cuiusque beneficio quid deficiat, vel



vel redundet, quid denique rectè, vel perperam ab vnoquoque tradatur, agnoscere liceat. In hoc præterea ætem apud Galenum desidero, quod quum inter signa quadã sint, quæ genus, alia quæ speciem, differentiãque humorũ ostendunt, alia aliis certiora, maiorẽque vi præditas alia quæ eos in toto corpore redundare, alia demum, quæ eosdẽ in partibus quibusdam solum contineri monstrant, hæc capita inter se non distinguat, nec quæ sunt singulis propria tradat, quum tamen plurimũ referat hæc inter se distinguere, & proprias illorum notas certa methodo docere. Itaque licebit unicuique, qui arte vti velit ex prædictis fontibus humorũ vniuersa indicia sumere. Sunt enim humores suapte natura quidã calidi, & sicci, vt bilis: Alij calidi & humidi, vt sanguis: quidam frigidi & humidi, vt pituita: alij frigidi, & sicci, vt humor melancholicus: temperati alij, vt tota eorũ massa, quæ etiam sanguinis nomine donatur, ex omnibus iusta quadã proportionẽ, exuperante tamen sanguinis copia confecta. Sunt qui in occultis, malignisque qualitatibus naturã obtinent, vitiatãque sunt forma, quales sunt, qui in aëre pestilenti gignuntur, aut à venenis tota substantia lædentibus inficiuntur. Ac vbi quidem illorũ natura in euidentibus qualitatibus posita est, licet ex ea quis humor redũdet deprehendere. Si enim tactu calidius sicciorque corpus sentiatur, calidos & siccos in eo vigere humores colligimus. Sic calidos & humidos, & denique alterius naturę, quã scilicet tactus subesse iudicat. Est enim hic sensus primarũ qualitatum index optimus. Quod si maligna humorum natura extiterit, non perinde licet tactu eam dignoscere, quippe quum per malignos morbos venenosa sæpe sublit in humoribus natura, quæ omnẽ tactum fugit. Quum verò excernuntur, visu commodissime id facimus. Nam si quis æruginosam bilẽ excretam videat, contemplatione illius formæ malignum humorem statim agnoscet, sicut etiam pituitã aut alterius generis humorem, cuius natura in primis qualitatibus est posita, vnde optimè Hippocrates in libro de Natura humana scribit pituitã etiam vi tractã perpetuò frigidam apparere, quòd illius natura sit frigidissima, quæ etiã tactu percipitur. Vnde excreta hoc vno modo nobis indicia præbere dicuntur, quatenus scilicet humoris excreti naturam, quæ perinde non erat perspicua, quũ in corpore lateret, sensibus liceret

liceret percipere. Habent præterea humores suos effectus, quales sunt secundæ tertiæque qualitates, & quæ in corpore pariunt, ex certa etenim tēperie humorū, color, sapor, odor, crassities, tenuitas, visciditasq; in illis prouenit: ob id signa quæ ab his ducūtur, scribit Galenus ab illis sumi, quæ cū humoris natura sunt coniunctissima, & meritò quidē quū illi potissimū sint cōstituendi eorū effectus, qui ex primis qualitatibus, in quibus eorū natura collocata est, nascuntur. Si quidem secundæ tertiæque qualitates immediate à primis sunt: ab his igitur notæ hoc modo capientur: si quis enim pallido colore quempiā videat, meritò bilem pallidā in eo abundare iudicabit: sic nigram, si niger sit corporis color pituitā si albus, sanguinē si ruber, malignū verò humorē si huiusmodi color appareat. Eodē modo si tenuē, & flauum, vel pallidū humorē à corpore excretū cōspiciamus, pallidū, flauūq; bilē eā esse iudicabimus: quoniā huiusmodi color, & consistētia, quæ bilis naturā sequūtur, adsunt: viscidi, crassi, & albi omnes ex pituitæ genere cōsistūt, nigri, & crassi melancholici omnes: aquosi, & diluti serosi generis, & deniq; quū noueris qui sint proprii colores, propriæque consistētiæ humorū, ex illis licebit, quales sint humores, qui abundāt, dignoscere. Hoc modo etiā excrementa, quæ reiciuntur à corpore, humoris abundantis sunt indices, quòd scilicet sensibus subiiciāt qualitates cū natura humoris cōiūctas. Habēt & suos sapes, & odores singuli humores: est enim sanguis dulcis, & pituita etiā quoddā genus, bilis amara quæ pallida est, flaua vitellina, æruginosa, isatodes, & atra ea, quæ ex his gignitur. Nec existimare quidē oportet omnē atrā bilē acerbā esse, vel acidā. quæ admodū Galenus scribere solet nulla adhibita distinctione: Nā quum, eo authore, atra bilis vel ex flaua, aut ex sanguine vel humore melancholico procreetur: ea certe quæ ex amara bile, qualis est flaua, per assationē gignitur, nunquā acida esse potest, siquidē acidus austerūsq; sapor exuperantis frigiditatis sunt indicia, & rebus primo insunt, dum crudiores existūt, ac nondū à calore elaboratæ, & percoctæ: tunc enim acida, dulcia, amara, & salsa demum euadunt. Itaque si amara, vel eundē retinent, vel in sequentem, succedentēq; saporē permutantur: constat quod amarum est nunquā acerbum, vel acidum fieri posse. Est autem austera, quæ secundum naturam est, melancholia, quum  
prop

proprio nomine humorem melancholicum in libro de Naturalibus facultatibus Galenus vocadam esse censet. Acida est atra bilis, quæ ex humore huiusmodi prouenit: Nā acerbum in acidum transire aptum natum est, vel forte etiā huiusmodi sapore est prædita, quæ ex sanguine præsertim limoso, & non bene à feculento humore expurgato conficitur. Refert quoq; saporē acidum pituitæ quoddam genus, quæ ob id acida pituita vocatur. Qui verò insipidi sunt humores, omnes ex pituitæ genere consistunt. Salsus verò humor, vel pituita est putrefacta, aut cum humore seroso mixta, aut ipse etiam solus serosus humor. Cæterum boni odoris sunt humores temperati, putridi verò pessimi, calidi, & humidi virosus nescio quid referunt. Qualis verò sit bilis, vel pituitæ, & (vt semel dicam) singulorum humorum odor, nec exprimere, nec agnoscere facile possumus. Docendi tamen methodus postulat, vt ab his etiam proprias humorum notas petamus. Iam verò ea, quæ humores in corpore pariunt, vniuersa vel ad animum, vel corpus pertinere dicamus: Animi quidem mores quales subsint humores, indicant. Nam qui iracundi, & furibundi, biliosi, stolidi, & ad risum profusi, incōtinentes, impudentesq; sanguinei: Astuti, cauti, prudentes, cōstantes, ingeniosi melancholici. Maligni, proditores, simulators, osiores, iniuriarumq; memores, & peruerso ingenio præditi censentur, quibus atra bilis dominatur: obtuso ingenio præditi pituitosi: vt enim corpus frigidum, & humido humore grauatur, sic & animus obruitur. Quo magis mirari subit, quòd Galenus scribat pituitā ad animi mores nihil conferre, si enim corporis temperiem illi sequuntur, quor non putabimus à frigida & humida temperie, cuiusmodi pituitosa est, certo modo aliter quàm ab aliis humoribus affici? Valent memoria melancholici, felicior est imaginatio, & rerum cōprehensio sanguineis, & pituitosis, nimirū quòd in humido promptiores fiant impressiones, vnde pueri, & mulieres maxime dociles putantur. Qui verò marura iam sunt ætate, ineptissimi ad discendum apparēt. Qui téperatos habent humores mediocria hæc omnia obtinent. Mania, vt affectus præter naturam attingamus, atra bilis exuperantis in cerebro est indicium. Tristitia, & melancholia humorē melancholicum testantur. Delirium bilis flauæ, aut sanguinis, vel vaporis biliosi dominium monstrat. Ac

vt bre

vt breuiter dicam, animi perturbationes, & morbi qualis sit temperies, & humor redundans repræsentant. Quæ verò ab humoribus in corpore proueniunt, placet ita diuidere, vt quædam ad habitum corporis, quædam ad illius actiones, alia verò ad eiusdē passionem referantur. Nam habitus gracilis cum venarum amplitudine biliosum humorem vigere indicat, carnosus sanguinem bonum, crassus & mollis pituitosum, pinguis frigidiorē, sed nondum pituitosum sanguinem monstrat. Asper, durus, gracilis cum venarum angustia melancholicos sequitur humores. Tensum corpus vt carnis, adipisq; abundantiam comitatur, sic declarat sanguinem copiosum, aut frigidiorē subesse. Liceret ex his, quæ à corporis habitu prodeunt, veluti ex pilis signa colligere redundantis in corpore humoris, sed licebit vniciquæ materiam ex Galeni Arte medicinali mutuari, hac sibi proposita methodo, vt omnia, quæ ad eos pertinet, vel ad illorum ortum, vel casum, vel incrementum, copiam, consistentiam, figuram, colorem, duritiem, asperitatem, & læuitatem referantur. Quibusdam enim citius aliis tardius oriuntur, & decidunt, vt admodum biliosis. Eisdem naturis pili cito crescunt, & pallido colore sunt tincti, & contorti, asperi, duri, & (ne singula in hac re prosequamur) facile quilibet inuenire poterit omnes pilorum differentias, quæ non prouidentia naturæ, sed materiæ expirantis à corpore ratione proueniunt, humorum copiam, qualitatemq; sequi. Inter corporis functiones recepta à medicis diuisione, quædam statuentur naturales, quædam vitales, aliæ animales. Eas autem vocamus naturales, quæ famulantur generationi, nutritioni, & auctiori. Vitalem vocamus facultatem, quæ pulsus ædit. Animalem vim principibus actionibus, sensationibus, & voluntariis motibus præesse putamus. Igitur celeres motus biliosos comitantur, tardi pituitam, moderati, & graues temperatos humores ostendunt. Contendunt fere cum biliosis in celeritate sanguinei, sed citius exoluuntur, quibus bilis abundat, diuque perseverare in officio nequeunt, compositos ædunt motus melancholici. Inordinatos & furore plenos atrabilarij, & qui admodum biliosi existunt, tardi ad motum sunt pituitosi, sed minus fatigantur. Vegetos sensus habent biliosi, acutos melancholici, laudabiles quidem, sed turbulentiores sanguinei, obtusissimos pituitosi, moderatos tēpe

rati: Quod verò ad principes functiones pertinet, in animi  
 functionibus, & perturbationibus sumus cõplexi. Solemus  
 enim animi mores vocare potissimũ rectricis facultatis fun-  
 ctiones, & quæ in corde fieri putantur passionēs, vt irã, tristi-  
 tiam, gaudiũ, magnanimitatẽ, constantiã, de quibus præsens  
 locus diligentiorẽ tractationem nõ postulat. Ad sensus perti-  
 nent somnus & vigilia: Sunt autem maximẽ vigiles melan-  
 cholici, & biliosi, summo sunt magis dediti temperati quàm  
 illi, etsi id moderatẽ, magis adhuc sanguinei, omnium maxi-  
 mẽ pituitosi. Quòd verò ad naturales functiones pertinet  
 prõpte cõformantur, & adolescũt biliosi, deinde sanguinei,  
 postea pituitosi, postremo melancholici, qui vnã cũ biliosis  
 celerissima senectute conficiũtur. Incrementũ in omnes par-  
 tes humorũ copiã, & quòd citissime fit, etiam caliditatẽ co-  
 mitatur. Ad generationẽ, & venerẽ procliuiissimi biliosi, sed  
 cito exoluuntur. Id quod etiã melãcholicis accidit, qui flatũ  
 plurimũ congerũt. Sed his perinde inimica nõ est venus quũ  
 rarius semen emittant, vtpote ex flatu ad coẽundũ excitari.  
 Alij verò melancholici tarde ad venerẽ excitantur, & illius  
 vsu præter modum exsiccatò corpore maximẽ lædũtur, san-  
 guineorum potissimũ venus est, quũ semine copioso abun-  
 dent, etsi non perinde prompti sint, & expediti, vt biliosi. Pi-  
 tuitosi tardi ad venerẽ, nec tamẽ obest hæc illis si moderate  
 ineatur, calore siquidẽ pituita cõcoquit, & tẽperatius corpus  
 euadit, at frequentiore vsu, dissoluto semine calidiore substã-  
 tia vnã cũ spiritu vitali frigidius reddit. Ad cõctiones omniũ  
 aptissimi sunt sanguinei, ad attractionẽ biliosi, & ad retenti-  
 onẽ, in qua etiã melancholici illis fortẽ nõ cedunt, nimirũ q̃  
 siccitate qua hi abundant, retentio peragitur. Infirmissima  
 est retentio, & attractio pituitosis, cõcoctio melancholicis:  
 Ad reddẽda excremẽta, præsertim quæ per aluum excernun-  
 tur maximẽ idonei pituitosi: Sanguinei ad retentiõẽ, & ex-  
 pulsionẽ nõ perinde infirmi, vt pituitosi: omniũ verò illi fœ-  
 licissime nutriũtur. Distributio alimenti in biliosis felicius  
 obitur: In melãcholicis melius quã pituitosis: at deterius illi  
 quã hi cõcoquũt, & nutriũtur refragãte frigiditate, & siccitate  
 vtrique operi, vigente in pituitosis humiditate. Vitalis  
 vis validissima in sanguineis, deinde biliosis, infirmissima  
 pituitosis: deinde melancholicis, cui verò humores sunt  
 temperati, omnia hæc mōderata ad sunt. Ceterum inter pas-  
 siones

siones corporis hoc loco morbos ipsos, illorū accessiones, & dolorem, enumeramus: calidus enim morbus calidū humorem abundare monstrat, frigidus frigidum: Sic accessio quę quotidie aduenit, pituitam, quę tercio quoque die bilem flauam, quę quarto melancholiā, vel atrā bilem, quę verò perpetuum quendam tenorem seruat sanguinem: longę accessiones pituitam, vel melancholiā, breues bilem vel flatū redundare ostendunt: vehementes morbi, qui ex humore proueniūt, sanguinem, aut bilem omnino sequuntur, languidi pituitam: benigni ex sanguine potissimum, deinde ex pituita nascuntur: maligni primas obtinent: qui ex atra bile: secundas, qui ex humore melancholico: postremas, qui ex æruginosa, vitellina, & flaua proueniunt: Lethales ab omnibus humoribus fiunt morbi, maximè autem à bile flaua, vitellina, æruginosa, & atra: qui verò perpetuò hominem ad mortem vsque comitantur, ex atra potissimum originē ducunt, vt ostendunt cancri, & elephantiasis: Quòd si ex aliis humoribus eadem vis aliquibus concedenda est, pituita dabimus ex qua asthmata, scabies nonnunquam, & podagra toto vitę tempore sæpe affligunt: Dolor eadem ratione materiam abundantem significat. Erodens enim bilem flauam: obrusus & grauis pituita: tenuius vel flatū, aut sanguinem sequitur. Ac vt semel dicam licebit vnicique ex effectibus prædictis, & aliis eiusdem generis abundantis humoris notas reperire. Alleuiationes quoque & aggrauationes, quę excretionem humorū sequuntur, inter passionēs corporis nō ineptè reputari possunt. Ex quibus etiam indicia petuntur: grauis siquidē esse solet superflua, & familiarū humorū vacuatio, leuis autē si id quod est noxium educitur moderatè. Iam verò ex humorū causis illorū indicia cōmodissimè hoc modo ducemus: Nam quū à causis calidis & siccis bilis gignatur, sit profectò vt quę calefaciendi, & siccandi vim habēt, huiusmodi humorem ostendere dicantur: Hac enim ratione ætas aëris conditio, regio, anni tempus calidum & siccum, vita laboriosa, vigiliæ, curæ bilem flauam aut etiam atram, quum scilicet vehementius diutiùsque processerint, ostendere dicuntur: quoniam eam gignunt: Eiusdem generis est temperies corporis calida, & sicca, & sexus: veluti quum viros biliosos, mulieres pituitosas dicimus, & alia huiusmodi, quę vel humorem gignendi statim vim habent, vel illud

monstrant, quod eam vim obtinet, notas præbere ad bilem pituitamque cognoscendam dicuntur: siquidem temperies per se humores procreat: sexus autem, & ætas non id faciunt, sed qualis temperies sit indicant: veluti aer qui gignit quidē sibi similes humores, non tamen statim, sed quoniam primò corporis temperiē mutat: Regio, anni tempus qualis sit aeris conditio declarant, quorum sanē varietatem nemo distinguere poterit, qui ignoret quonam modo hæc abundantium humorū sint indicia. Præbet quoque suas notas materia ex qua humores gignuntur: eam autem suppeditant, quæ assumuntur, & retinentur. Quam enim id, quod assumitur, facilius promptiusque vertatur in sibi similem, quàm in alium humorem, eum, qui calido, & sicco nutrimento, aut medicamento, utatur rationi consonum est bile abundare: Eodem modo si quæ consuevit excerni bilis, non amplius excernatur, materia suppeditatur biliosa corpori, differtque à superiore, quod hic actū, illic potētia materia bilis sit, quam obrem genus signorum, quod ab excrementis cohibitis capi scribit Galenus ne plures fontes fiāt, ad materiā humoris redigatur, non tamē impedio alios aliter facere modo omnia indicia certis quibusdam generibus cōplectantur. Ducemus autem ex materiæ qualitate, quātitate, ordine, & assumptionis tempore humorū notas. Diuersi etenim humores, quum hæc euariant, procreantur: Nā temperati cibi in calidioribus corporibus, veluti admodū biliosis, bilem gignūt. In pituitosis pituitam, qui copia grauant coctricē etiam si biliosi suapte natura fuerint, omnino in pituitam degenerāt, quod etiam peculiariter de vino notauit Galenus, quod quidem et si calidū est vbi tamen largius sumitur, quàm confici possit: sopores, & alios huius generis frigidos affectus parit. Vbi autem ordo peruertitur, ut plurimum corrupti sunt humores, qui gignuntur: vbi verò intempestiue sumuntur, nondum priore percocto, pituita est qui prouenit humor. Nec minus licet ex subiecto corpore & instrumento, in quo humores procreantur, illorum signa capere. Qui enim in ventriculo, aut cerebro colliguntur, ut plurimum pituitosi esse putantur, quod illic pituitæ sit sedes: qui in liene continentur, melancholici esse solent, in venis serosi aut biliosi, vel sanguis ipse purior: in hepate verò bilis, vel sanguis coaceruantur. Colligimus pariter humorum notas ex cōmuni

corpo

corporis instrumento. Quibus enim natiuus calor imbecillior est, his pituitam abundare credimus. Qui vero natiuo calido abundant vt feliciter concoquunt, sic sanguinis optimi plurimum procreant. Quinetiam causæ sine quibus, suam vim in hoc ostendunt. Nam si alimentum non satis retinetur, donec sit perfectè elaboratū, pituitam abundare necesse est: contrā verò bilem, si postea quàm est concoctū extremēta tempestiue non excernantur: tunc enim quicquid est, longiore mora exurit. Ad hæc iuuantes causæ, & lædentes vt ostendunt qualis temperies sit: eodem modo quales subsint humores indicabunt, si quidem qui temperatis duntaxat iuuantur, temperatos humores habet: qui offenduntur à similibus intemperatos eos obtinent: quibus frigida, & humida profunt, calidis, & siccis humoribus sunt referti, & denique exceptis tēperatis, alios omnes offendunt similia. contraria autē iuuat. Seiunguntur porrò hæc causæ à gignentibus, & materiā suppeditantibus, quòd factū humorem corrigant, non autē vt aliæ gignant. Superest quartū genus signorum, quod à similitudine capitur, quod etiā ad humores cognoscendos suas notas confert: Nā si duos eodē morbo affectos cōstituamus & vno mortuo, aut dissecto vniuersum corpus, aut cor, vt aliam partem maligno, aut putrido, vel alterius generis humore plenū inuenerimus, aptissimè colligemus eosdem in eisdem locis contineri humores, nimirum quod similia ostendant similia. Iam verò illud explicandum est, quænam signa ex tanta multitudine certā omnino existant, & nunquam fallere valeant, quæ verò incertiora, & duntaxat coniecturalia, quidq; in singulis obseruandum, ne hallucinemur: Itaque notæ, quæ à natura humoris sumuntur perpetuò verè esse nō possunt: sæpe enim humor est calidus, qui in corpore viget, quū nihilominus frigidum corpus sentitur: quod in his apparet, qui per initia accessionū biliosæ febris, cōtracto ad interna viscera calore, extrinsecus rigent, frigidiq; sentiuntur: Quapropter inæqualiter affici corpus nō oportet, si ex tactu qualis sit cōtentus humor, dignoscere tentemus: tūc enim si corpus calidius, quā temperato conueniat, percipiatur, calidi omnino redundant humores. vel propria natura, vel aliunde ascito calore. Nam pituita putrida alio qui suapte natura frigida, calida cēsenda est. Inter effectus autem ea quæ sumuntur ex sapore indicia, quum



alſunt, perpetuo vera ſunt. Neque enim continuo qui exuperant humores, in linguam effunduntur, ſed quum percipiuntur, nunquam fallunt. Bilis ſiquidem neceſſario fuerit, quod amarum eſt: melancholicum quod auſterum & acerbum: quod verò dulce, omnino vel ſanguis vel pituita: ſic profeſſo, quum ea, quæ à corpore exhalant, grauem odorem repræſentant, corruptos putredinæque affectos humores arbitramur. Caterum in colore neceſſe eſt eaſdem diſtinctiones adhibere, quas prius notauiſus, quum ab humorū eſſentia ſigna ſumebamus, vt ſcilicet corpus in calore, & frigore mediocriter habeat. Nam frigus quum cutem conſtringit, humores ſimul in eo protrudit, & cutim liuidam, ac ſine calore reddit: ſic ſanè calor ſanguinè ad externas partes, quocutis rubicunda euadit cōmouet. Quamobrem quæ aut calefaciunt, aut refrigerant, externos affectus, vt calorem ambiētē, frigus externum, internos affectus, vt febre, pudorem, iram, triſtitiā, motum, nimiam quietē, ſomnum, vigiliā immoderatā, & ſi quæ alia huius generis reperiūtur, abeſſe oportet, quū ex colore iudicare volumus, qualis humor in corpore vigeat. At quæ ſumūtur ex animi moribus humorū indicia prorsus certa eſſe non ſolent, tum quòd ſæpe videamus alios eſſe mores, quàm corporis conditio oſtendat, vt in his, qui metu, aut religione cōercētur, aut nimia licentia proteruire ſinuntur, tum quòd corporis temperiem ſequantur, in qua qualitātū adeſt quidā exceſſus, quibus tamen nullus ſimilis peculiaris humor redundat: Non enim neceſſariū eſt in eo, qui paulò calidior ſicciorue ſit bilem ſtatim abundare, aut humorem melancholicum in eo, cui ſit temperies frigida & ſicca, nec pituitosus cōfeſtim putandus eſt, aut ſanguineus, qui humidus eſt cum calore, vel frigore. Quippe quum humorum generationes non qualēcunque, ſed maiorem quēdam qualitatum exceſſum requirant. Poſſe præterea vnica qualitas exuperare, quæ mutationis morū animi erit cauſa, generationis autē peculiaris alicuius humoris minimè, ſi modo in ſingulis duæ qualitates vincunt, Quod etiam ſpectaſſe Galenum videmus: quum in Arte medicinali temperaturarū corporis notas præſcribit: licet tamen ex animi moribus ſi non ſpeciem, ſalē genus humoris deprehēdere. Nam calidos humores in eo exuperare oportet, etiā ſi nō ſit bilis, qui ad irā eſt procliuſ, vbi verò

magnus quidam excessus in animæ functionibus conspicitur ex illis certas de humoribus notas ducimus. Quæ verò pariunt humores in corpore, præsertim si ea præter naturâ extiterint, signa certa præbent. Tertiana hoc modo febris bilem necessario abundare declarat. Sic accessio, quæ cū rigore inuadit, & motus morbi velox, & dolor mordicans, acris calidiq; humoris exuperantis sunt indices. Tumor qui vehementē dolorē infert, sanguinis, aut bilis, vel calidi omnino humoris est testimonium: ostendunt nihilominus habitus mollis humidos humores subesse, durus, & asper sicciores, corpulentia humidiores, & copiosiores, obæritas frigidiore, quanquā (vt diximus) sine redundante humore, qui vnam ex quatuor humoribus speciem obtinat, ob certā temperiem hæc eadem fieri possunt, nec non ob aliquē errorē, congestos alios esse succos, quàm huiusmodi naturales corporum constitutiones representent. Quis enim dubitet in molli corpore bilem abundare, si præcesserint quæ bilē procreent, in aspero & duro ob cruditatem & otium pituitam acceruari posse? Idem esto iudiciū de his, quæ in habitu corporis nascuntur, vt pilis, qui vt naturalem temperiē, & humores indicare valent: sic eos, qui ex quacūque occasione indies mutantur, minimè possunt. Flauus quidem pilus bilis est indicium, ex qua genitus est, qui iam vigēte pituita, huiusmodi colorem diu seruat. Caterum in excrementis illud obseruandum est, ne ab aliqua vi extranea emittantur. Nam si ob acrimoniā bilis, os venæ aperiatur, sanguis fluat: etiā si non abundet. Eodē modo si æstuante corpore sanguis profluat, non est id abundantis huius humoris indicium: sed si humor, qui excernitur sit excretionis causa, tunc signum est eundem, sibi que similem in corpore vigere: qui tamē excretus, qualis sit conspicitur. Bilem enim abundare in corpore agnoscimus, si effusus sanguis pallidior extiterit. At qui in causis, vel efficiētibus, vel materiam suppeditantibus illud latere non debet, si certa indicia habere velimus, vt omnes causæ simul coniungantur. Siquidē bilem abundare necesse est, si ætas, regio, cæli status, vitæ cōditio, alimēta, & omnia denique bilē procreantia affuerint. Quod si quædā deficiat, non certæ erūt notæ, sed tantū à certitudine deficiet cognitio, quantū à cōmuni consensu recedunt causæ. Quippe necessariū non est in iuvene bilem vigere, quum otiosa vitæ



frigidâque aëris constitutio, vel alia huiusmodi ætati cōtraria adsunt, quæ id quod ætas conficere potest, vincunt. Licet vnicuique ad horum imitationē in aliis, si quæ reperiātur, exceptiones & circūstātiæ adnotare, hæc enim mediocriter etiam doctis sufficere possunt. Nunc verò ex his fontibus signa haurire oportet ad ea cognoscenda quæ de humoribus scire medico expedit. Opus autem est imprimis separare genus à genere, vt bonos humores à malis, & calidos à frigidis, humidos à siccis, speciem à specie, vt inter calidos bilē à sanguine, inter frigidos pituitam ab humore melācholico, & serosum dictum humorē à reliquis omnibus, & infimas species ab infimis speciebus, veluti bilem flauam à pallida, pituitam acidam ab insipida, & dulci. Qualitatem præterea à substantia necesse est seiungere. Est enim aliquando id quod in humore peccat illius qualitas non propria substantia, veluti quū bilis calidior acriorque, non tamen copiosior existit: ad hæc scire oportet qui vinci alteratione possint, & qui non nisi vacuatione corrigi valeant, quibus præterea alteratio conueniat per ea, quæ tota substantia agunt, quibus verò sufficiat sola rerum qualitas: qui præterea ex humoribus ad vacuationem sint parati, qui verò minime: postremo an in toto corpore, vel in multis partibus, vel vna tantū humor contineatur, & si quæ aliæ sunt in humoribus differentiæ, quæ medici officia variare queāt, per proprias notas dignoscendæ. Præstant autem id, vt summatim dicam, ex singulis fontibus signa ducta, & vnicuique propria. Quod si in vno genere cōmunia omnia forte inuenies, in altero certe non deerit, quod vnicuique sit proprium. Itaque bonos humores indicāt imprimis essentia ipsorum humorū, quæ proba est, temperata scilicet quædam qualitas, bonus color, sapor, odor, substantia mediocris, boni effectus tum animo tum corpori peculiare, bonæ causæ efficientes, inquā, quæque materiam suppeditant, & sunt instrumēta, vel inter lædentes, & iuuantes reponūtur. Prodest enim probus victus, quibus boni adsunt humores, obsunt autem remedia, quæ malē affectis humoribus conferūt, contraria verò his malos humores ostendēt, ac ea maligna malignos, & benigna benignos abundare mōstrant, sic calidos à calidis distinguimus. Nam et si sanguinem, & bilem caliditas sequitur, peculiaris tamē quidam calor, nempe acrior, & mordacior bilē comitatur,

mitior

mitior & halituosior inest sanguini. At color certius vnum ab altero separat. Pallidus siquidem in quo bilis, rubeus in quo sanguis viget, color apparet. Alius præterea est sanguinis, alius bilis sapor, diuersa quoque est eorum substantia, & causæ propriæ propriique effectus, diuersæ similitudines, quibus inter se differre cognoscuntur. Atque eadem etiâ speciem à specie distinguunt. Diuersa namque hæc omnia in eo apparent, in quo flaua, vel vitellina, aut pallida, vel æruginea bilis exuperat. Nec non ex eadem methodo perspicimus in quo loco humores redundant. Si enim in vniuerso corpore qualitates humorum naturam constituentes sentiantur, ipsique humores, qui excernuntur per singulas corporis partes, per quas natura sese expurgat, similē naturā habuerint, si causæ humoris prædictæ totum affecerint, totiûsque effectus sequantur, qui vnius generis humores exuperare monstrēt, quis negabit eos in vniuerso animali exuperare: quod si in partibus quibusdā, aut vna solum hæc adsint, in eo duntaxat loco humorem vigere ex eisdē notis colligemus. Hoc namque pacto, quū vniuersum corpus æstuat, acrimq; persentit qualitatem, & color flauus apparet, percipiturq; amaritudo in ore, vrgent vigiliæ, æduntur motus celeres & inconstantes, pulsusq; emicant elatiores, deiecta est appetētia, torretur alimentū, & sanguis, infestat morbus biliosus vniuerso corpori peculiaris, adest iuuenilis ætas, corpus gracile, hirsutum, venis latis præditum, præcessitque victus omnis calidus, & siccus, & vbiq; calida & sicca obsunt, profunt autem quæ bilis acrimoniam retūdunt, & ipsam bilem educunt, si præterea quæ excernuntur per cutim, aluum, vesicam flaua fuerint, plenū huiusmodi bile vniuersum corpus agnoscimus. Quod si pituitæ indicia in vētriculo adsunt, bilis autem exuperātis in habitu corporis, aut venis signa apparēt, intelligemus inæqualiter corpus affectum, & varios in diuersis partibus humores redundare, quo modo ex vrina, & sudore potissimū quales sint humores, qui in venis, & habitu corporis continentur, & ex aliis etiâ notis, quæ succos in eo loco vigere peculiariter monstrant, quantum medicina promittere potest, cognoscimus, Non desunt etiam signa ex hac methodo, quæ ostendant vel exuperantes in humoribus qualitates, vel ipsorummet humorū in corpore redundantia. Nam acrimonia, quæ tactu sentitur, calidiorē osten-

dit subesse humorem biliosum, non tamen propterea copiosum, quum par sit ipsam bilem. Veluti nec etiā acuta exercitatio, & vigiliæ, aut qui præcesserunt animi corporisq; labores, ex quibus corporis quidem calor, & siccitas intenditur, non tamen usque adeo ut perpetuo ex sanguine affato bilis procreetur. Acrimonia vero, & flauties simul, cibi calidi, & sicci, & quæ vehementius excalefaciunt, siccantque, cauere non solum acriorem, sed etiam abundantiorē in corpore esse huiusmodi humorem testantur. At signa, quæ humorem indicant, qui alteratione omnino vincere nequit, monstrant, huius generis materiam nō aliter, quā in vacuatione corrigi posse, & quæ extenuatos, nullāque alia insigni qualitate præditos succos nunciant, eos ostendunt ad vacuationem paratos, foreque facilem & utilem huiusmodi vacuationem pollicentur. Quarum rerum usum in eo opere, quod (deo fauente) de euacuandi ratione breui ademus, & alibi in tota fere medicina agnoscemus: nihil enim frequentius ad manum in usumq; venit, quā de humoribus tractatio, & cognitio. Nunc verò superesse video, et multitudinis omnis notas tradamus: nam exuperantes humores nunc vires grauant, nunc conceptacula sua distendunt, aut proportionem iustam excedunt, quæ medicum ignorare non oportet, quum hinc varij morbi nascantur, & curandi, præseruandique ratio ex horum diuersitate varietur. Sed quoniam varia est multitudinis natura, varia vis, multiplicēsque differentia, quarum rerum signa nemo vnquam intelliget, qui hæc prius non cognouerit, paucis hæc explicare operæ pretium esse duco: præsertim quum nonnulla in hac re occurrant, in quibus Galenus, & qui cum sunt sequuti, mihi non satisfaciunt.

### *Multitudinis nota.*

#### CAP. VIII.



**Q**UOD Græcis πλῆθος dicitur, à quibusdam plenitudo, ab aliis verò multitudo verti solet, videnturque mihi melius hi, quā illi sentire. Nam quum à Græcis πλῆθος definiatur esse alicuius substantiæ ultra naturalem modum in aliquo loco abundantia, plenitudinis

nis nomen id nobis non indicat, siquidē partes plenas etiam appellamus, quæ naturalem mediocritatem non excedunt, nec vbi aliquod est vitium: veluti quum carne corpus, aut ventriculū nutrimento plenū dicimus, quum nec vires nec vasa quidpiam patiantur: nec proportio vitietur per huiusmodi plenitudinē. Quum autē multum esse quidpiam dicimus id, quod mediocritatem excedit multū dicimus, damnatūsq; tanquam id, quod excessum significat. Porro quum multitudo sit substantiæ cuiuspiam plusquam conueniat, in aliquo loco consistens abundantia, meritō à tribus illis differentiæ sumentur, nempe à diuersa substantia, quæ abundat, à loco diuerso, & ab eo, cuius ratione dicitur multitudo. Ac vt de tertia differentia primo agamus, multam substantiam in corpore intelligi debere scribit Galenus, vel ratione loci continentis, vel virtutis, quæ eam regit: vnde illa multitudo ad vasa, hæc verò ad vires vocari solet. Verū mihi prætermittere videtur Galenus tertium quoddā genus, illūque non solum in arte nostra, sed in aliis omnibus maxime necessarium, quod quidem ex proportionē sumitur. Multū enim sæpē dicimus esse in corpore humorē, vt multā bilem, multam pituitam, quæ tamen nec vires grauet, nec vasa distendat: sed quod proportionem, quā cum aliis humoribus habere debet, excedat. Alioqui quomodo (quæso) huiusmodi redundantiam multā nuncupabimus, si ea duo duntaxat ponantur, ad quæ omnis multitudo referatur? Statuantur ergo in tertio hoc genere tres differentiæ, ad vires, inquam, ad vasa, & proportionē: ex quibus cōpositæ differentiæ ex eorum complicatione resultabunt, ad vires & vasa, vel ad vires, & proportionem, vel ad vasa, & proportionem, vel ad tria simul coniuncta, vires, vasa, & proportionē. Vi-res rursus intelligimus vel naturales duntaxat, vel vitales, vel animales, vel duas, vel omnes iunctas: locum item capere debemus, vel vasa, quæ cavitatem habent, vt venas, & arterias, quæ propriē vasa vocantur, vt ventriculū & intestina: vel qui vasis respondet, quæadmodū Galenus multitudinem fieri scribit, quæ proportionē respondet ei, quæ est ad vasa, vt carnis, pinguedinisque multitudo dicitur, quæ non omnino vt humores in vasis, multitudinem faciunt. Præterea vel vniuersum est corpus in quo multitudo huiusmodi colligitur, vel quædam partes, vt venæ, vel vena quæpiam pars, velu

veluti ventriculus, & hepar. Porro substantia, quæ multitudinem facit, vt diuersa est, ita particulares quasdam differentias facit propriis nominibus à Græcis sæpius, & à nostris etiam nonnunquã distinctas: quæ enim à cibo fit, à Græcis *πλησμων* vocatur, vt author est Galenus in quodã aphorismo secundi libri, à Celso satietas dici videtur, quum ait, Querunt initium morbi, calor attulerit, an frigus, fames an satietas, defectum scilicet alimenti excessui opponens. Quæ verò à sanguine, vel omnibus humoribus proportionè aucti committitur, generali vocabulo *πλησμων*, id est sanguinis abundantia à Galeno in libro de Plenitudine nuncupatur. Quod si in toto corpore abundauerit sanguis, eodem teste decimo tertio Methodi *πληθύνει* huiusmodi multitudo nominatur: At si in partis substantia imbibitus humor fuerit, *φλεγμωδής*, id est inflammatio communi vocabulo appellatur: quæ ratione partis, peculiaria nomina recipit, vt pleuritis, phrenitis. Si verò in spatio, & concauitate partis contineatur sanguis, quoniam tunc concrefcit, *σπύγμωδής*, id est grumus dicitur: quod si alius humor abundet, vt bilis vtraque, pituita, aut serofus humor, vocatur in toto corpore cacoehymia, vt Galenus author est quarto Methodi, peculiari autè nomenclatura cacoethia, & corruptio, & (vt Galenus vult) plenitudo nuncupatur, cacoethia quidè humorum, quando illi maligna, & peruersa sunt præditi qualitate, vt in pestilentia accidit: corruptio, quando magnū ita vitiū est, vt non amplius ex naturæ coctione ad primā bonitatem humores redire possint, multitudo verò si paruum sit vitiū, ita vt sanguis eo, quod ipsum vitiat vacuato, ad suam naturā redigiqueat. Hæc Galenus decimo seprimo aphorismo libri secundi. Non tamen video quur multitudinis generale nomen ei differentię magis accommodet, quàm aliis. Cacoehymię præterea nomen vario modo etiā ille vsurpat. Nūc enim eam definit esse acrium humorum abundantiam, à qua hoc modo excludit pituitæ naturalis excessum, quum tamen sæpius cacoehymos eos vocet, in quibus alius à sanguine humor redundat. Quod si in habitu corporis huiusmodi humores exuperent, peculiaria nomina consequitur talis redundancia. Quæ enim à bile fit per vniuersum habitum sparsa, iſterus, & à nostris morbus regius, quæ verò ab atra bile, elephantiāsis, à pituita, leucophlegmasia hydrop

dropis species, in qua corporis partes tumidæ, & mucosæ conspiciuntur, dicitur. In partis verò alicuius substantia imbibito humore à bile flaua, herpes, & erysipelas, ab atra cancer, alter scirrhus. A pituita tenui quidem œdema, à crassa scirrhus. A seroso humore in ventris partibus collecto, ascites, circa testiculos hydrocele nuncupatur. Quod si in partis cauitate humor contineatur, ita vt tumorem non faciat præter naturam, multitudo vocatur cum denominatione humoris abundantis, veluti quum in ventriculo, capite, & reliquis partibus nunc bilem, nunc pituitâ abundare dicimus. Cæterum ex horû humorum mixtione, & varia alteratione, mixti, & varij affectus fiunt, de quibus hoc loco agendum non est. At si spiritus flatuosus abundet, auctore Galeno libro quarto de Victu acutorum huiusmodi vitium *πνυμάνσις* a nobis verò inflatio dicitur. Colligitur autem in variis partibus flatus, vt sub peritoneo, circa ventriculû, & intestina, qui vbi insignè tumorem facit, tympanites hydropis genus constituitur. Aceruatur præterea in membranis internis, in tendonibus membranosis musculorû, & spatiis, quæ sola ratione cognoscuntur, vocaturque huiusmodi abundantia pariter inflatio cum partis adiectione, vt inflatio ventris, vel intestinorum. Quod si carnis multitudo sit, à Græcis *πλησάρκεια* vt videre est apud Galenum libro secundo de Temperamētis, à nobis corpulentia nuncupatur, præsertim si in corpore vniuerso fuerit. In partibus enim sæpius etiam caro abundat, vt in testibus sarcocoele dicta, & epulides, parulides, thymi, quæ nihil aliud sunt (vt Galenus author est) quàm carnosæ quædam germina. At quæ ex pinguedine fit multitudo, obæfitas nominatur, & totum, partemque obæsam vocamus: si à pure contingat, à nobis suppuratio, à Græcis verò *ἐμπύημα* appellatur. At quæ ex substantia puri respondente nascitur, veluti quod ex coctione humorum, quæ in venis, & arteriis per febres obitur, subsidet in vrinis, hypostasis, & sedimentû appellatur, sit nõnquam ab alia substantia, quæ in corpore gignitur, vt in abscessibus refert Galenus lapides, sabulû, vrinâ, vngues, ossa, ligna, testas, amurcam, sorditiem, & substantiam melli similem reperiri, vnde huiusmodi multitudo *μυλινγίς* dicitur, quæ verò ex substantia sæuo simili conficitur *στάσιμα*, quæ pultem refert *λίγυμα* nominata est. Porro huiusmodi substantiæ



stantiæ omnes multitudinem, quæ est ad proportionem, quum excedunt semper committunt, eam verò, quæ ad vires, aut vasa non item, nec omnes eodem loco id facere possunt, siquidem alia solum in parte vna multitudinem excitant, vt cibus, potus, pus, & alia, quæ in abscessibus, & quibusdam partibus duntaxat gigni diximus: alia verò in toto, & parte, veluti humores singuli, caro, pinguedo, spiritus, quorum quædam multitudinem committunt ad vasa in toto, & parte, quemadmodum sanguis, spiritus, serosus humor, pituita, vt apparet in leucophlegmasia vbi vniuersum corpus à pituita distenditur: quæ vbi in partem decumbit, œdema facere solet. Alia verò sunt, quæ excitant multitudinem ad vires in toto, in parte ad vasa, vt bilis vtraque. Nam in toto corpore redundantes huiusmodi humores vasa distendere nequeunt, in partem verò quampiam irruentes eam, illiusque vasa præter modum replent, & tendunt, cum qua tamē alia etiam coniungi potest, quæ virium ratione spectatur, si modo illæ ea multitudine grauentur. Ad vires in parte eadem aliquando pariunt multitudinem, quum scilicet partē, quæ occuparunt, non distendunt, vires tamen grauant. Ex quibus quidem complicationes harum multitudinum vnicuique facile innotescere possunt. Nunc verò quæ sint propria cuiusque multitudinis indicia, tradenda sunt: de qua re Galenus in libro de Multitudine, libro primo de Differentiis febrium, nono Methodi, in libro de Venæ sectione, & passim alibi scribit. Est autem, inquit, eius quæ ad vires dicitur natura, quod vires grauet, cuius causa potest esse mediocritas, paucitas, & multitudo materiæ pro virium robore, & imbecillitate. Inciperēque potest cum bonitate humorum, non tamen diu potest cum illa permanere, quandoquidem omnino necesse est humores, qui regi à viribus nequeunt, putrescere, & corrumpi. In sanis præterea, & ægris consistere potest: Parit ergo putredinē, & corruptionē, præterea difficiles morus, tumores præter naturā, & febres. Vnde si in toto corpore continetur, ex totius grauitate, & pigritia (siquidem parua multitudo fuerit) deprehenditur: Sin autē magna, ex signis prædictis auctis, adiuncta mentis tarditate, & sensuum hebetudine dignoscitur, quod si in aliqua parte cōsistat, grauitas membri illius indicium est. Verum hæc simpliciter huius multitudinis propria nō sunt signa: Nam partis quoque pend

pondus sequitur grauitas, veluti in paralyticis contingit. Præterea quum grauitas nõ nisi à partibus sensu præditis, percipi valeat, nõ potest illa multitudinem partium, quæ nõ sentiunt indicare, sed solum earũ, quæ sensu sunt prædita: Nec verò in his omnibus multitudo grauitatem parit: quæ enim parua est, in partibus difficilem sensum habentibus sine vlla grauitate infestat. Quare de notis huius multitudinis ita statuendũ est, nullas omnibus communes esse, nec etiã quæ propria dicuntur indicia, vt grauitas quæ partibus sensu præditis propria ponitur, perpetua esse possunt, nisi di-  
stinctio hæc adhibeatur, vt Galenus nõnunquã facit: si inquã partes manifesto sensu sint præditæ, veluti ventriculus, vesica, caro, nerui: huiusmodi enim partes ab omni multitudine, quæ vires exuperet, grauitatem quandam sentiunt, estq; grauitas huiusmodi multitudinis certissimũ indicium, nisi pondus partis grauitatis fuerit causa, id quod intelligemus, si nullus præsens est morbus, aut proximè præcesserit, aut iam immineat, aut ætas sit, quæ membra ob infirmitatem regere nequeat. Veluti senectus, & prima infantia: Quod si pondus partis substantia quædã est, quæ vires grauet, nihil tamen ad rem nostram facit, vtpote qui de multitudine humorum hic agimus: At si partes obscuro sensu sint donatæ, vt pulmo, iecur, renes, ossa quædã, multitudo autem pauca fuerit, nulla grauitas percipitur: Si verò multa, obscure: vt Galenus se in osse multitudinem per sensisse commemorat, quod si nullus omninò adest sensus vt in quibusdã ossibus, pinguedine, adenibus nonnullis, medulla, cerebro, spinali medulla, & (vt quidã putant) carne hepatis, lienis, pulmonis, & renũ cõtingit: vt nihil possunt huiusmodi partes sentire, sic nec grauitatẽ. Nec moueri quidẽ oportet, quod grauitas in visceribus his nonnunquam sentiatur: non enim viscerũ ipsorum est affectus, sed ambientium ea membranarũ, & tunicarũ: ac nihil profecto inuenio scriptũ, quod venarũ, membranarũ, cartilaginum, ligamentorum, adenum, ossiũque ipsorum multitudinem hanc indicet, nec etiam quid naturales facultates hac multitudine laborantes ostendat: Quod enim quidam hanc indicari dicunt ex nutritione inbecilla, deprauata, abolita, malo corporis colore, attractionis, retentionis, coctionis, expulsionis, naturalis appetitiæ, & denique reliquarum naturalium actionum vitio, non tam  
facile

facultatem eam multitudine humorum molestatam, quàm alio morbo, vt intēperie affectam monstrant. Vitalem sanē facultatem multitudine grauata[m] prodit pulsus inæqualis in vna pulsatione, quemadmodū Galenus probat, animalem vero (quum illius facultas sit sentire, & mouere) grauitas, & ad motum pigrities, præhabitis prædictis distinctionibus, & aliarum operationum læsio restantur, nisi morbos hæc sequatur. Neque verò ab essentia rei notæ duci possunt ad eā multitudinem, quæ in quadam collatione cōsistit, ostendendam. Causæ præterea, quæ eam cōmittunt, nihil certum præbent, quandoquidem corporum diuersa est cōditio, fierique potest, vt aliquid vnū grauet, alium verò mi nime. Nō sunt tamen prorsus contemnenda indicia, quæ à iuuantibus, & lædentibus causis sumuntur. Quæ autem genus materiæ, & qualitatem multitudinem hanc committentis declarant, ex his, quæ tradidimus de cognoscendis humoribus, petenda. Iam verò multitudinis ad vasa notæ tradendæ sunt, quam duplicem facit Galenus contra Iulianū, vbi scribit vnā esse, in qua vasa plus humoris habent, quàm habere debeant: aliā, quæ nō solum naturalem mensurā excedit, sed præterea intra vasa nō capitur: videturque huic vltimæ plethoræ nomen conuenire: Quum scribat in libro de Multitudine plethoræ nondum esse, quum sanguis venas non distendit: vel ergo multitudo ad vasa nondum, aut iam est præter naturam: illa ex tumore partis indicatur: vt si in venis tumore venarum, si in carne tumore carnis, hæc autem tumore, & tensione dignoscitur, quæ si adhuc increseat, tensionem ruptio sequitur. Quum autem plethoræ, cachochymiam, & cachexiam scribit Galenus primo Methodi esse præter naturā, nō de omni huiusmodi vitio, sed de eo, quod multū excesserit, intelligendum est. Vtitur autem Galenus distinctione, vt materia multitudinis huius causa certo deprehendatur. Nam venarum tumor à sanguine, & spiritu fieri potest. Creditur autem tunc à sanguine fieri, si vniuersum corpus æqualiter calet. Requirit præterea Galenus partis moderatum situm: verum id non tam ostendit à sanguine non committi, vt eum in omnibus venis minime abundare: Quū enim decliuis pars continetur, sanguine quidē repletur, etiā si huiusmodi humor in corpore nō vigeat, sed quæuis alia materia. Vnde hoc signo uti non licet ad materias inter se

inter se distinguendas, quæ in eadē parte redundare queunt. Sed vt intelligamus an in toto corpore, vel in vna solum sit redundantia, quippe quum in proprio situ pars detenta tumidas venas habet, in vniuerso corpore sanguinem potissimum exuperare intelligimus: tradit alia Galenus de natura, proprietate, & effectibus huius multitudinis, quod scilicet dum bonitatem suam seruat pariter augeatur cum viriū robore: quod si has grauet, bonitatem naturæ amittat, nec amplius augeri possit, sed necessario in putredinem degeneret, nimirum quod illius causa vtplurimum est sanguis, calidum scilicet & humidum corpus, & ob id putredini expositum: quod præterea pariat obstructions, difficiles corporis distillationes, venarū retentiones, apertiones, ruptiones, & motum, & sensum perdat, inflammationes gignat, & calorem natiū suffocer obturatis corporis perspiraculis. Quæ quidem de multitudine sanguinis in vniuersis vasis cōtenti intelligenda sunt. Carnis enim, & aliarum multitudo huiusmodi vim non habet, liceat tamen ex aliis indicis huiusmodi multitudinem depræhendere: veluti ex causis propriâq; materiæ abundantis essentia, & ex aliis effectibus, de quibus omnibus abūde superiore capite egimus: Neque verò illud hoc loco expectandum est, vt notas doceamus multitudinis, quæ in proportionē vitiata est constituta. Nam qui cuiuslibet humoris vincentis signa tenet, eodē negotio cognouerit quis, qualisque sit humor, vel alia substantia, quæ proportionē vitiat. Licet enim ex humoribus ad alia facile trāsire. Frustra præterea prosequeremur notas multitudinis compositæ, veluti eius, quæ viriū, & vasorum ratione, vel etiā in proportionē vitiata simul consistit: quippe quum eo intel lecto, quod simplex est, facillime quæ sunt composita innorescant. Quare ad reliqua redeundum est.

*Morborum, eorūque causarum, &  
Symptomatum signa*

CAP. IX.

**E**TSI ea, quæ hoc loco proponuntur ex iis, quæ superius tradita sunt intelligi posse videntur, quandoquidem hæc illis contraria existunt, ne quid tamen lector in tractationis filo desideret, paucis hæc expediemus. Igitur morbum

propria illius essentia, illius effectus, causæ & similitudines ostendūt: vbi enim vulnerata est pars aliqua, structura corrupta conspicitur, & per seipsam omnibus se prodit: sic febris ex calore in quo eius natura, & essentia posita est, agnoscitur, & (vt semel dicam) omnis intemperies, omnisque structura corrupta per suam essentiam compræhenditur: Docēt & causæ, quæ morbos cōmittunt: Si quis enim ense hominē validē percusserit, illatum illi esse vulnus, & morbum in eo excitatum ex agente causa colligimus: febrem vero aut alterius generis intemperiem deprehendimus ex causis præsentibus, aut paulo antegressis, quæ huiusmodi morbos cōmittendi facultatem obtinent: actionū verō vitia, & qualitates, excrementaque & alia opera, quæ præter naturam censentur tanquam effectus morborum eorūdem sunt indices: Si quis præterea remediorum vsu iuuetur, victu autem & similibus offendatur, ex iuuantibus, lædentibusque causis corpus præter naturam habere intelligimus: Quod si quempiam perinde affectum atque alium, quem certo nouimus morbo cōfistari, videamus: ex illius similitudine colligimus hunc pariter vt alium affici. Eadem quidem ratione morborum causas dignoscimus. Si cui enim febre correpto exeat bilis, ipso humore conspecto, morbi causam agnoscimus. Rigor tanquam bilis per vniuersum corpus delatæ effectus causam, à qua prouenit, indicat: Sic etiā venarū tensio, ruberque color in febricitantibus humorū multitudinem, obstructionis febrisque causam testantur: debilitata ventriculi cōcoctio, reliquis causis constantibus, communis instrumenti vitium prodit. Quin etiam victus ratio, quæ præcessit biliosa, & ea, quæ bilem augment, aut extinguūt, & mitigant, tanquam causas remotiores, propinquiores alias morbi causas monstrat: Hac quidem ratione libro primo de Locis affectis Galenus colligit an pus vel crassus lentusque humor vrinariū meatum obtureret, quod scilicet ea præcesserint, quæ hæc procreauerunt. In his verō qui similiter affecti putantur, si euentus, aut alia ratio patefecerit, quæ, qualisque esset in vno morbi causa similitudo docet, idem de alio credendum. At præsentem rigorem vnusquisque per se agnoscit, vtpote suapte natura conspicuum. Quod si in corpore sinceram bilem redundare perspectum fuerit. Idem ex causis colligimus, nimirū quod causa, quæ in corpore continetur, rigorem in febribus effi-

cere

cere soleat: frigus vehemens, quod rigorem, vehementemque corporis concussionem sequitur, decoloratioque, & si qui alij sunt quæ effectuum morborum effectus, veluti excrementa præter naturam, quæ lasas actiones sequuntur, posteriores priores significant, & in omnibus similitudo cognitionem iuuat.

*Quibus indicijs morborum, earumque causarum, & effectuum genera cognoscantur.*

## CAP. X.



**V**T genera, & differentia rerum ex suis generibus, & differentiis signorum cognoscantur, docendi ratio postulat. Igitur genus morbi, quod consistit in intemperie, ab alio, quod in structura instrumentariarum partium ponitur ex propria essentia genere diuersa, ex suis causis, & affectibus, & similitudinis eodem modo discrepantibus percipitur. Si enim in corpore sentiatur intemperies, aut forma sit vitiosa, similes partes morbo laborare cognoscimus: Si in conformatione, magnitudine, numero, coniunctione, vel vniõne vitium appareat, instrumentaria partis morbus est. Partes præterea morbi genus morbi indicant. Qui enim per accessiones exacuuntur, ex humore, & intemperie consistunt: qui verò in generalia solum tempora diuiduntur, his exceptis, qui ex sanguine fiunt, aut cum sola intemperie infestant, nulla subiecta materia, quales sunt humidæ, siccæ, frigidaque intemperaturæ, & calidæ etiam, ubi nulla adest putredo, neque fluxio, ex aliorum morborum sunt genere. Distingunt præterea genera morborum inter se effectus, qui apti natique sunt diuersa genera sequi. Nam concoctio vitiosa in singulis partibus intemperiem testatur esse eum, qui subest, morbum. Ambulatio verò, quæ flexis, aut reflexis, aut contortis tibiis obitur, vitiatæ structuræ est indicium. At vitiosus color, qui in corpore apparet, non magis vnum, quàm alterum morbi genus ostendere valet: Siquidem coloris vitia, & obstructions viscerum, & male peractas concoctiones, vel expulsionones, vel attractiones, vel retentiones humorum sequuntur quemadmodum ipsæ concoctiones, & aliæ functiones, quæ in publicis instrumentis exercentur.

Nam quòd ventriculus perperam nutrimentum conficiat, intemperies potest esse causa: Potest nihilominus vlcus subesse, aut vulnus, quod vitiatò instrumento, retentionem, & vnà concoctionem labefactet. Vnde necesse est, vt is, qui velit morborum genera ex effectibus dignoscere, perspectum prius habeat, quid morbos similiarium, quid vero instrumentariarum partium, peculiariter aut promiscue sequatur. Iam vero causæ, quæ intemperiem solum inferunt, iuuant, vel lædunt, aut illatam conseruant, huius, & non alterius generis morbum manifestant. Quis enim intemperiem esse non dicer affectum, quem externus calor peperit, quem frigida iuuant, lædunt autem calefacientia, & fouent? Præbet in hac re sua quoq; indicia materia, in qua morbus concipitur. Sic enim in intemperie morbum esse agnoscimus, si in spiritu aut humore vitium est. Siquidem colligimus diariam esse febrem, si spiritus: synocham verò si sanguis in corde præter naturam est excalefactus. Neque verò desunt ex similitudine notæ. Nam si quis ex morbo perierit, dubiùmque fuerit, dum adhuc viueret, an inflammatio internam aliquam partem, vel sola intemperies vniuersum corpus infestaret: dissecto autem cadauere, agnouerimus solam fuisse intemperiem: colligemus profecto idem morbi genus esse in his, qui similiter affecti reperiuntur. Cæterum quæ & cuius generis sit causa, quæ morbum infert eadem signa monstrant. Nam bilis, quæ in corpore redundare conspicitur, & effectus, qui ab ea proueniunt, & causæ, quæ illam gignunt, minuunt, augent, aut alio modo iuuant, aut lædunt: humorem, qui intemperiem parit, nō aliā causam docent: Sic profecto febris, quæ per accessiones non affligit, tanquā effectus excalefacti, vel putrefacti sanguinis, testatur causam esse, quæ intemperiem vitiet, & cuius generis ea sit, quæ verò per interualla intenditur, remittiturque febris, alios humores in causa esse denunciat. Eodem pacto quæ, & quales sint causæ morborum instrumentariarum partium, ex propria earum essentia, propriis causis, & effectibus deprehendes, veluti etiam cuius generis sit symptoma, an ex illis scilicet quæ intemperiem, aut vitiatam structuram sequuntur, an verò ex illis, quæ calidam intemperiem, aut frigidam, vel humidam, vel siccam, aut potius formæ corruptionem, aut vitiatam conformationem, magnitudinem, numerum, coniun-

ctionem

tionem, vel vnionem labefactatam comitantur. Nam essentia symptomatum id ostendit, quum quædam ex illis sint, quæ intemperiem solum sequuntur calidam, vel siccam, vt sitis: alia quæ frigidam, vt fames: alia denique quæ solum similitudinem, aut dissimilitudinem partium vitia, & in vnoquoque genere peculiare quosdam morbos sequi sunt apta. Sic & peculiare quædam sunt causæ, quæ huiusmodi symptomata inferre, intendere, minuere, iuuare, ledereque possunt: peculiaria alia sunt symptomata, quæ à prioribus gignuntur, & illorum tanquam effectus sunt testimonia. Sunt & in vnoquoque genere genera similitudinem, peculiarisque natura. Ex quibus quod in hac re queritur, ne cogamur singula exemplis patefacere, quilibet, qui omnino negligenter, quæ hæcenus tradidimus non legerit, inuenire poterit: Nam genera summa ex summis generibus, & inferiora ex inferioribus deprehenduntur.

*Indicia morbi magni.*

CAP. XI.



T morborum genera symptomatum, & causarum patefacere studuimus: sic nunc de notis agendum est, quas aliquis in singulis morborum differentiis, quarum causas antea explicauimus, habere possit. Quam in re Galenus scribit libro de Constitutione artis medicæ, differentias morborum ex illorum, & symptomatum generatione, & causis suis patefieri: at quo modo id fiat non docet. Nos autem ab eisdem fontibus signa ducemus, siquidem differentes morborum essentia, eorum causæ differentes, & inter se discrepantes casus & similitudines differentias semper indicabunt. Præstatque hoc modo, meo quidem iudicio, re prosequi, quàm vt Galenus facit, qui in singulis differentiis tractationem variat, diuersaque signorum genera perpetuò constituit, & raro rem de qua agit, vnquam perfectè explicat: hinc est, quod sæpius de eadē re passim scribit, tanquam memor imperfectæ explanationis, quā alibi fecit. Ac ne longius abeam, magnitudinem morbi ex magnitudine symptomatum cognosci scribit libro tertio de Crisibus: in eo vero, quem addidit de Temporibus morborum esse morbum, qui sua natura magnus sit, ex vrinis oleaceis, & sputis, signisque aliis lethalibus manifestari commemorat,



Qua in re imprimis deficere videtur, quòd quū morbū māgnū multipliciter dici putet, nō distinguat, quomodo magnum intelligi velit, quum ex magnitudine symptomatū eum significari refert, an scilicet intelligere oporteat magnum eū, qui huiusmodi est sua natura, an vero potius, qui ex virium ratione magnus censetur. Deinde explicandum fuerat quid per magna symptomata intelligi velit. An quæ desperatā salutem nūcient, an potius, quæ vehementes causas ostendunt. Præterea urinx oleaceæ, & sputa, signāq; alia pernicioſa non tam morbum sua natura magnū, quā qui vires excedit, aut etiam malignum repræſentant. Postremò non solum ex magnitudine symptomatum, sed etiā ex causarum, & ipsarū dispositionum magnitudine, & similitudine aliorū magnitudo morbi depræhēditur. Magni etenim sunt, qui sua essentia magni, qui à magnis causis sunt excitati, qui in parte cōsistūt, vbi huiusmodi morbi gigni possunt, qui ex materia apta sunt procreati, quiq; non nisi à magnis remediis iuuantur, & qui ab omnibus rebus noxiis etiā minimis læduntur, & quos nouimus esse simillimos his, quos magnos antea didicimus. Ergo morbū magnū ita dictum, quòd magnam vim habeat (nam de eo, qui confertim affligit diceretur quum de vehemēti agemus) ostendunt imprimis magnæ dispositiōes, vt magna vulnera, magnæ febres, quin etiam morbi, qui accessiones longas, inordinatāsq; & anticipantes, aut in eodem statu permanentes sortiūtur. magni, validiq; esse solent. Causæ, quæ magnam vim obtinēt, veluti quæ vulnerant, calefaciūt, & refrigerant, contundūt, rumpunt, frangunt, suaptè natura morbos magnos inferūt, & declarant. In neruis, partibúsque neruosis, vel quæ principatum obtinent, aut publicū munus in corpore exercēt, magnæ oriūtur dispositiones, & ortæ indicātur loci ratione in quo cōsistūt. Magnā vim ad agendū sanguis & bilis vtraq; calida denique vel acris materia, & copiosa obtinet: vnde ex ea tanquam ex causa, ex qua morbi magni proueniunt, eorū magnitudinis notas ducebimus. Difficilè præterea feruntur morbi magni, quo indicio febres infestantes non diarias, sed putridas esse noscimus, quòd scilicet diariam faciliè ferat, qui laborat, difficilè autem putridam Sequūtur dolores magni, immoderata sitis, vigilia, sopor, inquietudo, magna in excrementis & colore, ac reliquis qualitatibus mutatio.

Hæc

Hæc enim tanquam effectus magnitudinis morborū sunt testimonia. Nec verò alienum est eos magnos existimare, qui magnis aliis sunt simillimi. Sic enim acceptum in brachio vulnus magnum morbū putare licet, quod in crure noverimus, aut in eadem parte alteri idē accidisse. At magnū ita vocatum morbum, quod vires ægrotantis, vel medicinæ superet, eadem signa ostendent. Etenim cancer, apoplexia, & elephantiasis hoc modo morbi magni suapte natura censentur, ac ex propria essentia, quam habent magnitudinem declarant. Qui perpetuò affligūt morbi, magni esse consueverūt, si præsertim cū febre id fiat. Atra bilis morbos quos committit, magnos esse significat, quemadmodū & magna putredo, & omnes magni excessus: Difficile quoque vincuntur morbi, & magni credūtur, qui nobiles corporis partes, aut vniuerso animali famulantes occupant. Huius generis etiam sunt morbi, quibus nulla, aut pauca profunt remedia, obsunt autem plurima. Idem quoque testantur abolitæ, aut admodum infirmæ, aut alio modo plurimum labefactatæ actiones, & mutationes insignes qualitātū corporis, & excrementorum, ac aliorum operum, quæ in corpore pefsime peraguntur: notūmq̃ue illud quoque puto genus signorum, quod à similitudine sumitur his morbos non deesse.

*Signa æstivi, vernalisq̃ue morbi.*

## CAP. XII.



**ÆSTIVOS**, qui scilicet æstati sunt peculiariter, ex propria natura morborū intelligimus. Nam tertianam exquisitam, febres ardentes, vomitus, alui profluvia nōnullas etiam quartanas, lippitudines, aurium dolores, oris exulcerationes, & genitalium putredines inter æstiuos morbos recenset Hippocrates. Inter vernaes verò: furores, atram bilem, morbos comitiales, sanguinis profluvia, anginam, granulaciones, raucedines, lepram, tussim, impetiginē, vitiliginē, exanthemata, tubercula, & articularū dolores: Proprios autumno scribit esse febres quartanas, & alias erraticas, lieeni morbos, aquam inter cutem, tabem, vrinæ stillicidia, difficultatem læuitatēque intestinalorū, coxendicum dolores, anginam, difficilem spirationem, voluulos, morbos comi-

tiales, furores, & atram bilem. Inter hyemales hos ponit: laterales morbos, pulmonis inflammationes, grauedines, raucedines, tusses, dolorem pectoris, laterū, atque lumborum, & capitis, vertigines præterea & apoplexias. Vnde ex propria natura morborum intelligemus qui æstiuī, hyemales, vernaes, autumnalēsque esse possint. Docebunt id quoque causæ, quæ morbos pariunt: siquidem aër frigidus, otium, crapula, refrigerantes humectantēsque cibi, ac reliquis victus, qui pituitam aceruat, hyemales morbos, id est similes iis, quos hyems facit, procreat: Aestiuos autem his contraria committunt. Ea sem sit de vernalibus, & autumnalibus ratio. Præbet nihilominus subiecta materia ad horū morborum dignotionem notas. Etenim caput, ventriculus, intestina, pulmo & pectus gignendæ excipiendæque pituitæ, & recipiendis hyemalibus morbis maxime sunt exposita. Hepar æstiuorum morborum, liē autumnalium, vernalium corporis fons existit: ea sem præbēt signa corporum differentiar. Nam crassa, obesaque corpora hyemalis pituitosiq; morbi indicia præbēt: æstiuī verò gracilia, & suapte natura biliosa. In sanguineis vernaes morbi, in melancholicis autumnales creari solent. Quod si didicerimus quosdam morbos non nisi certis temporibus accidere, alios, qui illis sunt similes non nisi in eisdē temporibus cognoscere tētabimur. Veluti si pestilentes morbi æstiuo potissimū tempore proueniunt, pestilentes febres, vel aliū huius generis morbum verebimur esse qui vel æstate, aut in simili tempestate infestat: Symptomata, quæ sequuntur peculiariter æstiuos morbos, eorum sunt indices.

*De notis morbi bilio si, pituitosi.*

CAP. XIII.



**B**ILIOSOS morbos ex propria illorum natura dignoscimus. Qui enim tertianam intelligit esse, statim etiam quod morbus sit biliosus comprehendit. Cancer verò, & scirrhi alterum genus, elephantiasis, mania, attrabilarij morbi sunt: pleuritis, peripneumonia, angina, sanguinei, pituitosi verò œdema, aqua inter cutem, & altera scirrhi species: ex causis præterea, quæ bilem gignunt, aut extinguunt, ex loco corporis, ubi huiusmodi humor gignitur, ex ipsius  
retea

retentione, aut excretionē idem declaratur. Idem quoque ex effectibus, qui bilem redūdantem sequuntur, nempe ira, morsu, calore, siccitate, siti, vigilia, gracilitate, cutis pallore, & ceteris animi, corporisque accidentibus, quæ per morbos biliosos apparent cognoscitur. Hoc enim pacto ardentē febrem biliosam credimus, quod in corpore bilioso, curis, laborēque confecto, aut bilioso victu vso oriatur, & quod excrementa biliosa reddantur per huiusmodi morbum, & quod eam prædicta symptomata comitetur, multaque cōmunia, & similia habeat cum his, qui aliis biliosis morbis infestantur. Quinetiam ex illius motu, & partibus signa sumemus. Siquidem celeriter mouetur biliosi morbi, grauitérque hominem afficiunt, & certis quibusdam diebus, & horis intenduntur, remittunturque præsertim si huiusmodi humor putredinem asciuerit. Idem putandum est de pituitoso, sanguineo, melancholicoque morbo: nam ad proportionem eadem quoque illorum sunt signa.

*Signa morbi in habitu.*

CAP. XIIII.



ORBVM in habitu, qui ita vocat, eo quod habitū corporis occupet, morbi natura ostendit. Quidam enim sunt, qui in eo solū gignuntur, quemadmodum hectica febris, quæ quum præsentem esse dicimus, statim etiā morbum in habitu esse intelligimus. Accidentia, effectusque morbi qui in habitu præsertim apparent, illic morbum consistere indicant. Quin & causæ, quæ eas partes corporis præcipue infestant, earumque dispositionibus profunt, aut obsunt, morbum in habitu corporis consistere manifestant. Qui verò in habitu dicitur esse, eo quod difficile solui possit, ex natura morborum cognoscitur. Etenim cancer, & elephantiasis suapte natura ægre tolluntur, quemadmodum, & quartana, quotidiana febris, & aqua inter cutem, scirrhus, lienisque durities. Bilis atra, eo quod huiusmodi morbos gignat, eosdē etiam patefacit. In neruis, ossibus, pudendis, senibus, infirmisque corporibus qui gignuntur morbi, ægre admodum soluantur & plerumque in habitū transeunt, sicut etiam, qui difficile cedunt iuuantibus auxiliis. Quibus autem cutis admodum est adstricta, aut alij meatus, per quos noxia ma-

teria excerni debet, in his pertinaces morbi redduntur. Quæ propter autumnales, hyemalæque morbi ægre admodum discutiuntur, quod per ea tempora cutis sit adstricta, & humores vigeant, qui non nisi magno negotio concoquantur, & extruduntur. Præterea inter symptomata quædam sunt, quæ curatu difficilem morbum ostendunt, ut asperitas, durities, niger color, summa gracilitas, aut tumor corporis, & excrementa multa, varia, & cruda. Actionum verò offensiones, quæ grauiiores sunt, necessario non repræsentant cõtumacẽ soluturque difficilem morbum esse, quandoquidẽ magnam labem hæ patiuntur per morbos acutos, qui tamen breui temporis spatio desinunt. Illæ ergo solum firma præbebunt cõtumacis morbi indicia, quæ sensim labuntur, stabiliore enim causam huiusmodi habent, & à firmioribus morbis proueniunt. Nam ut Hippocrates scribit paulatim refici corpora, quæ paulatim extenuantur: Sic paulatim dissoluntur morbi, qui eo modo, debilitatis viribus, lædunt. Pedum verò, & tibiarum morbos rebelles iudicamus, quod similes nouerimus his, qui manus, & brachia infestant. Quemadmodum duros tumores ex melancholico humore confectos cancri similitudine rebelles censemus.

*Quæ vehementem morbum monstrant, & acutum.*

CAP. XV.



**A**T morbos vehemētes declarat propria illorū natura: Nam pleuritidem, phrenitidem, cõtinentes, ardentēque febres inter vehementes morbos numeramus, & quæ eorū nomine videntur, statim ex ea, quæ subest natura, vehementem morbum agnoscit, sanguis verò, & bilis, & feruens adhuc atra bilis vehementem ad agendum vim obtinent: quapropter vehementes etiā morbos procreant, & ostendunt: quod testantur inflammationes carbunculi, prædictæ febres, quæ paruo tēporis spatio, & interim multū molestant. Quinetiā in partibus, quæ sensu exquisito sunt donatæ, vel principarum obtinent. vehementes morbi proueniunt. Neque enim illæ diu validius infestantes morbos sensu, vel robore insigni prædictæ ferre possunt: id quod monstrant dolores, qui quanto magis affligunt, tanto vehementior morbus euadit.

Adhæc

Adhæc produnt hoc genus morbi vehementia symptomata, ut vehemens sitis, vigiliæ, urinæ admodum rubræ, excrementa tosta, quæque igneum colorem præ se ferunt, ac per febres rubedo in vultu, & magnus æstus, qui in toto corpore percipitur, impedita, difficilisque admodum respiratio per cordis pulmonisque affectus eiusdem morbi sunt testimonia. Censendi nec non etiam sunt vehemētes morbi, quibus vehementia remedia potissimū opitulantur, alia autem vel obsunt, vel non profunt. Qua ratione ardentes febres vehementes cognoscimus, quod scilicet leui sanguinis eductione, & his, quæ exiguam refrigerandi vim habēt, minimè mitigentur, sed omninò requirant præsidia, quæ confertim prodelle possunt. In his præterea, qui ægre transpirant, vehementes febres gignuntur. Requirit deinde vehementis morbi generatio subiecti corporis robur, aut certe non omnino languidas vires, argumento, quod omnis morborum vehementia, morientibus quæ nostrum corpus regunt facultatibus, elanguescat. Ex aliorum verò similitudine vehementes morbos cognosci certius est, quàm ut demonstrari debeat, contra verò leues morbos ex contrariis indiciis intelligimus. Etenim diaria febris suapte natura leuissimus morbus est, veluti omnes ferè alij, qui ex tenuissima materia, ut spiritu nascuntur: vel ex frigida, & pauca, & qui in parte ignobili, ut cute consistunt, quique à leuissimis remediis alleuiantur, magnis autem potius offenduntur: & denique qui contrariam supra dictis naturam sunt sortiti. Acuti autem morbi indicia nemo requireret, si modo is cum vehemēti eiusdem est naturæ, & rationis: quemadmodum antea ostendimus.

*Nota continui morbi.*

C A P. XVI.



**C** A E T E R V M cōtinuos, qui nunquam desinunt morbos, donec finiātur, significāt impri-  
mis morbi, qui suapte natura sunt tales, ut angina, febris ardēs, diaria, & quæ synochæ dicuntur, inflammationes, & reliqui omnes tumores præter naturam. Qui enim aliquē ex his morbis nominat, continuum morbum esse statim agnoscet, quod eorum natura sit continuo hominem affligere. Atqui sanguis ubicunq;  
con

confistat, infert morbos continuos: bilis autem, pituita, & humor melancholicus nō nisi in parte aliqua impacti, vbi tumorē præter naturā erigunt, vel in vasis, internisq; cavitatibus corporis putrescentes id faciunt. Si enim in habitu corporis putredinem conceperint, aut meatus inuenerint, per quos certis temporibus reiici queant, interpolatos morbos & pariunt, & ostendunt. Quēadmodū videmus colicos dolores ex tali materia natos sæpius per interualla repetere, nec continuo affligere. Ergo loci conditio, in quo morbus positus est signa præbet continuitatis, interpolationisq; morbi. Iam verò quæ vulnerant, contundunt, frangunt, aut alio modo partiū instrumentariarū structuram corrumpunt, inter efficientes causas continuos ferè morbos inferunt, & restantur. Quod si quæpiam essent, quæ continuos solū morbos iuuarent, aut læderent, indicia quoq; continuitatis illorum traderent. Cæterū imbecillæ naturæ eo quòd morborū causas rescindere nequeant, continuitatis authores fiunt, & signa præbent. Quin etiā quæ apparent, & nunquā desinūt symptomata cum natura morbi coniuncta, eum esse continuum significant. Hoc enim modo continuas febres ab intermittētibus distinguere vult Galenus, quod scilicet illæ sine rigore, & aliis quibusdā casibus continuis morbis peculiariibus, ea autē cum aliis sibi propriis inuadant. Continuas esse febres, quæ inuadunt, putamus, eo quòd aliæ, quæ illis temporibus grassantur, continuæ omnes inueniantur. At continui, qui exacerbantur aut perpetuum quendā tenorem seruant, hoc modo dignoscuntur. Nam synocha febris continua est, & nunquam exacuitur, contra semitertiana & aliæ omnes febres suas habent exacerbationes: veluti nonnunquā colicus dolor, & comitialis morbus, & podagra frequenter exacerbantur. Sanguis nullas accessiones infert: reliqui omnes humores, excepto seroso, nunquā sine exacerbatione molestant. Qui verò morbi à remediis statim extinguī queunt (quod præsertim in febribus apparet) vt sanguinem nondū putrefactū, vel spiritus morbi committere indicāt, sic continentem eum esse monstrant: At omnes morbi, qui absq; vitio humorum consistunt, perpetuo quodam tenore sunt molesti: ex iuuantibus, lædentibúsq; causis, & ex similitudine nonnulla quoque indicia capere poterit studiosus lector. Nam cōtinentes eos putabimus esse, quibus profunt remedia

remedia his morbis peculiaria, obsunt autem reliqua, nec non qui similes sunt his, quos antea eiusdem naturæ esse nouimus.

*Quæ sint signa ordinati, inordinatiq; morbi.*

C A P. XVII.



**I**AM verò ordinatum morbum, quippe per certa temporis interualla repetit, natura morborum imprimis ostendit, quippe tertiana, quotidiana, quartanâq; febris certo seruato ordine repetunt, podagra: colicus dolor, calculus renum, capitis dolor, comitialis morbus nullum certum ordinem seruant, quum non expectata huiusmodi vitia sæpius eueniant, causæ quæ ex fluxione morbos pariunt, inordinatos eos gignunt, & excitant: quæ verò ex putredine, eos, qui ordinè tuentur, manifestant. Quinetiâ simplex & vnicus humor ordinati morbi author est & index: varius & multiplex inordinati. Si quæ præterea sunt causæ, & remedia, quæ morbis ordinatis, inordinatisque conferant, & obsint, ab illis quoque signa sumemus. Nec alienum quidem est ex subiecto corpore, quod afficitur notas quasdam petere: siquidè neruorum dolores temere, nulloque seruato ordine repetunt, intendunturque. Qui verò in venis cōsistunt affectus, per certa interualla graues esse solent. Atque etiâ symptomatica, & accessiones, quæ per morbos cōtingunt perspicue ostendunt an ordinatus, vel inordinatus existat. Quòd si certis anni temporibus, incertisque naturis, aut in omnibus morbos oriri videamus, qui ordinem seruent, aut corrumpunt, alios qui morbis tunc corripiuntur, similiter affici putandum est.

*Aequalis, inæqualisve morbi nota.*

C A P. XVIII.



**A**EQUALIS, inæqualisve morbus ex propria natura cognoscitur. Diariam etenim febrem, & omnes alias, quæ ex humore proueniunt, inæquales morbos suapte natura esse credimus. Hecticam verò, & aquæ inter cutem speciem, quæ Leucophlegmasia dicitur, æqualem. Eodem pacto si aliquæ causæ iuuant, aut lædentes sunt, quæ aqua-

libus



libus duntaxat morbis prodesse, aut obesse sunt natura, eorum equalitatis erunt testimonia, cuiusmodi sunt remedia, quæ proprie hæcicis febribus adhibentur. Atqui symptomata, quæ æqualem, inæqualémq; morbum sequuntur, ad illorum dignotionem sua signa præbent. Cæterum inæqualem, in quo contrariæ alterationes in corpore sentiuntur, monstrat natura morbi. Epizæta enim, & Lipizæta febris suapte natura inæqualis hoc modo morbus sunt. Tertiana æqualis. Calidus, frigidusque humor simul confusi, & vnam partem affligentes, inæquales morbos: qui verò calidus est, aut frigidus solum, æquales pariunt, & monstrant. Qui à frigido, & calido simul læduntur, & iuuantur, inæquali morbo laborant: qui autè à calido duntaxat, vel frigido, aut alia sola qualitate, æqualem morbum patiuntur. Symptomata præterea, quæ inæqualem morbum comitantur, vt quum quis calorem, frigidumque in eisdem locis sentit, inæqualem esse morbum, qui affligit, testantur. Nec absurdum quidem est ex similitudine, & proportionem signa etiam in his sumi.

*De signis morbi, qui recidiuam facit.*

CAP.

XIX.



ENVS hoc morbi eius natura vt in aliis ostendit. Nam elephantiasis, & cancer, quum plane extincti vulgo videantur, redire tamen solent. Diaria semel curata nō amplius reuertitur. Atra bilis, crassi, viscidique humores morbos solent parere, qui recidiuam faciunt, alij verò nō item. In male affectis corporibus, infirmis, malignisque humoribus, & dispositionibus similibus præditis, morbi gigni solent, qui simulata fuga retrocedunt. Accidentia præterea, quæ per morbos apparent, idem monstrant: Si enim coctiones non procedant, aut inæqualiter concoquatur noxia materia, & nihil excernatur, aut non quando per eaque loca, & quo modo oportet, nō immeritò putabimus hoc genus morbi ex his esse, qui recidiuam facere consueuerunt: contemnenda præterea non sunt indicia, quæ à similitudine ducuntur. Nam si plurimos in morbos incidere videamus, qui postea redire visi sunt, meritò de aliis quoque, qui similibus morbis corripiuntur, existimandum erit: (sed hæc attingunt quodammodo prædicendi partem) quibus simile illud est

est si ostendere niteremur quomodo breuem, longum, salutare, lethalemque morbum dignoscere oporteret. Morbi vero, qui primario vel secundario, siue per consensum infestat, notas trademus, quum signa docebimus, quibus partes affectas depræhendere liceat.

*Quæ proprium morbum monstrent.*

C A P. X X.



**P**R O P R I V M verò, id est qui cõtumax iam sit, & permaneant ablata causa, quæ primo eum excitauit, ostendunt eadem genera signorum: Quidam enim morbi sunt, qui proprii hoc modo suapte natura existunt, vt inflammationes, & reliqui tumores præter naturam in partibus oborti, intemperies nisi vehementiores fuerint, remota agente causa, statim euanescent, vt ostendit ea, quæ ab insolatione contracta est. Quinetiam inter morbosas causas, quæ pertinacem morbum inferunt, vt vulnera, contudentia, frangentia, proprii morbi sunt testimonia: quæ verò calefaciunt, aut refrigerant, contrarios morbos patefaciunt. At siccantia, & humectantia rebellioris naturæ morbos procreant, & declarant. In spiritu, & vapore morbi concipiuntur promptissime, & improprii potius quàm alterius generis, sicut etiam in mollioribus partibus corporis: duræ verò ad alios recipiendos, & significandos magis sunt aptæ. Omnium quidem optime hos morbos inter se distinguunt symptomata. Quæ enim proprium morbum sequuntur, diutius permanent pertinacem naturam sortita, quæ verò improprium, minimo temporis spatio perdurantia statim euanescent. Leuiora præterea sunt, quæ ab improprio morbo nascuntur, grauiora autem, quæ proprium comitantur: quod vero ex iuuantibus, lædentibusque causis, & similitudine horum quoque signa sumantur, omnibus constare puto. Ceterum vt nullus

nostra opinione morbus est per  
accidens, sic nec illius indicia à nobis expectare oportet.

De

*De morbi vniuersalis & particularis indicijs.*

## CAP. XXI.

**P**ORRO morbum vniuersalem, quique vniuersum corpus infestat, ex eisdem fontibus ductis notis cognoscemus: siquidē febris, aqua intercutem, quæ Leucoplegmasia dicitur, vniuersalis morbus est: inflammatio, vlcus, particularis: causa, quæ vniuersum corpus infestare valent, vt insolatio, ira, labor animi, & corporis, & fere omnia, quæ intemperiem inferunt, vbi vel vniuersum corpus, vel partes, quæ principatum obtinent, inuadunt, vniuersales morbos & faciunt, & monstrant, quæ verò vulnerant, frangunt, tendunt, aut alio modo corporis structurā vitiant, aut vnā partem solum aut certe non eā, quæ publicū munus exercet, afficiunt, particularis morbi sunt testimonia. Morbosa præterea accidētia, quæ in vniuerso corpore apparent, vt ardor, inquietudo, actionū omnium debilitas, urinæ pulsusque mutati totius morbum significant: Quæ verò in vna solū parte consistunt, vt dolor pedis, læsa ambulatio cruris morbum produunt. Atqui vniuersi corporis excrementa præter naturam affecta vniuersalis morbi sunt testimonia: Idē pariter ostendunt iuuantes, ledentēque causæ. Nam quæ vniuerso corpori opitulatur, aut obsunt præsentibus morbis, vniuersi corporis morbum manifestant. Aliæ autē particularis sunt indices. Præterea ex his, qui vniuersali, aut particulari morbo sunt correpti similitudine ducti quid de aliis, qui eodem tempore pariter afficiuntur, existimandum sit, colligimus.

*Communis morbi indicia.*

## CAP. XXII.



**C**OMMUNES morbos docet ipsius morbi natura: Etenim pestis cōmunis morbus esse, quum multos simul apprehendat, & occidat, ab omnibus cognoscitur: diaria febris inter eos, qui sparsum eueniunt, numeratur: Summus præterea in his signa à causis. Quæ enim omnibus communes sunt morborū causæ, vt aër, & nonnunquā aqua, quū morbos inferunt, similes, & omnibus communes gignunt, quemadmodū nonnunquā etiam cibus, quum per inediam,

&amp;

& annonæ penuriam iisdē herbis, vel leguminibus. aut alio genere victus multi vti coacti, in eosdem morbos præcipitatur, alioqui si peculiaria hæc singulis cōtingant, vt solent peculiaria esse exercitia, viræ conditiones, animi motus. peculiaris singulis morbi ab his cōcitantur, & significantur. Nec illud quidem alienū est ex communi natura, & corporis statu communes morbos repræsentare, ex ea autem diuersa singulis proprios affectus arguere. Communia præterea, aut parum euariantia in ægrotis accidentia cōmunes morbos propriè monstrant. Quæ verò propria sunt singulis symptomata, nec tamen ob corporis diuersam conditionem eueniunt, peculiaris morbi, & non communis sunt indicia.

*De signis benigni malignique morbi.*

CAP. XXIII.



**A**T benignum, malignūque morbū scribit Galenus tertio de Crisibus ex casibus superuenientibus cognosci, quomodo tamē id fiat non docet, nec solū quidem ex casibus ipsis, sed etiam ex morbi natura, & causis ipsius, & denique ex eisdem fontibus idē colligere licet. Nam inter morbos quidam benigni sunt, vt diaria, & synocha febris, quidam autē maligni, vt cancer, elephantiasis, comitialisque morbus, qui ex flatu assurgēte ad caput nascitur. Causæ præterea quædam benignæ sunt, quæ benignos morbos inferūt, & significant, quædam malignæ, quæ pariter malignos pariunt, & monstrāt: Si enim sanguis, vel pituita morbi causa est, eum benignū esse agnoscimus. At si atra bilis, & æruginosa, vel etiam flaua (Galeno authore libro secundo prædictionum) morbū facit, credere necesse est eum malignum esse. Idem testantur remotiores causæ, quæ morbos concitant. Si quidem tristitia longa, venus inita cū infecta muliere, aër pestilens, putridæ corruptæque, aquæ venenosa medicamenta, maligni morbi sunt indices, his verò cōtraria benigniorem affectum aperiunt. Ad hæc in neruis, vtero, pudendis & corporibus male affectis, maligni: in carne verò salubribusque corporibus benigniores excitari solent & significantur: Læduntur facile ab omnibus causis, & nō nisi ab his, quæ à tota substantia agunt, plurimum iuuantur maligni morbi, benignis autem omnia remedia facile profunt

Difficile quinetiam feruntur, qui peruersi sunt affectus, facilius qui bonorum sunt morū tollerantur. Iam vero symptomata quædam partim eadem, partim diuersa à magnis morbis maligni excitant, benigni autem eadem quæ parui, vel magni inferunt: etenim lingua arida in parua febre malignū morbum arguit. Sequitur eadē magnas febres, & sitis, quæ ubi calor non vrget, aut siccitas conspicua non apparet, malignitatis morbi est indicium. Quod si quis sitiat per vehementes febres, hoc magnitudinem, non malignitatē ostēdit. At si quis cum linguæ nigredine nō sitiat, maligno morbo tentatur. Liuidus per morbos color, pulsuum subitus lapsus, animi defectus, deprauata, aut abolita cibi, potionisq; appetentia, excrementa æruginosa, vel atra, quæ ab ægris excernuntur, sudores pauci, illique per frontem solum, & ceruicem emanantes, vrina suppressa, vel liuida, aut oleacea, aut viridis, vel nigra, malignos morbos testantur: benignos autem, quæ his sunt contraria. Quod si multos, qui eodem tempore laborant, malignis morbis correptos nouimus, vereri quoque oportet ne alij, qui illis temporibus nascuntur morbi, similem naturam obtineant.

*Notæ simplicis compositique morbi.*

CAP. XXIIII.



**AE T E R V M** simplicem, qui composito opponitur, morbū ostēdit morbi natura. Etenim diariam, tertianam, quotidianam, & quartanā febrem inter simplices morbos reputamus, semitertianam, continuam tertianam, & inflammationem inter compositos. Causæ præterea, quæ morbos inferunt, si simplicem vim adferant, morbos simplices committunt, veluti quæ solum calefaciunt, refrigerant, humectant, vel siccant, quæ verò duplicem naturam habent, cuiusmodi sunt quæ calefaciunt humectantque simul, vel refrigerant & siccant, compositum morbum inducunt & monstrant. Sic causæ, quæ simplicem dispositionem curare aut ledere valent, simplicem, quum ægrotanti corpori adhibentur, morbum significant, compositum compositæ causæ illis contrariæ monstrant. Eodem modo morbi effectus notas præbent ad hos dignoscendos. Gracilitas siquidem, quæ febres sequitur: nō solum calidum, sed etiam iam siccum redditum

ditum affectum declarat: Calor, qui solus percipitur sine ariditate, aut humiditate superflua, solius calidi morbi est index. At si accedat asperitas, duritiésque corporis, siccitas, si tumor flaccidus, madörque, cum calore humiditas coniungitur. Alui excrementa ignea, calidum morbum testantur. Quod si dura quoque reddantur, indicio sunt, quod compositus sit ex calido, siccoque morbus. Alias verò simplicis, & compositi morbi differentias, quę sub aliorum nomine non sunt comprehensę, facile percipiet lector, qui non omnino ignarus medicinę fuerit, ut aliquid illi relinquamus, in quo laborare, ingeniumque exercere possit. Postremo simplices vel compositos eos censebimus, qui his similes existunt, quos eius naturę esse nouimus.

*Quę ostendant morbum esse legitimum, vel spurium.*

CAP. XXV.



AM verò exquisitos morbos ex sua natura intelligemus. Nam quum inter febres intermittentes tertiana vehemens sit, quę inter eas vehementissima sentitur acerrimo calore, exquisita putanda est. Quę autem obtusior habet calorem, ut mixtionem frigidioris humoris cum bile, sic adulteratum, & spurium morbum esse significat. Ex morbi partibus signa pariter sumuntur: si enim citò increseat tertiana, aut tarde quotidianas sinceritas illarum ostenditur. Nec minus si tertianę interuallum purum, impurum verò sit quotidiana, signum est eas puras esse. Causę signa in hac re quoque prebent. Nam quę sinceram bilem gignunt, aut aliquid ad eius generationem conferunt, ut causę indicia exhibent sinceritatis tertianę: quippe media ætas, aeris constitutio calida admodum & sicca, iuuenilis ætas, laboriosa vita: parcior, calidior, sicciorque victus corporis habitus gracilis, calidusque, & reliquę simul calefacientes siccantęque causę, legitimam esse tertianam, quę ab illis prouenit, monstrant. Quę autem bilem cum alio humore mixtam pariunt, spuriam eam esse declarant. A causis iuuantibus, & lædentibus signa sumi clarius est, quàm ut demonstrari debeat: siquidem ea, quę exquisitis tertianis operari solent,

quum adhibentur & profunt, illarum certissima sunt testimonia. At ex morbi effectibus, qui tribuuntur legitimis, spurisque singulis morbis, indicari qualis in hoc genere morbus sit, omnibus constat. Tertianam siquidem legitimam rigor vehemens, calor intensus, vomitus, sudor, breue accessionis tempus, flauus admodum vrine, & alia excrementa: denique omnia symptomata, quæ in singulis morbi partibus apparent illi peculiaria ostendunt. Notham verò horror, vomitus ex bile, & pituita mixtus, paucus, vel nullus sudor, longior accessio, minor calor, excrementa minus flaua, color, qui repræsentat alterius humoris cum bile mixtionem indicant, & quæ diuersi generis, humorem aceruarunt, quæque mixtos affectus iuuant causæ, & lædunt, idem monstrabunt. Nec verò alienum est à ratione credere eos esse spurios, vel legitimos, quos iudicamus his simillimos, qui legitimi, spurisque sunt habiti. Atque hæc satis quidem de signis, quæ morborum differentias distinguunt, si quæ enim prætermisæ videbuntur in signis memoratiuis, & prognosticis suo loco referentur. Quæ verò ostendunt morbi partes, etsi ad hunc locum pertinere videntur, quum hic demonstratiua signa prosequamur, quoniam tamen hæc in libello de Morborum temporibus abunde prosequuti sumus, superfluum esse duco eadem hoc loco repetere.

*Nota partium affectarum.*

CAP. XXVI.

**L**OCVM in quo morbus residet, qui locus affectus dicitur, præsertim si in parte morbus consistat (locum enim & partem corporis pro eodem usurpare solent medici) siquidem vniuersum corpus laboret, eisdem signis facile est deprehendere. Si verò pars afficiatur, difficilior adeo ut vix fieri posse putetur, cognitio redditur. Quamobrè Galenus integrum opus inscriptum de Locis affectis, de hac re edidit, sed varie, ut arte sit opus adhuc non parua. Multa præterea in eo desunt, dānarique pariter potest methodus, quā tradit. Quū enim polliceat se notas daturū partis affectus, & ipsius affectus vna cū parte cōiuncti, in singulis capita, & fontes nō semel diuersos statuit. At quū methodū primo libro proponat omnibus cōmunē, in aliis postea nunquā vel rarissime

me certè ea vitur, quū causas morborū solū ferè tradat præter institutū, locorū verò affectorū dignotionē non ex proposita methodo, sed potius legislatorum more explicet: veluti quū apoplexiam, epilepsiam, lethargum, carum in cerebro, & alios morbos in singulis partibus fieri profert, neque tamen ita esse docet ex illis notis, eaque docendi via, & ratione, quam ab initio proposuit. Quantū verò, & quā sæpe variet in numero signorum partis læsæ, unicuique constare arbitror, qui primum, & secundū librū de Locis affectis, & eū, quem scripsit de Constitutione artis, & aliū de Arte medicinali inscriptum perlegerit, ut alios locos prætermittam in quibus de hac re agit. At ne singula prosequamur, sed omnia ex omnibus colligamus, partem ipsam affectam cognosci scribit ex partis excretæ magnitudine, essentia, à rebus in parte cōtentis, vel illi adnatis, à natura partis, actione læsæ, positu, doloris proprietate, ab excrementorū, quæ à parte excernuntur, qualitate, ex symptomatis, tumoribus præter naturam, ex coloris vitio quod sequitur partē ipsam, & in toto, vel in parte vna, vel pluribus apparet. ex affectibus præterea per consensum, ex consideratione aliarum partiū, ac quotidiana ciborū potionūque experientia. Partē autē affectam cū dispositionibus ex situ partiū, actione, generatione morborum, & symptomatū causisque morbos parientibus cognosci scribit in libro de Constitutione artis: dispositionem verò ipsam ex excrementorū specie, loci natura, doloris proprietate, & propriis accidentibus primò de Locis affectis deprehendi refert. Hæc & similia de his tradit, nunquā diuersis locis eadē, quo non solū lectorem cōfundit, sed etiā in hoc probari non potest, quod fontes primò nō doceat nec omnia cōplectatur ad hanc rem necessaria. Quum enim coloris vitiū, dolor, actio læsa, excrementorū qualitas sub vno genere cōtineantur, nempe sub effectu morbi, siue symptomate genus imprimis erat docendū, & nō ab infimis speciebus tractatio inchoanda: Non omnia autem cōplecti signa necessaria ab eo certissimū est. Quur enim quemadmodū à positu partis signa sumi scribit, ita à conformatione, magnitudine, numero, connexione, & vnione vitiata signa capi nō dicit: quū nulla diuersitatis sit ratio, quod etiam ex ipso probare licet. Siquidem quarto Methodi exulceratas partes ex ipsa substantia, positu, figura, actione, &



vſu cognofci tradit, quo loco figurā addit ſigna quoq; præ-  
 bere, & nō ſolum ſitum, vt in libro de Locis affectis. At ſi fi-  
 gurā addit, quur pariter reliqua, quæ diximus non adiciet?  
 Si cibi præterea, portionūque quotidiana experientia no-  
 tas exhibet partis affectæ, quur & reliquæ cauſæ, quæ læde-  
 re, iuuarēque poſſunt, idē nō oſtendent? Quur reliquæ qua-  
 litates, quę in corpore, partibūſque ſingulis apparēt, nempe  
 odores, ſapores, & reliquæ eiufmodi, nō eandem vim habe-  
 bunt, quā ſoli colori tribuit? Poſtremo illud nō ſatis eſt ſcri-  
 bere, quōd ab excrementis ſigna capiantur, ſed qua ratione,  
 quibus, quōtue modis id fiat, explicandū fuerat, an ſcilicet  
 qualitate ſua, vel quāritate, vel excretionis modo, vel aliter  
 denique id facerent. Ac quum docendi ratio ſuadeat, vt cer-  
 ta rei tractandæ principia ponantur, quæ non ſolum lucem  
 afferant reliquis, ſed etiam oſtendant nec plura nec paucio-  
 ra eſſe poſſe eius, quod quærimus indicia, quis (quæſo) ex Ga-  
 leni huiufmodi tractatione hæc intelligere valeat? Sed ne  
 ſingula in hac re proſequamur, quæ benignus lector ex col-  
 latione noſtræ tractationis cū his, quæ ab aliis ſunt tradita,  
 cognofcere poterit, & quid bene, aut male à nobis, aut ab il-  
 lis ſit in hac re excogitatum, iudicare: ſigna iam aggredie-  
 mur, quæ locū affectū monſtrantique enim affectum ipſum,  
 illiūſque cauſam oſtendunt, ſuperius iam ſunt cōpræhenſa.  
 Ex quibus ſane licebit quoq; intelligere quid partē ipſam,  
 & affectum ſimul illiūſque cauſam doceat, quippè quum ex  
 ſimplicibus cōpoſita facilē innotefcant. Igitur ad partē affe-  
 ctam depræhendendam ſumemus indicia ab eiſdem fonti-  
 bus, à quibus alia duximus, nempe ab eſſentia partis, à cau-  
 ſis partem afficientibus, ab effectibus, quæ partē affectam ſe-  
 quuntur, & aliorū ſimilitu ſine. In eſſentia quidē partis tem-  
 periem, ſubſtantiā, conformationē, magnitudinem, nume-  
 rum, cōpoſitionem, vñionem, & proprietatem partis hoc lo-  
 co ponimus. Ergo ſi quis intemperatam aliquam partē ſen-  
 tiat, eam læſam agnoſcit. Eodem modo ſi ſubſtantiā par-  
 tis vulneratam, aut ab alia ſeparatam videamus, vt quum ex-  
 cernuntur ramenta inteſtinorum, vel tunice, aut caro, vel  
 nerui portio, aut alia quæuis pars, quæ ſui generis eſt, læſa  
 oſtenditur, affecta nempe inteſtina putabimus, ſi inteſtini,  
 carnē ſi carnis ſit pars, quæ educitur. Pari ratione ſi quis ſit  
 gibboſus, aut contorta habeat crura, ob malam conforma-  
 tionem

tionem iudicamus illi spinam, huic tibias vitiatas, & dentique vnique eam partē quæ malæ conformationis est causa. Quod si pars malè conformata cavitatem habeat, in qua aliæ contineantur, & cōtinentes, & cōtētas partes affectas putamus. Nam in gibboso, aut qui pectus præter naturā angustum habet, non solum spina læsa est, sed pulmo pariter figuram suā seruare nequit, magnitudo verò partis tum aucta, tum diminuta partē affectam indicat. Etenim tumor ortus in aliquo corporis loco eum affectū significat, vt fungi membranæ cerebri læsæ sunt notæ, & tumor, qui in abdomine attollitur, subiectos musculos, aut ventriculum, vel hepar, aut lienem, aut aliam partem ex contentis in ea cavitare nunciat. At vbi plures sunt partes subiectæ tumoris, situs, figura, magnitudo, & natura quæ nā sit inter omnes testatur. Si enim in sinistro hypochondrio erectus sit tumor, aut lien, vel subiecti curi muscoli patiuntur. At si in latitudinem amplā porrigitur tumor, & versus stomachum extenditur, aut si profundior est, vel durus, & sine dolore lienem potius, quàm musculos ipsos, affectum putare debemus. Sic profectò per tabem extenuatæ partes ob diminutā magnitudinem offensæ videntur. Eadem ratione ob numerum auctum, vel deperditum membrū ipsum affectū dignoscitur. In luxationibus autem ob malam connexionem, & sitū perversum luxatæ partes depræhenduntur. Ad hoc genus referendæ pulmonis fibræ, confosso thorace, per vulnus exeuntes: ostendunt namque partes contentæ in cavitare aliqua ob situm, quæ mutant, partis cōtinentis affectionē, satiùsq; est ad situm hæc referre, quàm ad excretionem, vt Galenus facit: siquidem excreta pars eam ostendit læsam, à qua decisa est: quum verò per vulneratum thoracem pulmo egreditur, is non excernitur, nec aliquid patitur, sed ipse thorax. Quod etiā contingit, quū rupto peritoneo, intestina in scrotum deuoluuntur, nullo ipsorum malo, sed indicio affecti peritonei: quum autē vulnus conspicitur ex soluta vnione, vulnerata, affecta que pars agnoscitur. Sic profectò cōtingit, vt non solū in externis partibus, sed in internis quoq; vulnus conspiciatur, quod illarum læsionis est indicium. Proprietas partis signa etiam sua præbet. Si enim lapis è corpore exeat, renes, vel velicam, aut colon intestinum affecta putamus, nimirum quòd illæ inter alias proprietatē, & vim ob-

tineant gignendi lapidem. Pari modo si vniuersum corpus intemperie calida laboret, colligimus cor esse affectū, quod ea duntaxat pars possit huiusmodi mutationis author esse: ceterū à causis hoc modo signa ducuntur. Ab efficientibus quidem lēSIONEM hoc pacto, si quis cantharides assumpserit, in partibus ad vrinam colligendam, reddendāque destinatis, non autem in aliis lēSIONē esse credimus, quod huiusmodi venena eas potissimum partes lædere sint apta. Si in solatio nocuit, affectū caput credimus, quod eā partē præ cæteris sol afficere consueuerit. Si aquæ potio obsuit, ventriculum, aut hepar, vel lienem malè habere arbitramur, quod illis partibus maximè molesta sit aqua. Vbi autē venus lēsit spirituosam substantiā, neruosāsque partes malè habere credimus, ppter ea quod hæc corporis partes peculiariter hæc molestat. Neque verò alienū est inter ea, quæ offendūt partes corporis, morbos, illorūque partes, reponere. Nā hæc quoque sedem affectam aperiunt. Sic enim vbi tertiana infestat hepar: vbi quotidiana ventriculū: si quartana grauis est lienem affectum cognoscimus. Si continua febris est, internæ, si ex genere intermittentiū externæ partes, quæ habitum corporis constituūt, potius affectæ indicantur. Si vrget inflammatio, in carne viscerum, aut musculis affectus est, quoniam hoc genus mali circa eas partes consistere solet, vnde indicia ipsorum morborū, partis, cuius est affectus, pariter sunt notæ, si quidem calculi vesicæ, aut renum signa declarant eas partes laborare, quarū affectuū sunt indices: luuantes verò cautæ hoc modo partē affectam declarāt: si quis enim dubitet, an vitio renum, vel vesicæ vrina mutetur, vitieturq;, adhibitis autem remediis renibus ea naturā suam recipiat, renes affectos, & non vesicam laborare merito existimabimus: Sic si adhibitis, quæ renes offendant, vesicæ autem prosint, vitium augeatur, aut nullo modo minuat, nō temere suspicari possumus in renibus malum cōtineri. Ab effectibus autem, quæ partē læsam comitantur, signa petuntur: sequūtur enim actiones læsæ vsus, quæ excernuntur, & retinentur, qualitates mutata, & alia corporis opera præter naturam: actiones quidē hoc modo affectā partē ostendunt: excedēs vigilia, delirium. sensus, & motus abolitio cerebri læsi sunt indicia: deiecta cibi, potūsque appetentia ventriculum testatur affectū: corrupta sanguificatio hepar: pulsuum

mutat

mutatio, cor, & arterias: nutrimenti distributio impedita affectas venas prodit: & denique actiones laesæ vel partem ipsam, quæ functionem ædit, aut aliâ vnde vis agendi emanat, nisi materiæ defectu, aut mutato vsu id contingat, affectam ostendere possunt. Hoc enim modo deperdito sensu, vel motu in cruribus, vel in ipsis, vel in spina dorsi aut cerebro malū cōsistere agnoscimus. Dolor præterea vt actio tristis, vel quod ab huiusmodi actione prouenit, eam partē, quā infestat, laesam significat ex sua natura, suisque differentiis, & loco in quo residet, veluti punctorius dolor membranae affecta est indicium, locus autē doloris, & situs, quānā mēbrana sit, mōstrar. Si enim in thorace sentitur, membrana, quæ subtenditur costis, affecta est: si in hypochondrio dextro, ea patitur, quæ hepar ambit. Sic aliæ partes vehementes dolores patiuntur, aliæ nō nisi graues, & obtusos experiri valēt, quo modo distinguis, an renū caro, vel tunica eam ambiētes laborant, nonnullas dolor secundum longitudinē extensus exercet, alias secundum latitudinem productus vrget: alias vt semel dicam partes alij dolores molestant: quod quū intellexeris facile ex dolore quānā pars ægroret, cognosces: At vsus partium suas notas in hac re exhibet. Laesa etenim voce partem aliquā, quæ illi quoquo modo seruit, male habere necesse est, quæ verò sit quæ afficitur, ex aliis indiciis deprehendere oportet. Porro in excrementis substantiā eius, quod excernitur, qualitātē, quantitātē, locū, modū excretionis tempus, & ordinē hoc loco cōsideramus: substantiā quidem an sit de essentia ipsius partis, vt caro, pinguedo, membrana, venæ, arteriæ, nerui, vel alterius substantiæ pars: an aliquid sit familiare ipsi parti, vt cibus, qui per ventriculum excernitur, an excrementum, vt stercus, vrina, lapis: Sumuntur enim ab his omnibus propria signa. Si enim carnis portiuncula educitur, caro est, quæ afficitur, si membrana, pars membranosa, si arteriæ pars, arteria, si pinguedinis, pinguedo, aut pars, cui illa adnascitur: & vt semel dicam, quod est de rei essentia, sui similem eiusdēque naturæ in corpore laesam partē, aut eam, cui adnascitur, laborare ostendit, hoc pacto ab essentia sumpto indicio, vesicæ & renū vlcera distinguimus, quòd per renū vlcera carunculae, vesica verò vlcerata, veluti laminæ quædam cum vrina minguntur. Cibus tanquam familiaris substantia ipsi ventriculo, quū per

vulnus egreditur, aut per intestina descendit, aut vomitu regeritur, affectum ventriculum mōstrat: si sterqus per vulnūs exit, intestinorū vulnus significat: si vrina vesicæ, si vermes, vulnerata esse intestina putamus. Iam verò qualitates eorū quæ excernūtur, & naturales, & à natura sua mutata sedem affectā indicant siue primæ, siue secundæ, aut alterius generis fuerint. Hoc enim pacto agnoscimus cor affectū, vel pulmonē, quum aēr, qui expirādo emittitur, calidior sentitur: & arteriā non venam vulneratā putamus, si sanguis, qui per vulnus exit, flauior, calidior, tenuiorque appareat, pulmonē affectum arbitramur si spumosa sunt quæ tussiendo exeūt: si id quod per aluum excernitur, tale sit, qualis lotura carnis sanguinolentæ, hepar ostenditur affectum. Ita ventriculus prodeuntibus ructibus acidis, vel nidorulentis laborat. Eodem modo hepar, aut intestina, quū excrementa duriora, vel flauiora, aut alia qualitate præter naturā affecta excernuntur, læsa putātur. Quod si per vlcera, aut vulnera abdominis pus sterqus redoleat, laborare intestina id significat: pulmo nem verò extremè tabidum indicat sputū, quod tussiendo reiectum grauiter olet. Quinetiā sinceræ rerū qualitates, aut mixtæ ostendunt locū affectum. Hac quidē ratione vlcus putamus cōsistere in infimis intestinis, si sanguis, qui excernitur, non sit mixtus cum excrementis alui. Tanto verò in superioribus malū est, quāto magis inter se sanguis, ramēta, & ipsa excrementa sunt cōfusa. Ad hæc à renibus prodeūt nōnunquā cum vrina oblonga quædam capillorū modo extenuata pituitosa excrementa, quæ eos, & haud quaquā vesicam ostendunt affectos: sic ab aliis partibus rotūda, quadrata ab aliis, vel alio denique modo figurata, quæ reiciuntur apparent, quæ illorum malorum indicia sunt. A quantitate nempe, copia, vel magnitudine signa ducūtur, quippe si sanguis tussiendo expuatur magna quantitate, vasa pulmonis affecta esse oportet, quū ea, quæ in aspera sunt arteria, angustiora existant quā ut possint multū sanguinis effundere. Eodē pacto si multum sanguinis quis mingat, optima ratio ne cōiciet venas, quæ in renes desinūt, aut ab illis enascūtur, potius quā quæ in vesica cōsistūt, (q̃ scilicet illæ maiores hæ minores sunt) offēsas. Si tussiedo vasis magni portio reiciat, nō in asperis arteriis, quæ in collo, sed in illis, quæ in pulmone cōsistunt, vlcus esse credit: si multa p̃tussim regerūtur va-

forum

forum frustula, rationi consonum est pulmonis vasa potius quàm ea, quæ in ceruice reperiuntur, esse affecta, quo modo vtramque vteri, vesicæque partem, vtroque renes potius quàm alterutrum laborare, vbi copiosissima sunt quæ ab illis educuntur, putabimus. Locus per quæ fit excretio, si præter naturam sit, affectam monstrat partem, quæ ad ea, quæ excernuntur continenda à natura destinata est. Veluti si per vulvæ cibis egreditur, ventriculū laborare indicat, si autem naturalis est, siquidem pars vna sit, à qua prodire possit, quod excernitur, vnam pariter læsam partem ostendit, quemadmodum læsus ventriculus agnoscitur, si cibis minime mutatus per intestina excernitur, quod scilicet in ventriculo dumtaxat cibis contineri sit aptus. Membranz verò frustulū sanguinis excretio multarum partium affectarum indicia esse possunt, propterea quod in omni instrumento corporis huiusmodi substantiæ reperiuntur, excretionis tamen modus, tempus, substantiæ aliqua diuersitas, qualitas, quantitas pariter has inter se distinguunt partes, & quæ sit offensa, aperient. Veluti quum faucium asperæ arteriæ, & gula vlcera ex excrementis, quæ per os diuerso modo reiciuntur, dignoscimus. Excretionis perseverantia locum affectum testatur: sic enim intelligimus sanguinem, qui tussiendo per aliquot dies continuò excernitur, à pulmone affecto regeri, alioqui à capite, vel alia parte in eum descendisse: definit namque post aliquot expuitiones efferri sanguis, qui à capite in pulmonem, asperasque arterias decumbit. Excretionis modus partem affectam hoc pacto declarat: nam si expuendo aliquid excernatur, quod præter naturam sit, oris morbus significatur, si excreando faucium, si tussiendo asperæ arteriæ, vel pulmonis. At si vomendo aliquid educatur, gulæ, vel ventriculi affectus proditur: si meiendo membranosum aliquid exit, vesica est exulcerata: si carnosum quidpiam, renes, aut pudendum patitur: si cum magna tussi sanguis, aut pus regeritur, pulmo eiusque inferiores partes, alioqui aspera arteria, quæ in collo est, laborat. Tempus verò quo excernuntur excrementa, suas etiam præbet notas. Nam si quis ramenta cum sanguine per anum statim emittat, quum deficiat, in infimis intestinis vlcus consistere creditur: sin autem postea, in superioribus: ite si citius quàm oportet, vel tardius, vel intempestiue excernantur, partem ostendunt affectam, à qua

à qua prodeunt, vel eam vnde facultas deriuat: quemadmodum resoluta spinali medulla, aut refrigerato musculo ani, excrementa alui intempestiue excernuntur. Quinetiam ordo inter ea, quæ excernuntur, aliquid confert ad laborantē partem depræhendendam. Nam si pus mingitur ante urinam, in pene ipso: si post, in vesica, aut superioribus partibus, quæ sese per velicam exonerant, vlcus est. Sic profectò quum emungimus nasum, si primo pus egreditur, in ipsis naribus, si verò post pituitam multā, & vehementiores effusiones, superiores partes sunt exulceratæ. Cæterum quæadmodum quum excernuntur à corpore excrementa, vel alia substantia, ita quum illa retinentur, eandem partem affectā monstrant. Etenim detentata in corpore vrina velicam, aut renes, aut urinarios meatus, per quos vrina defertur, læsos esse oportet, aut aliò humorem conuerti. Nec verò solò excrementa ipsa, sed etiam excretio, attractio, retentio, alteratio, quum præter naturam fiunt, locum affectum manifestant. Si enim venter appetat, vel attrahat, quæ sunt aliena. Si eadem retineat, mutet, omnino afficitur. At si quæ familiaria sunt, trahere nequeat, nec retinere, aut non concoquere, aut hæc quidem faciat, sed vehementius, aut citius, aut imbecilius quàm oportet, aut deprauato motu vratur, se affectum significat. Ac non solum excrementa ipsa indicant partes affectas, à quibus proueniūt, sed etiā alia opera: veluti caro vniuersi corporis spongiosa, humidiorque quā expediat, vitiati hepatis est indicium. Quomodo verò qualitates corporis præter naturam mutatæ signa præbeant partis affectæ, nunc tradendum est. Itaque ex sapore notæ hoc modo petuntur, si salsedo in ore percipitur, caput pituita salsa redundare dignoscitur. Si amaritudo adest, venæ, & hepar, aut ventriculus biliosi humoris plurimū in se continent. Verum potius euidentiores notas ipsius affectus, & causæ morbosæ, quàm partis laborantis sapor præbet, quæadmodum & odor: color etiā affectis internis partibus, nisi pars humorum generationi, & expurgationi destinata sit, nihil vel minimum confert ad earum dignotionē: vbi enim muscoli interni, aut vesica, aut intestina, vel ossa patiuntur, corporis colorem mutari necesse non est, nisi pars, quæ afficitur, ob vicinitatem in certis affectibus alieno suo colore curem inficiat: veluti contingit in ossium corruptione, in qua

qua caro, & cutis circumposita liuidum, nigrumq; colorem repræsentant subiectæ partis corruptæ indicium. At hepate, vel liene laborante, color quidē variatur, sed non per omnia mala, quæ illis partibus cōtingunt, quippe humidior, aut sicciore reddita earum partium intemperie, color non multū euariat. Illis verò obstructis, retentisque ob id excrementis biliosis aut melancholicis, liene quidem hoc modo affecto nigrius: hepate vero flauius corpus euadit. Sic redundante in ventriculo bile, flauescit lingua: albescit autē, si pituita molestat. Quòd si pars sibi soli seruiat, color duntaxat in ea mutatur, non in vniuerso corpore, aut aliis partibus, veluti putrefacta carne, liuescit quæ illud circūdat cutis, indicanturquæ illæ partes affectæ, in quibus color præter naturam conspicitur: Nimia durities, aut mollities nō solum partem, in qua hæc apparent, sed etiam fontes humorū læsos sæpe testantur. Exsiccato enim, aut præter naturam humectato hepate duriores molliorésque reliquæ partes redduntur. Vbi verò sonitus quidam circa aures, vel in ventre inferiore sentiuntur, cerebri membranas in priore affectu, in hoc intestina laborare putamus. Nec desunt quidē partibus affectis significandis signa, quæ ex similitudine, & proportionem sumuntur. Hac enim ratione, si homine mortuo, & dissecto nouerimus, quænam potissimum fuerit sedes affecta, colligere licebit, vbi morbus consistat in his, qui similiter, vt ille, affici putantur. At illud quidem ignorandum non est, diuersas partes easdem notas habere: veluti vlcera pulmonis, & asperæ arteriæ, quæ in collo reperiuntur, declarant sanguis, & vasorum frustula, quæ per tussim reiciuntur: eodem modo vesicæ, & renum affectorum eadem multæ sunt notæ, sed tamē ex prædictis fontibus inuenies, quæ laborantem partem potissimum ostendant: vel enim quæ excernuntur, substantia, vel qualitativibus, aut copia, vel excretionis modo, aut dolores, vel alia accidentia euariant. Atque hæc quidem sufficiant de notis partis affectæ. Nam si quæ forte prætermisæ videbuntur, quæ sparsim apud Galenum leguntur, consulere statim fontes ipsos oportebit, ex quibus, vt arbitror illæ deriuare intelligentur: quandoquidem non singula prosequi, sed methodum potius, & capita docere non solum in hoc negotio, sed etiam in vniuerso opere instituimus.

Quæ



*Quæ monstrant partem affici primario, vel per consensum, propriè vel improprie.*

## CAP.

## XXVII.



**Q**UONIAM verò plurimum refert intelligere, an pars primario, vel secundario siue per consensum, aut propriè, vel improprie afficiatur, siquidem curatio remediique potissimum illis adhibentur, unde morbi illorumque causa ad alias perueniunt, & partes, quæ stabiles affectiones iam contraxerunt, auxilia postulant, quæ verò leuiori, instabilique dispositione laborant, agente sola natura perfanantur, ideo notas tradere oportet, quibus dignoscamus quomodo singulæ partes afficiantur. Quod quidem Galenus libro primo de Locis affectis, ut operis institutum exigebat, se facturum est pollicitus, nunquam tamen postea id præstitit. Nam dicere partes eas per consensum affici, quæ cum aliis irritantur, quarumque affectus illis mitigatis, unde concitati sunt, mitescunt, verum quidem est, sed ex vno indicio haudquam ars constat. Habet & nescio quædam de hac re in libro de Constitutione artis, sed ea nec satis expressa, nec ex aliquibus fontibus ducta. Quare præstat fontes ipsos consulere, quæ in hac re suas quoque notas liberalissimè præbent. Igitur quædam sunt partes, quæ suapte natura ab aliis non ita facile patiuntur, ut ossa, quæ in seipsis affectum quo laborant, fere continent: aliæ vero quæ ab aliis prius laborantibus suas noxas facile recipiunt, easque reliquis impartiuntur: veluti caput, quod facile à ventriculo, vniuersoque corpore læditur, & easdem partes promptè offendit. Vnde ex partium natura imprimis signa sumemus. Porro quænam pars sit apta aliis compati, vel reliquis obesse, ex situ, connexionis, officio, genere, temperie, raritate, densitate, duritie, mollitie, & fere omni alia partium conditione cognoscemus. Brachium etenim cum manu dolente promptè cõpatitur, & os carni circumpositæ vicissim sua mala cõmunicat ob vicinitatem. Læso neruo vitiū ob connexionē ad cerebrū facile ascendit. Quemadmodū sanè arteriarum mala cordi: venarum autē vitia hepati nullo negotio cõmunicantur. Publicū est cerebri, cordis, hepatis, testium, ventriculi officium, quapropter his fontibus læsis reliquas partes simul affici rationi con-

ni con

ni consonum est. Hinc enim laborante cerebro sensus, & motus: hepate vero nutritio, corde autem affecto per synco-  
pas dictas vniuersi corporis actiones labefactantur. Mamma,  
& thorax cum genitalibus consentiunt, mutuòque afficiun-  
tur, ob operis officiiq; cõmunitatē: quippe quū circa eandē  
materiā versentur. Nervus nervo, arteria arteriæ, nervosum  
nervoso, carnosum carnosum, quoniā eiusdem sunt generis,  
facile comparitur. Calidiores partes humores, qui alias in-  
festant, ad se alliciunt, & ob temperiem malorū sociæ fiunt.  
Ventriculus ob cavitatē, & rectum situm decurrentes mate-  
rias à capite promptè suscipit. Difficilius hepar, lien, ossa, &  
aliæ partes, quæ vel cavitatem non habent, aut è directo nō  
subiiciuntur. Vbi verò internæ partes malis humoribus  
sunt refertæ, cutis ob raritatem, & natiuam debilitatem eo-  
rum portionē promptè admittit, & mali particeps euadit.  
Pulmo ob mollitiem, & laxitatem capiti destillatione labo-  
ranti sæpe comparitur. Durities à fluxionibus, & inflamma-  
tionibus vicinis ossa tuerur. Ac (vt semel dicam) ex partium  
natura, & conditione licebit cognoscere quæ vel alias affi-  
cere, aut ab aliis lædi possint, & cum quibus singulæ potis-  
simum offendantur. Cæterum inter ea, quæ partes lædunt,  
quædam sunt, quæ postea quàm fuerunt excitata non aliun-  
de fouentur, aut augentur, nec ad alias partes sparguntur,  
sed quicquid est mali, in parte primariò affecta consistit, cu-  
iusmodi sunt tumores præter naturā, præsertim qui ex ma-  
teria frigida cōsistunt; dolor verò, & quæ dolorē sequuntur  
symptomata, facile ab vna parte in aliam transferuntur.  
Nam ob dolorem cruris, aut digiti, vel alterius partis, com-  
municato malo cordi, nonnunquam contingit animi de-  
fectus: vt autē inter morbos ipsos & symptomata quædam  
apta sunt aliis cōmunicari, alia verò inepta, sic etiā inter cau-  
sas morborū effectrices idē cōtingit. Etenim humores, va-  
porésve facile ab vna parte in aliā migrāt, ac vtramq; facile  
lædere possunt. Eodē pacto calor, & frigus ad multas partes  
sparguntur; quæ verò siccāt, aut humectāt, & multo magis quæ  
vulnerāt, cōtundūt, & frāgunt, nō solēt ad alias partes trans-  
ferri, sed in illis duntaxat, quas primo affecerunt, manent,  
aut si alias secū lædunt, diuersi generis affectiones illis im-  
partiuntur. Nā fractura alicuius mēbri alteri nō cōmunica-  
tur; dolor verò, qui confractam partem sequitur, totū non-

nun

nunquam corpus in cōpāssionem trahit, dum febres, syncope, aut alios huiusmodi affectus parit. At iuuantes lædentesque causæ certiora præbent indicia, siquidē duabus affectis partibus, si lædatur vna, offensa alia, eā, cui lædētia adhibentur, primariò affici certissimū est. Eodē pacto ea, quæ iuuatur, adhibitis alteri auxiliis, per cōsensum laborat: dolente nāque capite, si remedia stomacho adhibita leuent dolorem, aut intendāt, nō primarius est in capite affectus, sed à vētriculo prouenire cognoscitur. A causis præterea lædentibus, quæ præcesserunt, signa sumētur. Si enim alicui caput doleat, nulla prægressa causa, quæ partē eā peculiariter affecerit, aliunde dolorē prouenire necesse est. Quod etiam ex partibus antea læsis colligere licet. Nam si cui ventriculus diu laborauerit, caputque postea dolore incipiat, non immerito coniiciemus à ventriculo ad caput transmissam esse doloris causam. Ad hæc effectus, & symptomata, quæ affectas partes sequūtur, declarant quæ primariò, quæue secundariò sit offensa. Primo enim morbosa symptomata in illis apparent partibus, quæ primariò afficiuntur: postea verò in aliis quæ secundariò laborant: mitescūt præterea augenturque affectiones partis per consensum offensæ, dū crescunt minuūturque illæ quæ in primariò affecta consistūt. Grauiora postremò solent esse symptomata, quæ partem primariò affectam sequūtur, leuiora quando per consensum contingunt. Solent etiā sæpius intermittere mala, quā aliunde proueniūt. Quo modo videmus capitis dolorem, quem peperit febris, euanescere, dum ipsa declinat, continuos autem esse dolores in ea parte, quæ non aliunde patitur, sed in se ipsa passionis causam habet. Qua ratione delirium, quod ex inflammatione cerebri nascitur, ab eo, quod per cōsensum cū aliis partibus contingit, discernimus, quòd illud scilicet perpetuum sit, hoc verò nō item, sed eo potissimum tempore inuadat, quo accessiones morborū augentur & vigent. Quid præterea obest, quo minus ex similitudine signa quædam sumantur ad id quod quærimus declarandum? Hoc enim pacto affici caput per consensum cum digito pedis aut manus putamus, quòd scilicet similiter in aliis id euenire cōspexerimus: veluti in his contingit, qui hoc modo comitali morbo, affecto cerebro, laborāt. Cæterū propriè partē affici cognoscimus ex magnitudine affectus, symptomatum consequen

sequentium, & causarum, quæ affectum intulerunt, aut mitigant vel intendunt, aut penitus tollunt. Qui enim magni sunt affectus, vt magnas impressiones indicant in partibus conceptas, sic stabiles læsiones significant, leuiores verò instabiles, & qui facile euanescent: Grauias verò continuæque symptomata, magnæ in corporis qualitatibus, actionibus, & excrementis mutationes, proprii affectus sunt indices. Si tenuis, paucûsque est spiritus, qui partem afficit, vt leuiorẽ, sic instabilem adhuc læsionem ostendit, si vero sit humor in parte impactus, propriè affectam partẽ monstrat. Si leuiter aliquis fuerit percussus, ob leuitatem causæ lædentis colligimus stabilem nõ posse esse in parte percussa affectionem, quod pariter contingit si pars dura & solida est, quæ patitur. At si à leuissimis remediis iuuetur, quod laborat, ostendit se nondum pertinacius malum concepisse: contra verò accidit, si mollis est pars, quæ facile omnes impressiones admittit, si nulla remedia, aut non nisi magna, & continua profunt, obsunt autem vel minima. Tunc enim vehementiorem, & proinde iam firmum affectum suspicari oportet. Atque hæc satis quidem de signis demonstratiuis: nunc ad alia genera accedamus.

## IOANNIS ARGEN-

## TERII DE SIGNIS

## MEMORATIVIS

## LIBER TERTIVS.

*Quorum sint signa memoratiua, & quæ per  
illa dignoscere oporteat.*

## CAP. I.



VAE sunt signa memoratiua, quæ & quot illorum sint genera, & differetia, quæ denique sit illorum utilitas, ex superiore tractatione patere puto. Nunc verò illud explicandum imprimis esse duco, quorum hæc sint signa, & quæ per illa scire conueniat. Qua in re Galeni

opinionem non recipio, qui in quarto libro de Præfagitione ex pullibus scribit signa memoratiua duntaxat caufarū esse. Neque enim solum quæ causa, sed etiam quæ corporis constitutio, & quæ accidentia præcesserint, commemorare necesse est, quandoquidem curationem, conseruationē, præseruationem, remediorum denique, & victus rationem huiusmodi cōmemoratio (vt postea ostendemus) variat. Porro vt corpus à diuersa constitutione in eam, quæ præsens est, mutatur, sic diuersa commemoranda sunt in vnoquoque corporis præsentis statu. Si enim morbo quis laboret, imprimis quæ causa morbum intulerit, cognoscere expedit, propterea scilicet quòd huiusmodi cognitio curationem mutat. Aliiter namque morbos curamus, quos vigilia, aliter quos ira vel labor, aut alia causa morbosa intulit: deinde quomodo genitus sit morbus, inuestigare oportet, an paulatim irrepperit, vel confertim inuasit, an densando, vel rarefaciendo, vel vulnerando, aut contundendo, vel alio denique modo causæ morbum excitauerint, ignorandum non est. Vt enim diuerso modo illæ corpus affecere, sic profectò varianda est curatio, & præseruatio. Locus præterea per quem illæ sese insinuarunt in corpus, à medico perdiscendus est, quando plurimum refert intelligere, an extrinsecus inuasit, vel intrinsecus egerint. Cui enim loco remedia potissimū sint adhibenda ex hac commemoratione patet. Ad hæc tempus, quo quis laborare cœpit, memoriæ subiicere necesse est, propterea quòd aliter curamus quos longus iam morbus afflixit, aliter qui non multo antea laborare cœperunt. Quinetiam plurimum scire refert, quæ qualisque sanitas præcesserit: quippe quum id ad morbi naturam, & differentias dignoscendas, quibus curatio quoque variatur, plurimum faciat. Si quis enim probe sanus esse consuevit, vt bonos humores gigni, sic mites, & non malignos morbos incurret. Porro si conualescens aliquis sit, qualis morbus antecefferit, scire necessarium est: quandoquidem id docet, qualis sit relicta in corpore dispositio à morbo præcedente: quo postea intelligimus quomodo renutriendi, restaurandique sint, qui à morbo resurgunt. Vnde scribebat Hippocrates in Aphorismis. Quæ longo tempore extenuata sunt corpora, longo tempore reficere oportet, quæ breui breuiter. Si verò sanum est corpus, tunc ea cognoscere oportet, quæ

quæ sanitatem præcesserunt, an scilicet recenter ex morbo conualescens sanus sit factus, vel non, religiosus enim illis viuendum, his autem liberius: atque in singulis quæ præcesserint ex his, quæ sanitatem conseruant, somnûsve, vel exercitatio, cibus, aut aliud quidpiam, cognoscendum: id enim viuendi rationem, & quid postea fieri debeat, monstrat: Quippe si somnum modo præcessisse cognouerimus, intelligemus cibo nondum esse opus, si cibum, quiete, non vehementi motu: Atqui extincto homine, quis morbus mortis causa extiterit, nonnunquam quærimus. Quæ quidem omnia ex signis memoratiuis consequimur. Quo magis mirari licet horum tractationem ab omnibus fere scriptoribus hætenus fuisse contemptam, aut certe non satis illustratam. Nam vix duobus verbis eam cōplectitur Galenus, quū in Arte medicinali refert quædam esse signa demonstratiua, quædam prognostica, alia memoratiua, & nusquam postea satis memoratiuorum vsum docet, nusquam quæ per ea dignoscere oporteat, nec quæ, quôtque sint illorum genera, & differentia, nec à quibus ea sumere debeamus, explicat, hoc solo contentus, quòd quædam sint memoratiua, & minor eorum sit utilitas, quàm aliorum, & ad causas morborum inuestigandas conferant: quum tamen qua ratione id contingat, non explicet: nimirum quòd par fere sit (vt antea ostendimus) signorum omnium utilitas, si modo omnia, quæ ab illis indicantur, sunt à medicis percipienda, & ad alia quàm ad causas morborum illorum vsus pertinet. Quare tanto diligentius hæc à nobis explicanda sunt, quanto magis ab aliis contempta fuerunt. Nemo tamen putet à nobis hæc negligentius explicata, quòd genera, differentias, & vim horum signorum non doceamus: nam hæc permittimus, vel tanquam nota ex superiorum tractatione, vel quòd ad illorum imitationem facile inueniri valeant,

*Quo modo intelligere possimus, quæ fuerit morbi causa.*

## CAP. II.



Ab eisdem fontibus memoratiua signa sumi, à quibus alia ducuntur, ratio dictat, sed quo modo id fiat (quod potissimum hæc tractatio promittit) nunc explicandum. Ergo quæ fuerit morbi causa, imprimis docebit natura affe-

&us, quem causa peperit. Nam in diaria febris ex æstu cōtra-  
 eta cutis calidior, squalidiōrque est, quàm pulsus ad febrilē  
 dispositionem muretur: sitis parum infestat, calor statim in  
 primo occurſu vigere, caput, ut peruri maximē videtur:ocu-  
 li calidiores, & rubicundiores apparent cum siccitate qua-  
 dam, quoties sine grauedine, & destillatione febricitāt. Nā  
 quibus hæc adſunt, caput non solum calidum, sed etiā san-  
 guine plenum conspicitur. Eam verò, quam vigilia commi-  
 ſit, cognoscit Galenus, eo quòd facies laborantibus sit deco-  
 lorata, & subtumida, & palpebræ vix attolli valeant, oculi-  
 que sint humidi, & cōcaui. Quòd si tristitia febris causa ex-  
 titit, acris potius quàm multus calor apparet, & corpus gra-  
 cile conspicitur, oculi concaui, & sicci: insolita decoloratio  
 adest, paruique pulsus aduntur. At eam, quam accendit ira,  
 ostendit multus potius quàm acris calor, qui celeriter ex  
 profundo corpore effertur, magnique pulsus. Si verò lassitu-  
 do febrem procreauit, cutis siccior plus quàm in alia febre  
 sentitur, & calor acris vrget. Quæ autē ex densitate nata est  
 diaria calorē habet, qui primo occurſu mitis apparet, postea  
 vero acrior confurgit. Vrinæ non rufæ, nec corporis moles  
 collapsa nec oculi concaui, aut sicci. Ea verò quam peperit  
 inflammatio: maximos, veloces, frequentēſque pulsus ædit,  
 plurimo calore sed suauiter abundat, faciem rubidam, & sub-  
 tumidam, urinas verò subalidas reddit, eadem est ratio in  
 aliis morbis. Nam calidus affectus calefacientem præces-  
 sisse causam indicat: cuius verò generis sit, genus caloris  
 monstrat. Acrior siquidem calor sequitur calefacientes, sic-  
 cantēſque, mitior verò calefacientes, & humectantes causas.  
 Eodem modo vulnus docet causam morbi fuisse, quod se-  
 candi vim haberet. Angustum verò, & profundum vulnus  
 monstrat ab his illatam esse plagam, quæ punctim feriunt.  
 Si quis morsus fuerit à cane, intelliget ex vulneris colore,  
 & reliquis qualitatibus, & symptomatis, an rabidus canis  
 fuerit, vel non. Si quis forte serpentem conculcauerit, &  
 illi cutis à pedibus excorietur, cruræque œdemate intume-  
 ſcant: vel si eundem offendere tentauerit, & interim olfactu  
 ita afficiatur, ut omnia quæ olfacit, prauum odorem referre  
 putet, eum fuisse serpentem qui drymus dicitur, agnosci-  
 mus, eodem pacto si quispiam solo visu, vel sibilo serpentis  
 occisus, vel grauiter affectus fuit, diuinamus Basiliscum  
 fuisse.

fuisse. At si quis ab huiusmodi feris vulneratus, sanguinem per os, & nares, vniuersumque corpus effundat, ex symptomate proditur fuisse hæmorrhus serpens: Ardens verò febris quæ cum inexhausta siti, & æstu vehementi infestat, eos conficit, qui à dipsade commorsi fuerunt: Acontias serpens, vbi se multum extenderit, ceu iaculum quoddam insilire, & sic homines perimere creditur, Ptyas verò serpens, ceruice exporrecta, & interualli metita longitudine, rationalis cuiuspiam animalis modo, minime aberrans, venenum corporibus inspuat: Lædunt alij serpentes alio modo, & peculiaria sua inferunt symptomata: veluti & alia omnia, quæ vim agendi in corpus habent: quæ quum perspecta fuerint ex illatis malis, quales extiterint illorum causæ haud dubia coniectura commemorabimus. Si communis sit morbus non immerito suspicabimur ex aëris malignitate eius ortum acceptum. Si sparsi, & singulis proprii grassentur morbi, ex peculiari victu causa petitur. Ac (vt semel dicam) diuersi effectus differentes causas, & iidem easdem præcessisse commemorant. Nam etsi ira, vigilia, tristitia febres inferunt, nihilominus in febricitate corpore quædam impressiones apparent, quæ præsertim, dum recens est affectus, diueritatem causarum indicare possunt. In aliquibus tamen clarius suam causam declarat, qui inueteratus est. Nam ab initio vix distinguas ex vulneris qualitatibus, & aliis accidentibus an rabidus vel nō esset canis, qui momordit: Progressu tamen temporis quæ latebat veneni vis fit conspicua. Vulneratæ vero partes ab initio clarius quæ vulnus intulit causa apperunt, postea verò ob circumnascentem carnem primo facta impressio tegitur. Licet quoque nonnūquam efficientes ipsas morborum causas ex propria essentia deprehendere. Veluti si quis à spiculo vulneratus fuerit, si quidem adhuc illud corpori adhæret, vulneris causa eo conspecto intelligitur. Quis præterea ex contemplatione causarū efficientiū morbos, quæ præcesserunt, non inueniet, quæ fuerit præsentis morbi occasio? Si enim fortè præcesserit aquilonia constitutio, & subinde sequantur pleuritides, optimè in aëris ambientis iniurias morbi causam referemus. Ac etiam ex causis remotissimis, quæ alias pepererunt, coniecturam sumimus. Nam si quis literarum studiosus febre sit correptus, ex vigilia eam cōtractam suspicari pos-



fumus: quòd is amœnitatē literarum captus plurimum vigi-  
 lare consueuerit. Eodem modo si laboriosus, negotiosusq;  
 homo in febrem incidat, ex labore eam natā arbitrari par-  
 est, quòd ob corporis negotia is plurimū laborare conetur.  
 Sumuntur & indicia ex causa, quæ subiectū dicitur. Si enim  
 mulier laboret capitis dolore, diuinare possumus ex reten-  
 tis mensibus dolorem esse obortum. Si quem cruditas exer-  
 cere solet, ferè credere possumus, quicquid mali in eo cōtin-  
 git, inde originē duxisse. Hæmorrhoides suppressæ aut alia-  
 rum partium cohibitæ euacuationes admonent nos crede-  
 re debere quænam materia, & qualis fuerit morbi origo. Si  
 cui adest rara textura, ex adstringentibus, extrinsecusq; ca-  
 lescentibus illi febres promptè cōtingūt. Quòd item ma-  
 gis vna pars quàm alia afficiatur, sumptis indicis ex mate-  
 ria subiecta, intelligimus quæ causa morbum intulerit: quo  
 modo ortam ex æstu febrem agnoscimus, quū caput præci-  
 pue vratur, afficiturque: si spiritus afficiuntur, putamus om-  
 ninò causam esse passionis, quod alterandi, aut suffocandi  
 vel dissoluendi vim haberet, quòd ferè ab his duntaxat sub-  
 iecta materia pati posset. Si durū est corpus, quod afficitur,  
 rationi est consonum existimare causam, quæ peperit ma-  
 gnā vim habuisse, propterea quòd dura, solidāque mate-  
 ria vix aliter pati queat. At causæ iuuantes, & lædentes cer-  
 tius id monstrant. Sic enim diartas ex æstu contractas Gale-  
 nus dignoscit, quòd balneis, fomentisq; frigidis iuuētur,  
 delectenturque qui ea laborāt. Nec alienum quidem est ex  
 similitudine signa capere. Nam si quem ex morbosa quapiā  
 regione aduectum morbo correptum medicus videat, facile  
 suspicari poterit confocios ex cōmuni aëre, & loco suorum  
 morborum originē duxisse. Atque quum hæc quidem quæ  
 enumerauimus, suas differentias acceperint, differentes cau-  
 sas monstrabunt. Magni enim vel parui, benigni, vel mali-  
 gni, simplices vel compositi affectus, huiusmodi præ-  
 terea causæ quæ præcesserunt, vel alias pepere-  
 runt, vel admittere possunt, monstrant  
 talia esse quæ morbum excita-  
 runt, qualia ea fuerint,  
 quæ ea osten-  
 dunt.

*Indicantia modum, quo mor-  
bus genitus est.*

## CAP. III.



**AETERNUM** generationis morborum modum, & rationem ex natura ipsarum causarum imprimis intelligere licet. Sunt enim inter illas quæ paulatim tardèq; solū in nos agunt, quædā quæ confertim, aliæ quæ per accidens, nonnullæ quæ per se morbos gignunt. Subita quidem agendi vis inest calefacientibus, refrigerantibus, vulnerantibus, contudentibus, frangentibus, & rumpentibus: contra verò siccantibus, humectantibus, erodentibus, exulcerantibus, quæ paulatim obesse possunt: Calida per se, frigida verò per accidens calidos morbos inferunt. Ac etiam in eodem genere causarum, quæ abunde excesserunt, etsi suapte natura tardæ sunt, celeritatem tamen excessu acquirunt, & quæ suapte natura celeres, defectu tardiores euadunt, ex quibus sanè intelligemus non posse morbum, qui subito emergit ab his, quæ paulatim duntaxat eos excitant, procreari: nec eos, qui paulatim nascuntur, ab illis fieri, quæ non nisi confertim affligunt. Morbi tanquam effectus suarum causarum idē monstrant. Nam qui paulatim gignuntur, ut vlcera, caries, sicca intemperies, scirrhi, qui subito, ut tumores ex fluxione calida nati: quæ item ab his, quæ per se solum agunt, proueniunt: ut contusio, vulnus, non solum propriam suā causam, sed etiā modum, quo geniti sunt, patefaciūt. Præterea ex effectibus aliis, qui morbosas causas, morbosque ipsos sequuntur, signa pariter ducuntur. Nam dolor eos tantum morbos, easque causas sequitur, quæ subito agere possunt. Sic symptomata alia quæ statim euidenter apparent, subitam generationē morborum monstrant, quæ verò paulatim, contrarium significant. Præbet & notas materia, quæ patitur. Si enim spiritus afficiuntur, subitam fuisse affectus generationem agnoscimus: si partes solidæ, non itē, quā tenuia corpora subito mutantur, solida verò agentium vim difficillimè, & non nisi paulatim suapte natura recipiāt. Qua ratione credimus diarias febres statim gigni, hæcticas vero ferè, solum quā solidę partes ob vicinitatē accensi spiritus, vel humoris febrilem calorem tandem concipiunt. Eodem pacto si morbosum, & ca-

cochymū est corpus, quod laborat, paulatim ex vitio humorum pullulasse præsentem morbos putamus: quòd si nullum subest vitium, subitam fuisse morbi generationē ex solius agentis vi concitatā arbitramur. An non etiam materia ex qua morbi procreatur, signa ad hæc dignoscēda præbet? quādoquidem non alia ratione verrucas, & alios duros, & sine dolore tumores paulatim concreuisse, existimamus, quā quòd ex crassa, tenaci que materia, quæ paulatim exsiccatur, acervaturque, proueniāt. At ex caulis iuuātibz, & lædentibus non perinde licet certa signa sumere, propterea scilicet quòd multi morbi reperiuntur, qui subito geniti sunt, tamē nō nisi paulatim tolli possunt, vt vulnera: quidam verò, qui et si paulatim sunt orti, subito tamē mitigari queunt: cuiusmodi sunt, qui ex humorum corruptione prouenerūt. Nam hi purgato subito humore, statim mitescunt. An non etiam causæ sine quibus, & cum quibus aliquid ad id conferunt? quum eos, qui longo labore se confecerunt, paulatim suos morbos contraxisse, alios autem qui conuenientem victus rationē seruauerunt, cōfertim fuisse læsos putemus: nimirum quòd nulla subesset morbosa dispositio, quæ morbi occasio nem longius repeteret. Possumus & ex similitudine signa in hac re colligere. Si quos enim antea bene affectos nouerimus, & subinde morbo correptos, alios illis similes, aut etiam deterius habentes, eodem modo in morbos præcipitatos existimabimus, quòd cōmunis esset causa quæ eodem modo omnes affecit.

*A quibus sumantur signa, quæ doceant per quem locum causæ morbos excitauerunt.*

## CAP. IIII.



ATVRA affectus id hoc modo ostēdit: vulnera namque non nisi ea, quæ extrinsecus lædunt, inferre possunt, quemadmodum contusiones, & fracturas. Internæ erosiones non nisi ab his, quæ assumuntur, aut retinētur, & denique ab his, quæ intrinsecus offendunt, oriuntur. Intēperaturæ verò tum ab his, quæ intus agunt, tum ab aliis, quæ extrinsecus occurrunt, pari ratione prouenire possunt: veluti febris, quum cutis densitas, externus calor, assumpta me-

dicamen

dicamenta, animique perturbationes concitāt: docent & id qualitates præter naturā, quæ in laborante corpore conspiciuntur ab antegressis causis relictæ: Si quis enim ab externo frigore febrem cōtraxerit, densitatē in cute adhuc ostendet: si ab insolatione, caput potissimū estuabit: si nocuit cruditas, ventriculus præter cæteras partes male habebit: si bubo ortus in inguine febrem peperit, intelligemus per vicinas arterias, & venas calorem ad cor permeasse. Sumuntur & à causis efficientibus signa: Si quis enim calefacientibus, siccantibúsque alimentis, relicto verò victu idoneo quo vti consuevit, in febrem incidat, ex his, quæ intus assumuntur, morbum genitum cognoscimus. Vnctiones & lotiones extrinsecus duntaxat sese in corpus insinuare possunt. Aër verò intus, & foris vim suam pariter exercet. Vnde ex causarum agentium in nostrū corpus natura licebit intelligere, genitis morbis, vnde eorū origo in corpus emanauerit. Cōfert nonnihil præterea materia subiecta ad huius rei dignotionem. Nam si corpus externis iniuriis maxime est expositum in morbis, qui vtrinque excitari possunt, originem in his potius, quæ extrinsecus, quàm quæ intrinsecus agunt, quæremus. Si mulier est, quæ capitis dolore tentatur, ex vtero affectū potissimū natū putabimus. Ossa externis potius, quàm internis iniuriis patent. Interna verò viscera cōtra potius internis quàm externis malis sunt obnoxia: Iuuantes, lædentesque causæ sua quoque dant indicia. Qui enim extrinsecus ad motis remediis iuuantur, fere declarant ab his, quæ extrinsecus afficiunt, morbum genitum: quo modo febrem natam ab adstringentibus iudicamus, si plurimū conferant rarefacientia: ab insolatione verò, & capite primario affecto natus est morbus si profunt refrigerantia, cuius capiti adhibentur. Similitudo pariter docet per quem locum morbus ad internas partes peruenierit. Sic profecto pustulas, & intēperies, aliásque passionēs, quas adfert morbus Gallicus vocatus per pūdendum receptas putamus, quod alios fere omnes hac labe affectos per eū locum contaminatos nouerimus.

*Quæ doceant tempus, quo laborare  
cœpit qui agrotat.*

CAP. V.



**E**TSI in omnibus morbis ex propria eorū natura signa sumere non licet ad id, quod proposuimus indicādum: siquidem magni, paruique morbi reperiuntur, qui modo inceperunt, alij verò qui iamdudum infestant: sint aliquibus tamen, vel omnibus potius differentiis, adhibitis nonnullis distinctionibus, id facere possumus. In suo enim genere qui plurimum iam excesserunt, longius repetere originem videntur: veluti magna vlcera, quæ quū vt plurimū paulatim gignantur, monstrant se ante multos dies cœpisse. Febres autem magnæ statim prima die nasci possunt, sed enim inter magnas, quæ maiorem vim acceperunt, aut acceptam deposuerunt, longius aliis sunt productæ: inflammatio recens est affectus, suppuratio antiquior, vt pote quæ antecederem inflammationem sequatur. Præbent autem certiora indicia morborum affectus. Actiones nāque plurimum læsæ, corporis qualitates insigniter à naturali statu permutatæ, veluti gracilitas, decoloratio, summa durities, & quæ sunt huius generis, in morbis qui extenuandi vim habent, prænunciāt eum, qui affligit, in suo genere longius prouectū: neq; enim idem tempus acutis, & longis his notis cōstituire possumus, quando qui mitior est affectus, non nisi longiori temporis spatio corpus exhaurire valet, quod breuissimo, qui vehementior est, præstat, sed satis est si intelligamus, acutum in quo hæc apparent signa, non longe à fine abesse, diūq; quantum morbi natura admittit) iam affligere cœpisse: Idemque esse credendum, si per leuiora mala idem cōtingat. At excrementa in morbis, qui ea gignunt, & ab illis patesceri possunt, non solum in quadā latitudine tempus præmonstrant, sed etiam diem ipsum, quo laborare cœpit, qui affligitur. Nam in vehemēti febre si manifesta coctionis signa in vrina appareant: quarto die antea inchoasse morbum declarant. In mitiore quinto, vel septimo, aut vndecimo, vel decimo quarto. Eodem pacto excretiones coniecturā iuuare possunt. Sic sane Hippocrates scribebat in Aphorismis, morbū regium ante septimum his cōferre non posse, qui febre detenti ante septi

septimum biliosum humorem ad cutem regerunt. Vnde si confert huiusmodi excretio, cōstat omnino iam elapso esse sex dies, quo febris hominem corripit: si sanguis, vel sudor, vel alius humor effunditur per synochas febres, qui hominem liberet, aut certe morbum insigniter minuat, certum est quatuor, vel septē potius à primo morbi insultu, intercedere dies: quum antea nulla utilis excretio in huiusmodi malis fieri possit. Præterea accidentia, quæ morbus progrediendo consequitur, aut deponit, nō obscuras exhibēt huius rei notas, si enim rigor, in exquisita quartana, per accessiones mitis apparet, signū est plurimum ipsam quartanam durasse quum declinationis hoc sit signum: Si humor melancholicus est, qui nocet, & insignes in eo mutationes factas videamus, quum non nisi paulatim id fieri possit, ex materia morbi signa ducimus, credimúsque iamdudum morbos inchoasse. Eodem modo si dura solidaque est pars, quæ laborat, aut mollis, & ad patiendum promptior, notæ sumuntur: quandoquidem in eo corpore, vt difficile recipiuntur passiones, nisi violenta omnino sit causa, quæ morbum peperit, sic profecto colligimus longius ab initio rem abesse, propius autem si alterius generis est, quod afficitur. Cordis vulnera, vt ex subiecta materia notæ petātur, perpetuo sunt recentia, eo quod diu huiusmodi pars illa ferre nequeat. Antiquiora illa esse possunt in vesica, intestinis, & cerebro: sed non perinde vt in aliis partibus. Possumus etiam ex iuuantibus, lædentibusque causis indicia quædam capere. sic enim adhibitis in quartana febre remediis, quæ declinantē morbum iuuare possunt, si ea cōferunt, vt declinationē iam adesse, sic plurimum morbum durasse certa coniectura credimus, quod scilicet non nisi post longum tempus declinatio in huiusmodi affectibus contingere soleat. Idem ostendent quæ declinanti morbo obsunt. Ac (vt breuiter dicam) quæ in singulis morbis eorum tempora docent, signa pariter fiunt temporis, quo illi inuadere cœperūt. Ad hoc signorum genus pertinere videntur notæ, quæ ex anni temporibus petuntur, veluti si quis hominem ineunte vere, quartana correptū inuenerit: quum ad id tempus, in quo nō gigni, sed dissolui huius generis febres solent, tantū plane intercedere temporis ab initio morbi putare possumus, quantum præsens anni constitutio ab autumnō, vbi earū origo est, distat.

stat. Quanquam tamen non impedio si hæc signa, vel ad naturam morbi, vel ad materiam referatur: propterea quod docent anni tempora, ut corporis temperies, qualis sit morbi, & humoris redundantis natura, ex quibus colligimus qui proprii sint morbi, & eorum causæ iis, aut aliis anni constitutionibus, vel corporis temperamento. An non etiā similitudo suas in hac re cōfert notas? quandoquidem licet cognoscere ex vno, aut pluribus, certo aliquo morbo, & tempore correptis, nō amplius pullulantibus huiusmodi malis, alios similiter affectos in eisdem tēporibus pariter ut illos, suos morbos contraxisse.

*Quibus notis deprehendere per morbum liceat, quæ sanitate præditus ante fuerat, qui laborat.*

C A P.

VI.



**I**D non minus, quàm alia, ex eisdem fontibus ductis signis, intelligemus: etenim affectus natura, quo quis laborat, id in primis docet. Quippe si benignus morbus fuerit, salubre, optimèque affectum corpus sua natura esse monstrat: contrà verò si malignus insalubre, & non nisi deteriore conditione præditum, nisi forte externa causa, quæ morbum excitauit, maligna, aut benigna, vel etiam admodum exigua, aut vehemēs extiterit. Nam quum ex ipso corpore morbus tunc non proueniat, agentis causæ malignitate & vehementia, naturalis constitutio ita vitari potest, ut pessima, & maligna reddatur: quemadmodum in his contingit, qui ex venenis malignis suos morbos cōtraxerunt, quorū vi natiuus color, alioqui bonus, & reliqua corporis natura ita mutatur, ut deterrima putari posset. In iis vero qui pessimè secundum naturam sunt affecti, perinde faciles, & exigui ob leuitatem causarum, quæ morbos intulerunt, affectus aliquando nascuntur, ut ex illorum natura facile non sit commemorare, qualis esset per sanitatem corporis status. Hoc ergo quod ex causis agentibus sumitur, reiecto, aut diligenter expenso, certa reddetur ex affectus natura huius rei cognitio: & multo magis profectò, si grauissimi affectus ex leuissimis causis, aut contrà ex grauissimis leuissima mala prouenerunt, intelligemus in priore casu pessimam, in alio optimā corporis conditionē subesse. Nec solū quidem

quidem morbi natura, sed etiam differētia, vt magnitudo, & paruitas cognitionem hanc confirmant. Nam si grauior, quā suapte natura esse debeat, in aliquo morbo appareat, id non in aliud reicere possumus, quā quod mala compage, nempe delicatiore, molliorēq; aut corrupta sit à natura donatus, & non prospera sanitate præditus. Quinetiam naturalis ipsius corporis structura, quæ per morbos adhuc conspicitur, vt causa ex subiecta materia sumpta idem significat. Si enim quadratū benēque carnosum, & denique in similibus & instrumētariis partibus quantū licet per morbos corpus, quod laborat, probè constructum inueniamus, non temerè suspicabimur illi bonā contigisse, naturalē, sanāq; constitutionem. At causæ, quæ morbum procrearunt, non obscura etiam huius rei tradūt indicia. Nam si à leuissimis causis in morbum quis est proiectus, deteriorem in eo esse naturalem constitutionem arbitramur: contrā optimam in eo, qui omnibus validè restitit, & non nisi maximis iniuriis succubuit. Ad hæc iuuantes causæ, & lædentes cognitionem confirmant: siquidem quæ valida est natura, etiam per morbos vim suam retinet, minimisque remediis adiuta sua mala vincit: Illis verò quibus data est deterior conditio quā morbis vexantur, vix aliqua prosunt auxilia, natiuo nimirum robore destitutis. Cæterum ex parentibus, educatione, victus ratione, anni tempore, cœlique statu, felici syderum aspectu, & (vt semel dicam) omnibus, quæ vim gignēdi, conseruandi, iuuandi, lædendi, & denique aliquo modo mutandi naturā nostram obtinent, signa ducere possumus. Quo modo eos, qui ex sanis parentibus procreati sunt, quique in aëre salubri degunt, & victu vtuntur idoneo vigentibusque optimis astris sunt cōcepti, & nati, bene affectos credimus: aliter verò habere, qui cōtraria sunt sortiti: Nec minus profectò ex effectibus, qui per morbos apparēt, certa huius rei testimonia perimus: si enim per vehementiores morbos leuiora apparent symptomata, naturalis constitutionis robur ostenditur, vtpote quæ mitigare valeat, quæ suapte natura repta, actiones validas retinet, vt si bene appetit, retinet, concoquit quæ mutatione egent, & excrementa expellit: si dormit, vigilat, facile mouetur, bene sperat, facilēque morbum fert, par est existimare huiusmodi hominē per sanitatem



tem bona conditione donatum. At si per mediocres morbos actionū concidit robur, & prædictis contraria apparēt, malam illi inesse corporis constitutionē depræhēdimus. Id quod optimē, vt alia multa, Galenus noster dicere solet, virtutem scilicet fortem omnia contemnere, debile verò & infirmam ab omnibus prosterni. Præterea excrementa, quæ à corpore prodeunt, & alia quæ in corpore sūt, quum vrgentibus vehementioribus morbis à bona conditione nō longē absunt, indicant corpus quod afficitur per sanitatē bene affectum. Sic sane quum sanguinem alicui initio morbi detrahimus, & eum floridum optimūque conspiciamus, corpus, quod illud procreauit, recte constitutū iudicamus. Contrarium verò existimamus, si corruptus, putridus, aut denique mala alia qualitate præditus extiterit. Nonnihil etiam ad hæc dignoscenda corporis qualitates: nā si quis per morbū leuiorem asperior, durior, flauior, vel nigrior, aut liuidior statim euadat: aut putidum expiret, vel sentire se putet, aut aliā quamcunq; malam qualitatem, plus, quā natura morbi postulet, repræsentet: insitam ab ea, quæ per sanitatem est constitutio, huius rei causam nō à morbo leuiore prouenire existimandū est, cōtra si cui in maiore morbo corporis qualitates non multum euariant, optimus eius status quum valet, ostenditur: Quod si eos, qui laborant, similiter habere, vt alij, quos bene, malēque affectos per sanitatē cognouimus, iudicamus, similitudo docebit quod in illis querimus, ne superfluo plura exempla contestemur.

*Quæ ostendant, quæ præcesserunt in conualescentibus.*

C A P.

V II.

**I**AM verò non solum conualescentes, & recen-  
ter à morbo liberatos, ex eisdem signorum ge-  
neribus depræhendemus, sed etiam quo, qua-  
liques morbo vexati fuerint, dignoscemus. Nā  
quæ in partibus similaribus adhuc apparet in-  
temperies, & vitium, quod instrumētarias partes vrget: eas  
potissimum laborasse ostendunt, quæ (si adhuc plurimum à  
naturalī statu huiusmodi mala obsunt) testantur profectō  
grauissimum extitisse morbum, qui hominē male habuit:  
si calor, siccitasque pariter immoderata adhuc appareāt, no-  
tæ sunt cōpositi morbi præteriti. Sin verò in alterutra qua-  
litate

litate paritur intemperies, simplicem morbum fuisse agnoscamus. Atque eadem ratione alia genera, differentiâsque morborum ex eorû reliquiis commemorare unicuique licebit. Nec obscuriora quidem indicia præbent prægressi morbi eorum effectus in conualescente corpore derelicti. Depravata etenim, aut imbecillis appetentia, vel concoctio nutrimenti: excrementorû præterea permutatæ qualitates, tardæque expulsionones, aut celeriores quâ par sit: quinetiam corporis extenuatio similes partes affectas fuisse repræsentant. instrumentarias verò qualitates, functiones, & alia opera nondum integritati restituta, quæ ab huiusmodi partibus proveniunt. An verò uniuersum corpus, vel aliquæ potissimû partes morbis molestatae fuerint, docebunt præter essentiâ ipsius morbi, quæ in uniuerso corpore, aut in aliqua dumtaxat parte cõspicitur, symptomata, quæ eas sequuntur. Si enim cruris actio peculiariter vitiata est, illius partis vitium fuisse intelligimus, si pulsus mutati, cor: si somnus, aut vigilia male habent, cerebrum, si nutritio corrupta est, hepar, si appetentia cibi, & potus, ventriculus, si sensus, & motus, nervosum genus, si venus oblaesa est, genitales partes. Et denique præ ceteris illas vexatas fuisse deprehendemus, quarû opera, & officia à naturali cõditione maximè recedunt. At ex morborû causis præcognitis, nonnulla etiâ indicia capere possumus: si quem enim, ineunte vere, liberatum conspexerimus, ferè prædicere licebit inflâmentationem alicuius partis, aut synocham febrem fuisse, quæ hominem infestauit. Si æstate quispiam occurrat à morbo ereptus, aut tertiana, vel ardēs febris, aut deniq; biliosus, calidissimûsq; morbus præcessit. Si vero autumno, difficilis, grauisque morbus, inordinatus, inæqualis, & siccus hominem vexauit. At si hyeme inueniatur, qui è morbo excessit, diuinare licebit stomachi dolorē, aut coli intestini, vel capitis grauitatē, vel quotidianam febrem, aut tussim, vel alium huius generis morbû antecessisse, quod scilicet huiusmodi tempora tales morbos parere soleant. Eandem præstat vim ratio victus, siquidem varia, copiosa, intempestiua, vel alia ratione vitata nutritio, quæ sanguinem gignit copiosum, vel bilem, vel pituitam, aut alium humorem procreat, tales repræsentat morbos, quales humores ab ea nati committere possunt, si ob vitæ conditionem præter modum exercetur, aut afficitur

citur pars aliqua, nō temerē ingruētibus morbis eam infestatam suspicari poterimus. Hac enim ratione literarū studiosi capitis dolore, & cruditatibus tentari solent, & fabri ferrarij ophthalmiis, & qui chymicā artē superfluo studio exercent ex cōtactu argenti viui neruosis partibus vt plurimum afficiūtur. Ac ne singula prosequamur, ex efficiētibus morborū causis quis, qualisque molestauerit morbus, non obscura cōiectura cōpræhendemus: Nec minus iuuat subiecta materia huius rei cognitionem: Hoc nāque pacto si validum, robustūque suapte natura est corpus, cōmemorare possumus grauē omnino morbum extitisse, quādoquidē huiusmodi naturæ, non nisi à maximis causis laborare solent. Quemadmodum etiā ij, qui corruptis malignisque humoribus sunt referti. Aliter verò iis contingit, qui delicatam, sed absq; alio vitio naturā sunt sortiti. Nec desunt quidem in hac re signa ex iuuatibus, lædentibusque causis sumpta. Nam si pauca, & ea vix profunt, lædunt autē plurima, faciliēque conualescentes, notū fit non parui momenti fuisse morbum, qui antecessit. Contrā verò si omnia statim postea quā euasit à morbo, profunt, aut à paucis offenditur, si quamprimū vires suas colligit, & sua opera aggredi cupit, & ea inchoata faciliē exercet, à nulla re offensus, credere par est huiusmodi hominē breui, leuīque morbo vexatum. His verò contraria contrarium significant. An non etiam eos censebimus vehementer laborasse, si alios sibi similes, simili tempore, similique morbo correptos, pariter affectos nouimus? veluti quum grassante graui febre, aut difficultate intesti-norum, eos, qui eodem morbo affecti fuerunt, vehementer vexatos, aliorum exemplo, quæ præterita sunt, prædicimus.

*Nota eorum, quæ præcesserunt insaniis.*

C A P.

VIII.

**N**ON aliter profectò hæc quàm alia prædicta in memoriam reuocabimus. Si enim firma appareat corporis cōstitutio, validæ omnes actiones, qualitates corporis planè secundum naturam, excremēta præterea, & alia opera in nullo euariēt à naturali sua cōditione, parūmq; possint morbosæ causæ,

causæ, nihil insigniter lædat, omnia vel plurima profint, ut bene sanum, sic nullo morbo multò antea laborasse corpus indicatur. Sin verò cōtraria iis eueniant, vel infirmum suaptæ natura corpus vel non longè antea morbo liberatum, aut etiam imminere aduersam valetudinem cognoscimus. Sic sanè alia quoque, quæ per sanitatem paulò prius facta sunt, intelligere licebit: humidius siquidem corpus, subtumida, decoloratæque facies, & pigrities quædam ad actiones obeundas in his apparent, qui recenter à somno sunt expergefatti, nondum scilicet ad externa membra productò calore, qui per somnum in visceribus internis conclusus fuerat. Quinetiam excrementa in his halitiosa apparent, humecta to nimirum per somnum corpore, lædunturque ij, si statim cibum assument, at motu iuuantur. Eodem pacto eos, quos ira affecit, deprehendimus ex toruis oculis, in flammato adhuc, rubicundoque vultu, concitatis, turbatisque pulsibus, & respiratione, & quod similia his habeant, quos simili affectu perturbatos nouimus. Ac ne singula in hac re expendamus, si omnium vim, quæ in corpus nostrum agunt, perspectam habuerimus: si quid in vnoquoque fieri possit, nouerimus, si præterea quid iuuet lædatque impressiones ab his, quæ prius egerunt factas, & demum quid simile alteri existat, cognouerimus, etiam si multa multis sunt communia, in singulis tamen inuenias quid vnum ab alio distinguat, & quod quæris, ostendat.

*Quomodo intelligere liceat, mortuo homine, qui morbus mortis causa extiterit.*

## CAP. IX.



VVM præsentēs sunt morbi, nonnunquam perinde dubia sunt signa, quæ morbi genus, differentiàmque monstrant, ut mors expectanda sit, quæ rem aperiat. Quoties enim quæso controuersia inter medicos de his nascuntur, quū vnus masculorum abdominis, alius hepatis inflammationem putet morbum esse, qui affligit. Vulnerato capite, existimat aliquādo medicus abscessum in cerebro factum, id quod negat alius. An vulnus thoracis pulmonem attige-

rit, sæpe ignoramus, & denique multa alia in dubium vertuntur, viuentē adhuc homine, quæ mors ipsa patefacit. Quare non inutile esse duco, ut paucis etiam quomodo id fiat, doceamus. Itaque morbi essentiam in nonnullis quis affectus mortem intulerit docet, ubi scilicet vnicus est, & sensibus patet. Sic enim iudicamus ex vulnere hominem periisse conspecta plaga, quæ ad vtranque thoracis partem pertingit. Clarius id licebit perspicere, si nouerimus, quid per se quilibet affectus præstare valeat, quid verò accitis aliis malis: Nam cerebri vulnus, nisi statim occidat, non nisi accersita inflammatione hominem perimit. Qui vehementes dolores inferunt morbi, aut resolutis spiritibus, aut antea parata inflammatione vitam adimunt. Ipse autem inflammationes, quæ locum quempiam occuparunt, lethales sunt: eo quòd suppurentur, putrescantque. Vnde ex propria natura morborum innotescet quod inuestigamus: Si id scilicet nouerimus quid vnumquodque sua vi præstare valeat, quid loci ratione acquirat, & in quæ singula mutari possint. Quòd si plures affligunt morbi, qui grauior fuisse iudicatur, mortis auctor existimandus est. Præbent & suas notas ipsorum morborum causæ: etenim inter eorum effectrices, quæ grauissimæ fuerunt, morbos eos excitarunt, qui mortem intulerunt. Si pituita, & atra bilis pariter morbos committunt, ductis notis à materia ex qua morbi nascuntur, suspicari possumus eum, qui ex melancholia natus est, utpote qui ex deteriore causa consistit, interemisse. Si ex cordis affectu quispiam perit, non abscessum sed aliud genus mali mortem intulisse arbitramur, quod scilicet abscessum sustinere nequit, cerebrum verò potest, vnde ex subiecta materia admonemur per vulnera illarum partium quis & qualis morbus mortis auctor fuerit. Nec absurdum quidem est ex causis sine quibus, & cum quibus morbi gignuntur, & constant indicia caperet, quandoquidem probabilius est eum morbum qui longiore tempore vehementius & continuo infestauit, & in deterioribus locis sui originem duxit: potius quàm alium, qui aliter habet, vitam homini ademisse. At morbi effectus, qui extincta vita emergunt, certius quis & in quo loco corporis morbus fuerit, testantur. Hoc enim pacto exanthemata, quæ morbillos vulgus vocat, nigra, aut liuida, quibus cutis mortuorum aspergitur, non qualemcunque febrem, sed prorsus pestilen-

pestilentem, quæ hominem iugulauit, ostendunt. Idem etiã tumores, qui in glandulis inguinum, vel axillarum extuberant, & nonnunquam erosa cute pus emittunt, peste confectum hominem docent. Pus quod per nares in morbis effluit, abscessum in cerebro fuisse prodit, quod si per os emititur, eundem affectum in ventriculo, aut parte aliqua vicina, quæ scilicet sua excrementa eò transmittere valeat, indicat. Summa corporis gracilitas tabe confectum fuisse hominem manifestat. Fætidus odor, qui statim, mortuo homine, erumpit, internum abscessum disruptum (qui iam antea quum integer esset) mortis auctorem denunciat. Nigra cutis, aut alius in ea color, præteriti morbi signa quoque præbêt. Sic enim Galenus libro primo de Viâu acutorum eos, qui pleuritide perierunt, vbi omnino refrixerint, nigrum latus affectum habere scribit. Sic etiam ex primis qualitatibus ductis signis libro primo de Præfagitione ex pulsibus distingui eos, qui ex cõuulsione ab his, qui ex syncope perierunt, quod scilicet illorum corpora diutissime permaneant calida, horum verò calor, vel etiam viuente homine, extinctus conspiciatur. Quod si quis, experientia duce, notasset, quid singulos morbos, homine vita functo, peculiariter sequatur, certam (quantum in huiusmodi re haberi potest) cognitionem haberemus. Verum quum in paucis adhuc hæc sint notata, nec quæ prædiximus indicia, monstrare possint quod quærimus, anatome consulenda est, & quæ similia in aliis apparuerunt. Illud verò prætermittendũ nõ est, non solum in his, sed etiam in aliis omnibus quæ præterierunt indicia quædam peculiariter sumi ex hominis, cuius statum inuestigamus, & aliorum, qui cum eo versati sunt, narratione. Hinc enim quæ, qualèsque causæ morbos excitauerint, & alios corporis affectus ex quibus notas petimus, deprehendimus. Et hæc quidem satis de memoratiuis signis, ex quibus studiosus lector iuuari poterit ad alia, si quæ desunt, excogitanda,

\*

# IOANNIS ARGENTII DE SIGNIS PROGNOSTICIS

## LIBER QVARTVS.

*Quæ de futuris prænosceda.*

### CAP. I.



VANTA sit signorum, quæ quod futurum est prænunciant, vtilitas, antea ostendimus: quinetiã ex superiori tractatione quæ, & quot sint illorum genera, & differentia, à quibusque ea sumantur, facile intelligi potest. Nunc verò ad ea, quæ illis sunt propria, tempestiuum est vt properemus. Qua quidẽ in re illud in primis explicandum esse duco, quæ nã de futuris sint prænosceda: hinc enim postea singula commodissimè explicare licebit. Itaque quum triplex sit nostri corporis status: aliquando siquidem sanum est corpus, aliquando ægrum, aliàs à morbo conualefcit. (Placet enim hoc loco hac vti diuisione instituto nostro accommodatissima) communia quædã omnibus in primis præcognoscenda sunt: deinde quæ singulis sunt propria. Porro in omnibus illud quærimus, an perseuerabit, qui præsens est status, an non: quod si mutabitur, in quẽ mutatio fiet, & quẽ erit mutationis ratio, quẽ causæ, quãdo, quo modo, & per quẽ corporis locum mutatio continget. Peculiarior autẽ, & singulis propria hæc fiunt, & plura capita in quibusdã, quàm in aliis recipiunt. Si enim corpus est sanum, necessariũ est præcognoscere, an quæ præsens est sanitas, diu durabit, vel nõ: quandoquidẽ id ad præseruationẽ futurorum morborum, & conseruationẽ præsentis status plurimum confert. Nam si quæ præsens est sanitas, proba, & inculcata fuerit, nullisque morbofis iniuriis eã expositam cognoscamus, securi in illius conseruatione versabimur, alioqui præseruationem imminentiũ morborum procurabimus. Eodem modo si eos, qui per sanitatẽ male sunt affecti, sperauerimus: ætatis, aut alterius necessario subsequuturi remedij, vt temp

vt temporū mutatione, melius habituros, aliis medicamentis auxiliis minime iuuabimus: eos verò, quos desperamus naturæ, vel alio communi beneficio melius aliquid cōsequi posse, artis nostrę ope restituemus: meliorē nimirū statū procurantes, & interim futuros morbos præcauentes: Conferretia huiusmodi cognitio ad famā & autoritatē cōparandā, & per seipsam iucūda quidē existit. Quis enim nō admiretur, & extollat medicū, qui prædicere possit longiorem, aut breuiorē fore hominibus vitā, & hunc melius, aliū deterius quidpiā ætatis cursu consequuturū? Deinde quibus morbis per vitā infestabitur vnusquisque, medicū prædicere oportet. Præterea à quibus causis, quōue modo illi in singulis excitabuntur, an scilicet ab externis, vel internis iniuriis, an paulatim, vel subitò, & cōfertim, aut alio deniq; modo prouenient. Quæ cognitio plurimū sanè prodest ad præseruationem recte instituēdam: aliter enim victū his adhibebimus, qui ab externis causis facilē offendi possunt, aliter verò his, qui internis iniuriis maximē sunt obnoxij: illos itē qui magnis morbis sunt expositi, religiosius viuere curabimus: liberius quos præsentiamus non nisi in leuiore morbos lapsuros: impetū præterea caularum, quę subitò, vehementerque nocere valent, per sanitatem frangemus, si omnino cōpescere nequiuimus, ne paulatim etiā obsit. Ad hæc tempus, quo mutatio continget, antea prænoscendū est: quippe si præsenferimus quo tempore venturus sit morbus, intelligemus etiā, quando vehementer vel segniter illi sit resistendū, eos nāque, qui iam ferē cū morbo conflictantur, venę sectione, purgatione, vel alio generoso remedio ob instantis morbi timorem, qui inducias non præbet longiores, iuuabimus: In aliis verò, qui longē absunt à morbo, solo ferē victu paululum mutato, aut certē mitioribus remediis morborum causas abscindere, & vitium emēdare licebit. Postremo corporis locus, per quem morbosæ causę in corpus sese insinuabunt, præsentire necesse est. Sic sanè licebit, si extrinsecus inuasurę sint, externas partes mūnere, si intrinsecus continentur, adhibitis ei loco remediis, in quo resident; eas remouebimus: demum an toti corpori, vel partibus quibuscūque duntaxat prospiciendum sit, hoc modo intelligemus. At si corpus à morbo conualescat, illud imprimis ignorandum non est, an vera sit conualescentia, vt sperare possimus præ;



stinam sanitatē venturā an non, ita vt relapsurū in morbum hominē vereri debeamus : deinde si morbus sequetur, quis nam, & à quibus causis, an scilicet priori similis, an alterius naturæ, an ab his, quæ ex morbo sunt relicta, veluti ob retentionem humorū, vel nimiam effusionē, denique à quibus morbi repullulabunt, prædicere expediet : atque illud etiam an paulatim, vel subito vel alio modo. Ad hæc quo tempore, an cito, vel tardius hæc euenient, & cætera, quæ præcognoscenda diximus in sanis, quum morbus expectatur, hoc etiā loco notāda. Iam verò in corpore morbo affecto, multa antequā eueniant, præsentire oportet : atque illud quidē in primis an morbus solui poterit, vel non. Non soluuntur, qui nec occidunt nec sanantur vnquam, sed hominē comitantur ad mortem : de quibus illud scire necesse est, an toto vitæ cursu eundem tenorem seruabit, quē iam accepit, vel potius mitescet, aut augebitur malum. Quod si morbi eius generis fuerint, qui soluiuntur, terminū solutionis prædicere conuenit, an scilicet salus expectanda sit, vel mors metuenda. Solutionis postea qualitas considerāda, an scilicet fidelis, vel infida, facilis, aut difficilis, perfecta vel imperfecta cōtinget solutio : deinde quo tempore hæc euenient latere non debet : quādoquidem si quid aliud id à medico requiritur, an breuis, vel longus morbus sit futurus, quo tēpore ætatis, anni, quo mēse, quo die, quāue hora tandē desinet. Solutionis causa præterea à medico cognoscenda est, an scilicet sudor, vel vrina, aut alia excretio, vel aliud denique remediū morbū finiet : & nunquid morbus ex morbo nascetur, antequam prior recedat, ignorandum nō est. An naturæ beneficio, vel artis potius, aut vtriusque opera propelletur quod infestat malum. Atqui modum, quo morbi soluuntur, ignorare turpe est : quādoquidem plurimū refert scire, an subito, vel paulatim abibit morbus : etsi subito, an cum vehementia, vel absque illa dissoluetur. Quinetiam quū morborū causæ nō semper per eundē locū abeant, siquidem aliquādo per externas partes, vt quum per sudorem finiuntur morbi, recedunt, aliquādo per internas sibi viam quærūt : veluti quū per vrinā, vel alui fluxum, aut vomitum noxi humores excernuntur : nōnunquā etiam apertis ventis in naribus vel ano, aut vtero sanguis cū morbi causa reiicitur : cōtingit præterea, vt ab vna parte in aliam regeratur humor, qui morbum cōmittebat, vnde abscessus,

ſceſſus, tumoréſque præter naturã excitãtur. Quamobrem deſignandus eſt locus, per quem ſperemus morbũ; morboſãſque cauſas abituras. Poſtremo vbi plures ſunt ægritudines, ordo requiritur, vt intelligamus qui omnium primus, qui deinceps ſoluetur. Atque hæc quidẽ omnia præſentibus morbis prædicenda, non ſolum ſalus, aut mors, ſolutionis tempus, & modus, quemadmodum Galenus libro quarto de Præſagiis ex pulſibus refert, id quod omnibus cirra aliam probationem patere puto. Quarum quidẽ rerum cognitio non ſolum per ſe iucunda & honorifica medico exiſtit, ſed etiam perinde neceſſaria, vt ea nihil vtilius exiſtimari debeat: niſi enim ille prænouerit quẽ finem ſit habiturus morbus, ignorabit proſecto quid ſit agẽdum: ſiquidem morbis qui curari poſſunt, aut non occidunt, remedia omnia cõmoda ſunt adhibenda: His vero, quos præuidemus omnino fore lethales, non item, aut certe non generoſa, ne ſuã authoritatem amittant, nec aliis poſtea præſidio eſſe poſſint, quos iuuare ſunt nata. Si integra, fidelisq; & perfectã ſolutio expectatur: nihil præterea innouandum, nihil metuendũ. At ſi aliquid in corpore relinquat morboſum, remediis aliis pugnandum erit, ſi infida fore creditur, recidua timenda, repugnandũque nouis auxiliis, ne id contingat: ſi imperfecta, addendum erit quod deficit, ſi difficilem fore præuideamus, corpus, virẽſque muniemus: & aliis modis quantũ fieri poterit, eam facilem reddere conabimur: quod ſi facilis expectetur, ſpem ſalutis cõfirmat, & ſecuros nos reddit. In breui morbo aliter curationẽ, & victum inſtituimus: aliter verò in longo, ſi cauſam ſolutionis morbi perſpectam habuerimus, ſiquidem mortem allatura ſit, illi reductabimur: ſi vero ſalus ſperatur, vim illius, quantũ in nobis fuerit, promouebimus. At ſi non niſi paulatim morbus finiri debeat, intelligemus non eſſe ea remedia tentanda, quẽ ſubitas mutationes efficiũt: Sin vero ſubito, ſi modo id ſine vehementia cõtingat, nihil innouare, nec quicquam vereri oportet: Si verò vehementia accedat, vt in criſibus cõtingit, aut retundemus impetum agentis naturæ, ſi modo id non prohibeat ſanitatem reſtitui: aut ſaltem præſente impetuofa ſolutione, nihil formidabimus mali, antea præmoniti, non aliter ſalutẽ cõtingere poſſe. Quum locũ perſpectũ habuerimus, per quem morbus finiri debet. Si mortem venturã timebimus, viam

occludemus, ne vita per eam expiret. Quo modo sudores lethales, adstricta cute compescimus, & ad internas partes effluentem humorem reuocamus: ut si salutē præferimus, admonemur, si via cōmoda fuerit, ne aliā tentemus, sed eā, quantū fieri potest, faciliorem reddamus: dilatatis scilicet meatibus, & humore extenuato, qui per ea loca ferri debet, si verò incōmoda agnoscitur, aliam eligemus aptiorem, ad eāque morborum causas deducemus, ut liberum exitum inueniant. Ceterū ubi plures sunt morbi, qui simul hominem infestant, plurimum refert scire, quinam primo loco, & qui deinceps abigi possit: ex hoc enim intelligemus, cui primo, maximēque sit medendum: cui verò postea resistendum. Ac profecto, quum signorum huiusmodi variā multiplicēque naturā & vsum perpendo, nescio qua ratione antiqui scriptores horum explicationē omiserint. Si enim librum Hippocratis excipias, in quo salutem & mortē prædicere docet, idque in solis morbis acutis, atque Galeni tertiū librum de Crisibus, qui tractationē suā his morbis duntaxat, qui per crīsim solūtur, accommodat, nihil apud alios inuenies memoria dignum, quod ad hanc rem faciat. Licet præterea artem (meo quidē iudicio) in omnibus desiderare. Nam Hippocratis tractatio à nullo certo initio auspicatur, multāque omittit, à quibus certa indicia sumūtur ad id quod proponit explicandum vtilissima. Quid verò Galenus præstiterit, omnibus cōstare puto: omnia enim omittit signa eorum, quæ in sanis & conualescentibus vêtura sunt: nihil docet prædicere in morbis longis, nihil in vulneribus, fracturis, luxationibus: nihil in intemperaturis, quæ absque feruore humoris infestant: nihil denique nisi ferè in paucis morbis, qui per crīsim dissoluuntur: quū tamen omnium tractationem ars nostra polliceatur. Nec verò etiam in his morbis, quos explicādos suscipit, capita omnia attingit, quæ proposuimus: sæpe enim relinquit, quæ qualitatē solutionis, modum, tempus, locum, & quæ ordinem prænunciant. Sparsum præterea omnia explicat, nec à certis principiis exorditur, nec omnes signorū fontes exhaurit. Generalem præterea illorum vim nō docet. Ac (ut breuiter dicam) multa nobis in hac re reliquerunt antiqui medici, in quibus nos ingeniūque nostrum exercere valeamus. Quod qui nō agnoscit, aut eos non legit authores, aut ignorat, quid sit arte aliquid scribere,

re, aut ne videatur negligentior fuisse, & fateri se aliquid à nobis discere malignè dissimulabit, sed litigent illi quantum velint de aliorum placitis, tueantur suos authores, & ingratitude nostros labores compensent, illis enim hæc nō scribimus, nec aliud præmium à desperatis, & corruptis huiusmodi ingeniis expectauimus vnquā, verū aliorum causa, qui melius sunt affecti reliqua prosequamur.

*De facultate predictionum.*

CAP. II.

**P**RÆDICTIONVM multiplex quoque, & varia vis existit, propterea quòd scopos plurimos habet præfagiendi ratio, & multa sunt inter se diuersa, quæ sua signa præbent ad ea, quæ futura sunt, prænoscentia. Nam & fines diuerli, & ratio perueniendi ad finem multiplex, non solum in summis generibus, sed etiam ferè in singulis propria apparet. Non habent autem eandē facultatē ad hæc ostendenda signa omnia: quum quædā nihil vnquā in hac re monstrēt: alia ad omnia vim suam effundant: quædā in vno duataxat id faciāt, eoque non omni, aut etiam in omni, & solo: quædam rursus significant suapte natura. Alia huiusmodi vim alterius ratione exerunt, sunt præterea quædam mediata, alia immediata. Non desunt, quæ maximam facultatē obtineant: nonnulla quæ minorē, & alia quæ eadem ratione plura, aut diuerso modo significant, Sunt quæ semper idem prænunciant, alia verò maximè diuersa: inter quæ reperiuntur quæ etiam contraria in eodem statu ostendant, & ancipitem facultatem sortiantur. Appellant porrò medici quæ nullam vim habent, aut contraria significanti, aut ancipitē, neutra: quæ verò bonum finem spectant, bona: quæ malum, mala. Atque inter illa, quæ salutem ipsam præfagiunt, salutaria: inter hæc verò, quæ mortem prænunciant, lethalia. Quæ verò qualitatem solutionis, locum tempusque declarant, simplici nomine non sunt donata, sed circūlocutione genus signorum, de quo agimus. exprimimus: veluti quum dicimus signa longitudinis, breuitatisque morbi, vel quæ fidam vel infidam, perfectam aut imperfectam solutionem prædicūt, & quæ alui profluuium, aut sanguinis fluxum per nares, vel

vrinæ copiam denunciant. Quæ verò difficultatem ostendunt in his, quæ finem spectant, mala: si sanitas finis statuitur, alioqui bona dici possunt. Nam quæ longitudinis morbi in salutarî affectu sunt testimonia mala, bona verò, quæ breuitatis sunt indicia: contra quæ proximam mortem præaunciant mala, aut etiam pessima. Quæ verò eam retardari docent, bona quidem in eo genere, sed non simpliciter, ut alia, quæ bonum finem spectant, censeantur. Quin etiam quæ maximam vim habent, propriis nominibus, quibus eam agnoscamus, pronunciantur: veluti quum optima extreme bona signa dicimus esse, quæ certissimam, & proximam salutem in morbis ostendunt. Pessima verò, vel extreme lethalia, quæ instantem mortem representant. Dicentur etiam bona, quæ in sanis probam sanitatem, eamque diu duraturam præmonstrant: mala verò, vel pessima, quæ futuri, maximique morbi sunt notæ. At quæ ad multa vim suam spargunt, communia, alia verò propria, & peculiarîa indicia dicuntur. Quæ autem subita in morbis solutionem, & diem produnt, decretoria iudicatoria, & critica dicuntur. Reliquæ supradictæ differentię propriis nominibus carēt: Iam verò qualis sit singularum rerum, ex quibus signa ducuntur, vis & facultas expendere oportet. Igitur constitutio ipsa nihil indicat eorum, quæ futura sunt. Non enim propterea quod sanitas est, morbi sunt expectandi, aut salus, eo quod morbus: genera autem, differentię, & partes illius omnia ostendunt quæ futura sunt. Nam si perfecta sanitas præsens est, morbi nullus metus: si morbus magnus, periculum de vita significatur: si parua expectanda sanitas, ita mors, aut salus cōtinget: si acutus morbus est, excretio est vêtura & subita mutatio: si acuta febris urget, paulatim vero soluetur vlcus, & fractura. Fide solutionis benignus, infidæ malignus morbus est nota. Per alium soluetur morbus, qui cū humore intestina torquet, obstructio, quæ febrem cōmittit, priusquàm ipsa febris desinet, morbi principium in grauioribus malis nec salutem, nec mortem promittit: declinatio semper salutem expectare suadet. Incrementum, & vigor nunc vnum, nunc aliud pronunciant. At nō semper ex rei essentia notas sumere possumus ad id, quod futurum est, præfagiendū, propterea quod aliquando intus latent morbi, aut tota substantia nocent, adeo ut eorum naturam minime perspici valeat, nec semper suapte naturam,

## DE SIGNIS PROGNOSTICIS. 475

quum significat, sed etiam nonnunquam subiectæ materiæ ratione futuri euentus sua exhibent indicia. Etenim apoplexia, & maxima vulnera suapte vi, & natura, periculū minantur, indebiliores vero corporibus mediocres morbi, & minima etiam vulnera earum partium, quæ principatum in corpore obtinent, ob subiectam materiam mortem prænunciant. Propria autem unicuique sunt signa, quæ ab illius essentia sumuntur, & proxima, maximæquæ; virtutis existunt, sed nunc bonum, nunc malum pro natura affectus pollicentur: id tamen, quod ab initio ostendere cœperunt, perpetuo monstrant. Acutus siquidem morbus testatur perpetuo breue fore malum qualiscunque sit futurus illius exitus. Torro diuersa significat eadem ratione, & eadem alio modo sæpe monstrat morbi natura: eo enim quod maximus sit morbus, mortem, eamque citò venturam prænunciat: quod verò calidus sit, vt febris, genus mortis significat, quod scilicet alterando temperiem dissoluat: quod verò in declinatione morbus solvatur, testatur sine crisi solutionē fore, eamque fidam, utpote tunc vincta perfectè morbi causa. At verò causæ morborum in hac re signa præbent non quidem simpliciter, eo quod causæ, sed quoniā huius, vel alterius generis, differentia quæ existunt. Non enim eo quod vulnerantia morbum intulerunt, salutem, aut mortē præfagiemus, sed quod vehementes, parua, benigna, maligna quæ exiterint: Salutarem siquidem morbū credimus fore, & citò venturam sanitatem, fidamque solutionē, eamque paulatim, & non confertim, si leuiter vulnerantia, nullo infecto veneno, morbum pepererunt: Non salutaris, aut perniciosus morbus expectandus est, nō qui corpus infestat, sed qui præcipuas corporis partes occupat: si atra bilis morbum committit, suspectam vitā habere oportet: si ex spiritu morbus natus est, tutiora, breuiorāque omnia expectare oportet. Vbi ex calido humore morbus constat, ferè semper excretiones contingent. Naturæ autē robur, quæ morbos finire solet, omnia bona, & citò ventura, quantum in se est, pollicetur. Quæ iuuant causæ, indicia sunt sanitatis futuræ, quæ verò lædunt, aut mortem, aut longam ægritudinē prænunciant. Nec desunt quidem ex causis sine quibus notæ, quippe astricta cutis, vrgente febre putrida, longum fore morbum indicat. Contrarium verò ostendit, quæ rara est, & laxa. Habent autem

autem eadem causæ vim significandi in plurimis, veluti iuuant, & ledentes, quæ multis morbis profunt & obfunt, & materia ex qua plurimi morbi procreantur, quæque multis subiicitur, & illæ sine quibus, & cū quibus plurimi morbi gignuntur, intenduntur, minuunturque. Quæ verò ex robore, imbecillitatēq; sumuntur, vbi diuersus statuitur finis, diuersam vim capiunt: in eodē verò eandē semper retinent. Nam robur salutaribus celeritatem addit, perniciosos verò morbos tardat, idq; lethalibus omnibus, & salutaribus commune. Imbecillitas contraria significat, quanquā tamen in his, quæ ad finem consequendum pertinent, similem nonnunquam in diuerso fine facultatē ostendunt. Vbi enim valida vis in corpore residet, si humor adest noxius cum excretionē, vel abscessu, salus & mors contingit: at si infirmæ vires subsunt, sine his eadem euenient. Cæterū quæ gignunt causæ, qualē vim habent, talem profectō in significandō præbent, communem scilicet multis, si multa gignere valeant, sicut calor, qui inflammationes, febres, distillationēque parit, ostendere potest, quid in illis omnibus sit venturum. At quæ vulnerant, contundunt, vt suapte natura vnū morbi genus committere, sic quid in eo expectare oporteat, duntaxat præfaciunt. Porro sua signa causæ semper exhibent, & efficientes, vel suapte natura: vel materiæ patientis ratione. Nā venena per se periculum minantur, vulnerantia non nisi quum partes quasdam magni in corpore momenti percusserint. Mediata quidem sunt in his signa, quæ à causis sumuntur, quoniam enim leuem, aut grauē morbum significant, salutis, aut mortis indicia fiunt, aliorū autem immediata signa esse possunt. Nam quod cito finiri debeat morbus, bilis ipsa (vtpote tenuis calidāque) si illius causa est, declarat. Habent certe magnā vim ad significandū causæ, sed non propterea omnes certissimā: pollicentur enim vires validæ salutē, sed non perpetuō Nam aliquādo à grauissimis morbis tandem vincuntur, nec necessariū omnino est salutare fore morbum, quoniā aliquantulū à reme liis sit aluiatus, sed æger, cui multa valde profunt, is prorsus sanabitur. Occidet verò ægritudo, quæ ab omnibus offenditur. Perpetuō autem bona, aut mala sunt signa, quæ à causis petuntur: bonū etenim semper est vires cōstare, & causas, quæ malum pepererunt, & fouent, paruas, benignāsque esse. Contra  
verò

verò malum, si vires subsunt infirmæ, & vehementes, malignæq; morbi causæ extiterint. Ostendunt præterea causæ quæadmodum ipsi affectus diuersis rationibus, idè & eisdem diuersa. Nam si vehemens est causa, quæ mortem infert, persimum finem, eumq; proximū portendit: quia verò fortè est putridus humor, qui morbum facit, alterationem, aut vacuationem significat, quæ mortem sit allatura. Cæterum in effectibus ipsis maior varietas cōspicitur: nā actio lesa in sanis morbum indicat futurum, in morbis verò nihil prorsus, nisi accedat differentia, id quod etiam extremis cōtingit. Si enim ea mutata sint à naturali conditione, valente adhuc homine, nisi corrigatur vitiū, timendus morbus est, at eo præsentē, nec salutis aut mortis illa sunt indicia, sed quæ vel multū, aut parum à natura sua recedunt. Igitur inter actiones quædā semper malæ, vt imbecillitas, idq; etiā in omnibus: quædā verò, quæ nec bonæ, nec malæ censerī possunt, vt in febribus cubare in dextro, aut sinistro latere: nihil enim id refert ad salutem aut mortem prædicendā: quædā verò partim bonæ, partim malæ, idq; vel in eodē subiecto, eodēq; tēpore, vel diuersis. Sunt autem huiusmodi functiones, vel deprauatæ solum, vel auctæ, vel tristes, aut cū imbecilibus cōiunctæ, bonum siquidē est, & partim etiā malū, si is, cui antea omnium rerum deiecta erat appetentia, appetat. sed res absurdas: bonum etenim est, eo quod appetere incipiat, malū quod aliena desideret: malū est delirare, & vigilia torqueri incipiente febre, at instāte crisi, malū nō est: vehemens sitis in febricitantibus periculū hyeme minatur: æstare verò salubrior, & minus periculosa res est, sicut etiam in calidioribus naturis securior censerī debet, quā in pituitosis, frigidisq; corporibus, quod scilicet in illis minorem à naturali statu euerfionem, & nonnunquā proximā crīsim: in his verò nō nisi vehementem morbi excessum, & periculū prænuntiet. Cæterum actiones nunc eodem modo plura, nunc diuerso portendunt. Nā validæ in his, qui febre ardenti vexantur, non solū salutem, sed etiā eam proximā, & simul excretionem promittunt: Undosus pulsus nec salutis, nec mortis, sed excretionis eius potissimū, quæ per sudorem fit, index est: respiratio verò quæ recto corpore ob difficultatē fieri cogitur, mortem, & suffocationem pariter pollicetur. Caligines autē quæ oculis obducuntur, molestāte febre acuta, coctioq; noxio humore, excretio-



nes per superiores partes præfagiunt: quæ vero rubra appareant, quæ circûferuntur, sanguinis fluore e naribus expectandû esse testatur. Nô omnes actiones in omnibus signa præbere possunt: nihil enim docet expulsio, ubi nihil expellendû est, nihil motus naturalibus instrumentis affectis, explicat, propriæ tamen cuiusq; functiones efficacissima fiunt indicia ad exitû præsentis molestatiq; affectus ostendendû. Ac quæ principium partiû sunt actiones, aut ab his æduntur, quæ vniuerso corpori ministrât, salutis, aut mortis signa certissima exhibent. Sic profecto quû magna in pulsibus vitia, aut in sensationibus, aut sanguificatione, vel respiratione apparent, mors sine dubio expectanda est. Minus subest periculû, si ambulatio, aut apprehensio, vel alterius ignobilis partis actio est oblata. Significant quædâ actiones semper, quæ scilicet cõtinuò sũt, veluti coctiones, respiratio, & pulsus, quædâ vero per intervalla, quarû quidẽ perpetuò nō est vsus, vt somnus, vigilia, motus aliarû partiû corporis. Quædam rursus suapte natura significant, nimirû quæ in omnibus idẽ monstrât, quẽadmodû perpetuû deliriû, quod vniuersis periculû minatur. Eandẽ vim in viris ostendunt pulsus, & respirationis defectus, in mulieribus verò minus sæpe subesse periculû declarât, quû ex vteri suffocatiõe, peculiari illis vitio, hæc nōnunquã proueniât. Mutât ergo functiones ob materiam subiectâ vim suâ, & mediata vt plurimû sunt, quæ ex actionibus sumuntur indicia, nã eo quod corporis cõstitutionẽ & causas monstrent, à quibus proueniunt, futuri euentus testimonia fiunt. Iã verò etiam maximâ vim habet ad salutẽ, & mortẽ, futurõsq; morbos significãdos actionû vitia, & perfectiones, nō tamen par in omnibus est omniû momẽtû: siquidẽ in affectibus cordis pulsus, & respiratio ceteris præstât, in cerebri morbis sensationes, volutarię motiones, & principis facultatis officia maximâ vim ostendunt, attractiones verò, coctiones, & retetiones familiaris substantię, & excrementorû expulsionones, vtpote cõmunes singulis partibus, in omnibus vim suâ ostentât, præsertim in hepatis, vetriculi, & venarû affectibus, quæ scilicet ad vniuersû corporis vtilitatẽ huiusmodi functiones exercet. Cæterû quæ ab excrementis sumuntur notæ, omnibus cõmunes nō existũt, quippe quû in morbis, qui sine humore cõsistunt, nihil docere valeant, in quibus verò facultatẽ suâ obtinet, nũc certa, nunc dubia salutis, mortis, & denique

denique futuri euentus indicia præbent. Quæ enim optimè sunt cōcocta excremēta, aut quæ saltē euidentēs coctionis notas præ se ferūt, salutē, eāmq; maturē pollicētur: quæ verò cruditatis impressiones referūt, aut obscurē sunt cōcocta, incerti euētus, atq; etiā si diu perseverēt, lōgioris morbi sunt testimonia, quæ nō solū cruda, sed etiā pessimis qualitatib⁹ sunt prædita, siquidē à præcipuis partibus proueniāt, vt vrinæ, sputū, & nōnūquā etiā alui excremēta, mortis sunt indices, alioqui corruptionis ipsius partis, aut certe morbi lōgitudinis, quēadmodū in vlceribus apparet, quæ virulentā sanitiē emittunt. Sunt autē mediata indicia, quæ ab excremētis sumūtur, eo enim q̃ corporis functiones primū, deinde cōstitutionē significant, salutis aut mortis indicia fiunt: ostendunt præterea nūc diuersis, nunc eisdē modis diuersa: nā q̃ bonis qualitatib⁹ sint affecta, salutē, q̃ verò copiosē, facilitq;, & per idoneos locos, atq; etiā opportunē excernātur, proximā adesse sanitatē promittūt. Cōcoctio, quæ in illis apparet, vtrunq; eodē modo ostēdit. Nā vt Hippocrates dicere solet, coctiones securitatē, & iudicij celeritatē præfagiunt. Ergo excrementa ex suis qualitatibus, quātitate, excretionis modo, tēpore, loco, & ordine nō solū salutē, & mortē, sed etiam omnia, quæ de futuris prænosceda esse diximus, manifestāt. Iā verò qualitates corporis, quæ à naturali statu recedūt, in corporib⁹ adhuc sanis futuri morbi sunt indicia: at in eo, qđ morbo angitur, nō nisi quū plurimū à naturali statu absunt, mortē minātur, salutē verò pollicētur, vbi minus distāt, sed nō semper prænuntiāt eā cito venturā: qđ Hippocrates etiā in eo Aphorismo notauit, vbi scribit longos illis fore morbos, qui per febres haudquaquā extenuātur. Color inter omnes qualitates certū dat testimoniū eius qđ futurū est, quum omnibus, qui morti sunt propinqui, natiuus corporis color plurimū mutetur, aliis qualitatib⁹ vel minimū à natura sua euariatis. Ac etiā in nōnullis morbis maximi sunt momēti signa, quæ ex colore sumūtur: veluti in vlcerib⁹, vulnerib⁹, & regio morbo, vnde illud ab Hippocrate est scriptū: malū esse si flauus corporis color p̃ febres acutas ante septimū reddat. salutē verò p̃mitti, si postea id cōtingit. Quinetiā sapor sua præbet in hac re signa: nā si salsedinē referāt quæ in ore cōtinent, longū, difficilēmq; morbū significāt: si verò amara sentiuntur, breuiorem nuntiant. Nec illud quidē ignorari debet,

bet, nō semper adesse, & sæpius variari quæ ex qualitatibus nonnullæ petuntur rei futuræ notæ. Nam cōtingit nōnunquam lethalem in visceribus cōtineri affectionē, nihil cōferente ad illius præcognitionē sapore, aut colore, qui etiam per animi corporisq̃ue perturbationes remittitur intendit̃urq̃; gracilitas vero, quæ morbū sequitur, eo perseverante durat, nec momento vt color variari potest: sunt porrò mediata omnia indicia, quæ ex qualitatibus sumūtur: quoniam temperamenti, structuræ quæ corporis interuētu, quod venturum est, præfagiunt. At quæ ex similitudine, & proportionē ducuntur futurorū testimonia, maximè certe sunt momēti: licet enim morbos salutem, mortē, illorūque tēpus, modum, qualitatē, & omnia denique, quæ de futuris præcognoscenda sunt certò prædicere, si similia in similibus contigerunt. Sic profecto quum lethales grassantur dysenterię, eos, qui eisdem temporibus hoc malo corripuntur, aliorū exemplo qui perierunt morituros prædicimus, & sudores, aut aliam excretionem decimaquarta, si ita in aliis euenerit, in febribus iisdem expectandos esse credimus. Atq̃ hæc quidē satis de vi prædictionum, quòd si quæ præterea desiderabuntur, aut in nonnullis euariabunt, ea in singulorum tractatione patebūt: ex his enim dūtaxat tradere volumus, quod ars ipsa omnibus pollicetur, tum sanis, tum ægris, tum conualescentibus, etsi exempla fere omnia ex morbis, quòd scilicet euidentiora essent, ac etiam ne omnia recensendo superflua prolixitate lectorem offenderemus, à nobis sunt desumpta.

*Quæ à medico observari debeant, ne præfagiendo erret.*

CAP.

III.



VI rectè de salute, aut morte vel alia re futura præfagire studet, debet imprimis distinguere & separare ea, quæ ab extrinseca causa proueniunt, ab eo, quod morbi, vel alterius rei, de qua agimus ratione contingit: quemadmodum Hippocrates in Prædictionibus suis admonet, faciem, quā depingit, minus periculosam esse, si ob alui fluxum, vel vigiliam, aut alias huiusmodi occasiones, quàm

quàm si ob febrem, acutūque aliū morbū accadat, deinde cuiusque signi vires, & natura perpēdenda, eo etiā authore, vt scilicet intelligamus, quid cōmune, quid propriū, quid immediatū, quid perpetuō rebus signatis adsit, quid verō per interualla reperiatur, quid item suapte natura, quid materie ratione significet: quid præterea bonū sit, quidue malū, quid reuera bonū, quid præter rationem huiusmodi appareat. Nam quædam sunt indicia specie duntaxat bona, vel mala velutiquā alleuiationes quasdā putamus bonas esse, quæ tamen tales nō sunt, eo quōd præter rationē cōtingant, id quod optimē Hippocra. in Aphorismis prodidit, quū scribit nō esse fidēdum alleuiationibus præter rationem factis, nec pertimescenda mala. quæ temerē eueniunt, atque etiā in bonis, & malis notis, quid extremē malū, vel bonū: quid malū, vel bonū duntaxat, & mediæ inter hos naturæ: quid item semper bonū vel malū: quid indifferentem conditionem habeat: quid nunc bonū, nunc malū reddatur, & in quibus corporibus, & locis huiusmodi putetur: quid finem ostēdat, quid tempus, modū, qualitātē, locūmq; mutationis doceat. Ac (vt semel dicam) facultas omnis signorū à medico prænosceda est, si modo rectē præagire velit. Iubet præterea Galenus à prædicendi arte excludi, quæ rarō eueniunt: expendenda verō esse, quæ perpetuō, vel saltem vt plurimū vera sunt comperta. Volumus enim (inquit ille lib. 2. Protheticorū) in præsagiis perpetuō, si fieri possit, scopum attingere, quo fit, vt si quis centies animi sentētia frustretur, bis ei succedat ex voto, haud quaquam illius industria probari debeat, sed idiota abiectior & contemptibilior putādus sit. Vnde ex signis, quæ semper, vel magna ex parte quod futurū est, ostendere consueuerūt, præfagitio instituēda. Omnia quoque indicia colligere, & inter se cōparare, singulorūmq; vim expendere necesse est si falli nolumus: nā si omnia vel bonū, vel malū portendāt, vel aliud cōmuni concordia denūcient, certa omnino reddetur prædictio: sin minus videndū quæ plura, quæque fortiora sint: si quidē bona malis fortiora, & plura fuerint, de ægro bene sperandū, cōtrā verō, si mala numero & viribus vincant. Quod si par numerus fortē reperiatur, quæ maiore vim habēt, prædictionē attrahūt: quōd si æqualis signorū vis fuerit, maior numerus certa præbet futuri indicia: at si bona malis permixta vi & numero paria

videantur exercitato in artis operibus viro opus est, inquit Galenus, qui ea sepe numero sit contēplatus, latentēque adhuc quodimodo vincentis vires, & quid in singulis morbis præualeat prænouerit. Quamobrē illi mirari licet, quod ille scribit secundo Prædictionū: ei scilicet qui liberari debet à morbo, omnia bona signa adesse oportere, si verò moriendum sit, sufficere si vnum adsit malum. Non enim necesse est, ut salutaris morbus omnia bona signa habeat, nimirū quum videamus multos immo omnes, qui morbo laborāt, mala multa necessario obtinere. Malum profecto est, si febricitanti ab initio fluxus alui contingat, malum omnibus delirium appetentia deiectā, actiones læsæ, non tamen ob id mors sequitur. Ita nūc signum malum solum tantæ sit efficacitæ, ut alia omnia bona superet, ex vno malo mortem non prædicemus. Veluti ex pulsus defectu, vel alia quacunque actione necessaria ad vitam abolita, hominem mori necesse est, ex vna vero aliarū minimè. Quod si nec ratio, nec experientia statim discernere valet quid præualeat, mora interponenda est. Nam quæ ab initio obscuræ, incertæque fuerāt, tempore patefiunt: sic enim per febres quum in primo die ignoramus, an salus expectanda sit, vel mors metuenda, tertiam, quartā septimāmq; expectamus: quæ tandē quod querimus denūciat. Nec igitur qui diligenter expēdet nō solū salutē, aut mortē, sed omnia etiā quæ futura sunt, aut præsentia adhuc existunt, vel præterierunt (quantum ars nostra consequi potest) agnoscat, præuidebitque.

*Qualis esse debeat præsagendi ratio.*

#### CAP. II. III.



VLGV S medicorum putat medicū debere quæ futura sunt prædicere, non certò, sed dubiè nimirū quod incertæ sint (ut aiunt) futurorum, præsertim salutis, & mortis notæ, tum etiam ut se à calumniis vulgi vindicare possint, si forte aliter contingat, quàm venturū prædixerint. Quāobrem omnia bona egrotò promittenda esse censent, aliis autē omnia dubia, aut certè tunc potissimū, quum de salute pronunciandū est, quos quidem ratio refellit: nam pollicitationum modus etiā esse debet, ne nimis fiat æger negligentior, aut parciore in desperationem adducatur. Ad quod spectat

ſpectat, quod ſcribit Galenus medicos ſcilicet qui in pericu-  
loſis morbis pluſquā deceat ægrotos hilares, & immodera-  
tę ſpei plenos reddunt, biſariam errare, vel quod in magnā  
peccādi licentiam eos cōiiciant, aut morbū gement, dum  
triſtiores illi reddūtur, ſi forte in peius morbus labitur, aut  
vltra factam promiſſionem producitur. Ac nō ſolū quidem  
in magnis morbis, ſed in paruis, & omni denique corporis  
ſtatu bene promittere iuſtū eſt, ſed moderatiuſ his, quos li-  
centiores putemus: liberaliūſ autem, quos timidioreſ, & o-  
mnia vereri videamus. Dubiam autē non oportere eſſe præ-  
dictionē certiffimū eſt, quā alioqui imperitus ſuę artis pu-  
retur medicus, ſi non ea ita proferat futura. qualia medicinę  
ignari ſæpiuſ euenire nouerunt. An non queſo meritō con-  
temnetur medicus, qui de ſalute dubitabit in eo, qui ſimpli-  
ci tertiana, florente ætate, laboret? Quinetiam in grauiori-  
bus morbis, quorum euentuſ incertior eſt, medicū oſtende-  
re oportet artis ſuę vires, & certō prædicere quę ars ita iudi-  
cat expectanda: dubiē autem in quibus indicia ſunt incerta.  
Quid enim medicus pluſ alio, qui huiuſ facultatiſ omnino  
ſit expertuſ, conſequutuſ eſt, ſi in parte omniū præſtantiſſima  
quid præter vulgarem ſcientiā præſtare valeat, non docet?  
Nouerunt proſectō etiam muliereſ quali nutrimento, & ſæ-  
pe quibus remediis ægroto ſit opuſ, vſu longo, & medicorū  
conſuetudine doctę: at illud nunquā aſſequi poſſunt, vt ſalu-  
tem, aut mortē in grauioribus morbis, & in omnibus ſolu-  
tionis qualitatē, modum, tempuſ, & cætera, quę prædicendi  
ars medicuſ promittit, certō præſagiant. In hoc ergo genero  
ſoſ medicuſ aliis præcellere velim, in quo ars vulgariē opi-  
nionē ſcientiāq; ſuperat. An non certō Galenuſ in ſexto  
criſiſ diē & qualitatem prænuſciauit? an non idē in Eudemo  
præſtitit, & inde magnā famā ſibi cōparauit, dum præter om-  
niū expectationē prædixit fore, vt tribuſ quartanſ media  
hyeme, & ab vna priuſ, quā ab aliis liberaretur? Dubia ergo  
omnia habeāt prædicendi artiſ ignari: qui verō vim illiuſ te-  
nent, ſemper quod ars aſſequitur, præſtareque poteſt pollice-  
buntur: hinc enim artiſ præſtantia oſtenditur, fama cōpara-  
tur, & ægrotiſ ſpeſ confirmatur, accreſcitq; obedientia: qui-  
buſ nil meliuſ, oprabiliuſque in hac facultate nobiſ contin-  
gere poteſt. Illud præterea addit Galenuſ in libro de Conſti-  
tutione artiſ non abſolutē pronuſciare debere medicū quę

futura sunt, sed hoc adiecto si nullus admittetur error, vel ægrotantis, vel alterius rei causa. quòd quū omnibus notissimum sit, superfluo etiā addi puto, neque enim medicina nostra ea quæ temere accidunt, vereri, aut polliceri potest.

*Eorum, quæ sanis contingent signa.*

CAP. V.

**A**N verò durabit, qui præsens est status, an mutabitur, & in quem, & à quibus, quādo etiam, quomodo, & per quem locū mutatio cōtinget, tradere tempestivū est. Id quod (vt generatim dicā) communia cōmunibus coaptando ostendunt signa à prædictis fontibus, nempe ab essentia, causis, effectibus & similitudine rerū ductis: quæ autē in singulis euenient, propriæ causæ, propria essentia, propriūq; effectus, & similitudines monstrant. Etenim eam, quæ præsens est, sanitatem diu duraturā cognoscemus ex propria illius essentia: proba siquidē tēperies, quæ similariū sanitatis essentia est, proba structura totius corporis, & partium instrumentarium vix dissolubilem, diutissimēque, quantū in se est, duraturam sanitatem præsagiunt: id quod etiam ostendū causæ, quæ corpus efficiūt, constituūtque. Boni etenim humores, qui nec qualitate, aut substantia sunt vitiatī, nec copia in corpore exuperant, decens conformatio, iusta magnitudo, perfectus numerus, apta coniunctio, & vnio partium, totiūque corporis vt proximiores sanitatis causæ idem pollicentur. Quæ verò assumuntur, retinentur, & excernuntur, quæque à nobis fiunt, & extrinsecus adhibentur, vt remotiores causæ sua præbent huius rei indicia. Nam si quis idoneis alimentis vtatur, moderatēque & tempestiue edat, & in cibationis ordine non aberrauerit, ac modum edendi seruauerit aptissimum, si præterea in bono aëre versetur, idoneisq; lotionibus, vñctionibus, quæ ad sanitatis conseruationem adhiberi solent, vtatur: si probe corpus animūque exerceat, & excrementa, vt expedit, expurgauerit, & denique in nullo illorum delinquat, quæ morbos parere possunt, is profecto diuturna integrāq; sanitate fruetur, quamobrē vulgus etiā miratur, si eos viderit in morbos labi, quos per sanitatē inculcatē viuere cognouit. Corporis quoque conditio tanquā causa in qua mutationes fiunt, hoc modo idem significat: si enim

enim perinde constructum corpus fuerit, ut nec ab internis, nec externis iniuriis facile lædatur: ita validum, ut quæ lædendi vim habent, vel arcere, vel immutare, vtiliæque reddere valeat, & ab his, quæ iuuant, commoda omnia capiat: ut bene sanum, sic firma, diuturnæque sanitas prænunciatur, longiorémque vitam huic fore sperandum est. Confert & habitus corporis ad præsentis rei præcognitionem: siquidem quadrata corpora diu durant longa statura, & obæstas maturatione senectute conficitur, quemadmodum profecto sicca, frigida, calidæque natura: contra vero maximè longæuæ, morboſa tamen ubi plurimum humor exuperat, putatur, quæ humida est: Ad hoc genus signorum, quod à causis sumitur, pertinent quæ ex astrologia petuntur indicia. Nam ortus, occasusque, & scælices, infælicésque astrorum aspectus, & eorundem progressus, regressus, & stationes, ac (ut breuiter dicam) syderum omnium natura, & vis longam aut breuiem, integram aut morboſam vitam pollicentur: propterea scilicet quod illa nostrum corpus immutent, aptumque reddant ad diuerſas mutationes subeundas; quæ sigillatim prosequi nostri non est officij, nec operis. Iam verò ex effectibus hoc modo signa capiuntur. Etenim viuus floridusque color, integri sensus, apti validique motus, mollities corporis, certa qualitas, & copia excrementorum, quæ à singulis partibus excernuntur, atque ab vniuerso corpore expirant, validæ actiones, & denique quæ corporis constitutionem sequuntur tanquam effectus, quum recte habent, probam testantur fore sanitatem quæ etiam diutissimè huiusmodi perseveret. Contra verò qui male sunt constituti, quique intus latentes morborum causas continent, & in externas iniurias irruunt. ac ita sponte morbos quærunt, quique ab omnibus vel plurimis facile læduntur, paucæ verò sentiunt sibi commoda, & aduerso cælo sunt nati, infirmique natura sunt, & malis qualitibus affecti, quorumque excrementa, & alia corporis opera à bona conditione euariant, ij certe morboſam ducent vitam, atque immatura morte rapiuntur. Nec illud quidem absurdum est eadem prædicere quod similia in similibus contigerint, quomodo longam fore & salubrem vitam iis prædicimus, quorum parentes incolumes vixerunt, aut alij, quos natura, & omni alia conditione his, de quibus agimus, simillimos nouimus.



*Nota morborum, qui in singulis euenient,  
& causarum, quæ eos parient.*

## CAP. VI.



**P**ORRO si corpus optima sanitate est præd-  
tum, non alios expectare oportet morbos,  
quàm quos ætatis cursu calor vis, depasto  
humore, infert. Vnde in his morbis, quos  
mors sequitur, siccitatis excessu ea cõtinget,  
nullis vnquã antea morbis affectis huiusmodi corporibus.  
Quòd si deteriore conditione donatũ est corpus, ex diuersa  
illius natura intelligemus quosmã morbos in singulis expe-  
ctare oporteat. Qui enim ita affecti sunt, vt in eorũ cõposi-  
tione calor exuperet, in illis ardentes, tertianæquæ febres,  
calidi sũt quæ alij morbi vt plurimũ proueniunt, Frigidi cõtra  
in extimẽdi qui frigidus sit. Hinc longis morbis senectus,  
acutis adolescentia floridã; ætas magis patet, quòd in illis  
frigus, in his verò calor vincat: sic humida natura putridis  
morbis distillationibus, fluxionibus, & deniq; iis, quos hæ,  
superfluũsque humor pariunt, erit obnoxia. In quibus verò  
siccitas superat, febres acutas, alui siccitatem, marcorẽ vere-  
ri oportet. Eodem planè modo si cui malè figuratæ sunt par-  
tes, vel asperitas, aut laxitas adest, aut error aliquis in me-  
tibus, cavitatibũsq; corporis cõspicitur, si in magnitudine,  
aut numero aliquod est vitium, si malè collocatę partes, aut  
perperam cõnexæ, eius generis morbi expectandi, ad quod  
naturalis cõditio inclinat. Quinetiam causæ, quæ corpus cõ-  
stituunt, tales vêturos morbos nũciant, qualis est illarũ vis,  
& natura: si enim humorum multitudo redũdet, præfagie-  
mus morbos, quos multitudo concitat, inflammationes sci-  
licet, caloris extinctiones & oppressiones, obstructions, se-  
bres cõtinẽtes, aut lōgas, etsi qui alij huiusmodi sunt. Quòd  
si qualitate nocent humores, similes illi morbi contingent,  
calidi, si calidus, frigidi, si frigidus, benigni, maligni, si ta-  
lis humor extiterit. Igitur si sanguis abundet, anginas,  
pleuritides, aliàsque partium inflammationes, diarias, con-  
tinẽtẽsq; febres, sanguinis profluuiã ventura prædicemus:  
At si bilis abundat, phrenitides, arquatũ morbus, ignis scæ-  
cer, herpes, ardentes tertianæquæ febres, capitis dolores frę-  
quenter expectandi. Quòd si atra bilis grauis est, caneros,  
elephan

elephātiāsim, fūrorem, melancholiā, quartanas errantēſque febres vereri oportebit. Pituita verò exuperante prædicemus fore, vt nascantur œdemata, scirrhi, febres quotidianę, capitis stomachique grauitates: & aquam inter cutem si eadem, vel aquosus humor nocet. Iam verò si remotiores causas illarūque vim expēdamus, licebit etiam ex illis notas aliquas capere ad futuros morbos prænunciādos. Nam si laboriosam quis vitam degat, timendi sunt morbi, quos caliditas, siccitasque gignit. Si violenter se in vita exerceat, ij, qui compositionem instrumentariarum partium corrumpunt. Quod si quis externis iniuriis sese libenter exponat, veluti qui in bello versantur, præfagiemus huiusmodi homines illos morbos incurfuros, qui ob vñionem vitiatā preueniunt: sicci morbi eos conficient, quos libidinosus amor angit: ac (vt breuiter dicam) in aliis omnibus perspecta vi agentium causarum, quales morbi prouenturi sint, præuidebimus. Nā & astra suos morbos inferunt, & indicant: siquidem Sol calidos morbos portendit, Luna humidos & putridos, Saturnus frigidos, Iuppiter & Venus præfagiūt morbos vêturos, quos sanguis parere solet, Mars siccos admodum & calidos procreat. Mercurius autem pro varia cōiunctione cum aliis astris varios morbos denunciat. Sic sydera cœlo hærentia eos morbos testantur venturos, quos gignere possunt, veluti Canis author & testimonium est calidorum siccorumque morborū: quæ verò stellæ in capite Arietis reperiūtur morbos significat venturos, quos Mars & Saturnus gignūt: At Vergiliæ, Lunæ Martisque morbos referunt. Idem de aliis vnusquisque docere potest, qui astrologiæ non sit ignarus: ne cogamus nos singula quæ alterius potius sunt quàm nostræ facultatis, hoc loco superfluo labore recensere. Nec nō etiam iuuantes, lædentēſque causæ sua signa in hac re præbent: nam quæ lædunt, tales fore morbos ostendunt, qualis est illarū vis & natura: quæ verò profunt, cōtrarios sibi morbos prænunciant: sic enim prædicemus calidos in iis morbos orituros quib⁹ calor obesse, frigus verò prodesse solet. Nec desunt indicia ex materia subiecta desumpta: astricta siquidem corpora morbos portēdunt, qui ob cohibitā trāspirationem nascūtur. Laxa, & rara eos, quos nimium effluuiū excitat: quæ verò angustos viscerū meatus sunt sortita obstructionibus & aliis malis, quæ ab his proueniūt, erunt ob-

noxia. At obesa & crassa corpora acutis morbis, vt difficultati spirâ li, attonito morbo, repentinæ morti, fluxionibus, & putredini erunt exposita. Contra verò gracilia febribus ardentibus, calidisque aliis, & siccis morbis patêt. Iam verò ex qualitatibus corporis hoc modo indicia sumuntur: nam pallidos biliosis morbis, nigros melancholicis, liuidos vel cum quodâ splendore nigros, aut qui æruginis colorê referûnt, malignis: benignis autê morbis subiectos putamus, qui vel rubrum, vel candidû, aut subpallidum colorê obtinent, duos, & asperos nobis prædicere licet in siccis morbos sæpius lapsuros: eos verò à quibus putridus odor expirat, veluti qui hircorû nescio quid redolent, expectât morbi magni & putridi: Illos autem infestabunt mala, quæ flatuosi, colicis doloribus frequenter corripiuntur: si amara apparere cõsueuerunt, quæ gustu percipiuntur, biliosos morbos expectare oportet: si acida cû acrimonia, vel acerbitate quadâ melancholicos, si verò acida, sulsa, insipida, dulcia sunt, pituitosos vereri necesse est. Caterum actionû vitia quoniam morbi vèturî sint, præfagiunt: nam vehemens appetentia vbi calor natiuus infirmus est, admonet expectandos esse morbos, quos cruditas, corruptiõ quæ humorû gignere potest: qui autem somnolenti sunt, capitis grauitates, destillationesq; in subiectas partes ob redundantê pituitam experientur. Contra verò plus iusto vigiles minantur deliria, furores, melancholiam, & morbos totius corporis ex crudo vitiososque alimêto natos. Languidi, paruiq; pulsus cordis morbos, eosq; frigidos expectandos esse admonent. Qui improbè concoquunt in hepate nutrimentû, expectent febres putridas, scabiem, humores varios in corpore, gracilitatem, & alia denique mala, quæ malè peractam sanguificationem nutritionemque sequuntur. Ac (vt breuiter dicam) actiones debiles auctæ, deprauatæ, molestæ, singulis propriæ, quæ nam mala vniuersum corpus, singulâque partes affligent, docebunt. Excrementa verò, aliâque opera, quæ in corpore fiunt: idem certiore etiâ cognitione testantur: si enim minus quis excernat, quâ par est, morbos ex multitudine suspectos habere debet: si plus, accident morbi ex siccitate: si biliosa, vel pituitosa redduntur excrementa, huiusmodi affectus venturos credendû est, qualia sunt ipsa excremêta. Si sanguis sæpe fluit,

morbos

morbos verebimur, qui eū redundantē comitantur : si verò immoderate, hi qui ex illius defectu proueniūt cōtingent: si caro, pinguedōque plurima procreatur, obstructions, calorisque natiui extinctiones minatur. Nōne verò ex similitudine notas quasdā etiā sumemus? quādoquidē vulgus quoq; diuinare solet eos articulari morbo, & calculo aliisque hæreditariis, vt vocāt, morbis obnoxios fore, quorū parentes, & cognatos ita affectos antea nouerūt. A quibus verò causis quilibet in morbū prolabetur, partim iam dictū est, partim quod scilicet deest, summatim ab iisdem fontibus, ductis signis, hoc modo explicabitur. Igitur corporis cōditio, & natura, tanquā materia subiecta id in primis significabit. Qui enim suapte natura sunt calidiores, promptē à calidis patietur: difficilius verò à frigidis. Qui rara sunt textura, ab externis iniuriis suos morbos, vt plurimū, experiētur: aut etiā ab internis, si ob nimiam dissolutionē mala ea proueniant. Sic etiā graciles externo frigori, & calori maxime sunt expositi, Contrā verò quos pinguedo, corporisque moles grauat, infestabūt magis ægritudines, quas internæ iniuriæ cōmouent: quod pariter his cōtinget, qui adstricta durāq; sunt cute. Quibus aut iuſſimus est vētrīculus, his cruditas omnia fere mala excitabit, si intēperatus lien fuerit, aut angustiores meatus habuerit, quis nō putabit in huiusmodi corpore plurimos morbos ex atra bile venturos? Præterea vitæ cōditio tanquā author morborū idē monstrare potest: siquidē in ociosis ex pituita morbos verebimur: ex bile in negotiosis hominibus : ex atro verò humore in iis, quos superflue curæ animi, corporisque labor nimius cōficiunt. A vulneribus, extrinsecusque irruentibus, & laboriosa vita morbos suos expectēt, quibus placet militaris vita, & belo indulgere. Ac vt paucis dicā, ex iis, quæ assumūtur, geruntur, extrinsecus occurrūt, excernūtur, & retinētur quænam erūt internæ, tum externæ, qualēsq; singulæ morborū futurorū causę, tum ex propria eorū natura, & vi, tum etiā quatenus iuuāt, aut lædūt (siquidē morbi expectādi sunt ab iis, quæ obsunt, ab aliis vero minime) quantū medicina præstare potest, intelligemus. Idē pariter testantur corporis qualitates: nā pallidus color pollicetur bilem plurimos morbos pariturā, niger atrā, ruber sanguinē, albus pituitā: Sic sanē reliquæ qualitates, causas futurorū morborū monstrabūt: veluti excre-

menta ipsa, quæ à naturali cōditione, substantia, qualitate, & copia euariāt. Robur postremū, imbecillitasque partiū nōnihil huius rei prædictionē iuuāt : quippè externæ partes imbecillæ, externis iniuriis potissimū sunt obnoxie, internæ verò infirmæ ab assumptis, & retētis, emissisq; extremētis potius lædūtur. Liceret tamē adhuc ex astris & similitudine vtilia signa colligere. Admonet enim astrologia, vt quidam natationes, nauigationes, & deniq; aquæ adhæsum euitent; alij verò ignē fugiāt, alij bellū, alij aliud, ex quibus morborum occasiones, & vitæ discrimina oritura præuidet. Nuper verò natos, & parentibus simillimos ab illis arcemus, quæ parentibus nocuisse didicimus.

*Signa, quæ docent, quomodo gignetur morbus, & à quibus potissimum partibus in alias derivabit.*

## CAP. VII.



LLVD sequitur explicandū ex iis, quæ sanis conuenient, quomodo morbi in illis gignentur, & quas partes primum afficiēt. Id quod in primis natura, & vis causarū, quæ morbos parere debent, ostendēt. Quæ enim vehementer facultatē lædendi nostra corpora sunt sortitæ, veluti vulneratæ, cōtundentia, calor, frigus humorū fluxiores, nunciāt subitā fore morborū qui nascuntur generationē. Contrā verò quæ obtrusiorē ad agendū vim obtinēt, vt humectantia, exsiccantia, nonnunquā etiā exulcerans humor, qui paulatim in corpore succrescens carnem erodit, ægritudines pariunt quæ sensim pullulāt. Tarda est morborum generatio, quos atrabilis, & pituita committit. Prompta, & facilis eorum, quos flaua bilis, sanguis, & spiritus concitant. Quinetiam valida, robusta quæ corpora, vt diutissimè morboris causis relictantur, ita paulatim morbos contrahunt, & vix statim succumbūt. Contrā planè quàm infirma, & mollia, quæ statim à noxiis quibusque rebus vincuntur, morbisque subito corripuntur. Qualitates verò corporis, & excrementa, quæ testantur qualis sit eius constitutio, & quæ potissimum causæ obesse possint, idē pariter prænūciant. Quæ rōne etiā Astrologia, & quæ ex similitudine duci possunt notæ, idē testātur. Iam verò ex eisdē fontibus signa hauriemus, quæ docebūt, quis

quis nam in corpore locus morbosas causas primò excipiet, & contractos affectus fouebit, aut aliis præterea communicabit. Nam ex causis efficientibus quædam sunt, quæ externas partes inuadunt, morbosque per eas internis membris pariunt, veluti lusiones, vnctiones, vulnerantia, contundentia, frangentia: quædam verò reperiuntur, quæ primò affectis internis malum transmittunt: ad reliquas, cuius generis sunt, quæ assumuntur, & egeruntur. Nec desunt quæ vtrinque ancipiti vi læsiones suas inferunt, vt aër ambiens qui inspiratione intus assumitur, & extrinsecus adhæsu & contactu nocet. Alia præterea sunt, quæ vnâ partem potissimum instant, à qua reliquæ læduntur, vt apicatio, quæ capite primùm affecto, febrem, sparsa calore ad interna viscera, committit. Idem quoque docet propria singulis viuer. di ratio. nam qui piscationi incumbunt, ferè cutis, neruosi que generis, partium vitio, vniuersum corpus morbis grauant. Qui verò literarum dulcedine capti se studio & cogitationibus conficiunt, vitiato primùm ventriculo, & labefactata coctione in reliquis partibus varios morbos experiuntur. Docet etiam Astrologia quibusdam periclitari caput, aliis thoracem, aliis aliud membrum, quod astra morbis maxime obnoxium minantur: quæ itè facile læduntur, malèque sunt affectæ partes: veluti quæ calidiores, frigidiores, rariiores, densiores, imbecilliores, aut alio modo malè comparatæ, illæ omniū primæ morbos excipere solent: quos postea aliis impartiuntur: quod in iis vñu venire videmus qui podagra confictari solent: qua præcunte ferè succedunt reliqui omnes morbi, qui corpus male habent. Qualitates, excrementa que corporis, & alia opera, quæ in eo fiunt, indices huius etiam euentus euadunt, quæ quoniã ferè eandem tractationem cum iis, quæ partem affectam ostendunt (quandoquidem id quaeritur, quam pars primò afficietur, illic verò quæ sit affecta doceatur) prolixius non prosequar: vt-  
pote quæ iam quum de signis demonstrariis ageremus,  
vberius à nobis  
sunt tradita.



VANDO verò venturi sint morbi, ignorandum non est: quando quidem ex hac cognitione praeservationem, victusque rationem plurimum variat (vt antea ostendimus) contingit. Id autem ostendent eadē genere indicia. Nam constitutio corporis, quæ multum à naturali statu euariat, instare morbos prænuñciat. Nam quis proximā non agnosceret esse febrem, si in vniuerso corpore vehementiorem æstum insolitum percipiat? Contrā verò longius absunt morbi, si minus offensa est corporis compositio. Idem præterea testantur causæ, quæ corpus constituunt, & regunt. In quibus enim præter modum humor exuperat, in illis morbos maximè in pueritia vereri oportet, reliquæ verò ætates salubriores succedent. Vbi autem statim in ortu præpollet calor, iuuentus morbosa expectanda est, reliquum autem vitæ tempus sine morbis transigetur. Si frigus superat, onusta morbis senectus adueniet, in prioribus ætatibus integra constante valetudine, id quod etiam continget vincente licitate. At si calor, & humor vnā excedunt, in dies morbi expectandi sunt. Est enim putredini, variisq; morbis ex minimis etiā quibusq; occasionibus exposita huiusmodi natura. Sic planè in aliis cōiugationibus qualitatū intelligere nos oportet, morbos eo tempore potissimum orituros, in quo quidē earum vis præualet: incolumem verò fore sanitatem quando ea à contrariis exoluitur. Quod si plurimum huiusmodi causæ mediocritatem excedunt, proximi morbi iam sunt testimonia: Quinetiā Astrologia, quæ nouit, quid, quādōve aliquid pati corpus valeat, & quid lædere possit, admonet prospiciendum esse certis ætatibus, annis, diebus etiā & horis saluti corporis, quo tempore scilicet astra morbos minantur. Præbet & materia ex qua morbi gignuntur sua in hac re indicia. Eos enim æstiuī morbi expectant, quibus bilis grauis esse solet. Hyeme maxime morbi contingent, si molestat pituita. Autumno, si atra bilis in corpore exuperat: vere autem male habebunt, qui sanguine redundāt. Nec desunt quidem notæ ex subiecta materia ductæ. Nam quibus pedes sunt infirmi veluti his, qui podagra torqueri con-  
sueue

fueuerunt, aut qui laxo, raroque sunt corpore, illos ver, & autumnus vehementius grauiusque afficit: Qui verò male affectum caput, & thoracem sunt sortiti, hyeme potissimū morbos vereri debent. Ad quod genus signorum pertinet, quæ scribit Hippocrates in aphorismis, ætates scilicet singulas certis anni temporibus bene habere, in aliis autem deterius affici, & morbis cōflictari. Nam quoniā ætates docent, qualis sit subiecta natura, ideo quo tēpore morbi venturi sint, testantur. Aëris autem temperies, venti, cœli denique omnis status, præterea quæ assumuntur, retinentur, excernuntur, geruntur à nobis, & extrinsecus afficiunt, ac reliqua vitæ conditio, tempus, quo morbi nascuntur, præfagiunt: vel tanquā causæ eorū effectrices, vel quòd ostendant subiectā materiā aptam natāmque eo tempore pati. At qui iuuant, lædentēque causæ hoc modo quod quærimus, patefaciunt. Qui enim præter consuetudinem facile à familiari- bus etiā rebus offendentur, instare morbos portendunt: Alij vero quibus nihil obest, nullo tēpore morbos verētur. Cæterum ex affectibus qui corporis constitutionē sequuntur, signa in hac re pariter capiūtur. Nam appetētia alimenti intenta, vel dissoluta, aut quæ nō seruat cōsuetum tēpus, aut ad absurdos cibos fertur, aut ordinē, & modum peruer- tit. Item cōstiones, attractiones, retentiones, expulsionēs, somni, vigilia, motus, principes functiones, nutritio, animi motus, & (ut breuiter dicā) omnes actiones, quæ à nobis ob- euntur, auctæ, debiles, deprauatæ, tristes, plus vel minus vi- tiatæ iam instare, aut longius abesse morbos portendunt. Eodem pacto quando color à naturali statu euariat, & odo- res absurdi percipiuntur, aut flatus, & strepitus plures, aut pauciores nis, qui secundum naturā contingere solent: edun- tur adhæc salsi, vel amari, aut alterius qualitatis alieni sapo- res, durities item, mollities, asperitas, leuitas, & reliquæ om- nes qualitates iam aduentantis morbi sunt indicia, quando plurimum à naturali conditione recedunt, alioqui longius distare morbos prædicunt: Veluti etiam excrementa, & alia corporis opera plura, pauciora, intēsa, remissa, qualitibus mutata aut alio quocunque modo ab eo, quod est secun- dum naturam aliena. Postremò idem declarant quæ ex simi- litudine, & proportionē eruuntur notæ. Hac enim ratione prænunciamus venturos certis temporibus morbos, certis- que



que locis, quos scilicet similibus putamus illis, in quibus eadem contingere solere prænouimus. Sic quidem in adolescentia, vel iuuentute, aut alia ætate bene, vel male habituros natos credimus, quorum parētes hisdem temporibus perinde affecti fuerunt.

*Indicantia ea, quæ in conualescentibus uentura sunt.*

C A P.

I X.



N verò qui conualefcit, in morbum relabetur, vel non, & si id cōtingat, in quem, quòve modo, & tempore recidet, & à quibus tandē recidiua nafcetur, figillatim tradere oportu-  
sum eſſe ducō. Itaque in primis morbi natura docere poteſt, ſi expectanda recidiua ſit, vel non: ſiquidē morbi nonnulli ſunt, vt errantes, malignæ, inordinatæ quæ febres, quæ ſemel ablata, rursus redire ſolent: alij vero, qui fideliter ſoluti, nunquam reuertuntur, vt diſſida, ſynocha febres, & alij huius generis morbi ordinati, & benigni. Cauſa præterea, quæ morbos pariunt, idē monſtrant. Quippe illi, quos venena, quæque vehementius agunt, procreant, repetere conſueverunt. Alij vero non item, qui ſcilicet à benignis, mitioribufque cauſis ſunt nati. Atra bilis, varij, mixti, multi, craſſi, viſcidi, peruerſique humores recidiuā pollicentur. Sanguis, pituita dulcis, vel inſipida, pallida bilis, & qui nullam malignā qualitatem acceperunt, ſimplicis que exiſtunt, quique nec copia hominem grauauerunt, nec lentore aut craſſitie ſunt præditi, contrariū potius indicant. Vnde ver, & hyems, primaque æſtas morbos ſine metu recidiuæ pariunt. Autumnus autem vix aliquem liberauit, qui ſæpius in morbum nō ſit relapſus. Ducuntur propria quædā ſigna ad id ſignificandum ex ſubiecta materia, quæ patitur. Nā in bene conſtituto corpore morbi gigni ſolent, qui ſemel curati, omnino abeunt, contra vero in male affectis, qualia ſunt, quæ prauis humoribus, maloque habitu ſunt prædita (quæ Græcis nominibus cacochyma, & cachectica nominamus) recidiuam ſæpius expectabimus: oſtēdunt & hanc differentiam corporis partes, ſiquidē nerui, aut oſſa laborant, aut oculta aliqua pars eſt, quæ planē per morbum tractari nō potuit, metuenda recidiua eſt: in carne vero & externis partibus quæ oriuntur mala, ſemel repulſa penitus recedunt.

quantum scilicet loci natura exigit, quod in omnibus intelligi volumus, nimirum quum in singulis quid vnumquodque suapte natura possit, expendamus. At causæ iuuantes, & lædentes hoc pacto id præfagiunt. Qui enim morbi à paucis remediis iuuabantur, à multis autem lædebantur, vt malignam suam naturam prodebant, sic profectò timendū est, ne quum putantur curati, rursus redeant quibus autem omnia proderant, quique commodis remediis, vel naturæ beneficio ita sunt expulsi, vt nihil morbosum in corpore sit relictum, veram conualescentiam, & futuram sanitatem pollicentur. Pari ratione qui in ipsa sunt conualescentia, & ab omnibus, vel multis adhuc læduntur, pauca autem sentiunt, quæ prosint, rursus periclitantur: eorum autem res in tuto est, quibus pauca nocent, conferunt verò plurima. Alij verò, qui nec artis, aut naturæ prouidentia curati sunt, aut certè non eo modo, vt curationis recta ratio exigit, vt plurimum reuertuntur. Sic sanè in febribus recidiuam prædicemus, si absque coctione, aut excretionem illæ abierint, aut si hæc etiā contigerunt, non tamen facta sunt, quantum natura morbi exigebat: nec eo tempore, vel modo, & ordine, nec per eum locum, nec per ea remedia, vt oportebat. Quamobrem si materię portio, vel alterius causæ, quæ morbum committebat, aut si etiā morbi reliquię supersunt, aut ipsa morbosa dispositio subest, adhuc si in die non decretorio & aduerso cælo infaustisq; syderibus morbi expulsio facta est, suspectā cōualescētiā, & salutē habere oportet. Si cui hepate phlegmone affecto profluxit sanguis ex nare sinistra, qui malū sustulit, recidiuā in eo est verenda, quòd per cōmodum locum nō sit sanatus. Si non nisi paulatim ægritudo solui potest, adhibitis verò remediis vehementissimis nonnunquā sublatus videtur, sed eo quòd in curationis modo sit erratū, rursus periclitatur salus. Quum verò biliosos, vehementerque calidos per calefacientia medicamēta vacuumus, educto humore, conualescit quidē corpus, sed calorifica vis in mēbris ab ineptis medicamētis derelicta recidiuā portēdit. Atque hæc omnia id testari videntur, quòd aliquid ostendant adhuc in corpore subesse morbosum, vnde illud Hippocratis: quæ relinquūt in morbis recidiuas facere cōsueuerūt. Porro morbi effectus hæc pariter mōstrāt. Si enim in cōualescēte corpore morbosę qualitates, actiōes morbosę, & excremēta, aliāq;  
opera

opera multum à naturali statu mutata appareāt, recidiuam prædicere possumus. Sic profecto iis, qui in conualescentia natiuū colorem recipere nequeunt, & diu ticciores, squalidiorēque perseverant, qui itē vix edunt, aut plusquā oportet, vel aliena, & absurda expetunt, aut nō eo tēpore, modo, & ordine, quo debent, aut dormire nequeūt, vel profundis, turbulentisque somnis, & intempestiuis corripitiuntur, si male sperant, & non satis alleuiatos se sentiunt, si ad motū pigri, & difficiles, si præterea excrementa emittunt duriora, molliora, plura, pauciora, nec per locos consuetos, & impotunē, aut si male concoquitur cibus, hæc omnia recidiuā minantur: præsertim si multū ab eo, quod est secundū naturā, euariant, & nullo modo, aut parū admodū in melius proficiant, idque multo magis adhuc si quid deterius in dies illis contingit. Reciduias præterea vereri necesse est in morbis publice grassantibus, si in multis qui semel euaserāt, eas iam accidisse nouimus. A quibus verò causis reuertentur morbi, aut salus continget eadē genera signorū docebunt: Maligni etenim morbi, maligneq; illorū causę ab his, quę derelicta sunt in corpore, recidiuam fore pollicētur: At benigni benignęque causę non nisi à malo victu, & erroribus qui post partam sanitatem cōmissi fuerunt, idem docent. Veluti his contingit, qui in conualescentia omne genus mali nutriti expetunt, & antequam vires sint confirmatę, solita officia aggrediuntur, vel alio modo delinquant. Quod si quid morbosum intus adhuc latet, ab vtriusq; causis morbus provenire poterit. Si actiones, & excrementa, & reliqua corporis opera iam ferē similima sanis fuerint in eo, qui cōualescit, eos qui repullulabunt morbi, nō ab his causis, quę priorem pepererunt, sed ab erroribus cōmissis vēturos prædicemus: cōtrā verò si accidētia, quę priorē agritudinē comitabātur, perseverēt, eo propulsato, recidiua causa erit, quod ex ea relictum est. At si omnes, qui similibus morbis, aut eodē tempore laborarunt in morbos relabantur, hoc euidēs testimonium erit recidiuā futuram non ob errores aliquos, sed ob antecedentē affectū, qui idē in similibus præstitit. Tēpus autem, & modū, quo in morbū relaberetur, aut sanitatem, pristinumq; robur assequetur qui conualescit, eadē testabuntur indicia. Nā si illa, quę recidiuā portendūt, excessus magnos ostendunt, nō longē postea, & confertim eā venturā significant:

ant: alioqui paulatim, & id quidē post multos dies: natura vero sanitas sequetur, si minus à naturali cōditione corpus abest. Iam verò genus morbi futuri ex eisdē notis deprāhēdimus, siquidē maligni morbi quales antea fuerūt, aut sepe etiā deteriores redire solent, vt elephantiasis, quæ sanata putabatur, eadē repetit, benigniores autē, aut nō iidē, aut certe mitiores redeunt quēadmodū videmus sæpe post continuas febres intermittētes gigni, & ex duplici intermittente vnā redire, alia penitus extincta: ex his vero rarò continuas procreari, nisi malignæ fuerint, quæ paulatim etiā interna viscera pertiniacius afficiant, omnesq; humores corrūpant. Vlcus cū malè induc̃ta cicatrice recrudescit, idē qui prius morbus reuertitur. Ex febre autē nonnunquā succedit hydrops. Causæ morborū quādiu eadē sunt, & eisdē locis continentur eosdem procreabunt morbos: vbi vero mutātur, diuersos omnino à prioribus gignent: quomodo eos, qui tertianis febribus diu infestati fuerūt, adustis iam humoribus, in quartanas, illis solutis relabi non rarò videmus. Quòd si, ab erroribus, maloque victu in morbū rursus cadere quis periclitatur, siquidē illi similē vim causis, quæ morbū prius excitauerunt, obrinuerint, similis priori morbus expectandus est, alioqui dissimilis, & talis omnino, qualis causarū vix extiterit, præbet & materia subiecta suas etiā notas: nam qui ob angustum, malēque conformatū thoracem sanguinem regerunt eo cohibito, si recidiua expectatur, eundem quoque affectum venturum præsagiemus. A iuuantibus, & lædentibus causis, præterea qualitatibus corporis excrementis, & actionibus signa sumi posse ad idem prænunciandū clarius est quā ṽt doceri debeat. An non etiam similitudines aliquid, conferunt: quandoquidem nō incerta coniectura pronunciare licebit eos, qui expectantur morbi, prioribus similes, aut dissimiles fore, si idem in similibus naturis, ætatibus, anni temporibus contigisse didicerimus.

*Quæ ostendant quem finem sit habiturus morbus.*

## CAP. X.

**S**CRIBIT Galenus tertio de Crisibus ex specie, magnitudine, & more morbi illius exitum dignosci. Verum non ab his tantū, nec immediatē, sed ab eisdem à quibus alia vniuersa indicia hæc etiā pe-

runtur: quū enim salutare illi sint, qui vel à natura, vel arte  
vinci possunt, lethales autem, qui naturæ vires & artis prestī-  
dia superant: tertij vero generis, qui nec plane vinci, nec vin-  
cere valent, ostendit id imprimis natura morbi, quippe dia-  
xia febris: & omnes aliæ intermittentes suapte natura salu-  
tares existūt, apoplexia fortis exitialis, quemadmodū & hy-  
drops, Periculosi omnes, qui continuo hominē exercent, qui  
incerti, maligni, quique recidivas parere solēt. Elephantia-  
sis, cancer in parte ignobili, destillationes in senibus, poda-  
gra, calculus, comitialis morbus, eius generis sunt, quod  
nec perimit, nec curatur vnquā. sed ad mortem vsque homi-  
nē comitatur. Atqui vulnera, vlcera, intemperaturæ, luxatio-  
nes, fracturæ & reliqui morbi huiusmodi vbi magnitudinē  
insignem assumpserint, lethales euadunt, alioqui salutare  
sunt. Quamobrem tunc optimē scribit Galenus tertio de  
Chrisibis, eū recte iudicatum, an morbus hominē extin-  
guet, vel potius propelletur, qui scilicet morbi speciem, ma-  
gnitudinem, & morem, atque hunc potissimū spectabit. hæc  
enim omnia ad morbi essentia spectant, & inter morbi qui-  
dem differētiās illarū potissimū, quæ ex magnitudine, & mo-  
re sumuntur, in hac re maximi sunt momenti: siquidem ex  
continuis, & intermittētibz, ordinatis, vel ordine caren-  
tibus, & aliis ferē omnibus differentiis est inuenire quosdā  
morbos, qui perimant: alios, qui sine periculo hominem vr-  
gent, qui verō maligni ferē omnes vitā adimunt, nisi eā par-  
tium ignobilitas tueatur. Afferuntur & notæ ex morbi par-  
tibus, & progressu: nam vt Celsi verbis utar: longus morbus  
quam penitus infedit, quoad difficultatem pertinet, acuto  
par est: & acutus quidem, quo vetustior est, longus, autē quo  
recentior, eō facilius curatur. Cæterum causæ morborū idē  
hoc modo ostendunt: leues siquidem, benignæ quæ effectri-  
ces causæ salutare morbos prænunciant: vehementes au-  
tem, & malignæ pro illarum excessu vel mortalem, vel in-  
curabilem: ex atra bile morbi procreantur, qui vel occidūt,  
vt difficultas intestinorum, & malignæ febres, vel incur-  
abiles permanent, vt elephantiasis, mania, melancholia: san-  
guis perpetuū, aut exitiales, aut salutare gignit morbos;  
quod ostēdūt partiū inflāmationes, carbūculi, synochæ febres  
quæ nunc perimūt, aliis verō sanantur. Ex spiritu, qui cū san-  
guine in venis & arteriis continetur, proveniunt morbi fe-

re omnes salubres. Licet ex materia subiecta notas alias ducere. Nā in corporibus pessime affectis, & imbecillis, aut lethales, aut qui nullo modo, vel ægre admodū curentur, morbi nascuntur. Nervis inflicta vulnera, aut occidunt, aut incurabilem effectum relinquere solent. Ac etiā in quibusdam locis idem morbi, salutare, in aliis lethales euadūt, aut nunquam curantur: veluti viscera, quæ si pulmonē afficiant, hominem tollunt: quū verò in aliis partibus consistunt, remediis cedunt: sic cordis & septi transversī vulnera perpetuò occidunt, cerebri autem ut plurimū, veluti inflammatio, quæ in coxa semper sanari solet: fluxiones, quæ ad crura, & articulos ferri consueverunt, hominē non deserunt, nec tamē extinguunt. In aliis verò partibus qui excitātur tumores semel curati redire haud quaquam consueverunt: periculosiores quoque sunt morbi, qui in profundioribus corporis locis, quā qui in superficie versantur, & qui principes partes, aut ab illis ortas, aut vniuerso corpori ministrantes, quā alias, quæ alterius sunt conditionis, infestant. Præterea sanantur morbi, qui remediis facile iuuantur, quibūsq; suppetūt optima auxilia: perimūt vel insanabiles remanent, qui à nullo vincuntur, quibūque remedia desunt idonea. An nō etiā Astrologia, p̄ spectis morborū causis portēdit morbos quosdam certis temporibus, certoque vitæ tempore salutare fore, aut lethales: aut qui semel contracti, nunquā postea abigi poterūt: valide etiā aut infirmæ corporis facultates tanquā causæ, quæ morbos dissolunt, & abigunt, hoc idem testantur: quippe quū mors expectanda sit, si in graui affectu debiles vires subsunt: salus autem speranda si valide existūt. Insanabilis verò affectus, si æquale est pugnantīū robur. At effectus morborum hoc modo suas dant notas. Leues enim in actionibus noxæ, & in qualitibus excrementisque corporis permutationes salutem præfagiunt: mortem autem, vel incurabilem morbum eadem significant, quū plurimū à naturali statu euariant: nam hac ratione perpetuum delirium, infirmi motus, abolita concoctio, retentio, cohibita expulsiones, aut superflua humorum euacuationes, præsertim si illi familiares homini extiterunt, ut in sanguinis immoderato profluio sæpe accidit, aut omnino alieni fuerint, veluti si urinx subiguales in febribus acutis, aut oleosæ, vel nigre, vel liuidæ, aut alia pernitiōsa qualitate præditæ reddā-

tur, quæ etiam si supprimantur, vel omnino, vel posteaquam excerni cœperunt, veluti quum sanguis in delirio per nares emanare cœpit, deinde protinus sistitur, hæc omnia mortem prænunciant, ac multo quidem magis si in die decretorio, & in accessione sine, ac per ineptos corporis locos emittantur. præterea quum morbus facile fertur, salutem pollicetur, quum verò difficile, periculosus existit. Securior item est, qui à gravissimis morbis euasit: at ille sollicitari debet, cui vel nouum est laborare, vel leuissimos, affectus antea grauiter tulit. Postremò si quos nouimus liberatos, aut peremptos, ductis ex similitudine indicii, prædicemus alios eiusdem naturæ, qui eisdem afficiuntur malis, eodem tempore, eodem modo vt illos habituros. Ac ad hæc quidem genera facile vnusquisque referre poterit, quæ Hippocrates in Epidemiis, & Galenus sparsim enumerant, quum docent à quibus signa sumantur ad salutem, aut mortem præfagiendam, & non solum ex hac methodo prædicere licebit salutem, aut mortem in acutis affectibus, de quibus illi ferè solum egerunt, sed etiam in aliis omnibus, si summa, quæ posuimus capita, diligenter excutiantur, & ad vltimas vsque species perducantur. Si enim quis nouerit, qualis sit cuiusque morbi natura & vis, qui scilicet lethales, qui salutes, aut alterius generis existant, & in quibus & quando huiusmodi potissimum censi debeant: deinde quæ, qualisue sit facultas causarum, quæ ægritudines gignunt, augent, & fouent, quid item iuuare: aut ledere singula valeat, quid vnumquodque sine periculo, aut cum eo pati possit. Ad hæc si nouerit quid actionum vitia, qualitates corporis, & excrementa in singulis malis portendant. Postremò quid simile, aut dissimile existat illis, qui finem morborum iam sunt assequuti, is profectò (quantum homo consequi potest) exitum morbi præfagiet: certò quidem, si id ars promittit, alioqui vt fieri potest. Non enim (quemadmodum etiam scribit Hippocrates) in omnibus sunt certæ notæ salutis, aut mortis sed in aliquibus ob morbi naturam dubiæ, quin & alio modo prædictionis certitudinem in hoc variari contingit: de qua quidem re antequam ad alia progrediamur, tempus est esse duco, vt pauca dicamus.

In quib

*In quibus morbis salutem, aut mortem  
certo prædicere liceat.*

## CAP. XI.



**G**ALE NVS in libro de Constitutione artis imprimis excipit morbos, qui ex humoribus temerè nullòq; ordine per corpus vagantibus cōsistunt. Vnde in Aphorismis scribit Hippocratē in lōgis morbis præfagiis fidere: in acutis verò nō in omnib<sup>9</sup>, sed aliquādo falli præcognitionē, idq; accidere ob subitā in iudicatione permutationē: & quia nō nunquā humor noxius ex vno loco ad aliū trāsferitur, excipit pariter eos in libro de Constitutione, in quibus salus, & mors ab externis causis provenit, veluti quæ à tumultu, canū latratu, nūciis ingratis, aut iucūdis, & cæteris huiusmodi cōmittuntur: Quæ quoniā casu, & fortuna contingunt, arte cōprehendi nequeunt; nec ea, quæ eorū ratione ventura sunt prævidere possumus. Tradit prætera libro secundo de Natura humana incertā prædictionem reddi in morbis, qui paulatim gignuntur, eo quòd illi non habeant manifestam generationis suæ causam. Contrā verò qui ex evidentibus occasionibus ortum obtinent repentinum, præsentionem, certam admittunt: quoniam, inquit, quæ sit, & quanta in his causa, facile cognoscitur: colligit tandem in libro de Cōstitutione artis in morbis, in quibus non amplius diffiunt humores, sed locum vnum occuparunt: atque etiam in his, in quibus per vniuersum corpus vnā cum sanguine excrementa absque immodica multitudine deferuntur, nos tutò prædicere posse quorsum iturus sit morbus, si modo excrementi naturam nouerimus, & nihil extrinsecus adueniat, quod iudicium corrumpat: Quo quidem loco, vbi se artis totius summam tradere pollicetur, eos amplius non excipit, quos aliis locis à certa prædictione excluderat: nec etiam quod cōmune omnibus est, docet. Si enim in his non licet certò prædicere salutem, aut mortem, in quibus subita per crises mutatio contingit: non licebit profectò futura prævidere, quando per vniuersum animal excrementa cum sanguine deferuntur, propterea quòd huiusmodi morbi per crises vt plurimum mutari finiriq; soleant. Si prætera ob subitam in crisi bus mutationem contingit prædictionem corrupti, non



licebit, me hercle, in aliquo morbo acuto, aut paucis admodum salutē, aut mortē presentire, nimirū quod illi omnes ferē per crīsum soluantur, & periculū hoc quod ex subita permutatione cōtingit, secū adferāt. Omittit ad hæc eos, quos alibi excepit morbos, qui scilicet paulatim gignuntur à causis haudquaquā euidentibus, quorū incertū euentū fore scribit. Quod si ita res habet, cōcedat illud quoque oportet incertiorē in morbis longis quā in acutis fore prædicendi rationē, quā loquidē ab occultis fere causis illi: hi verō à manifestis proueniunt. At si genera omniū morborū inspiciamus, inueniemus etiā non omnes cōprehēsos, qui certa præfagia nō admittunt. Nā in morbis perfidis, ut sepe in pestilētia cōtingit, nec humor ab vna parte in alias decurrit, nec superflua multitudine exuperant cū sanguine excremēta, suntque firmati aliquo in loco humores, veluti quum bubonem excitāt. Quinetiā à manifestis causis originē ducūt huiusmodi morbi, & multa signa bona habent, ob venenosam tamen humoris naturā præfagitio corrumpitur. Præterea in omnibus, in quibus equalis est pugna inter morbosas causas, naturæ, remediorūq; vires dubiā reddi prædictionē necesse est. Quoties enim, quæso, per morbos æqualia bona signa malis existunt? & interim incerti sumus qualis sit futurus morbi exitus, donec alterius vis præualeat, & victoriæ suæ signa euidentiora præbeat. Quamobrē reiectis nōnullis morbis ex his, quos à certa prædictione excipit Galenus, additisq; illis, qui ab eo prætermittuntur, in quibus medicum fallit cōtingit, putauerim equidē in illis, qui ab humoribus temerē vagantibus nullāq; firmā sedē adhuc habētibus cōsistunt, nihil certū prædici posse, donec humor firmā sedē sibi parauerit, nisi forte leues sint motus, paucūq; humor: tunc enim salutē prædicere possumus: quippe quū occidere nequeat, etiā si is in quācunq; partē feratur. Excludēdi quoque sunt maligni morbi, in quibus vel omnia, vel plurima signa bona apparēt, mors tamē improvisa, & inopinata succedit: quēadmodū quosdā vidimus febricitātes, qui vrinas, & alia excremēta optimē cōcocta reddebāt, vixq; febricitare putabātur, tamē ob morbi malignitatē, quæ sese in exiguo, crebrōq; pulsu, & lingua arida absq; siti ostēdebat, tandē extincti sunt: quos certe oēs medici iudicassent euasuros, si bonorū signorū multitudinē, & vim spectassent. Qui verō ex his  
statim

statim naturā facultatēmq; suā produnt, medicū fallere nequeunt: quādoquidē occidunt, si insignis malitia fuerit alio qui anceps iudiciū redditur. Atqui eos excipere, in quibus salus, aut mors ob externas occasiones cōtingit, nō videtur ad artē pertinere: quia nō aliter de salute, aut morte pronūciat medicus quā eo expēso, quod à nobis prouenit. Quis enim quæso medicum aberrasse putabit si in morbo, quem prædixit ille fore salutarem, ex ruina domus mors accadat? Neq; etiā eos remouere à certa prædictione necesse est, quī per crises finiuntur. Nam etsi subitæ per crises mutationes fiunt, translato ab vna parte in aliā humore noxio, si quis tamen naturā superiorē esse morbosus causis antea præuiderit, salutē certò venturā nunciabit: propterea quòd validior natura per loca cōmoda humores noxios quos superauit, deducit & expellit: quū verò imbecillior est morbosus causis succumbit etiā si per cōmodissimū locum viā illis querat. Ad hæc in morbis, qui ab internis causis, & nō solum in his, qui à procatarteticis nascūtur, prædictiones certæ euadunt, præsertim vbi morbus aliquantulum processit, vt mora causæ illius vis & natura patefiat: etsi tamen euidentiora signa sumantur à genere causarum, quæ morbos intulerunt in his, qui à procatarteticis quā qui ab aliis sunt nati: alia autem indicia, quæ à morborum essentia, effectibus, & aliis causis capiuntur æquē certa in his, vt in aliis putanda sunt, vt firmam satis cognitionem futuri euentus præbere valeant. Igitur si omnes complecti voluerimus morbos, in quibus prædicto variari potest, eos suspectos habebimus, qui maligni, peruersi quæ sunt, quorū præterea causæ nondū firmā sedem sunt sortitæ, vel ignotæ, & in quibus dubia adhuc est victoria, plurimūque possunt externi errores: minus quoque tutā prædictio est in morbis, quos internæ causæ excitauit: vel cum humorum expulsionē salus paratur, aut mors sequitur: item quum internæ partes laborant, vel morbus ipse magnus est: nam qui maximus, vel minimus omnino existit, certiores habet mortis salutisq; notas. Certior quoque est in morbis intermittētib; quā in continuis, vnde illud Hippocratis: febris quocunque modo intermitat, periculum abesse significat tam in longis quā in acutis: siquidem vt ait Celsus, in illis deliberationi tempus patet.

*Qua ratione solutionis qualitatem  
præſagire liceat.*

CAP. XII.



**Q**UALITATIS solutionis nomine, vt obiter antea admonuimus, intelligere volumus an fida vel infida, facilis aut difficilis, obscura vel euidens, indicata vel absque signis, bona vel mala, perfecta vel imperfecta futura sit solutio: quæ quidē Galenus in crisib<sup>9</sup> requirit libro primo de Diebus decretoriis. Nos tamē, qui generalē, cōmunēque omnibus morbis, & non his duntaxat, qui per crīsim dissoluntur, tractationē profiteamur, hæc in vniuersis morborū solutionibus notanda, & prædicenda esse operæpretiū esse ducimus. Ac vt imprimis prædictorū nominum vis, & vsus innotescat, paucis id expedio. Vocat itaq; Galenus Infidā solutionē, quā morbi recidua cōtingit: Fidā autē, quæ sine recidua est. Periculosā autē siue difficilē, quæ cū symptomatis grauib<sup>9</sup> accidit: Tutā verō & facilē, quæ sine illis euenit: Obscurā quæ citra excretionē vel euidētē abscessum prouenit, Indicatā, quæ in priore aliquo die fuit ostensa. Bonā, quæ ad sanitatē peruenit, contrā Malā quæ ad mortē terminatur. Absolutā & perfectā definit, quæ ex morbo nihil relinquit, Imperfectā, ex qua aliquid morbosum adhuc superest. Inter quæ profectō nonnulla sunt, quæ probare nequeo. Nam fidā cum perfectā cōfundere videtur, si quidē quæ perfectā est ad salutem mutatio, vt omnes morbosas causas abscindit, sic nunquā recidiuā minatur: & ea, quæ sine metu recidui est, perfectā omnino existit. Quis præterea negabit solutiones, quæ per singulas exacerbationes febrīū contingūt cōsto iam humore, agentēq; natura fidas esse, quum tamen nō omnes ita morbum finiant, vt nunquā postea redire possint? Adde quōd hac definitione tunc solum intelligere possumus, quæ fida, infidāque sit mutatio, quū recidua accessit, aut illius timor iam prorsus est sublatus: at multo antea medicū id præcognoscere necesse est, vt fida parta victoria securus in sanitatis cōseruatione, & restauratione versari, aut imminētē recidiuā arcere cōmodis præſidiis valeat. Quamobrē fidā appellarem solutionē, quæ naturæ, vel artis beneficio paratur: infidā verō, quæ nō ab his contingit, sed

sed morbi ratione, veluti quū natura irritata à morbo, crudo scilicet adhuc humore, excretiones tentat, quæ morbum minuere videntur, qui tamē postea violentius insurgit. Est igitur fida solutio vera, & nō simulata, quæ secundum rationem cōtingit. Sic etiā Hippocrates in Aphorismis alleuiationes fidas vocat, quæ cum ratione, infidas verò quæ præter illam cōtingunt, cuiusmodi sunt (vt Galenus ipse interpretatur libro secundo Prorrheticorū) quæ artis vel naturæ auxilio aut absque illo facilia leuioræque sunt reddita, quæ enim solutio à natura, vel arte fit, fidelis est, quæ verò morbi ratione, aut alio modo temere cōtingit, necessario infida putanda est. De periculosa autem, siue difficili, vel tuta, & facili idē plane cū Galeno sentimus, quēadmodū de obscura, euidēti: indicata, & ea, quæ absq; prioribus indiciiis facta est: At malam nō eam vocarē, quæ omnino ad perniciē tendit: nā potius lethalem hanc appellarem, quippe quū excretiones, mutationēsq; alias quæ in morbis acutis sexto die cōtingunt iudicemus malas esse, nō tamē propterea omnes mortem inferant. Mala ergo sit, quæ grauiorem reddit corporis statum, bona, quæ leuiorē facit: Salutaris quæ salutem parit, pernitiōsa & lethalis, quæ mortē infert. Est eo ea perfectā, quæ morbosum nihil relinquit, quæ ferē omnes alias in se cōplectitur. Nam bonā fidāque omnē perfectā solutionem esse oportet, vix autē huiusmodi est, quæ difficultatē cōiunctam habet: Ac vbi dies decretorij spectari debent, & noxius est humor, euidentē, indicatūq; esse necesse est, quæ sit futura perfectā. Quinetiam ea requirit omnia, quæ Galenus vigesimo Aphorismo primi libri cōmemorat, vt scilicet vacuatio potius fiat, quàm exciretur abscessus, & quod noxius humor excernatur, idq; per partes idoneas, adsitque cōcoctio, & in die decretorio mutatio cōtingat, quāmq; postea sequatur alleuiatio, facilisq; tollerantia. Veruntamen quū perfectā, imperfectāq; mutatio reperiri etiā possit, quū morbus hominē vitā adimit, siquidē nōnunquā ea plane sublata videtur, veluti in vteri suffocatione cōtingit, quum tamen salus postea sequatur, perfectā huiusmodi mutationē vocabimus, quæ prorsus hominē extinguit: imperfectā autē, quæ cū aliqua adhuc spe salutis euenit. Iam vero harū omniū solutionum prædictiones tradendę. Igitur fidam, aut infidam fore ostendet morbi natura. Sunt enim quidā morbi, qui naturę,

aut artis beneficio perpetuò solutur: nunquã verò ob morbi irritatione quẽadmodum diaria, & tertiana febris, in quibus fidas, verãsq; solutiones polliceri possumus: alij autem qui magni sunt, aut maligni potius, cõtrariũ nũciãt. Sic etiã quum morbi in declinatione abeunt, fidas fere seimper mutationes fore intelligemus, victa scilicet morbosa dispositione: aliud verò timẽdũ est, si in prioribus tpius cõtingat. Paruã benignãq; causã fidas mutationes faciũt: infidas autem vehemẽtes, aut malignã, cuiusmodi esse solent quẽ in male affectis corporibus contingunt mutationes. Illã verò fidẽ existunt, quẽ proueniũt in corporibus optime à natura cõparatis. Præbet quoque suas notas materia ex qua morbi procreãtur, siquidẽ ex sanguine nati fidelitatẽ pollicẽtur: atra verò bilis, variĩq; humores cõtrariũ potius significant. Mediam quodãmodo naturam habent bilis, & pituita, fidas etiã eas expectabimus in morbis, qui remediis, naturãque beneficio sunt adiuti, & propulsati: infidas autẽ quibus remedia nõ adhibentur, & nihil, aut vix aliquid prodest. Idem mōstrabunt morbi effectus: si enim in morbis, qui cõcoctionem desiderãt, ea procedat, si qualitates, actiones, & alia, quẽ in corpore obeuntur, victoriã naturã, artĩque polliceantur, fidam quoque mutationem testabuntur. Illudque spem nostram præterea cõfirmabit, si alios in eisdem morbis, eodẽmq; modo affectos, easdẽ mutationes expertos cognouerimus. Cæterum facilem solutionem promittunt parui benignĩq; morbi, difficilem autem magni aut maligni. Quemadmodum paruã, benignãque causã illud, hoc verò malignã & vehementes nunciãt. Hac quidem ratione ægritudines acutæ per crisiũ, id est subitã difficilẽmq; mutatione dissoluitur. Diariis autem facilis solutio cõtingit: quod illa in magnis morbis & ex magnis causis, hæc verò in paruis & ex minimis proueniat. Quapropter symptomata, iunãtes, lædẽtesq; causã, & subiecta materia, quẽ magni, parui, benigni, maligni quẽ morbi sunt in lices facilem quoque, aut difficilem fore mutationem declarabũt. Addit facilitatem vis corporis valida, quẽ omnia mitigare potest, difficultatem verò parit, quẽ infirma existit. Quinetiã corporis varia cõditio nunc facilitatem nunc difficultatem pollicetur. Nam si sudor expectatur, facilis adueniet solutio in raris mollioribũsque corporib⁹, difficilis in his, quẽ cõtrario modo sunt affecta.

eta. Pari ratione tales solutiones, mutationesque sperabi-  
 mus in illis, quos perinde ut alij, quibus eadem cōtigerunt,  
 affectos didicimus. At solutionem obscuram, vel eviden-  
 tem ostendent, quæ crīsim monstrant futuram cum excre-  
 tione, vel abscessu, aut sine illis venturam: de qua re quoniā  
 postea agemus, non est quòd hoc loco verba faciamus. Quo-  
 niam verò indicata cognoscitur solutio ex coctionis notis,  
 quæ in diebus oportunitis apparuerunt, nec maiore artificio  
 est opus, propterea illius notis prætermisissis ad alias accede-  
 mus. Bonam igitur ostendunt quæ sanitatem pollicentur,  
 aut leuiorem corporis dispositionem reddunt: malam quæ  
 vel mortem inferunt, aut grauiores affectus efficiunt. Qua-  
 re quæ salutem, aut mortem prænunciant, has quoque mu-  
 tationes, & eas, quæ sunt planæ salutares, & perniciosæ, ma-  
 nifestabunt. Porro perfectam solutionem, quæ sanitatem re-  
 stituit, proder natura morbi. Siquidem diaria febris, & om-  
 nes alij, qui benigni sunt morbi, quum semel desinunt, ni-  
 hil relinquunt, quod noui morbi occasio esse possit. In ma-  
 lignis nihil perfectum polliceri licet: ad hæc causæ morbi  
 idem ostendunt. Nam benignæ, paruæque causæ quæ mor-  
 bum gignunt, facilem, fidam, omnique modo perfectam so-  
 lutionem repræsentant: contrarium verò quæ malignæ exi-  
 stunt: proba corporis constitutio bona omnia sperari iubet:  
 improba imperfectionem potius minatur. Qui facile iuuan-  
 tur morbi, verè, facile, fidelitèrque soluuntur: quibus autem  
 nihil, aut pauca profunt, hi contraria portendunt. Idem te-  
 stantur fore morbi effectus: etenim validæ corporis actio-  
 nes, bonæ in humoribus coctiones, quæ in diebus iudicato-  
 riis insignes mutationes faciunt, ipsæque etiam excremen-  
 ta pauca, & bonis qualitatibus prædita. Postremò probe cor-  
 poris qualitates, & alia opera, quæ naturam morbosæ causæ  
 dominari docent, id ostendent, eoque maximè eam perfe-  
 ctam fore sperabimus, si statim ab initio morbi, aut  
 non longè postea omnia optima indicia conspi-  
 ciuntur. Necnon ea quæ in aliis similia  
 contigerunt, sperandam esse per-  
 fectam, aut imperfectam  
 solutionem præ-  
 monent.

*Signa longæ breuifque valetudinis*

CAP.

XIII.

**L**ONGVM morbum, vel breuem fore scribit Galenus dignosci ex motu ipsius morbi, & meritò quidem. Qui enim citius mouentur, maturius quoque ad finem perueniunt. Longiores vero sunt, qui tardius progrediuntur. At illud non docet à quibus motus morbi indicia sumantur: nam quum scribit tertio de Crisibus ex tempore partium accessione cum depræhendi, & morbi magnitudinē, anni tempus calidum, regionem, & ætatem calidam incitare morbos: eos verò tardari à contrariis, imprimis quæ omnibus sunt communia, non docet: quippe quum in paucis morbis accessiones fiant, nos autem communem omnibus breuitatis longitudinisque rationem quæramus: præterea qui paulatim soluuntur, vel per crism etiam ad salutem perueniunt, quanto minores extiterint, tanto celerius mouentur, vt ipse etiam testatur libro tertio Prædictionum, & secundo de Crisibus, vbi scribit breues iudicari affectus ex symptomatum paruitate, quæ quidem paruos morbos sequuntur. Placidissimos etenim morbos natura, & remedia facile superant, alios difficiliter: addit autem tarditatem difficultas, celeritatem auget facilitas, & qui occidunt morbi, quanto sunt minores, tanto profecto tardiores euadunt. Quinetiam morbi, qui natiuum calorem extinguunt, quanto minus caloris habent, tanto promptius naturam vincunt & perimunt, præsertim quum ille scribat secundo libro Prædictionum quosdam morbos in senibus citius, quàm in iuuenibus finire: ad hæc si tanto breuiore putandi sunt morbi, quanto promptius curantur: id autem illi magis ex contrariis causis, quàm ex similibus assequuntur, constat calidos ab aëre frigido, humidos à sicco, & denique cōtrarios à contrario cæli statu & minui, & tolli. Non igitur omnibus caliditas celeritatem addit, sed aliquibus plus confert frigiditas. Quamobrem ab iisdem fontibus signa, quæ ostendant morbi motum, ducemus, sed diuersa ratione, pro diuerso scilicet morborum fine: qui enim occidunt, quanto maiores extiterint, tanto sanè promptius finiuntur: tanto verò tardius, quanto minores: contrarium in salutaribus fit. Age igitur

igitur in salutari morbo primū celeritatis & tarditatis motus notas ex ipsorū natura ducamus: citius profectō intēperies sola, quā quæ cū humore est, soluitur: citius intēperies, quā vlcus cauum, & hoc citius quā fractura: simplex morbus quā compositus, intermittens quā qui continuo affligit, ordinatus quā ordinis expers promptius abigitur. Luxatio facilius reponitur, quā augeantur partes diminutæ: quæ verò numero excedunt, citius abscindi possunt, quā quæ desunt, regigni. At verò causæ, quæ morbos gignunt, sua quoque in hac re exhibent signa: nā calor, & frigus breuiiores: siccitas, & humor longiores morbos cōmittunt: contudentia breuiiores, quā vulnerantia, & frangentia. Ex bile, sanguine, & spiritu, & pauco, tenuiq; humore breues procreantur morbi: Ab atra verò bile, pituita, quemadmodum à crassis, viscidis, & multis succis longi nascuntur. Ad quæ quidem signa referenda sunt, quæ ab ætate, consuetudine, anni tempore, vitæ conditione, sexu, cæli statu, syderum ortu, & reliquis huius generis sumuntur, quæ scilicet vel tales humores gignunt, vel ostēdunt quæ eos procreant. Nec desunt notæ ex subiecta materia: etenim in male affectis corporibus, partibúsque durioribus, frigidioribus, siccioribus, densioribus, oriois, & nervosis, longiores ægritudines fieri conspiciuntur: breuiiores cōtra in his, quæ temperatiora, & meliore conditione donata, quæque molliora, calidiora, rarioraque existunt: qua quidem ratione diariæ febres, quæ accensis spiritibus consistunt, illis, quæ in humoribus sunt accensæ: & hæc aliis, quæ solidas durasque partes occupant, breuiiores apparent. Quin & febres longius protrahuntur in corporibus, quibus cutis est adstricta, quā quibus est laxa, & vulnera illata partibus carnosissimis promptius sanantur, quā quæ nervos afficiunt, quòd caro calidior, molliorque, hi verò duriores, & frigidiores à natura sint cōparati. Sic ergo inter partes corporis, quæ calidiores, rariiores, molliiores & concavitates habent, per quas sese exonerare valent, ac in eo corporis loco sitæ sunt, vt promptè remedia admittunt: itē quæ principatum in corpore obtinent, & motu multo robur sibi cōpararunt, breuiore tēporis spatio, quā quæ aliter sunt affectæ, sua mala perferunt. Causæ autē iuvantes, & lædentes conferunt hoc modo ad hanc cognitionem: qui enim à minimis remediis, quiq; diligentissimè cu-

rantur,



rantur, citius quàm alij finem assequuntur quemadmodum qui à natura facile vincuntur. Contrà verò qui ab omnibus remedijs facile læduntur, aut à paucis iuuantur, vel occidūt, aut nō nisi longo tempore sanantur: ad has pariter causas tēperatura ægri, habitus, ætas, cōsuetudo, vitæ conditio, anni tempus, remediōrū copia, & cætera huiusmodi, quæ iuuandi, lædendique morbū vim habent, redigantur. Hæc enim in singulis morbis etiam tanquā causæ iuuantēs & lædentes ostendent quando citò, vel tardè finem cōsequemur. Ab effectibus morbi signa petuntur ad hæc prædicē la hoc modo: actione læsæ quanto minus sunt offensæ, tanto breuiorem fore morbum, quantū in se est, arguunt, id quod in omnibus intelligendū esse iam dudum admonui. Parit & morbus qui exacuitur suas accessiones, nec tamē magnopere repugno, si ad partes, morbi quæ essentiam quis eas referat. Capimus autem ex illius magnitudine, motu, & modo, quo soluuntur, multiplices notas. Quod enim ad magnitudinem attinet, quanto maiores accessiones fuerint, tanto longiorem fore morbū prænunciant: breuiorē verò, quanto illæ minores extiterint. Id autē in diuersis morbis intelligendū est: nam in eo sem quanto accessiones maiores redduntur, quā ab initio fuerint, tanto citius ad incrementū, vigoremque, & remissionē denique venit morbus, quā qui pares eas semper habet: & qui minores perpetuò obtinet, citius finiuntur, quàm cui vel pares, aut maiores adfunt. Spectamus autem magnitudinem accessions in vehementia, anticipatione, & tempore, quo durat, longiore: etenim properare morbū ad finē prænunciat accessio, quæ quoties redit, vehementius hominē affligit, quæque, certa seruata proportionē, anteuertit, & in longius spatiū protrahitur. Ab accessions motu hoc modo signa colligimus. Nam æqualis accessio breuioris morbi, inæqualis verò longioris est index: quæ item per periodum, id est ordinatim redeunt, breuiorem, morbū testantur, quā quæ sine ordine repetunt. Est præterea in die, & hora, quæ exacerbantur morbi, differentia non contemnenda, siquidē quæ tertio quoque die, & circa meridiē redeunt, celerē solutionē portendunt: secundi sunt ordinis, quæ maturino tēpore exasperantur: longiorē indicāt quæ quotidie, omnium verò longissimā, quæ quarto quoque die circa noctē insurgūt: sunt enim ea à pituita, & humore melancholico

lancholico: illæ verò à bile sola, vel vna cū sanguine mixta, & in quibus maiora spatia inter accessiones porriguntur, hos futuros longiores testatur Celsus. Quæ promptè mouentur exacerbationes, nec in eodē statu diu perseverant, sed ad finē properant, citatiores morbos significant, vnde tertiana breuior, q̃ promptè paruitatē inequalitatēq; pulsus deponat, & calor cito crescat, cōtra plane quā quortiana, cuius accessio diu cū frigore perseverat, & non nisi magno negotio in ea calor accenditur, accensusque longo tēpore in eodē statu perdurat. Est illud quoq; breuitatis indicium, si status aliis tēporibus longior extiterit: neq; enim natura diu vehemētē pugnā sustinere valet, quin vel succubat, vel morbū extrudat. At qui à modo, quo solvuntur accessiones, signa hoc pacto ducuntur. Breuiiores enim illę morbos reddūt, quæ cū aliqua insigni excretionē desinūt, quā quē alio modo. Quæ præterea quā dissolutæ sunt, putredinis, suūq; mali aut nulla, aut certe exigua vestigia relinquunt, breuitatē testantur: longitudo verò quæ aliter corpus afficiunt. Quomodo tertianā breuē, quotidianā verò longā fore iudicamus q̃ scilicet in hac putredinis, febrilisq; caloris indicia in ipso interuallo appareant, in illa verò minimè. Cæterū inter effectus morbi excrementa ponuntur, quę etiā suas notas in hac re cōferūt. Notamus autē hoc loco in excrementis in primis coctiones, deinde excretionis quātitatē, modū, qualitātē, locū, tempusque. Porro in coctione spectandū est tēpus, quo illius notæ apparere incipiunt. Si enim cito, inchoante scilicet morbo, cōcoctio appareat, breuē fore morbū nunciat: si magnas mutationes facit, breuissimū morbum expectabimus: si paruas, longiorē. Illud etiā ostēdet, si semper perseverant coctiones, hoc verò si aliquādo adsunt, aliquādo verò minimè, si præterea in die indicatē appareāt, aut decretorio breuē morbū expectādū admonēt, cōtra verò si in alio videant. Quinetiā illud breuitatis signū est, si omnia emittantur cōcocta: citius nāq; sperabimus salutē in pleuritide, si sputū, & vrinā, aliūq; excrementa cōcocta reddantur, quā si aliquid horū deest. Iā verò quātitas excretionis, modus idē ostēdūt: in qb⁹ enim aut nihil aut pauca, vel paulatim excernunt, longitudo morbi expectanda est, breuitas verò si multa, cōfertim, facile, prōptēq; emittuntur, & perseveret excretio: nā si posteaquā fieri cœpit, sistatur, veluti si retrocedūt sudores, si nō mors, certe longitudo morbi ostēdit. In qualitate excrementorū primas, secundas, &

tercias qualitates cōprehendimus. Breuiores etenim declarant futuros morbos calida, quàm frigida: & humida, quàm sicca excremēta: quæq; vnicū habēt colorē, quàm quæ plures referunt, quādo illa varias dispositiones ostēdunt, quæ difficilius vincūtur, quod etiā Hippocrates in Aphorismis testatur, frigidos sudores, variāsq; deiectiones in salutari morbo mali longitudinē denūciare. Verū in aliis nō par videtur ratio: quippe quum ea, quæ partim tenuia emittuntur, partim crassa breuioris morbi sūt indicia, quàm quæ tenuia solum existunt, si modo ex coctione crassitudo prouenit, verūtamen quæ ex cōcretionē crassa sunt facta, vel suapte natura huiusmodi existūt, longiores ægritudines ostendūt, quàm qui tenues sunt, propterea quod difficilius crassum, & viscidum, quàm tenue, & friabile vincitur. Longiores adhuc erūt morbi, vbi excrementa deterius olent, quoniā ea longius à naturali conditione absunt. Quin & ea, quæ cum vehemēti strepitu emittūtur, veluti quæ per sputū cū tussi molesta regerūtur, quū difficultatē ostendat molestia, hæc lōgitudinis quoque morbi est testimoniū: verūtamen crassities tenuitas, lētor, friabilitasque excremētorū nihil perpetuū in omnibus morbis polliceri potest. Sunt enim quidā, qui celerius finiūtur si crassiora excrementa excernūtur, veluti in vlceribus contingit. Aquosa siquidem sanies longiorē morbū significat, in febribus autem sudores crassi, & tenaces lōgioris: tenues breuioris mali sunt nūcii. At in pleuritide tenue pari modo malū est, vt crassum, & tenax. Bonū verò, & breuitatis indicatiū, quod mediocrē habet consistentiā. Quamobrē natura morborū consulenda est, quæ idoneas in suis excrementis has qualitates docebit: vbi tamen coctiones nullæ requiruntur, quanto tenuiora excremēta fuerint, tanto facilius expelli, & educi possunt, vnde breuiorē reddent, significabūntq; morbū. At verò locus, per quem fit excretio, admonet expectandū esse cito morbi finē, siquidem cōmodus excretionibus fuerit: est autem idoneus, si pars aliqua interna peculiariter sit affecta, qui per directum positus est, veluti si inflammato hepate, sanguis per dextrā narem profluat, breuiorem reddet, monstrabitq; morbū, quàm si per sinistram emittatur. Itē qui per cōmunes vias educitur humor à parte affecta breuiorē reddet morbū, quàm qui per loca alia emittitur: veluti capite laborāte per nares, vel palatū: ac naribus affectis

affectis, per palatum, & ipsas etiam nares expurgationi idonea via patet: breuior etiā morbus significatur si per patēres meatus humor noxijs, quā si per angustos educatur, veluti capitis affectus expurgato humore per nares, vel os citius finiuntur, quā per aures: & febres prōptius solvuntur, quādo per aluū quā quū per vrinam, aut sudorem natura sese exonerat. Breuitatis quoque maioris indicium est, si extra corpus humores ferantur, longitudinis autem, si tentato abscessu in aliqua parte firmetur. Adhuc qui per plures locos vacuatur humores, ut per sudorem, vrinā, & aluū, citius quā qui per vnum duntaxat vacuantur, morbum finiunt. Quis autem commodior sit locus tum singulis partibus, tum vniuerso corpori ad emittenda excrementa, præsens non est loci docere, quum methodus nostra hæc præcognita ponat. A tempore excretionis signa hoc modo sumuntur, breuior namque morbus erit, si in die decretorio excretio fiat in morbis, in quibus iudicia accidunt: Longior si in alio, & denique in omnibus si suo tempore contingant, breuiorem morbum, si in alio, longiorē significabūt: nō est enim idē tempus excretionis in omnibus morbis, sed quidam continuo ea emitte re possunt, sicut vlcera pus: cerebrum pituitā per nares & palatum: aquosi, biliosi que humores per vrinam omni tempore cōmode reiiciuntur: alui etiam excrementa nō nisi perfecta coctione ventriculi, & distributione nutrimenti egerūt: sudores in accessione febris initio intēpestiue, in statu autem, & declinatione opportune effluunt. Vomitus bilis in principio, & sine accessione commodē accidit: quod autem per cutim excernitur insensibiliter perpetuo expirare, & nūquā cohiberi debet. At verō qualitates corporis mutatae suae etiam præbent indicia in morbis, in quibus illae euariant. Quanto enim minus à naturali statu recedūt, tanto fere in omnibus breuiorē morbum nunciant: sic enim grauiorē, longiorēque affectum fore putamus in morbo regio, quando corpus plurimū pallet, & diurnas agnoscimus esse distillationes, quando humor qui diffluit vehementer salsus apparet. Eodē modo magna durities, vel mollities, ut grauioris affectus, sic longioris sunt indicia: in quibusdam tamen qualitatibus, veluti crassitie, gracilitate, & malis nonnullis, ut febribus contrariū nonnunquā euenit ob causā scilicet morboſæ contumaciam, de quibus Hippocrates in eo Apho

rismo agit, quo scribit, si ei qui non omnino leuiter febricitat, permanet, nec extenuatur corpus, longus morbus significatur. Idem testantur fore alia opera, quæ in corpore proueniunt: nam si ventriculo laborante alimentum perperam omnino non concoquitur quanto minus fuerit in eo vitium, tanto breuiorem affectum, quo pars afficitur, expectandum esse admonet. At indicia, quæ ex similitudine petuntur, certiora aliquando quàm alia exhibent signa: quandoquidem ex illis duntaxat nonnunquam admoniti tertianas, continuasque febres, pleuritides, ac ut semel dicam, omne aliud genus morbi, quod plurimos eodem anni tempore, eodemque loco inuadit, longum aut breue prædicimus futurum, quod scilicet ita in aliis, qui antea laborarunt, contigisse nouimus. Cæterum in morbis lethalibus quædam eodem modo se habent, ut in salutaribus, quædam diuerso: magnæ etenim excretionis ut salutarè morbum breuiant, sic mortem accelerant, violentius virtutis robore dissoluto. Sic calidi morbi, qui in aëre calido, & frigidi, qui in frigido contrahuntur, breuiiores omnes existunt, quàm si in contrariis temporibus proueniant. At vires validæ salutaribus, debiles verò lethalibus celeritatem addunt: quemadmodum etiã parui morbi citius curantur, quàm magni, tardius verò perimunt: vulnus in osse serius hominem extinguit, quàm quod carni est illatum: at hoc citius quàm illud curatur. Qui verò nullis iuuantur morbi, citò perimunt: qui verò ab aliquibus, longius producuntur: & tanto magis, quãto plura, eaque magis profunt, quum tamen mala, quæ salubria sunt, breuissima omnium sint, quibus plurima valde conferunt: qui pessima corporis conditione sunt donati, maturiorem mortem experiuntur aliis, qui melius sunt affecti: at illi serius, hi verò citius sanantur: eodem modo actiones vehementer offensæ & excrementa, actionesque corporis, aliæque opera, quanto magis à mediocritate naturali absunt, tanto celerius venturam mortem portendunt. Quid verò præstent signa ex similitudine petita, omnibus iam constare puto. Illud quoque prætereundum non est, quòd hæc, quæ dicta sunt signa tum in salutaribus, tum perniciosiis affectibus, ut breuiorem huc alio significant, sic breuem, vel longum, & inter breues qui nam breuiiores, & inter longos qui sunt longiores futuri, monstrabunt.

*Quæ diem & horam solutionis in  
morbis ostendunt.*

## CAP. XIII.



**AET E R V M** quum non satis sit prædicere quòd citò vel tardè morbus finietur, sed præterea dies, & hora solutionis à medico requiratur, paucis quæ docere hæc possint, explicandum est. Itaque diem quo morbus terminabitur ostendet imprimis morbi natura: quandoquidem nonnulli sunt, qui statim dissolui possunt: veluti febres synochæ non putridæ, quæ extracto sanguine vsque ad animi defectum, confestim iugulantur vel omnino quarto die suapte natura abeunt: eodem pacto dolor colicus, injecto clysteri, nõnunquam protinus abigitur: ac vt breuiter dicam, qui ex sola repletione consistunt morbi, dempra 'multitudine, subito euanescent. Quineriam luxatæ partes minimo temporis interuallo reponuntur, & quæ numero excedunt momento abscindi possunt: alij verò sunt, qui die vno solvuntur: vt diaria ad salutem, apoplexia fortis ad mortem: sunt & qui plures dies requirant: qui si per crism desinant, licet etiã in his diem prædicere: si enim concoctionis signa euidentia in prima die appareant, & absque accessione affligat morbus, adsintque alia, quæ celeritatem malis adiciunt, quarto die si verò cum accessionibus molestat, tertio finietur: In aliquibus verò coniectura duntaxat dies solutionis cum quadam latitudine depræhendi potest: sicut in vlceribus, vulneribus, fracturis, intemperaturis, in febribus etiam longioribus, & cæteris huius generis morbis, quibus dies certus constitui nequit, sed tamen ab affectus natura edocti non multum à scopo aberrabimus. Vt autem morbi natura, sic illius causæ tardius, aut citius salutis, aut mortis diem venturum prænunciant: nam quædam sunt, quæ statim abscindi possunt: veluti humoris copia: aliæ, quæ non nisi diebus imparibus: veluti bilis, quæ tertianas febres gignit: aliæ quæ non nisi paribus, vt humor melancholicus, qui quartanam committit: aliæ præfixum diem, sicut vapor, & spiritus: quædam quarto, & septimo etiam remoueri queunt, veluti sanguis, qui anginam, continentisque febres procreat: Caro verò, quæ deperdita est in vlceri-

bus, certum non habet præfixum diem, quo prorsus restitua-  
tur: Quinetiam optimè cōstitutū corpus, vel pessimè affectū,  
quodd scilicet vel bonis, aut malis humoribus est præditum,  
aut hoc, vel alio modo temperatū, rarum vel densum, tenue  
aut crassum, tam in salutaribus, quā perniciosis malis, vt ce-  
leritatem, & tarditatē sic diē solutionis monstrare poterit:  
si enim alia adsint, quæ salutem prænunciant, tertio die, aut  
septimo per sudorem eam venturam: siquidem vires validę  
fuerint, corpūsque gracile, & rarū, & ambiēs aēr calidus, cer-  
tius sperare poterimus: quodd si aliter cōtingat, longius pro-  
duci morbus poterit: sic si eodem die mors ventura ex aliis  
indiciis putetur, validę vires, adstrictūque corpus, circun-  
stānsque aēr frigidus longius protrahere eam poterunt: at  
iuuantes causę, suas etiam præbent notas: quædam enim sunt  
inter eas, quæ statim morbū extinguere possunt, cuiusmodi  
est magna euacuatio, & quæ partes superfluas excidunt;  
quædam verò quæ non nisi pluribus diebus id faciunt: qua-  
lia putantur, quæ humorum corruptioni medentur: Præter-  
ea quæ statim plurimū prosunt, aut obsunt, confestim salu-  
tem, aut mortem, aut eodem statim die portendūt. Non de-  
sunt præterea indicia huius rei ex causis, quas docet Astrolo-  
gia; nam rationi consonū est ægrotantem tūc extingui, quo  
tempore astra maximè aduersantur: veluti si quis in suo or-  
tu planetas in Ariete salutare habuerit: aduersos verò, & le-  
thales in tauro, is nimirū periclitabitur, quū Luna, vel alius  
inimicus planeta taurū, vel terragonum, vel diametrum si-  
gnum maximè in sexta domo occupabit: minus autem quū  
in ariete, cancro, libra, & capricorno, idque potissimū in se-  
ptima domo, eadem vel etiam alia sydera, quæ illi sunt ami-  
ca reperiuntur. Eodem modo effectus morbi plus vel minus  
à naturali statu recedentes, vt longitudinem, & breuita-  
tem morbi, sic diem solutionis, & horam monstrant, si mo-  
do illorum naturam, vim, diem quo apparere incipiūt, & re-  
liqua toties de illis prædicta diligenter inspexerimus, per-  
spectūque habuerimus. Si quis enim vrinas liuidas, nigras,  
oleaceas, aut alio modo lethales quarta die reddat, emanēt-  
que sudor frigidus circa faciem, contingātq; eodem die de-  
liriū, plurimū præterea mutetur color, & reliquæ qualita-  
te, quę in facie, & reliquis partibus spectantur: postremo a-  
lię actiones plurimum debilitentur, aut alio modo virien-  
tur,

tur, quæ scilicet pertinent ad animalem, naturalem, vitalemque facultatem, non ultra septimum diem mors differtur. Quod si hæc omnia eadem die nempe quarta euidentem mutationem ad salutem faciunt, eundem terminum expectabimus. Idem ostendet quod ex aliorum similitudine colligemus. Nam si iidem morbi in aliis septimum diem non exceſſerunt, idem expectabimus fore in his in quibus euentum vrgentis mali præſagire volumus. An verò quinto, vel ſexto, aut ipſo ſeptimo continget vel ſalus, vel mors, ex morbi natura, acceſſione, cauſis, quæ morbos gignunt, & ſuſtinent, & aliis ſine quibus, aut cū quibus facilius aut difficilius ſinis aduenit, præterea ex ſimilitudine, & effectibus prædicere licebit. Cui enim peſſima omnia ſunt, ſi acceſſio quinto futura eſt, eo quoque extinguetur, alioquin ſexto, vel ſeptimo. Atque eo certius diuinabimur diem ſolutionis, aut interitus, ſi vniuerſa ſigna, quæ à ſingulis fontibus ſcaturiunt, idem portendant: nam ubi aliqua repugnant, tanto ſanè tardius illud venturum quod expectamus credere neceſſe eſt, quanto plura, aut maiore vi prædita reperiuntur, quæ aliis reſiſtunt: quamobrem ſi omnia optima ſtatim in primo die in ægro reperiuntur, non ultra quartam diem produceretur ſalus, atque eodem tempore mors adueniet, ſi peſſima quæque ab initio adſunt. In eo verò, quod magis & minus eſt, accidit ad proportionem exceſſus, & defectus vel quintum, vel ſextum, aut ſeptimum, aut alium ex ſequentibus morbi finem reiici. Horam autem ſolutionis in morbis ſalutaribus eam eſſe oportet, in qua vel natura, vel ars morboſas cauſas plane extinguet, quæ in quibuſdam, vt dies ipſe, prædici poteſt ex natura morbi. Diaria ſiquidem febris vigefima quarta hora poſtquam incepit, vt plurimum deſinet, & qui per criſim ſoluuntur morbi, quum ea ferè in ſtatu acceſſionis ſiat, qua hora vigere ſolet acceſſio, ea finietur morbus: ſic tertia poſteaquam exacerbatio, in qua morbus finiri debet, inuaſit, duodecima ferme hora deſinet. In aliis verò, de quibus antea egimus, non niſi coniectura quadam horam ſalutis ex natura morbi depræhendemus. Quis enim quæſo in vlcericibus, fracturis, abſceſſibus, imtemperaturis certò prædicere poterit, qua hora morbus ſoluetur? Quinetiam cauſæ, quæ morbum committunt, aliquid ad id conferunt,



Sincera etenim bilis, quæ exquisitam tertianam cõmittit, duodecima ab initio accessiõis hora expellitur. Spiritus accensus in corde diariæ febris causa, vigesima quarta hora expirat, morbumque finit. Quæ verò iuuant, aut lædunt, notas etiam suas præbent his qui illarum vim, & tempus, quod ad agendum requirunt, prænouerint: Quippe ex his, quæ morbum extripant sunt, quæ posteaquã in vsum venerunt, certis quibusdam horis, quam habent facultatẽ ad morbos tollendos exerunt: quo modo videmus inter medicamenta purgantia quædã quatuor horarũ spatio, alia octo, alia plurium interuallo morborũ causas secum educere Clysteres verò, venæ sectio vna etiam hora quædam mala depellunt: quod pariter inter lædentes causas reperiri credendum est: & inter eas, quæ morbis subiiciuntur. Nã cor minimo temporis spatii vulnus sustinere nequit, quin mors sequatur. Cerebrum diutius illud perfert, sic & aliæ partes certã quãdam naturam, & facultatẽ obtinent, quas si perfectas habere mus intelligere quoque possemus, qua hora, & momento expectanda esset salus, aut mors metuenda. Accelerant, tardantque huiusmodi mutationes felices, infelicesque syderum aspectus: quo enim tẽpore, quãue hora fauent astra, eadem continget quod expectabamus venturũ. Sumuntur & ab effectibus indicia, vel certa suapte natura, vel saltem cũ prædictis cõiuncta: validissimæ namque vires, vrinæ optimè coctæ, excrementa, quæ naturæ superatis vim ostendunt, & qualitates corporis, quæ salutẽ prænunciant, quæque subest materia optimè affecta, confirmant ea hora salutẽ venturã, quam alia præagiunt. Quædam fauent, alia verò minime, aut si hæc omnia deterius sunt affecta, salutem differre poterunt. At si speremus per sudorem, aut aliã excretionẽ morbum abiturũ, qua hora in aliis accessionibus huiusmodi excretio cessauit, eo tempore futuram solutionem præsagiamus. Cæterum quemadmodum in salutaribus horam salutis, sic in lethalibus mortis horam eadem genera signorum docebunt. Quum enim ea hora mori cõtingat, in qua æger plane extinguitur, succumbat autem potissimum, quum magis affligitur, maximæ afflictionis tempus natura morbi imprimis monstrabit. Nam qui per accessiones affligũt, quæ ad interiora mouentur, quique cum materiæ multitudine, & crassitie, aut magnis, internisque inflammationibus

bus consistunt, in principio occidunt, quo tempore scilicet natium calorem suffocant. Sin verò eo tempore magis infestent accessiones, quo iam ad exteriora morbus vergit, in incremento vel statu, nimirum quando morbus vehementissimè molestat, hominem mori oportet. Quòd si ex dissolutione mors continget, ea in declinatione expectanda est. Tunc enim excretiones potissimū fiunt, atque ita vna cum morbo expirat vitale robur. Vnde eos, quos deterius afficit prima accessionum pars per febres, quæ cum rigore infestant, in ipso frigore mors excipit, qui autem grauius habent, quum calor nocet, in ipso incremento, aut vigore accessionis moriuntur. In quibus verò emanant sudores pernitiosi, aut per insensibilem transpirationem corpus digeritur, in illis mortem accidere videmus, quum calor se se remittit, & huiusmodi sequuntur excretiones: quòd si quotidie morbus exacerbatur, eo die quo maior est accessio hominem perimet & in ea accessionis parte, in qua antea grauius ægrum per alias exacerbationes nouimus. At si morbi per accessiones nō vrgent, certius nihil dici potest, nisi quòd ea hora expectanda mors est, qua æger grauius habere consuevit. Præterea causæ quæ mortem inferunt, corpūsque lædunt, item effectus morborum idem in lethalius quod in salutaribus ostendunt. Quo enim tempore maximam vim mortis causæ consequuntur, valida corpora tollunt, debilio ra verò quum crescit adhuc earum actio, sudor, halitusque frigidus, languidi, deficientesque pulsus, aut qui formicantes dicuntur, proximam mortem prænunciant, sic alia corporis accidentia, quæ in morituris apparent, certo tempore antequam mors accidat, quando ea expectanda sit, præmonent. Hoc quidem pacto proximam esse mortem colligit Hippocrates in Prædictionibus quibus nares sunt acutæ, oculi concaui, collapsa tempora, frigida contractæque aures, cutis circa frontem dura, intenta, & arida, & faciei color niger, aut pallidus, aut liuens, aut plumbeus per morbos apparet. An non etiam septima die, & duodecima hora illius diei si ita contigerit, hominem moriturum prædicemus, qui perinde afficitur, vt alij, qui eo tempore antea sunt extincti?

*Nota eorum à quibus finie-  
tur morbus.*

## CAP. XV.



**C**AETERVM in morbis, qui in sanitatem permutatur vacuationis, alterationis, & aliorum operum, per quæ salus contingit, author est nunc ipsa natura, nunc ars, nunc verò parvi utraque: quod etiã à medico ignorandum nõ est: quippe quũ huius rei cognitio admoneat medicum, quid præstare debeat, an scilicet artis suæ vires experiri, & quatenus, an naturæ vniuersa sanitatis acquirendæ prouidentia mandã sit: itaque id imprimis docebit morbi natura: quidam enim sunt, qui à sola natura curantur coquẽdo, afsimilando, retinendo, & expellendo morbosas causas: cuiusmodi sunt, quæ ex humorum leui vitio, atque etiam leui putrefactione contrahuntur. Leuiiores præterea intemperies, & cõtinui diuisiones sola natura sanat, arte ipsa nihil magnũ conferente: At hæc luxatas partes sola reponit: præter naturam auctas minuit, numeróque excedentes excindit: contusa ossa, & male figuratas partes naturali suæ cõditioni restituit: ac (vt breuiter dicam) omnia fere vitia, quæ organicas partes infestant, his exceptis, quæ in solutione continui cõsistunt, ars tollit minimum conferente natura: grauiora verò mala, quæ in intemperie sunt, deteriora in humoribus vitia, natura & ars iunctis suis officiis perfanant: hac enim ratione vbi vrget magna putredo, aut hominẽ exercet cruditas, remedia adhibemus, quæ putredinem prohibeant, coquentisque naturæ vires adaugeant, vbi expulsio noxij humoris expectatur & via est occlusa, aut glutinosa, crassãque est materia, ex qua morbi gignuntur: benignos etenim, paucosque humores sola natura vincere poterit, alios potius ars ipsa superabit: quinetiam partes (vt ex subiecto corpore, quod morbis subternitur, notas quasdam sumamus) quæ afficiuntur, non vulgares dabunt notas, siquidem quæ nativo calido abundant, quæque insito robore sunt donatæ, solæ possunt sua mala propulsare, aliæ verò admonēt adhibendam esse artem adiutricem, nec cõtemnendum quidem est, quod docet similitudo: hinc enim prædicimus quaslibet ægritudines nunquam solius naturæ opera abituras, quod scilicet

et eosdem affectus in aliis nō nisi externis auxiliis propul-  
satos nouerimus, postremò symptomata ipsa, iuuantes læ-  
dentésque causæ pariter ostendere poterunt, à quibus solu-  
tio morborum cōtinget, quorum quidem exempla vel me-  
diocriter doctis deesse nequeunt.

*Indicantia ea, per quæ solutio contingit.*

C A P. XVI.



**P** O R R O inter ea, quæ vel à natura vel ab arte  
finiuntur, quedā vna ratione, alia pluribus finē  
assequuntur. Etenim vulnera simplicia per ea  
solū, quæ diuisas partes vnire possunt, curantur:  
humorū vitia euacuatione, & alteratione emē-  
dantur. Sunt præterea quæ eodē modo occidunt, & hominē  
liberant, alia verò, quæ diuersa ratione hæc faciūt. Nam per  
sudorem febres tolluntur expurgatis malis humoribus, &  
occidunt vitali robore ob immodicam, intempestiuamque  
vacuationem dissoluto. Pleuritis quū digeritur, sanitatem  
homini semper restituit, at quum in putredinem vertitur,  
perpetuò occidit, nonnunquam tamē eroso pulmone tabes  
sequitur. Quamobrem arte opus est, qua cognoscamus qua  
ratione singula aut finem proprium assequantur, aut nun-  
quam desinant. Sic enim intelligemus quando certò ventu-  
ra sit salus, aut mors metuēda, vel portendatur dubius euen-  
tus. Nam si vna, & eadem est via ad salutem, & mortem, du-  
bia redditur prædictio, quum eā iniri per morbos videmus.  
Quòd si diuersa sit, tunc salus sperabitur, quando ex tenta-  
ta fuerit solutionis ratio, quæ sanitatem restituit: mortem  
verò verebimur si aliter contingat. Quæ sanè cognitio non  
solum ad prædictionem facit, sed etiam plurimum ad cura-  
tionem confert. Etenim quum nouerimus ea, quæ salutem  
restituere, aut mortē inferre possunt, ex hac tractatione præ-  
moniti, intelligemus quid cōpescendum, mutandum, auer-  
tendum, iuuandum, promouendūque sit. Ac quoniā quæ-  
dam suapte natura semper id consequuntur: quædam verò  
quod per se obtinent, loci ratione amittūt, imprimis quod  
res ipsa per se postulat, deinde quæ ob loci cōditionem con-  
tingunt, si non exactè (propterea quòd curationē hæc tracta-  
tio nonnunquam attinget) certè quantum institutū nostrum  
postulare videtur, trademus. Id igitur natura vniuscuiusque

imprimis ostender. Nam morbi, qui in intēperie consistunt absque noxio humore sola alteratione curantur, & occidūt. In quibus verò nocet humor, sola sæpe alteratio sufficit, nonnunquā vacuatio, & mixtio requiritur: quippe si frigidior sit ex pituitoso sanguine intemperies, sola alteratio inmedela est. At si vna etiā adsit in humore putredo, vacuatio præterea requiritur, aut perfecta, aut saltem ea, qua morbos in alium permutatur, corporisque partes in alias sese exonerant. Vbi verò ex humorum corruptione morbus cōtractus est, præter alterationem, & vacuationem, bonæ quoque substantiæ admixtio exigitur. Qua ratione profectò omnes putridas febres alteratione, vacuatione, permutatione, & boni nutrimenti copia, si omnia illarum genera excutiamus, curari & his etiam rationibus occidere, inueniemus, diarias verò expiratione spiritus calidioris, & refrigeratione, synochas vacuatione etiam sola terminari: quandoquidem sanguinis copiosi effusio huiusmodi febres nullis aliis adhibitis remediis iugulat. Hectica refrigeratione, humectationeque tollitur, calore siccitatēque iterimit. At si humor in aliqua parte infixus tumorem excitauerit, alteratio multiplex pro humoris natura putredo, translatio, vacuatio nuno sensibilibis, aliàs insensibilis, suppuratio, erosio, emollitiōque morbum finiunt: quædam ex his semper ad salutem, alia ad mortem vel ad alicuius partis pernitiem: Si quidem aquosus fuerit, vacuatione, translationeque in alias partes desinit: quo modo aqua inter cutem, educto humore seroso per aluum, curatur. Per abdominis verò incisionem, sæpius occidit. Quum verò ad pedes humor abscedit, salutem consequitur: Si verò ad nobiles partes confluat, mortis sit causa, quòd temperiem dissoluat: quum autē nō educitur, eo quòd intemperiem hepatis, & aliis corporis partibus inducat, quæ probè agere nequeant, vel mortem infert, aut eam saltem accelerat. Caterum si œdema sit, incidentia, vacuantiaque requiruntur, nonnunquam etiam ab vna parte in aliā humor secedit, quo modo quotidianas, longasq; febres, decumbente humore ad pedes, finiri sæpe, & faciei tumores pituitosos, conuerso humore ad fauces, nonnunquam strangulare videmus. Quòd si durus tumor subsit ex pituitoso humore, eum emollientia, vacuantiaque sanant, aut si hæc nō proffit, incurabilis manet. At si ille ex humore melancholico cō-

flatus

flatus sit, mollientibus exasperatur, & insanabilis ferè relinquitur, quemadmodum & cancri non exulcerati: occidunt autem si partem nobilem tandem afficiant. In alias autem partes non abscedit huiusmodi humor, qui duros tumores concitat. Iam verò qui ex sanguine cõstat tumor, vacuatione sensibili, & insensibili curatur: Putredine autem aut occidit, aut membrum corrumpit affectum. Suppuratione hominem liberat, si modo commode postea pus expurgetur, alioqui vitam adimit: qua quidem ratione suppuratis inflammationibus externarum partium, educitõque pure, sanitas restituitur. Pulmonis verò, aut mēbranæ succingentis suppurationes vt plurimum lethales existunt. Conuertitur ad alias partes nonnunquam humor, qui inflammationem excitabat, contingitque salus, si pars præcipua exoneretur, grauetur autem alia, quæ nullam dignitatem obtineat, aut necessariam in corpore actionem exerceat, alioqui vitam extinguit, quo pacto permutatio peripneumoniæ in pluritudine bona, quæ verò contra fit, mala à Galeno existimatur. Occidunt præterea alteratione sola in nonnullis partibus, vt corde, cerebro, nec vnquam curari posse putatur cordis inflammatio, quum remedia mors præueniat, cerebri autè rarò admodum, & difficillimè abigitur. Erysipelata, & herpes per vacuatiã, & alteratiã desinunt, ac per translationē humoris in viliores partes quas alteratione, & putredine corrumpunt: in præcipuis verò consistentia erysipelata eodem modo vitam adimunt. Cancri erosione occidunt, si ad internas partes vitium perueniat: alioqui per totam vitam incurabiles erodendo perscuerant, nisi vna cum illo, aut vniuersum membrum affectum, aut saltem quod in eo vitiatum est, abscindatur. Cæterum morbos, qui in concauitate consistunt, vacuatio, extractio, consumptiõque materię tollunt. Sic sanè obstructions ex multis humoribus vel educimus, vel inedia consumimus, crassos extenuamus, viscidos incidimus, obstruentes lapides extrahimus. exasperatæ partes læuigantibus emendantur, at malè figuratæ deductis ad meliorem figuram restituntur: aperti præter naturam meatus clauduntur his, quæ possunt id præstare, pro causarum, quæ apertionem excitarunt, varietate: magnitudo corrupta nunc vacuantibus emendatur: qua ratione corporis moles inedia concidit, nunc verò quæ substantiam

tiam detrahunt, euidenterque consumunt, quo pacto caro, quæ vlceribus supercrescit, ferro secatur, & acris medicamentis eroditur. Superfluus partium numerus nunc abscissione, vt sextus digitus, nunc extractione, vt lapis in vesica minuitur. At in quibus vitiū ex solutione vnitatis contingit, in aliquibus vna via sola est ad salutem per vnionem: in aliis verò etiā per substantiæ deperditæ generationē, vt in cuius vlceribus accidit. Occidūt autē hæc nō vna ratione, quippe quā quādā sola euerfione à naturali statu in quo vitiū illorum est, alia verò quòd prius alios morbos excitent: id faciunt: Etenim vasorū obstructions, eo quòd calorem accendant, aut etiam suffocēt, mortem inferunt, vitiata thoracis figura, quæ dilatationē pulmonis fieri impedit, respirationis vsum intercipiens, mortis fit causa: corporis moles perimit, vel quòd humoris copia obruat calor, vel quoniā obstructions ex fluxionibus statim gignantur in præcipuis corporis visceribus, quibus affectis omniū actionū robur cadit, quomodo obesa admodum corpora syderatione extinguī sæpe videmus: lapis in vesica mortis causa est, quòd partis vel vitam necessariæ actionem fieri prohibeat. Vulnere suapte natura eo quòd diuidant partes, in quibus vita consistit, vel quòd prius putredinē adfiscant, aut sanguinis fluorem excitent, aut dolorem moueāt, aut inflammationem, & febres pariāt, quibus vis corporis & temperies dissoluitur, perimunt, contusiones, fracturæ rupturæque ferè occidunt, quòd alios morbos prius excitent: ob cerebri etenim contusionem illius cauitates occluduntur, prohibeturque hoc modo animalis vis ad sua instrumenta ferri, quæ ob id agere desinunt, & mortis causæ euadunt, siquidem mors est omnium actionū interitus. Quòd si quis diligentius horū omnium incōmoda, quibus mors infertur, spectare vellet, vnicam fortē inueniret caloris natui interitus causam, sed hæc alio loco cōmodius, satis autem nunc sit docuisse, quoniam modo ex morbi natura medicus prædicere possit, qua ratione morbus aut occidet, vel propelli poterit, aut ad mortem vsq; hominē comitabitur. Id quod etiam symptomata, effectūsque alij, qui hos morbos sequuntur, & causæ quæ eos cōmittunt, iuuant, aut lædunt, ostendere poterunt, ne singula prosequi cogamur. Illud vero nunc tradendū est, quid loci ratione ex eo amittāt morbi, quod suapte natura alioqui  
obtin

obtinent: quid vero multipliciter assequatur, quod vno modo illis pollicetur eorum conditio. Etenim pedis inflammatio, aut œdema in alias partes migrare nequit, pulmonis verò, & succingentis membranæ in multas partes sese exonerare potest: nam mutuò sese illæ partes afficiunt, siquidem in superiores, inferiores: & hæc in illa sua vitia regerūt. Cordis inflammatio suppurari nequit, quū mors suppurationē anteuertat: nec qui in profundo corpore resident morbi, digerentibus tolli possunt. Cerebri quoque vitia in se mutuo permutantur, vt lethargus in phrenitidē, hæc in illam, & vna capitis pars aliam afficit. Sic profecto acutus aurium dolor cum febre continua desinit, conuersioque in cerebri substantiam humore, qui doloris causa fuerat, mentē turbat: & contra quæ in cerebro ipso abundat materia ad oculos, aurēsq; reicitur: in partes verò subiectas se exonerat, quum per nares sanguis, quo grauabatur, profluit, aut is, vel alius humor ad fauces, pectus, pulmonē, aut aliam denique partē descendit, qui quidem pro sui natura, & partis affectæ conditione varios morbos excitat. Illius autem inflammatio in tremore, & lethargū nonnunquam transit: Insania verò delapso humore melancholico ad tibias, excitatisque varicibus, vel apertis venis, quæ sunt in ano, aut excitato in liene tumore, vel facta per intestina excretionē sanatur. Angina in pulmonis inflammationē aliquando commutatur, sæpius tamen dissoluitur, suppuratur, aut corrumpitur: Fluxio, quæ tentat pulmonem occidit, vel quòd suffocet, vel quòd prius excitato vlcere sanguinē profluere faciat: curatur autē, quū per sputum regeritur: at post nimias destillationes tabes, post lateris dolores diuturnos vitia pulmonū, post hæc insania sæpius contingit. Longam alui resolutionē excipiunt tormina: ac (vt semel dicā) variæ fiunt mutationes, mutuaq; generationes quas ex propria cuiusq; morbi natura, & loci affecti conditione dignoscēs. Pauca etenim omnibus cōmunia tradi possunt, quippe quum non omnes easdē mutationes admittant, & prohibeat sæpe (vt diximus) loci proprietates, ne morbi assequantur, quod alioqui per se obtinent. Nā quod in aliquibus permutationis morbi est in indicium, in aliis suppurationem fieri declarat: quod vacationem perfectam in nonnullis monstrat, in aliis testatur noxios humores in aliā partem reici: quod item salutarem alterationem

sæpius



sæpius declarat, in aliis extincti caloris est signum: putredinis, & corruptionis eadē nonnunquam sunt notæ: proinde quid singulis sit propriū expendere in hac re oportet: ex fontibus ramen prædictis semper quid singulis conveniat, inueniemus: quod ut cōmodius rudior lector intelligere possit, vno exemplo ad illius exercitationē rem aperiemus. Ac quoniā lateralis morbus plurimas omnino mutationes recipit, eū, præ cæteris eligemus, qui id totū, quod quærimus declarat. Igitur quum huiusmodi affectus inflammatio sit membranæ, quæ subtenditur costis, possit autem inflammatio suapte natura per vacuationem, translationem in alias partes, indurationem, suppurationem, & putrefactionē finire ad salutē, vel mortē, ex loci natura sumptis indiciis, tanquam ex materia subiecta intelligemus indurationem non esse spectandam. Nemo enim vnquā pleuritidem in scirrhum mutari vidit: quamobrē relinquuntur alia, quæ enumerauimus, quibus finem suum assequitur. Ac quum per eam vacuationem, quæ quidē per resolutionem cōtingit, finitur: perpetuò sequitur sanitas: quæadmodum quum per sanguinis missionem demitur humor, aut ea omnino desinit, aut maiori ex parte minuitur. Quum verò per sputum noxius humor educitur illaeso pulmone salutaris quoq; semper redditur, si modo vniuersa materia expurgatur: quòd si pulmonis substantiam, & vasa erodat, perpetuò enecat. At si per alui fluxū vacuatur humor iam concoctus, continget salus, alioqui vel mors, vel omnino morbi longitudo, quo modo scribit Hippocrates in Aphorismis alui profluuium pleuriticis nunc conferre, aliàs obesse. Quando autem suppuratur huiusmodi inflammatio, rarò ex ea homo liberatur, sæpius moritur, semper autem quū in putredinem vertitur, occidit: id quod etiam illi contingit, quum malus humor in alias nobiliores partes abscedit: veluti quum in peripneumoniā commutatur, aut in phrenitidem, aut vniuersi corporis conuulsionem concitat, vel syncopen, affecto corde, committit. Quòd si in deteriores, viliorēsque partes malum reicitur, salus prorsus expectanda est. Ex quibus sanè constat, id quod ab initio statuiamus, quosdam scilicet morbos esse: qui pluribus modis suapte natura finiuntur, sed non omnes admittat semper partis temperies figura, cōnexio, situs, officium, cōformatio, raritas, densitas, magnitudo, numerus, durities, molli

## DE SIGNIS PROGNOSTICIS. § 27.

mollities, & reliquæ ipsius partis cōditiones: Quin & illud patet morbos per eadem nunc salutē, nunc mortem consequi: nunc verò per illa solam salutem, aliàs verò solā mortem parari: nunc autem quæ signa hæc ostendant, quæ proposuimus, paucis trademus. Vacuationē igitur expectare oportet, quæ morbo finē imponat, si benigna, paruaq; fuerit inflammatio, si humor, qui eam facit, tenuis, calidusq; fuerit, si expultrix, alteratrixque facultas valida in corpore laborante subit, si rarus locus affectus, & perspirabilis: Huius rei spem confirmabunt parua in respiratione, pulsu aliisq; actionibus, & qualitatibus corporis mutationes: quæve calidum, tenuemq; humorē, & paucum indicant. Si præterea facile educatur humor, qui laudabiles qualitates obtineat, si vacuantibus remediis facile cedat, lædatur autē ab his, quæ vacuationem sistunt, credendū omnino est morbum ipsum per vacuationē finem suum consequuturū. An verò per sputum, vel resolutionem, aut deniq; per aliam partem educatur humor, non est huius loci docere, quū ea quæramus, quæ morbum finiunt, non autem locum, per quem exeunt morbosæ causæ. Suppurationem (inquit Galenus libro sexto de Morbis vulgaribus) expectare oportet, si difficilis, crudaque maneat, nihilque malignū obtineat inflammatio, si modo vires non subsint imbecillæ. At id non necessariò eveniet, quū tarda cōcoctio, aut tabes etiam sequi possit: quo fit, vt nihil certum in hac re tradat: id quod imprimis natura ipsius inflammationis ostendet. Quum enim suppuratio contingat, dum cōclusa est materia, quæ suppurari debet, & vis alteratrix valida est, imbecillior verò paulo debilior, necesse est solū magnas pleuritides suppurari posse. Illæ enim à sanguine fiunt, qui propria est suppurationis materia: siquidē pus ex sanguine fit, & ob magnitudinē nō facile expirat calor: vnde quæ magnā pleuritidē monstrāt, nisi vacuari anticipauerit humor, suppurationē ferè ostendunt. Nam ea aliquando in peripneumoniam mutatur, quū ob copiam in membrana cōtineri tumor nequit, sed ad pulmonem effunditur: tūc tamē vis expultrix viget, quæ sese à multitudine exonerare valet, sputū præterea nō procedit in pleuritide, quæ ad suppurationē tēdit, aut paucū omnino est, quod excernitur: Illudque vel sanguineum, vel etiam cum portione pituitæ mixtū: augetur dolor, calor, & febris in dies: & quū iam sup-  
pura

puratio maxime fit, accedit rigor, qui necessario suppurationes omnes internarū partiū comitatur. Pulsus præterea suppuratorum in his apparere incipiunt. Non iuuatur à vacuantibus, & aliis remediis, quæ huiusmodi alterationē fieri impediunt, profunt autem, quæ eam efficiunt: facta verò suppuratione dolor, & febris minuuntur. Quòd si nō in pus, sed putredinem mutetur humor, quædam similia his, in quibus suppuratio expectatur, quædam verò diuersa apparent. Nam sputum in his etiā supprimitur, febres & dolores urgent, magna quoque sæpe inflammatio, quæ ad corruptionem tendit. At rigor non accedit, & malignus nōnunquam est humor, qui corruptionis est author, imbecillior concoctrix facultas, vt quæ vincatur, nec mutare noxias qualitates valeat: perseuerat dolor & febris, quanquam emortua ferè parte nonnunquam dolor esse desinat, augentur perpetuò lethalia signa, nec minuuntur accidētia pleuritidis: quod euenire dicebamus facta iam suppuratione: nisi fortè quū iam prope mortem ventū est, quo tempore vis corporis à morbo euicta amplius non repugnet, nullis remediis iuuantur, ab omnibus offenduntur, vtpote qui ad perniciem tendāt, quibus nihil ferè prodest, obsunt omnia. An verò inflammatio desinet latus affligere, & in aliam partem migrabit, antequam id fiat intelligemus ex inflammationis natura, causis, effectibusque illius. Quæ enim magna est, nec potest in loco affecto contineri, aliam sibi quærit viam, præsertim si acrior humor fuerit, qui expultricem intempestiue irritet, si locus affectus rarior: vicinæ autē partes debiles extiterint, aut laxæ, ad susceptionemq; paratæ, metus est ne abscedat in eas humor priore loco relicto. Transít autē nunc in pulmonem affectus antequam coctus sit, inflammationemq; vt prius excitat, facta verò suppuratione, nisi statò suo tempore expurgetur, per sputū, aut facta incisione extrahatur pus, in tabem mutatur: Sic nonnunquam rapto humore ad cerebrū, neruosq; partes, cōuulsiones excitat: Syncopen verò, & caloris extinctionem, si in cor materia ruat. Quum autē transitus sit, minuuntur pleritidis signa, apparent verò partis affectæ malū suscipientis symptomata: qua ratione quū in peripneumoniam mutatur, pulsus crebriores, mollioresque fiunt, intenditur calor in thoracis cavitare, accedit sitis maior, genarum rubor apparere incipit, dolor latus infesta

infestare definit, spiratio tamen difficilior, febris vehementior, & grauitas circa pectus vrget, & alia demum accedunt symptomata, quæ peripneumoniam sequuntur ad proportionem incrementis in eo morbi, & diminutæ pleuritidis. Ac in omnibus quidem similitudines prædictionem confirmant, aut etiam ubi alia ex aliis desunt firma indicia, eâ certissimam reddunt. Nam an vacuatio, vel alteratio, vel abscessus, aut putrefactio, vel aliud expectandum sit, quod morbo finem imponat ex eo admoniti, quod aliis eodem modo affectis contingit, certò prædicere licebit: poterit hoc exemplo adiutus lector, quæ ars generalius tradit, in singulis inuenire, & ea prædicere, per quæ non solum morbi, sed etiâ salubris constitutio ad finem suum perueniet.

*Quæ significant modum solutionis morbi.*

## CAP. XVII.



N paulatim, vel subitò vel etiam subitò cum vehemētia finietur morbus, nunc tradere expedit: præsertim quum Galenus duntaxat docuerit signa eorum, qui per crism terminantur, hoc est, cum vehementia, his contemptis, qui paulatim, vel subitò absque magna mutatione desinūt: Hauriūt ergo ab eisdē fontibus huius rei signa. Ac primū quidē ex mali natura: Quidā enim morbi sunt, q nō nisi paulatim curari possunt, vt vlcera caua, fracturæ: vel occidere, veluti intēperies sicca: Alii verò, qui subitò sanari, & occidere valēt. Nā synocha febris & minime putrida, dēpto sanguine, vsque ad animi defectum confestim abigitur, & ardētes febres cocto iam humore adueniente magna aliqua vacuatione confestim finiuntur, Quinetiam continuorū morborum ferē sunt vehementes mutationes, leuiiores autē eorum qui per interualla molestant, vt in cōtinuis, & intermittentibus febribus apparet, quarum illæ aut omnes aut certē plurimæ per crism, hæ verò cum leuioribus mutationibus discutiuntur. Cæterum morborū causæ huius quoque rei indices sunt: siquidem cordis vulnera confestim occidunt, carnis verò eadem mala non nisi paulatim. Vehemens etiâ in corde intemperies subitam necem inferre potest. Vt in his, qui strangulantur, nimioque calore suffocantur, contingit: quum aliarum partium huiusmodi vitia non nisi paula-

rimperimant. Sic profectò morbi causæ effectrices, quædam paulatim tolluntur, vt magna corruptio, quædam verò subito auferre licet, sicut multitudinem, quæ vasa præter naturam distendit. Subitas, & magnas fore mutationes indicat copiosus, calidusque admodum humor, qui putrescit. At spiritus excalefactus, sicut in diaria accidit leuioris agitationis est index. Quin & venenosa perniciofa, quæ morbos intulerunt, subitam mortem portendunt. Item quæ non nisi vehementes iuuant affectus, quum adhibentur, vehementem quoque in illis expectandam esse mutationem prænunciant: quæ verò paulatim mitigant morbos, eodem modo solutionem expectari iubent. Quin & valida virtus subitæ mutationis est author & indicium, debilis verò illi contrariæ. Magna præterea accidentia in morbis, qui ex humore vehementer excalefacto infestant, subitas magnasque mutationes portendunt: in aliis verò si salutes morbi fuerint, contrarium nunciant. Nam dolor magnus qui magna vulnera magnasque fracturas sequitur, curatione morbi paulatim minuitur, & affectus ipse vnde ille nascitur, sensim desinit. In pernicioso si extremi generis est morbus, subitam mortem venturam significant, vt prohibita respiratio in apoplexia hominem confertim iugulat, alioqui paulatim exitium minatur, nisi etiam putredo mortis causa existat, in qua corruptus humor subito excretus vnà secum pari modo animam trahat. Adhæc vehemens qui in corpore sentitur calor, faciei rubedo, & tensio, fluxus admodum, aut rubra vrine, biliosa alui excrementa, amaritudo, quæ in ore sentitur, putidus qui è corpore spirat odor, subitas magnasque mutationes in morbis portendunt: Cæterum rigor, qui non præcedit accessiones, labri inferioris motus, delirium, capitis dolor, insolita perturbatio, & alia symptomata, quæ morbi naturam, aut accessiones non sequuntur, quum apparent, instantis iam magnæ, subitæque mutationis sunt nuntij.

Postremò colligemus ex his, quæ in aliis contigerunt, quales mutationes expectare in his, qui eodem modo laborant oporteat.

Quæ

*Quæ declarant, an morbus finitur per crifim, vel non.*

## CAP. XVIII.



**S** V B I T A S, magnasque simul mutationes, quæ in morbis fiunt à natura, vel morbi vi cū quadam euidenti vacuatione, aut abscessu, & in pueris (sicut nonnullis placet) per coctionē, crifes id est iudicia vocant medici. Vnde, tradere oportet notas, quæ tam in salutari, quàm lethali morbo huiusmodi mutationē prælagiunt. Quia in re Galenus sumpto indicio ex morbi natura crifim expectandam esse saepe scribit, si morbus magnus fuerit. At non omnes magni morbi hoc modo terminantur, vt magna vulnera, magnæ fracturæ, nec alius vllus affectus, qui ex humore non consistit, has mutationes experitur. Nec verò omnes, qui ex eo fiunt, crifim habere possunt: veluti inflammationes multarum partium. At primo ad Glauconem febres calidas, vrentesque per crifim solui scribit: libro verò secundo de Crifibus statuit crifes proprias esse februm, quæ ex calidis humoribus accenduntur, post has verò dispositionum calidarum, facileque mobilium, quæ partem aliquam principem obsederunt. Verum non solum illæ ita desinunt, sed etiam colicus morbus, ventriculi vehemens dolor ex frigido multoque humore excitatus, qui quum violenter à natura per vomitum aut alui deiectionem extruditur, huiusmodi mutationes contingunt. Soli ergo illi morbi ad crifim veniunt qui vel ex putrescente, feruescenteque humore in vniuerso corpore contento gignuntur: quemadmodum febres synochæ, & ardentes, vel qui ab vna parte in aliam à vi expultrice reiecta materia propelli possunt: sicut dolor capitis ex sanguinis repletionem contractus, sanguinis profluuium per nares, & apoplexia in neruorum resolutione, humore pituitoso ad neruos confertim transmissio, soluitur. Quod si crifis nomine magnas, subitasque simul mutationes duntaxat significamus, sit vt in magnis, vehementibusque morbis eas solum expectare debeamus: siquidem in paruis affectibus qui fieri possunt magnæ mutationes? Quapropter quum Galenus primo ad Glauconem scribit eos, qui tertiana exquifita laborant, tenui victu esse regendos vsque ad crifim, hoc nomine abutitur, nimirum quum huiusmodi febris

magna non sit, nec ob id magnas mutationes admittat, et si subito per vomitum, aut sudorem, aut aliam excretionē finiri possit. Id autem cōmune est salutaribus, & exitiabilibus morbis, qui per crīsim desinunt, vt ex humore, qui vehementius irritet facultatem expultricem, & locum facīlē mutāre possit, excitentur. Si enim crīsis subita est mutatio, quæ ex actione morbi & naturæ prouenit, nullas profecto facultates natura habet, quibus subito, confertimque agere possit præter expultricem, quæ quidem non agit, nisi irritetur, & eo plane modo agit, quo irritatur. Quare vehementius illā affici oportet, si vehementius agere debeat, locum verò adesse oportet ad emittendum suscipiendūque humorē accommodatum, quandoquidem morbus tolli nequit expulsionē humorum, nisi ab eo loco, in quo illi morbum faciūt, extrudantur. Quin & validam oportet subesse facultatem expultricem, nimirum quum vehementius insurgere nequeat, si aliter fuerit affecta: vnde optime scribit Galenus tertio de Crīsis abscque crīsi eos mori, qui ob debilitatem aduersus noxios humores pugnare nequeūt. Id quod etiam in salutaribus intelligere quis posset, nisi forte existimet, victa, coacta que morboſa dispositione, tantum semper in expultrice facultate roboris reperiri, vt malos humores violentius etiā expurgare queat. Hęc ergo (vt in summa rem cōtrahamus) habeat oportet morbus qui per crīsim finiri debet, vt ex humore nascatur, qui vel qualitate, vel quātitate vim expultricem vehementius irritet, facīlēque ob viæ commoditatem, & partis affectæ naturam, virtutisque robur expelli valeat. Vnde ex morbi natura, ex materia illius, ex subiecto in quo morbus residet, ex causis quæ mutationē efficiunt, indicia sumemus ad futurā huiusmodi mutationem prædicendam. Etenim continentes ardentēſque febres tanquam signa ex morbi natura accepta expectandam crīsim præmonent. Humores verò putridi, acres, mordaces, vel sua quantitate plurimum corpus infestantes, (quo modo putauerim attonitum morbum in resolutionem neruorum transire) idem pollicentur: ventriculus qui ab humore moleſtatur, aut hepar inflammatum, aut humor qui in venis vel habitu corporis continetur, sumpto indicio ex loco affecto, admonent tales mutationes venturas. At validæ vires tanquam causæ effectrices huiusmodi mutationis indices illius euadunt.

dunt. Corporis verò raritas, quum sudor expectatur, aut ad vomendū aptitudo, quum per vomitū crisis cōtinget, tanquā causā sine quibus, aut cū quibus vacuatio mutatioque fieri debet, idem testantur. Aër verò ambiens, consuetudo, vitæ conditio, victus præcedens, & causā quæ morbos pepererūt, id ostendūt ea ratione, quòd qualis sit morbus, illiusque materia, & corpus, quod afficitur indicent. Quamobrem quum Galenus tertio de Crisibus refert crisin expectandā in morbis, ductis signis ex morbi magnitudine, motū, specie, anni tēporibus, & aliis, quæ eiusdem sunt ordinis & facultatis cū aëre ambiente, nempe corporis habitu, victu antecede, & reliqui huiusmodi notas, quæ primi sunt ordinis, cū aliis cōfundit: nam morbi species, illiusque magnitudo, & motus id ostendūt sola, reliqua verò quoniam illorū sunt indicia: quin etiam posita magnitudine, superfluum esse puto motū addere: siquidem nihil aliud est morbus magnus, quàm qui validè affligit, & paruo temporis spacio perdurat. Iam verò iuvenes lædentesque causæ nonnihil huius rei cognitionem adiuuant. Quæ enim coctioni profunt, nec tamen omnino repugnantes humorū qualitates vincere possunt, expulsionem indicant necessariam: & quæ ad hoc naturæ opus conferunt, idem pollicentur: quæ verò obsunt, futuram crisin impediūt, quemadmodū copiosa euacuatio, humore educto, qui à natura expelli debebat, crisin fieri prohibet: Præterea effectus morbi sua etiam exhibent signa: vehementiora siquidem accidentia, quæ ex mutua pugna naturæ cū humoribus proveniūt, vrinæ rufæ, vel rubræ, quæ per febres emittuntur. Vehemens corporis æstus, capitis dolor insignis, sitis, & reliqua symptomata, quæ naturā morbi, qui per crisin finiri solet, sequuntur: talem mutationem præfagiūt: veluti etiā quæ in aliis euenerūt qui eodem modo per morbos fuerūt affecti. Hac enim ratione sudores copiosissimos, aut vomitum, vel alui deiectionem his, qui febre ardente laborant, ventura prædicimus, indicio sumpto, quòd alii qui per idem tēpus simili morbo laborarūt, per huiusmodi excretiones sese liberauerint: sunt porro hæc indicia his etiam cōmunia, qui moriuntur: nam quod scribit Galenus tertio de Crisibus mortem indicari sine crisi, si vires subsunt infirmæ & nullum adest, vel minimum coctionis signum, morbusque virg et magnus, & malignus, quique celeriter mouetur, verū id



quidem est, sed verius adhuc id constabit, si ex omnibus prædictis fontibus notæ ducantur: quando quidem minus quoque in his expectanda videatur crisis, si morbus magnus non extiterit: vehementia etenim illius naturâ magis irritat, & commouet, ut acrius resistat, ex quo quidē crises magis nascitur quàm si aliter morbus ipse naturam infestet. Instantem verò iam crīsim agnosces tum ex prædictis notis, tum maximè ex symptomatibus, quæ eum paulo antea præcedere solent: de quibus quoniam passim Galenus accuratè scribit, superfluum esse puto aliquid dicere.

*Signa, quæ docent crīsim fore per excretionem vel abscessum.*

## CAP. XIX.



**Q**UONIAM verò crises aliquādo per excretionem euidentem, aliquando verò per trāstationem humoris ex vna parte in aliā, siue per abscessum contingere solent, docere necesse est, quando vnum, aut alterū expectare oporteat. Qua quidem in re scribit Galenus secundo Prædictio num morbos qui cōcoctu sunt faciles, & simul acuti per excretionem finiri, at id solum salutaribus proprium est: sunt enim prorsus salutare, qui faciliè coquuntur, & vincuntur, postulat autem ars, ut quod omnibus morbis commune est, salutaribus inquā, & lethalibus, tradamus. Est porrò illud commune omnibus, qui per excretionē terminantur, ut ex tenui, calidāque materia consistant, quippe quum huiusmodi humor faciliè expelli possit, & vias inuenire, per quas extra corpus feratur. Adhuc præterea necesse est robur naturæ, ut noxiā materiā commouere, & prosequi donec extra corpus delata sit, valeat. Quo quidē in opere requiruntur etiam viæ expeditæ, nimirum quum excretio fieri nequeat, si in locis obstructis conclusi sint humores: contrā verò per abscessum terminabuntur, qui planè acuti non sunt affectus: & ex materia fiunt, quæ nec vinci, nec expelli facile potest: quales sunt, qui ex multa, vel crassa, viscida, crudāque materia cōsistunt, qui in corpore sunt adstricto, & infirmo. Quapropter ex eisdem fontibus signorum indicia sumentur ad id significandum quod querimus: nam diuturni affectus, & cōcoctu difficiles per abscessum (quod etiā optimè tradit Galenus

lenus) finiuntur: quod quidem docent quartanæ, & quotidianæ febres, quæ reiecto ad pedes humore vt plurimū soluuntur: quod nonnunquam etiā fatit tertiana norha, & ex continuis semitertiana. Ardentes verò, & continentes febres, & inter intermittentes exquisitæ tertianæ & (vt semel dicam) calidi morbi per excretionem potius desinunt: frigidiores verò, quique tardius mouētur, abscessum præagiūt. Atque hoc modo ex natura affectus signa capiuntur: ex materia verò ipsorum morborū hoc modo: Bilis, sanguisq; putrescens, aut vehementer extalefactus, quæ febres committunt, crism per excretionem fore monstrant. Contrà verò pituita, humor melancholicus. Ad quod quidē genus signorum rediguntur quæ ex anni temporibus; cœli statu, vitæ cōditione proueniunt indicia: quoniam enim hæc ostendunt, quales sint humores, qui in corpore vigent, eius quoq; quod quærimus notæ euadunt. Quintiam subiecta materia, corporisque conditio non vūlgares huius rei præbet notas: vel per se, vel quòd humores aptos ad excretionē, vel abscessum subesse monstrer: siquidē crassa, obesaque corpora ad excretionem sunt inepta: tum quòd crassis viscidisque succis abūdēt, tum quòd in illis viæ sint angustæ, quæ excretioni ægrè parent. Contrarium accidit in gracilibus, quorum humores tenues acrésque vt plurimum esse solent, quorumque viæ latæ sunt, & liberæ humorum delationi peruiæ. Hæc quidem ratione ex sexu notās ducimus, quòd scilicet ostendat qualis sit subiectæ materiæ cōditio. Est porro natura excretionis, abscessusque author. Proinde non immeritò ex ea intelligemus vtrumlibet expectare oporteat: nam quoniā ad excretionem maius robur requiritur, quàm ad abscessum procreādos: meritò fit, vt vbi naturales vires validæ subsunt, excretionem potius quàm abscessum prædicere debeamus. Contrà vero abscessum, vbi illæ infirmiores existunt. Ad quod rursus conferunt, quæ ex ætate, antecedente victu, corporis qualitatibus, anni tempore, & aliis huiusmodi ducuntur signa. Etenim quia hæc declarant, quo modo vires sint affectæ indicia pariter sunt excretionis, abscessusque futuri. Si cui præterea pars aliqua laborare cōsuevit, vt in his, qui frequenti podagra afficiuntur, fieri poterit, vt abscessus cōtingat in morbo, qui per excretionem alioqui finiri debebat. Nam quum à validioribus partibus in debiliores regeran-

tur humores, rationi consonum est, ut ad eas decurrant, quæ debilissimæ esse solent. Ex quo constat ex causis cum quibus excretio, abscessusque fiunt, notas etiam in hac re peti. Nec defunt quidem testimonia ex iuuantibus, lædentibusque causis. Quippe qui à frigidis læduntur morbi per abscessum, utpote ex frigida materia concitati finire cōsueverunt. In quibus verò morbis ea profunt, abscessus verebimur. Id quod simul portendunt temperata, quibus conferunt. At vehementes æstus, magna, & assidua corporis inquietudo, rubræ admodum, & igneæ urinx, huiusmodique alui excrementa, sitis valida, pulsus præterea elati, vndosi, validi, magni, celeres, & crebri, atque reliqua symptomata, quæ calidā ad modum materiam subesse, & validas vires indicant, excretionē venturam portendunt: Abscessum autem his contraria præfagiunt: Atque eum iam tentari docent (inquit Galenus in fine libri quarti de Præfagiis ex pulsibus) in morbo pituitoso pulsuum mutatio ab inæqualitate ad magnitudinem, & vehementiam. Postremò ex similitudine, & proportionē prædictionem confirmabimus. Hoc enim pacto quum pestilentes febres grassantur, quæ in locis corporis glandulosis abscessus excitant, aut exanthemata efflorescant in cute: idē in aliis fore verebimur, qui eisdem morbis corripiuntur.

*Quæ ostendant solutionem per abscessum,  
vel coctionem fore.*

CAP. XX.



VVM morbi frigidiores, nonnullique alij per abscessum, nonnunquam autem per coctionem finiatur, operæpretium est docere quando abscessus, vel cōcoctio potius sit expectanda. Quam in re scribit Galenus venturum abscessum si validior fuerit virtus. Per coctionē verò expectandam solutionem, quæ longiore tempore morbo finem imponat, si illa infirmior reperitur, idque meritò: siquidem maius robur naturæ vacuatio, aut translatio materiæ, quàm eiusdem concoctio requirit. Sed enim quum ignoremus, quātum robur exigatur in naturæ viribus, ut abscessum potius tētet, quàm concoctionem expectet, satius, profectò esse duco, ut aliter ex propriis scilicet signis id definiamus. Nam si morborū omnium naturā perspectā haberemus, inueniremus quosdam

dam esse, quos natura semper, aut certè plurimum per abscessum curat: alios verò, quibus per coctionem medetur. Quòd si rei naturam consulamus, licebit fortè huiusmodi ægri tudines inuenire, qui hoc, vel illo modo abiguntur. Itaque quum abscessus proueniant à facultate expultrice nequeunt omnino noxium humorè extrudere: necesse quidem est facultatem expultricem irritari à materia, quæ non facile expulsionì paret, & ipsam vim debiliorem esse, quàm ut valeat id, quod noxium est, prosequi, donec extra corpus reiciatur. Contrà verò ut concoctio fiat, nihil adesse oportet, quod irriter, propultricemque facultatem cōmoueat: siquidem retineri, quod concoqui debet non autem expelli conuenit. Quòd si ita est, quid prohibet, quo minus statuamus expectandos abscessus in illis morbis, qui ex multa, crassâque materia, aut multa solum absque crassitie consistunt? Huiusmodi siquidem materia, haudquaquam expectata coctione expultricem vim excitar: quæ ubi debiliior est, violentius insurgere nequit, nec ob id repugnantem materiâ prorsus reicere. Quare necesse est, ut abscessus nascantur. Quòd si etiam ob qualitatem humoris eos nonnunquam fieri dicas, non absque ratione id facies: ubi enim falsa pituita morbum parit, quum alteratione ea corrigi nequeat, necesse est, ut natura vel expulsionem, aut abscessum tentet. Quæ sane ratio ne videmus illis, qui à quartana euadunt, sæpius intumescere tibias, & nonnunquam etiâ cutem exulcerari, eò falsa pituita, & atra bile reiecta. Quamobrem ex natura morbi, illius materia, & effectrice coctionis abscessusque causa signa sunt desumpta ad hæc prædicenda. Quum enim quartanam febrem, aut elephantiasim abscessum portendere dicimus, natura morbi huius rei notas præbet. Quum verò idè prælagire affirmamus materiâ crassam, copiosamque, & falsam pituitam, atramque bilem, ex materia morborum indicia mutuamus. At quum venturos abscessus credimus, si expultrix magis viget, quàm concoctrix facultas, nec tamen prorsus valida est, ductis indicis ex affectrice causa quod futurum est prænuñciamus. Capimus præterea ex subiecto corpore non inutiles notas: quippe quum nonnulli sint, quos scabies, furunculi, podagra, vel alterius generis huiusmodi morbi sæpius infestare solent: in quibus, quum laborant, abscessus potius quàm concoctione vitiosi humoris expectare necesse

est. Quòd si huiusmodi malis haudquaquam expositum est corpus, per coctionem morbosa materia cōficietur. Iam verò qui partem aliquam insigniter debilitatā obtinēt, ad eā debilitas non expectata coctione humorē allicit. Vnde causæ etiam sine quibus, aut cum quibus, abscessus excitantur, non desunt ad eos prænunciandos. Præfagiunt quoque abscessum, vel coctionem, quæ morbos finiunt, causæ iuuantes, & lædentes. Siquidē in his abscessus verebimur, quibus concoquentia non profunt. At quæ sumuntur indicia ad hæc significanda ex ætate, sexu, anni tempore, caliditate, vitæ conditione, præcedentēque victu tanquā remotiores causæ prædictarum indicatrices id faciunt. Vel enim materiæ qualitatem, & copiam, vel facultatum robur, & imbecillitatem, aut corpus aptum ad concoquendū, vel excitandos abscessus declarant: ex quibus quidem immediata testimonia capiuntur. Cæterum morbi effectus huius quoque euentus indices euadunt. Nam dolor, qui per morbum partē aliquā diu infestat, quod etiam Hippocrates in Aphorismis testatur, eò fluxuros humores innuit: quanquam tamen idem docere videtur tanquam causa: nimirum quum huiusmodi dolor partem ita affecerit, ut eam ad excrementa excipienda aptissimam reddiderit. Sic vrinæ crassæ absque sedimēto, quæ diu per morbos tales redduntur, indicant naturam per coctionem nequire morbis mederi, nec satis expellere posse vitiosos humores, unde abscessus verendus est. Id quod etiā quæ tenues existunt, in morbis acutis declarant. Hoc enim modo quum in febris acutis mingitur tenue, aquosūque lotium, timendam esse phrenitidem præfagimus: quòd scilicet secreta ab vrina morbosa materia, superiores partes petat. Quæ verò multum & optimum sedimentum habent, per coctionem potius, quàm abscessum morbum iri terminatum testantur. At verò color, qui vnam partem potius quàm aliam exercet: aut flauus, vel liuidus, aut ruber, futuri abscessus, non minus quàm dolor sunt nunciij. Sic sanè Galenus libro sexto de Morbis vulgaribus scribit abscessus, qui circa aures excitari debent, indicium esse faciei rubedinem. Præbent & suas notas in hac re excrementa retenta & emissæ: si enim cohibentur humorum excretiones, aut per eas morbus solui non anticipat, aut nō satis liberaliter natura à noxiis humoribus sese exonerat, abscessum expectare

ctare oportet. Postremò aut coctionem, vel abscessum prædicemus in illis morbis, & naturis, quæ similes sunt aliis in quibus hæc contigerunt.

*Indicantia salutarem, aut lethalem fore crism.*  
*præterea quæ monstrant illius qualitatem tem-*  
*pus quo fiet, & ipsius auctorem.*

C A P.

XXI.

**I**TSI hæc videntur ex superiore tractatione facile intelligi posse, tamen ut his satisfaciamus, qui vniuersam medicinæ tractationem ad eos duntaxat morbos contrahunt, qui per crism solvantur, alia verò solutionum genera nec etiam attingunt, paucis illa expediam. Salutarem igitur crism expectabimus à natura morbi præmoniti: sunt enim qui suapte natura ad sanitatem per crism veniunt. Veluti tertiana febris, Galeno auctore, & inter continuas quæ mitiores sunt, & non admodum vehementes: lethale vero portendunt qui maligni existunt, ut febres pestilentes. Præterea qui vehementissimi sunt usque adeo, ut naturæ vires excedant: idem promittunt morborum causæ. Etenim sanguis, pituita, bilis pallida suapte natura indicia sunt salutaris crisis: at bilis æruginosa, atra, vitellina eam perniciosam prænunciant. Quemadmodum & venenosi humores, aut alia maligna qualitate infecti, ac omnes, qui nimia copia naturæ actiones opprimunt. Quinetiam in corporibus bene à natura comparatis, bonoque habitu præditis salubres crises expectabimus, ductis indicibus ex subiecta materia, quæ afficitur. Vires debiles, utpote quæ à morbosis causis facile vincuntur, quique malè sperant denuntiant huiusmodi mutationem expectandam esse, quæ mortem pariat, acceptis scilicet notis ex causa quæ crises efficit. Quòd si prosint remedia, quæ adhibentur, eam prænunciabimus, quæ sanitatè homini restituat: alioqui timenda est, quæ vitam adimat. Eadem quidem testantur, quæ ex sexu, anni temporibus, regione, cœli statu, & aliis toties prædictis rebus sumuntur: quòd scilicet vnam, aut plures ex proximis causis mōstrent, quæ proxima huius rei indicia præbent. Adde notas, quæ ducuntur ab excrementorum qualitate, quantitate, substantia, excretionis modo, tempore, loco, ordine: præterea ex corpor

corporis qualitatibus, & actionibus. Hæc enim an lethalis, vel salutaris futura sit crisis, prænunciabunt. Veluti vrina nigra, liuida, oleosa, continuum delirium, color à naturali statu admodum permutatus, & (vt vno verbo dicam) signa, quæ mortem in morbis portendunt, eadem in illis, qui per crism finiantur, eam perniciosam fore docet. Huic verò contrariam signa contraria significant: quod pariter testantur, quæ ex similitudine, & dissimilitudine capiuntur notæ. Cæterum crism fidam, facilem, perfectam eadem signa monstrabunt. Benigni etenim morbi facile, tutò, perfectè per crism soluantur. Quin & causæ, quæ morbos gignunt benignæ, paræ, & quæ subiecta est materia bene affecta, & vires, quæ subsunt validæ, quæque profunt facile remedia idem ostendunt. Nec desunt quidem quæ ab effectibus sumuntur testimonia: siquidem excrementa, quæ concocta emittuntur suis temporibus per opportuna loca, quæque in diebus indicantibus insignes, & bonas mutationes in corpore fieri ostendunt, & præterea morborum causas rescindunt: veluti si in quotidiana febre pituitosum est quod educitur, in tertiana biliosum, nihil aliud polliceri possunt, quàm facilem, fidam, & omni modo perfectam crism: quemadmodum etiam corporis actiones, & qualitates non multum à naturali statu recedentes idem repræsentant: his verò contraria, aut difficilem, aut infidam, aut imperfectam, aut certe malam, quæ ventura est, crism significabunt. Postremò ex his, quæ in aliis eodem modo affectis contigerunt, eadem ventura putabimus. Iam verò futuræ crisis tempus prodest morbi natura: nam acutissimi morbi, qui per accessiones affligunt, tertio die: qui verò accessione carent, veluti synocha: febres quarto crism expectandam esse præfagiunt. At qui mitiores sunt, in sequentes dies pares, vel impares, pro illarum scilicet naturæ, vehemètia accessionum, tempore, subiectæ materiæ qualitate, quantitate, virium imbecillitate, & robore crism reiciunt. Bilis quæ febres committit, in imparibus diebus, crism venturam ostendit, sanguis verò in paribus. Quæ autem causæ statim morbum minuunt, non longe abesse crism denunciant, siquidè salutaris morbus fuerit, alioqui eam tardat: quod pariter faciunt quæ lædunt: nam in salutaribus crism differunt, in perniciosis verò eam accelerant. Idem ostendunt vires validæ, & infirmæ.

Nam

Nam illæ in perniciosis malis crifes tardant, in aliis concitant: hæ verò celeritatē illis morbis, qui vitā adimunt, aliis autem tarditatē adiiciunt, & significāt. Corporis verò bona conditio, & mala ad viriū proportionē se habet. Quæ enim bona est, vt salutē, sic mutationē, quæ eam parit, cito consequitur: mortē verò, & lethalem crīsum differt. Perfectam autem crīsum non ante vigorem morbi expectabimus, alia autem quæ imperfectæ sunt, etiā increfcēte adhuc morbo contingere possunt. At quæ vitam adimunt in morbi principio, incremento, & statu accidūt, inquit Galenus, verum nos in libro de Temporibus morborum docuimus vix fieri posse, vt homo in morbi principio pereat. Cæterum quæ in excrementis apparent manifestē bona indicia tertia, vel quarta die pro morbi scilicet natura crīsum futurā, bonam: quòd si illa perniciofa extiterint, talem quoque eam in eisdem diebus futurā monstrant. Quinetiam actiones, qualitatēque corporis, & alia omnia, quæ tempus salutis, aut mortis prænunciare diximus, crīsis tempus ostendent. Quādoquidem in ipsa crīsi salus, & mors contingunt, aut certe non multo antea quàm hæc eueniant crīsis ipsa incipit. Licebit non solum diem, sed & horam, in qua crīsis expectanda est, ex his signis prædicere: Nam quidam morbi sunt, qui in ipso incremento accessions crifes experiuntur: alij vero sunt, qui vigore expectant. Sunt autē illius generis qui omnino vehementissimi existunt, & ex calida admodū, acríque materia, & multa sunt procreati. Huius verò qui mitiores sunt, & ex obrusore, minorēque humoris copia nati. Illos enim expultrix facultas, quæ crīsis est author, diutius ferre nequit. In aliis verò tēpore vehementia accedit, quæ naturā irritat, & commouet. Valida præterea virtus, & exquisitus partiū sensus summum morbi, & accessions vigorem non expectant. Addit quoque celeritatē corporis habitus, & quæ eum ad vacuationes promptissimum reddūt. Veluti aër calidissimus, iuuenilis ætas, calidior vitæ ratio, & alia quæ sunt eiusdē facultatis: ex quibus profectò intelligere licebit, qua hora, & momento crīsis expectanda sit. Nam si putetur ventura in ipso vigore accessions, eo tēpore cōtinget crīsis, in quo illa vigere solet: nec contemnēda quidē sunt in hac re signa, quæ ex similitudine aliorū ducuntur: quandoquidem certissima coniectura prædicere licebit vel sudorē, aut vomitum,



aut aliam insignem excretionem, & mutationē certis horis venturā, si id in aliis eodem modo affectis accidisse prænoverimus. Illud verò, quod pertinet ad prædictionem eius, quod crisis erit author, nunc tradendum est. Nam quasdam symptomaticas, alias verò naturæ vi fieri crises dicere solemus, tanquā nunc symptomata, morbi que vis, alias verò natura ipsa author esse censetur: Id quod ostendent prædicta indicia. Si enim morbus benignus, mitisque fuerit, illiusque materia, facile vinci possit: si valida adest in corpore virtus, ac via patet excretioni accommodata, & ipsa excrementa, quæ emittuntur, naturæ victoriam pollicentur, idemque faciunt qualitates, actionesque corporis, & quæ in aliis evenisse conspeximus, certò prælagiemus naturæ beneficio venturam crīsim: alioquin prævalente vi morbi expectandā symptomaticam huiusmodi mutationem: ac ut omnes quidem bonæ notæ naturam authorem fore ipsius crisis, omnia verò mala ipsum morbum: sic sanè bona cum malis mixta indicia mixtum opus ex utrisque portendunt.

*Quæ præmonstrent locum per quem morbus solvetur.*

C A P. XXII.




**O**CVS per quem morbus, illiusque causa abeunt in his affectibus, in quibus nulla humorum sit excretio, docendus non est, quippe quum nulla adhibita arte cognoscatur illi in eo loco finire, in quo consistunt. In quibus verò aliquid excernitur, licet certos locos nonnunquam assignare: veluti in vitis uteri, quæ per pudenda expurgantur: quemadmodum etiam vesica per canalem urinarium sese exonerat, & denique in illis partibus, quæ unicam viam habent, per quam excrementa emittunt, eadem est ratio, idemque locus, qui vacuationi noxiæ materiæ patet: In quibus verò plures sunt viæ, per quas euacuatio tentari potest, veluti quum humores in venis continentur, qui per sanguinis profluuium è naribus, aut venas ani, vel per sudorem, aut urinam, aut alium, vel vomitum excerni possunt, arte est opus, quæ doceat quo modo prædicere liceat certū locum, per quem excrementa emittentur: id quod Galenus agnosciposse scribit libro tertio de Crīsis, si duo hæc tantū considerauer

derauerimus, vnde scilicet naturæ motus, & in quam partē vergat. At hæc præsentibus rebus ab omnibus agnoscuntur: sed dum nondū concitari ab vno loco in alium humores videmus, res artem desiderat, quæ futurum motum præmonstret. Quin & illud dubiū est, an naturæ nomine ipsius humoris naturam, aut potius expultricem facultatē intelligere debeamus. Nam bilis, & vapor suapte natura sursum potius ferūtur, pituita & humor melancholicus sua gravitate & pondere ad inferiora loca repunt: facit tamen naturæ expultricis momentū, vt illa inferiores meatus, hæc verò superiores sapius quærant. Quamobrem præstat ex prædictis fontibus, quæ in nulla re nobis hætenus defuerūt, signa colligere ad id, quod quærimus prælagiendū. Nam imprimis natura morbi locum indicabit. Siquidē tertiana febris vt plurimum per sudores, vel vomitum, vel biliosam deiectionem terminatur: quotidiana per vomitum, vrinam, deiectionem & sudores abit. Synochæ febres per nares emissio sanguine finire consueuerunt, phrenitim discutere solet sudor copiosus, vel sanguinis profluuium ē naribus, rarissimē lethargus & peripneumonia, profluuium sanguinis soluūtur. Ardentes febres terminat vel sanguis emanans ē naribus, aut sudor multus, vel vomitus, aut biliosa deiectio: pleuritis rarius quàm ardens febris, sapius verò quàm lethargus sanguinis excretionem per nares discutitur: inflammationes hepatis & lienis sanguinis quoq; per eundē locum eruptio tollit: iuuat tamē omnes, quæ circa præcordia consistunt inflammationes sudor bonus: at sudores febribus præsertim ardentibus proprij sunt, semitertianas illi abigūt, pituitosæ, biliosæq; deiectiones & vomitus: quartanas verò cū sudoribus atræ, variæq; deiectiones: lethargi in parotidas ferè terminātur. Aqua inter cutem per vrinā, vel alui excretionem extruditur: Præbet & suas notas morbi materia. Etenim bilis flaua vtpote calida, & leuis superiores extimāsq; partes vt plurimū petit, per sudorēmq; digeritur. Atræ per aluum ferè educitur. Sanguis tenuis, & calidus per nares viam quærit, crassus verò, & feruens ad venas partium inferiorum potius delabitur: pituita nunquam per sudorem, sapius per vomitum, aut per aluum excernitur: aliquando verò in inferiorum partium articulos decumbit, vt in quotidiana, quartanæque febre, & hydrope euenire videmus. Ex  
loco

loco præterea, subiectoque corpore licet idē prædicere. Nā gibbæ hepatis affectus per sanguinis fluxum ē nare dextra, per sudores, & vrinas præsertim si calidi fuerint, expurgari consueverunt. Alij verò morbi frigidiores, & humidiores illic consistentes per vrinam potius abeunt, aut vomitū. Si-  
mæ verò illius partis morbi per ventrem exitum petunt. Costalis morbus per sputum, vt plurimū soluitur. Cerebri affectus calidi, & humidi per nares, frigidi verò, & humidi ad aures potius abscedunt, vel in resolutionē alicuius mem-  
bri terminantur. Præterea quæ dexteras partes corporis infe-  
stant, cum dextris magis cōsentiunt, quā cum sinistris, & per illas sese exonerant: Veluti hepar per narem dextrā po-  
tius quā per sinistram lædentem humorem emittere so-  
let: cōtrarium verò facit lien, vtpote qui in sinistra parte sit collocatus. Eodem modo quum dextram vteri partem virget inflammatio, si sanguinis profluuium ē naribus speretur, il-  
lud per dextram narem expectandū est, si modo naturæ vin-  
centis beneficio vacuatio contingat. Est præterea consulenda ægri natura, & corporis conditio, quæ non contemnen-  
das notas præbunt: nā his qui podagra infestari consueve-  
runt, ad articulos decumbere solent humores, qui alios mor-  
bos, & potissimū febres pariunt: nimirū quum ita compara-  
tum sit, vt ad partes debiliores, rariores, inferiores, calidio-  
res, & concauas excrementa ferantur. Quæ quidem signa à  
causis sine quibus non, & cum quibus vacationes contin-  
gunt, ducuntur. At valida natura aptissimum quemque lo-  
cum etiam distantissimum eligit. Quæ verò infirma est,  
propinquū quemq; capere cogitur. Vnde ex causis efficien-  
tibus euacuationē notas capere licebit ad locum designandū  
per quē expectatur euacuatio futura: Ad quod quidē genus  
pertinere illæ videtur, quæ ex ægri proprietate sumuntur:  
Sunt enim, qui per aluum, vel sudorē, aut alium peculiare lo-  
cum se à morbis eisdē liberare solent conferente ad id certa  
quādā & occulta proprietate, quæ in aliis eodē modo affec-  
tis non reperitur. Ad hæc causæ iuuant, lædentesq; nō le-  
niter conferūt: Quippe quæ iuuāt, eo quòd sudorē moueāt,  
per externas partes solutionem morbi fore portendunt.  
Quæ verò sudorem arcent, admonent expectandum esse, vt  
natura per alias vias sese à morbosus humoribus exoneret.  
Dant & sua signa effectus morbi: etenim actio læsa pec-  
liariter

liariter alicuius membri ostendit aliquādo quo morbus re-  
iicietur: quod docet vehemens continuusque in febribus sy-  
nochis capitis dolor, qui sanguinis profluvium per nares præ-  
nunciat. Atque eò quidem spectat quod ab Hippocrate scri-  
bitur in Aphorismis: abscessus scilicet in illis partibus expe-  
ctandos, quæ per morbum plurimū laborarunt, tanquam tri-  
stis actio præfagiat, in quem locum abituræ sint morborū  
causæ, & vnā cum illis ipsi morbi, Adhæc excrementa inter  
affectus morborū idem hoc modo præmonstrant. Si enim  
alicuius partis recrementa suppressa fuerint, aut parcius e-  
mittantur, docent fore vt per alias excretio fiat: Sicut vrina  
suppressa, instante crisi sudorem, vel copiosam deiectionem,  
aut vomitum nunciat. Ac illud quoque est, quod alio loco in  
eo opere scribit Hipocrates: parcius eos mingere, quibus so-  
luta est aluus, & contrā minores fieri deiectiones quando co-  
pior vrina redditur, nec solum quidem ex copia excreme-  
torum aliarum partium, sed etiam ex eorundem qualitate,  
& loco, quem natura per morbi cursum tentauit, idem præ-  
fagiemus: nam hoc modo quum tenues, aquosæque vrinæ in  
febribus apparent, abscessum circa faciem expectamus: quū  
verò crassæ minguntur, in articulis, inquit Hippocrates, de-  
cumbent humores. Nec illud quidem à ratione alienum est  
existimare per aluum, aut os, aut sudorem vacationem fu-  
turam, quæ morbū tollat, si antea per eas partes in accessio-  
nibus natura sese exoneravit. Possunt & ex qualitatibus cor-  
poris notæ quædam sumi: quod quū omnibus constare putē,  
superfluum est hoc loco addere. Patent quoque signa, quæ ex  
similitudine aliorum sumuntur: quippe quū sæpius sudorē  
aut vomitum expectandum esse in tertianis, aut aliis feбри-  
bus prænunciemus, eo quòd omnes, qui in illis temporibus  
huiusmodi morbis laborarūt, omisis per eas partes humo-  
ribus, aut liberati, aut extincti fuerint. Atq; hæc quidē prædi-  
cta indicia multo antea quā hæc fiāt medicū præmonēt. In-  
stātes verò iam excretiones, & locū, per quē, fiant (de quibus  
Galenus ferè solū agit in libris de Crisibus & alibi, aliarū no-  
tis, quæ multo antea eas futuras præmōstrāt, vel omnino præ-  
termisis, vel magna ex parte contemptis) potissimum ex  
symptomatibus, quæ singulas vacationes præcedunt, præ-  
fagiemus: etenim sanguinis profluvium per nares in febribus  
ardentibus, ceruicis dolor, temporū grauitas, & tenebræ, vel



splēdore, qui circa oculos obuersantur, hilaris faciei color  
 oculi rubicundi, vel lachrymantes, malæ & ipsæ nares rubi-  
 dæ, pulsus magni ad exteriora potius, quàm ad interiora:  
 anhelitus difficultas, & si quæ alia sunt huius generis sym-  
 promata instare portendunt, idque eo certius fore sperabi-  
 mus, si absint indicia, quæ vel illius per alias partes eruptio-  
 nem, aut alias vacuationes significare solent. Quæ verò ex  
 anni tempore, regione, ægrotantis natura, morbi conditio-  
 ne, eiusque causis sumi scribit Galenus indicia, non tam in-  
 stantem, quàm aliquādo venturam sanguinis euacuationē  
 prænunciant. At in mulieribus, lumborum grauitas tensio,  
 & dolor mensium eruptionem, in viris autem venarum an-  
 apertionem proximam esse declarāt. Si ea (inquam) sympto-  
 mata morbi naturam, aut accessiones non sequantur: sed iu-  
 dicatoria sint indicia. Cæterum vomitum non longè abesse  
 indicant totius capitis dolor extensus cū quadam pulsatione,  
 & calore insigni, a iuncta simul grauitate, Stomachi præ-  
 terea morsus, & fastidium quoddā, oculorum caligines, ver-  
 tiginēs, sputum multum & tenue, rigor, partium quæ infra  
 præcordia frigiditas, labri inferioris agitatio, pulsus duri, &  
 magni, præsertim in cōtractione, & inæquales maxime si hu-  
 mor sit biliosus, qui ad ventriculum repit. Hæc inquam quū  
 morbis accedunt, nuncij sunt iamiam instantis vomitus.  
 Qua in re illud etiam coniecturam confirmat: si quid paulo  
 antea ingestum fuit, nec fuerint signa: quæ excretionem per  
 ventrem testentur. At abscessum circa aures, cuius generis  
 tumores, parotidas vocamus, admonent aduentare somnus  
 grauis, capitis & temporum grauitas dolorque, faciei rubor  
 cum quadam hilaritate, surditasque statim adueniens: sic  
 profecto abscessum ad inferiora grauitates, dolorésque par-  
 tium earum, in quas abscedere debet humor præmonstra-  
 bunt. Iam verò per sudorem excretionem appropinquare te-  
 stantur aluus, & vrina præter rationem suppressa, & rigor  
 qui suppressionem huiusmodi sequitur, præsertim si vom-  
 itus signa non adsunt: delirium in aliquibus: præterea incre-  
 scente accessione partes exteriores calidiores, & rubidio-  
 res: Item vapor quidam calidus, qui antea non aderat: pulsus  
 vndosi, & insigniter molles: hæc enim ferè sunt vacuationis,  
 quæ per sudorem paulo post fieri debet, signa. Atqui vacua-  
 tionem per aluum instare intelligemus, si præter rationem  
 vrina

vrina supprimitur, & alius paulo antea liberior fuit, magisque adsunt pulsus præsertim in contractione: idque eo certius intelligemus, si abfuerint vomitus, & sudoris nota: contra verò vrinæ profluuium aduentare colligemus, si alius suppressa est, nec multo antea copiosiores vrinam reddere cœpit eger, & absunt reliquarum excretionū indicia. Præsentia verò sunt signa quæ instare crîsim admonent. Sic profectò ad horum imitationem prædicere vnicuique licebit alias quascunque vacuationes, & morborum dissolutiones, quæ in singulis ægrotantibus contingere possunt.

*Signa quæ docent ubi plures sunt morbi qui prius & qui postea finiuntur.*

## CAP. XXIII.



LLVD superest ex propositis scopis explicandum, quando plures morbi corpus infestant, quinam primo, qui verò deinceps abibit: de qua re nihil commune omnibus morbis à Galeno scriptum inuenio: & quæ de febribus complicitatis scribit libro secundo de differentiis febrium, non ab omnibus signorum fontibus suor ducta, sed quosdam relinquit à quibus optima signa haurire liceat: quum tamen ars id postulet, & ille necessariam tractationem ostendat, quum in libro de Prænoscendo referat se sibi magnam gloriam, & famam peperisse, eo quòd in Eudemo philosopho tribus quartanis laborante prædixisset, non solum eum media hyeme liberatum iri, sed etiam, quæ nam ex illis febribus prius esset habitura. Desiderat ergo res hæc artem, sine qua nemo quod ad id pertinet, rectè præfagire poterit: quæ quidem non aliunde quàm ex prædictis signorum fontibus petetur. Si enim morbi, qui infestant, ita comparati sînt, vt vnus alterius sit quoquomodo causa, prius soluetur, qui causa est eius, qui ab eo nascitur: Veluti obstructio, quæ febrem committit: priusquam febris ipsa necessariò tollitur, quum alioqui manente obstructione febris curari nequeat. Sic mala intemperies in parte exulcerata causa est, quominus vlcus curari possit: eodem modo sanies, quæ ab vlcere emanat, causa putatur,

sine qua vlcus curari nequit: vnde ea prius auferenda est: deinde sanandū vlcus. Quinetiam ægritudo, quæ vniuersum corpus afficit, causa existit, quæ prohibeat eū curari, qui partem aliquam infestat. Veluti febris, quæ dolorem capitis excitat, prius abigetur, & remittetur quàm ipse dolor. In quibus quidem licebit prædicere ex morbi natura præmoniti quod in hac re querimus. At si neuter alterius sit causa, qui minor est in suo genere, & benignior, citius tolletur, quàm qui maior, vel malignior existit. Inter eos enim, qui per crism desinūt, aut paulatim soluūtur, minores citius semper quàm maiores abeūt. Inter eos verò, qui diuersi sunt generis, maiores nonnūquam maturius quàm minores discutiuntur: veluti febris cōtinua, quæ per crism soluitur, citius quàm quartana abigitur: quanquam tamen aliter contingere potest, vt tam parui scilicet sint, qui magnas mutationes non admittunt, sed paulatim soluantur, vt minimo negotio recedāt. Sicut diaria, quæ eadem die finitur, & simplex vulnus exiguumque, quod minimo temporis spacio glutinatur, & coalescit: id quod nulli contingit ex his, qui per crises mutationes capiūt. Quamobrem natura singulorum morborum consulēda est, vt intelligamus quis alterius sit causa, & quis in suo genere, aut diuerso citius propulsari possit. Causæ præterea morborum idem etiam ostendunt: nam quæ difficilius patiūtur, vt crassi, visceri, multiq; humores, ostendūt suos morbos post alios abituros, quos contrarię causę committūt. Hoc sanè pacto, vbi quotidiana, tertianaque hominem affligit, ductis indiciis ex materia ipsarum febriū, pronunciamus tertianam ante quotidianam desituram, quòd illam biliosus humor, tenuis, calidus, & acris, qui facile mutatur, & expellitur: hanc pituitosus, crassus, & viscidus ad patiendum ineptus pariat. Quinetiam maiores, malignioresque causæ in salutaribus malis ostendunt suos morbos tardius ad finem venturos his quos minores benignioresq; efficiunt. Præbet quoque suas notas subiecta materia: nam in parte nobili, rara natiuo calido abundante, sensu exquisito prædita, quæque meatus habet idoneos ad noxiam materiam emittendam, & in corporis loco sita est, vt facilè remedium vim admittat: qui nascuntur morbi, promptius tolluntur, quàm qui alias aliter affectas infestant, etsi in hoc etiā nonnūquam aliter contingit. Nam pars obrutior sensu prædita

dira quū vulnera est, citius sua mala deponit, quā quę eum exquisitū est sortita, propterea scilicet quod illa remedia statim admittat: qualia affectus ipse postulat: hęc verō mitiora exigit quę longiore tempore morbis medentur. Proinde spectare hic etiam necesse est, quinam morbi promptius in vna parte, quā alia definant, & quę pariter tenacius contra egritudines retineant, aut deponant, id quod pariter de vniuerso corpore intelligendum esse admoneo: siquidem in cacochymis habitibus, perperamq; affectis corporibus, & his præterea, quę bene habent, quędam mala minore negotio, quā alia tollūtur, & sanantur: quędam in raris, quędam in densis, quędam in duris, quędam in mollioribus, quędam in crassis, alię in gracilioribus egritudines citius aliis recedūt. Quę corporū differentię a medico ignorandę nō sunt, qui quod ars in hac re promittit, assequi studeat. Cæterū vires corporis causę sunt cū quibus, & sine quibus non morbi propelluntur: quę & in hoc negotio suas conferūt notas: unde quū validę subsunt facultates, quę morbū vnū vincere debent, alię autem infirmę, quę circa aliū versantur, non immerito prænūciabimus hūc, cui deest robur facultatis longiorē fore alio, cui illud abūde suppetit. Velut quū duo affligunt morbi, quorum vnus alteratione & concoctione vincitur, alius expultricis munus desiderat: prius soluetur ille, qui validiori vi subiicitur alio, cui reluctatur infirmior facultas. Porro a causis iuuantibus, & lædentibus hoc modo signa sumimus. Nam morbi, quibus prosunt minima quęque remedia, & omnia vel plurima, pauca verō obsunt, antea quā alij, quibus pauca: aut non nisi maxima auxilia conferunt, multa autem nocent, recedunt: faciunt præterea morbi partes ad id prædicendum. Etenim ægritudines, quę longiores accessiones habent, & eadem hora inuadentes, non incrementales, quęque mali sunt moris, longiores, maioresque, & tertio vel quarto quoque die repetunt, & tardē denique mouentur, suasque partes difficilē assequuntur, longiores aliis euadunt. Vnde optimē Galenus libro secundo de Differentiis febrium ad hunc modum scribit. Vtra verō febris desitura sit prius ex ipsius specie, tum ex ipsius accessionis longitudine, magnitudine, more, motu, circuituum repetitione, anticipatione, & tardatione coniectari oportet. Adhęc symptomata ipsa, quę morbos, illorūque



causas sequuntur, monstrabunt idē quod morbi ipsi, & mor-  
bosæ causæ. Nam actiones parum laxæ, parūque mutatæ  
qualitates, & excrementa, quæ ab eo gignuntur, pauca, con-  
cocta, & per commodissimos locos emanantia prænūciant  
huiusmodi morbum breviorē fore aliis, quæ contrario mo-  
do se habent. Postremò absurdum non fuerit credere, vbi  
plura urgent mala, promptius illud abiturum, quod in aliis  
eodem modo laborantibus prius recessisse nouimus. Sic  
profectò in his, quos Gallicus morbus infestat, prædicimus  
pustulas, quæ circa faciem oriri solēt, citius quàm dolores,  
quæ scapulas artūsque torquent abituras: quoniam scilicet  
in aliis ita contingere nouimus, nulla re alia persuasi quàm  
ex similitudine petitis indiciis. Atque hæc quidem de signis  
medico necessariis sufficere arbitror: quæ si quis diligenter  
euoluat, & perspiciat quid ab aliis de hac re sit traditum, in-  
telliget profectò quantum à nobis sit laboratum, & si quid  
præterea desiderari posse videbitur, ex positis principiis, &  
rerū fontibus, ex quibus omnia ducuntur, facile vnus-  
quisque veritatis studiosus inuenire poterit. No-

bis enim satis est artē huius rei excogita-  
se, & ut puto inuenisse, qua studio-  
sos ad ea, quæ supersunt per-  
ficienda, inuita-  
remus.

IOAN

351

# IOANNIS ARGEN-

## TERII DE OFFI-

### CIIS MEDICI

#### LIBER PRIMVS.

*De utilitate huius operis.*

CAP. I.



V AE, & quot præstare debeat Medicus, quaque ratione cōmodè in humano corpore agere poterit, suoque munere fungi, hoc loco tradere instituimus: Quæ sanè res omnium præstantissimâ, vtilissimâque medicinæ partem complectitur. Neq; enim medicus sanitatis, morborumq; genera, differētiæ, causas, partes, effectus, signa, remedia, & reliquæ materiæ medicæ vim naturamque per se quærit, sed vt ad conseruationem, curationem, & alias actiones, quas varia corporis cōditio postulat, ea omnia referat. Quid enim sit sanitas inuestigat, vt eā cōseruare possit, vtpote quæ secundū naturam in nobis existat. Sic illius genera, differentias enumerare studet, vt intelligat quæ quorū sint cōseruationis genera, differētiæ, & singulis, quod illorū natura postulat, adhibere valeat. Causas præterea sanitatis scire cupit, vt quum absunt, eas arte restituere, & præsentis tueri possit. Sic profectò morborum naturam, genera, & differentias expendit, vt se præparet ad eorum propulsionem: nec ignoret in variis morborum generibus, & differentiis varia esse præstanda. Partes verò morborum nititur inuenire, vt earum numero, & multiplici natura explorata perspectum quoque habeat, quoties & quando varianda sint officia, remittendæque, aut intēdenda præsidia, quæ morbis abigendis conferunt. Atqui morborum causas scrutatur, distinguereque enititur, quæ actu, quæue potentia morborum sint procreatrices, vt admonatur nūc præseruatione, nunc curatione opus esse. Quinetiā effectus sanitatis, & morborū generibus separare enumerareq; studet, tum vt eos seruet, qui secundum naturam sunt, tum vt

eos propellat, qui præter naturam affecta corpora sequuntur. Signa explicat medicus, ut corporis omnem statum perdiscat, quo postea intelligat, quid seruandum, mutandū, & demum quid illi agere cōueniat. At vero corporis, partiumque conditionem omnem scrutatur, ut agnoscat ubi in eisdem malis ob subiecti corporis naturam variandā sit curatio, cōseruatiōque. Postremò remediorum, victūsque genera, differentias, facultatēque omnes notat, ut habeat idoneam materiā, & instrumenta aptissima, quibus in omni officio utatur. Quamobrem nemini mirum videri volo, si hanc medicinæ partem de Medici officiis inscripsi. Nam et si muneris quoque illius est corporis compositionē & naturam cognoscere, sanitatis, morborūque genera, causas, partes, & effectus, & signa perspecta habere, & præterea materiæ medicæ vim & naturam tenere, tamen quoniam ea per se non facit, nec scire cupit: sed quatenus ad cōseruationē, præseruationem, curationem, & alia, si quæ erunt huiusmodi officia, cōferūt: ideo illa ab hoc nomine, & tractatione excludo, quod scilicet præcipua non sint, nec vltima, nec medico maxime propria, quando illa superiora etiam à philosophis pertractantur: hæc autem sola medicina docet, in illisque versatur. Ac multo quidem minus: medici officium hoc loco vocabo uti prudentis, vel quod ad eū spectet sui corporis, morum, vestitus, sermonis & aliorum huiusmodi, quibus gratia, fama, & fides comparatur, curā habere, quæ quidē Hippocrates in libro de Officio medici, & de Morbis vulgaribus sexto, alibiq; passim sub officiis medici complectitur. Nam vel hæc ex aliis artibus institutus adfert, vel certe medici non sunt, sed personæ potius medicinam facitantis externa: quedam officia: nos autē quæ propria sunt artis muneris, & inter ea præcipua solum hoc loco quærimus. Quæ res quā vtilis sit, & gloriosa medico, ex hoc cognoscere possumus, quod ille in hac parte perpetuo versetur, & laudē maximā apud omnes inueniat, ac etiam si quid in aliis erratum sit, huius utilitate tegatur. Nā si aliquando in sola prædictione futurorum subsistit medicus, velut quum in desperatis morbis mortem præfagit, id sanè facit, quod videat nullum curationi locum relictum. Admiratur quidē vulgus medicū, qui de generibus, & causis sanitatis, morborūque optimè disserat, eum tamē sequitur, quem in curatione, sanitat

nitatisque cōseruatione excellere putat. Diuinatōrē eū iudicat esse qui statum omnem corporis pernouit. Si auxiliis cōmodis destituatur, sanitatēque tueri, & morbos propellere nesciat, si spes interdum frustratur, & moritur aliquis, de quo medicus securus primò fuit, labefactatur medicinæ fama, & dignitas. At si moriturū ægrū prædixerimus, quem postea tandē curatio restituat, laudē ex ea maximā, dissimulato prædicendi errore, consequemur. Quid præterea diuinius? quid melius, quā sanitatem cōseruare posse, sine quā homo agere nequit, & morbos propulsare, qui vitam mortalibus vel adimūt, aut fractis animi corporisque viribus ita labefactant, ut nec humana, nec diuina officia exercere valeamus? Quin etiam ab hac parte vniuersa ars nostra nomē accepit, siquidē à medendo medicina dicta. Quo magis eam pro viribus excolere oportet, quanto reliquis omnibus utilitate, dignitatēque præstat, & difficultate eas superat. Etenim quid morbus sit, quid sanitas, quæ, quòtue illorū genera, & differentia, quæ, & quot causæ, signa, effectus, & auxilia, quæ ad humani corporis salutē sunt cōparata, nō magno forte negotio quilibet enumerare potest. At quo modo, quæue ratione seruanda sit sanitas, propellendi morbi præfentes, instantēsque præcauendi, nemo rectē intelligere poterit, qui disciplina, vsusque medēdi optimē nō sit instructus. Itaque imprimis illud explicandum esse duco quæ, & quot sint medici officia. Nam hoc ostenso, reliqua postea, quæ huius sunt tractationis, facillimē innotescunt.

*Quæ, & quot sint medici officia.*

CAP. II.



**D**E numero Officiorū medici nihil collectum, nihilque certū apud Galenum lego: atque etiā illud multo minus cōstat, quid unicuique officio subiiciatur. Nam passim ille in Methodo medendi cōseruationis, præseruationis, curationis, & mentionem facit, nec tamen interim probat, an hæc sola, an alia adhuc relinquātur medici munera: an præterea hæc sint summa, vel ab aliis nata officia. Nā quòd scribat in libro de Constitutione artis, & in illo, cui titulum fecit. An ars tuendæ sanitatis ad medicum pertineat, medicinam vnum perpetuo moliri, nempe ut vitia corporis corri-

gat, ostendit medici quoque esse ea corrigere, & vitiata corporis structuram restaurare. Quinetiā nōnulla alia præstari a medico, quæ nec præseruatio, nec cōseruatio, & multo minus curatio sub se cōpræhendunt, intelligere licebit, si paucis docuerimus quid illis tribuat, subiiciatq;. Itaq; *quæritur*, id est cōseruare dicitur medicus, qui vitia emēdat sanorū corporū quēadmodū ex eo authore patet, tum alibi, tum potissimū in Arte medicinali, & in opere præcitato, vbi quærit an Medici sit sanitatem tueri. Etenim quoniā bene valētium corporū mala, & vitia adeo exigua sunt, vt nec sentiantur quidem, nec statim appareant, sed tēporis progressu cognoscantur, vt pore quæ ætatis cursu ob insiti caloris exsiccantis vim proueniunt: ideo quum ea emendantur, etsi afficitur, mutatūque corpus, tamen in eodem statu cōseruari illud putatur, quia scilicet parua mutatio est, & insensibilis, vt nec mutatio quidem appareat: veluti quum corpus edit, bibit, dormit, vigilat, ambulat, vel aliquid aliud facit, quod quidem restauratur, & id, quod in eo est deperditū, restituitur, nulla tamen interim insignis apparet mutatio, quales sunt quum morbosa vitia propellūtur, & sanitas ex morbo paratur. Quamobrem meritō correctionē malorū, quæ sanis corporibus contingunt, & omnibus cōmunia sunt, dum bene valemus, proprio nomine cōseruationem vocamus: etiam si non solū eum, qui præsens est status, tueri, sed etiā in melius perducere studeamus: veluti quum sani optimum corporis habitū affectamus. Nam licet paulo maiora sint vitia eorū, qui deteriore sanitate a natura sunt donati, quā illorum, qui eam perfectissimā sunt consequuti, tamen non vsque adeo illa euidentia sunt, vt genus actionis mutent: quippe quum in eodem affectus genere versentur qui eorum custodia præsumt: siquidem qui optimam sanitatem corrigit, idem facit quod alius, qui corporis sani vitia emendat. Nam vterque sanitatem seruat, etsi alius interim melius aliquid assequi enititur, & contrariis etiam vtatur: ita planē quemadmodum qui morbis medetur: nimirum quum ab eo, quod deterius est ad id, quod melius non nisi contrariorum vsu peruenire possimus, nihilominus, vt optimē inquit Galenus, quia in eodem affectus genere persistimus, nempe sanitate, paruaque adhuc vitia sunt, quæ corriguntur, cōseruationis appellationem retine

retinemus. Ergo conseruare dicetur medicus, qui sanorum mala emendat, eritq; hoc vnum illius officium, quod bifariam scinditur ex duplici negotio, & scopo: vnum quidem, quod sanitatē sibi propositam in eodem statu tuerur: alterū quum melius aliquid, vel etiā optimum sanitatis habitum comparare studet: ac prioris quidem exemplum est, si medicus hominē natura biliosum in eo statu seruare sibi proponat, secundi verò, si eundem ad mediocrem temperiem redigere contendat. At perinde facile non est docere quid ad curationē, aut præservationē efficere spectat, quandoquidem Galenus sæpius hæc duo officia inter se cōfundit, & cuique nunc diuersa, nunc eadem subiiciat. Nam primo, & vndecimo Methodi medēdi ( vt alios infinitos locos prætermittā ) curationem morbo deberi contendit, quum tamen in libro de Natura humana secundo scribat curationē eorum etiam esse, quæ morbos efficiunt, nempe morbos tollunt, & illorū causas rescindunt. Quinetiā primo de Sanitate tuenda medicinæ partem *ὑγιαίνουσα*, id est curatoria vocat, quæ corporis statum mutat: quo quidē patet eos curare, qui vel causas morborū remouent, vel morbos ipsos tollunt, vel symptomatica leniunt, siquidē hæc omnia mutatione opus habent. Contrā vero duodecimo Methodi sentit. Vbi scribit nihil aliud esse curare quā morbū iam factū auferre. Cæterum in nomine prophylactices, id est præcautionis, siue præservationis, dum nunc hos, nunc alios sequitur authores, lectorem confundit. Etenim aliquādo præcauere eos statuit, qui morborū causas adimunt, aliquādo non qui omnē morbi causam, sed eam duntaxat tollit, quæ nondū morbū committit, remouet, propriè præcauere vult, impropriè autē id facere, qui causam eū iam efficiētē abigit. At quarto Methodi eum præcauere statuit, qui non causas morborū duntaxat, sed quæ naturæ opus impediūt, veluti qui sordem ab vlceribus detergūt, aufert. Ad hæc alibi rei præsentis curationē, eius verò quod futurū est prouidentia esse tradit: quo modo præsentium causarū ablatio, curatio etiā foret: & denique varia hic author de his scribit prolixissimè, quū alios accuset: vanasque esse de nominibus controuersias dicat, iubeatque statim conueniendū esse de nominibus, quibus vti debemus in rebus explicandis. Quòd si saltē ex illius tractationē quod querimus, intelligi posset, nec multæ superessent dubitat

dubitationes, res tolerabilior foret. Nam illud imprimis explicandū fuerat, quonā modo abigere morbos possit, qui curare dicitur absq; remotione causæ alicuius. Vt enim de hectica ipsa febre agamus, cuius ablationē propriē curationem esse censet, nullo modo interueniente præseruatione, quonā pacto (quæso) intēperies calida adimi potest, quin ipsum calorē excedentē minuamus, qui intēperaturæ causa est. Quòd si ita res habet, vt nihil auferri queat, nisi ablata illius causa (siquidē remedia nō ipsi intēperaturæ, sed causis excedētib; debētur) cōstat profectò curationē causis ipsis pariter adhiberi. Vnde si præcauere est causas morborū rescindere, semper præcauere diceremur, quoniā scilicet semper cōtra causas pugnamus. Ad hæc, quū inter morborū causas quædā sint, quæ morbū creāt, veluti obstructio, & crassus humor, quæ febrem cōmittunt: quædā verò quæ fouēt, vt humoris copia, corporisq; adstrictio: Aliæ verò, quæ eundē intendūt, sicut sitis, vigilia, quæ præsentēs febres exasperant, grauiorēsq; reddūt, dubiū est, an oēs huiusmodi causas præseruationi subiiciat, an quasdā potius ad aliud officiū referat. Ac videtur quidē solas effectrices tradere præseruationi, quū scribit vndecimo Methodi illius officiū esse causam auferre quæ morbū creat. Quod si ita est, cuiusnā officiū erit reliquas summouere? alia præterea addenda sunt officia: quandoquidē quædā reperiuntur vitia, quæ nec præseruare, nec curare, nec cōseruare aptè dici potest, qui ea corrigat: Veluti ea sunt, quæ in cōualescentibus, & senio cōfectis corporibus reperiuntur. Nam vt medicinæ pars, quæ circa hæc versatur, ab aliis distinguitur, quæ cōseruationis, præseruationis, & curatiōis præcepta tradit, vt ex arte medicinali, & eo opere in quo quærit. An ars tuendę valetudinis ad medicum pertineat, satis patet: sic profectò diuersa huiusmodi officia ab illis esse oportet, quod etiā Galenus in Arte medicinali adnotauit, quū de renutritoria medicinæ parte agit, illiusq; munus expēdit. Verum quædam etiā illic sunt, quæ vt postea ostēdemus, dānari possunt: & multa præterea alia excogitare liceret in re proposita non minus necessaria quàm alia prædicta: Ac omnibus etiā illis inuētis, & ex Galeno utcūq; collectis nihil laude dignū effectū esse putauerim, quoniā à certo initio res ipsa nō exorditur: quo intelligere possimus nō temere hæc officia poni, & probare, nec plura nec pau-

ciora

ciora cōstitui debere : quod qui ignorat perpetuò in dubio versatur , nimirū quòd semper vereatur alia ex aliis libris, vel vrgēte ratione, munera addi posse: Itaq; ne superfluo labore nos in Galeni locis citādis & cōciliandis conficiamus (quod iamdudū aliis reliquimus faciendū, qui nihil inuenire student, & aliorū iudicio viuunt ) rem ipsam cōsulamus, quæ quod quærimus mōstrare valeat. Igitur quum nostrum corpus non solū ab externis causis, sed etiā ab insitis principiis perpetuò vitietur, corrūpatūrq; plus vel minus, pro vehemētia scilicet & magnitudine agētis causæ, necesse quidē est artē nostrā , quæ corpori humano tuendo dicata est, vñū semper agere, nempe corporis vitia corrigere, vnde & ipsa medicina correctrix ars à Galeno optimē vocatur. Quamobrem illius, medicūq; vnicū erit primū officiū, quod est corrigere, siue emendare, siue reparare, aut alio nomine quod res ipsa ostēdit significare velis. At quū vitia, quæ emendatione egent, inæqualia sint, ac in multiplici variāq; differētia cōtineantur , varia quoq; correctionū genera, diuersis nominibus distincta à medicis posita sunt, quibus statim intelligere liceat, quid illorū vnūquodq; præstet, quæ & quot præterea ex eo primo, & cōmuni peculiaria officia nascantur. Ac quòd multa sint vitiorū genera natura inter se discrepātia, aut certē eo modo vt diuersis officiis subiiciātur, docēt corporū variæ cōditiones. Aliquādo etenim bene valemus, aliquando morbis vexamur, aliās aduersam valetudinē imminere sentimus: adhæc est alia conditio eorum, qui à morbis conualescunt, & alia eorum, qui senectute premuntur: quorum quidē vitia plurimum inter se differunt, diuersāque medici tractationē requirunt. Siquidem qui sanus est, in eò statu seruari cupit: qui morbis cōficiatur, eorum oblationē quærit: alij verò qui sibi imminere morbos agnoscunt, student eos medici consilio & officio arcere: qui autem ab illis euasit pristinæ sanitati restitui cupit. Senes verò suā quoque quandā curam postulant, qua vita foueatur, emendentūque incommoda, quæ mortem accelerāt. Ac quòd hæc mala inter se differant adeo, vt diuersa medici præsidia requirāt, ex eo cōstat, quòd medicinæ partes ob earum diuersitatē, diuersæ sint cōstitutæ. Nam eām, quæ sanitatis tuendæ præcepta tradit ab officio sumpto nomine conseruatricem: quæ verò morbos propellit curatricē : aliam quæ prohibet ne morbi nascant



nascantur, iam male affecto corpore, præcautricem, & præseruatricem vocant: Eam autem, quæ conualescentiû curam gerit, ἀνακατασκευαστική, id est restauratricem, & ἀνατροφική, id est renutritoriam nuncupant: Illam autem quæ præest senibus, ex corpore ipso subiecto mutuato nomine, γηρονουκλή, id est senilē, appellant. Veruntamē in hoc aliquid etiam est, quod desidero. Quum enim cōseruatio mutationi opponatur: quur statim vt cōseruatricem, sic mutatricē aliam medicinæ partem non ponimus? Præterea quum conualescentes, senes, & qui cum imminentibus morbis cōsistuntur in hoc cōueniant, vt partim mutatione, partim cōseruatione opus habeant (siquidē hi omnes sub neutro statu inter sanos, & ægros à Galenō in libro ad Thrasymbulum cōprehenduntur) quur etiā vnā partem ex duabus aliis conflatum non statuimus, quæ scilicet seruet quod est secundum naturam, & id quod præter naturā est muret? Sic enim omnia ex certis principiis nascuntur, ac cetera docendi ratione cōstant, præsertim quòd ea alioqui sine nomine relinquatur, quæ symptomata tollit si mutatricem vnā non constituimus, cuius officium sit omnia, quæ præter naturam reperiuntur, summouere: quippe quū cūratoria pars morborum, & nō symptomatum propulsio à Galenō præficiatur, prophylætica verò morborū causas remouere studeat. Erit ergo vnā ars quæ humani corporis vitiis emendandis præest, quā ab vna illius parte medicatricem, & medicinā vocare solemus, melius tamen correctricē (vt omnibus partibus nomen fiat cōmune) nuncupabimus. Cuius quidē tres partes statuētur, cōseruatrix, mutatrix, & tertia ex his cōposita. Quod si ita est, & ex arte artifex instituitur, officiūq; sua sumit, vnū erit vt diximus, primū officiū medicī, quod est corrigere vitia, & humanum corpus refarcire. Tria verò alia ex tribus partibus ducta, nempe cōseruare, mutare, & horū vtrunq; mixto munere peragere. Iam verò etsi inter sana corpora quædam sunt suapte natura sana, & bene affecta: alia verò, quæ perfectam etiā sanitatē sunt cōsequuta, & hæc omnino seruare in suo statu nitimur, vtpote quæ quod summū est & optimum iam possideāt, illa verò vel tueri qualia accepimus, vel ad id quod optimū est redigere conamur: tamen (vt diximus) id officiū medicī nō variat, nimirū quum semper ille in cōseruatione versetur. Quinetiam quum in omni corporis statu aliquid

aliquid sit vt cōpositio ipsa, vt in bene valētibus corporibus sanitas, aliud vt cōpositionis causa, aliud deniq; vt effectus, cuiusmodi sunt actiones, qualitates, excrementa, & opera, quę secundū naturā in bene affectis corporibus peragūtur, cōseruare dicitur, qui hęc omnia tuetur, nec aliud eum facere putamus, quā sanitatē ipsam, illius causas, & effectus fouet, quā quod cōseruet. At in statu prætēr naturam, & mutatione diuersa officia constituuntur ob eorū varietatē, quę in huiusmodi corporibus reperiuntur. Vt enim verum vero consonat, & falsum à seipso etiā dissentit, sic quę secundū naturā in nobis reperiūtur omnia sibi fauēt, nec vnus conseruatio alterius tutelā impedit. In cōtrario verò statu morborum causę remotiores prohibēt aliquādo ne alia, & morbi ipsi abigātur. Veluti quū febris refrigerātia desiderat, crassus verò humor, qui obstructionē, febrēmque parit, calefacientia potius expostulat. Quin & symptomata intermittere aliquādo morbi & efficientium causarum oblationē suadent. Quāobrem peculiaria, & ea quidē inter se diuersa esse oportet officia, quę circa huiusmodi corpora versentur. Sed non satis cōstat adhuc, quot illa esse debeat. Neque enim temere aut ex aliorū opinione ea ponere oportet, sed dictāte aliqua ratione & principio, quod rei fidem faciat. Itaque quum in corporibus morbo laborātibus reperiātur morbi ipsi, illorum causę, & symptomata, his quidam nulla cura, nullaque pręsidia debentur, vtpote quę ablati morbis, eorūque causis sponte euanescent: quod Galenus optimē duodecimo Methodi tradit: morbi verò ipsi ablatione suarum causarum abiguntur. Quapropter omne officium, omnēque medici consiliū, in hoc statu circa causas versabitur, quę si vnus naturę, & eodem modo causę forent, vni quoque munerī subiicerentur: aut quum aliter res habeat, siquidem inter causas morborum quędā eum constituunt, alię faciunt, alię nonnunquam augent, vel fouent, vel eius generis sunt sine quibus propelli morbus nequit: alię verò, quę in potentia quādā sunt, vt scilicet facere, augere, fouerēque possint. Sunt pręterea ex his causis nonnullę ex genere symptomatum, quę scilicet à morbis, & aliis causis ortę rursus morbos ipsos, suāsque causas intendunt. Veluti dolor, sitis, vigilia immodica, quę febres, & humores exasperant. Quibus quidem ita positis eum pręcauere dicemus, qui causas sum-

mouet,

mouet, quæ nondum aliquid faciunt, sed potentiam habent quidpiam efficiendi, nēpe procreandi, augendi, fouendique morbos. Eum verò curare, siue sanare statuemus, qui ea admittit, quæ actu sunt causæ quomodocūque ipsorum morborum. Quod si postea aliquādo morbum ipsum curationem, auxiliāq; curatiua indicare dixerimus, id faciemus, vt morbi nominæ immediatam illius causam, vt calorem in febribus intelligētes, curationem à reliquis officiis separemus. Si huiusmodi causæ ex symptomatis petantur, proprio nomine hanc actionem, & officium, quod earum ablationi studet, mitigationem nuncupabimus. Atque hæc meo quidem iudicio, non perperam statuentur, quandoquidem ratio, cōmunisq; loquēdi vsus id docent, & ex Galeno etiam idem probare licet. Nā præcautionis, præuisionisq; nomē quod futurum est, spectat, & incidat, vnde meritò quæ in potentia, & non actu existunt, ad illius officium referimus: qui vero præsens est morbus, non aliter quàm curari dicitur, quū id, quod ex eo factum est, ablatione suarum causarū auferre nitimur. Sic profecto mitigari symptomata dicuntur & mitigatione egere, quæ morbos intendunt, dicere solemus, Quod vero ex Galeno id probari possit facile est ostendere, siquidem tertio Methodi, & passim alibi ea, quæ præter naturam sunt, sui ablationem indicare scribit, vnde mutatio, siue ablatio actio est, & operatio medici: qua vtitur in his omnibus abigendis quæ præter naturam existunt: Libro vero quarto eiusdem operis ad verbum ita scribit: Rei præsentis est curatio, eius autem quod futurum est, prouidentia: Quod verò nec in præsentia lædit, nec lædere est paratū, id ab utroq; artis officio, tum eo, quod curat, tum eo, quod prouidet, excessit. Atqui duodecimo Methodi, vbi de symptomatū ablatione agit, eum *πρόειν καὶ ὑπὸψαι*, id est sedare, & rescindere symptomata dicere solet, qui ea auferre nititur, tanquàm mitigare sedarēq; officiū eius sit, qui circa remotionē symptomatum versatur. Tria ergo medici sunt officia incūbentis circa id, quod est præter naturā, præseruare scilicet, curare, & mitigare. Ceterum officia illius partis artis nostrę, quę neutra dicitur, nullo cōmuni nomine continentur, propterea scilicet quòd tres illi status, qui ei subiiciuntur, diuersa requirāt opera, adeo vt nullo alio quàm generalissimo illo correctiōis vel mixti officij nomine illius munera

munera significari valeant. Etenim qui præest corporibus, quæ parata sunt in morbos ruere ablatione caufarum, quæ nondū agunt, sed paratæ sunt nisi adimantur morbos procreare, aliud omnino facit, quā qui curā habet eorū, qui ecce ter à morbo euaserūt, aut senectute vrgētur. Quāobré illos præcauere meritō dicemus, qui eminentiū morborū causas rescindūt. Eodē planē nomine quo illorum officiū significauimus, qui præsentibus morbis ea auferūt, quæ nondū sunt, sed tamen eorum causæ esse possunt. Vtrunque enim officiū id quod potentia est ad morbum, respicit. At verō qui à morbo conualefcit, extenuatis viribus, & corpore, id solum postulat, vt commoda adhibita nutritione, & alio victu pristinam sanitatem recuperet. Quare meritō vt pars medicinæ, quæ his præest corporibus, renutritoria, & refectoria dicitur: sic medici officiū circa ea versantis erit renutrire, reficereque: Iam vero si in senectute constitutum sit corpus, illud etiam ad renutritoriam partem pertinere scribit Galenus in Arte medicinali, quum tamen alibi medicinæ partē *ἡγεμονικὴν* ab *ἐνδοκρινῇ* separaret, & optimē quidem. Nā qui conualescentes tractat, bona victus ratione eos ad pristinā sanitatem reuocare studet: qui verō senibus præest, illius ætatis propriam temperiem, nimirū quā nihil melius consēqui valeat, seruare nititur. Quòd si alicui alteri medicinæ parti hos subicere oporteret, inueniremus profectō in præseruatiua quā in analeptica illis commodiorem locū concedi, quū ob siccitatis, frigiditatisque excessum periclitentur ex leui quaque occasione in tanta virium infirmitate in morbos cadere. Vel ergo fingamus huiusmodi officio propriam aliquam appellationem, quemadmodū medicinæ partem illis corporibus datam ab aliis partibus nomine pariter seiunximus: vel si Galenum sequuti, vocabulorū inopia, eos renutrire reficereque dicamus, qui senilis vitæ curam habent: intelligamus non propriē dictam renutritionem, quæ conualescentibus duntaxat debetur: sed quæ alterius sit generis, adiectione scilicet senilis corporis, ne simplici renutritionis refectiōisque nomine diuersa inter se officia confundamus. Porrò in hoc duplici corporis statu, idem nomen vsurpamus, quū causas ipsius constitutionis corporis emendamus, quòd quū circa constitutionem ipsam agimus. Reficimus etenim in conualescentibus lapsam ipsam con-

stitutionem, illiusque causas. atque etiam vniuersum corpus medicū restaurare dicimus. Ex quibus quidem tandem constare puto quæ, quæque sint ponenda medici officia: sunt enim hæc (si ea omnia colligas) corrigere, conseruare, mutare, partem mutare, partem conseruare, curare, præseruare, mitigare, reficere, & senum corpora tractare: quorū omnium commune est corrigere, conseruare proprium bene valentibus corporibus, mutare ægrotis, curare proprium eorum, quæ actu morborum sunt causæ: præcauere omnium, quæ eorundem potentia sunt causæ: mitigare proprium illis, quæ ex symptomatis capiuntur: reficere vero conualescentibus sit peculiare, quod commune senibus euadit, senilis corporis adiectione: compositum autem munus ex conseruatione & mutatione tres eos status, quos diximus, complectitur, nempe præcauere morbos, conualescentes restituere, & senes tractare.

*Quæ præcognita ponat hæc tractatio.*

CAP. III.



**Q**UID correctio, mutatio, cōseruatio, curatio, præseruatio, mitigatio, restauratioque sit, quidque vnumquodque illorum spectet, cuique operi præsit, & subiectum corpus habeat, circa quod versatur: quæ præterea ex illis nominibus plura officia, quæ vero singula duntaxat, & peculiariter significant, abunde docuimus. Quin & illud patet nec plura, nec pauciora, quàm quæ posuimus esse posse medici munera. Nunc vero quænam præcognoscenda sint à medico qui hanc partem pro dignitate excolere velit, paucis aperiam: ut studiosos admoneam non statim curandi, conseruandique rationem quærere debere, priusquam alia multa didicerint sine quibus hæc assequi non poterūt. Quæ verò hæc, & quot sint, ex natura rei perspicere licebit. Quum enim actio omnis omnique officium varietur ob diuersam naturam eorum, quæ nos ad agendum mouent, tum ob subiectæ materiæ differentiam, vel ob agentium causarum inter se discrepantiam, necesse erit hæc tria capita diligenter excutere, ex quibus tota huius rei consideratio petetur. Itaque imprimis, qui sint, & quot corporis status inter se diuersi præscire oportet

oportet. Ex hoc enim postea intelligemus, quot sint officia, quę circa eos versantur: deinde natura cuiusque status perspecta esse debet, quo cognoscamus quid secundum naturam, aut illi contrarium, aut mediam inter ea conditionem obtineat. Hinc sanę patebit quid duntaxat conseruandum quid omninō immutandum, quid mixtum officium desideret: quinetiam quid inter ea causę rationem habeat, quid cōstitutio ipsa, vel constitutionis effectus sit, ignorandum non est: siquidem id docet, quando pręseruatione, aut curatione, vel mitigatione in egrotis sit opus, quidue medici operam postulet, aut non: sanitatis namq; effectus cum sanitate ipsa seruantur: Symptomata verō nonnunquam adeo sunt vehemētia, vt ea prius lenire opus sit, quā morbo occurramus. Horum verō omnium genera, differentiāsque perspectas habere expedit: propterea quōd hęc admonent quo genere, quāue differentia actionum vtendum sit. Aliter namque curamus morbos, qui ad intemperię pertinent, aliter eos, qui in instrumentariis partibus consistunt, aliter magnos, quā paruos: Quin & aliis remediis causas oppugnamus, quę vehementes sunt, aliis verō eas, quę initius agunt, alio modo sitim quā dolorem mitigamus: Quę nemo vnquam rectē pręstare poterit, qui ignoret, quot sint genera, & differentię status nostri corporis. Adhęc vis & natura illorum omnium perdiscenda. Plurimum enim refert in causis scire quid vniuersum corpus, aut vnā partem duntaxat afficere valeat, quid per se, quid per accidens agat, quid item tempore mitescat: aut grauius reddatur: quid foris solum, vel intus etiam agere queat, & denique vis omnium causarum, quę morbos excitant, fouent & intendunt, ita cognitū est necessaria, vt absque ea nequeas intelligere quibus remediis, quōue modo sanitatem comparare valeas. Siquidem vbi est quod vniuersum corpus molestat, auxilia sunt querenda, quę possint vndiquaque prodesse: vbi verō adest, quod vnā partem vrget, frustra pręsidia quęrimus, quę pluribus conueniunt: Si ab his quę extrinsecus lædunt, morbi sunt concitati, admonemur maiorem quoque spem collocandam in externis, quā internis pręidiis. Quōd si concitata & vehemens sit causarum vis, petenda sunt auxilia, quę pari celeritate, & vehementia malis succurrere possunt. Iam verō in morbis ipsis plurium refert no-

uisse quāquam salutarem, aut lethalem naturam acceperit, quando in his præſagimus quod futurum eſt, nec curationē generoſo aliquo remedio aggredimur, illos verò omni cura abigere nitimur. Caterum inter ſymptomata eiſdem generis quædam reperiuntur, quę perinde lædunt, vt mitigationem poſtulent alia verò quę ſi lenias, hominem plurimū offendes. Nervi ſiquidem dolor mitigari debet, quū vim habeat perimendi: At capitis dolor, qui inſtante criſi oboritur excretionem prænunciat, qua morbus extinguetur. Ac (vt breuiter dicam) omniū quę prædiximus naturam, & vim tenere eū conuenit, qui corporis vitia emēdare ſtudeat. Quāobrem ſigna illi quoque neceſſaria ſunt, quorū beneficio ea agnoſcat, quū antecceſſerint, aut ad ſunt, vel futura ſunt: nam præſentibus morbis curationem aggredimur, eos vero præcauemus, quū imminēt. Quòd ſi iam præceſſerunt, reſtauratione in recenti adhuc affectu, vel conſeruatione ſanitate iam parta vtimur. Iam vero corporis ſubiectioni, partiūque omniū natura ad hanc rem conſequendā eſt per quā cognitu neceſſaria. Etenim huius rei cōtemplatio ad affectuū naturam, illorūque differentias cognoscēdas plurimū facit, ac etiam (quod nūc potiſſimū quærimus) medici officia variat. Nam temperies, quæ ſecundū naturam eſt, quantū exceſſerit morbus, qui in ea conſiſtit quantōque proinde ſit opus remedio coindicat, aliūdque præterea eſſe agendū in parte intemperata quā aliter affecta monſtrat. At quæ inter ſe diuerſæ ſunt temperaturæ, diuerſas actiones exigūt, ſiquidem quæ ſicca eſt pars, aliud quā humida, rara quā denſa, & dura quā mollis expoſtulat. Porro instrumentariarū naturalis conformatio, vt morbi exceſſum, ſic remedia etiā monſtrat. Quippe plurimū vitiatam agnoſcimus eſſe partem, quæ à naturali ſua conformatione, vel alio quod ſecundum naturam illi ineſt, valde recedit. Docet etiam quiddam peculiariter moliendum eſſe, quod nulli alteri ſit commune: veluti & reliqua, quæ instrumentarias partes componere dicuntur, vt peculiaris, & diſtincta eſt ab aliis ſingulorū natura. Genus præterea remedij, & locum patefacit conformatio. Solidas ſiquidem partes vehementiore remedio perſanamus, in concauis verò mitioribus auxiliis vtimur. Sic proſectò ventriculo affecto nouimus per os nos illi ſuccurrere poſſe, quòd ſcilicet cavitatem habeat, quæ deuorata re-

media

media continere valeat. At partis magnitudo etiam molem remediorū ostendit: intemperato siquidem hepate, vel ventriculo intelligimus ex illorū magnitudine quanta oporteat esse remedia, quæ foris adhibentur, aut intus quoq; sumuntur. Neque enim duos, aut tres aquæ medicamentosæ congios propinare auderemus, nisi perspectū nobis esset tantam esse ventriculi cavitatem, ut hanc rei copiam capere posset. Ostendit autem remediorū, quæ adhibentur corpori figuram, partium figura. Sic enim cerata quæ adhibentur ventriculo ad scuti formam figurant medici, & oblonga volūt esse, quæ lieni accommodantur. Cæterum partium numerus non nihil etiam hanc tractationem iuvat. Ut enim multæ particulae deperditæ, aut additæ maiorem esse morbum produnt; maioraque ob id remedia postulant, sic ea plura necessariò esse adhibenda numerus partium manifestat: excalefactis siquidem renibus duobus remediis refrigerantibus opus esse intelligimus, præmoniti scilicet ex numero partium duos esse renes, qui diuiso remedio egeant: nimirum quòd vnū paulò latius non sufficiat, verentes interim ne spina refrigerantiū vfu lædatur. Porro compositio partium plurimum ad hanc rem facit. Nam ex illarum situ ubi adhibenda, & qualia oporteat esse præsidia agnoscimus: quippe quæ in profundo sunt sitæ, remedia, quæ extrinsecus ei parti, cui interna subiaceret applicantur, validiora postulant. Sic etiam quum per assumpta medicamenta morbis partium medemur, vehementiora eligimus auxilia, quū partes affectæ ab ore longe absint; propterea quòd remediorum vis ob viæ longitudinem alteratione multarum partium, & multiplici mixtione humorum partim exoluitur. Aliquid præterea cum propriis remediis admiscemus, quòd vehiculum sit, aut aliam qualitatem in eo molimur cuius beneficio ad distantiores partes peruenire valeant. Quomodo potiones, quæ affectis renibus, & vesicæ preparantur, liquidissimas efficiamus, & cantharides nonnunquam cum illis miscemus. Connexio partium suam quoque in hac re præbet utilitatem: quandoquidem hac ratione agnoscimus per quem locum affectis partibus potissimum succurrere liceat: id sanè docuit ventriculum per os, & anum vacuari posse, hepar verò per easdem vias atque etiam per urinam, sudorem, sanguinis profluvium exonerari, quòd scilicet venas habeat, quæ cum ventriculo, intesti-



nis, & renibus cōiunguntur, quæque in anum, nares, exter-  
 nāsque omnes partes delinunt. Adhæc prænouisse oportet  
 partium proprietatē, dignitatē, vtilitatē, officiū, & actio-  
 nem, quam singulæ in corpore exercent. Etenim ex proprie-  
 tate quadam ipsarum partium, & occulta natura, nouimus  
 cantharides renes ipsos, & vesicam potissimū afficere. Vnde  
 quum huiusmodi partes laborant, ab illis nōnunquā præsi-  
 dia petimus, quod temere in aliarū morbis faceremus. Prin-  
 cipes partes, vt hepar, ventriculū, cor, cerebrū mitioribus  
 remediis, paulatimque eductis noxiis humoribus exonera-  
 mus: alias autem, quæ nullam in corpore dignitatē obtinēt,  
 vt ossa, carnem, perinde vt affectus postulat, tractamus. Mi-  
 tius præterea cū illis agimus, quas vtilissimas esse cognosci-  
 mus, vel ob actionem, quā adunt, vel quòd in ea exercenda  
 principatum teneāt: quæadmodum læsa voce ob muscoli, &  
 nerui alicuius vulnus maiore diligentia nerui, quàm muscu-  
 li morbum curare studemus: quòd ille suapte natura di-  
 gnior sit, & præcipuam vim in sentiendo, & mouendo par-  
 tibus præbeat. Vesicam, renes, intestina, venas, & arterias,  
 magna adhibita cura sanamus ob publicū officium, quod in  
 corpore exercent. Quibus quidē præcognitis ex anatome,  
 alijsq; rationibus (neque enim hoc loco illorum cognitio-  
 nem docere instituimus) rerum omnium, quæ corpus nostrū ali-  
 quo modo afficere possunt, genera, differētiæ, natura, vīsq;  
 omnis perdiscenda est: quippe quum ob horum discrimen  
 (vt proposuimus) medici officia, & actiones differāt. Igitur  
 intelligere oportet imprimis quid ad humani corporis  
 vsum accommodari possit, quid itē illud seruare, quid immu-  
 tare, quid præseruare, mitigare, curare, restaurareq; valeat.  
 Quid item simplex sit, quid verò compositum, quid vehe-  
 menter facilē, aut difficilē, quid intus, quid foris, aut vtrin-  
 que vim suam exerceat: quænam vniuersum corpus, & quæ  
 vnā duntaxat, aut plures partes afficere queant. Adhæc quid  
 per se, quid per accidens agat, quid paulatim, quid subitò,  
 æqualiter, vel inæqualiter, cū dolore, vel voluptate aliquid  
 præstet & denique propriam, & ascititiam eorum, quæ in  
 hominis vsum veniunt tanquam ungues, & digitos (vt aiūt)  
 teneat oportet medicus. Sic enim quid cuique conueniat,  
 facilē reperiet, & singula singulis accommodabit.

P E R

*Per qua fiat conseruatio.*

## CAP. IIIL.

**P**OSITIS omnibus medici officiis, propriâq; singulorû natura explicata, ac etiam eo ostêso quo ille opus habet, vt in vnoquoque munere se optimè gerere possit: illud hoc loco sequitur explicandum, qua materia in singulis officiis exercendis vti debeat, idque eo præsertim à nobis pertractandum est, quòd varia de hac re apud Galenum legantur, quæ lectorem faciliè confunderent, nisi paulo diligentius explicarentur. Nam (vt à conseruatione exordiamur) quum inter corpora quædam planè temperata sint, & in omni mediocritate, quantum humana cõditio patitur, cõstituta: quædam vero sana quidem & ipsa, sed à summa ea mediocritate plus vel minus recedentia, illa victu temperato, & omnino similibus conseruari omnes concedunt: quum alioqui à dissimilibus mutantur, & in deterius (nimirû iam assequuta quod est optimum) labantur: eos verò corporis status, qui à mediocritate illa exactissima recesserunt, similibus intendi, dissimilibus autem cõseruari quibusdam videtur: alij vero conseruationē semper per similia fieri arbitrâtur, vtriq; certè Galeni autoritate (qui nunc vnû, nunc aliud statuit) confusi. Etenim in arte medicinali omnes intēperies victus qualitate, & gradu simili, & equali cõseruari scribit: id quod etiam octauo Methodi, & passim alibi confirmat: atque id quidem meritò. Nam quod simile est, vim mutandi non habet, quippe quum à contrario, & dissimili omnis contingat mutatio: quemadmodû etiâ Aristoteles in Physicis tradidit. Præterea idem in omni ferè genere rerû contingere videmus. Siquidē calidiora animalia in locis calidioribus, vt leones in Aphrica, frigidiora in frigidioribus: sicut pisces in aqua optimè degunt, & cõseruantur: in cõtrariis autem, aut penitus extinguuntur, aut certè plurimum à natura propria desciscunt. Quæ autem conseruationem per contraria fieri ostendunt, hæc sunt. Primo quòd Galenus scribat libro primo de Alimentis intemperies seruandas esse per contraria: deinde quòd libro sexto de Tuenda valetudine præcipiat: idem author in calida, & frigida temperie semper vti-

dum esse contrariis, siue illa seruare, siue mutare velimus, propterea quòd à similibus (inquit) in morbum facillimè labuntur huiusmodi temperies. Quinetiam similia similibus offendi scribit cū in Arte medicinali, tum in Aphorismis, quum ait calidam temperiē æstate male habere, hyeme bene degere: frigidam verò contra æstate bene, hyeme male affici. Adit & senes calidis, & humidis uti debere, qui tamē frigidi sunt, & sicci. Videtur præterea ratio huic rei suffragari. Qui enim calidus est fortè ut vnum, si utatur victu pariter calido, putatur fieri calidus, ut duo: Vnus enim gradus ad additionem alterius multiplicatur. Hæc & similia argumēta tanta momenti apud Neotericos habita sunt, ut in errores inextricabiles illi inciderint, ut locos istos (ut videtur) discrepantes inter se conciliare possent: quid verò illi senserint, liceat vniciq; videre. Neque enim sophismata hic tractare, sed quid rei natura postulet, & quo modo interim Galeni loci sint intelligēdi, breuiter aperire volumus. Ac illud imprimis docendum est, quonam modo conseruatio à similibus fieri intelligatur. Neq; enim id in omnibus intelligendum est, quasi corpus à similibus nullo modo afficiatur. Nā etsi in his, quæ actu similia sunt, verum id est: in his tamen, quæ facultate potētiā quæ similia existunt, dum actio fit, corpus mutatur: veluti dum cibus concoquitur, ex reactione calorem corporis remitti necesse est: Adhæc quū exercetur corpus, calidius redditur, quod temperatum est, cuius rei indicium est respiratio, quæ per huiusmodi, vel moderatas excitationes in magnitudinem mutatur, celeritatē, & frequentiam, quæ quidem caloris autionem sequuntur: Sic profectò, qui humidiore est temperamento, quum cibum appetit, & potum, sicciior quo iam modo est redditus, cibi q; humidioribus assumptis, qualis illius natura ponitur, humidior fieri videtur. Huiusmodi enim cibo squalidior corporis tēperies irrigatur, humidiorq; euadit, quàm antea esset, dum appeteret, mediā quæ laboraret: proinde videretur non à similibus hoc modo conseruari, sed potius mutari corpus. Ita ergo intelligendū est, quod dicitur similia similibus vsu conseruari, non quòd aliqua mutatio non fiat, dum id, quod est potentia, actu simile euadit, sed quòd perfecta ea actione, & eo remoto, quod rei adhibitionem statim necessario sequitur, propria scilicet rei vi spectata id contingat, quòd si interim

interim dum actio sit corpori mutatio aliqua cōtingit (nam alioqui corrigi nequirēt vitia, si modo correctio motus quidam est, qui ex contrario in contrariū abit) adeo tamen illa exigua est, quæ inter hoc modo similia reperitur actio, vt nullā mutationē euidentē recipere corpus videatur. Vt enim vniuersa medicina corrigit, mutatq; corporis statum, illius tamen quædā pars conseruatix statuitur, quæ scilicet tam parua vitia in melius mutat, vt sensum lateat, an seruet omnino in eodem statu nihil addendo, vel minuendo, an mutationē aliquā interim moliatur. Sic sanè cōseruantia similia intelligere oportet, quòd ea, quæ inter illa est dissimilitudo, insensibilis existat. Addendum præterea est corpus à similibus seruari, quantū illius conditio patitur: Nam perpetuo corpus exsiccatut ætatis cursu, etsi interim perpetuò humidis vtamur: non quòd desit apta materia, quæ id restituat, quod dissoluitur, quando iisdē nutritur, quibus constamus: nec quòd minus familiaris sit, quæ ex carne, & alio probò nutrimento reponitur substantia, quàm quæ est dissoluta, sed quòd tantū adiciere, quantū absumitur, nequeamus: idque non præter rationem, si modo caloris natui vis, qui dissipationis restaurationisque est author, perpetuò humorem absumit, concoquere verò cōtinuò nequit, sed hæc aliquādo suo loco cōmodius demonstrabuntur, in eo scilicet opere, quod de nutriendi ratione, Deo fauente aliquādo ædemus. Itaque si his modis cōseruationem fieri intelligamus, illud quoque inueniemus in omni genere causarum conseruatio nem per similia perfici: In his enim, quæ alterant corpora, nullāque interim substantiam illi adiiciunt, certissimum id est. Nam si actu illa similia sunt, quū nulla actio inter huiusmodi contingat, necesse profectò est in eodem statu corpus consistere. Quòd si etiā cōcedamus vtriusque qualitates coniungi, quæ scilicet nostri sunt corporis, & alterius, quod admouetur, nihilominus intensio, aut remissio qualitatum nulla sit, non magis quàm si æquæ alba inter se misceantur, ex quibus quod resultat, non magis album est, quàm sit alterutrum: Eadem (vt arbitror) est in his ratio, quæ potentia & vi talia existunt: ad actum enim perducta, similia illis eundem, quæ suapte natura huiusmodi reperiuntur. Cæterum in his, quæ substantiā aliquam corpori addunt, veluti in nutrimento, idē contingere puto, etsi id omnibus persuaderi

nequit: putatur etenim ab imperitis biliosus cibus calidius reddere corpus biliosum, eo quod huiusmodi cibi usu bilis augeatur, ad cuius incrementum sequitur humorum frigidorum diminutio, & corporis ad calidius mutatio. Verum non ita res habet: quippe quum biliosus cibus bilioso humori non addatur, sed solum restituat humorem & substantiam, quæ ab eo corpore est dissoluta, nec planè bilis est quod additur, sed biliosum, eiusdemque qualitatis cum reliquo humore, qui in corpore continetur: Satiùsque est hoc modo ex rei natura intelligere conseruationem fieri per similia, quàm eos se qui, qui similia intelligunt, non qualitatibus, sed effectibus, quæ de quidem id omnino ridiculū est, atque ipsi Galeno planè aduersatur, qui scribit calidum à calido, eoque ipso æquali in gradu seruari & foueri, & absurdū putaret, si quis intelligeret frigidum calidis esse similia, quod illa horum naturam mutuo tuerentur, nimirum quum similitudo in ipsis qualitatibus non eam affectu ab eo quæritur, & omnibus philosophis ponatur. Itaque ex his patere puto tum ciborum potuum, exercitatione, somno, vigilia, & denique aliis omnibus similibus corpora conseruari, atque adeo eam, quæ habet reperiē, & struētiā retinere: Nam quæ contra adferuntur, ex conseruationis duplici significatione, & usurpatione, cuius Galenus in Arte medicinali meminit, facile diluuntur: seruari enim eos dicit (quod etiam antea ostēdimus) qui sani sunt, in eodem denique statu retinētur, vel etiam qui in melius mutantur: proinde quum senes calido, & humido victu, calidos frigido, & denique omnes intemperaturas contrariis tuendas esse dicit, conseruationem sumit, qua ad melius sanum corpus reducitur. At quum per similia conseruationem fieri meminit, de ea intelligendus est, quæ id duntaxat, quod est deperditum, corpori restituere, nec præterea melius aliquid illi comparare studemus. Nec obstat quod calidum & frigidum contrariis semper egere scribat, siue seruare in eodem statu, siue in melius mutare huiusmodi temperiem laboremus: Par etenim est in his qualitatibus, ut in aliis ratio: siquidem calidum calido, & frigidum frigido in suo statu seruatur: sed quoniam rerum quantitatem, quæ in usum nostrum veniunt, exacte metiri nequimus, si paululum excesserimus, præsertim in qualitatibus maximè actiuis, morbi causa facile fit huiusmodi excessus. Vnde præcipit eo loco, non tamen quod natura

ra rei vult, quàm quod vsu tutius est, maximè quòd scribat se in eo opere præcepta tradere velle non solum medicis, sed etiã aliis omnibus, qui conseruandæ sanitatis artem aliquam quærent. Porro similia similibus offendi, iuuari autè cõtrariis, excepta temperata natura, cui similia semper conferunt, ita intelligendum est: vt similia similibus nec lædantur, nec iuuentur, si modo pari mēsurā similia similibus adhibētur: & iuuari in hoc casu idem est, quod melius aliquid comparari. Si autem excedat, quod similis est qualitatis, si corpus, cui adnouetur est quod excedit, iuuatur: quippe quod vehementius calidum est minus calido temperatur. Si verò id, quod admouetur exuperat, corpus nostrū læditur, de quo quidem Galenus intelligit, quum scribit similia similibus offendi, iuuari autem contrariorū vsu. Quamobrē quum præcipit ille pueris, humidisq; corporibus humectantia semper adhibenda, non id facit, quòd putet exsiccantibus huiusmodi corpora ad meliorem temperiem non reuocari, si præsentē illorum statum spectemus: (Siquidē superflua humiditas siccantium vsu laudabilem mediocritatem assequitur: ) Sed quoniā humor naturæ amicus ad incrementum, vitæque longitudinē facit, quæ vel nobis inuitis, ætatis progressu, perēni actione natiui caloris dissoluitur, dissolutioni autem ( quantum fieri potest ) humidiorū vsu repugnandū est. At contra senibus calida, & humida exhibet, quoniā eò peruenerunt, vt non solum tutela proprii status, sed etiã mutatione in meliorem ( quātum nobis procurare licet ) opus habeant: quandoquidem excessu frigidi, & sicci morbos facillimè contrahunt, mortēque accelerat: humidis verò & calidis bene valent, vitæque cursum tardant.

*Quæ & quando conseruari debeant corpora.*

C A P.

V.



QVONIAM verò obiter attigimus quasdam temperaturas in eodem statu perpetuò conseruandas esse, alias verò contrariorū vsu in melius mutandas: operæpretium fuerit paulò diligentius hoc loco de hac re agere, & expendere, quænam corpora planè conseruare, quæ vero mutare, & quando oporteat. Quæ in re Galenus passim scribit temperatos temperatis semper egere, imtemperatos verò similia postul

postulare, si quidem eos seruare velimus, dissimilia autem, si ad meliorem conditionē eos reuocare studeamus. At ego puto aliter esse sentiendum, humidam scilicet temperiem humidis semper egere, nec vnquam mutationem requirere: mutandam autem esse temperatī etiam ipsam in eam, quæ humida est. Si enim hanc temperiem in libro de Sanitate tuenda, quantum fieri potest ille seruari iubet, & pueros quoque minimo humore abundare fatetur, nec tamen eos exsiccari patitur, sed omni ratione alendum esse fouēdūque eorum humorem censet, ea sola similia requireret. Nam et si ea, quæ mediocris est temperies, suapte natura optima censetur, quoniam tamen iam mediocritatem est assequuta, nec potest diu in ea consistere, propterea quod caloris vi humiditas continuò absumitur, eo temperata deterior est quàm humida, quòd citius exsiccatur, & ad vitæ finem properat: quæ autem humida est, et si deteriores actiones nonnullas, quàm quæ temperatior ponitur, ab initio edit, progressu tamen temporis mediocritatem quoque assequitur, diutiùsque in ea perseverat, tardiùsque vitæ cursum peragit, ac (vt vno verbo dicam) omnibus aliis præstantior euadit. Quibus profectò sit omnium optimam censendam esse temperiem, quæ humida est, eamque solam seruandam, alias autem omnes, quæ secundum naturam sunt, ad eam reducendas. Si quidem eas & conseruare, & interim ad id, quod optimum est, redigere studemus. At eam, quæ præter naturam est, ad naturalem, & vnicuique propriam primò referre nitimur, nimirum quòd laborante corpore, id solum procurandum sit, vt illi propriam sanitatem, & nihil melius comparare queramus, quanquam tamen nihil prohibere video, quo minus tunc temporis contendamus assequi quod est optimum, id quod postea fieri posse demonstrabimus. Nunc verò ex prædictis illud intelligere licet, quarum scilicet inter naturales temperies maximè sint perinuantandæ. Sunt enim illæ, quæ vel vitæ finem accelerant, vel nimio excessu frequentes grauiorēque morbos pariunt. Ac in eo quidem genere sicca, & frigida primum locum habet, secundum sicca, tertium frigida sibi vindicat. In quarto loco ponenda est calida, & sicca: Deinde calida, postea frigida, & humida, sequitur hanc temperata, postremò calida, & humida. Nam & hanc fortè etiam magis quàm ipsam temperatam

ratam seruandam esse credemus, si modo vita calore & humore constat, sequitur humida quæ (vt ostendimus) seruanda est, & minimè permutada. Quòd si ita res habet, quæ illi contrariæ sunt, frigida, inquam, & sicca, imprimis permutanda fuerit, tanquam naturæ, & vitæ maximè aduersa: secundum verò locum sicca damus potius, quàm frigida, quòd siccitas natiua immedicabilis sit, & ablato humido pabulo, quo natiuus calor gaudet, frigiditatem etiam sibi adsciscat, hæc verò ætatis cursu melior aliquando euadat, siquidem vigente ætate in omni corpore calor mediocritatē excedit augeturque. In tertio loco frigidam collocauimus potius quàm calidam, aut calidam & siccam: quoniam etsi minus humoris frigida, quàm calida absument, tamē minus quoque reponere potest. Quippe quum non nisi per coctionem, & attractionem nutrimenti, quarum functionum calor, & non frigus author est, dissoluta à corpore substantia, restituatur, reponaturque. Calidam verò & siccam præcedere debere alias sequentes constat, quòd suapte natura calor siccitatē pariat: idque eo promptius, si eam iam annexam habeat. Quamobrem etsi frigida, & humida ad coctiones fortè ineptior est, tamen quoniā in hoc corporis statu humor natiuus exuperat, nec est, quòd eum vehementius dissoluat, minima quæque, restauratio sufficere potest, & minus ob id in hoc, quàm alio mutatione est opus. Sequitur deinde calida, cum qua mediocris est siccitas, & humiditas: hæc enim mutatione eget, quoniā satis copiosum humorem non habet: post quam meritò temperatā posuimus, propterea quòd non est quòd tantum dissipet, etsi par est in temperato corpore quantum requiritur ad vitæ longitudinem naturalē: que functiones probè obeūdas, ob id eam pariter mutatione egere censemus, cōparandūmq; adhuc illi esse copiosiorē humorē natiuum, quo quæ abundat corporis conditio, perpetuò in eo statu, quantū ars nostra assequi potest, & humana conditio patitur, retinenda, seruandaque est. At inter temperatā, & humidam ex his, quæ mutatione egent, calidam, & humidam postremo loco collocauimus: quia in hac adest copiosus humor, qui in tēperata mediocris est. Quòd si calor etiam vincit, qui humorē absumere potest, habet tamen maiore quoque quàm temperata natura vim ex felici coctione, quæ calore, & humore gaudet eundē restituēdi & repon



reponendi. Quare non solū humida temperies, sed etiā illa in qua calor pariter abūdat, in hoc casu melior censenda est, quā ipsa temperata: Quod etiam putarunt antiquissimi medici, vt ex primo libro Galeni de Temperamentis videre licet, qui eam, quæ optima esset in humano corpore temperies calidam, & humidam & quæ huiusmodi foret, optimam esse censuerunt. Iam verò in eo secundo genere, quod mutationē requirere proposuimus, inter omnes reprimenda est calida, & humidam, quippe quum huiusmodi status putredini maximè sit obnoxius, vbi abundè huiusmodi qualitates pariter exceßerint: est enim huiusmodi natura admodum morbosa, nec leuioribus quidem, sed grauissimis passionibus subiecta. Secundum locum sibi vendicat humida cum calore coniuncta. Nam pari ratione vbi humor à calore non vincitur, morbosum oportet esse corpus. Sequitur deinde calida: si quidem exuperante calore via patet acutissimis morbis, qui cum febre coniunguntur. Post hanc succedit frigida minus quidem quā calida efficax: & inter simplices postrema sicca: Quum enim tardissimū motum hæc habeat, inducias longas præbet, vt commodo tempore correctionem tentemus, quum alia, quæ periculosiores sunt, etiam emendationem postulent. Ex simplicibus verò, & ex his, quæ superius sunt tradita, licebit intelligere quo ordine collocari debeant, quæ compositæ sunt. Nam post calidam, & humidam, quæ calida est, & sicca, deinde frigida, & humida, postremo frigida, & sicca promptam mutationem postulabunt. At quæ præter naturam sunt, subito omnino quantum illorum natura exigit, & res permittit, corrigenda: quum alioqui mora crescant, difficiliorēque curā reddant. Quæ vero secundum naturam est, per morbos, & vitæ occupationes permutari nō debet inquit Galenus in Methodo medendi, quum studeamus, dum laborat corpus, pristinā sanitatem comparare, nec illud aliā præterea mutationem, qua meliorem cōditionem assequatur, admittat. Quoniam præterea subitas mutationes, vehementēsque natura non sustinet, liberam ab omnibus negotiis vitam esse oportet, tum ne aliis occupationibus corpus debilitetur, tum etiam, vt continuò, paulatimque mutationem prosequi valeat: inter quæ nonnulla rectè, alia verò fortè superstitiosè dicta existimo. Nam quòd vrgentibus morbis nihil aliud querendum

rendum sit, quàm ut propriam valetudinem recuperemus, rectè id quidem sit dictum, quando multa prestare nequit quod ægrotat corpus ex his, quæ ad bonum habitum comparandum sunt necessaria, veluti sunt exercitationes, somni, & vigilæ opportunæ, & si quæ alia sunt huiusmodi: tamen nihil obest interim, ut corpus suapte natura calidius, dum calido morbo tenetur, frigidiorè victu utatur, quo nõ solum morbum propellere, sed etiam meliorem temperiẽ, quàm quæ sibi propria est, comparare valeat. Verum illud quid obstat quo minus per vitæ occupationes mutationem proprii status aggrediamur? Nam quum causæ, quæ vitia secundum naturam emendant, ex conseruantium sint genere, exiguâque ob id, & minimè molestas alterationes mouliantur, nihil obesse potest, si per occupationes huiusmodi mutationes tentauerimus. Nam quid quæso oberit bilioso homini, dum negotiis incumbit, si humidis, frigidisque cibis utatur? Quid sicco si humectantibus: si modo contrariorum usu iuuatur intemperatum corpus: similibus verò eo authore, vel offenditur, vel nullo pacto melius aliquid acquirit? Commodius ergo per otium vitia omnia emendantur. Sed si interim per negotia aliquid facias, non lædes, sed plurimum iuuabis, prohibebisque sæpius ne morbi nascantur, quos similiam usus concitat. An non etiam illud à ratione alienum videtur, quod scribit libro sexto de Tuenda valetudine: non esse scilicet mutandam in aliqua natura consuetudinem, nisi quum iam longo tempore ea malis laborauit. Nonne satius esset ante quàm morbi, vitiâque corporis in habitum transeant, eorum vim frangere, & corpori languenti prospicere? Hæc & similia de vnaquaque re nulla adhibita ratione, aut admodum infirma præcepta sæpe tradit Galenus noster, quæ qui sectis sunt addisti omnia tanquam optima statim recipiunt. Ac nescio profectò, quur tantopere Hippocrates etiam vereatur consuetudinis mutationem, quum in multis rebus ea iucundissima sit, & sine vlllo periculo tentetur: quod vel ipsi morbi docet, per quos omnia statim deferimus, quibus per sanitatem assueuimus: quod quidem tanto maiore periculo quàm per sanitatem faceremus, si tam noxia esset, & periculosa huiusmodi mutatio, quanto sanè tunc infirmiores, & ad omnia mala sustinenda ineptiores sumus.

Correct

*Per qua fiat curatio, praeservatio, & mitigatio.*

CAP. VI.



**C**ORRECTIONEM omnē, omnēque mutationē per cōtraria fieri, et si ea, quæ conseruant corporis statum, exiguā habent repugnantia, antea ostendimus. Qua ratione similia tum qualitatibus tum gradu esse dicuntur, quæ minima scilicet accepta mutatione huiusmodi euadūt: Ad hæc quænam conseruāda in suo statu sint, quæue mutāda, quo præterea modo capere oporteat similia similibus seruari, & quid tanquā optimū in mutatione quærere debeamus, quo itē tempore in singulis ea mutatio sit tentanda abundē demonstratum puto. Nunc verō quam materia vtantur alia officia explicandum esse duco. Ac profectō hæc omnia contraria vtuntur, quemadmodum etiam optime Galenus vndecimo Methodi probare nititur, morbos scilicet illorum causas pariter & symptomata contrariorum vsu tolli, & abigi, idque meritō. Nam vt omnis motus, omnisque actio ex contrario in contrarium abit: sic sanē quæ præter naturam in nobis sunt contrariis tolluntur. Sic enim frigidum morbum calido remedio, & hunc frigidus curari videmus. Quod si quis quærat, quo nam modo vehemens causarum morborum motus nonnunquam morbos soluat: Veluti quum extasis meliorem maniam (vt Gal. prodidit) discutit, & vehementia symptomata bonas crises moliuntur, hæc etiam contrarietate fieri inueniet. Vehementia namque symptomata, & causarum ipsorum morborum excedens vis naturam cogunt, vt id, quod repletionem offendeat, extrudat, aut alteratione vincat, quod alienam qualitatem obtinebat. Repletio autem vacuationi, & qualitas, quæ prius in humore erat, ei quæ naturæ beneficio parata est, contraria putatur. Porro contrariorum nomine opposita intelligere oportet, nec non cōtraria sumimus, non solum quæ qualitatibus inter se pugnant, sed etiam tota substantia sibi mutuō aduersantur. Nam hoc modo morbi, qui ex venenis nascuntur, per antidota propelluntur. Cæterum vt morbi, sic illorum causæ contrariis tolluntur: Quæ enim densando morbum intulit causa, rarefacientibus remouetur, quæ replendo per vacuantia, quæ calefaciendo refrigerantibus.

rantibus. Quinetiam ipsa symptomata contrariis mitigantur. Vigilia siquidem somno tollitur: Sitis illis, quæ eam extingunt: dolor his, quæ eū auferunt, mulcet, & denique contrariorum contraria sunt remedia, & tum curatio, tum mitigatio præseruatiōque vsu contrariorum exercetur: Præferim si præsentibus morbis ablatione earum causarum, quæ aliquid efficere valent, præseruationi incumbamus: nā si morbi adhuc absunt, vt præter naturam planè non habet corpus, nec tamè omnino secundū naturam, sic profectò materiam requirit eiusmodi opus ex simili & contraria qualitate mixtam. Nec verò illud mouere nos debet, quòd laborante corpore cibo, & potu, quæ similia corpori censentur, vt remediis illi contrariis vtamur: quandoquidem duplex est scopus medici laborante corpore, vnus vt ea, quæ præter naturam in illo reperiuntur, abigamus idoneis adhibitis præfidiis: alter vt id, quod est secundū naturam commodo victu conseruemus. Fit præterea, vt similia remedia similiū esse videantur: Veluti quū dolorem sedamus auxiliis, quæ dolorē inferunt: tūc enim dolor dolore pelli videtur: at id per accidens: siquidem dolor doloris medicina nō est, sed accidit, vt ea quæ dolorificis dispositionibus medentur, veluti quum morbū coxendicis adustione curamus dolorē quoq; pariāt.

*Per qua fiat restauratio conualescentium, & senum.*

## CAP. VII.



**G**ALE NVS in Arte medicinali bono & copioso victu conualescentes, senes verò humido & calido reficiendos esse iubet, propterea (inquit) quòd exhausta sunt illorum corpora refrigerata pariter, & exsiccata. Quo patet per contraria, illius opinione, horum restorationem fieri, quum antea etiam docuisset conseruationem presentis status, reductionem verò ad id, quod melius est, vsu contrariorum obiri. Nam si exhausta sunt illorum corpora, & replere studet: si exsiccata, refrigeratāque, & ea calefacere, atque humectare vult, constat profectò cōtraria in eo statu ab hoc auctore adhiberi. Quòd si ita res habet ij eandem tractationem requirent quam exigunt, qui præter naturā omni-

no sunt affecti, atque ita frustra medicinae partem, quæ his data est corporibus, mediam inter conseruatricem, & curatricem in libro ad Thrasymbulum statueret, frustra etiam in Arte medicinali horum tractationem ab illis seiungeret. Verum res aliter habet: dum enim nutrimento, & commodo victu illorum vitia corrigit, quid habeant commune cum sanis, & quid restauratio cum ipsa conseruatione docet. Victus siquidem conseruatio sanorum fit, remediis verò morbi propulsantur. At quum in nutrimento, & reliquo victu calefacientes humectantesque qualitates requirit, ostendit, quid commune habeat hæc pars cum curatrice, quæ contrariis vtitur. Egent ergo conualescentes, & senes bono nutrimento, quod bonum sanguinem, qualis illorum est, qui conseruari debet, procreet: Copiosius tamen alimentum calidiusque, & humidius postulant, ut id, quod præter naturam in illis apparet, nempe humorum defectus, collapsaque corporis moles, & frigidior, sicciorque sensus temperies: conulescentium verò ea, quæ ex morbo relicta est, contrariorum usu recedat.

*A quibus exercentur hæc officia.*

CAP. VIII.



VID per contraria, quid per similia, quid verò partim per similia, partim per contraria fiat, antea à nobis ostensum est: à quibus verò conseruatio, curatio, & cæteræ actiones proficiantur, siue quæ, quorūque sint, quæ similia, & contraria adhibent tanquam motus authores: & præterea quæ inter agentia primum locum obtineant, nunc docere operæpretium esse duco. Agunt itaque ut plurimum medicus, & natura: quandoquidem morbos ab his curari sanitatemque tueri, & demum quicquid in corpore nostro fit, ab illis prouenire omnes concedimus. At nonnunquam quædam fortuna contingunt, quorum nec natura, nec ars authores putari debent: Sic enim quosdam, qui aqua inter cutem laborabant, accepto vulnere in abdomine, liberari contingit, & alios, qui suppuratum tumorem habebant, cecidisse, & ob vehementem concussionem, rupta vomica, casu liberatos vidimus. Hæc ergo officia prædicta exercent natura, ars, & fortuna, sed hæc prætermittitur, quæ præceptis non sub-

ficitur

dicatur, paucis expendendum est, in quibus nam solius naturæ, vel artis, aut vtriusque simul officium requiratur. Quæ in re scribit Galenus primo de Locis affectis leues morbos solius naturæ beneficio curari, & meritò quidem. Vbi enim ea sola sufficere potest, frustra ab arte præsidia petuntur, siquidem familiariora sunt naturæ auxilia, quàm quæ ars addit. Est tamen, vbi levis infestat morbus, cui ars medelam adhibet, nequeunte natura aliquid conferre ad illius ablationem: Veluti quum acrochordones, aut alio modo excedentes partes, quæ leues morbos committunt, abscindimus. Itaque illud intelligendum est paruos affectus naturæ opera emendari, qui scilicet illius officio subiiciuntur, quales sunt potissimùm, qui in alteratione, expulsionem, & additione alicuius substantiæ consistunt. Hos enim natura absque artis auxilio corrigere potest. Quædam verò solus medicus curat, nihil conferente natura, quorum scilicet vitia ars sola emendare potest, cuius quidem generis sunt luxationes, parrium superfluarum sectiones, & eorum, quæ toto genere aliena sunt, vt lapidum à vesica extractiones, diuisarum partium vniones, quæ adhibitis futuris, & vinculis peraguntur, & cætera huiusmodi quæ sola ars præstare valet: alia verò sunt, aduersus quæ natura & ars coniuncta opera pugnant: quales sunt, qui suapte natura vtriusque officii requirunt: Veluti vlcera caua, quæ tū abstersione, quæ ars præstat, tū carnis generatione, quod naturæ opus est, indigēt. Alia verò sunt mala, quæ et si naturæ officio subiiciuntur, ob vehementiā tamē ab arte quoque auxilia petere coguntur. Sic enim putrescentes humores, aut admodū frigidos, aut vehemēter calidos à natura adiuta, ex propriis unicuique humori, & cōcoquentibus remediis foeliciter elaborat, & vincit. Quinetiā in præseruatione: quædam sunt solius medici, quædam verò naturæ, alia verò vtriusque opera. Nam vbi vrget magna humorū copia, quæ parata est morbos graues excitare, ex sola arte quærenda sunt auxilia, quæ confestim multitudinem exhauriant, quod natura non nisi paulatim præstare valet, hæc verò minorem humorū multitudinem sola vincere potest. At fluxionum occasiones medicus reuulsione, vacuatione: natura autem retentione, concoctione, & expulsionem pari negotio rescindunt. Necnon ex symptomatis quædam medicus mitigat, veluti dolorem ex pūctura nervi excitatū, quod nequit

natura facere, quædam hæc ipsa videtur efficere, vt quū dolentem ob refrigerationem partem, affluxu spirituum & sanguine mitigat, ac in nonnullis somnum animali conciliat, quo tempore dolor nullus percipitur. Quòd si sola id nequit ipsa facere, caloris natiui interno naturalique motu, addit medicina soporifera remedia, quæ sensum stupefaciant, viasque calori occludant, vnde sopor oboritur. Postremò in conseruatione quædam sunt opera solius naturæ sicut attractio, retentio, & concoctio alimenti, quo corpus conseruatur, & reficitur: quædam solius sunt medici, quales sunt frictiones, quas corpori ad illius tutelam adhibemus. Sunt & quæ ab utroque prodeunt, vt quū genus exercitationis aptū ad sanitatem tuendam medicus eligit. Natura autem motio num est author. Quamobrem quod scribit Galenus libro sexto de Morbis vulgaribus primas partes in curatione, reliquisque officiis naturam obtinere: secundas medicinam, quæ remediorum vsum docet: tertium locum medicum arti seruientem: quartum alias artes, instrumenta, & materiam medico præparantes: vltimum vero artifices arte videntes, instrumentaque ipsa suppeditantes. De aliis id certissimum est: de natura verò, & medico nisi in vniuersum, & vt in pluribus principatum naturæ tribuamus, verum haud quaquā dicemus: Quandoquidem (vt postea ostendemus) eo etiam authore medicus nonnūquam sibi primas vendicat. Ex quibus: quidem intelligi illud potest quid à natura, quidue à medico expectandum, exigendūque sit. Nam qui prænouerit quales, quòtque sint naturæ vires, & quantum singulæ præstare valeant: & quæ habeat vniuersa medicina præsidia, intelliget profectò quid naturæ solius, vel artis officium, aut vtriusque operam simul desideret.

*De scopis, siue intentionibus agendi.*

CAP. IX.

**N**UNC illud sequitur explicandum, quenam, & quot in singulo officio medicus spectare debeat, quos scopos agendi vocare placet, quòd hæc veluti scopos quosdam nobis proponamus, in quos actiones nostras dirigamus. Quæ res profectò vtilissimam huius libri partem complectitur. Nam quid alioqui prodesset intellexisse, quæ & quot sint medici

medici officia, per quæ, & à quibus illa exerceantur, nisi postea intelligatur, quid in vnoquoque officio sit obseruandū? hinc sane videmus sanitatem, quæ conseruari debet in morbos sæpe mutari, & morbos ipsos leues suapte natura grauissimos reddi, ac nonnunquam pro salute mortem ægris à medico comparari, dum non agit, aut si aliquid in corpore molitur, non his remediis, quibus oportet, aut intempestiuè opus aggreditur, aut deniq; in aliquo errat, quod in agendo maxime spectandum est. Hinc etiam intelligimus quorū vnumquodque referatur eorum, quæ à nobis hominum causa exercentur, & quando demum actionum nostrarum finem consequuti sumus. Quum enim cognouimus omnes scopos necessarios in actionibus obseruatos, putamus pariter nos officio nostro functos: ac si quid prætermisissimum aliquis calumnietur, non ignorata huius rei ratione, illud tanquam superfluum à nobis reiectum, vel in posito numero comprehensum asserimus. Quod qui ignorat cæcorum more ducitur, qui quorū tendant, dum per vias ignotas discurrunt, nesciunt. Quod si quis authorum testimonia in hac re per se apertissima requirat, Galenum legat, qui passim scopos tractandarum rerum alibi inuestigat, tum maxime primo ad Glauconem, vbi tradit omnem medendi methodum qualitate, quantitate, modo, & tempore remedium constare: quod nihil aliud est, quàm methodum medendi sibi hæc quatuor proponere, tanquam scopos, quos perpetuò assequi studet. Itaque si id vtilissimum censeretur debet, quo medendi methodus, atque adeo sanitatis tuendæ ratio constat, nihil vtilius existimabimus hac tractatione, quæ pollicetur se ostensuram, quæ, & quot sint, quibus ea ratio & methodus constare potest. Sic Aristoteles ipse in Ethicis philosophi moralis institutionem non aliter quàm scopis quibusdam complectitur. Ac tanto quidē diligentius huic rei à nobis incumbendū est, quanto negligentius à maioribus nostris hæc tradita sunt, & in scholis à sophistis negliguntur, nam (vt recentiores Græcos omittam, qui ne verbū quidem de his scriptum reliquerunt, sine quibus tamen alia rectè docere nequeunt) quantum variet in numero horum scoporum Galenus, facile vnicuique licet videre: siquidem in Arte medicinali salubres omnes causas duobus scopis contineri scribit, earum scilicet qualitate, & quantitate, eūmq; opti-



mum sanitatis custodem, & morborum profligatorem fore  
 refert, qui materiae medicae qualitatem, & quantitatem obser-  
 uauerit. Totidē sed ab his diuerfos, nempe materiae copiam,  
 & congruum illius usum septimo Methodi statuit, quā ait  
 medendi methodum reme liorū copia. & idoneo usu con-  
 stare: Libro verò de Sanitate tuenda eum sanitatis optimū  
 custodem futurum refert, qui victus salubris vim, illiusque  
 usum, qui opportuno tempore, & modo constat, inuenierit.  
 In eo vero opere in quo quærit, An ars tuendæ sanitatis ad  
 medicum pertineat, quāritatem, qualitatem, & occasionem  
 in materia medica dignoscendam esse putat. At primo ad  
 Glauconem, vt antea diximus, medendi rationem auxiliorū  
 qualitate, quantitate, vtendi modo, & tēpore cōparari aper-  
 tē cōmemorat. Addit tres alios scopos decimo tertio Me-  
 thodi, quos maximē spectare debet medicus, & citò scilicet  
 iocundē, & tutō agat. Ordinem præterea in remediōrū usu  
 tertio, & decimo eiusdem operis libro, & alibi sæpius requi-  
 rit. Quæ profectō an conciliari possint, vel non, nostri non  
 est instituti nunc docere, qui de placitis & aliorum opinio-  
 ne præsertim in re desperata non certamus, sed quid rei na-  
 tura postulet ad antiquorū imitationē tradere instituiamus.  
 In scriptore tamen alicuius artis nihil magis damnandum  
 censo, quā variā de eadem re tractationē, quæ lectorem  
 moratur, & confundit: Quum enim tantam huius rei vtili-  
 tatem esse dicat Galenus, vt vniuersa medendi, tuendæque  
 sanitatis ratio quibusdam scopis contineatur, nonne oport-  
 rebat eum semel alicubi eorū numerum apertē constituere,  
 & aliqua ratione ostēdere nec plures, nec pauciores esse pos-  
 se, & postea perpetuō in eodem numero cōsistere, nec toties  
 eum mutare, quoties de hac re illi est agendum? Tradit sanē  
 Aristoteles in Ethicis scoporū numerū, quatenus ad morālē  
 philosophum pertinet, quum docet quid sit agendum, quan-  
 tum, quo modo, quo tempore, & loco Sed nec certum nume-  
 rum nūcitur ille inuenire: nec planē potest ea tractatio medi-  
 cinæ accommodari: Materia etenim ad agēdum, obeundāque  
 artis munera eget medicus, & in ea quātitatem, qualitatem  
 cæterōsque scopos, non autem in artifice, vt moralis philo-  
 sophus ponit. At si rei naturam consulamus, quæ omnia di-  
 stinguat, & neminem confundi permittit, quidque bene, vel  
 malē ab aliis sit traditum docet, vt in aliis officiis, sic in no-  
 stris

Aris primū scopū constituemus, quo intelligimus an aliquid  
 sit à nobis agendum vel non. Quum enim duo sint, quæ agere  
 possint, (vt paulo antea ostendimus) natura, & medicus, cu-  
 iusnam officium sit agere, imprimis perspiciendū est: hinc  
 fit, vt quum sæpe solius naturæ opus in ægrotis requiratur,  
 imperiti medici grauitèr homines lædant, dum volunt vi-  
 deri se aliquid præstare debere, quod interim bene agentem  
 naturam turbat. Quinetiam quum in desperatis morbis di-  
 ligentius aliquid facere aggrediuntur, præsidiorum autho-  
 ritatem minuunt, quod non facerent, si agnouissent nō cu-  
 rationi, sed prædictioni locum relictū. Atque hoc quidē pos-  
 to scopo, secundus statim emergit, qui quid agendū sit, spe-  
 ctat. Nam quum multa, variæque præstare possit medicus,  
 plurimū refert intelligere quid ab eo fieri debeat, an scili-  
 cet vacuandum, vel refrigerandum, aut aliquid aliud facien-  
 dum: quod qui ignorat, dum vnum pro alio sæpe facere ag-  
 greditur, homines vehemèter lædit. Nam pro salute ægris  
 mortem parabimus, si fortè nutritione, & virium restitutio-  
 ne opus sit: & interim vel sanguinē his demere, aut corpus  
 purgare, vel alio modo vacuare tētemus. Contrà verò si hæc  
 necessaria sunt præsidia, hominē non leuiter offendemus, si  
 eum liberaliore victu replere studeamus. Cæterū quum ad  
 agendum materia sit opus, & instrumentis (siquidem medi-  
 cina victu, & remediis vtitur) tertius scopus statuatur, qui  
 genus materiæ complectitur. Nam temere remedium pro  
 victu vsurpatur, & vbi vacuandū est, nō parum refert vnum  
 pro alio remedium sumere. Quare optimè statuitur hic sco-  
 pus, qui admonet in electione cōmodæ materiæ delectū esse  
 adhibendum. Sed enim quum eadē agentia diuersis qualita-  
 tibus sint prædita, nec parum interfit hac, vel illa qualitate  
 materiæ vti, veluti inter ea, quæ bilem purgant, plurimum  
 refert calida, aut frigida eligere: quart⁹ scopus materiæ qua-  
 litatē spectabit. Quinetiā quum naturalis status in medio-  
 critate quadā positus sit, qui ob id immoderata quantitate  
 vitatur, ponatur quintus scopus, qui illius iustā mensuram  
 præscribat. Nam præsentè sanitate, si excedat conseruantis  
 temperiem qualitatis vis, morbus nascitur, hoc vero vigen-  
 te, si vincunt remedia, maiore quàm opus sit excessu, priore  
 malo sedato, aliud inferunt. Quare iusta mensura in omni  
 materia tenenda est. At quoniam quantitate rerum diuerso

modo vti possumus, nec parum obsunt, quæ confertim exhibentur, si paulatim, & per vices partiri debeant, idè sextus scopus rebus modum constituet. Verum quoniã omnia prædicta inutilia sunt, nisi opportunè fiant, septimus addendus est, qui admoncat tempus ad agendũ opportunũ. Sunt porrò hi scopi omnibus actionibus communes, quibus spectamus an agendum, quid agendum, qua re, quali, quanta, quo modo, & quo tempore adhibere singula conueniat. Peculiares verò alij adduntur, locus scilicet & ordo: ille quidẽ vbi plures sunt loci per quos agere licet, vt in vacationibus multum intereest noxios humores per aluum, aut os, aut cutem, vel secta in aliqua parte vena, aut per aliũ denique locũ vacuare: vel si vnicus est locus, non tamen ille satis patet, vt in remediis alterantibus, quæ foris admouentur internarum partium gratia, siquidẽ omnibus nõ cõstat si affectum est hepar, aut lien, aut renes laborant, vbi applicanda sint præsidia. In his ergo arte opus est, quæ locum idoneum designet. Vbi verò vnicus est locus per quẽ agere possumus, & sensibus patet, vt in nutritione: & vulneribus atque etiam in externarum partium affectibus, nemo de eo sollicitus esse, nec præcepta ex arte nostra postulare debet. Nam ars quæ omnibus sunt nota, non præcipit. Ordo, vbi plura facienda sunt, quæ inter se serie quãdam cohererent, scopum alium facit, quod docemur querendum esse quid primò, quidque deinceps fieri cõueniat. Ac præter hos scopos non esse alios statuendos intelligemus, quũ quid vnoquoque cõtineatur explicauerimus.

*Quid vnoquoque ex prædictis scopis contineatur.*

C A P. X.

**I**AM verò constituto scoporũ numero, & propria singulorũ appellatione, sequitur vt explicemus, quid in vnoquoque illorũ contineri intelligamus. Sunt enim quidam inter eos, qui plura sub se cõplectuntur. Nam quum ars in summis generibus non consistat, necessariũ est scire non solum agendũ esse. & quid agendũ sit in vniuersum: sed etiam ad inferiores actiones descẽdendum. Veluti quòd nõ solum mutandus sit corporis status scire expedit, sed quòd vacuandum

dum sit, & non solum quòd vacuandum, sed quòd bilis, vel alius humor educendus: idque vel à toto corpore, vel parte aliqua, vel leuiter, aut vehementer educendus. Ac quòd alia cum vtilitate tantummodo fiant, alia verò etiam cū facilitate, & leui tollerantia eius, qui refert, obeantur, quid cū vtilitate, quid etiam cum facilitate fieri cōueniat, perspectum esse debet. Quædam præterea, citò, quædam tardè, sunt quæ nō nisi cum dolore, nonnulla tutò, alia sunt, quæ solum cū periculo fieri possunt. Etenim his, qui ex alto loco in terrā sunt delapsi, si nullum est in humore vitii, sanguinē demimus, suadēte ita affectu: Sic vrgente apoplexia crassos, tenacēsq; humores, adhibita purgatione educimus: Vtilis verò, facilisque est vacuatio, quum humores sunt noxij, & ad vacuationem præparati. Dysenteria cum his, quæ dolorē inferūt, curatur, & missio sanguinis cum dolore fit. Citam vacuationem postulant fluxiones, quæ in aliquam partem vehementius irruunt: tardam quartana, quotidianāque febris, calculus ex vesica non nisi cum periculo extrahitur, & tamen huiusmodi actionem postulat. Quamobrem hæ, & huiusmodi aliæ (si quæ sunt diuersæ actiones) notandæ, atque illæ sumendæ, quæ ad finem propositum cōmodiores putantur. Porro tertius scopus, qui genus materiæ cōplectitur, æque multiplex est vt secundus, & vires materiæ notas ponit. Nō enim solū quid vacuet scire oportet, sed etiā quid bilē, aut aliud, & quid cum vtilitate, vel cū facilitate quadā materiā à corpore educat: quid præterea à toto, quid à parte, quid leuiter, vel vehementer, quid citò, iucundè, tutò, & demū quid vnūquodq; præstare in corpore possit, ponendum. At in qualitate materiæ primas, secundas, & alias omnes qualitates siue actu, siue potentia in ea sint, siue natiuæ, vel arte paratæ cōplectimur. Nam plurimū refert medicamenta, quæ assumentur (vt hoc vno exemplo res in aliis etiā intelligatur) calida vel frigida, actu vel potentia, liquida vel solida, crassa vel tenuia, & hac aut alia figura, & qualitate prædita exhibere, siquidem vrgente febre, creduntur magis prodesse, si frigida actu, quàm potentia dentur. Vbi renes, aut vesica laborant, liquidiora medicamenta solidis præferuntur: vbi caput euacuandū est, quæ dura sunt efficta (cuiusmodi sunt catapotia) mollioribus & liquidioribus vtiliora censentur. Iam verò quātitatis nomine, mēsurā, quā vulgus gradū vocat, & mo-

lem, copiamque rei contineri volumus: Etenim remedia usque adeo intendere oportet, donec affectus penitus adimantur, quod est gradus praefidiorum gradibus affectuum aequales facere: molle & copiosius praeterea in remediis requirimus: Veluti crassa cerata, & cataplasmata, quae ad suppurationem adhibentur, tenuiora vero ea à quibus refrigerationem expectamus, efficiemus. Sic ubi potiones, quae vomitum moneant, propinamus, largiores eas aliis, quibus stomachi vitia emendare solemus, esse volumus, ut rei pondere subuertatur ventriculus, atque ita infestantes humores simul reiciat, id quod est molem, & copiam remedium spectare. Cōsulerat modum, qui spectat, an continuò agere debeat, an per vices. Quod si per vices agendum est, quatenus in quot partiri debeat, in duas ne vel tres, aut plures, & praeterea an tantum una, quantum alia, vel plus, aut minus aliquid sit exhibendum: nec illud quidem ignoro agendi modum aliter nonumquam à Galeno quam à nobis sumi, ut postea ostendemus, sed nobis placet ita hoc loco eum capere: sicut ille in eo Aphorismo, in quo scribit Hippocrates, & quibus semel, aut bis, intelligendum esse refert Porro loci ordinis, & temporis nomine quid significetur, omnibus notum est. Ceterum perfectum esse numerum (quod hoc loco docere operae pretium esse duxi, natura ipsius rei docet, tum etiam quod alij reperiri non possint, qui in iam positis non continentur. Qui enim quum illi agendum est, agit quod debet, & materia accommodata ad id, quod efficere studet, utitur, nec in qualitate, quantitate, modo tempore, loco, & ordine erratis profectò quantum homini licet, semper bene aget, nec aliud praeterea desiderabit, quo spectare debeat, quum vel curare, aut praeservare, aut conservare, vel alio medici munere fungi studeat. Nam quod Galenus praecipit lib. ij. de Morbis vulgaribus eum, qui recte curationem morborum instituere nititur illud observare debere, ut egrorum proferat, aut saltem ne quid ei noceat: atque etiam quod scribit octavo Methodi, dum abigimus morbos, prospiciendum esse ne quae secundum naturam sunt, laedamus, & si quae alia similia sunt praeccepta, diversos scopos non faciunt. Qui enim ea praestat quae diximus, omnia alia consequetur, quae excogitari agendo possunt: quum alioqui in infinitum huiusmodi praeccepta excresceret, nisi ad certa capita referretur. Superfluum praeterea est addere instrumenta, quibus ad materiae usum utimur, atque adeo compositionis, praeparationisque remedium rationem, quandoquidem

hæc etiam in prædictis comprehenduntur: neque enim commodis locis a moueri præsidia, si deſint propria inſtrumenta, per quæ admouetur, & immittuntur: nec idoneâ qualitate habere poſſunt, ſi compoſita, aut alio modo recte præparata non fuerint, quæ ad corporis uſum adhibentur. Illud uerò potius urgere uidetur, quod de occasione dici ſolet, nempe quod illa ſcopum ab aliis diſtinctum conſtituere non debeat, ſed in qualitate, & quantitate præſidiorum contineatur: de qua quidem re (ne fruſtra illi tertium locum dediffe uideamur) operæpretiū eſſe duco, ut pauca dicamus. Ac imprimis quidē de nomine, & varia ſignificatione agendū, nam reliqua poſtea facilius intelligi poterunt. Itaque ſcribit Galenus libro de Optima ſecta *κατὰ πρῶτον*, id eſt occaſionē duo ſignificare, oportunum ſcilicet ad agendū, & morbi tempus. In libro autem de Temporibus morborum authoritatē, qui potiffimū pro opportuno tempore hoc uerbū uſurpant, cōtendit duntaxat morbi tempus ſignificare. Caterum occaſionē diuidit aliquando in vniuerſalem, & particularem, ut uidere eſt in libro de Optima ſecta: alibi uerò ſemper de ea tanquā de re ſimplici agit. Nos autem, contempta ea ſignificatione, quā *κατὰ πρῶτον* ſignificare ſcribit, nempe morbi partem, de opportuno ad agendum tempore hoc loco diſſerimus, quod etiam Latinum nomen occaſio exprimit. Neque enim occaſionis appellatione intelligimus morbi tempora, ſue partes, aut aliud quicquā, quā commodum, & opportunum tempus ad aliquid molendum. At præſtat quidē ita occaſionem deſignare, quā Galeni deſinitionē traditam in libro de Optima ſecta recipere. Neque enim occaſio idoneum eſt tempus ad exhibenda remedia, ut eo loco tradit, quippe quum non minus in viſtu, quā in remediis occaſionem quæramus. Qua ratione idem author libro tertio de Viſtu acutorum ſcribit occaſionem eſſe tempus, quo ex conſuetudine aliqua re uti conſueuimus, vel quo aliquid iuuare ſolet. Porro vniuerſalem appellamus occaſionem longius quoddā tempus ad id quod volumus peragendum accommodatum, de qua quidē Hippocrates ſæpius agit: Veluti quū ſcribit in Aphoriſmis in principio: ſi quid uidetur mouendū, moue. Item, in acutis paſſionibus rarò, & in principio purgandū. Ad id pertinet & Aphoriſmus ille: cōcocta medicari. Cōſtat enim

morbi principium, in quo mouere possumus sæpe aliquot  
 dierū, & mensium spacio, quod vniuersum ad mouendū, eua-  
 cuandūmq; corpus est idoneū: Sicut & pars ea morbi, in qua  
 noxius humor est concoctus, quæ tota pars ad purgationem  
 est accommodata. Ac nos quoq; per sanitatē hęc cōmodē fie-  
 ri, vt victum exhiberi: alia per morbū, vt remediū dari dici-  
 mus, vbi totū tēpus, quo sani sumus, vel morbo laboramus,  
 aptum ad ea obeunda, quibus egemus, statuimus. Particu-  
 laris autē occasio est illud ferē momentū tēporis, quo iam re  
 aliqua vtimur, cuius mētionē facit Hippocrates in Aphorif-  
 mis, quum momentaneā occasionem vocat, & Galenus pri-  
 mo ad Glauconē, quando eam scribit cognitu esse difficili-  
 mam, adeo vt vix etiā ab exercitatissimis medicis cognosci  
 valeat: nā aliā faciliē omnes, qui vel leuiter sunt arte nostra  
 instructi, intelligunt. An verō occasio in quantitate & quali-  
 tate contineatur, an potius seiunctū scopum cōstituatur, quod  
 ab initio proposuimus disputandū, iam tēpestiuum est, vt  
 docere aggrediamur: eōq; potissimū, q̃ hęc res vel doctissi-  
 mos etiā medicos angere videatur: nimirū quod Galenus,  
 quo maximē authore illi suas cōtrouersias diiudicant, sibi  
 ipsi consentire in hac re nequaquā videatur: nā libro primo  
 ad Glauconē medendi methodū (vt antea quoq; retulimus)  
 qualitate, quantitate, vtendi modo, modo, occasioneq; reme-  
 diorū cōstare scribit, & alibi passim hanc ab aliis seiungit,  
 vno loco excepto, qui habetur in Arte medicinali: Vbi con-  
 tendit in qualitate, & quantitate remediorū occasionē com-  
 prehendi: atque ob id tertium quendā scopū, qui admoneat  
 occasionē esse obseruandā, non esse ponendum. Verū enim-  
 uerō vtramq; opinionē probabilem esse, meo quidem iudi-  
 cio, reperiet, qui scrupulosius, & subtilius fortē quā nostra  
 postulet facultas, hęc perpēdet. Nam quoniā corpus nostrū  
 in perpetua quadā mutatione versatur, describi nequit cer-  
 ta qualitas, & quantitas rei, quæ ad illius vsum adhibetur,  
 nisi certū tempus statuamus, in quo illud perinde afficitur,  
 vt tali, & tanta re opus habeat: præterlabitur enim, & muta-  
 tur nonnunquā momento corporis status, vt ea qui dē inuti-  
 lia reddantur, modo, quæ paulo antea iudicata sunt optima,  
 siquidē absente morborum accessione vtile censemus esse  
 (ita forte exigēte affectu) venā tundere, aut medicamentum  
 propinare, vel clysteres iniicere, qua statim aduentāte nihil  
 horum

horum opportunè adhiberi potest. Quare nemo de qualitate, & quantitate præsidiorum deliberare potest, qui prius non cõstituat tempus, in quo putet huiusmodi esse corporis affectum, vt illi tale, rãtũmq; præsiðiũ debeat. Ante verò quã qualitas, & quantitas inuenta sint, scopum facit distinctum occasio ad quantitatem, & qualitatem affectus corporis docendam necessariũ. Sic enim quod Galenus ait in Arte medicinali se ad docendã occasionem tanquã tertium quendã scopum ponere, intelligere oportet, q̃ scilicet ad inueniendã, & docendã qualitatem, & quantitatem affectus conferat: Id quod facit, quoniã mutationem, quã in corpore fit, ostendit. Hac sanè ratione morborum tempora notamus, quũ dicimus in principio morbi acuti mouendũ esse, quòd nobis huiusmodi tempus monstret corpus perinde affectum, vt mouẽte remedio illi sit opus. Cõtrã verò in statu non esse vacandũ dicimus: nò quòd significetur eo tẽpore virtus corporis infirma, quã vacationẽ ferre nequeat, quemadmodũ in libro de Optima secta scribit Galenus (quippe quũ sæpius in grauissimis etiã morbis citra vllã noxã vacationes sustinere possit,) sed quoniã affectus eo tẽpore vacationem non exigunt, sed mutationẽ potius & coctionem: declinationes verò morborum aptissimas ad purgationem esse putamus: propterea quòd in ea morbi parte notauimus humorẽ esse concoctum, & ad vacationẽ idoneum. Eodẽ deniq; modo purgationẽ, vel alia remedia in præsentĩ, vel sequenti tempore ægrotis describimus, quòd credamus tunc huiusmodi fore corporis statum, vt eo remedio opus habeat. Quę quidẽ etsi rectẽ dicuntur: tamen satius esse duco, vt occasionẽ ab aliis scopis seiungamus. Sic enim res facilior euadet, & ratio id suadere videtur: Siquidẽ diuersa sunt ea, à quibus omnes hi scopi sumuntur. Atq; hæc quidẽ de scopis necessariis in singulis actionibus peragendis, quos sanè quilibet ante oculos proponere debet, vt pote ex quibus rectẽ agendi ratio constat, perficiturq;: Nam si quã alia circumferantur ad nostri imitationẽ ab aliis de hac re dicta, quantum illis sit tribuendum, cognoscer studiosus lector, qui expendere velit, qua ratione illa dicantur, & singula inter se cõparare nò grauetur. Hinc enim facilẽ intelliget quz nã meliore nitantur fundamẽto, & à melioribus principiis sint ducta. Illo enim nos docere, non refellere instituimus.



## IOANNIS ARGEN-

TERII DE OFFI-  
CIIS MEDICI  
LIBER SECVNDVS.

*De indicationibus, & alijs instrumentis, quibus  
scopos assequimur.*

## CAP. I.



VAE, & quot sint medici officia, ac etiam à quibus, & per quæ illorum singula exercentur, quid præterea in vnoquoque corporis statu sit moliendū, & quando prædicta munera in vniuersum obire, denique quæ, & quot in omni officio medicus sibi proponere debeat, superiore libro, quantū nostrum institutū postulat, summarim complexi sumus. Nunc verò illud sequitur explicandum, qua ratione, quibûsq; instrumentis singulos scopos medicus consequi valeat. Quæ quidē res quam vtilitatem polliceatur, omnibus statim constare puto: quando quidē frustra alia omnia, nisi hæc addantur, scripta esse puto. Nouit etenim fortè etiam vulgus morborū varia esse genera, & differentias, quòd variè affici agrotantes videat, ac longo vsu signa notauit, quibus tum præsentia mala dignoscere, & futura prædicere valeat: quin & illorū causas quasdam esse putat, & agnoscit, quum alioqui ea excitari, foueri, augeriq; ne ueant, & varios morbos à variis, certisque causis cōmitti didicerit. Febrem sitim parere, quòd nequit stomachi cruditas facere, & alios in singulis morbis effectus, & casus recensere potest. Nec illud quidē ignaros rei medicæ lateet diuersas esse morborū partes: quòd scilicet videant grauius vno tempore quàm alio hominē affici, postremo aliter sanos quàm ægros tractandos esse omnes concedunt: atque illud quidem necessarium putant, quòd in omni officio scopos quosdam ponere oporteat: at quibus instrumentis scopos necessarios consequi liceat, tantum abest

ut me

vt medicina ignari sciant, vt etiam medicorum vulgus id ignoret. Quot enim (quæso) sunt medici, à quibus si petas, quot instrumenta habeat ars nostra, quibus quid agendū sit, & reliquos scopos consequi valeamus, ne verbum quidem dicere poterunt, aut certe ineptè respondebunt, ne hac ignorare videantur, nimirū quod hæc nūquam à præceptoribus didicerint, nec ea quidem, quæ de hac re scripsit Galenus (vtpote qui in nugis, & sophismatis perpetuò sint occupati) intelligere studuerint: deterius sane quàm alij omnes artifices affecti, qui statim recedere possunt, quibus instrumentis illorum ars vtatur: nihil est frequentius in scholis nostris, quàm indicationis nomen, quum tamen multi ex his etiā, qui docent, ignorent quid sit indicatio, tantū abest, vt sciāt, quæ sint, & quot quæ indicare possint, quantāq; singulorū indicantium vis, & reliqua demum, quæ rationalis medicus tanquā vngues, digitosque suos tenere debet. Hi sunt profectò, qui se Galeni sectatores magno fastu venditant, sed nescio qua ratione, quum id quod præcipuū est in eo authore, vel non agnoscunt, vel contemnunt, & interim perpetuò versantur in rebus leuissimis, vt psittacorum more antiquiorum verba referre possint ad veritatem turbandā, aliosque in suis disputationibus contentiosis fallendos: quæ profectò non ad hæc, sed ad medici institutionē ab authoribus ipsis excogitata fuerant. Quod si quis fortè hæc despiciat tanquā parum vtilia, plurimū aberrat: hoc enim potissimum rationalis medicus à methodico, & empirico (Galeno etiā teste, cuius autoritate maximè illi mouentur) differt, quod rationalis in curatione, reliquisque medici officiis indicationibus vtatur, empiricus minime, methodicus vero nō recte, nec à quibus oportet rebus, indicationes sumat. Ac sanè vel ex hoc solo intelligere possumus quanta sit huius rei utilitas, quod de nulla re frequentius Galenus agat, quàm de indicationibus. Quid quod ille scribit libro secundo de Arte medendi eam omnem per indicationes fieri? An non etiam libro vndecimo eiusdem operis habet, frustra eos curandū methodū tentare, qui ignorant vnū ab vno indicari? & merito quidem. Nam quid (quæso) aliud est methodus medendi, quàm ille conscripsit, nisi tractatio quædā de indicationibus? Etenim morbi, de quibus illic agitur exēpla potius sunt ad vim indicationū ostendendā, quàm quæ per se magni alicuius sint

sint momenti: quo profectò medicos omnes moueri oportet Galeni nostri imitatione ad hæc diligentius excolenda, sine quibus nec medici nomen tueri possumus: Mirari etiã licet, quòd Paulus, Aetius, Oribasius, omnesq; alij, qui post Galenum morborũ curationem, sanitatisque cõseruationẽ scripserunt, ne verbum quidẽ de hac re fecerint, tantũ abest, vt ea, quæ apud illũ desiderari in hac re possunt, addere vnuquam conati fuerint. Describunt illi quidẽ remedia, & viuẽdĩ rationem in singulis morbis, variãque præsidia recẽsent, quorum quantitatem, qualitatem, modum, ordinem, occasionem & alios denique scopos definiunt, sed nulla ratione distante, nec aliquo ostendẽte recte ea doceri, quæ scribũtur. Quir enim in morbis victu sit opus, & remediis, & quur tali victu remediõque sit vtendum, & in omni materia constituri scopi ponendi, aliqua, me hercle, ratio est, quæ id doceret: quam qui ignorat, temerẽ, nullãq; arte omnia præscribit: ac meo quidem iudicio, eos deterruit difficultas, ne hanc medicinæ partem explicare aggredierentur: nam quum Hippocrates huius rei mentionẽ non fecerit, cogimur omnia ex Galeno colligere: qui non solum hæc sparsim tradidit, verũ etiam eo maxime difficultatem auget, quòd nec principia illius ponat, aut posita non seruet, nec certis capitibus tractationem vniuersam complectatur, & perpetuo eadem variẽ doceat. Quæ omnia luce clariora his fore puto, qui diligenter singula apud eũ perlegerint, & nostra interim expendere non grauabuntur: nam etsi ea perfecta, & prorsus exposita non sunt, erũt tamen (vt spero) huiusmodi, vt vnusquisque veritatis studiosus intelligere possit, nõ leuiter à nobis in hac re fuisse elaboratum, adeo vt via patefacta, reliqua, si quæ desunt, inuenire valeat.

*Quot, & quæ sint instrumenta, quibus rationalis  
medicus scopos assequitur.*

C A P. II.

**S**CRIBIT Galenus libro secundo Methodũ medendi, & alibi sæpe omnem medendi methodum, atque etiam cõseruandæ sanitatis rationem à rationalibus medicis per indicationes fieri. At quinto eiusdem operis libro experientiam addit, quum ait indicationem, & experientiam instru

instrumenta omnis inuentionis esse, nec aliud addendum præter hæc tertium. Verum in libro de Optima secta, ubi diligentius quàm alibi vsquam de indicationibus tractat, nō omnia per indicationem, sed quædam per obseruationem: alia verò per analogismū inueniri docet. At non solum per hæc, sed etiam per ratiocinationem eadem inueniri possunt. Optimè etenim colligemus frigido remedio in febribus opus esse, quod contraria mutuò se propellant: calidus autem affectus sit febris, cui ob id frigida competūt. Quòd etsi ita res habet, tamen tria prædicta ad omnia præsidia, vniuersosque illorum scopos inueniendos sufficiunt. Nam vel incidimus in eos affectus, quorum natura, & vis percipi potest, aut in alios, quorum ea ignota est. Ac in illis quidem indicatione utimur, nec aliud commodius instrumentum quàm ea sit excogitari valet: in his verò siquidem antea experti sumus, quid illis conuenire queat, obseruatione nitimur, alioqui analogismo quid expediat colligimus. Quamobrem tria erunt instrumenta, quorū adminiculo scopos prædictos assequemur, indicatio, obseruatio siue experientia, & analogismus, de quibus quidem hoc libro à nobis agendum erit. Cæterum quoniam non solum indicationis nomine sed etiam coindicationis, & contraindicationis, siue repugnationis appellatione utimur, cogimurque præterea ut coindicantia, sic correpugnantia ponere, obiter horum vocabulorū, & aliorum præterea quorundam, quæ quidem prædictorum nominibus aptè contineri nequeunt, vsus à nobis docendus est, ne ob ignoras dictiones tractatio ipsa obscurior euadat. Ac quum tria sint posita instrumenta, primo de indicationibus postea de obseruatione, & analogismo seiunctim agemus. Sic enim profectò quæ, quantaque sit singulorum vis, qualisque vsus clarius patebit.

*Quid indicatio, coindicatio, contraindicatio, & correpugnatio.*

### CAP. III.



**Q**UID indicatio sit docet Galenus secundo libro Methodi medendi, quū definit indicationem esse sequentis, siue agendi insinuationem. At id clarius facit in libro de optima secta ubi scribit indicationem esse comprehensionem

iuuantis vnâ cum comprehensione nocentis cum re indicati  
 re simul aduenientem, ilque sine obseruatione, & ratiocina-  
 tione, idest (si apertius definire velimus) Indicatio est cogni-  
 tio iuuantis, & nocentis, quæ cum re, quæ iuuamento eger  
 cognita simul a lucent absque obseruatione, & ratiocinatio-  
 ne, & analogismo. Quod enim iuuat primo cognoscendum  
 est, & eadem ratione potest quod nocet deprehenditur. Atque  
 hæc quidem non solum per indicationem, sed etiam obser-  
 uationem, ratiocinationem, & analogismum deprehendi pos-  
 sunt. Nam quod febricitantibus frigida conueniat, ita indi-  
 cante febris natura cognoscimus. Ex quo illud quoque inno-  
 rescit calida obesse, si quidem hæc contraria existunt iis, quæ pro-  
 desse intinuant affectus natura. Licet (vt antea diximus) ra-  
 tiocinatione aliqua idem colligere. Veluti quod contraria à  
 contrariis propellantur, à similibus verò ledantur morbi.  
 Ex quo quidem sequitur febres frigidis extinguï, intendi  
 autem calidis. Quinetiâ intelligemus eadem prodesse, aut  
 obesse, quod si experientia in iisdem affectibus docuerit, vel  
 quod analogismo vtentes illa in similibus casibus profuisse,  
 quæ vim haberent refrigerandi obfuisse verò, quæ caleface-  
 rent, colligamus. Vnde non solum ab obseruatione, & ratio-  
 cinatione, sed etiam ab analogismo separari debet indica-  
 tio. Porro eo maxime indicatio ab obseruatione, & analo-  
 gismo differt, quod ea, quæ per indicationem comprehendū-  
 tur in præcedente aliquo, vt optime ait Galenus, nempe in  
 natura rei sint designata, non autem hæc. Percepta etenim na-  
 tura eius, quod nos ad agendum mouet, protinus etiam vnâ  
 cum eo quid agendum sit, & quid fugiendum ex consequen-  
 ti quoddam intelligimus, quasi digito ostēderetur quod que-  
 rimus, & affertur indicationis quæ nomen ductum. Vt enim qui  
 digito quid agendum, vt quæ via sit incedendum ostendit.  
 Sic & natura rei percepta, cuius causa ad aliquid molindū  
 impellimur, quid eligendum primo, quidue euitandū ex ac-  
 ciidenti in licet, monstrat quæ sic sanè, vt exemplis res rudio-  
 ribus innoscescat, qui quid morbus sit, qualisque eius natura  
 nouit, statim etiam quid faciendū sit, nempe curandū, & non  
 conferuandū huiusmodi corporis statū intelligit, indicante  
 ostendentēque ipsius morbi natura quæ aliena est, & inimica;  
 quod verò naturæ inimicū, sui oblationem monstrat, nulla  
 interim expressa ratiocinatione adhibita, nec obseruatione  
 aut

aut analogismo. Eodem pacto quum quis intellexit sanitatem quidpiam esse secundū naturam, & nobis familiare, vna & illud protinus cōcipit qua re ea iuvari possit, quidque illi obesse valeat. Nam quæ huius naturæ sunt, tueri conseruariq; studemus: id quod similiū vsu efficiemus. Quamobrem agnoscimus conseruatione, & victu nempe simili materia opus esse, fugiendam autem mutationē, & remedia, quæ illus authores existūt. Id quod nec observatio, nec analogismus efficit: siquidem qui experientia nititur, rerū naturam nō expendit, sed longo rerū vsu se tuerur. Per analogismum verò quid his expediat, de quibus agimus, ex aliorū similitudine (vt diximus,) colligimus. Porro à ratiocinatione indicatio bifariā differre videtur: Vno modo q̃ ij, qui per ratiocinationē aliquid inueniūt, expressa quadā & prolata argumentatione vtantur: qui verò indicatione nitūtur, vel solū rei naturam expendāt, aut certē ratiocinationē apertam non contextant, sed rei natura proposita statim agnoscant, quid prestare oporteat, aut tacitam quandam & breuem argumentationem adhibeant. Nam quod aliqua adferatur ratiocinatio videtur maximē consonū. Quomodo enim alioqui percipere possumus (vt in febris exemplo persistamus) ei opitulari frigida, obesse verò calida, nisi quòd ex illius natura, quæ calida est & præter naturam, statim inferimus contraria, & haudquaquā similia esse adhibenda. Differt præterea à ratiocinatione indicatio, quòd illa à rei proprietatibus, & accidētibus duci possit, hæc verò perpetuò à natura rei, quæ nos ad agendū mouet, petatur: Estque sanè indicatio ad cognoscendū id quod conferre potest, vel nocere in his, in quibus locū habet, quod est signū ad corporis statū dignoscendū, & experientia ad vires materiæ medicæ explorandas. Cæterū coincidans illud nobis statuatur, quod non primò sed alio loco, siue per accidēs ostēdit, quod monstrat ipsum indicās. Quo quidē modo vires victū indicare dicūtur, temperies verò corporis, ætas, sexus, consuetudo idem coincidare, q̃ scilicet ostēdant qualis sit viriū cōditio, quarū interuentu nec primò, nec per se victus rationē declarāt. Contraindicans autē est, quod primò impedit fieri, quod ab indicante suggeritur: Veluti in vacuatione, quā multitudo humoris ostendit contraindicās erit virtus, quæ propriē, & immediatē illi relictatur, siquidē infirma fuerit, vt pote quæ magis quàm alia omnia,

quæ in nobis secundû naturam existût , à vacuantibus pro-  
 sternatur. Vocamus autem ea correpugnantia, quæ secundo  
 loco indicantibus sese opponunt , qualia sunt in vacuatione  
 ætas, sexus, corporis habitus, anni tempus , & cætera huius  
 generis, quæ quoniam vires infirmas monstrant, ideo vacua-  
 tionem non admittunt, aut certè eam moderari dicûtur. At-  
 que hæc quidè de nominibus, quibus in hac tractatione uti  
 cogimur, illorûmq; vi, & vsu sufficiant, si modo admonueri-  
 mus lectorem nos variis nominibus idè in hoc opere signi-  
 ficaturos. Nam docere, demonstrare, ostendere , suggerere,  
 insinuare declarare, & si quæ alia occurrent eiûdem signifi-  
 cationis vocabula pro eo, quod est indicare vsurpabimus, &  
 contraindicare, refragari, repugnare, reluctari, necnon coin-  
 dicare, commonstrare, coinsinuare, & correpugnare, corre-  
 luctari, correfragari in eodem significatu capiemus, maiore  
 fortè licentia, quàm latine loquendi ratio postulet, ne ob vo-  
 cabulorû scilicet elegantiorû penuriam res longè inter se  
 diuersæ magno errore inter se confundantur. Cætera verò  
 in propria singulorû tractatione postea patebût. At si fortè  
 nûc quis perat, quor hæc à nobis sint hoc modo distincta, &  
 an plura, vel pauciora, quàm ea, quæ diximus, in singulis sco-  
 pis exercendis reperiri possint, illi, quantû in nobis erit sa-  
 tisfacere conabimur. Nam quòd imprimis hæc omnia vno  
 nomine compræhendi nequeant, ostendunt eorû naturæ di-  
 uersæ, ac antiquorû loquendi ratio . Ftenim quæ hortantur  
 aliquid in corpore nostro esse moliedû, quæq; operâ nostrâ  
 desiderant, ab his prorsus differût, quæ quod postulatur, obi-  
 ri prohibent: separant autem non solû Galenus, sed etiâ an-  
 tiqui omnes medici indicantia à coindicantibus, & contra-  
 indicantibus. Id quod tû ex libris, quos de Methodo ineden-  
 di Galenus scripsit, tû ex eo potissimum, quem inscripsit de  
 Optima secta unicuiq; constare puto: vsurpanda verò esse in  
 hac tractatione huiusmodi nomina, nec inter se cõfundèda,  
 docet pariter ratio, quæ res natura distinctas propriis nomi-  
 nibus nûcupandas esse admonet, ac etiâ antiqui medici, inter  
 quos percipue Gal. noster nullû frequetius habet, quâ indi-  
 cationis, & contraindicationis nomen. Illud autem an plu-  
 ra scilicet vel pauciora, quàm quæ posuimus, inueniri va-  
 leant, quod præcipuû est, nec tamen à Galeno, vel alio quo-  
 piam explicatû, nûc docere aggrediemur: quo quidè ignora-  
 to,

to, reliqua, quæ sunt huius operis, constare nequeunt, ac propriam gratiam amittunt. Meminit quidem Galenus indicantium, coindicantiũ, & contraindicantium, docetq; pro illorũ vi, & ratione singulos agendi scopos inueniri, recteque administrari. Verum non satis docet quomodo ea inter se differant, aut si id explicat, certè illud prætermittit, quod est maximũ, & præcipuum, an ea sufficere possint, vel alia præterea quærenda, ad quæ agendi ratio referatur: quod tamen qui (vt diximus) ignorat, perpetuò dubitare cogitur nonnulla adhuc relinqui, quæ huius rei partem sibi vendicent: nam quis quæso credere potest genus, aut quantitatem remediorum rectè adhibita esse ægrotantibus, quòd in eorũ inuentione indicantia, coindicantia, & contraindicantia spectauerit, illorũque vim, & naturam expenderit: nimirum quòd nulla ratione sit ostensum hæc sola sufficere, nec præter illa alia esse quærenda. Itaque quũ in omni re, quæ fieri debet inueniantur quædam, quæ nihil ei conferunt, alia verò, quæ faciunt ad id agendum, quod volumus, non immeritò ea quoque in obeundis medici officiis spectanda esse statuemus, & quæ ab his nascantur vtilia. hoc modo expendemus. Nam quæ conferunt eo id quidem faciunt, vel quòd illud suadeat, sintque vt Galenus in libro de Optima secta dicere solet scopi, idest proposita, quæ primò intuemur, & nobis proponimus tanquã ea, quæ nos ad agendũ mouent: alia verò sunt quæ dehortantur, impediuntq; fieri, quod ab aliis postulatur, & vtraq; vel primò, & per se, vel secundario, & per accidens id præstât. Porro quæ hortantur per se, suntq; scopi, siue proposita indicantia: quæ verò eodẽ modo reluctantur, contraindicantia: quæ illuc per accidens, coindicantia: quæ hoc correpugnãtia meritò appellari debent, quæ autẽ nec suadet nec dehortantur, ea tanquã non essent, haudquaquã considerantur. At quæ idẽ postulat primò, indicantiũ nomine pariter donari debent. Veluti etiã coindicantia, & correpugnãtia omnia ea appellanda sunt, quæ indicantiũ, & repugnantium beneficio, quod fieri debet, ostendunt: quæ verò propriè contraindicantia, aut impropriè, vel per se, aut per accidens dici debeant suo loco ostendemus. Ex quibus quidem patere puto non plura quàm indicantia, contraindicantia, coindicantia, & correpugnãtia reperiri, quæ in omni re peragẽda spectari debeant: Si quis enim omnia inuenit, quæ id postulant,



quod querimus, omnia præterea considerauit, quæ impedire quocūq; modo possunt, & singulorū vim tenet, & pro omnium ratione & natura elicit tandē quod factū est optimū, is profecto nihil prætermisisse quod ad rectē agendū sit necessarium, putabitur. Ac vt singulorum, quæ prædiximus, natura, & res ipsa omnibus innotescat, exēplis hoc modo utemur. Igitur victum indicari à viribus, cōtra indicari à morbo coindicari autem à temperamento, ætate, sexu, & aliis quæ, quales, & quantæ sint vires, ostendunt: illis verò correluctari quæ morbos ipsos declarant, dicimus: nam vires nutrire nostrum est propositum, nostræque scopus, & illæ sunt, ex quarū natura, & differentiis vniū: scilicet nutriendi rationē querimus, & instituiamus. At quoniam præsentibus morbis non licet perpetuò facere quod vires ad sui tutelam exigūt, eo quod nutritioni sæpè repugnent morbi, vt pote qui sui mutationem, & non præsentis status conseruationē postulent, ideo inter contraindiciantia meritiò hi sunt positi, non quòd nutritionem desiderēt, sed quòd eam quātum eorum natura patitur impellant, quam vires requirunt. Vnde propriè indicantia nihil aliud sunt, quàm ea, quibus præsidia debentur, quæque primò, suapteque natura conseruationē, aut mutationem petunt: contraindiciantia verò aliud postulant cōtrarium, aliū lque indicant, quod ei refragatur, quod ab alio fuit indicatū, vel si impropiè contraindiciantia sunt, quum nihil postulent, quod ei repugnet quod ab indicantibus fuit propositū, prohibent tamen ne illud adhibere possimus, vt ab ipsis indicantibus exigitur: quoniam verò ætas, temperamētum, sexus, qua ratione sint affectæ vires ostendunt, ideo victum coindicare dicuntur. nō quòd illis debeat nutritionis, sed quòd interuentu virium eam præscribant. Eadem autem alia, quæ naturas, & recessus aliàsque morborum differentias patefaciunt, inter correpuantia reponuntur, non quòd illa impe liant nutritionem fieri, sed quoniam illud ostendunt, quod id facit: Qua ratione consentiētia aptè quoque vocari possunt, quòd ea sequantur, consentiāntque cum illis, quæ vel indicant, aut contraindiciant. At si vacandum est, & vires subsunt validæ, aut nutriendum laborante corpore, attamen morbus eius generis est, qui viribus concoquentibus, indicantibusque, nutrimentū haudquaquam repugnet, aut si per morbos aliquid præstandum.

quo l

quod vires nō labefactet, quæ huiusmodi sunt, nec indicare, nec cōtraindicare, aut coindicare, aut correpugnare creduntur: quod etiam Galenus nono Methodi animaduertit: Vbi scribit indicationem, quæ sumitur à viribus aliquando nulum locum habere, contemnique ac si penitus non esset, propterea scilicet, quod quum nec suadeat, nec dehortetur officia non mutat. Vnde nō miū si ea, quæ huius generis sunt, ab hac tractatione excludimus: quoniam nihil conferunt ad ea, quæ volumus peragenda, aut si aliquē locum illis concedere velimus, admittētia: aut, alio aptiore nomine, quod significet ea, quæ ferūt, permittūtq; fieri quod expedit. haudquaquam aliorum prædictorum appellatione donabimus. Cæterum multitudo humorū, & morbi magnitudo pariter vacationē indicare dicuntur, eo quia horum utrūque huiusmodi prædiū per se desideret: quapropter inter hæc vnum alterius coindicans, aut correpugnans, aut cōtraindicans dici nō potest. Atqui vītus ratio, quæ antecessit, multitudinis humorum procreatrix, quum nec primo nec per se, nec alio etiam modo vacatione opus habeat, sed duntaxat indicū sit partæ redundantia, eiusdē coindicatrix esse putatur. Ex quibus patere arbitror nō plura quā quatuor reperiri posse, quæ singulos agendi scopos præscribant, indicantia, inquam, coindicantia, cōtraindicantia, & correpugnantia, de quibus sigillatim, vt clarior euadat tractatio, agendū esse puto.

*Quæ & quot indicare dicantur, & quæ non indicent ex Galeno.*

CAP. IIII.



V V M tribus potissimum capitibus hæc tractatio constet. nempe vt intelligamus quæ nequeant aut valeāt indicare, quid item vnumquodque indicet, & demū quid vnicuique cōtraindicet, aut correpugnet, aut singula coindicet, primum illud expendemus, quēnam scilicet indicare dicantur. Nam hoc veluti fundamentum est aliorum omnium. At quoniam Galenus noster multa in singulis propositis capitibus habet, quæ non placent, ea sigillatim suo loco primum examinabimus. Sic enim quantum illi in hac re debeamus (vt certē plurimū debemus) studiosis innotescet: ac vna etiam quid nos præstiterimus nostro labore, & indu-

stria, dum vel omnia, vel certè plurima meliora reddere arteque tradere sumus conati, perspicuum euadet. Itaque si illius libros diligenter excutiamus infinita propemodù inuenimus esse, quæ indicet. Nam vnâ primùm in curatione omnibus cõmunem indicationem facit contrarietate, morbum verò ipsum, internâsque illius causas, & symptomata indicare passim scribit. Quinetiam corporis temperiẽ, habitum, colorem, calorem, arteriarum motum, conformationem partium, cõnexionem, earundẽque situm, actionem, vsum, dignitatem, naturâ, substantiam, insitâsque singulis partibus facultates: ætatem præterea, sexum, consuetudinẽ, vitæ conditionem, animi mores, humorẽsque ipsos, qui in corpore reperiuntur, corporisque ipsius occultas proprietates. Ad hæc aërem ambientem, cœli statum, regionem, anni tempora, sensum facilem aut difficilẽ, quo prædita sunt corpora, denique multa quæ sunt in nobis secundum naturam, aut illi contraria, & etiâ nonnulla, quæ extra nos posita sunt indicare statuit: Externas autem morborũ causas nullo modo indicare posse libro quarto Methodi medendi aduersus methodicos prolixè disputat: Quæ res primùm damnanda est, quòd omnia non cõprehendat indicantia: nam quur inter ea, quæ secundum naturâ sunt, vt figuram, cõnexionem, & situm partium, magnitudinem, numerũ earundẽ nõ enumerat, quur excrementa corporis non ponit sicut alia, quæ illius statum demonstrant, cuius generis sunt consuetudo, ætas, & victus præcedens, quæ inter indicantia collocat? deinde ob infinitam multitudinem tractationem difficilẽ reddit: postremò eam confundit, dum indicantium, coindicantium, contraindicantium, & correputnantium vim corrumpit, & omnia omnibus miscet. Si enim hæc omnia indicant, vbi coindicantia, contraindicantia, & correputnantia relinquuntur: quum tamen plurimũ referat, vt ipse quoque in libro de Optima secta animaduertit, hæc inter se distinxisse. Nam indicantia ad id nos ducunt, quod inuestigamus, contraindicantia ab eo abducunt, & in cõtrarium trahunt: coindicantia verò, & correputnantia, nec primò, nec per se, sed per accidens id faciunt, quatenus scilicet monstrant id quod indicat, aut contraindicat. At absurdũ esset signa dispositionum corporis inter indicantia ponere: quippe quum signis vtamur ad corporis varium statum dignoscendũ, indicationibus

nibus verò ad illius præsidia inuenienda. Quamobrè quantum pars medicinæ, quæ medendi, conseruandæ quæ sanitatis rationem docet ab ea discrepat quæ signa complectitur, tantum profectò putanda sunt indicantia à coindicantibus diuersa. Quòd si contra indicantia indicantiũ nomine comprehendere licet, quur scribit ille in libro de Optima secta vires nostri corporis nec vacuationes nec vlla remedia indicare? Quur tempora morborũ pariter negat nutritionem indicare, quum vel solum quomodo vires sint affectæ, huius indicatrices ostendant, vel impendant fieri, quod illæ possulant? Quur eodem loco scribit, si prohibentia indicantia facimus, fieri vt ægri timor, voluntas parentum, quæ sæpe vacuationem prohibent, indicantia illius censeantur? quod maxime absurdum esse putat. Nam quòd illis sæpius reluctentur, & ille fatetur, & omnes agnoscunt. Quare si hæc inter se cõfundit, tum sibi ipsi repugnat, tum alios calumniatur, qui citra discrimen huiusmodi nomina vsurpabant. Quòd si de nominibus duntaxat lis esset, tolerabilior sanè error foret, sed quum plurimũ referat res natura, & genere inter se discrepantes citra discrimen inter se miscere, & vnica appellatione earum vim frangere, qui non agnoscit corruptã esse tractationem, vel stupidus est, cuius imbecillitati mederi studemus, aut peruerso ingenio affectus, quem persanare ne quidem tentabimus. Est enim desperata eorum salus, nõ minus profectò quàm illorum, qui grauissimum morbum sentiunt, & agnoscunt, sed eum temere occultare cupiunt: sic certè qui sectis sunt addicti, vim rationum, & momẽta percipiunt, sed quoniam nescio qua ratione turpe esse putant eius, cui semel se addixerunt, patrociniũ deferere, reclamant, tergiuersantur, & deniq; mirificè se torquent, vt suos authores defendãt, minimè interim solliciti si nihil vnquã discant. Sed his omisis ad Galenum redeamus: qui non solum meo quidem iudicio damnandus est, quòd res inter se natura distinctas non seiungat, sed quòd etiam quædã inter indicantia recenscat, quæ non indicant, nec coindicant, aut contraindicant, vel correpugnant: alia verò abiiciat ab his generibus, quæ non minus quàm nonnulla, quæ indicare possunt, sunt recipienda. Quamobrem primo ab his reiicienda sunt, quæ cum illis consistere nequeunt, & si quæ relictũr præter illius rationem, recipienda, deinde indicantia à coin-

dicantibus, contraindicantibus, & correpugnantibus se iungenda veniunt, & omnia denique in suo genere collocanda. Hinc sanè postea licebit reliqua explicare, quæ ad propositionem tractationem petinent.

*Quod contrarietas non indicet, nec indicatio sit.*

CAP. V.

**I**BRO nono Methodi Galenus ubi diligentius de indicationibus agere velle videtur, & summa genera indicatium ponere, ac ea, quæ ab illis nascuntur inuenire studet, communem curationis indicationem contrarietatem constituit, tres autem ab ea provenire: vnam scilicet quæ à morbo, aliam, quæ ab aëre ambiente, tertiam, quæ à corporis temperie naturali petitur: Ac quod morbus curationem indicet verissimum quidem est, quod autem temperies, quæ secundum naturam existit, eandem non indicet, postea ostendemus: quum expendemus, quid vnumquodque eorum, quæ in corpore nostro reperiuntur insinuare valeat. An verò aër aliquid conferat ad huiusmodi tractationem tanquam indicans quidpiam, aut coindicans, vel aliquid aliud efficiens, quoniam ea quæ ab illo sumi dicitur indicatio, à generali illa, quam præbet contrarietas, nascitur: ideo secundo loco de illo agemus. Nunc verò imprimis docere institui contrarietatem ipsam nec indicare, nec indicationem aliquam esse. Si enim verum est, quod ille scribit initio tertij libri eiusdem operis, absurdum esse aliud constituendum, quod curationem indicet, aliud vero quod curetur, nihil profectò indicare poterit eorum, quæ ad curationem pertinent, ipsa contrarietas, quippe quum morbus non sit, & planè ridiculum fuerit, si contrarietatem curari dicamus. Ac profecto tantum abest, ut curationem indicet contrarietas, ut nihil aliud quicquam indicare possit. Nam si indicare est inuenire quod iuuet, aut lædat ea quæ indicant, quid (quæso) ipsa indicare poterit contrarietas? Quæ enim re opus habet, iuuetur, vel lædatur? An similia, vel contraria exiget? An contrarietatem ipsam fore,

uere, vel expellere volumus? Sunt ne oppositionis, siue contrarietatis, vel potius status corporis causa inuenta remedia, victusque ratio, quibus quidem corporis status cōseruatur, & mutatur? Vt enim idem author causam externam curationem indicare negat, quòd illa nullius indigeat, sic eadem ratione contrarietas nec cōseruationem, nec curationem indicabit vnquam, quòd scilicet illis opus non habeat. At si non hæc, nihil profectò aliud: quandoquidem omne quod indicat, aut sui cōseruationem, aut ablationē indicare eo auctore necesse est. Indicatur sanè cōtrarietas, id est contraria actio, & contrarium, si contrarietatis nomine id intelligamus, ab eo, quod præter naturam existit: siquidē eo opus habet ad sui ablationem. Idem autem indicans, & id quod indicatur esse non potest. Ac profectò si quis locum eū Gale ni legat inueniet aliud planè colligere, quā ratio illius postulet. Nam quòd morbus contrariis egeat, si ad naturalem statum corpus redire debeat, id quidem certissimum est, quemadmodum ipse statuit: ex quo quidē sit vnū esse, quod indicetur à morbo, nempe quod contrariū illi existat, nunquam tamen propterea efficiet, vt ipsa cōtrarietas indicet, aut indicatio sit. Nam (vt satis probauimus) ea non indicat, sed indicatur, si illius nomine id quod morbo est contrariū, capere velimus: at nec indicatio esse potest: etenim ipsa indicatio contrarietatis contrariique est perceptio, non ipsa contrarietas. Quòd si hæc indicatio est à quo (quæso) prouenit? non à morbo, vt pote qui peculiare quidpiam indicet: generalis autem & cōmunis sit, vt ille statuit, tum morbo, tum temperamento, & aëri ambiēti indicatio contrarietas ipsa. Quamobrem si peculiaris, & propria indicatio ex propriis & singulis rebus nascitur, necesse quidem foret cōmunē indicationem à cōmuni quadam natura suggeri: at quæ nam ea esse potest natura, quæ id faciat, quum omnia dicta sint, Galeno auctore, aut sui cōseruationem, aut ablationē, nihil autē contrarietatem indicare? Ac vt natura morbus & sanitas inter se differunt, sic profectò diuersæ sunt indicationes, quæ ab illis capiuntur, vt nihil cōmune, nullaque in omnes huiusmodi affectus sparsa indicatio statui possit. Quòd si ad morbos solos eam referamus, & cōtrarietatis nomine intelligamus, quod morbis aduersatur, quid aliud dicimus, quàm contraria à morbis indicari? At  
 inte

interim generalem, & communē quandam, à qua aliæ nascantur, (vt ille ratiocinatur) indicationem non ponimus, quādo aliæ, quas postea ex ea nasci scribit, aut indicationes non sunt, sed coindicationes, & contraindicationes, aut certe non minus, quā illa generales. Postremo si cōtrarietas, vel inlicitio est, aut quidpiam indicat, quur negat in libro de Optima secta cōmunitatē methodicorū indicare posse? Nam vt cōmunitas ad cōmuniā, sic contrarietas ad cōtraria se habet, nec aliqua diuersitatis ratio inueniri potest: negat autem cōmunitatē indicare, quia nō destruitur: atqui eadem ratione nec contrarietas dici potest indicare, quoniā nec ea, sed contraria ipsa pelluntur. Itaque nec ipsa contrarietas indicat, aut indicatio est, sed si aliquem locū in hac re sibi vendicare potest, indicatur non solum à morbo, sed etiā ab omni alio corporis statu, qui prāter naturam existimatur. Quo magis mirari licet Galenum, dum sepulchrū & admirabile quidpiam inuenisse putat, in huiusmodi improprietas loquendi incidere, aut etiam aliena à suis principiis tradere. Si enim indicatio est cognitio iuuantis, & lædētis, certē contrarietas indicatio esse nequit: nimirum quōd cognitio non sit aliqua: sed plura de hac re quā statuimus. Nam quibus hac non sufficient, frustra conabimur plura ad id probandum adferre.

*Quod aër ambiens non indicet.*

C A P.

V I.



**I**DEM author eodē libro (vt antea diximus) tres ex contrarietate oriri indicationes, vel potius tria, quæ curationē indicent, nēpe morbum, naturam ægri, & aëris temperiem memorix proflidit. Qua in re tempestiuum nūc est, vt expentamus quid aëri hac in re sit tribuēdum. Ac ne videamur velle temere discrepare ab ipso Galeno, quem libenter sequimur, nisi rationem momenta cogant nos aliter sentire: Ideo operæpretium esse duco, vt illius opinionē, & verba subiiciamus. Sic enim licebit perspicere, quā bene colligat, quod sibi in hac re docē lum proponit, & quid nos in eo desideremus. Itaque scribit eo loco se ab aëre ambiente curandi indicationem capere, quōd absq; illo sanitas conseruari, & morbi curari nequeant: ab eo autem, & nō ab alia  
mate

materia medica indicationem capere, quòd alia remedia facile tum deligi, tum euitari possint, aëris autem iniurias nequaquam effugere valeamus, vrpote qui dum ægrotamus, præsentis cæli statu vti cogamur. Quæ etsi omnia concedantur, tamen tantum abest, vt aër hoc modo sumptus curationem indicet, vt nec eam coindicare, aut contraindicare, vel correpugnare valeat. Nam quòd aëris intemperies morbos intendendi vim habeant, & ob id remediorum quantitatē coindicent, victum autem coindicantibus correpugnent, verissimum esse agnosco, quemadmodū & illud omnibus patere puto, eundem victum coindicare, quum quales subint in corpore vires, quæque secundum naturam in nobis esse statuuntur, ostendit. At vt remedij vim subit, & ea ratione consideratur, qua morbos tollendi facultatē habet, curationem haudquaquam indicare potest, si modo ea principia, quæ tertio libro Methodi de hac re sunt posita tueri velimus. Etenim eo loco scribitur nihil esse posse, quod curationem indicet, quod non curetur, absurdūmq; fore si quis aliter statuatur. Quamobrem quum aër non curetur, sed solus morbus, quo modo (quæso) ille curationis indicator fuerit. Nec est quod putemus morbum præcipuè indicare curationem, aërem autem ipsum idem facere minore quadā vi, aut (vt dicitur) secundo loco. & per accidens. Quo modo quæstionarij medici vrgētem locum effugere nituntur. Nam si absurdum est aliud esse, quod curationem indicet: aliud verò quod curetur: necesse est, vt omnia curari dicamus, quæ curationem indicant, præcipuè autem, illorum opinione, morbum, alio verò modo aërem ipsum. Quæ planè sunt ridicula, sed apud sophistas nullum est tam validum, tamque vrgens argumentum, quod per se, & per accidens non putetur soluere. Præterea quum aër eo loco sumatur, vt instrumentū, & materia medica, qua vtimur tum ad naturales affectus conseruandos, tum eos, qui præter naturā sunt, propellendos: quomodo (quæso) aliquid indicare poterit: si quidem materia est, quæ indicatur, & non indicat, nimirū quū indicatio comprehensio sit iuuantis, & nocentis, quæ ab eo, quod iuuari debet, oritur: alioqui si id, quod indicatur, vnamquam indicare posset, idem esset morbus & remedium, sanitas & victus, & idem quod iuuat cum eo, quod iuuatur: vt ergo nullum aliud remedium indicat, aut coindicat, vel contrain-



trahat, aut correpugnat: Sic nec aer aliquid horum efficere potest: nec illud quidem aliquid facit, quod scribit Galenus, ideo ab aere indicationem capit: quod sine eo morbi tolli, & retineri sanitas nequeat: quod in aliis remediis non contingit, quae in promptu sunt, quorumque usum euitare unicuique licet. Neque enim omnes morbi egent aere ut remedio, quales sunt qui partes instrumentarias affligunt, quibus nihil aer confert. Ad haec ut aere, sic cibo & potu, somno & vigilia sanitas conservatur, & morbi propulsantur: Nec minus sane difficile est illorum noxas, quam quae ab aere excitantur, euitare: quum ea, quae ab illis nascuntur mala, nulla se sapius mitigari queant, aeris autem iniuriae vel loci mutatione, vel alia ratione prompte corrigantur: ac multo minus illud video esse necessarium quod ille statuit, ut scilicet praesenti caeli conditione semper utamur: quandoquidem per sanitatem, & leniores morbos facile in alium aerem migrare unicuique liceat, in grauioribus autem malis, in quibus non licet id facere, non datur etiam praedictorum vitia fugere. Requiritur etenim ad morbos fugandos semper vigiliam, quae aliquando nulla arte conciliare, aut arcere conceditur. Quin & aquae incumoda difficilius quam aeris intemperies emendantur: nimirum quum tota vna regio eadem aut parum differente aqua, quoniam & eadem terra saepe utatur, aere autem diuersos: siquidem in eadem domo cum variari videmus: quando in locis subterraneis alias habet qualitates, quam in altis, alias in apricis, quam umbrosis, alias in his, qui ad orientem, quam qui ad occidentem spectant: & denique pro diuerso locorum seu diuersum naturam, & qualitates assumat, eas praefertim, quas in morbis tollendis eo loco querit, nempe caliditatem, frigiditatem, humiditatem & siccitatem. Quod si illud concedamus difficilius aeris noxas vitari, quam aliarum rerum, quae sanis & aegrisque corporibus adhibentur, non tamen propterea huiusmodi difficultas indicandi causa esse debet: alioqui inter alia indicarent, quae difficilius corrigi possunt: Par ergo in omni materia medica ratio. Indicat enim corporis affectus quare, & qualis sit opus: quae si adest, gratia illi est habenda: Sin minus, ea arte paranda: etiam interim alia aliis facilius acquiruntur, & magis vel minus iuuat, aut laedunt. Sic sane ubi aer calidus est, & frigidum postulat corporis status, omni ratione vrimus

cum

eum frigidum reddere. Eodem planè modo quum corporis vitia remedia alia expostulant certis qualitatibus prædita, nec ea huiusmodi spontè inueniuntur, arte nitimur illis cōparare, quod ab affectu exigitur. Qua ratione vbi per febres ardentes biliosi infestant humores, qui præcipue rhabbari potionem postulent, liquoribus refrigerantibus humectantibusque illius caliditatem retundimus, siccitatēque diluimus: Si vero nihil obliuit naturæ illius qualitates, nihil præterea molimur, id quod omnino vt in aere contingit: cuius qualitates recipimus vbi non lædunt, aut etiam profunt: mutamus autem si curationem, causarumque morborum ablationem impediant. Quod si ita est, illud pariter constare puto aerem ambientem quatenus sanitatis conferuandæ, aut profigandi, vel arcendi morbos potestatem habet, nulla ratione inter indicantia reponi. Quare multo minus curationē indicare poterit, at nescio quo modo Galenus in hanc quoque opinionē, repugnante rei natura, & positis antea de indicationibus principiis, inciderit.

*Causas morborum externas inter indicantia ex  
Galeni tractatione statuendas esse.*

## CAP. VII.



IBRO quarto Methodi medendi accerrimè inuehitur Galenus aduersus methodicos medicos, dum probare niritur eos hallucinari quod à causa externa, quæ morbos peperit indicationem sumerent, hoc argumento adductus, quod à nullo eorum, quæ amplius non permanent, nec aliqua re egent indicatio sumi debeat. Fatetur tamē morbi causam ostendere qualis sit affectus, quē ea excitauit. Quod si ita est, cur ergo ab eo scriptum est nono eiusdem operis libro corporis temperamentum, quod fuit, ante quā homo laboraret, curationem indicare? Eadem ratione nec consuetudo, nec viuendi conditio per morbos aliquid indicare possunt. Quippe quum assuetis per sanitatem rebus amplius non vtamur, & solita vitæ munia ob vrgentem morbum omnia sint intermissa. Quamobrem si hæc ratio facit, quod ea quæ iam abierunt, & amplius non adsunt, nec vlla re opus habent, indicare nequeant temere hæc inter indicantia enumeramus: aut si ea admittimus,

con

conuincimur pariter externas morborum causas recipere: quippe quū non minus illa quā hęc ablin̄t: nec magis rem aliquam desiderent, quę huius sunt, quā illius generis. Præterea si concedit externam causam conferre ad affectus excitatos in corpore dignoscendos, concedat etiā oportet ab ea indicationē capi. Quo modo ab ætate, sexu, cōsuetudine, viuendi conditione, corporis habitu, alijsq; multis indicationes ducit, non alia quidē ratione, quā quod ex illis signa petamus quę qualis sit corporis status, ostēdere valēt. Quod & ipse nono Methodi aperte testatur, consuetudinē scilicet ac ætatem, temperamēti interuentu, quod nimirū monstrēt qualis sit corporis tēperies, suas indicationes præbere. Itaq; si causa externa nō indicat, nec ergo ea, quę prædiximus indicabunt, à quibus tamen illę indicationes passim sumit. Eadem, me hercle, est ratio de tempore, quo quis morbo laborare cœpit, quod omnino negat aliquid indicare posse, sed duntaxat ad effectus naturā deprehendendam facere putat: Nam & illud indicabit, si consuetudo, & reliqua, quę eiusdem sunt generis aliquid indicare posse dicuntur. An non clarē vndecimo Methodi causam externam perinde vt consuetudinē, ætatem, ad affectus dignotionē facere, & ob id ab omnibus illis indicationes accipi scribit: Contrarium planē quā fecerit quarto libro eiusdem operis, in quo externam causam ab indicantiū numero excludit. Quod si nec cōsuetudinem, nec ætatem, nec causam externam verē indicare quis dicat, sed coindicare, signaque præbere ad corporis statum dignoscendū, quod aperte libro quinto de Sanitate tuenda memorię prodidit, verū quidē sentiet, sed interim quur potius vnum, quā alterū ex his, quę eandem vim habent, inter indicantia ponit, alijs exclusis? quur consuetudinem, ætatēque curationem indicare censet, externam autem causam minimē, si ille coindicantia cum indicantibus nescio qua licentia confundit, quur idem alijs, quos hoc nomine ineptissimos iudicat, facere non licebit? Si illius rationes non minus excludunt consuetudinem, natium temperamentū per febres, victū per sanitatē consuetum, & infinita alia, quā euidentēs morborū causas, & tempus ipsum quo morbi sunt contracti. Qua (quæso) ratione hęc relict ab indicantibus, illa verō indicare contendit? Hęc nescio quo modo non perspexerit Galenus noster (dum alios audisset

auidissimè prosequitur, & reprehendit) suis principiis repugnare, seque in eisdem errores labi, & eisdemmet telis perfodi quibus aliorum famam, & gloriam labefactare tantopere laborauit.

*Quæ, & quot sint, quæ vere indicent.*

## CAP. VIII.



**P**ORRO si indicatio à natura rei, quæ aliquid in corpore nostro moliendū ostendit, sumitur (quod enim iuuat, aut nocet, corporis nostri causa quærimus) vnū profectò erit, quod indicare possit, nèpe corporis nostri conditio: quū enim illa ab internis externisq; causis continuò corrumpatur, artem & operam nostrā deliderat, quæ vitia emendet, ac quod lædere potest, fugiat. Hæc siquidē remedia excogitauit, quibus imminentes morbos arceamus, & iam infestantes propulsemus: hæc diuersam, & vnicuique propriam viuendi rationē instituit, qua ea quæ secundū naturā in nobis sunt tueamur, quatenus humana natura postulat. Quinetiā diuersa officia inuenit necessaria, ac in singulis actionibus scopos quosdam posuit: signa excogitauit, quibus omnē corporis statū dignoscere possemus. Causas præterea morborū omniū, & partes inuenire studuit. Ac (vt semel dicā) omnia sua ad corporis nostri vtilitatē & vsum retulit: nimirū impulsā à fragili & corruptibili nostra conditione, quæ semper aliquid postulat, quo tum insita, tum aliunde parta vitia corrigantur emendenturque. Quòd si aliquando vel aëris vitia corrigere velle videmur, aut cōsuetudinē mutemus, aut in alio viuendi rationem variamus, id quidem facimus non vt ea indicent aliquid huiusmodi esse faciendū, sed quòd corporis nostri status id postulet. Nā quur (quæso) laboraremus in huiusmodi rebus, nisi speraremus illas nobis vtiliores fore? Quo fit vt nihil primo, & per se indicet esse faciendum, præterquam hæc nostra natura, nostrēq; hic corporis status, qui admonet sumenda esse, quæ sibi prodesse possint, ea verè euitanda, quæ sunt apta natāque nocere. Hæc ergo sola & vna est, quæ inter indicantia poni debeat. Quòd si illa simplex, & perpetuò eadem foret, vnum & simplex esset, quod perpetuò indicaret. At quū illa triplex sit, ex qualitate conditionis sumpta differentia (vel enim secundū naturam exi-

Q

stet, vel naturæ contraria, aut media quæ & neutra dicitur) tres proinde erunt ex summo genere ortæ differentiæ, tres. quæ status, qui indicare aliquid valeant, nempe quod secundum naturam, vel medium, aut præter naturam est. Cæterum quum in vnoquoque statu quoddam sit vt constitutio, siue compositio ipsa, aliud vt constitutionis causa, tertium quod eam sequitur effectus scilicet cõpositionis, tria ex omni statu, quæ indicent, resultare necesse est. Cõstitutio inquam, illius causæ, & effectus, hæc enim omnia aliquid esse agendum sui ratione insinuant. Porro compositionem secundum naturam, vt a libi ostendimus, sanitatem vocamus: eam verò, quæ præter naturam est, morbum: Effectus autem sanitatis accidentia: morbum verò sequentia, symptomata nuncupare solemus. At causas cuiusque adiectione eius, cuius sunt causæ exprimimus, & quædam scilicet sint sanitatis, aliarum morbi, nonnullæ mediæ illius constitutionis. Sic etiam quum nomine simplici careamus, neutram constitutionem, neutram causam, neutrosque effectus dicimus. At quum inter causas sanitatis, morbi, mediæque constitutionis, quædam actu sint causæ, quædam potentia: aliæ verò causæ esse desierint: aliæ præterea gignendi, aliæ iuuandi, vel ledendi vim obtineant: & quædam in nobis sint: aliæ verò extrinsecus posite, harum omnium natura explicanda est: ac deinde docendum an omnes, an aliquæ duntaxat inter indicantia recipi debeant. Est quidem crassus, viscidusque humor, qui obstructionem iam committit in orificiis vasorum impactus obstructionis causa: qui verò aut in cavitate vasis, aut in alia parte continetur, eiusdem causa non actu sed in potentia. Exercitatio, quæ febrem intulit, aut ira, quæ calorem accendit, & gladius quo quis hominem vulnerauit excitatis affectibus, causæ haudquaquam amplius vocari debent: vtpote quæ nihil amplius efficiant, aut aliquid conferant ad conseruandum vel augendum id, quod est factum. Gignunt morbos morbosæ causæ, quæ scilicet structuram nostri corporis corrumpendi facultatem obtinent. Iuuant quæ corporis vitia emendant, obfunt verò, quæ illa maiora reddunt vel fouent. Illud verò superfluum puto esse docere, quænam intus, quæ verò foris poni debeant: quandoquidem hæc omnibus patent: quin potius illud nunc ostendere oportet, an omnes prædictæ causæ inter indicantia locum inueniant. Itaque imprimis excludo ab illis causas, quæ iam recesserunt:

Quod

Quod enim amplius non est : vt nulla re eget , sic indicare quidpiam non valet. Nec verò recipiendæ sunt inter indicantia iuuantes, lædentesque causæ: Nam illæ indicantur (vt antea ostendimus) propterea quod indicatio iuuantis, lædentis que est comprehensio: nihil autem indicare & simul indicari potest. Quæ verò in nobis reperiuntur causæ, vt & alia omnia aliquid omnino indicant: nihil enim in nobis est, quod vel sui conseruationem, aut ablationem non ostendat: At causæ, quæ extrinsecus sunt postq̃, gignendiq̃, in nobis dispositiones vim habent, omnes profectò vt huiusmodi sunt causæ, aliquid ostendunt moliendum. Nam quæ morbos vel iam pariunt, aut concitare sunt apta, summouere cupimus, indicantque illæ sui ablationem, vt & alia, quæ nobis præter naturam sunt insita. Verum enimuerò quum inter illas nonnullæ sint quæ casu, & fortuna temerè nos afficiūt, cuius generis existunt vulnerantia, contudentia, vel quæ alio modo extrinsecus nos impetunt: aliæ verò quarū actio, & vsus est necessarius, quas recentiores res non naturales vocant, illæ quidem vt pote quæ artis nostræ prouidentiam excedāt (id quod optime etiam Galenus memoriæ prodidit) ab indicantium numero sunt reiiciendæ, hæc verò recipiendæ, quæ vel semper, aut certè vt plurimū vniuersa corpora immutāt. Sic enim vbi veremur morbos ob aëris ambientis intemperies, aut peruersam viuendi rationem: arte nostra, sublatis morborū occasionibus, sanitatem tuemur, ac morbos præcauimus, non minus profectò, quàm quum noxios humores in corpore latentes euacuamus, vel alteratione corrigimus: atque ita imminentium morborū generationem prohibemus. Hæc quidem sunt, quæ inter indicantia (vt arbitror) sunt ponenda: reliqua verò omnia, quæ indicare dicuntur aliquid esse faciendum, haudquaquam indicant: Veluti quæ secundo loco id faciunt: quæ quoniam ad corporis statum dignoscendum conferunt, ex quo postea intelligimus agendum esse, & quid agere expediat, coindicare, & non indicare dicere debemus. Sic sanè cōsuetudinem, vitæ cōditionem, anni tempora, regionem celi, statum, sexum, ætatēq̃, in conseruanda sanitate, morbisque profligandis consideramus, nō quidem vt causas sanitatis, aut morbi, sed tanquam signa, vnde fit vt nō indicent quid sit faciendum, sed qualis sit corporis constitutio, & causæ illius proximæ, & effectus,

qui ex ea proueniūt monstrent, ex quorū postea natura quid agere expediat, indicatur. Præterea ex indicantibus quædā contraindiciantia & coindicantia sunt: etenim quæ secundū naturam sunt, his repugnant quæ præter naturam existunt, & contra hæc illis refragantur: quæ verò secundum naturā, vel nature contraria coindicant quæ sunt sui generis. Quæ quum Galenus nonnunquam inter se distinguat, nonnunquam verò confundat, non solum variam, & difficilem reddit præsentem tractationem, sed etiam plura, quàm rei natura admittat, inter indicantia enumerat. Quum verò coindicantia indicantium sint signa, adeo excrescit numerus eorum, quæ inter indicantia ab eo ponuntur, vt nemo vnquam se omnia indicantia recensuisse credere possit: quum tamen ars ipsa id polliceatur. Quantum verò referat hæc inter se distinxisse, quilibet intelligere potest, qui nouit plurimum interesse inter ea, quæ aliquid per se ab his, quæ per accidens idem præstant, & ea, quæ suadent aliquid esse faciendum ab aliis, quæ illud impediunt, esse seiungenda, id quod postea tum duce ipsius rei natura, tum Galeni ipsius testimonio clarius innotescet.

*Quid vnumquodque ex supradictis  
indiket generatim.*

C A P. IX.



V V M indicatio à natura rei sumatur, necesse est vnumquodque ex supradictis vnū duntaxat indicare posse, siquidem vnus vna est natura, id quod optimè Galenus secundo libro, & nono Methodi medendi: atque etiam in libro de Optima secta probat: quo etiam authore constat quòd semper illud vnū indicabit pro sua natura, & id, quod indicatur, ab vno solo indicari potest, nimirum quum & illud vnā naturam habeat. quæ vni indicanti respondet. Quamobrem quæ communem habent multis naturam, commune aliquid indicabunt: & quæ indicantur communia, non nisi ab eo, quod communē naturam est sortitū, indicari poterunt. Sic sanè peculiaris cuiusque natura vnum, & peculiare quidpiam ab aliis diuersum præstandū esse ostendet, & quod peculiarem propriamque quandam naturam  
habet,

habet, nō nisi ab eo, q̄ eiusdem sit generis, indicabitur. Itaque quū nostri corporis conditio huiusmodi sit, vt absq; opera nostra perdurare nequeat, necessario actionem medici indicabit, quę scilicet corrigat, emendētque quod in ea est vitiatū. Vnde nō solum agendum esse, sed etiam quid agendum sit nempe corrigēdum monstrabit. Proinde & differentes corporis status diuersas quoque actiones indicabū: si quid enim (inquit Galenus) sine differētia sumptum aliquid indicat, si illud differentias suas acceperit, alterius quoque nempe quod indicatur, differentias ostēdet. Proinde si conditio nostri corporis agendū esse, & corrigendum indicat, diuersa eiusdem natura diuersas (vt diximus) correctiones indicabit. Est porrō naturalis cōstitutio suapte natura nobis familiaris & vtilis, quod autem tale est, seruare, augere tuerique cupimus. Quare ea correctionem, quę cōseruandū augendique vim habeat, exigit: hinc enim dicimus vires sui cōseruationem, auctiōemque postulare, quum mediocrem, plenūque vīctum ab illis indicari scribit Galenus, status verō prāter naturā alienus inimicus, nobisque inutilis existit, qui ob id sui oblationem indicabit. Quod si ita est, medius status, vtpote qui mixtus ex duobus sit extremis, mediam quoque operam, & ex vtroq; mixtū officium quod scī licet parit̄ cōseruet, partimq; mutet, requiret. Sic ergo & causę, & effectus, & compositio ipsa quę in vnoquoque statu reperiūtur, peculiare quidpiam indicabū. Id quod certē fieri omnes concedunt. Nam morborum causas prāseruationem, morbū vero ipsum curationē, vehemētiora autem symptomata mitigationem postulare, ab omnibus medicis iam dudum est receptum. Cāterum quum naturalis status cōseruatio, & eius qui prāter naturam est, ablatio, fieri nequeat, nisi idonea adsit materia, & accommodata suppetant. singulis præsidia, ideo ille vīctum, hic verō remedia indicabit. Sic enim Galenus initio libri de Sectis materiam, quę sanos cōseruat, & ægros restituit, vocari iubet: diuersi ergo morbi, & diuersę illorum causę, & ipsi morbi diuersa à causis remedia indicabunt. At pari quidem ratione diuersum vīctum, quę secundum naturam sunt diuersa, requirēt: id quod etiam fieri apparet: alia enim remedia postulat interperies calida, quā frigida, alia humorum corruptio quā multitudo, alia vitiatā ipsa structura, quā causę,



quæ eam labefaciunt. Quod si quædā sunt, quæ multis præ-  
sint, diuersæ naturæ, veluti quæ humorum vitio & intempe-  
raturis partium eodem auxilio opitulantur: non tamē pro-  
pterea quicquam dictis repugnat: propterea quod vel hæc,  
quæ adhibentur præsidia varia, & diuersa facultate sunt præ-  
dita, vel ex accidenti quodam sequentibus conferunt, vel  
quod etiam quæ diuersa existunt in eo, conueniāt, quod idē  
iuuamentum postulent. Nam quod purgandi, refrigeran-  
diq; vim est sortitum, nō mirum si vtrunque præstare va-  
leat, & interim noxios humores educat, & partium tempe-  
riem emendet: sic quæ calidam materiam, quæ corporis cō-  
stitutionē labefactat euacuāt, vno negotio, & auxilio vtriq;  
malo, sed vni prius, quā alteri medentur: at humor cali-  
dus morbi causa, & ipsa febris refrigerantia pariter expo-  
scunt. Quamobrem illud manet inuiolatū principium, vnū  
indicare vnum, & vnum ab vno indicari, & quod vnā aut  
diuersā nūc cum alio naturam obtinet, vnum aut diuersum  
cum illo præsidium exigere. Quæ quidē principia, vt à Ga-  
leno sunt posita, & à rei natura confirmata, ita diligenter  
notanda, & memoriæ mandanda. Nam ex illis postea osten-  
dere licebit, quid Galenus in hac tractatione confundat, aut  
superfluo tradat, quid verò ex eo authore retinendum, quid  
reiciendum, & deniq; quid bene, aut malè ab eo dicatur.

*Quid indicent singula, quæ secundum  
naturam existunt.*

CAP. X.



**Q**UANTIA, quæ secundum naturam in nobis  
sunt, vel circa corpus nostrum tanquam cau-  
sæ versantur (de quibus antea egimus, quum  
quærebamus quæ, & quot indicare possent)  
sui conseruationem, nec aliud vnquam indica-  
re omnibus constare puto, qui negligenter non legerint,  
quæ hactenus demonstrauius, & modo posita principia  
non est oblitus. Nā & causæ sanitatis, & sanitas ipsa, illiusq;  
effectus nimirū, quod omnia sint nobis amica, & familia-  
ria, suā tutelā desiderant. At nō omnia reliquos scopos indi-  
cant: etenim quæ ipsam corporis compositionē sequuntur,  
materia propria nō egent: quippe quum ad illius mutationē  
pariter mutantur: nā qui rēperiem tuetur, corporis qualita-  
tes, quæ

res, quæ ab ea proueniūt, eodē negotio cōseruat. Quare etsi  
 sui cōseruationē non tamē propterea materiā aliquā pecu-  
 liarem, quæ cōseruentur, sanitatis effectus indicāt, structuræ  
 autem ipsa, & structuræ causæ propriā materiā exigunt:  
 non enim omnia, quæ tempericæ partium tueri sunt apta,  
 eadem humoribus profunt: sed est quando nunc eadē, nunc  
 diuersa eisdem conferāt, aut obsint: id quod potissimum in  
 statu præter naturā apparet, in quo sæpe ea, quæ faciunt ad  
 morbos, eorum causis obsunt. Veruntamen excipiendæ ve-  
 niunt corporis facultates, quæ etsi structuram sequuntur si-  
 milarium, & instrumentariarum partiū, & ferē eisdē præsi-  
 diis, quibus illa seruantur, aliis tamen peculiariter egere  
 videntur, nutrimento scilicet, siquidem corpus nutrimus, vt  
 illius facultates foueātur, augeanturque. Quapropter tum  
 Galenus, tum alij omnes medici optimē sensisse vidētur: quod  
 solæ facultates inter ea, quæ in nostro corpore reperiuntur,  
 nutriendi rationē indicent, & moderentur: id quod nos ali-  
 quando (Deo fauente) in opere, quod paramus de nutriendi  
 ratione, diligentius expendemus, & euidentissimis rationi-  
 bus probabimus, nunc vel hoc solo argumento omnibus cō-  
 stare potest facultates, virēsque corporis nutritionem vni-  
 uersam describere quod pro illarū robore, & imbecillitate,  
 diuersaque alia conditione in diuersis, aut eisdē (quantum  
 sensus deprehendere potest) tēperamentis nutrimenti copiam,  
 & naturam variemus. Nam tantū planē alimenti unicuique  
 exhibemus, quantum illius vires conficere valeant, siue mu-  
 lier, siue vir, siue crasso vel gracili, denso vel raro sit corpore,  
 aut denique alio modo sit affectus, qui huiusmodi nutrime-  
 tum exoptulat. Quare tria erunt, quæ sibi proprium victū  
 in eo, quod est secundum naturam, indicare possint, primū  
 temperies similarium partiū, & recta structura organicarū:  
 secundū illarū causæ remotiores, (nā quæ immediatæ sunt,  
 idem planē quod ipsa constitutio desiderant) tertium facul-  
 tates ipsæ præsertim naturalis, quæ quidem nutritionis est  
 indicatrix: omnia tamen, quæ secundū naturam sunt, perpe-  
 tuò sui cōseruationem, suūque victum pro sua natura in-  
 dicabunt: nec aliquid istorum curationem, aut præseruationem  
 remedia, aut aliquid demū eorū, quæ ab his, quæ præ-  
 ter naturā sunt affecta, suggerūtur, indicare vinquā poterit,  
 si modò à contrariis naturis contraria indicantur. At quæ

(quæso) Galenus alias ab illis indicationes sumit? Etenim temperiem corporis naturalē curationē, naturam vero partis, sensum, & situm genus remedij: posituram verò ipsam eiusdem locū, qualitatem, & vtēdi modum: partis autē figuram remedij modum, substantiā illius, & vires huius quantitatem, & vacuationem: necnon actionem, & dignitatē partium vacuantium, & aliorū remediorū, quæ vires dissoluere sunt aptæ, quantitatem, & alia denique omnia, quæ secundū naturam sunt, curationem, remediorūque scopos indicare passim cōmemorat. Quid (inquam) aliud est, nisi quòd illē sui sæpe obliuiscitur, & rarò de eadem re diuersis in locis idem tradit, nec posita principia tuetur? Quum enim vndecimo libro Methodi medendi, & passim alibi scribat vnū semper vnum indicare: quoniā vnaquæque res vnica habet naturā: & eos, qui id ignorant, refert non posse medēdi, & conseruandæ sanitatis methodum constituere: quòd malis nitantur fundamentis, oportebat sanè huius principij eum memorem esse, nec vnum ad plura, diuersiq̃ue generis indicanda assumere, aut alioqui huiusmodi methodum nō aggredi, quæ (vt ait) hoc principio neglecto, constare nequit. Sunt enim ea omnia, q̃ paulò antea retulimus, secundū naturam, & propterea nobis familiaria & amica: ex quo sequitur ea sui cōseruationē, & tutelā perpetuò indicare, curationem autē aut remediā, vel illorum quantitātē, qualitātē, vel locū, vel modū, aut quēpiā aliū scopū, quē in illis obseruare oportet, nequaquā, si modo illē sui ablationē, & cōseruationem simul exposulare nequit. Nā quòd secundū naturā est, nunquā non desiderat sui cōseruationem. At quo modo curationem, quæ morbis debetur, indicabit vnquam? Quomodo illa eadem, quæ nobis sunt familiaria, indicabūt remediā, si cōseruationem indicant, quæ visu peragitur, remediis autē mutatio prioris status in aliū contingit? Quòd si forte prædicta contraindicare dicamus, & contraindicatoria indicantium nomine complecti velimus, grauior sanè excusatio, quā primus error reddetur. Primū quòd nominibus abutimur, quorum proprietatem, & vim diligenter seruandam esse passim ille præcipit, & meritò quidē: nam quid ineptius, quā res impropriis nominibus vocare, ex quorum significatione, qualis res subsit, intelligere cogimur: si quidem vt Aristoteles scribit, mentis conceptus res ipsas,

ipsas, hos verò voces exprimunt. Quid quod magis disciplinas confundat, & obscuret, quàm impropria vocabulorum significatio? deinde si omnia indicare statuamus, vbi cōtra-indicantia relinquūtur? Quid est præterea, quòd toties mēdendi rationem variandā esse doceat, vbi contraindicantia adsunt? Nonne hoc pacto omnia confundimus, si hæc quæ & nominibus, & natura longè inter se discrepāt, non seiungimus? At quomodo (quæso) tēperies curationē indicabit, si vires nullam indicationem curatoriam (vt ille nono libro Methodi medēdi scribit) præbere possunt? Sunt enim pariter secundum naturā tum vires, tum ipsa naturalis tēperies, vt non magis hæc, quā illæ curationē indicare queāt. Ad hæc quo pacto quātitatē remediōrū vires indicabunt, si curationē indicare nequeunt? nihil enim materiam, quæ vni actioni seruit, insinuare potest, quim ipsam etiam actionem ostendat, siquidē absurdum fuerit quidpiam remediū curatiuum requirere, ipsam autē curationē minimè. Quir acerrimè disputat, dum probare nititur vires nullum remediū indicare, si eas postea vacuationem, & quātitatē aliorum remediōrum indicare nusquam non statuit? Qui profecto repræhendendi non essent, si indicantium nomine cōtra-indicantia complecti potuissent, siquidem omnibus notum est vires aut prorsus nonnunquam remedia impedire, vt venæ sectionem, & purgationem, aut certè illorū quantitatem moderari: At indicare aliud est, quàm prohibere ne aliquid fiat, aut modum indicantibus imponere, vt ille tum alibi, tum maximè in libro de Optima secta ostendit: nemo enim ex contraindicantiū natura inueniet vnquā id, quod agere oporteat, sed quod ab indicantibus iam est inuentum, prohiberi ab illis, vel certè moderari intelliget. Nam quis virium natura percepta cōcipiet vnquam vacuatione, aut alio remedio opus esse? id quod statim agnoscet qui de multitudine agar, quæ corpus grauet. At interim vires vacuationem, quam monstrauit faciendam esse humoris redūdantia, ob infirmitatē non admittunt, aut illi modū constituūt. Retinere ergo oportet semel posita optima principia, vnū semper vnum, nec plura indicare posse. Quòd si ita est, singula, quæ secundū naturā esse enumerauimus (vt antea diximus) nō aliud profectò generatim indicabunt, quàm sui

Conseruationē: sigillatim verò propriā certāque materiā, quæ id præstare valeat. Alia etenim est cōseruatio tēperaturæ corporis, alia cōformationis, vel magnitudinis, alia est opus materia, quæ temperiem seruet, alia, quæ figuram partis tueatur, aut si eadem nonnunquam est diuersa natura, & viribus est donata, quibus multis satisficere possit: veluti cibus calidus, quatenus nutrit, vim habet seruādi vires, facultatēque corporis, quatenus verò calidus, eiusdem temperiem custodit.

*Quid indicent singula, quæ sunt  
præter naturam.*

## CAP. XI.



CORPORIS statum, qui præter naturam est, sui ablationē indicare, & singula, quæ huius sunt generis, certam, propriāque remotionem, veluti morbum, curationem, causas, præseruationem, & symptomata, quæ vehementiora sunt, mitigationem postulare antea ostendimus. Nunc vero illud pariter expendēdum esse puto, an singula, quæ præter naturam sunt posita, certa, sibi que propriā remedia indicēt. Qua quidem in re Galenus libro tertio Methodi medendi tradit morbum sui duntaxat ablationem, siue curationem, remedium autem nequaquā indicare, dum scilicet scribit indicationem, quæ à morbo suggeritur, vel etiā idioris esse notissimam. Siquidem omnes morbis ablationem deberi asserunt: at quibus remediis propelli morbi valeant, soli medici cognoscere possunt. Propterea (inquit) quòd illorum auxilia ex causis, & corporis natura, multisque aliis petantur, quorum scientiam sola medicina proficitur. Id quod clarius adhuc in libro de Optima secta probare nititur. Nam tertio libro methodi non planè inficiatur remedia curatoria, quæque morbis propellendis adhibentur, partim à morbo sumi, sed illud negat magni alicuius momenti indicationē, quā morbus præbet, quum ea veluti principiū tantū sit, vnde medendi ratio exorditur: verum in libro de Optima secta, eo quod diuersis remediis in eisdem: atque diuersis morbis vtamur, quū eadē est causa fieri putat, vt morbus remediū nullo pacto indicet, sed ad illi<sup>9</sup> causam vniuersa indicandi

dicandi vis referri debeat. Addit medicos, non ad morbos, sed ad illorum causas depellendas acciri, & auxilia non affectis, sed facientibus scilicet causis aduersari. In qua quidem re non morabor, ut ostendam eum pro morbis diuersis sæpe diuersa symptomata capere, ut satis patet, quum de aluo adstricta, & fusa ab eadem causa agit: sed ad id quod in hac re præcipuum est me conuertam, ostenderéque conabor non aliud, quàm morbum ipsum sua remedia indicare posse: nam ut morbus sui ablationem, sic & remedia, quæ id præstare valeant omnino indicabit, quando alioqui absurdum esset alteri remedia curatoria adhibere, quàm ei, cui curatio debetur: ut enim ille libro tertio Methodi absurdum iudicat fore, si aliud statuamus curationem indicare, quàm id quod curari oportet, sic profectò alienù fuerit ponere ab aliis, quàm à morbo indicari remedia, quibus ad curationem utimur. Docet & id rei naturæ: calidus siquidem morbus nō solum sui ablationem sed etiam præsidia, quæ refrigerandi vim habeant, indicat, nec magis profectò ex morbi causa, veluti repletionem, intelligimus qua materia sit opus ad vacuandum, quàm ex intemperie calida ad refrigerandum. Quid quòd ille vndecimo Methodi scribit morbum qualitatē remediij indicare? Quid quòd in febribus putridis duo genera auxiliorum indicari, vnum à causa, alterum à febre ipsa eodem libro meminit? In morbis præterea, qui causam non habent, veluti in diariis, quæ manent, postea quàm causa abiit, quæ eas peperit remedium inuenire non possemus: quoniam quidem ab externa causa, eo authore, curatio non indicatur: nec alia in corpore subest causa (ut idem nono, & decimo Methodi refert) in veris diariis, sed simplex duntaxat morbus, qui ut sui ablationem, sic & propria sibi remedia requireret. Id quod etiam apertè testatur locis præcitatis: ubi inquit: faciendorū indicationem ab ipsa febre capies. An non ad diarias febres, in quibus, eo authore, solus est morbus, propulsandas medicos vocamus? quid ergo scribit non ad morbos, sed ad causas duntaxat illorum abigendas medici operā requiri? Indicat ergo morbus non solum agendum esse, sui quæ ablationem: sed etiā quid moliendū, quæve materia ad curationem sit opus. Quod si validiora argumenta fortè quis requirat, non his contentus, quæ omnibus bene affectis sufficere puto, licebit idem hoc modo facere pro

lè probare. Nam vel causa morbi, vel morbus ipse, vel symptomata, vel quædam ex his, vel omnia inter se cõiuncta remedia curatiua indicabunt: nihil enim eorũ, quæ secundum naturã sunt, id facere potest: At non symptomata, quæ vel nihil, aut solam mitigationem, lenientiãque auxilia postulant, non causa morbi, quæ eo authore, quod præseruandi vim habet, præsidium ostendit, alioqui non solum præseruationem, sed etiam curationem illa suggereret: & nihil relinqueretur, quod curationem monstraret. Ac multo quidẽ minus illa inter se cõiuncta id, quod quærimus, insinuarẽt. Sic enim causis efficientibus morbos, & ipsiis symptomatis eos augmentibus non minus, quàm ipsiis morbis curationem deberi ponere oporteret. Nam vt nihil esse diximus, quod curationem indicet præter id quod curatur: Sic profectò absurdũ fuerit statuere aliquid esse, quod præsidia curatiua requirat, & tamen curatione haudquaquam opus habeat: ni mirum quòd præsidia excogitata sint, vt illis profint, quæ eorum opem requirunt. Frãgeretur præterea alterius principij vis quo admonemur id, quod genus rei, & aliquid de vno indicat, omnes postea illius differentias indicare: quod sanè in aliis omnibus apparet fieri. Quod enim præseruationẽ, aut conseruationẽ ostendit, remedia quoq;, quæ præseruãdi facultatẽ habent, & vñctum, illorũque genera, qualitatem, quantitatem, & reliquos omnes scopos ostendit. Quamobrem necessariò fit, vt si morbus curationẽ, sic & curatoria remedia, & vniuersos illorum scopos indicet. Quod si proximam, & cõiunctã cum morbis causam vt calorẽ in febribus à morbo ipso distingueret, illud quidẽ verum esset, nõ morbos, sed eorum causas curatoria auxilia ostẽdere: sed quum ea inter se nequaquã seiungat, vt satis patet ex eo, quod scribit diariã febrem simplicẽ esse, & absq; causa affectum, fieri nõ potest, quin morbus eo authore vt curationem, sic præsidia quibus ea perficitur indicet. Nec illud quidẽ magis, quã alia obstat, quòd in libro de Optima secta scribit eo remedia nõ indicari ab effectibus, quòd idem affectus, vt inflammatio oculi, ventriculi, iecinoris diuersa præsidia postulet: Non enim ipse affectus est, qui idem sanè perpetuò indicat, sed partes differentes, quæ non eadem remedia admittunt, siquidem inflammatio siue ventriculũ affligat, siue hepar, aut oculũ, vel aliam quamcunq; partem, vacuãtiã humorem, ex  
qua

qua fit, postulat. At non eadem admittit vacuantia auxilia oculus, quæ musculosa caro: Id quod non solum in inflammationibus, sed in aliis ferè morbis omnibus contingit: at non propterea ex eo, quod partes contraindicant iis, quæ opitulantur, eisdem affectibus, putare debemus hos sua remedia non indicare. Nam hac ratione haudquaquam credamus vires sui conseruatione, & nutritione indicare, & vniuersam nutriendi rationem præscribere, propterea quod aliter homines alimus absentibus morbis, quam præsentibus, aliter in paruis quam magnis, continuis quam intermittentibus: & multitudinem vacuationem non ostendere dicamus, quoniam vires nunc eam admittunt, nunc respuunt: sunt enim eadem vires, eadem multitudo, in quibus tamen ob diuersa contraindicantia diuersis vtimur præsidiiis. Verum etsi ita res habet, & suapte natura morbus duntaxat inter omnia, quæ præter naturam sunt, curationis, & auxiliorum, quæ illi feruiunt, est indicator, non tamen propterea sibi peculiararia, & distincta ab his, quæ aliis prosunt, perpetuo auxilia postulat. Nam quum morborum causæ non parè semper vim obtineant in morborum generatione, sed quædã leues adhuc impressiones fecerint, aliæ verò pertinaciores morbos iam concitauerint, qui vel his suis causis ablatis consistere possunt, ideo fit vt vbi instabiles sunt adhuc affectus, satis sit aduersus eorum procreatrices causas pugnare, contemptis interim remediis, quæ ipsis morbis sunt peculiararia. Atque id est, quod Galenus octauo Methodi scribit febrè, quæ adhuc in generatione est, ablatione causæ gignentis euanesce-  
re. Sic etiam vbi mali humores corpus infestant, sed nondum firma est temperies, quam illi paritunt refrigerantibus, euacuantibus, concoquentibus, aut aliis auxiliis, quibus humorum vitia emendare solemus, quicquid est mali per sanamus, nullo peculiari ipsi intemperaturæ adhibito præsidio. Cæterum symptomata ipsa nec omnia: nec semper propria remedia exposculant. Quæ enim parua sunt, ablato morbo, & aliis suis causis statim recedunt: quæ verò ob magnitudinè, & peculiarem naturam morborum causæ euadunt, veluti vigilia, quæ exsiccatione corporis febres intendit, & dolor, qui tum hoc modo, tum aliter nocet, vt mitigatione, sic remedia, quæ eam præstare valeant, indicant. Corporis autem qualitates, quæ plurimum à naturali statu absunt, nunquam curatione



rationem interpellant, hoc solo contentæ ( vt alia vniuersa  
 symptomata, quæ minimum excedunt) quod sui ablatione  
 petant illis remediis, quibus morbi, morborumque causæ  
 tolluntur. Itaq; morborum causæ siue iam hos cõcitant, siue  
 paratæ sint facere: perpetuò sua remedia indicant: morbi ve  
 rò ipsi, eorûque effectus nec omnes, nec semper, sed inter  
 morbos interdumtaxat qui stabilitatē quādam sunt cõsequuti:  
 symptomata verò, quæ exacuendi, intendendique morbos,  
 aut vires labefactandi vim sunt sortita. Has ergo indicatio  
 nes & hoc modo præbent singula, quæ præter naturā sunt  
 posita: omnia enim sui ablatione, & vnunquodque illorum  
 certam, suāque remotionem, & nonnulla ex illis propriā,  
 certāque materiam indicāt. Quamobrem quum Galenus  
 morbi tempora, & eorū accessiones, morborumque ipsos, illo  
 rumque causas vñtum indicare scribit, rem pariter confun  
 dit, & contraindiciantia cum indicantibus miscet. Nam quod  
 aliter præsentibus, aut imminetibus morbis, & in illorū  
 vigore, quā in aliis temporibus, & dum exacuuntur mor  
 bi ipsi alio modo sint tractandi ægri, quā quum vel pror  
 sus sedatæ sunt accessiones, aut iam plurimum remittuntur,  
 ac quod diuersa nutriendi ratio his cõueniat, qui cruditate,  
 quā qui ex aliis causis laborant, certissimum quidem id est,  
 & ab omnibus receptum. Verum etsi hæc in victu instituen  
 do considerantur, non tamen vt indicantia, sed vt repugnan  
 tia à nobis spectantur: quæ vt inter se genere, & natura dif  
 ferunt: sic tractatione seiungi, & minimè inter se confundi  
 debent. Id quod illemet ostendit, quum passim eos arguit,  
 qui aliud quā vires ipsas nutritionem indicare putabant.\*  
 Quos quidem temere reprehēderet, si ab his, quæ sunt præ  
 ter naturam alibi postea (vt sæpe facit) indicationes in hoc  
 negotio duceret.

*Indicantia genera, & differentias actionis,  
 materiaq; medica.*

CAP.

XII.



**H**ACTENVS agendum esse, & quid, quāque  
 materia generatim vtendum sit, per indicatio  
 nes inuenimus, ac quæ sint horum indicantia  
 ostendimus, quum docuimus statum nostri cor  
 poris actionem indicare, nempe correctione,  
 cum

eum verò qui secundum naturam est, conseruationem, & vitam; aliū, qui naturali est cōtrarius, mutationē, & remediū monstrare. At quoniā obiter hæc sumus prosequuti, & præterea in omni officio, & materia, qua ad corporis præsidia vtimur, inferiora quædā genera, & differentiæ reperiuntur, præstat paulò diligentius de his agere. Ac quòd huiusmodi genera, & differentiæ in his reperiuntur, quæ quidē cōtemnenda non sunt, satis constat. Nam quædam citò, alia tardè fiunt, quædam vehemens est, alia remissior actio, quædā vtilis solum, alia etiam facilis, & iucunda, quædā verò cum dolore, aut alio modo fieri debent: Sic sanè inter ea, quæ agūt, quædā natura, quædā ars ipsa præstat, nonnulla vtriusque opera feliciter obeuntur: Quinetiā inter ea, quæ agēdi vim in nobis obtinent, eā vehementē, aut mitiorē, vel subitā, aut cunctantē habēt. Sunt quæ alterare, alia vacuare, alia dolore inferre, alia, quæ solū conferunt, alia verò quæ præterea facilitatē & voluptatē adiunctā habent, alia deniq; quæ hac vel illa ratione quod efficere possunt, præstant. Itaq; à quonam vnūquodq; ex his indicetur, expendere oportet. Verū quum quædā summa solū genera cōplectantur, quædā verò etiam singulis speciebus propriā, de his in peculiari singulorū tractatione aliquādo fortē agemus, hīc verò quod primis generibus est cōmune, duntaxat prosequemur. Non enim hoc loco quid nutritionē, aut vacuationē ostendat, docebimus: sed quid genus actionis, genūsq; materiæ, quod non solū vacuationi, & nutritioni, sed etiā omnibus, quæ victu, & remediis opus habent, cōmune existit, trademus. Nam quum nutrire, vel vacuare volumus, sæpe egemus, quod expedite id faciat, nonnunquā eo, quod tardius, vel magnā, aut minorem vim obtineat, vel aliter agere sit aptū, & id quidē est illud cōmune, quod à nobis hoc loco queritur. Quum præterea qualitas, quantitas, tēpus, & reliqui scopi propositi in singulis officiis, & materiæ vsu requirantur, ea quoque sunt docenda, quæ hæc indicare possint. Quæ quidē Galenus vtcunque aliquando attigit: vbi tamen de indicationibus diligentissime agere velle videtur, vt in Methodo medēdi, aut omnino prætermisit, aut certè nō satis explicauit: Quū enim docēdi ratio postulet, vt tradat, quid genus materiæ, quātitatē, qualitatē, vtendi modū, occasionem, & reliquos scopos indicet: deinde quid remedij, & victus genera, singulorūque

que eosdem propriosque scopos monstrat, id omittit: & solum quod peculiare est infimis speciebus explicat. Veluti quum ostendit quid quantitatem nutrimenti, aut vacationis insinuet. Quæ planè intelligi nequeunt, nisi prius, quid rei quantitatem declararet, sit ostensum: Nam quod commune est, singula præcedere debet. Ac quum plura auxilia habeat medicina, quàm quæ nutriunt, aut corpus vacuant, temere doceret, qui aliis omnibus contemptis, horum duntaxat rationem, & usum monstraret. Itaque nos quod commune omnibus est, explicare paucis (ut polliciti sumus) aggrediemur: repetito eo principio, quod ad alia inuenienda antea iam sæpius usurpauimus. Est porro principium hoc, vñū indicare, vñū & id quod indicat, assumptis suis differentiis, alterius, quod indicatur, similes differentias ostendere. Quamobrem quum status nostri corporis actionem indicet, diuersæ illius differentiæ, ut conseruationem, & mutationem, sic alias differentes actiones monstrabunt. Quod enim vehementer affligit, vehementem actionem quodque vehementer agere possit, ostendit. Sic etiam in statu secundum naturam, quod cito eget actione, ut nutritione, eam, & id quod cito conseruare, nutriréque possit, suggeret: quod verò extirpari, tollique nequit, nisi ab his quæ dolorem inferunt indicabit omnino id, quod agit cum dolore, suadebitque illud præferendum alteri, quod mitius agere aptum natura est. Sic sanè putrefactæ partes dolorifica squissimæque requirunt auxilia, à quibus, quod est corruptum rescindatur. Eadem inuenietur esse ratio in aliis actionibus, & genere præsidiorum. Cæterum genus remediorum scribit Galenus à multis indicari. Nā à partis dignitate, actione, natura, substantia, situ, ægri viribus, atque adeo à diuersis affectibus, illud indicari passim in Methodo medendi, & secundo libro ad Glauconem commemorat, quæ omnia à positis principiis sunt aliena. Nam si remedia indicantur ab eo, quod est præter naturam, necesse est pariter genera omnia remediorum ab illius generibus indicari, nec quæ genere inter se differunt, veluti affectus præter naturam, & partium substantia, situs, & reliqua quæ secundum naturam sunt, eandem materiam ut remedium monstrare possunt, si modo id, quod secundum naturam est, sui conseruationem, & victum: quod verò naturæ contrarium mutationem, & remedium exigit. Prohibent quidem nonnunquam quæ secundum naturam sunt,

ne his

De his utamur auxiliis, quæ morbosus affectus postulat, alio-  
quando verò ea admittunt, nō tamen propterea remedia ab  
illis indicantur: Nam hepar, cor, & alix partes, quæ quoniā  
totius corporis sunt principia, vel munus exescent in ani-  
mali publicum, magnā in corpore dignitatem præ cæteris  
obtinent, robúrque magnum exigūt, quo reliquis seruiant,  
non ferunt remedia, quæ temere earum mala digerant, aut  
alio modo inñitum robur vehementius dissoluant. Eodem  
pacto quæ frigida natura sunt partes dū calido affectu labo-  
rant, auxilia desiderant, quæ validius refrigerent, quā in pa-  
ri affectu lōgius à naturali temperie, quā quæ calidæ sunt,  
recedant. Sic profectò quæ sensu exquisito sunt prædita mē-  
bra, dolorifica remedia non sustinent, qualia illarū affectus  
sæpe postulant, & quæ molliore, laxioréque natura, aut caui-  
tate sunt donata, mitioribus præfidiis, quā quæ contrario  
modo sunt affecta, sanantur. Quæ item longius ab externa  
superficie in profundo corporis sunt collocata, validiora,  
quā affectus ipse suapte natura desideret, requirunt auxi-  
lia, & internæ partes non admittunt, quæ erodēdi, aut vene-  
nosam vim obtinent, quibus earum mala sæpe gaudent, ea  
autem tolerant externæ. Quæ etsi vera sunt, nō tamen pro-  
pterea hæc sunt, quæ diuersa remedia indicant, sed ea, quæ  
præter naturam inter se sunt diuersa: quod etiam à Galeno  
in libro de Optima secta, & duodecimo Methodi est prodi-  
tū, vbi principia optima de hac re ponit, quæ postea sui im-  
memorabili ferē semper confundit. Nam principiū est, id  
quod est præter naturam indicare sui ablationem: quod ve-  
rò secundū naturam, sui conseruationem. Est & principiū,  
remediū id esse, quod corporibus præter naturam affectis,  
ad mutationē malorū adhibetur, victum autem, quo seruan-  
tur ea, quæ sunt secundū naturam, nobisque amica, & fami-  
liaria. Est & illud principiū, quod vnū dūtaxat vnū indicare  
possit, nec vnquā idem sui conseruationem, & ablationem  
ostendere, & præterea quòd ea, quæ sine differentia aliquid  
indicāt, assumptis suis differentiis, eius, quod indicatur, simi-  
les differentias insinuent. Quin & illud si quid aliud reci-  
piendū indicantia à contraindicantibus, & quocunq; modo  
repugnantibus distinguenda esse, utpote quæ genere, & na-  
tura inter se differant: quod abunde antea ex ipso Galeno o-  
stendimus: quā alioqui omnes illius rationes, quas aduersus

methodicos adfert in libro de Optima secta, corruant, ubi nec vires remedia, nec morbi tempora nutriendi rationem indicare posse probare nititur. Quæ quidem si tueri volumus, nec omnia confundere artis præcepta, inueniemus profecto omnia, quæ ad remedia pertinent, ab his, quæ sunt præter naturam indicari, nequaquam autem ab his, quæ sunt secundum naturam: sed si quid in hac re hæc possunt, non tanquam indicantia, sed ut repugnantia, quam habet vim præbent. Ut satis ex his, quæ posuimus exempla, unicuique patere puto. Quod pariter faciunt nonnunquam quæ præter naturam simul reperiuntur. Etenim obstructions vehementes indicant, quod valde aperire possit: id quod ardens febris non admittit: copia malorum humorum remedium requirit, quod multum vacuet, prohibet cruditas, aut certe quod mitius agat exigit: quoniam scilicet crudus, crassusque humor vacuantia facile sequi nequit: vnum quodque tamen suum proprium remedium indicat, veluti intemperies id quod alterare possit: multitudo id, quod vacuet: cruditas id, quod concoquat. Ceterum in genere victus nihil etiam commune tradit Galenus. Nam quum dicit consuetudinem victus materiam, genus autem ipsum ratione indicare, de nutrimento duntaxat & non de omni victu agit etiam consuetudo materiam aliquam doceret, quod non facit, quum nihil indicet, ostenderet pariter & genus ipsius, nec ratio hoc genus indicare potest, alioqui & alterius materię genera indicaret. Quare illa & inter indicantia fuerat collocanda. At ille passim separat inuentionem, quæ per indicationem fit ab ea, quæ ratione paratur. Quum verò passim in Aphorismis victum tenuem, aut conseruantem (qui victus nutrimenti sunt genera) à morbo, morbiq; temporibus indicari scribit, contra indicantia etiam cum indicantibus confundit, & idem cum methodicis medicis sentit, quos longa oratione in libro de Optima secta refellit. Sola enim vis, quæ nostrum corpus regit, ut ille quoque docet tum alibi sæpius, tum maxime in libro de Victu acutorum, & præcitato opere indicatrix est nutrimenti: morbus autem, & quicquid præter naturam est, ad illius inuentionem confert, quoniam sæpius hæc impediunt eo modo nutriri corpus, ut ipse vires postulat: indicet ergo genus victus genus status secundum naturam, & huius differentię illius differentias: impediāt autem, & contra indicent quæ sunt præter naturam: ac in singulis, propriisque generibus, & diff

& differentis nonnunquam se mutuò impediunt, quæ secundum naturam in nobis reperiuntur. Veluti partium soliditas, quæ quod crassius, & durius est ad sui conseruationem requirit. cui refragatur aliarum temperies humidior, quæ molliorem humidiorẽque materiam ad propriam tutelã exposcit: sed hæc postea diligentius, ubi de contraindicationibus agemus disputabuntur.

*Indicantia quantitatem.*

CAP. XIII.

**S**I Galenum legamus dum passim in Methodo medendi, & in opere Glauconi dicato, ubi ea docet, quæ quantitatem indicent, inueniemus profectò rem mira varietate hic pariter confundi, & posita principia contemni. Nam nec quid commune omni materiæ sit, explicat, & in ea, quæ unicuique officio est propria contraindiantia, & coindicantia, pro indicantibus fere semper tradit. Quum enim docendi ratio postulet, ut doceat quid quantitatem materiæ generatim indicet, huius nulla facta mentione, ea duntaxat commemorare solet, quæ ostendat, quantum sit alterandum, vacuandum, & nutriendum. Quod si, posteaquã aggressus fuerat id in nonnullis docere, idẽ in aliis omnibus sigillatim prosequutus fuisset, res fortè tolerabilior esset: sed quum id nõ faciat, quod commune omnibus est prorsus cõplecti debebat, ne arte destituti, temere alia exerceremus præsidia, qualia sunt, quæ carnẽ vel ossa detrahunt, vel sanie ab vlceribus detergant, aut diminutas partes augent, vel deperditas regignant, vel secant, aut aliud denique in corpore faciunt quorum iustam mensuram nõ minus quam aliorum medicum tenere oportet. In his autẽ de quibus agitur, principia non seruat: quum tradit quantitatem alterandi ab ægri natura, partium situ conformatione: vacuationis verò quantitatem ab ætate, natura, anni temperie, regione, consuetudine, atque qualitate peccantis humoris indicari: nam hæc quidem impedire aliquando possunt, ne utamur ea quantitate remediorum, quam ipse affectus postulat, aut ostendere sunt apta quantitatem eius, quod verè id indicat: verum inter indicantia ponenda non sunt. Etenim partis naturalis temperies docet, quanta sit morbofa, cui remedia sunt adhibenda: quæ in profundo corpore sunt sitque partes ut vehemen-

tiora remedia requirunt, sic illorū quantitātē augeri oportet, si affectus, qui illic adsunt, sanari debeāt: quemadmodū sanē intendenda sunt auxilia, quū solidā partē affectus occupauit, nec vires ferunt omnem vacuationē, nō tamen propterea hæc (utpote quæ secundū naturā sunt) remediorum, quæ morboſis affectibus debentur, quātitatem indicabunt, sed vel contraindicabunt, si illis sese opponant, aut coindicabunt, si eius, quod verē indicant, quantitatem monſtrent. At ars postulat, ut id tradamus, cuius intuitu, cōſideratio neque statim appræhendamus quantitatem huius rei, quæ ad corporis salutem opus habemus: quæ autem impediunt, secundo loco ſint conſideranda: poſtea quā ſcilicet inuenimus id, quod verē indicant, & quæ coindicant, præcedere debent ſcoporū inuentionem, ſiquidem præcognoscere id cuius cauſa ad agendū venimus, neceſſe eſt, deinde agendī rationem inquirere expedit. Quōd ſi hæc inter ſe corrupta arte confundere non veremur, non ſolū rationē, quæ docet diſtinguenda eſſe, quæ per ſe, & propriē aliquid faciūt ab his, quæ per accidens idem præſtant, quæque ſuadent quidpiā eſſe moliendū, iudicat ſeiungenda ab his, quæ repugnant, ſed etiā Galeno planē contradicimus: nam (ut antea adnotauimus) vehementiſſimē ille inuehitur libro de Optima ſecta in antiquiores medicos, dum probare nititur eos errare propterea quōd vacuationē, illiūſque quantitātē à viribus indicari putarent: quū illæ ſui conſeruatiōē, & victū indicēt, remediis autem vacuantibus repugnent. Quamobrē cōſentientibus poſitis principiis, quantitatem actionis, & materiæ, quæ egemus, à quātitate eius, quod materiam oſtendit, indicari, victus ſcilicet quātitatem à quātitate naturalis ſtatus, remediorum verò ab exceſſu eius, quod præter naturam exiſtit, putemus. Quibus quidem contraindicat quantitas oppoſiti generis, & alia impropriē, quæ omnia prohibent hæc obiri, quæ ab indicantibus ſuggeruntur: Sic etiam Galenus aliquando dicere ſolet, ſolas inquam vires, & illarum quantitatem victus quantitatem indicare, quam morborū vehementia impedit: magnos autem morbos, & quæ præter naturam admodū excedunt, magna remedia poſtulare, quæ quidem vires ab illis labefactatæ haudquaquam fuerunt. Cæterum quum nomine quantitatis molem, & certam rei meſuram complectamur, utrumque indicabit moles, &

men ſura

mensura affectus: Nam qui magnum spatiū occupant morbi, molem remediorum requirunt, quę vniuersum affectum ambiat: & qui plurimum à mediocritate recedunt, tantum intendi auxiliorum vim postulant, quantus est eorum recessus: quibus pariter refragantur, quę secundum naturam in nobis sunt: siquidem æstuante ventriculo, septi transuersi vincitas prohibet, ne refrigerantia toti parti affectę moueamus: & corpore alimenti inopia laborante, imbecillę vires vetant, ne tantam alimenti copiam ingeramus, quantam affectus vehementia postulat. Quę quidem si hoc pacto distinguuntur, omnis confusio tollitur.

*Indicantia modum.*

CAP. XIII.

**A**PPELLATIONEM modi non solum à Galeno, sed etiam ab illius interpretibus sæpius confundi certissimū est: nam agendi modum, quem *τρόπος* vocat, vsurpat ille aliquādo pro vniuersa agendi ratione, quę primo posito scopo, reliquos omnes complectitur: quemadmodum dicere solet omnes intelligere morbum sui curationē indicare, solos autē medicos curandi modū tenere: quod idē est, ac si dicas alios ignorare curandi rationem, quę solis medicis est perspecta. Capit & modū in significatione magis adhuc impropria pro ratione applicationis remediorū, siue instrumentis, per quę auxilia corpori adhibemus: quo significato scribit quinto Methodi substantiā partis affectę genus medicamenti, formā verò & sitū vtēdi modū indicare, quòd scilicet ex forma, & situ partiū figuram, & formā instrumētōrū excogitemus ad exhibenda remedia apta. Quū verò primo ad Glauconem medendi methodū constare qualitate, quantitate, occasione, & modo auxiliorum refert, nō docet, quid per modum intelligi velit. At quum secundo ad Glauconem, & decimo tertio Methodi scribit partis situm vacuationis modum ostendere, locum pro modo capit, vt exempla satis ostendunt, quum docet ex situ, connexionēq; partium ventriculum per os, & anum repurgari. Quo pacto etiam accipit libro quinto & septimo Methodi: vbi ex conformatione & figura partis vacuandi modum doceri tradit: Sunt tamen hæc omnes significationes violentę, & im-



proprie, ut omnibus constare puto. Propria verò ea est, quam habet libro primo Aphorismorum, quum viuendi modum dicit spectari à medico, dum quaerit, quibus semel, aut bis, vel saepius cibus sit exhibendus: ad eam quoque significationem pertinet, quod habet septimo methodi, sensum scilicet partium vacuandi modum monstrare, eo quod paulatim vacuanda sint partes, quae sensu exquisito sunt praeditae, obtusiores verò subitas, & magnas vacuationes sustineant. Caterum interpretes vno nomine Latino vertere solent, quod duobus exprimunt Graeci. Nam quod hi *τρίπλῳ*, & *πέντε* dicunt, illi modum interpretantur, atque ita æquiuocatione non paruam confusionem pariunt, quum ignoremus, an de modo, an de quantitate ipsa agatur: quod perspicuum sit ex Graecis dictionibus, quarum altera, nempe *πέντε* quantitatis est nomen: altera verò scilicet *τρίπλῳ* modum significat: quae certe plurimum inter se differunt. Quum enim cognouimus, quatenus sit agendum, quantaque debeant esse praesidia, quae indicantur rursus inuestigandum relinquitur, an id vniuersum, quod exigitur, semel, continuoque sit exhibendum, an per vices partiendum: quod si diuidendum est, an par debeat esse, vel impar eorum, quae adhibentur, portio: & demum in quot partes diuisio sit facienda. Haec qui spectat, modum proprie considerat, & nos hoc loco, quid eum indicare possit, aliis contemptis appellationibus, quae vel nullam tractationem requirunt, aut suis locis, accepto proprio nomine, docentur, paucis trademus. De qua quidem re nihil etiam Galenus docuit, quod omnibus sit commune, dum solum in eo, quod est vel vacuationi, aut nutritioni peculiare, explicando versatur, nec illud, me hercle, ex principiis, quae huic tractationi sunt propria, probare nititur: nam quod victus modum non indicent morbi, eorumque accessiones, ut ille in Aphorismis memoriae prodidit, satis constare puto, siquidem, eo authore, solae vires vniuersam victus rationem indicare ponuntur: at nec vires ipsae victus modum duntaxat, siue nutritionem monstrant, si modo vera sunt, quae scribit ille libro de Optima secta genus indicare genus, & differentias ipsas differentias. Situs autem partis impedire potest, sicut etiam exquisitus sensus, ne tantum semel euacuemus, quantum noxii humoris exuperat. At propterea nec vacuationem, nec illius modum indicat haec, nimirum quod sint secundum naturam, & sui

& sui duntaxat conseruationē, nō autem præsidia, quæ præter naturam affectis corporibus debentur, desiderent, prohibet eadem ratione temperies similarium partium, ne cōfer tim alterationes fiant vt affectus postulat, aut eas nulla noxa admitti: non tamen ob id remediōrū alterantium modū declarat: id quod duntaxat facit modus eius, quod indicat. Vt enim quantitas illius, & genus materiæ, genus & quantitatē, sic & modus modū profectō indicabit. Si enim eo modo ita sit affectum, vt semel totum præscriptam materiæ quantitatem admittat, semel erit agendū, si continuō adsit, cōtinuō succurrendū, si per interualla, partiēda res est in crebriores, aut rariores vices, & vna plus quā alia dandum, in qua plus ferre potest. Est porrō cōmunis hæc ratio omnibus actionibus, eāque ex propriis principiis ducta. Sic enim quibus vires eo modo sunt affectæ, vt cibum semel dūtaxat vna die sumere possint, semel solum exhibemus. Bis verō & frequentius his, qui bis, vel frequentius cōcoquere valēt: ac ea vice plus damus, in qua validior est virtus, quæ illum cōficere debet: quo pacto bene valentibus, & suæ spontis hominibus suademus, vt vesperi, plus quā mane edant: quōd scilicet per somnū concoctrix facultas, aucto in visceribus internis calore, scilicet suum munus exerceat. Eodem pacto, humorum multitudinem, quæ confertim, impetu facto, suffocat, vna vacuatione, quantū exuperat, educimus. Eos verō, qui non nisi paulatim affligunt, partitis euacuationibus, demimus, & quo tempore maior adest copia, quæ promptē extrahi possit, eō vacuātia remedia intendimus. Qua quidem ratione declinante morbo, cōcoctōque iam vniuerso humore, validiores purgationes, quā per initia morborum, exhibemus. Continuō volumus vlceribus adhærere extergen tia medicamenta, propterea quōd sanies quoque continuō gignitur. Ac (vt breuiter dicam) in omnibus ex modo eius quod indicat, modū eius quod indicatur, intelligemus: cui propriē contraindicat modus eius, quod contrariam actionem postulat: impropriē verō alia, quæ eiusdem sunt, aut diuersi generis, quæ scilicet prohibent eo modo ea fieri, vt indicantur: vacuationi namque propriē repugnant facultates corpus nostrum regentes, quæ sui conseruationem requirunt, hæc quum ita sunt affectæ, vt magnam vacuationem simul non perferant, cogunt nos humoris copiam paulatim

educere, quæ suapte natura, integrâ aliquando vacationem necessariam esse monstrant. At partis situs, quû nihil offendatur à vacuantibus, prohibet tamen sæpius, ne humores noxios, qui vehemētius partem aliquam affligunt, confercim exhauriamus, quod ob loci distantiam propria remediorum vis exoluatur. Sic in aliis, ne singula prosequamur, quæ suis locis sunt docenda, inueniemus, quid modum indicet, quidue illi hoc, vel illo modo repugnet.

*De indicantibus qualitatem.*

CAP. XV.



**N**IL etiam cōmune in hoc scopo tradere solet Galenus, quum solum indicantia qualitatem nutrimenti, & alterantiū remediorum passim prosequatur: & id quidem pari confusione vt in aliis, dum indicantia coindicantia, & contraindicantia nullo facto discrimine vsurpat, atq; ita principiorum vim euertit. Non enim duntaxat qualia debeant esse nutrimenta, & alterantia præsidia, tradere oportet: sed etiam in his, quæ vacuant, aut detergūt, vel molliūt, aut indurant: vel leniunt, aut exasperāt, aut denique aliquid detrahunt à corpore, aut illi adiiciūt, sua, certâque qualitas requiritur, & imprimis quid qualitatem, cōmuni quadâ ratione indicet, explicare necesse est. Cæterum quum dicit tertio Methodi quæ, qualitatem medicamenti indicari à partis situ, eo quò si ad vlcus, quod in profundo corporis est reconditum, sicca aëtu & adstringentia medicamenta peruenire nequeunt, locet quidem quod impedit qualitatem remediorū, quam vlcus ipsum expostulat: At non id, quod eam indicat: quemadmodum etiam quum quarto eiusdem operis libro scribit, gulæ conformationem crassiora, & viscida indicare remedia: quoniam tenuia, & nullo lentore prædita per cauam illius partem facile disfluunt. At verò cōsuetudo, regio, anni tempus, cœli status: quæ omnia siquidem téperata fuerint, similes qualitates, alioqui dissimiles indicare putat octauo Metho si, non indicant (vt antea ostendimus) sed inter coindicantia, & correpuantia ab indicantibus exclusa merito reputantur. Porro victus qualitas non à qualitate temperamenti, & morbi, vt primo libro Aphorismorū prodidit, sed  
solum

solum à temperamenti qualitate indicare potest, si modo vnum indicat vnum, & quæ secundum naturam sunt, sui conseruationem tantum: quæ verò præter naturam, sui ablationem monstrant. At diligentius, & verius vndesimo Methodi docet, quid qualitatem remediorum indicet, quum à morbi qualitate eam petendam præcipit. Vt enim nihil curationem indicare potest, præter id, quod curatur, sic nec qualitatem remedij, quo ad curationem vtimur, præter quam ipsius morbi qualitas, cuius causa huiusmodi oportet præsidia exhiberi, insinuare debet. Quæ verò morborum causis, & symptomatibus propria sunt auxilia, ab illorum qualitate pariter indicabuntur. Itaque comuni omnibus ratione, & seruato principiorum consensu, putemus qualitatem materiam indicari à qualitate illius, cuius causa ea requiritur. Quamobrem remediorum qualitatem indicabit qualitas eorum, quæ sunt præter naturam: Vicitus autem qualitatem eorum, quæ secundum naturam existunt, qualitates: Quid verò qualitatem cibi, portionis, exercitationis, somni, vigiliæ, & denique aliarum rerum, quibus naturalis status conseruatur, quid item alterantium, vacuantium, aut aliorum præsidiorum, quæ corporibus præter naturam affectis conueniunt, qualitates indicet, suis locis docebimus: quandoquidem hoc loco non indicantia peculiaris alicuius materie scopos, sed vicitus duntaxat, & remedij docere instituiamus. Caterum indicantibus qualitatem se se opponunt, quæ alias qualitates exigunt, aut eas, quæ ab indicantibus suggeruntur, adhiberi aliqua alia ratione prohibent. Sic profectò humida temperies, quæ secundum naturam est, actu, & potentia humida requirit: quibus morbus humidus veluti vlcus exsiccantia postulans, refragatur. Sic febris refrigerantia, crassus verò, & frigidus humor, qui excitata obstructione, febrem committit, caleficientia petit. Quin & partium vicinarum dignitas, aut imbecillitas prohibent, ne actu frigida, qualia sæpe conueniunt affectibus aliarum, admoveamus: nec illæ, quæ in profundum corporis recesserunt, crassa, siccæq; medicamenta, cuiusmodi nonnunquam illorum morbis debentur, admittunt. Quæ verò cauitatem obtinet, promptè recipiunt crassa remedia: at in solidas, & duras non nisi tenuia permeare possunt. Quæ quidem etsi ita habent, non tamen propterea inter indicantia qualitatem sunt ponenda eo quod indicantibus repugnet:

quandoquidem propositum( vt inquit Galenus in libro de Optima secta) ex illis nunquam inuenietur, quod solum in dicantia ostendunt: non enim eo quod natua temperies par tium, quæ maximi sunt in corpore momenti, & dignitatis, actu frigida respuit, ob id inuenimus tanquam ex indicatio ne remediis calidis actu esse opus: alioqui nullo præsen te affectu præter naturam, adhibenda essent actu calida secun dum naturam affectis partibus. Est enim hæc indicantium natura, & vis, vt illis positis, ex eorum contemplatione sta tim percipiamus qua, & quali re sit opus: etsi postea quedam nonnunquã cogant nos, reluctante cõtraria eorum vi, aliter facere. At plurimum refert intelligere, quid nos suapte na tura ad id ducat, quod queribus, quid verò inuentã rem nõ admittat, aut omnino moderetur. Quæ si Galenus in libro de Optima secta distinguere non contemnit, nec alia ratio ne antiquos medicos refellit, quàm quod illi indicatã cum repugnantibus miscerent, & cõfunderent, tanto minus pro fectò, dictante id maxime rei natura, idem nos facere debe mus, aut ipsum Galenum sequi, vbi sui oblitus in eisdem errores, quos in aliis agnoscit, labitur.

*De indicantibus occasionem.*

CAP. XVI.



**C**ALLENVS in libro de Optima secta longa oratione eos refellit, qui vniuersalem occasio nem ex morbi temporibus sumi putabant, pa ri certe repræhensione dignus, quippe quum libro nono Methodi idẽ planẽ, quod illi, sen tiat, remedium scilicet tempus à quatuor morborũ tem poribus indicari. Quinetiam libro secundo de Differentiis febrium cibãdi tempus per morbos ex accessio nis & inter missionis tẽpore monstrari scribit. Quæ quidem in re me ritò eos repræhẽdit, qui ita sentiebant: propterea quod mor borum tempora non indicant, sed coindicant ramediorum occasiones. Quoniã enim ostendunt morbos, illorũmq; cau sas in certo quodã statu esse, in quo vel prorsus respuũt, aut admittunt certa præsidia, ideo opportunũ horũ tẽpus coin dicare putantur. At accessio num intensio nes, & remissio nes edendi, bibendique opportunitatem non indicant, nec coindicant, sed correpugnãt, aut admittunt nutrirĩ corpus. Quap

Quapropter si ille præcitatis locis aliter sentit, & cum illis planè consentit, quos reprehensione dignos censuit, nō magno opere laboro, vt qui, nō quid dicant authores, sed quādo bene sentiant, spectandū esse iudico. Est autē recipienda Galeni opinio in libro de Optima secta, vbi scribit vniuersalē occasionem sumi ex præsentia eorum, quæ remedium postulant, & absentia eius, quod potest impedire, & optimè id quidem. Nouit enim vnusquisque opportunū illud esse rempus ad agendum, quum adest id, quod actionem postulat, & nihil interim impedire valet. In hoc tamen non placet, quod quum generali quadam ratione docere deberet, quæ occasionē in omnibus ostendant, solū de occasione remediorum agat. Præterea quod nō satis explicet, quid sit, quod impedire possit. Non enim vires, vt ille scribit, solū id faciūt, nec semper, quum alia, quæ sunt secundum naturā, nonnunquā remediis se se opponant, & vires nō illis omnibus, sed his tantum, à quibus dissoluuntur, vacuantibus potissimum relascuntur. Quamobrē ex diuino eo principio, quod hactenus ad omnes alios scopos inueniendos, authore ipso Galeno, vsurpauimus, occasionem indicantia inueniemus. Est autem huiusmodi principium ab eo, quod genus indicat, omnes differentias indicari, quum illud suas assumpserit. Itaque si status corporis actionem indicat, quando ille differentias ex tempore acceperit, tempus profectō ad agendū idoneum mōstrabit. Dicitur autē aliquid esse, vel abesse, fuisse, vel fore. Ac quum fuit corporis status, indicauit fuisse agendum, quū præsens est, tunc præsentī esse opus actione, quum erit tunc agendum, adeo vt semper quum adest, minimè autem quum abest, propria artis munia exercere oporteat. Qua quidē ratione optimè dicebat Galenus quarto Methodi externam causam, quæ morbo excitato abiit, non indicare, quoniam quæ absunt, nihil ostendunt eo tempore, quo absunt, esse molendum. Nec est quod putemus absentibus morbis nos remedia adhibere, quum venæ sectione, aut alio remedio præcauemus, ne eueniant. Non enim morbis ipsis absentibus, sed illorū causis præsentibus, quæ iam postulant remedia, resistimus: quarum ablatione morborū generatio prohibetur. Proinde magnitudo morbi imminētis sanguinem demendum esse non monstrat, sed quod præsens est humoris vitium, quod authorem huiusmodi morborum

borum fore conspicimus. Præsentia ergo eius, quod indicat,  
 tempus idoneum ad agendum monstrat, & nihil præter il-  
 lud. Est autem (vt diximus) id ipsum corporis nostri condi-  
 tio, quæ & aliorum omnium est indicatrix. Ac vt diuersus est  
 naturalis status ab eo, qui est præter naturam, ita diuersæ affe-  
 ctiones temporis successu in vtriusque oriuntur, quæ quum  
 adsunt, nunc vno, nunc alio remedio, & victu opus esse osten-  
 dunt. Siquidem malus humor, quum adest in corpore, dum  
 putrescit, remedium indicat, quod alteret, & concoquat.  
 Adest enim tunc, quod alterationem exigit: non autem vacua  
 mus, quia nondum vacuationem postulat, quod alio tempore  
 faciet, quando scilicet iam euictus, & ad expulsionem paratus  
 fuerit. Sic nunc somno, nunc vigiliæ, alias exercitationi, vel  
 quieti incumbimus, quod diuerso modo temporis interual-  
 lo, & eodem etiam tempore adsit, quod diuersa monstret esse  
 necessaria. Quare (vt breuiter dicam) actionum, remediorum,  
 & victus tempora ex præsentia, naturalis, & præter naturam  
 status indicantur, quibus vt aliis indicantibus alia se se op-  
 ponunt: de quibus quoniam hæc communia etiam sunt his, quæ  
 repugnant, indicantibus particularem occasionem, paulo post  
 dicemus. Porro particularem occasionem non solum ex præsen-  
 tia illorum, quæ remedium postulant, & absentia eorum, quæ  
 impedire possunt, sed etiam ex remediorum sequentium con-  
 sideratione, & ægri proprietate sumi tradit Galenus. Qua in  
 re solum docet occasionem particularem remediorum, ommissa  
 victus occasione, vt in vniuersali fecit: nec verò quid indi-  
 cans sit, an scilicet præsentia postulatum, vel absentia im-  
 pedientium monstrat. Præterea alios scopos facere, à qui-  
 bus hæc sumantur, nulla ratio cogit: omnia enim ad ea duo  
 referuntur: à quibus vniuersalem occasionem capi cõmemo-  
 rauit. Nam ægri proprietas, & sequentia remedia vel prohi-  
 bent, aut permittunt remedium exhiberi. Quinetiam non so-  
 lum ægri proprietates, & sequentia remedia, sed & præce-  
 dentia, & affectus, qui antecesserunt, & subsequuntur, prohi-  
 bent sæpius remedium adhiberi. Si cui enim sanguis mitti  
 debeat, ita indicante affectu, præcesserit autem modo clyster,  
 missionem differimus. Sic in eo, qui modo à somno fuerit  
 excitatus, cibationem, & sanguinis missionem tardamus: ob  
 accessionem verò venturam nutrire ægros anticipamus.  
 Ad hæc vt ægro gratificemur, nonnunquam opportunum tempus præ-

præuertimus, vel differimus, quemadmodū ipse Galenus se aliquando frigidæ potionem, & balnei vsum vno die antequā tempus aptum esset, ægris concessisse, vt obsequentiores redderentur, memoriæ prodidit, alios autem idē facere, vt hinc vberior quæstus proueniat. Igitur ex præsentia eorum, quæ postulant, & absentia illorū, quæ impedire valēt, ab illis tanquā ex indicantibus, ab his tanquā ex contraindicantibus vt vniuersalem, sic particularem occasionē inueniri dicemus. Postulant autem affectus, & corporis conditiones. Impediunt verò nonnunquam ægi imtemperantia, medici peruersitas, animi passiones, hominis proprietates, & quæ paulo antea facta sunt, & postea fieri debent. Præterea sibi mutuō repugnant diuersæ corporis conditiones, sed nō omnia in omnibus adsunt hæc impedimenta. Nam in prædiis, quæ primò adhibentur, quum nullum aliud sit factum auxilium ab his, quæ præcesserunt, nihil sumitur, quod impedire sit aptum: nec in postremis à sequentibus aliquid capi potest, quum nihil postrema sequatur: nec omnia quæ se se in particulari occasione opponunt, eadem in vniuersali possunt: sed solum quæ vniuersum, longiúsque quoddā tempus occupant: vt enim pars parti, sic totum toti repugnet, oportet. At verò si ex his occasio sumitur, quæ est, quod Galenus vniuersalē occasionem scribi posse: particularem verò minimè tradit: scribi autem posse intelligit ille scopos quosdā literis mandari, ex quibus singula ducuntur, quæadmodum locos affectos, & causas describi dicimus, quoniam scopi quidam ponuntur, ex quibus causæ, & loci affecti notitia petitur. Etenim scopos vt in vniuersali, sic in particulari occasione inuenimus, tradidimúsque. Porro si intelligamus nullo modo scribi posse, quæ ostendant particularem occasionem, fallimur, siquidē vniuersales illius scopi explicantur, & docentur, sed ad minima vsque inuestigari nequeunt, vt vniuersalis occasionis scopi: facile enim est in illis id quod remediū, & victū postulat, notare, & quod repugnat, illorūque differentias vsque ad minimas prosequi. nō ita in particulari occasione euenit. Nam, quum à proprietatibus hominū, & præcedentibus, sequentibusq; affectibus, & remediis sumatur, propria autē hæc sint vnicuique, & infinitæ proindē hominum proprietates, variætque præterea numerus præteritorū, tum futurorum remediorū, & affectuū  
in fin



in singulis, non mirum si hæc literis tradi nequeant, siquidem quæ peculiaria, & propria sunt unicuique; ut incerto numero, sic arte nulla cōprehendi possunt. Quare optimè Galenus non nisi ab exercitatis medicis huiusmodi occasionē cognosci scribit, nimirum quodd ex particularibus multis peratur in quibus non ratio, sed experientia versatur.

*Quæ locum in corpore idoneum ad agendū monstrant.*

C A P.

XVII.



VAE locum indicent in corpore, cui adhibenda sunt præsidia, in paucis docet Galenus: idque non ea arte, quam res ipsa postulat. Nam vel ea solum tradit, quæ impediunt nos eum locū occupare, quem ipsa indicantia requirunt, vel nullo posito principio huic, aut alteri corporis parti præsidia admouenda esse iubet. Explicat profectò quæ impediunt indicantia, quum passim in Methodo medendi scribit connexionem partium, situm, conformationē, locum docere, per quem vacuare humores noxios oporteat, vsum verò actionēque earundē locum declarare, cui præsidia sint applicanda. Ut enim hæc secundum naturam sunt, & sui conseruationem tantummodo monstrāt, sic locum remediis aptum non indicant: nullo verò posito principio suadet fluxiones nunc ad distantissimas nunc ad propinquissimas, alias in ignobiles partes, vel ad eas, vnde moueri corperunt humores ducendas esse. Cui quidem simile est, quum ventriculo, & stomacho affecto, anteriori ventris parti sub pectore, hepatis dextris, lieni sinistris præcordij admouenda esse remedia. Postulant enim hæc omnia sua indicantia, quorum beneficio nos non temere, sed ante singulis præsidij, quibus vel ad sanitatem tuendam, vel ea, quæ præter naturam sunt pro fliganda accommodatum locum inueniamus: id quod nunquam illis prætermisissis intelligemus. Quamobrem admonemur ex positis principiis locum indicari ab indicantis loco. Nam vbi illud fuerit, quod indicat, illic propriè auxilia sunt adhibenda, toti nempe corpori, si totum exigat: parti, si pars: extrinsecus, si externa sit: intrinsecus, si interna pars, quæ opē flagitet: Sic profectò vniuersū corpus alimus, quia omnes partes sui nutritionem desiderant: omnes alteramus, quoniam omnes sibi propria alteratione opus habent:

vbi

vbi verò collectus est aliqua in parte humor, qui eam disten-  
 dit, aut alio modo offendit, ei studemus prodesse affecto lo-  
 co remedia adhibentes: atque id quidem perpetuum in om-  
 nibus esse inuenietur. Verum vt in aliis: sic etiam in hoc  
 scopo non desunt, quæ sæpius prohibeant nos assequi, quod  
 indicantia suggerunt: vbi enim noxij humores, qui vacuari  
 debent, fortè in ventriculo continentur, indicant per eam  
 partem vacuationem esse moliendam, essetque accommo-  
 datissimus locus, quoniam propinquissimus, qui aperto  
 abdomine humori viam præberet. At quoniam id facere nõ  
 licet, quin naturalem structuram corrumpamus, quam con-  
 seruare oportet, ita indicante naturali statu, cogimur aliam  
 viam inire, qua & id, quod est secundum naturam seruemus,  
 & noxiam materiam ab affecto loco educamus. Eodem pa-  
 cto æstuate ore ventriculi, postulantque quod actu refri-  
 geret, extrinsecus remedium prohibet omnino ei loco ap-  
 plicari, sepi transuersi situs: quod vt secundum naturam ha-  
 bet, ita non admittit sibi adiungi, quod alteri parti affectæ  
 est accommodatum. Impediunt ergo hæc nonnunquam ne  
 ei loco, vbi sunt indicantia, præsidia accomodemus, at pro-  
 pterea non indicant. Ad eum verò locum inueniendum, qui  
 indicantibus, quantum fieri licet, sufficiat, & contraindican-  
 tia haudquaquam offendat conformatio, connexio, situs  
 partium faciunt: nam quoniam non licet (vt hoc vno exem-  
 plo res in omnibus aliis patefiat) noxios humores in ven-  
 triculo contentos per propinquissimam regionem expur-  
 gare, spectamus qualis sit ventriculi figura, qualis situs,  
 qualis connexio cum his partibus, quæ cum ore, ano, pu-  
 dendisque colligantur: per quas tandem, maiore quidem  
 via, quàm humor ipse exigit, sed citra naturalis con-  
 stitutionis dissolutionem, & corruptionem, quod  
 molestat trahatur. Quod sanè est quære-  
 re non quid indicantia suadeant, sed  
 quid fieri possit, vbi adsunt,  
 quæ fieri vetant, quæ  
 ab indicantibus  
 ostendun-  
 tur.

Quæ



**Q**UEMADMODVM vbi vnum solū fieri debet, nullus est ordo, ita nec semper is reperitur, vbi plura sunt præstanda: nam si omnia simul obiri valeant vt nihil prius altero existit, ita nec ordo adest vllus, veluti quū corpus alteratione, vacuationēque opus habet, remediū autem exhibemus, quod simul alteret, & vacuet. At vbi plura adsunt, quæ simul fieri nequeūt, vnum præcedere, reliqua verò subsequi oportet. Inter quæ duplex quidem ordo reperitur, vnus quē accidentarium, & non verum: alium, quem essentialē, & verum vocare placet. Dico autem ordinem accidentarium, qui nostro arbitrio, nostrāque voluntate instituitur, qui & varius est, & ob id arte comprehendere nequit. Nam quod nulla ratione, nullāque cogente necessitate, sed solo arbitrio constat, nihil omnibus commune, nihilque perpetuū habere potest. Licet enim vntcuique, vbi multis vulneribus onustum est corpus, ita tamen vt vnius cura aliis nihil proficit aut obstat, ab hoc, aut alio auspicari, nullo interim id indicante, sed sola suadente medici, aut laborantis voluntate. Essentialē verò ordinem intelligo, qui à rerū essentiali, & natura sumitur, ab eaque seiungi nequit. Vt enim in aliis rebus aliquid est suapte natura simplex, quod cōposita præcedit, aliud causa, quod ad effectus: aliquid principium, quod ad ea, quæ ex principiis constant, ordinatur: aliud vniuersale, quod in doctrinis particularia antecedere debet: ita in curatione, & omni alia medici functione, in qua plura ordine quodā sese sequentia reperiuntur: aliquid suapte natura aliis præferendum erit, docendumque quid inter ea poni debeat, quod huiusmodi prærogatiuam sibi vendicat. Ac de hac quidem re agit Galenus tertio, & septimo Methodi, quum de cōplicitis affectibus pertractat, & primo de Sanitate tuenda vbi docet à quonam alimento cibationem auspicari oporteat, ab humidōne & molli, vel sicco potius & solido: iubetque ea præponēda, hæc verò subsequi debere, quæ maiore cōstionē requirunt. Est autē summa eorū, quæ in Methodo tradūtur, hæc ab eo esse inchoandum quod magis vrget: deinde ab eo, quod efficientis causæ rationem obtinet: postremò perueniend

niendum ad ea, sine quibus reliqua fieri nequeunt. Qua quidem in re non solum mihi deficere videtur, quod eo curationis ordine omnia contraindiciantia tollat: sed etiam quod per indicantia, ut alios scopos, nunquam ordinem inueniat. Nam si quæ maxime vrgent: primò auferamus, deinde causas: quid erit, quod vnquam ordinem turbare queat: quum tamen ut in aliis omnibus scopis, sic in hoc iustum sit ponere, quæ indicantibus reluctentur. Præterea si id quod vrget, ad sequentia causæ rationem aliquo modo non habet, vim etiam peruertendi aliorum ordinem haudquaquam obtinebit: neque omnium primū locum inter alia sibi arrogare poterit, siquidem ab eo, quod magis vrget, auspicamur, quod aliter reliqua præstare nequeamus: Habebit ergo rationem causæ sine qua non id, quod vrget. Quare illud ab huiusmodi causa, tanquam sub ea contineri non posset, seiungere nequaquam oportebat. Nec verò perpetuò ab eo, quod magis vrget curationem inchoare nobis licet: sed nonnunquam ab alio exordiri cogimur, sine quo illi succurrere non datur. Veluti si cui ex vase multa sorde sanieque obfecto sanguis profluat, unde vires collabantur, ad motis remediis sanguinem comprimantibus diuissum vas occludere nequimus, priusquam saniem expurgauerimus, quæ locum affectum tegit: Sic etiam non semper licet post id, quod magis vrget, efficientem aliorum causam summouere: sed ab alio sine quo efficiens causa auferri nequit, incipere necessarium est. Quod in febribus putridis apparet: in quibus obstructions, & putredinæ, quæ illarum effectrices causæ statuuntur, summouere nequaquam conceditur, priusquam multitudinem, quæ in venis continetur, aut venæ sectione, vel purgatione, aut alio denique vacuante præsidio minuerimus. Quur verò in nutritione humidiora præponenda sint, per ratiocinationem, non per indicationem colligit: quum tamen rationalis secta quam profitemur admoneat, ut indicatione, non ratiocinatione utamur, & ut reliquos scopos: sic etiam ordinem per illam inueniamus. Postremò non solum tradenda sunt, quæ ordinem nutrimentis, aut his, quæ præter naturam sunt præscribant: sed quod imprimis omnibus est commune, quodque ordinem absolutè medico indicat, docendum est. Ceterum existimabit fortè quispiam id cuius causa primum ad agendum mouemur, primum locum sibi vendicare: impedire verò quæ

prohibet ne statim ad illud perueniamus. Medicos etenim vnum præcipue sibi agendum proponere vt in ægrotis morbi ablationem, & in finis sanitatis tutelam, reliqua vero & causarum morbi remotionem, & salubrium conseruationem non primò, nec per se, sed quoniam non licet aliter morbum expellere. Quamobrem finem, aut quæ finis in actione rationem obtinent, primum locum sibi querere, contraindicare vero consequutionis ordinem, qui docet ea præponi, sine quibus finem consequi non liceat. Verum non ita res habere mihi videtur. Non enim quid primum statui debeat cogitatione, sed actione, hoc loco à nobis queritur. Nec semper vnū duntaxat, sed etiam plura agenda, quæ æque præcipua sint, nobis proponimus. Veluti quum plures vnā partem infestant morbi: quos omnes pari diligentia curare studemus: inter quos tamen curationis ordo requiritur. Itaque præstat fundente posito principio, dicere ordinem agendi à rerum ordine, quæ actionem postulant, & operam nostram indicari. Ita autem res ordinari vt id præcedere debeat, quod sequentia efficere potest. Id quod commune in omni re esse videtur. Nam frustra symptomata remouere conamur, nisi prius ablatis morbis, qui ea pariunt, & hos temere abigere aggrediemur, prius non remotis eos efficientibus causis. Eodem modo sanitatem nemo commodè tueri poterit, qui imprimis illius causas, quibus constat, seruare non contendat. At hunc indicantium ordinem, qui ab efficientibus causis exorditur, contraindicantia nonnunquam turbant. Etenim febris, quæ vehementius insurgit, sæpe cogit, vt à refrigerantibus auspicemur: deinde ad ea perueniamus, quæ obstructiones adimunt. Eodem pacto vbi vires ob debilitatem labuntur, antequam aduersus morborum causas, ipsosque morbos pugnare valeamus, cogimur alimentum exhibere, & corpus roborare. Quinetiam sordem ab intemperato ulcere prius detergere cogimur, quàm intemperiem emendare, quæ efficit ne caro gignatur, qua vlcus repleti, & cicatrice tegi debet. Verum vt variè complicari possunt inter se affectus: nec eadem in omnibus sunt, nec idem numerus eorum, qui ordinem indicantium corrumpere sunt apti, sic etiam certa arte complecti contraindicantium numerus, & ordo nequit: id tamen omnibus commune statui potest, quod vniuersa contraindicantia causæ rationem obtineant, sine qua reliqua nequeunt

queunt obiri. Nam quum efficiente causa postposita ab effectibus, aut ab eo, quod maxime vrget. aut à materia, quæ in corpore continetur, aut ab excrementis, quæ affectis partibus adherent. aut ab alio quocunque incipimus: id facimus q̃ sine illis obire non liceat, quæ ipsa indicantia suggerunt.

*De contraindicantibus.*

CAP. XIX.



**D**E contraindicantibus, & contraindicationibus operæpretium est nunc agere: eo enim inuenio, quod ab indicantibus requiritur succedit statim, vt circumspeciamus si quid sit, quod illud fieri prohibeat. Nam sæpe morbosus status certa postulat remedia, quæ corporis vires nō admittūt, & hæ quum validiores extiterint indicant ad sui conseruationem vberiore opus esse nutrimento, quod morbus respuit, qui vel nihil prorsus ex nouo alimento ali corpus permittit, aut certè omnem nutriendi rationem moderatur. Sic sanè in omni alio vitæ præsidio, vbi adsunt quæ repugnant, si solis indicantibus contempta contraindicantium vi seruire voluerimus, aut hominem occidemus, aut in maximum vitæ discrimen sæpe trahemus. Quæ profectò nemo rectè moderari poterit, & quid repugnantibus rebus faciendum sit, perspicere, qui pari diligentia contraindicatione vt indicantia non expendet. Ac quoniam antea sparsim, & obiter, quū de indicantibus ageremus pauca de illis attigimus: quantū scilicet ad indicantium vim, & naturā perspiciendam ea cōferebant: quæ quidē nec à suis principiis sunt ducta, nec sufficere possunt his, qui arte, & methodo singula perdicere student, ideo res ipsa postulat, vt seiunctam, & integram de cōtraindicantibus primum, postea de aliis, quorum superius mentionem fecimus, tractationem instituamus. Dicuntur porrò contraindicantia vniuersa generali quadam definitione, quæ indicantibus quocunq; modo refragantur: inter quæ nonnulla re vera id faciunt, & propriè ob id contraindicatione nuncupanda censemus, qualia sunt, quæ actionem vnā indicant, quæ ei repugnat, quam indicantia monstrant: alia verò quæ solius ferè nominis communitate contraindicatione appellari debent, quæ scilicet nihil agendum docent, cōtrarium indicantibus, sed quòd solum prohibeant ea fieri,

quæ ab indicantibus requiruntur. Etenim status, qui secundum naturam est sui conseruationem indicat, quæ propriè repugnat mutationi, quam is qui præter naturam est, ostendit, sunt, quæ hæc sibi mutuò re vera contraindicantia. At situm partis, figura, connexio, crassitudini naturæque præsidiorum sese nonnunquam opponunt, non quod ea, quæ ab illis indicantur, qualitatem velint ab indicantibus diuersam, sed quòd certam admittant, aliam verò minimè: quippe ad situm partis conseruandum, crassities aut tenuitas eorum, quæ foris admoventur, nihil faciunt, nec quæ naturale situm partiū tuerentur, vni potius, quàm alteri qualitati repugnant, prohibent tamen partes, quæ in profundo corporis sunt constitutæ, ne crassa eò facile perueniant, quum tenuia nullo negotio admittant. Sint ergo verè contraindicantia, quæ aliquid ostendunt, quod contrarium est ei, quod ab indicante monstratur, quæ vt postea docebimus in duplici sunt differentia, quippe quum quædam per se, alia per accidens indicantibus repugnent, improprie verò contraindicantia censenda sunt, quæ quocunque modo impediunt fieri quæ indicantia ipsa postulant, nec tamen aliquid contrarium indicant ei, quod ab alio ostenditur: sumit vtroque modo Galenus contraindicantia. Nam quum decimo tertio Methodi contraindicantia ea vocari censet, quæ nos in contrariū trahunt contrariūque indicant, vt quum vires vacuationi contraindicare dicit propriè contraindicantia sumit, improprie autem, quum situm partis vacuationis locum indicare, pro eo quod est impedire tradit, veruntamen id probare nō possunt, quòd quum diuersa sit natura, & conditio contraindicantium, omnia pariter misceat, nec vsquam quæ, & quot sint illorum genera & differentia, ostendat.

*Quæ sint, & à quibus sumantur  
contraindicantia.*

CAP. XX.



VNT porrò cōtraindicantia eadem re, & genere cum indicantibus: nam vel secundum naturam, vel naturæ contraria, aut neutra sunt omnia, quæ contraindicant, quemadmodū & indicantia ipsa: & quædam sunt causæ compositionis, alia compositio ipsa, alia verò compositionis effectus:

Etus: etenim id, quod secundum naturam est, & quod præter naturam, & neutrum indicat, & contraindicat, sed nunc indicantis, nunc verò contraindicantis nomē assumit. Nā quod in aliqua re peragēda primū ex illis cōsideratur, ex quo propositum elici debet, cuiusq; ratione ad agēdum impellimur illud indicantis nomen assumit: id verò quod postea expenditur, tanquam id, quod indicatis repugnat prohibētque ne assequamur quod propositum est, contraindicans censetur: ac ne longius abeas, conseruationis indicator est, vt ostendimus, status secundum naturam, contraindicator verò, qui præter naturam existit: is verò contra mutationem indicat, cui contraindicat id, quod est secundum naturam. At quæ improprie contraindiciantia dicta sunt esse, non solum ab his, quæ ad nos pertinent, sūntque vel secundum naturā, vel his contraria, aut media, sed etiam ab aliis ducuntur, cuiusmodi sunt pater, dominus, cognati, amici, quæ vt Galenus in libro de optima secta scribit, nonnunquam prohibent, ne ea auxilia adhibeamus, quæ ipsi affectus exigunt. Præterea huius generis esse videntur, quæ præcesserunt, aut sequuntur auxilia, quæ accelerari, aut tardari, quod postulatur ab indicantibus, suadent.

*Quid unicuique generatim contraindicet.*

## CAP. XXI.



ALENVS ferè solū de ea contraindicatione, quæ est inter vires, & morbum agit: at ars postulat, vt non tantum de ea tractemus, sed etiā quid generaliter peculiaritèrue indicantibus sese opponat expendamus. Nō enim vires omnibus remediis, quæ morbis debentur, refragantur, & alia sunt inter ea, quæ secundum naturam existūt quæ etiam id faciunt: quemadmodum sanè quæ sunt præter naturā aliis repugnant quàm viribus. Quamobrem nemo vnquam intelliget quàm rectè agere possit, nisi perspectum habuerit, quæ, & quot sint, quæ aliorum indicationes impedire valent. Igitur contraindicant eadem genera eisdem generibus, & diuersa genera diuersis generibus: nam naturalis status ei, quod à naturali indicatur, sæpe sese opponit, & is, qui præter naturā est, ei refragatur, quod ab



illo, qui præter naturam existit, ostenditur, & quæ secundum naturam sunt, iis, quæ præter naturam: & contra hæc iis, quæ sunt secundum naturam, resistentur. Etenim partium suapte naturam humidiorum temperies humidis esse opus ad sui conservationem indicat, quibus repugnant siccæ, quæ siccantia requirunt: febris refrigerantia, illius causa, ut crassus humor, & frigus, qui obstructionem committit, calefacientia desiderat. Morbus illiusque causa venæ sectionem sæpe postulant, ut vires refragantur: sic illæ cibo opus esse indicat, quæ in morbis impedit: Veruntamen inter hæc (quod dicere hoc loco opportunum esse ducimus) quædam per se, alia per accidens contra indicare videntur. Quod enim secundum naturam est, generatim per se ei contraindicat, quod indicatur ab eo, quod est secundum naturam, & contra hæc illis per se repugnant: quæ verò eiusdem generis sunt, vel præter naturam, aut secundum naturam, non nisi per accidens se mutuo repellunt. Accidit enim ut febris ab his exasperetur, quæ illius causam tollunt, aut contra noceat febri, quæ eas se profunt, id quod patet: quandoquidem sæpe eodem præsidio nullo repugnante iuvantur: quemadmodum quum vena secta profuit sanguis, quo & febris causa, & ipsa etiam febris simul mitigatur: id quod nunquam his contingit, quæ propriè contraindicant. Nunquam enim quæ conservationem indicant, ab his iuvantur, quæ mutandi vim habent. Postulat etiam docendi ratio, ut quemadmodum vnum indicare vnum probauimus, ita vnum statuamus, quod vni propriè contraindicet, ut statim quid unicuique per se repugnet, intelligere valeamus, quum incerta sit eorum natura, nec arte comprehendendi possit, quid singulis sese opponat. Nunc vero de his, quæ potius impediunt, quàm vix aliquo modo contraindicantia vocari debeant paucis agendum esse censeo. Quæ quoniam non solum ab his, quæ in nobis sunt secundum, aut præter naturam, aut inter hæc media, sed etiam ab his, quæ in aliis sunt posita, nec per easdem differentias singulis repugnant, ideo certa arte, & docendi ratione comprehendendi nequeunt: nam (ut antea diximus) situs, connexus, cõformatio, durities, mollities, & reliqua huiusmodi, quæ in singulis partibus reperiri solent, medicamentorum transitum impediunt, nec non nutritionem probè obiri vetant. Veluti quum crassa alimenta per angustos corporis meatus ad extremas partes

tes permeare haudquaquam valent, quæ quidē impedimēta ab his ducuntur, quæ in nobis sunt posita: at voluntas parentum, cognatorum, adstantiū prohibent nōnunquā ne ægrotis sanguinem demamus, aut purgationē, vel alia remedia, aut victum necessarium adhibeamus, cuius generis ea quæque videntur esse, quæ ducuntur ab his, quæ prius sunt acta, vel postea peragenda: nam ubi affectus venæ sectionē postulat, si forte paulo antea per alios affectus sanguinē detraxerimus, eum rursus haudquaquam mittimus. Quod si vel inedia ferenda sit, aut aliquid aliud iniungendum, quod vim habeat exhauriendi corpus, id impedit ne alias vacuationes tentemus: & denique quæ præcesserunt, & sequi debēt, siue remedia, siue alimenta, siue animi affectus, vel omnino prohibere possunt vsum aliorū, aut certē in aliud tempus reicere: ac (vt diximus) non solum hæc impedimenta sese opponunt eadem licentia remediis, & victui, sed etiam nulla differentia sumpta, qualitatem, quātitatem, & vniuersos alios rerum scopos peruertere possunt. Nam ægri proprietates, & animus, parentūmq; voluntates, nunc genus remedij aut victus, nunc qualitatem vel quantitatem cōuenientem pari ratione exhiberi recusant, non quemadmodum in vere contraindicantibus vsum venit: quorum quantitas, quantitati, & reliqui omnes scopi singulis indicantium scopi refragātur. Quapropter non mirum si hæc inter impedimēta, & haudquaquam inter contraindiantia posuimus, & horū aliquā, illorum verō nullam artem esse putemus.

*Quæ singulis contraindicent.*

CAP. XXII.



T autem iater indicantia non solum quære-  
bamus, quæ generatim indicare possent, sed  
etiam quid vnumquodque ostenderet: sic po-  
stea quā docuimus, quæ, & quot sint genera  
tim contraindicantia, operæpretium esse du-  
co nunc arte aliqua complecti, quæ sigillatim singulis repu-  
gnent. Sic enim tractatio perfectior euadet, & in omni offi-  
cio habebimus quod bene agere doceat. Itaque postulat na-  
tura rei, vt contraindiantium genera, & differentiæ, generi-  
bus, & differentiis indicantium reluctentur. Vnde ei, quod mu-  
tandū esse iudicat, repugnabit, quod cōseruationē petit, &

contrà hæc indicantibus resistunt, quæ mutationē suadent, certæ verò mutationi obstabit, quod certā conseruationem ostendit. Non enim omnia, quæ secundū naturā sunt, omnibus sese opponunt, quæ præter naturam existunt: quæadmodum nec omnia, quæ præter naturam esse ponuntur, obstant his, quæ in nobis sunt secundum naturā, sed certa certis obstant. Nam alterantibus remediis nec vires, nec aliud quicquam, quod familiare, & naturale sit, præterquam naturalis temperies resistit, quæ quidem sui cōseruationem per similes qualitates, non autē mutationem per dissimiles desiderat. Quapropter optimè Galenus in methodo medendi scribit vnamquamque partem, vel etiam principē remedia alterantia admittere, qualia ipse affectus requirit. Vacuantibus non situs partis, non figura, non magnitudo, non numerus, nec vires ipsæ propriè cōtraindicant, quum situs, figura, magnitudo, & numerus nihil indicent vacuationi contrarium: vires autem non solis vacuantibus sese opponant, sed omnibus actionem quamecunque indicantibus à qua labefactari possunt: veluti vrentibus, secantibus, dolorem inferentibus, nec primò, nec per se, sed secundario, & per accidens illis repugnant. Verum naturalis humorum, spirituū, & eorū denique quæ vacuantur, mediocritas, naturalisque constitutio, quæ sui conseruationem amat, vacuantibus, quæ eā minuūt, contraindicant, ad horum autem immoderatā vacuationē virium sequitur dissolutio: quæ etiam ab immoderata prouenit repletionē. Quare non minus replentibus, quàm vacuantibus vires sese opponūt: idque ea ratione, quod earum infirmitas, & robur ea sequantur, quæ eorū sunt authores. Nam quoniam supra modum auctis, aut exhaustis vel corruptis humoribus, & spiritibus, ex quibus vires maximè consistunt, sequitur vt ipsæ vires labantur: Ideo eas inter cōtraindicantia vacuationem reponere solemus: quum tamen vera solum repugnet mediocritas, & naturalis status eorū, quæ vacuantur, aut augentur. Sic profecto conformationē, magnitudinem, numerum, cōpositionē, & vnionem partium seruantibus adestantur, quæ vim habent ea vitiandi, & his, quæ corrumpunt, obstant, quæ eorum conseruationem postulant. Eodem pacto coctioni nutrimenti, morbosæ causæ alteratio repugnat. Hæc enim ratione vigentibus morbis, subtrahendum esse alimētum dicimus, quod huius mutatio

prohib

prohibeat, morborū causas vinci, conficiq̃ue. Subitæ, iucundæ, & tutæ actioni conseruanti, quæ sunt secundū naturam aduersantur, quæ præter naturam vrgent, & cōtrarias actiones requirunt. Nam vbi syderatio, corruptiōq̃ue mēbrū ali quod obsedit, abscindi partem corruptam iubet: id quod vires ipsæ, quæ sui conseruationem exposcunt, non libenter admittunt, nimirum quòd huiusmodi atrocia remedia illarum robur dissoluant. Indicat morbus, qui vehemēter affligit, subito, generosōq̃ue remedio succurrēdum esse. At quæ secundum naturam sunt, quum postulant subitam, contrariāq̃ue actionem, vel omnino prohibent, vel certe differri, moderariq̃ue, quod ab illo indicatur, cogunt. Veluti si vires ex inedia laberentur, & vehemens febris hominem infestaret, quæ venæ sectionem indicaret, hoc contempto, restorationi virium imprimis studemus. At ne singula prosequamur, quæ peculiarem tractationē requirunt, satis ex his tanquam ex quibusdam exemplis constare puto, vt generis generibus, sic differentias contraindicantium, singulis indicantium differentiis opponi. Nam quemadmodum ei, quod indicat nihil agēdum esse, refragatur id, quod fieri aliquid admonet, & cōseruatio mutationi, & victus remedio, sic profecto huic actioni illa contraria actio, huic conseruationi hæc mutatio, huic remedio certus victus cōtrahindicat: ac nō solum quidem in his primis scopis, sed etiam in aliis vniuersis, principij huius vis inuiolata persistit. Etenim quantitati, qualitati, modo, tempori, loco, ordini eorū, quæ ad conseruationem indicantur, repugnant remediorū quantitas, qualitas, & reliqui scopi, qui prædictis respondent. Qua quidem ratione vbi corporis naturalis status indicat plurimum opus esse nutrimento, aut nihil, aut certè parum, impediēte magnitudine eius, quod est præter naturam, ægrotis exhibemus, illudque vel frigidum, aut calidum, aut alio modo pro morbosū affectus natura intēperatū, quod alioqui fortè temperatissimū naturalis status ad sui tutelā, absente morbo, exigere solet: Quin etiam quanto frequentius morbus inuadit, & minora habet interualla, tanto rarius, ægrotātes alimus, & quo tempore ille vehementior est, parciolem, & leuiorem, vberiore verò, & solidiorē cibum præbemus, quando minus infestat. Adhæc quod tēpore adest morbus, vel expectantur exacerbationes, in ediam imperamus, et si

naturalis status eo tempore fortè alimentum appetat. Idem  
 restaurationem primū ali quando postularet, quum antea  
 erit, qui vrget morbosus affectus, qui sua remedia anteferri,  
 victum autem postponi cogit. Intemperies præter naturā,  
 quæ partem aliquam occupauit, loco affecto adhibendū esse  
 remedium indicat, at membra secundum naturā affecta la-  
 boranti vicina, quæ locum proprium, seque tueri volunt, ve-  
 rant sæpe ne id faciamus, quod morbosę dispositionis locus  
 desiderat. Quo pacto laborante ore vëtrici calido affectu,  
 exigentęque frigida præsidia, quæ ad cartilaginem ensifor-  
 mem adhibeantur, repugnante diaphragmatis situ, quod ab  
 huiusmodi remediis offenditur, paulo infra secedimus, vt  
 vtrique consulamus, ei inquam quod est morbosum, & alte-  
 ri, quod est secundum naturam affectum. Quæ omnia decla-  
 rant singulos indicantium scopos suos habere contraindi-  
 cantes ex cōtrario genere sumptos. Nunc verò de his agen-  
 dum est, quæ vnique per accidens contraindicant. Quæ  
 quoniam ab his ducuntur, quæ sunt eiusdē generis, in quo  
 aliquid reperitur, quod causæ aliud, quod constitutionis,  
 aliud effectus rationem habet, cōtingit vt vnū vni, & vnum  
 pluribus, & hæc vni, & mutuò sibi omnia reluctentur. Nam  
 morborū causæ morbis, & symptomatis, & hæc illis, & cau-  
 sæ causis, & morbi morbis, & symptomata symptomatis pa-  
 ri cōtentione sæpe sibi obfunt. Etenim humor, qui ex bile,  
 & pituita mixtus morbū parit, quatenus pituitosus est, cale-  
 facientia postulat, quibus remediis contraindicat bilis, quæ  
 refrigerantia desiderat. Febris frigidis esse opus indicat,  
 aqua verò inter cutem cum febre cōiuncta calefacientia sibi  
 dari suadet, sitis humectantia exigit, exsiccantia autem alui  
 profluuium, quod cū siti affligit. Obstructioni ex crassis hu-  
 moribus excitata calefacientia, & extenuantia debentur,  
 quibus repugnat febris, quæ refrigerantia indicat. Sopor, qui  
 hominem cū febre premit, calorigica adhiberi iubet: at hæc  
 ipsa febris respuit. Atque etiam in his genera generibus, &  
 differentiæ differentiis cōtrahindicat. Vt enim febris nō ad-  
 mittit calefacientia, quæ fortè indicantur ab eius causa, sic  
 quum vehementior ea est, quantitati remediorum calefa-  
 cientium magis repugnat: & quum vehementius confer-  
 timque affligit, cogit paulatim obiri, quod causa sua-  
 pte natura nonnunquam confertim fieri postularet. Ea-  
 dem

Eadem & symptomata, quæ hominem maximè vrgent, ordinem peruertunt, coguntque remedia, quæ causis debentur, postponi: Eadem ratione si anteuertant, aut tardent febriū accessiones, cogunt nos eo tempore, quo causis seruendum erat, aduersus morbū ipsum pugnare. Quinetiā fluxiones, quæ ad inflammata partē influunt, prohibent ne loco inflammatione tentato digerentia remedia imponamus, & crudi, viscidique humores, qui in ventriculo, primisq; venis abundant, nō permittunt extrinsecus adhiberi, quæ vel trahant humores in venas alias, aut digerāt, vel alio modo consumant, adhibito calore, noxiā materiā, in habitu corporis contentā, & demum in omnibus scopis cōtraindicatio hæc apparet, maximè verò in his, quæ præter naturam existunt. Nam in illis quæ sunt secundū naturā, minor est repugnantia, quandoquidē, & verū vero consonat, sic quæ secundum naturam ponuntur, ab eisdem ferè iuuantur, & læduntur. Quod enim humorum mediocritatē seruat, temperiē quoque corporis, & partium singularum cōformationē, magnitudinem, coniunctionem, & vniuersā structurā tueretur. Certe et si ea, quæ impediunt aliquid fieri (vt antea diximus) certa arte cōpræhēdi nequeunt, nec inuenire licet, quid vnicuique scopo possit esse obiaculo: tamen differētiam quandam in illis ignosco. Nam quæ dā omnibus possunt esse cōmunia: quædam verò quibusdā duntaxat propria sunt impedimenta: etenim voluntas ægri, & adstantium nō minus remediorū, quàm victus vsum impediunt. Situs partis nutritionē perinde vt vacuationē non offendit: facile siquidem vacuantur quæ iuxta intestina, aut corporis superficiem sunt colloquuntur partes, difficilius quæ ab illis locis recedūt, quū tamen pari facilitate omnes nutriantur: Quædā præterea certis scopis magis, quàm aliis resistunt. Nā alterātia remedia facilius omnes admittunt, quā vacuantia, & purgationē non adeo verentur medicinæ ignari, vt venę sectionem: magna autē auxilia omnes suspecta habemus, mitiora nullo negotio concedimus: sed ne in hac generali nostra tractatione, quæ in singulis euariant, & artis cōpræhensionē fugiūt, velle docere videamur, hæc prætermitemus vnicuique in singulis scopis, & officiis facillè excogitanda. Nam semotis quæ extrinsecus impedire possunt, relinquetur sola corporis conditio, & structura quæ id faciant.

*De vi contraindicantium, & quatenus unicuique,  
ubi repugnantia adsunt,tribuendum sit.*

## CAP. XXIII.



**H**ABENDAM esse contraindicantium rationem in omni officio, & scopo, ubi aliquid reperitur, quod indicantibus repugnet: omnibus notū esse puto, & paulo antea id est à nobis ostensum: verum ne plus singulis concedamus, quam par sit, aut minus quam oportet, contraindicantium omnium vis imprimis à nobis docēda est. Hinc enim postea facile patebit, quantum unicuique sit tribuendum, & qua ratione omnia officia exercere poterimus. Itaque vis contraindicantium non æqualis in omnibus adest. Quædā enim ita sese opponunt indicantibus, ut prorsus impediant fieri, quod ab illis suggeritur: alia verò non omnino prohibere valent, sed solum moderari, quod indicatur. Prohibere sane omnino (ut generatim dicam) quæ secundum naturam sunt ea fieri, quæ indicantur ab his, quæ præter naturam existunt: quippe vires nonnunquam omnem vacuationem refugiant, quam morbosa dispositio requirit: moderantur autem ubi illæ nec prorsus validæ sunt, ut omnem perferant, nec ita prostratæ, ut quamcunque vacuationem respuant: morbus autē nullus tantus est, qui omnino impediat obiri, quod infirmæ facultates corporis exigunt: id quod apparet, quum in febribus ardentissimis, viriū infirmitati vini potione, calidorumq; usu sæpius cōsulamus. Quin & urgere accessione morborū, ubi vires ex defectu periclitantur, laborantes nonnunquam nutrimus, nequeunte præsentē morbo impedire, quod ea, quæ secundum naturam sunt, indicant. Quapropter meritō iis primas in contraindicando cōcedimus: secūdas verò ei, quod in omni statu plurimū excedit. Hac enim ratione ubi morbus vehementissimus est, cogimur remedia, quæ illius causam tollūt, intermittere, ut illi soli prospiciamus, & cōtra si causarum vis prævalet, contra eam acriter pugnamus. Veluti quū per magnas obstructions in febribus remedia quærimus magnā ad secandū, extenuandum, & denique aperiendum vim obrinētia: Pari ratione in naturali statu, ubi imtemperies labitur constante structura, aut laborāt vires, aliis leuiter affectis, ei, quod plurimum

rimum excedit, succurrimus: nimirum quòd illud maiorem contraindicandi vim, quàm alia habeat: vnde optima ratione præcipuam vim in contraindicando his, quæ secundum naturam sunt: deinde illis, quæ in vnoquoque statu plurimum excedunt à mediocritate, concedi diximus. Verùm etsi quædam ex contraindicantibus maiorem aliis vim sunt sortita, omnibus tamen quædam facultas data est repugnandi, quæ haudquaquã contemnenda est ab eo, qui artem docere instituat. Quamobrem illud nunc sequitur explicandum, quantum vnicuique ex contraindicantibus sit tribuendũ, an omnia scilicet iis, quæ maximã vim habent: an verò etiam non contemnenda, quæ minore virtute sunt donata: idq; eo potissimum à nobis expendendum esse iudico, quòd Galenus dum hæc nunc diligentius nunc verò negligentius explicat, relinquat in quo dubitare possumus. Etenim libro se primo Methodi, & alibi sæpius censet vbi cõtraindicantia adsunt, omnibus esse succurrendum: sed magis ei, quod plus vrget, aliis interim non cõtemptis: quod perpetuo meo qui dem iudicio faciendum non est. Nam aliquando vni soli feruendum, & prorsus contemnenda reliqua: veluti quum viribus prostratis, reiectis vniuersis remediis, quæ morbis, illorũque causis competunt, nutritioni, refectiõique incumbimus: id quod etiam ille testatur nono Methodi: vbi docet indicationem, quæ à viribus sumitur, tantam vim nonnunquam obtinere, vt reliquas omnes aboleat, & omnem medici curã ad se trahat. Igitur res videtur hoc pacto distinguenda, quòd scilicet ea, quæ contraindicant, viribus, & numero sint nonnunquam paria, & æqualia, aut quædam alia excedant, & maiorem vim habeant. Ac in illis quidem licet aliquando pro cuiusque ratione omnibus prospicere: In his verò nonnulla contemnere cogimur, vt aliis prorsus incumbamus: id quod vel ob dignitatem eius, quod cõtraindicat, vel ob magnitudinem, & vehementiam, aut quòd ordo agendi ita requirat, potissimum accidit. Nam vt in exemplo prædicto permaneamus, prostratas vires corporis, cõtemptis aliis omnibus, aliquando rescire restituerẽque nitimur: vbi verò morbi causa, vel morbus ipse, aut symptoma admodũ excedit, contra id, quod vehemẽter exuperat, omnino pugnamus: quo modo dolores soporiferis remediis, quæ morbos, illorũque causas exasperant, rebellioresque reddunt, leni

re se



re sæpe contentimus. Sordem ab ulceribus primo & solum auferimus ita cogente rerum ordine, qui interim quum id obicitur, nec cauitatem repleti, nec aliud quicquam, quod vlcus postulet, fieri patitur. At vbi æqualia sunt, quæ inter se pugnant, omnibus pari prouidentia succurrendum esse ratio dicitur. Verum in hoc illud maxime spectandum esse puto, vt diligenter expendamus, an re vera æqualia sint indicantia contraindicantibus, vel inæqualia reperiantur. Nam in hoc non parui errores contingere possunt, & suspectus mihi locus esse videtur, qui apud Galenum libro octauo Methodi habetur, vbi præsentē febre ob aliorum contraindicantium vim putat ille aliquando eo perueniendū, vt ægrotis temperata exhibeamus, si quidem vrgētibus morbis vel minimis eam indicationem, quæ ab illis sumitur, perpetuò alias excedere putauerim. Nam quomodo alioqui febris extinguetur, nisi frigida adhibeantur? Sed hæc aliis, qui maiore otio abun-  
lant, consideranda relinquo: Nos vero quod præcipuum est in hac re, quoniam modo scilicet æqualitatē, & inæqualitatem contraindicantium oporteat metiri, trademus. Itaq; vbi plura sunt, quæ inter se pugnant, quæ dignitate, & magnitudine præcellunt aliis, quæ numero vincunt, maioris virtutis sunt censenda: Quod si dignitate, & magnitudine sunt paria, quæ numero excedunt, tanquā maioris momenti sunt aliis præferēda. Ac optime quidem hæc sciet distinguere quando indicantibus, vel contraindicantibus solis sit attendendum, aut vtriusque, & quatenus singulis sit tribuendum, qui naturam, numerū, magnitudinē, & dignitatem indicantium, & contraindicantium omnium nouerit: Quæ quidem partim ars ipsa docet, partim verò sola prudeptia, & ingenij perspicacitate cognosci possunt. Id quod etiam à Galeno nostro libro octauo Methodi incedendi memoriæ proditum est. Nam ars ipsa admonet maiorem esse dignitatem indicationis, quæ à viribus sumitur: quàm illarum, quas præbent morbus, & alia, quæ præter naturam contingere solēt. Docet & eadem maiorem esse illius facultatem, quæ ab his ducitur, quæ quidem plurimum in suo genere excedunt. At numerum certum contraindicantium in omnibus nunquam statuere poterit: nimirum quod in singulis ferè hæc euariant, quæ sibi mutuò repugnare valent.

*De coindicantibus, & correpuignantibus.*

CAP.

XXIII.



ONFVNDI multis modis coindicantium, & correpuignantium appellationem & naturam à Galeno vnique petere puto, qui illius libros omnino negligenter nō euoluerit. Nam sæpe indicantium nomine coindicantia, & contraindicantia, vt antea sæpe admonuimus, cōplectitur. Præterea sub coindicantium appellatione indicantia, contraindicantia, & correpuignantia compræhendit, vt videre est libro decimotertio Methodi, vbi vires, naturam, ætatem, anni tempus, regionem, cōsuetudinem, coindicare curationem meminit. Etenim morbus curationē indicat facultas, & natura victum, curationem verò contraindicant. Aetas verò, anni tempus, regio, cōsuetudo quum ad cognitionem indicantium assumuntur, coindicantia censentur: correpuignantia autem euadunt, quando signa fiunt repugnantium, siue contraindicantium. Atqui propriè ea coindicare (vt id quoque antea notauimus) dici debet, quæ nō primo, nec per se, sed per accidens interuentu scilicet indicantis suas præbent indicationes: Eodem modo correpuignantia vocamus, quæ per accidens beneficio inquam contraindicantis his, quæ fieri debent repugnant. Nam etsi raro coindicantis, & nunquam correpuignantis nomine vtitur Galenus, nec satis docet, quoniam modo velit coindicantia propriè ab indicantibus & repugnātibz differre, tamē ex eo quod inter indicantia ponat quædam, quæ reuera ali-quid non postulant, sed signa aliorum fiunt: veluti quum nono Methodi consuetudinem atque ætatem intercedente morbo curationis rationem indicare scribit: ideo hæc, quæ per accidens indicant, aut impropriè, vel alio quocunque modo velis, à verè indicantibus discrepare agnoscuntur, coindicantium appellatione complectimur. Quod si hæc recipimus, cogimur & correpuignantia ponere, quæ perinde se habent ad contraindicantia, vt coindicantia ipsa ad indicantia. Nec eo quidem moueri nos oportet, quod Galenus illorum mentionem non fecerit, quandoquidem omnes veritatis studiosi, non tantū quid alij tradant, sed quid potissimum res ipsa postulet, spectare debent.

De

De veris ergo coindicantibus, & correputnantibus, his quæ improprie ita dicuntur, vocabulorum abusu prætermis-  
 eadem tractatione agemus, quoniam eandem habent, vt di-  
 ximus, correputnantia, ad contraindicantia rationem, quam  
 coindicantia cum suis indicantibus seruant.

*Quæ, & quot sint coindicantia, & correputnan-  
 tia, à quibuscque sumantur.*

C A P. XXV.



I Galenum legamus, multa & propemodum in-  
 finita inuenimus recensuri, quæ coindicare,  
 & correputnare possint, veluti ætatē, sexum,  
 vitæ conditionem, anni tempus, cœli statum,  
 regionem, cōsuetudinem, colorem corporis,  
 animi mores, & quæ eiusdem sunt virtutis, atque id quidem  
 meritò. Nam si coindicantia, & correputnantia signa sunt  
 indicantium, & contraindicantium, necesse profectò est tot  
 genera, & differentias eorum esse, quot sunt inter discrepan-  
 tia, quæ aliorum indicantia esse possunt, de qua re nō est, quod  
 hic prolixius agamus, vtpote quā abunde in eo opere, quod  
 conscripsimus de Signis, pertractauimus. Esse autem corre-  
 putnantia, & coindicantia eadem re: ratione autem differ-  
 re, vt ipsa indicantia, & contraindicantia, omnibus constare  
 puto. Quæ enim coindicant remediū, correputnant victui,  
 & contra, quæ commostrant victum, correluctantur reme-  
 dio, veluti ætas docet quomodo sint affectæ vires, quæ nutri-  
 tionem præscribunt. Eadem quum virēs declarat subesse  
 infirmas, quæ remedia vehementiora ferre nequeunt, corre-  
 putnare huiusmodi præfidiis creditur.

*Quid unumquodque coindicet, & correputnet.*

C A P. XXVI.



I coindicantia, & correputnantia signa sunt  
 indicantium, & contraindicantium, necesse  
 profectò est rerum genera, coindicare gene-  
 ra, & differentias ipsas differentias, sic gene-  
 ra generibus correputnare, & differentias  
 differentiis. Præterea quædam proprie, alia improprie: quæ  
 dam rursus per se, alia per accidens correputnare, & coin-  
 dicare: quæ scilicet ostendunt quæ proprie vel improprie,  
 per

per se, vel per accidens indicant, vel contraindicant, & denique singula singulis respondere oportet. Etenim ex coindicantibus quædã sunt, quæ simpliciter id quod indicat, ostendunt, quæ videlicet illorum sunt signa, & simpliciter sumuntur, quædã quæ illius genera, & differentias, vt quãtitatem, qualitatem, modum, præsentiam, locum, & ordinem cum aliis patefaciant. Nam si fortè (vt vno exemplo res pateat) corporis vires ostendunt actiones ipsæ, quæ ab illis proficiuntur, actionum quantitas, qualitas, modus, virium quantitatem, qualitatem, & modum ostendent. Eadem est & in contraindicantibus ratio: siquidem victu est opus, & adsunt, quæ nunciant præsentem esse corporis statum præter naturam, qui contraindicet, vbi de quantitate victus agitur, cogimurque expendere quantum repugnet id, quod præter naturam existit, adferuntur correpuignantia, quæ sua quantitate patefaciunt, quantum sit id, quod à naturali statu recedit: sed ne singula prosequamur, idem statuatur in his, quæ indicantia vel contraindicantia alios scopos monstrat. Ex quo quidem patet, quæ posita sunt principia miro quodam artificio non solum cum rebus ipsis, sed etiam illa inter se consentire, & singula singulis respondere.

*De vi coindicantium, & correpuignantium.*

CAP. XXVII.



**R**EPERITVR quoque coindicantibus, & correpuignantibus varia quædam vis, & natura. Etenim quædam inter illa cognoscuntur esse, quæ nunquam: alia verò, quæ aliquando indicare, & contraindicare possint: nam sexus, ætas, nunquam indicant, aut contraindicant, sed qualis sit corporis status perpetuò ostendunt: at temperies corporis sui conseruationem indicat, & alia coindicat, siquidem quales, quantæque sint corporis vires testatur, quæ postea nutrimentum præscribunt: veluti quum ex calido & humido temperamento colligimus plurimo cibo opus esse, propterea quòd huiusmodi temperies vires ad concoquendum validas ostendit, & ob id victum coindicare putatur, sic morbi causa qualis quantûque sit ipse morbus aperit coindicatque ob id qualitatem, quantitatemque remediorum quæ morbis debentur: interim tamen illa etiam peculiare suum re-

medium insinuat: temperies secundum naturam contraindicat remediis, à quibus vitiat: Correpugnat verò his, quæ vires labefactant, nec deesse quidem possunt, quæ solū propriè contraindicantia: alia verò quæ etiam impedimenta, & ipsa impediencia monstrent: veluti nonnulla alia sunt, quæ solum testari valent, quæ sui conseruationem indicant: nonnulla verò quæ ea tantum monstrent, quæ sui ablationem expostulant, quæ scilicet vim habent illud duntaxat monstrandi, quod est vel secundum naturam, vel illi cōtrarium: sunt quæ diuersa coindicandi vim habeant, sed diuersis rationibus, sicut aër ambiens, qui quale sit corporis naturale temperamentum, qualis, quantusque morbus indicio est, & propterea vñctum, & remedium, illorūque qualitatem, & quantitatem coindicare dicitur. Nec vero illud ignorandū est, inter coindicantia, & correpugnantia, quædam primo loco, alia secundo, alia etiam tertio coindicare, & correpugnare: etenim temperamentum primò coindicat nutrimentum, quia primò vires ostendit illius indicatrices. Sexus, cōsuetudo secundo loco id faciunt interuentu ipsius temperamenti: regio verò tertio loco idem facit, siquidem primò aëris temperiem, hæc corporis, quæ rursus vires declarat. Illis præterea maiorem vim tribuere debemus, quæ indicantia, & contraindicantia ostendunt maioris momenti, de quibus superius egimus.

*In quibus liceat vti indicationibus.*

CAP. XXVIII.

**S**I à natura rei accepta & cognita indicatio sumitur, necesse est, vt in illis tantummodo locū habeat, quorum natura, & vis certò percipi potest. Quod etiam Galenus in libro de Optima secta probat, & meritò quidem. Etenim febrem refrigerantia indicare dicimus, quòd antea nouerimus illius naturam esse calidam, & nobis inimicam, quæ sibi contraria, & sui ablationem monstret. Quamobrem (vt generalim dicam) in omni statu quod iuuat, aut lædit per indicationes inueniri potest: nam cuiuscunque generi fuerit, quod in corpore est secundum naturam, aut illi cōtrarium, aut medium inter hæc cognoscitur. At in singulis generibus reperiuntur nonnulla, quorum peculiarem naturam, & facult

facultatem ignoramus, in quibus illud duntaxat per indicationes inuenimus quod genus illorum ostendit, nempe vel ablatione, vel conseruatione, vel remedio, vel victu opus esse. Proprium autem remedium proprium victum, proprios denique alios scopos non amplius per indicationes nobis inuenire datur, eo quod propria natura, & ea quæ propriam materiam, & eiusmodi scopos indicare debent, percipi nequeunt. Nam stuporem dentium ab acidis, & acerbis excitatum præter naturam esse agnoscimus, utpote qui actiones illorum obiri prohibeat: at quæ propria sit stuporis natura, illiusque vis ignoratur: propterea illud solum (ut alia, quæ præter naturam sunt) sui ablationem, & remedium indicat, genus autem, & naturam remedij minimè. Neque enim illius conditio indicare potest portulacam commodissimum fore auxilium, quemadmodum febris refrigerantia indicat, quoniam scilicet illius natura ignoratur febris autem cognoscitur: siquidem quod hæc calida sit, & præter naturam affectio, omnes sciunt, an verò calidus, vel frigidus, humidus vel liccus, vel alterius qualitatæ affectus sit stupor, nemo dicere potest: nam si calidus esset, quur frigida non profunt? Si frigidus, iunarent calida, si adstrictus, ut ferè videtur ostendere quæ eum pariunt adstringentia omnia, quur laxantia potiusquàm ipsa portulaca, quæ adstringendi quoque vim habet, huic malo haudquaquam medentur. Eadem est ratio de febribus pestilentibus, & aliis morbis, qui in tota substantia sunt positi, quibus non succurrunt auxilia euidètibz qualitatibus prædita, sed quæ occulta quadam natura, & vniuersa (ut dicere solemus) substantia, qua sui generis malis opitulantur, sunt prædita. Quamobrem in his, in quibus indicatio locum non habet, ars nostra duo alia excogitauit instrumenta, quorum beneficio, perceptione ejus, quod iuuat, aut lædit, mortalium incommodis opem ferre possemus, obseruationem, inquam & analogismum de quibus pauca subiiciemus.



*Quid observatio, quid analogismus, &  
in quibus illis ut amur*

## CAP. XXIX.



**O**BSERVATIO, siue experientia definitur à Galeno in libro de Sectis, memoria eius, quod sæpius, & eodem modo visum est: analogismus verò in libro de Optima secta ab eodẽ dicitur esse comparatio, & perceptio causarũ iuuantium per similitudines: eo namque (inquit) vtentes à similibus ad similia transimus, quasi nihil aliud sit apud medicos analogismus, quàm quod vocant philosophi argumentum à simili. Porro obseruatione in omnibus vtuntur empirici, rationales verò medici in iis duntaxat, quorum natura, & causæ ignorantur: quæ tamen quoniam eodem modo euenire nouerunt, quæ iuuant obseruatione longa ab illis sunt comprehensa: quo modo vsu, & experientia portulacæ dentium stupori mederi omnibus est compertum, & antidota opitulari venenis, nulla docente ratione, sed ipso duntaxat vsu nouimus: qua tamen in re illud animaduertendum est, quid vnicuique prodesse consueuerit: Sic enim Empirici ipsi, à quibus hæc medendi ratio potissimum excolitur, nō solum diuersos morbos, sed corporum temperies, habitum, hominum proprietates, anni tempora, cœli varium statum, sexum, consuetudinem, & denique propriam cuiusque naturam, & ea, quæ illam immutare possunt, spectanda esse iubent, vt in eisdem casibus quantum licet, eadem experiamur auxilia, quā alioqui non respondeat experientia. Non enim si terra Lemnia, vel Armenica febre pestilente correptos fortè iuuat, aut lactuca ardentibus febribus profuit, putare propterea debemus eadem omnibus eo modo febricitantibus profutura, quum eadem remedia in eisdem morbis, vbi eadem patitur natura, non autem vbi plurimum differunt affecta corpora, prodesse consueuerint. Cæterum si natura affectus, & causa ignoratur, nihilque sit experientia cognitũ, quod conferre possit, analogismo quod iuuat, percipitur. Nam si quis (vt Galeni exemplo vtar) à serpente Hemorrhoeo vocato demorsus fuerit, inde verò sanguis largius profluat: nos propriam causam, quare illud fiat, nescientes, neque experientia instructi, quibus remediis laboranti sit succurrendum,


dam, ad auxilia confugimus, quæ ad sanguinis ob incisionē profuua facere didicimus, similitudine affectus admoniti. Sic profectò quum hac nostrā ætate grassari cœpisset morbus Gallicus, cuius naturam, & vim ob rei nouitatem ignorabamus, nec propria præsidia adhuc comperta essent tutissimum duximus ea experiri quæ morbis ex humorum corruptione abortis, quibus hic simillimus esset, prodesse antea nouimus: quod genus auxilij non aliā ratione, quàm ex similitudine aliorum affectuū siue analogismo inuenimus. Hæc habui quæ de instrumentis, quibus ad agendum, ac singulos scopos consequendos vtuntur rationales medici studiosi traderem. Quæ diligenter excolenda sunt, & in vsum ducenda, si modo in arte medica excellere velimus, & Galenum imitari, qui in his explicandis non in quæstiunculis, & nugis fingendis non paruam librorum suorum partē consumit. Quantum verò sit à nobis in hac re elaboratum, facile omnes intelligent, qui rei difficultatem ante oculos ponent, & expendent, quàm pauca, & eā quàm variè de illā antiqui scriptores memoriæ prodiderint, quique experti aliquando sunt, quantum sit difficile principia tractandarum rerum inuenire, eaque certò, continentēque filo ad finem vſque perducere: ac denique omnia ita explicare, vt non solū quædam principia esse cognoscantur, aliā verò ab illis ducta videantur, sed etiam omnia inter se veritatis vinculo connectere, vt ea, quæ falso irrepperunt conuulsa, & repudiata, aliā verò validissimis, quantum res patitur, rationibus comprobata appareant. Quid verò tanto labore in hoc negotio præstiterimus, aliis iudicandū relinquo. Ego certè ex hoc, & vniuerso opere me plurimum consequutum putabo, si nostras cogitationes, nostramque industriam studiosis non omnino displicuisse cognouero: existimēque illi nos non contendendi gratia, à Galeno, quem amo & veneror, cuiusque ingenium admiror, sed veritatis inueniendæ causa, cui ad illius, & antiquorum omnium imitationem perpetuò, quantum in me fuit, studui, dissentire solere. Absurdum enim & ferè etiam iniquum semper putauī esse paucos constituerē Græcos homines, qui omnia melius, quàm alij omnes nouissent, & ea litteris mandassent, mihi que iamdudum persuasi multis non defuisse par cum illis ingenium, sed iam multis seculis omnibus defuisse discendi, docendiq;



rationem, nimirum quum temere omnia ab illis inuēta, & optimè explicata crediderimus, adeo vt nihil vnquam melius, quàm illi aliorum omnium industria inueniri possiet. Qua quidē in re falli possum: neque enim is sum, qui mihi plura arrogare velim, quàm aliis concedam, sed interim nemo id vitio nobis vertere debet, si antiquorum licētia quos imitandos esse tantopere contendimus, quod mihi verum persuadeo, quòdque aliorum omnium libris excusis in arte nostra adhuc desiderari, aut certè non satis explicatū arbitror, tradere institui, & hoc opere scribere sum aggressus. Quòd si id ab illis impetrauero, dabo posthac sedulo operam tum his, quæ nunc in magnis occupationibus, & negotiis ædo, expolitis in maiore otio, tum aliis operibus, quæ iam dudum scribere vel sum aggressus, vel auspicari cogito, eorum studiis, quantum mihi licebit, consulam, & me ipsum in honesto labore exerceam.

★

F I N I S.



# INDEX VERBORVM

## ET SENTENTIARVM, QVÆ IN

hoc opere adnotanda esse duximus: in quo ta-  
men peculiariter est obseruatum, vt non  
tam verba, quàm sententia auctoris  
exprimeretur: vt quæ fortè dif-  
ficiliora essent, ex ipso  
indice lucidiora  
euaderent.

\* \*



- A**bcessus ne, an ex-  
cretio expectā-  
da sit, quæ in  
dicet. pag. 534
- A**bcessu, an co-  
ctione morbus finiri debeat.  
536
- A**bcessus circa aures vel in in-  
ferioribus partibus instare  
quæ ostendant. 546
- A**ccessio morborū quid. 321
- A**ccessio inæqualis Galeno  
quid. 85
- A**ccessio inæqualis vel producta  
quomodo intelligatur. 321
- A**ccessio simplex, confusa, com-  
posita quid. 328
- A**ccessiones morborum conti-  
nuorum quomodo fiant. 188
- A**ccessionum repetitionis cau-  
sas difficile est inuenire. 185  
& quot de hac re opiniões. 186
- A**ccessionum sola expultrix fa-  
cultas non est causa. 188
- A**ccessionū repetitionis causas,  
qui ad astra referunt, & eas  
ponunt in occulta humorū  
proprietas errant. 185
- A**ccessiones in quibus morbis  
solum fiant. 184
- A**ccessionum repetitionis vni-  
ca propinqua causa, & quæ-  
tum quæ remotiores. 188
- A**ccessiones in continuis feбри-  
bus, & intermittentibus à  
quibus fiant. 189
- A**ccessionū repetitiones quur  
sæpius contingant. 189
- A**ccessiones febrilū quur iisdem  
temporibus nō cōtingāt. 190
- A**ccessiões à piruita factæ quur  
quotidiè, ex bile tertio, ex a-  
tra quarto quoque die inua-  
dant. ibid.
- A**ccessiones in febribus quur  
non nisi ab humoribus putre-  
factis, in aliis verò morbis si-  
ne putredine accendant. ibid.
- A**ccessionum anticipationis, &  
tardationis causæ. 192
- A**ccessionū p̄stata t̄pa repetitio-  
nis certa causa reddi nequit. 190

# I N D E X.

Accessiones quæ alix certo, & firmo, alix incerto repetant tempore.	191	Actiōnis vitium peculiare principibus actiōibus.	223
Accessionum ordo in diebus, & horis à quibus causis corrumpatur.	192	Actiōnis vitiatæ quot genera statuenda.	226
Accessionum ordinis, & inordinationis causæ ad quod genus redigantur.	192. 193	Actiōnes in senibus, & infantibus nonnullæ imbecilliores quàm ægrotantibus.	12
Accessiones morborū quo modo ostendant longos aut breues fore morbos.	510	Actiōnes quæ ostendant sanitatem, vel morbum.	ibid.
Accessionis magnitudo in quo spectetur.	ibid.	Actiōnes euidenter læsæ quo modo intelligantur.	ibid.
Actiō abolita quæ dicatur.	220	Actiōnum simularium illarum forma, non solum temperies causa.	14
Actiō aucta quas sub se actiōnes complectatur.	227	Actiōnes simularium quæ, & quot.	21. 43
Actiō aucta sub deprauata contineri nequit.	224	Actiōnes quasdam lædi obsecundas & tertias qualitates.	31
Actiō deprauata quot vitia sub se contineat.	226	Actiōnum simularium causa ex Galeno quæ statuenda.	42
Actiō debilis, quæ & quot vitia sub se contineat.	220	Actiōnis læsæ genera quot sint, nec insignes medici nouerunt.	220
Actiō difficilis sub quo genere actiōnum contineatur.	228	Actiōnis læsæ genera Gal. inter se confundit.	ibid.
Actiō imbecilla quæ dicatur.	220	Actiōnes partium ab aliis lædi quàm à morbo.	7
Actiō in morbi definitione nulla ratione ponitur.	7	Actiōnis similis partis læsionem non sequi necessario ad solutā vnionem instrumentarix.	43
Actiō intempestiua ad quæ genera redigi debeat.	228	Actiōnum vitia quædam nunc ad vnum genus nūc ad aliud referri.	228
Actiō læsa, & illius differentiar quid ostendere possint.	385	Actiōnem labefactarum causæ non omnes ad morbos referri queunt.	241
Actiōnis diminutæ vitia quæ, & quot ponenda.	227	Actiōnes qualitatum, & operū, quæ in corpore obeuntur auctores.	243
Actiōnis vitia quot, & quæ inuestigandi ratio.	222	Actiō	
Actiōnem deprauatam cū aliis confundit Galenus, nec definit.	221		

# I N D E X.

<b>A</b> ctionum omnium omnes cau- sæ inuestigâtur, quæ & quot in singulis esse possint. 244	<b>A</b> ctiones vitiatæ non definiunt morbum. 6
<b>A</b> ctionis abolitæ causæ quæ. 247	<b>A</b> cutus dolor. 266
<b>A</b> ctiones partium nonnullas per di aliis integris manentibus, & causæ quæ ita fi ant. 249	eius causæ. 285
<b>A</b> ctiones pluriû partiû simul, vel quarundam solum lædi quæ contingat. ibid.	<b>A</b> dauctus morb⁹. vide morbus.
<b>A</b> ctiones in eadem parte quæ quædam lædantur, aliis illæ- sis non est facile inuenire, & Galenî de hac re opinio re- felli tur. 248	<b>A</b> dmota quomodo intemperie pariant. 139
<b>A</b> ctiones quæ quædam penitus aboleantur, aliæ verò aboli- tæ restitui possint. 253	<b>A</b> equalis morbi causæ variæ quæ. 193
<b>A</b> ctionis debilis & auctæ cau- sæ. 254	<b>A</b> ctiui morbi. vide morbus.
<b>A</b> ctiones priores posteriorum causæ, & quomodo. 256	<b>A</b> equalem, in æqualémque mor- bum quæ prodât indicia. 429
<b>A</b> ctionis magnæ causæ. 257	<b>A</b> etius damnatur quòd nihil de indicationibus scripserit. 591
vementis. 258	<b>A</b> etius quædâ ponit signa teme- re, quæ voluulû ostendant. 367
acutioris & exquisitoris. 259	<b>A</b> ffectus quid Galenô sit. 3
quæ debitum tēpus anteuertit. ibid.	<b>A</b> ffectus per sympathiâ qui di- ci debeat. 86
quæ continuo, vel per inter- ualla præter naturam sit. 261	<b>A</b> gendi vis subito vel tardè qui bus insit. 455
intempestiuæ. 262	<b>A</b> imenti distributio in quibus felicius obeatur. 402
quæ subito, & confertim fit. ibid. deprauatæ. 265	<b>A</b> lterâtia an doloris causæ sint, per se. 277
<b>A</b> ctiones naturales, vitales, & animales quæ dicantur. 401	<b>A</b> lui fluxus aliud in principio quàm vigore ostendit. 356
<b>A</b> ctiones quomodo ostendere possint quantum perduraue- rit morbus qui infestat. 458	<b>A</b> lui profluuium instare per cri- ses quæ præmoneât signa. 346
<b>A</b> ctiones præter naturam quæ semper bonæ, quæ verò ma- læ. 476	<b>A</b> mara nunquam acerba, vel aci- da fieri posse. 399
	<b>A</b> moris venerei æstus temere ad intemperiem referri. 242
	<b>A</b> nalogismus quid: & in quibus eo vtamur. 660
	<i>ἀναλογισμός</i> cuius sit vitium. 50
	& à quibus fiat. 172
	<b>A</b> ngina quas mutationes subi- re possit. 525
	<b>A</b> nimi defectus qui facilè, vel

# I N D E X.

difficile emendetur.	254	plectitur omnes diuerfos ef-	
Animi mores qui dicantur.	402	ficientiū caufarū modos.	103
Animi mores humorem indi-		Aristoteles caufarum differen-	
care.	400	tias certa methodo non com-	
Animi perturbationes quos		prehendit.	54
promptius afficiant.	139	Aristoteles plurimas caufarum	
Antecedens caufa. vide caufa.		differentias omittit.	52
Aut quorū de fenforiis cur tam		Aristoteles eas differentias cau-	
discrepans fententia.	304	farum numerat quibus mi-	
Apertio à quibus fiat.	162	nus poſtea vitur.	107
Apoplexiæ caufa ad quod ge-		Aristotelem nouiſſe quid docē-	
nus caufarum referatur.	265	di, & ſcribendi ratio poſtuli-	
Appetentia vehemens nō idem		let.	356
ſemper ſignificat.	356	Aristoteles quibus inſtitutionē	
Aqua inter cutē quot, qualēſq;		moralis Philoſophi compræ-	
mutationes experitur.	522	hendat.	582. 583
Aqua inter cutem per quas cor		Aristotelis principium, quo in	
poris partes liberari ſoleat.		fenſorium ſubſtantia docen-	
	543	da vitur.	301
Aquea non eſſe omnia ſpongio		Aristoteles principium ſuum,	
ſa.	298	quo ſubſtantiam ſenſorium	
Aristotelis ratio qua pbat qua-		docet, violat.	301
tuor eſſe cauſas non conuin-		Aristoteles ſāguinē, ſeuū excre-	
cit perfectum eum eſſe nume-		mēta quomodo nunc partēs	
rum, quem ponit.	98. 99	eſſe affirmet, nunc neget.	32
Aristoteles de quib⁹ cauſis agat		Aristotelem falſo putare aquā	
in Phyſicis.	101	eſſe id quod ex vulnerato oculo	
Aristoteles tractat eadē de cau-		lo proſluit.	302
ſis in Phyſicis, vt Metaphyſi-		Aristoteles inſtrumēti viſus no-	
cis & iſdem verbis.	ibid.	mine variē vitur.	ibid.
Aristotelem nō excuſant in tra-		Aristotelis ſentētia de ſubſtātia	
ctatione de cauſis quę ab aliis		ſenſeriorū examinatur.	300
adferuntur.	ibid.	Aristotelis & Galeni in ſub-	
Aristoteles cauſas omnes cōmu-		ſtantia ſenſeriorum diſſen-	
nes omnibus ſcientiis & ar-		ſio.	294
tribus nuſquā explicat.	ibid.	Aristoteles quod viſum aqueū	
Aristoteles omnes effectus in		eſſe docet reſellitur.	302
cauſas, quas ponit redigere		Aristoteles Platonem in vi-	
non poteſt.	ibid.	ſus ſubſtantia non recte ar-	
Aristoteles certa methodo cō-		guit.	ibid.
			Ars

# I N D E X.

- Ars medica** quę contemnat. 243  
**Asperitas & læuitas** nō sequuntur semper temperiem. 35  
**Asperum** quid. 164  
**Assumptorum nomine** quę, & quot comprehendamus. 122  
**Assumpta** in quibus maiorem vim habeant ad intemperiem gignendam. 138  
**Assumpta** quę morbos in tota substantia gignunt. 157  
 quomodo vero alios morbos. vide propria cap.  
**Astrologia** ex quo fonte signorum capit signa quę futura in nobis prænunciat. 485  
**Astrologia** quomodo doceat diem, & horam solutionis in morbis. 516  
**Atra bilis** retenta quos morbos pariat. 158  
**Atra bilis** quomodo æstare gignatur. 178  
**Atra bilis.** vide Bilis.  
**Attractio** à quibus impediatur. 135  
**Attrahi** quę dicantur. 154  
**Attractionem** nec ob fugam vacui, nec à calore, vel dolore fieri. 151  
**Attrahi omnia** ob familiaritatem. ibidem  
**Attractio, & retentio,** quibus validiores, aut infirmiores sint. 402  
**Atque** quę agere dicantur. 273  
**Auditus** an sit æreus. 298  
**Auditus instrumentum.** ibid.  
**Auditui** quę vox iucunda. 307  
**Auditus etiam** offenditur ab internis 309  
**Auerroes** contra Galen. soluentia continuū non esse causam doloris falso asserit. 275  
**Auerroes** male putat morbū in solutione continui proprium esse similaribus. 45  
**Augmēti morbi breuitas,** & longitudo vnde proueniat. 328  
**Auicenna** errat in definitione causę procatarcticę. 93, 116  
**Auicennę** exēplum in causā cōiunctā minime idoneum. 118  
**Auicenna** quam doloris causam ponat. 275  
**Autumnales morbi** qui. 418  
 & vide Morbus.  
**Auulsiō** quid, & ad partes quas pertinere dicatur à Galeno. 48  
**Authoris** scopus in scribendo quis. 2
- B
- B** Enigni morbi causę. 214  
**Biliofus** morbus quis. vide Morbus.  
**Bilis** meatus duo à quibus causis in aliquibus facti. 161  
**Bilis atra** nō omnis acerba, aut acida vt Galenus putat. 399  
**Bilis atra** quę acida. ibid.  
**Bilis** quos morbos prænunciet. 487  
**Breuis** morbus. vide Morbus.  
**Bulimiam** sub deprauata actione non contineri. 225
- C
- C** Acochymia, & cacoethia quid. 412  
**Cacochymię** nomen variè vsurpat Galenus. ibidem  
 Cale

# I N D E X.

Calefaciētia quomodo calidos,	304
& frigidos morbos pariāt.	128
Calidi morbi causas sine metho	
do Galenus recenset.	139
Calidi morbi causæ efficientes	
à quibus petendæ.	141
Calidos morbos quomodo fri-	
gida extrinsecus pariant.	142
Calidos morbos quomodo gi-	
gnant adstringentia extrinse-	
cus sine frigiditate.	141
Calidos morbos vulnerantia, et	
alia violentius irruentia quo	
modo committant.	ibid.
Calidos morbos an appensa par-	
tibus gignere possint.	ibid.
Calidos morbos quomodo as-	
sumpta faciant.	142
Calidos morbos quomodo mo-	
tus animi vel corporis exci-	
tent.	142
Calidi morbi quo pacto ab ex-	
cretis, & retētis pueniāt.	ibid.
Calidi morbi qua ratione à flu-	
xionibus nascantur.	143
Calidi natiui siue spiritus non	
eadem conditio in omnibus	
partibus.	248
Calida confertim refrigeranti-	
bis adhibita cur dolorem ex-	
citent.	292
Calor natiuus quomodo dica-	
tur vincere eum qui est præ-	
ter naturam.	335
Calor quomodo humidus, & sic	
cos concitet morbos.	35
Calor mitior & vehementior	
quomodo dolorem exci-	
tent.	278
Canicula quales portendat mor-	
bos.	304
Caro quæ in vlceratis partibus	
excrefcit ad magnitudinem	
refertur.	40
Caries quid.	50
Cauitatis nomine quid intel-	
ligendum in partibus.	161
Cauitates plures in partibus, à	
quibus, & quo modo fiāt.	ibid.
Item pauciores	ibid.
Et à quibus causis augean-	
tur.	ibid.
Cauitatum cōcidentia à quibus	
fiat.	163
Cauitatū corporis morbos quæ	
generatim abigant.	523
Causarū tractatio medicis qua	
ratione vtilis.	92
Causarum tractatio quur diffi-	
cilis nobis sit.	ibidem.
Causarū tractatio à medicis ne-	
gligenter explicata.	93
Causarum vim à medico cogno-	
scendam esse.	126
Causarum vis temere à medicis	
& philosophis antiquis præ-	
termiffa.	ibid.
Causa quid, & quòd non rectè à	
Philosophis definiatur.	94
Cause ex Aristotelis, & Philoso-	
phorum opinione quot.	ibid.
Causarum quas addit Arist. Gal.	
examen.	95
Causæ, quæ considerētur vt cau-	
sæ: quæ verò vt signa.	114
Causæ quot ponendæ.	99
Causas quatuor esse quomodo	
probat Aristoteles.	96
Causarum numerum non prob-	
bat perfectum esse Aristoteles	
eum	

# INDEX.

- eum quem ponit. 97
- Causarum numerus quantũ ex-  
crescere possit. 98
- Causarum genera in vniuersum  
octo, & quor tot ponenda. 99
- Causarum differentias sub quo  
nomine tractet Aristote-  
les. 105
- Causarum differentias certo nu-  
mero non comprehendit ab  
Aristotele. ibidem
- Causarum differentias quas omit-  
tat Aristoteles. 106. 107
- Causarum differentiarũ præcipue  
à quibus sumantur 107
- Causarum differentiarũ à natura  
rei ductarũ. ibid.
- Ab effectibus causarum. 108
- Ab agendi modo. ibid.
- Causa efficiens quæ sub se con-  
tineat. 100
- Causa efficiens diuersos mo-  
dos omnes non est comple-  
xus Arist. 103
- Causa efficiens quot modis di-  
catur. ibid.
- Causa efficiens aliarum causa-  
rum interuentu efficiens di-  
citur. ibid.
- Causa efficiens propriè quid di-  
catur. 104
- Causas efficiẽtes ab eo quod fa-  
ciunt denominationem su-  
mere. ibid.
- Causæ efficientes quæ occasio-  
nes dicantur. 105
- Causam efficientem aliter defi-  
niri debere, quàm Aristote-  
les fecerit. 104
- Causa efficiens quomodo ab in-  
strumento distinguatur. 105
- Causas efficientes in morbis  
quas quæremus. 113
- Causæ efficientes quando plus  
possint ex eo, quod est per ac-  
cidens, quàm quod per se effi-  
cere valent. 118
- Causa materialis, siue materia  
quot modis dicatur. 102
- Causa materialis quomodo ab  
Aristotele definiatur. 98
- Causam formalem quomodo con-  
sideret medicus. ibi.
- Causam finalem qua ratione, &  
sub quo nomine Medicus cõ-  
sideret. ibi.
- Causam formalem in morbis  
quomodo spectemus. 113
- Causa instrumentalis quid, &  
quotuplex. 105
- Causam instrumentalem sub ef-  
ficiente cõtineri nõ possit. 95
- Causæ instrumentales cum sub-  
iecto in quibus coincidat. 145
- Causam sine qua, & cum qua ad-  
dendas causas, quas ponit Ari-  
stoteles. 98
- Causam in quo non comprehen-  
dit Aristoteles sub materiali,  
& necessario addendam. ibi.
- Causa sine qua nõ, aut cum qua,  
quæ sub se contineant cõmu-  
nia, & propria. 99
- Causas sine quibus particulares  
certo numero comprehendit  
non possit. ibid.
- Causa sine qua quo modo ab a-  
liis generib⁹ distinguatur. 100
- Causam instrumentalem mate-  
riam, & subiectũ in morbi-  
confi



# INDEX.

- considerari. 113  
**Causarum** sine quibus, & cū quibus multiplex in morbis usus. ibid.  
**Causa** exemplaris in quibus locum habeat, & cuius generis sit causa. 95  
**Causæ** genus, quod voluntatem continet quod nam sit. ibid.  
**Causas** omnes singulis sciētiis, & artibus communes tractare cuius sit. ibid.  
**Causas** quarum rerum quærat medicus. 109  
**Causa** morbi quid sit variè definit Galenus. 110  
**Causa** morbi quid. 111  
**Causa** morbos constituens quæ. ibid.  
**Causæ** morborum quot modis illis conferant. ibid.  
**Causa** morbi malè dicitur esse dispositio. 4  
**Causa** morbi non est in genere qualitatis, sed ad aliquid. ibi.  
**Causæ** morborum. vide quædā in dictione morbus.  
**Causarum** morborum facultatē variā esse. ibid.  
**Causæ** conseruantes, & intēdentes morbos quæ. 126  
**Causas** agentes ob subiectā materiam & agendi modum diuersarum vim assumere. 128  
**Causas** à medico non sciēdi, sed agendi gratia inquire. 114  
**Causæ** procatartica, & præcedentes quomodo à Celso appellantur. 115  
**Causæ** procatartice nomē variè ab antiquis vsurpatum. ibid.  
**Causa** procatartica quid propriè Galeno. 117  
**Causa** antecedens quid. ibid.  
**Causa** coniuncta malè reicitur à recentioribus medicis. 117  
**Causa** continens, & immediata idem. ibid.  
**Causa** continens variè tractatur à Galeno. 118  
**Causa** coniuncta, & antecedens quo modo differant. 118  
**Causa** in vnoquoque genere immediata cuiusque rei vna. ibi.  
**Causas** coniunctas qui assignare nequeāt, & qui possint. 119  
**Causas** coniunctas tum in morbis, tum aliis omnibus ex Galeni opinione & re vera ponēdas esse. 119  
**Causæ** coniunctæ maximus in medicina usus. 120  
**Causarum** quæ inter externas, & morbum ipsum inveniuntur non parem esse in omnibus numerum. ibid.  
**Causarū** certus ordo, & series in singulis morbis tenēdus. 120  
**Causa** morbi quid indicet. vide indicatio.  
**Causæ** morbi quæ dicantur. 121  
**Causas** effectrices morborum omnibus communes eodem numero à Galeno semper non comprehendit. ibid.  
**Causarum** quæ aliquid facere possunt in corpore quatuor genera. ibi.  
**Causas** effectrices morborum ab eisdem generibus perpetuò

# I N D E X.

tuò ducendas esse.	123	de Causis morborum quid di-	
Causæ effectrices morborū quæ		gnosendum.	ibid.
requirant vt morbos cōmit-		Causæ iuuantes,& lædentes &	
tere valeant.	124	alia omnia causarum genera	
Causæ efficientes morbos quæ		quomodo ostendant humo-	
solo excessu,vel defectu eos		res abundare in corpore.405	
pariant.	129	Causa morbi quæ præcessit quæ	
Causæ morborum tempore di-		& qualis fuerit,& quomodo	
uersam vim capiunt.	ibid.	cognosci possit.	451
Causarum vis in omni genere		Causæ auctioris,& conseruatio	
causarum quærenda.	126	nis morborum quæ	111
Causas morborū certo ordine		Causæ salubres quæ.	112
inquirendas,& enumerandas		Causam potissimum dici quum	
esse.	129	actu,est causa.	ibid.
Causas morborum Galenus &		Causas omnes in morbis non	
alij Medici non rectè enume-		esse tractandas.	ibid.
rare solent.	130	Causæ finalis in morbis nullus	
Causarum omnia genera quan-		vsus.	ibid.
do in morbis recensenda,&		Causarū tractatio omnibus ar-	
quando vnius generis dunta-		tibus communis quæ deside-	
xat mentio facienda.	131	ret præter illa,quæ Aristote.	
Causarum enumeratio quando		tradit.	ibid.
à summis generibus efficien-		Causæ doloris qui fit in singu-	
tium,vel à causa cum effectu		lis sensoriiis,	294
fit auspicanda.	133	Causæ voluptatis,quæ fit in sin-	
Causarum enumeratione quot		gulis sensoriiis.	ibid.
modis peccent medici.	ibid.	Cerebri vitia variè solui,& per	
Causæ intemperaturæ. vide in-		mutari.	525
temperaturas.		Cerebri affectus per quas par-	
Causæ duplici vi præditæ quo-		tes terminari consueue-	
modo simplicem affectum pa-		rint.	543
rere possint.	148	Cibum male concoctum sym-	
Causarum differentiarum mor-		ptoma esse,nec sub vilo ge-	
borum explicatio diffici-		nere à Galen.traditorū com-	
lis.	175	prehendi.	213
Causæ morbi acuti quales, &		Coctionis & cruditatis signa in	
quæ sint.	180	quibus potissimum mor-	
Causa salubris, Insalubris, &		bis illorum tempora osten-	
neutra quid.	343	dant.	335
			in Co

# I N D E X.

in Coſtione excrementorū quā do ex illis ſigna ſumimus quæ ſpectanda. 511	do dicatur & instrumentaria rum. ibid.
Cognata quid vocet Galenus. 289	Compoſitio totius & instru- mentorum genere eadem. ibidem.
Coindicans quid. 595	Compoſitionis differentia à quib. ſumantur. 58
Coindicare quæ & quot poſſint in vniuerſum. 656	Compoſitionis morboſæ ratio in quo conſiſtat. ibid.
Coindicantiū, & correputnan- tium differentia. 357. & 358	Compoſitus morbus. vide mor- bus.
Coindicare quid vnūquodque poſſit ſigillarim. ibid.	Complicatus morbus. vide morbus.
Coindicantium nomen quomo- do uſurpet & confundat Ga- len. 655	Compreſſio à quibus fiat. 163
Coindicare quæ proprie dici debeant. ibid.	Concoctio rerum non ſequitur ſemper caloris vim. 19
Coindicātis nomine Galenum raro vti: diſtinguenda tamē eſſe coindicātia ab aliis. ibi.	Concoctio quos morbos ſi- niat. 537
Coindicantiū vis & natura non eadem in omnibus, 657	Concoctioni quis humor aptiſ- ſimus. 198
Color corporis vitiatuſ quarū partiū oſtendat affectuſ. 386	Conformatio corporis quomo- do oſtendat humores exupe- rantes. 402
Color niger minus quā ſol ocu- lis nocet. 306	Connexio partium quibus cau- ſis vitietur. 170
Colorem, definitione morbi à Galeno tradita, morbum di- ci poſſe. 6	Conſeruationem quæ indicent. vide indicatio.
Colores omnes intemperiem non ſequi. 19	Conſeruatio quibus debeatur corporibus. 554
Comitialis morbus quur citò gignatur, & ſoluatur. 206	Conſeruationis duplex offi- cium. 555
Communis morbus. vide mor- bus.	Cōſeruationi quæ, & quot ſubii- ciantur. 559
Compoſitio in definitione mor- bi quo modo intelligenda. 11	Conſeruatio corporum per quæ fiat, & varia de hac re Galeni opinio. 567
Compoſitiones in corpore ge- nere diſcrepantes quot. 16	Conſeruationem à ſimilibus fieri quo modo intelligen- dum. 558
Compoſitio ſimilariū quo mo-	Conſeruationē fieri per ſimilia, &

# I N D E X.

- & quomodo quæ cōseruant:  
ut plurimum contraria sint,  
& tamē similia dicātur. *ibid.*  
Cōseruationem fieri per simi-  
lia quā inep̄tē multi intel-  
ligant. 570  
Cōseruari corpora duobus mo-  
dis intelligi à Galeno. *ibid.*  
Cōseruationem per contraria  
in calidis, & frigidis: non autē  
per similia iubet fieri Gale-  
nus, & quur. 571  
Cōseruāda quæ sint in eodem  
statu, quæ verò ad id, quod  
melius est mutanda ex Gale-  
no. *ibid.*  
Cōseruandam esse solam hu-  
midam temperiē, alias verò  
omnes ad eā reuocandas. 572  
in Cōseruatione quæ sola na-  
tura præstet, quæ verò ars, &  
vtraque. 579  
Constitutio secundum naturā,  
& præter naturam quid. 12  
Constitutio naturalis à quibus  
cognoscatur. *ibid.*  
Consuetudo in quibus vim ha-  
beat. 292  
Consuetudinem sine periculo  
mutari posse. 525  
Continui solutionem non esse  
morbum. 13. 41  
in Continui solutione nullus  
prouenit morbus communis  
similaribus, & organicis. *ibi.*  
Continuum soluere, & diuide-  
re quæ possint. 49  
Continui solutionis varia no-  
mina, & genera. *ibid.*  
Continui solutionem qui in-  
terpretantur elementorum  
diuisionem ridendi sunt. 45  
Continui solutionis causæ quæ  
& quor. 170  
Continuum morbum quæ cau-  
sæ committere possint. 182  
Continui morbi à qua materia:  
& quo modo fiant. *ibid.*  
Continuitatis morborum cau-  
sa quomodo sit dispositio  
morboſa. 183  
Continui morbi differētiz. 184  
Continuorum morborum qui  
non exacerbantur causæ quæ.  
*ibidem.*  
Continuorum morborum, qui  
eandem seruant, vel mutant  
magnitudinem, causa. *ibid.*  
Continuarum febrium ex bile  
accessiones vnde fiant. 189  
Cōtinui ex sanguine quur sem-  
per sint morbi. 190  
Continuum à contiguo non di-  
stingui à Galeno scrupulose.  
45  
Continuus dolor. 287  
Continui solutio sola doloris  
causa. 276  
Contraindicatio & contraindi-  
cans quid. 577  
Contraindicantia nunquā ostē-  
dere quid agendum. 617  
Contraindicantium considera-  
tio quā vtilis sit. 643  
Contraindicantium differen-  
tiz. *ibid.*  
Cōtraindicās reuera quid. 644  
Contraindicantium reuera quæ  
dam per se alia per accidens  
reperiiri. *ibid.*

# I N D E X

- Contraindicãtia improprie quæ dicantur.** ibidem.
- Contraindicantium genera, & differentias à Galeno non esse distinctas.** ibid.
- Contraindicãtia eadem re esse, & genere cū indicantibus, & à quibus sumantur.** 644
- Contraindicantia ab indicantibus quomodo distingui possint.** 645
- Contraindicantia improprie à quib. sumantur.** ibid.
- Contraindicantia quæ trahentur, & omittantur à Galeno.** ibidem.
- Contraindicent quæ sibi mutuo.** 632
- Contraindicare per se tum generatim tum speciatim aliis quæ dicantur.** 644
- Contradicantia per accides quæ sint ponenda.** ibid.
- Contraindicãtia improprie certa arte comprehendi non posse.** 631
- Contraindicantia reuera indicantibus sese opponere per oppositas differentias, & in singulis scopis.** 632
- Contraindicare quæ nam sigillatim singulis possint.** ibid.
- Contraindicare non posse omnia quæ sunt secundum naturam singulis, quæ præter naturam existunt.** ibid.
- Contraindicare quæ possint alterantibus remediis.** ibid.
- Contraindicãtia vacuationi quæ statuenda.** 648
- Contraindicantia per accides quo modo singulis repugnēt ostenditur.** 650
- Contraindicantia per accides magis in his, quæ sunt præter naturam, quàm in cōtrario statu reperiri.** 651
- Contraindicantia improprie quomodo singula singulis refragari possint.** ibid.
- Contraindicantium vis cognoscenda, & notanda medico, & quur.** 652
- Contraindicantium vim nō æqualem in omnibus reperiri.** ibid.
- Contraindicantia quænam possint omnino prohibere quod ab indicantibus suggeritur.** ibidem.
- Contraindicantia quæ maioris dignitatis, & virtutis constituenda.** ibid.
- Contraindicantibus singulis quantumtribuendum.** 653
- Contraindicantiū natura, & vis quum expenditur, quid expectandum.** 654
- Contraindicantium æqualitas, & inæqualitas qua ratione cognosci possit.** ibid.
- Cōtraindicãtia singulos scopos partim docentur in propriis capitibus de indicationibus.**
- Contudentia quæ dicātur.** 49
- Contusio quid.** 50
- Contusiones qua ratione perimant.** 524
- Contusionis causæ, & quæ contundi possint.** 171
- Cont

# I N D E X.

Contusionis specierũ causę.	170	Corporis nostri triplex condi-	
Contundens dolor.	282	tio.	613
eius causas tacet Gal.	286	Corporis præparationis nomi-	
Conualescentes cur non omnes		ne morborum generatione	
in reditu ad statum naturalẽ		quid intelligendum.	124
voluptate afficiũtur, & q.	290	Corpulentiam vniuersũ corpo-	
Conualescentes quomodo co-		ris esse.	413
gnoscamus hoc vel illo mor-		Correpugnatio, & correpugnãs	
bo laborasse.	462	quid.	526
Conualescentium tractatio. vi-		Correpugnantia & coindicantia	
de restauratio.		quomodo differant.	656
Conuulsio quid, & quibus parti-		Correpugnantia quur ponere	
bus tribuatur à Gal.	47. & 50	cogamur.	655
Conuulsio non recte vocatur om-		Correpugnare in vniuersum	
nis solutio continui ner-		quę possint.	656
uorum.	47	Correpugnantium vis varia, &	
Conuulsionem à siccitate non		natura.	657
esse.	279	Correpugnantia quę proprie	
& quare decepti qui eam à sic-		dici debeant.	655
citate fieri volunt.	ibid.	Correpugnare singulis quid v-	
Cordis inflammatio incurabi-		numquodque valeat.	656
lis.	523	Correpugnantium alia per se,	
Corporis statum secundum, aut		alia per accidens, & quę ta-	
præter naturam quę decla-		lia.	658
rent.	389	Corruptio humorum quid.	412
Corpore conualescente quę sci-		Crafsities sensoriorum non est	
re expediat ex præteritis.	450	causatur alia aliis magis do-	
Corpus quur perpetuò exsicce-		lorem sentiant.	294. & 304
tur: etiam si humidis semper		Crisim negligentius definit Ga-	
utatur.	569	lenus.	72
Corpori euenientium triplex		Crisis quid.	532. & 72
genus.	8	Crisim futuram in quibus mor-	
Corporis effectus quis, & quot.		bis præfagire liceat.	71
ibidem.		Crises in quibus morbis fiant.	
Corporis habitum bifariam v-		ibidem.	
furpari à medicis.	70	Crises ex facultatibus naturæ	
Corpora morbis excipiendis ex-		solam expultricẽ efficere.	72
posita quę.	124	Crisis futuræ indicia confundit	
Corporis correctionem omnẽ		Galenus.	533
fieri per contraria.	576	Crisim instantem quo pacto	

# I N D E X.

dignoscas.	ibid.	Delirium quos affectus repræ-	
Crisim fore per excretionem,	534	senter.	361
vel abscessum quæ præmon-		Delirium quam materiam re-	
strent.	534	dundare in corpore mon-	
Crisim salutarem fore quæ præ-		stret.	400
nuncient: vel lethalem.	539	Delirantes quur dolorem non	
Crisis, quæ futura est fida, facilis		sentiam.	271
& perfecta, prædictiones.	540	Deprauada, & corrupta actio	
Crisis futuræ tempus quæ pro-		idem.	221
dant.	ibid.	Deprauatæ actionis causæ.	265
Crises fore symptomaticas, aut		<i>διὰ θύου</i> male dicitur esse stabilis	
naturæ vi peragendas quæ te-		alteratio à Gal.	4
stentur signa.	542	<i>διὰ θύου</i> quid Aristoteli.	ibid.
Curationem variari ob tempo-		<i>διὰ χρόνου</i> quid.	321
ra morborum.	313	<i>διὰ χρόνου</i> quid: & quot sub se cõ-	
Curare quis vere dicatur.	560	tineat.	37
Curationem per contraria fieri		<i>διὰ πρὸς</i> quid.	50
ostenditur, & iper quæ contra-		<i>διὰ πρὸς</i> quid, & illius causæ ex	
ria fiat.	576	Galeno.	51
Curare quæ possit sola natura,		<i>διὰ πρὸς</i> à solutione continui	
quæ verò ars, & vtraque si-		excludi debet.	ibid.
mul.	579	Diapedesis ex vasorum apertio-	
Curationem quæ indicent. vide		ne fieri nequit vt Galenus pu-	
indicatio.		tat.	ibid.
D		Differentiæ morborum. vide	
<b>D</b> Eclinatio morbi quid.	320	morbus.	
Declinatio accessionis		Dioscorides quo errore labora-	
quid.	ibidem.	uit in describēdis herbis.	372
Declinatione non priuari per-		Disciplinæ vt methodo tradan-	
petuò morbos, qui per crisim		tur, quid requirant.	ibid.
soluuntur, vt Galenus putat.		Dispositionis nomine quæ signi-	
321		ficentur à Gal.	3
Declinatio duplex in morbis.		Dispositiones causarum nomi-	
325		ne vocare solet Galenus.	15
Declinatio brevis in quib. mor-		Distensio. vide Tensio.	
bis contingat.	329	Diuidere bene quā difficile.	57
Deiectionem, quæ consuetum		Diuidendi ratio non satis expli-	
tempus anteuertit causæ.	259	cata ab antiquis.	ibid.
Delirium in febribus & mania-		ex Diuisionibus malis sophis-	
cis à quibus causis fiat.	266	mata ferè omnia nascuntur. ibi	
		in Di.	

# I N D E X.

in Diuisionibus quur à summis generibus auspicandum, & ad infimas species perueniendum.	349	Doloris causas eruere difficile.	268
Diuellēdi quę vim habeant.	171	Doloris causa immediata quę sit.	270
Docendi ratio quę optima censetur à Platone.	27	Doloris causa sine qua nō. ibid.	
Docēdi ratio quid postulet.	137	Dolorem non inferre siccantia & quur.	280. & 278
Dociles qui.	400	Dolor qui sententia Gal à siccitate puenit, nō leuis est.	280
Dolorem non attrahere.	152	Dolorē quę inferre possint.	273
Dolorem sub nullo genere symptomatum à Galeno positum contineri.	214	Doloris causa, qui fit in singulis sensoriis.	294
Doloris significata ex Gal. ibid.		Et vera earū inuestigatio.	305
Dolorem non significare actū in quo dolemus.	ibid.	Dolorem qui magis, minūse sentiant.	271. & 272
Doloris definitionum examen.	217	Dolor cur quandoque excitetur à remediis dolorem sedantibus.	291
Doloris definitionis vera inuestigatio.	228	Dolor quomodo ostēdat humores redūdare in corpore.	403
Dolor non est actio.	215	Dormientes nō sentire, & quur id fiat.	251
Dolor quid sit.	269. & 281	Dormientes quur moueantur, & non sentiant.	250
Dolor corporis vt fiat, tria requiri.	270	Durum omne à primis qualitatibus non prouenire.	18
Dolor vt corpus occupet præter sensum non requiri etiam calidū vt nōnulli putāt.	271. 272	E	
Dolor animi quomodo à suis obiectis oriatur.	280	Εγρηπεί quid.	50
Dolor animi in quibus facultatibus fiat.	270. & 273	Εδρα quid.	ibid.
Doloris differentię vnde sumātur & earum nomina.	281	Efficiens causa. Vide causa.	
Doloris differentiarum causę.	266	Educta siue eorum, quę educuntur à corpore nomine quę & quot contineantur.	126
Dolorem diiudicans facultas tria requirit.	271	εχέμους quid, & huius causę.	51. & 173
Dolor in vitali & animali facultate quomodo fiat, dubium est.	273	ενθλασις quid.	51
		επιδημι morbi. vide morbus.	
		επιφανέμενα.	236
		Erosio quid.	50
		Erosionis causę,	171



# I N D E X.

<b>Eryſipelata</b> quas mutationes admittant. 523	<b>Excretio</b> quibus validior, aut infirmior exiſtat. 402
<i>Ἐρυσίπelas</i> quid Græcis. 80	<b>Excretioni</b> locus accommodatus per morbos quis. 512
<b>Exaſperâ</b> ſi que vim habeât. 164	<b>Excretio</b> in quibus morbis expectanda. 535
<b>Excrementa</b> quibus de cauſis nō expurgentur. 135	<b>Excretioni</b> accommodatus locus in ſingulis morbis & humoribus. 542
<b>Excreta</b> & retenta quomodo in temperiem & in quibus pariant. 138	<b>Excretionis</b> inſtantis per morbos loci quæ patefaciât. 545
quomodo frigidos morbos gignant. 142	<b>Experiētia</b> quid, & quæ per illâ inueniantur præſidia. 660
item ſiccōs. 146	<b>Exercitatio</b> immodica quales, & quomodo intemperies pariat. 139
<b>Excrementa</b> retenta quomodo morbos in tota ſubſtantia pariant. 158	<b>Expulſio</b> à quib' ſpeditur. 136
<b>Excrementum</b> quid. 229	<b>Expulſrix</b> facultas à quibus irritetur. 153
<b>Excrementum</b> quot modis præter naturâ eſſe poſſit. 229. 230	<b>Expulſrix</b> facultas an acceſſionum ſit cauſa. 187
<b>Excrementum</b> toto genere, ſive tota ſubſtantia alienū quomodo intelligatur. 230	<b>Expulſio</b> humorum à quibus fiat. 155
<b>Excrementa</b> à quibus cauſis, & quomodo mutantur ſecundū qualitatem, & quantitatem. 229. 310	<b>Exquiritus</b> morbus, vide morbus.
<b>Excrementa</b> quomodo poſſint monſtrare tempora morborum. 335	<b>Extrinſecus</b> adhibita corpori quæ & quot contineant. 122
<b>Excrementa</b> quarum partium vitia poſſint monſtrare. 385	& quomodo frigidos morbos excitent & alios. 144
<b>Excrementa</b> quomodo oſtendunt præſentem morbū inueteratum eſſe vel recētem. 458	<b>Extrinſecus</b> admota quomodo morbos in tota ſubſtantia gignant. 157
<b>Excrementa</b> qua ratione oſtendunt morbos fore longos vel breues. 511	<b>Extrinſecus</b> lædētia quæ, & quomodo figuram partium corrumpant. 160
<b>Excreta</b> quomodo ſigna fiât humoris contenti in corpore. 398. 399	F
	<b>Faciēda</b> quomodo frigidos morbos variant. 145. 146
	Item ſiccōs. 147
	Item morbos in tota ſubſtantia. 157. 158
	Facul

# I N D E X.

- Facultates corporis quæ ob familiaritatem, vel irritamentum agant. 188
- Facultates quæ morbos finiunt quæ & quot. 207
- Facultas expultrix sola author magnæ, & subitæ mutationis. 208
- Facultates naturales duplices, habere ventriculum. 233
- Facultates omnes ab omnibus intemperaturis pariter non lædi. 247
- Facultates principes locis eundem non separat Galenus. 251
- Facultates principes quæ non omnes ab eodem morbo lædantur. 252
- Facultas quæ in agendo est validior, vel debilior deprauatæ functionis causa. 265
- Faucium constrictio frigidorum morborum causa esse non potest, ut Galenus putat. 144
- Febris quæ dicitur esse calor quomodo intelligendum. 14
- Febris nunc calidus solum, nunc calidus & siccus morbus à Galeno ponitur. 27
- Febrem in solo calore morbum esse. ibidem
- Febre quidam correpti quotannis eodem die. 205
- Febres quintanas & sextanas mirum quæ neget Galenus. 87
- in Febribus quæ maiorem significandi vim habeant. 361
- Febres continentes quæ aliis breviores. 198
- Febres verè continuæ quibus signis ab intermittentibus distinguantur. 428
- Febrium diariarum varias causas quæ ostendant. 451. 452
- Febrium putridarum omnium remediorum genera. 522
- Febris tertiana, quotidiana, synocha, & ardens per quæ corporis locum discuti soleat. 543
- Febrium pestilentium remedia per indicationem non inveniuntur. 659
- Figura partium à quibus causis lædatur. 159
- Figuram vasorum quæ lædantur, ibi quæ fiunt, siue geruntur quot modis, & in quibus proprius intemperiem faciant. 138
- Finem quomodo consideret medicus. 106
- Finalis causa, vide causa.
- Formarum natura medicos ignorare. 25. 26
- Formarum natura exprimi nequit. 28
- Formam quæ, & quomodo consideret Medicus. 106
- Formæ veræ quorum sint. ibid.
- Fluxiones quo pacto morbos calidos faciant. 143
- Fluxiones non solum calor partibus affectæ, sed aliarum etiam mouet. 154. 155
- Fluxiones non solum debiles partes, sed quænam aliæ suscipiant. 153
- Fluxionis causæ quæ genere ponenda. 152
- Fluxiones per attractionem fieri non posse. 155

# I N D E X.

- Fluxiones humorum quot mo-  
dis fieri possint. *ibid.*
- Fluxiones quomodo excitet ca-  
lor. *ibid.*
- Fluxionum causis effectricibus  
quæ conferant. 155
- Fractura non rectè vocatur om-  
nis solutio continui quæ acci-  
dit ossibus. 48
- Fractura quid. 50
- Fractura capitis quomodo à  
Græcis dicatur. *ibid.*
- Fracta ossa quæ extractione po-  
stulent: & quæ re integrari  
non possint. 206
- Frangentia quæ dicantur. 49
- Frangentia sub contundenti-  
bus non contineri. *ibid.*
- Frangendi quæ vim habeant.  
171. 172
- Frigus quomodo calidos vel fri-  
gidos morbos gignat. 128
- Frigus externum quos potissi-  
mum lædat. 141
- Frigus quomodo dolorem pa-  
riat. 278
- Frigidorum morborum causas  
omnes nō docet Galenus in  
lib. de Causis morb. 143
- Frigidos morbos quomodo ad  
mota extrinsecus excitet. 144
- Frigidi morbi quomodo ex vin-  
culis iniectis partibus nascan-  
tur. 145
- Frigidos morbos quomodo ea,  
quæ assumuntur pariant. *ibid.*
- Item ea, quæ excernuntur &  
retinentur. *ibid.*
- item quæ fiunt. *ibid.*
- Frigus extremorum per mor-  
bos non idem semper osten-  
dere. 356
- G
- Galenus diuinus author.  
209
- Galenus omnia debemus. 339.  
344. & 345
- Galenus omnium bonorum quæ  
habet ars nostra author. 352
- Galenus variè morbum definit. 3
- Galenus morborum genera cum  
differētiis solet confundere. 15
- Galenus vincendi auiditate cō-  
motus sui sæpe obliuiscitur.  
16
- Galenus negat aliis, quod ipse  
sequitur. *ibid.*
- Galenus concedit morbos quos-  
dam in similibus nō refer-  
ri ad tēperiē, & quomodo. 19
- Galenus non rectè ponit omnē  
essentiam similis partis in  
eius temperamento. 24
- Galenus non ostendit numerum  
morborum partium instru-  
mentariarum esse perfectum.  
30. 31
- Galenus quosdam affectus ad  
numerum vitiatum malè re-  
ferre. 38
- Galenus non rectè ophiassim, &  
alopeciam aliāque nonnulla  
inter morbos ponit, qui ad  
numerum pertinent. 38. 39
- Galenus vnguem in oculo nō  
rectè annumerare his, quæ  
sunt secundū naturam. *ibid.*
- Galenus nulla euidenti ratio-  
ne probare solutionem con-  
tinui esse cōmunē morbum  
simil

# I N D E X.

- similaribus, & instrumenta-  
 rius partibus. 42  
 Galenus non rectè videtur po-  
 nere arteriæ totius incisionē  
 ipsius, & instrumenti: eiufdē  
 verò diuisionem illius pro-  
 prium morbum. 46  
 Galenus non bene sentire vide-  
 tur de ligamēti diuulsiōne &  
 apospasmate. 47  
 Galenus variat in numero mor-  
 borum, qui ponuntur in solu-  
 tione continui. ibid.  
 Galenus non sibi constat in no-  
 minibus morborum, quæ ad  
 solutionem continui perti-  
 ner. ibid.  
 Galenus conuulsiōni nomine  
 abutitur, nec idem perpetuò  
 significat. 48  
 Galenus nō bene vocat solutio-  
 nem continui in neruis con-  
 uulsiōnem. ibidem  
 Galenum in auulsiōnis nomine  
 varium esse. ibidem  
 Galenum non aptè vocare om-  
 nem solutionem continui in  
 ossibus fracturam. 49  
 Galenus vlceris, & vulneris no-  
 men confundit. ibi.  
 Galenus non rectè docere qui,  
 & quot sint morbi in solutio-  
 ne cōtinui ex partibus affe-  
 ctis. 48  
 Galenus anastomosim, & diape-  
 desim confundere videtur. 51  
 Galenus nō vna ratione simila-  
 rium partium, & dissimila-  
 rium morbos compositos sta-  
 tuit esse, idque perperam. 52  
 Galenus in morbo composito 2  
 suis principiis recedit. 53  
 Galenum non rectè existimare  
 similarium partium morbos  
 per accidēs ad vniuersum in-  
 strumentum pertinere, ibid.  
 Galenus in morbis quos dicit  
 esse per accidens instrumen-  
 torum sibi aduersatur. 53  
 Galenum morborum differen-  
 tias sparsim, & nulla arte pro-  
 sequi. 56  
 Galenus eam duntaxat morbo-  
 rum differentiam, quæ ex ma-  
 teria subiecta sumitur docet  
 in Lib. de Diff. morborū. ibi.  
 Galenus morbi magnitudinē  
 iisdem rebus non semper me-  
 titur, nec quid sit, docet. 63  
 Galenus morbi magnitudines  
 confundit, quum de venæ se-  
 ctione agit. 6  
 Galen<sup>o</sup> signa magni morbi sim-  
 pliciter cum signis alterius  
 miscet. 67  
 Galenus magnum morbū cum  
 maligno non paruo errore  
 confundit. ibid.  
 Galenum duos duntaxat fines  
 omnibus morbis statuere. 71  
 Galenus crism negligētius  
 definire consuevit. ibid.  
 Galenus non videtur seruare  
 sua principia in morbis, qui  
 finiuntur per crism. 72  
 Galeni definitio de morbo ma-  
 ligno refellitur. 73  
 Galenum multa negligētius  
 scripsisse. 76  
 Galenus varius in definitione,

# I N D E X.

- & differētiis morbi acuti. 80  
 Galenus de his, quæ per consen-  
 sum patiuntur, varia, & inter  
 se pugnantiâ tradit. 86  
 Galeni opinio refellitur, quum  
 dicit nullam actionem lædi  
 nisi lædatur pars illius au-  
 thor. 87. 88  
 Galenū non rectē ponere mor-  
 bos similariū per accidens  
 morbos instrumenti. 89  
 Galenus in morbo per accidēs  
 suis refragatur principiis.  
 ibidem.  
 Galenum causas differētiarum  
 morbi vel omisisse, vel spar-  
 sin & absque methodo do-  
 cuisse. 93  
 Galenum eo quod varie singula  
 explicare soleat aliis errandi  
 occasionem dedisse. ibidem  
 Galenum vario modo definire  
 quid sit morbi causa. 110  
 Galenum medicos omnes con-  
 fundere in causis procatacti-  
 cis, & antecedentibus. 115  
 Galenus dum nunc alios sequi-  
 tur in causa procatactica à  
 seipso dissentit. 117  
 Galenus in causa coniuncta no-  
 tatur quod varius sit. 118  
 Galenum semper plurima re-  
 linquere explicanda quæ sunt  
 illius loci, & rei de qua agi-  
 tur. 124  
 Galenus morborum causas ar-  
 te, & methodo enumerare  
 non solet. 130  
 Galenum causas intēperaturæ  
 priusquam singularum intē-  
 peraturā docere debuisse. 137  
 Galenus absque methodo mor-  
 bi calidi causas recenset, &  
 quas omittat, & quod causas  
 non doceat, sed modos qui-  
 bus causæ effectrices agunt.  
 139. 140  
 Galenū in libro de Causis mor-  
 bor. frigidi morbi causas nec  
 omnes, nec methodo enume-  
 rare, & quasdam ponere, quæ  
 reticiendæ sunt. 143  
 Galenus in causis morbi siccī,  
 & humidī redit ad sua prin-  
 cipia. 146  
 Galenus nō rectē statuit omnes  
 tumores fieri ex fluxiōe. 150  
 Galenus non rectē sentire vide-  
 tur, quum in generatione tu-  
 morū dicere solet humores  
 expelli ab expultrice faculta-  
 te, nullius alterius facta men-  
 tione. 151  
 Galeni opinio expenditur, & no-  
 tatur quod ob fugam vacui  
 aut vi caloris vel ob dolorē  
 humorum attractionem fie-  
 ri dicat. ibid.  
 Galenū fluxionis causas negli-  
 gentius explicasse, nec eas à  
 causis susceptionis satis di-  
 stinxisse. 154  
 Galenus figuræ vitiatæ causas  
 nec omnes, nec eas quas po-  
 nit, methodo cōplectitur. 159  
 Galenus omniū morborū, qui  
 sūt īcausate cās nō docet. 161  
 Galeni opinio de nomine, & ge-  
 neribus putredinis conside-  
 ratur. 166  
 Gale

# INDEX.

- Galenum diminutæ magnitudi-  
nis causas vniuersas non com-  
prehendere. 168
- Galenii errores quorū notet au-  
thor. 169
- Galenus notatur, quòd differen-  
tium morborum vt ipsorū  
morborum causas nō docue-  
rit. 99. & 100
- Galenum causas morbi magni,  
& maligni simul confunde-  
re. 176
- Galenus acuti morbi causas cō-  
munes omnibus non do-  
cuit. 180
- Galenus in causis ordinati, & in  
ordinati morbi varius. 191
- Galenus morbi longi, & brevis  
causas methodo non est pro-  
sequutus. 195
- Galenii libri de Symptomatis di-  
ligentius quā alij omnes  
conscripti: nec tamen elabo-  
rati, & perfecti. 209
- Galenus multa reiecit, & repo-  
nit inter symptomata præter  
rationem. 211
- Galenus actiones læsas malè di-  
uidit in tria, & sæpe inter se  
genera confundit. 220. & 224
- Galenum sub debili functione  
omnia illius vitia non com-  
plecti. 220
- Galenum nunquā putasse li-  
bros, quos scriberet perfectos  
esse, vt nihil illis addi posset  
vt sophistæ falsò credunt. 225
- Galenus notatur quòd à seipso  
dissentiat, quū agit de excre-  
tione sanguinis præter natu-  
ram. 230
- in Galeni libris de Causis sym-  
ptomatum quæ, & quot desi-  
derari possint. 238
- Galenū multa optimè inuenisse  
& tradidisse. 240
- Galenus quum dicit omne sym-  
ptoma sequi morbum, errare  
videtur, & sibi pugnat. *ibid.*
- Galenus notatur, quòd in causis  
actionis læsæ nihil docuerit  
commune omnibus. 244
- Galenii opinio de causis sensa-  
tionum læsarum communis  
non est omnibus sensationi-  
bus. *ibid.*
- Galenii opinio, quorū seruetur  
sensus & non motus semper  
expenditur. 250
- Galenum inter causas abolitæ  
vnius functionis seruata inte-  
rim alia quam causam omit-  
tat necessariam. 252
- Galenus in causis magni pulsus  
diminutus, & à seipso diffe-  
rens. 258
- Galenus reprehenditur, quòd di-  
xerit apoplexiam non posse  
fieri ab intemperie, syncopen  
verò sic. 262. 263
- Galenum nō rectè sentire quòd  
scribat ob manifestas altera-  
tiones spirituum syncopen  
fieri. 264
- Galenii tractatio de dolore & vo-  
luptate principiis caret. 289
- Galenus sibi ipsi repugnet in as-  
signanda doloris causa à qua-  
litate primis ducta. 274
- Galenus toties sententiā mutat  
quo

# I N D E X.

quoties de causis doloris agit.	268	322	
Galenus modo sola alterantia, modo sola cōtinuū solūctia causā doloris asserit.	275.276	Galenus in nulla re magis confusus & à seipso dissentiens quàm in tractatione de morbi temporibus.	323
Galenus quos dolores non doceat.	286	Galenus sibi aduersari quum scribit in principio morbi neminem mori posse.	325
Galenus nō velle dolorem esse sensationem.	216	Galenus reprehenditur quod nō rectē docuerit, quomodo oporteat cognoscere tempora morborum.	329
Galenus sensoriorū substantiā varie docet.	301	Galenus sui obliuisci videtur dum docet dignoscere tempora pleuritidis.	331
Galenus ratio cur quēdā sensoria maiori dolori obnoxia quēdā minori.	294	Galenus ponere quosdam morbos in principio qui augētur, quosdā in vigore, qui remittuntur.	333
Gal. quid per instrumentum sensoriorum intelligat.	295	Galenus signorum tractationē nō rectē docuisse, & quare.	340
Gale. quomodo appetentiæ instrumentū esse ventriculum dixerit.	295	Galenus signorum differentias vniuersas non complectitur, neceas quas tradit ex certis principiis ducit.	344.345
Gal. refellitur quod voluptatem à cognatis fieri dicat.	290	Galenus malē diuidit signa in Arte medicinali, & nomina confundit.	ibid.
Galenus quū agit de principio morbi malē sentire ostēdit.	318	Galenus malē diuidit signa in Aphorismis.	346
Galenus quod scribit de principio inflammationū in omnibus inflammationibus non seruat.	319	Galenus in Arte medicinali omnia capita necessaria non ponit à quib⁹ signa sumātur.	352
Galenus de medici officiis nihil collectum, nihilque certum tradidit.	513	& quæ omittat.	353.354
Galenus optimē censuit sanorū omnium curam conseruationi subiici.	554	Galenus in signorum enumeratione rem confundit.	372
Galenus de curatione, & præseruatione varia scripsit, nec sibi constat.	555	Galenus propria rerum indicia solum in febribus docet.	373
Galenus varius in numero temporum morborum vniuersalium.	322	Galenus raro signa prognostica docet in morbis, exceptis	acu
& quæ in eo reprehendi possint.			

# I N D E X.

- acutis. 374 Galeni tractatio de signis prognosticis damnatur. 472
- Galenus notatur quòd censeat memoratiua signa solis medicis, & non agroris utilia esse. 378 Galenus non satis docet signa, quæ prænuncient quem sit habiturus morbus finem. 500
- in Galeno quid potissimū dam-  
nari possit. 391 Galeni opinio refellitur, ubi agit in quibus morbis liceat aut non salutem aut mortem prædicere. 501
- Galenum in arte medicinali signa ægrotantium, & sanorū non rectè docere. 390 Galeni opinio de solutione fida, infida, & mala notatur. 504
- Galenus nulla methodo humorum notas explicat. 398 Galeni opinio de signis longæ, breuisque valetudinis expenditur, & notatur. 508
- Galenus notatur quod bilē atrā acerbā, vel acidā eē scribat. 399 Galeni sententia de signis quæ præfagiunt in morbis crises expenditur, & notatur. 531
- Galenus non videtur rectè dicere, quòd pituita ad animi mores nihil conferat. ibid.
- Galenus reprehenditur, quòd duas duntaxat esse multitudines siue plenitudines dicere soleat. 411 Galeni opinio de loco corporis per quem morbi soluantur consideratur, & quid in ea de fideratur. 542-543
- Galenum in singulis differentiis morbum cognoscendi rationem variare. 421 Galenus instantis excretionis locum non eius quæ longius distat docere solet. 545
- Galenus refellitur in signis morbi magni. ibid.
- Galenus quid scripserit de signis quæ prænunciant in complicatis morbis qui prius, & deinceps solui debeat. 547
- Galenus libri de Locis affectis ostenduntur malè cōfecti. 417 Galenum de conseruatione corporum varie tradere. 567
- Galenus ratio qua docet cognosci partē affectā reprobatur. 437 Galeni opinio de his, quæ conseruari debent in eodem statu, vel ad id, quod est melius reuocari examinatur. 571
- Galenum nō satis docuisse quæ declarēt partem affici primariō vel per consensum, proprie vel improprie. 446 Galeni locus de mutanda temperie per morbos & vitæ occupationes consideratur. 574
- Galenus opinio nō recipitur quia meminuit signa memoratiua causarum duntaxat esse. 449 Galenus signorum memoratiuorum tractationem negligētius explicat. 451 Galenus præcepta solet tradere nulla ratione aut ad modum infirma comprobata. 575

Gale



# I N D E X.

- Galenī sententia de scopis obseruandis in vnoquoque officio medici refellitur.** 581
- Galenī locus vbi docet quid sit *nauis*, & occasio perpenditur.** 587
- Galenus quā negligenter tractationem de indicationibus scripserit.** 592
- Galenus in quibus libris de indicationibus diligentius agat.** *ibid.*
- Galenum non omnia enumerare quæ indicant, & indicantia confundere cum contraindicantibus, & aliis.** 600.601
- Galenum errare quum ponit contrarietatem indicare, aut indicationem esse.** 602
- Galenī sententia de indicatione sumpta ab aëre ambiēte expeditur, & refellitur.** 604
- Galenī ratio, qua vtitur ad probandum aërem ambientem indicare curationem expeditur, & refellitur.** *ibid.*
- Galenī opinio de indicatione sumpta à causa externa morborum consideratur, & illius principium refutatur.** 607
- Galenus dum alios auidissimè persequitur non veretur sibi, suisque principiis repugnare.** 608.609
- Galenus quur errauerit in tractatione de indicationibus potissima ratio.** 612
- Galenī principium, quo vtitur ad inueniendas singulas differentias eorum, quæ indicantur, commendatur.** 612.613
- Galenus reprobat, quæ ea, quæ ad remedia pertinent indicari dicat ab his, quæ sunt secundum naturam, idque ex propriis principis.** 616
- Galenī opinio quum dicat morbum sui dūtaxat ablationem, & nequaquam remedium curationum indicare expeditur, & refellitur ex propria illius opinione.** 432
- Galenus refellitur, quòd scribat medicos non ad morbos, sed ad illorum causas abigendas acciri.** 619
- Galenus refutatur quòd morbi tempora, morbosque ipsos vixtum indicare scribat.** 622
- Galenum non satis docuisse genus, quantitatem, qualitatem & reliquos scopos materiae, qua vtimur ad corporis correctionem.** 623
- Galenum principia optima de indicationibus ponere, quæ postea confundit, & non seruat.** 625
- Galenī opinio de his, quæ indicant genus remedij consideratur & notatur.** 624
- Galenus quid de indicantibus vixtum tradiderit, quidque in eo damnari possit.** 626
- Galenī sententia de his, quæ indicant quantitatem materiae medicæ consideratur, & notatur.** 627
- Galenus sibi ipsi repugnat, quum alterationis vacationisque quan**

# I N D E X.

- quantitatem ab ægri natura, Galenus rectè sentire ostendi-  
partium situ, conformatione, tur, quum scribit vniuersa-  
& aliis, quæ sunt secun- lem occasionem scribi posse:  
dum naturam indicari di- particularem verè mini-  
cit. 628 mè. 637
- Galenus modi agendi no- Galenus quid tradiderit de in-  
men, & rationem variè vsur- dicantibus locum aptum ad  
pare, & ex varietate cõfusio- agendum in corpore no-  
nem aliis parere. 629 stro. 638
- Galenus opinio de his, quæ in- Galeni loci, in quibus agit de  
dicant modum reprobata- his, quæ monstrant ordinem  
tur. 630 agendi considerantur. 640
- Galenus non seruare sua prin- Galenus de quibus contraindi-  
cipia quum scribit victus cantibus egerit, & quæ præ-  
modum indicari à viribus, termiserit. 645  
& morborum accessioni-  
bus. ibidem
- Galenus quid senserit de indi- Galenus quid senserit de eo  
cantibus qualitatem expen- quod tribuendum est singu-  
ditur. 632 lis contraindicantibus. 653
- Galenus contraindicantia qua- Galeni locus octauo Methodi  
litatem remedij pro indican- vbi vim contraindicantium  
tibus docere solet. 634 expendit in febre conside-  
ratur. 654
- Galenus sequitur in aliis libris Galeni sententia de coindican-  
quod in illo, quem inscripsit- tibus, & correpugnantibus  
de Optima secta, maximè re- varia, & confusa. ibid.
- prehendit in methodicis me- Grauis dolor quid. 281  
dicis. ibid. eius causæ. 284
- Galenus asserit vniuersalem oc- Gustus an aqueus sit. 297  
casionem ab his sumi in Me- Gustui qui sapores iucun-  
thodo medendi à quibus ne- di. 307
- gat capi posse in libro de  
Optima secta. ibid.
- H
- Galenus opinio de indicati- **H**abitus corporis. vide cor-  
bus remedium considera- pus.  
tur. 635
- Galenus quid senserit de his, **H**abitus corporis differentiæ  
quæ indicant particularem quem ostendat humorem  
occasionem, & quid in hac abundare. 400
- re desiderari possit. 656
- H**æstici quur non doleant. 278
- H**epatis gibbæ, & simæ partis affectus per quas partes ex-  
purgari soleant. 440
- Hipp

# I N D E X.

<b>Hippocrates</b> de quibus signis potissimū egerit, & quæ præ termiserit. 339	expulsiōni quis. 198
<b>Hippocrates</b> ea à quibus signa petuntur empiricorum mo- re tradit. 351	<b>Humor</b> qui per crisiū reici de- bet qualis. 207
<b>Hippocratis</b> tractatio de præ- dictionibus damnatur. 472	<b>Humores</b> præcipuæ sanitatis, & morbi causæ: & quomodo id fiat. 395
<b>Hippocratis</b> opinio de mutatio- ne consuetudinis expendi- tur. 575	<b>Humores</b> ut plurimum animi, & corporis functionum au- thores. ibid.
<b>Hippocratis</b> sententia, qua qui bus dolores fiant, docet, re- fellitur. 274	<b>Humor</b> temperatus quis. 398
<b>Homine</b> mortuo quid cogno- scere expediat. 465	<b>Humorum</b> notas nulla metho- do docet Gal. 397
<b>Humectantia</b> quo pacto humi- dos, & frigidos efficiāt mor- bos. 128	<b>Humorum</b> cognoscendorū si- gna unde sumantur. 398
<b>Humor</b> optimus quomodo vi- tiosus reddatur. 134	<b>Humores</b> qui maligni. ibid.
<b>Humor</b> copiosus à quibus gi- gnatur. ibidem	<b>Humorum</b> effectus qui. ibid.
<b>Humidi</b> morbi quomodo ab assumptis nascantur. 149	<b>Humorum</b> singulorum color, & consistentia. 399
Item ab extrinsecus adhibi- tis. ibid.	<b>Humorum</b> singulorum sapo- res. 399
excretis, & retentis ibid.	<b>Humoris</b> melancholici qualis sapor. 400
his quæ egeruntur. ibid.	<b>Humores</b> qui acidi, insipidi, & falsi. ibid.
<b>Humorum</b> congestionis cau- sa. 156	<b>Humores</b> boni odoris, aut mali qui. ibid.
<b>Humores</b> quæ fundant. ibid.	<b>Humorum</b> effectus qui in cor- pore fiunt genera. 400
<b>Humores</b> à qua intemperie potis- simum aceruentur. ibid.	<b>Humores</b> quo modo ostendant animi mores. ibid.
<b>Humor</b> contentus in vasis in- ternis per febres quur non expiret. 183	<b>Humores</b> singuli in quo loco vel gignantur, vel abūdēt. 444
<b>Humores</b> à quibus causis ex v- no loco in aliū secedant. 187	<b>Humorum</b> indicia à quibus fon- tibus certiora, aut incertiora sumantur, & quid in vnoquo que fonte observandū ut cer- ta reddatur cognitio. 405
<b>Humor</b> aptissimus coctioni, &	<b>Humorū</b> generatio qualē tem- periem sequatur. 406
	<b>Humorū</b> cognitio quot capita ha

# I N D E X.

- habeat. 408  
 Humorū vitia vniuerſa quibus modis corrigantur. 522  
 Humores ſinguli per quas partes corporis vacuari ſolcant. 542  
 Hydrops. vide aqua inter cutē.  
 Hyemales morbi qui. 424  
 Hyemalibus morbis excipiēdis quæ partes accommodatiores. ibidem.
- I
- I** Maginatio quibus ſœlicior. 400  
 Imbecillitas partium in fluxionibus cuius cauſæ rationem habeat. 99  
 Incantamenta inepte ad intemperiem à quibuſdam referri. 242  
 Incrementum morbi quid. 320  
 Indicationum tractatio quantū utilis. 591  
 Indicatio quid. 595  
 Indicatio quomodo ab analogiſmo, obſervatione, & ratiocinatione differat. 594  
 Indicationis nomen vnde ductum. 593  
 Indicantia, contraindicantia, coindicantia, & correpugnantia inter ſe differre, nec plura in hac tractatione poni poſſe oſtenditur. 596  
 Indicantia quæ propriè dici debeant. 598  
 Indicare quæ, & quot dicantur ex Galeno. 599  
 Indicationem nullā ſumi à contrarietate, nec ipſam contrarietate indicationē eſſe. 602  
 Indicationem ab aëre ambiente vt Galenus putat nullam ſumi. 604  
 Indicetur quid. 605  
 Indicare non poſſe quod indicatur. ibid.  
 Indicare conuincitur cauſa externa ex Galeni tractatione. 607  
 Indicatio à qua re ſumatur. 609  
 Indicare quæ dicantur cauſæ, & quæ non. 611  
 Indicare vnum ſolum, & quæ ex illius diuiſione naſcantur alia quæ indicent. 609  
 Indicari cauſas iuuantes, nec indicare poſſe. 611  
 Indicare omnia, quæ in nobis reperiuntur. ibid.  
 Indicare quæ poſſint extrinſecus poſita, & quæ non. ibid.  
 Indicare quæ dicta ſunt à Galeno, & non indicant inter quæ reponantur. 611  
 Indicantia poſſe fieri contraindicantia, & coindicantia oſtenditur. 611. & 612  
 Indicantium tractatio quorū malle ſcripta à Galeno. ibid.  
 Indicantium numerum, & indicationē quorū ex Galeno nemo recensere poſſit. ibid.  
 Indicantia à condicantibus, & contraindicantibus quantū referat ſeiungere. ibid.  
 Indicare vnum duntaxat ſingula indicantia poſſe, & id, quod indicatur ab vno ſolo indicari & quorū. 612

# I N D E X.

- Indicari** quod commune est à cōmuni natura, & proprium à propria. *ibi.*
- Indicantia** omnia in hoc conuenire quòd offendant corrigēda, emendandāque esse vitia corporis. 613
- Indicantia** conseruationē. *ibid.*
- Indicantia** sui ablationem quę *ibidem.*
- Indicantia** partim ablationem, partim conseruationem quę sint. 613
- Indicantia** conseruationem, curationem, & mitigationem quę. *ibid.*
- Indicans** victū, vel remediū. 613
- Indicari** quur videatur vnum à multis. *ibid.*
- Indicantia** quę sunt secundum naturam non omnia indicare materiam medicā, & quę id faciant. 514
- Indicans** nutritionem quid. 515
- Indicantibus** pro contraindicantibus quur abuti nō possumus. *ibid.*
- Indicare** nihil posse materiam, quę debetur conseruationi, aut curationi, quinetiī ipsam conseruationem, aut curationem indicet. 617
- Indicent** ne omnia quę sunt præter naturam propria remedia consideratur. 618
- Indicare** ipsum morbū sui duntaxat ablationem, & non remedium, quo curetur non rectē à Galeno est proditum. *ibidem.*
- Indicans** genus rei, idem differentias eiusdē indicare. 620
- Indicare** morbū peculiare suū remediū, aliquando verò non, & quando ita. 621
- Indicare** quę possint remediū peculiare inter symptomata. 620
- Indicantia** perpetuo sua remedia, aut non inter ea, quę sunt præter naturam. *ibid.*
- Indicare** non posse morbi tempora & ipsos morbos victū, vt Galenus putat. 621
- Indicantia** genus, qualitatem, & quantitatem materię, quę vtimur ad correctionem corporis non rectē offensa à Galeno & quid ea indicet. 623
- de Indicationibus** principia quę ponantur à Galeno, nec postea sequuntur. 625
- Indicare** non posse rationē. 626
- Indicantia** genus victus & illius differentias quę. *ibid.*
- Indicantia** quātitatem quo modo à Galeno tractentur. 627
- Indicare** quantitatem alterantium quę dicantur à Galeno. *ibidem.*
- Indicare** quātitatem actionis, & materię medicę quę ponere oporteat. 628
- Indicare** victus, vacuationisque modum quę dicantur à Galeno. 630
- Indicare** modum in vniuersum, & sigillatim in singulis quid dicatur. 631
- Indicantia** qualitatem quę ponantur

# I N D E X.

nantur à Galeno, quidque in eo desideretur.	632	resinorum quot signa monstrare possint, & sequantur symptomata.	366
Indicare quæ dicantur qualitatem remedii & victus à Galeno.	ibid.	Inflammatio quarum partium sit affectus.	440
Indicare qualitatem materiæ quæ statuenda.	623	Inflamatio quales mutationes admittat, & vnde id præcognoscatur.	476
Indicantium natura, & vis quæ sit explicatur.	624	Inflammatio cordis quæ sanari nequeat.	523
Indicare occasionem quid ponendum.	635	Inflammationes quæ suppurari soleant.	527
Indicantia occasionem particularem, & Galeni de hac re opinio.	636	Inflammatio ad quod genus morborum spectet.	53
Indicantia locum aptum ad agendum quæ ponantur à Gal. & quæ re vera poni debeant.	638	Inflammatio cordis suppurari nequit.	525
Indicantia ordinem quæ & ubi doceat Gal.	641	Inflammationes præcordiorum per quem corporis locum euacuato humore abigantur.	ibidem.
Et quæ re vera ponenda.	642	Ingenii causam à temperamento non petit Galenus.	18.19
Indicantibus quæ repugnent, aut ea ostendant. vide coindicantia, & contraindicantia.		Ingenium quos humores sequatur.	400
Indicantibus in quibusnam vti liceat.	658	Insalubritas quid & insalubre corpus.	345
Indicatione ubi vti non datur, quæ nam alia instrumenta suffecerit ars.	659	Insaniam vario modo solui posse.	525
Inæqualis morbus. vide morbus.		Instrumentariæ partes. vide partes.	
Inedia quos morbos parere possit.	144	Instrumenta omnium actionum quæ.	32
Infixi doloris causæ & ubi fiant.	187	Instrumenta non reputari inter ea, quæ res constituunt.	ibidem.
Inflammationis principium, & alia tempora non rectè, nec eodem modo in omnibus inflammationibus sumi à Galeno.	319	Instrumenta naturalia primario affectu semper non laborant, ut Galenus putat.	87
Inflammationem graciliû in-		Instrumentum causis addendum esse.	96

# I N D E X.

Instrumentum quid & quotuplex.	105	Letitia quomodo occidat subitò vel siccet corpus.	147
Instrumentum commune quid medicis.	ibid.	Lethales morbi à quibus causis breues vel longi reddantur.	198
Item peculiare.	ibid.	Lethalis morbi tempora . vide tempora.	
Et quotuplex.	106	Leuis morbus . vide morbus.	
Instrumenta quibus medicina vitur ad scopos consequendos, quæ & quot sint.	592	Lienem affectum tumor qualis sequatur.	439
<i>Ισχυρὴ</i> quid Græcis.	80	Ligamentum quid, & quod non sit pars similis vt ligamentum est.	21
Intemperies composita ex singulis humoribus qualis nascatur.	28	Ligamenta partium quot modis, & à quibus lædantur.	170
Intemperies composita duobus committitur.	27	Literarum studiosi quibus potissimum morbis affligantur.	464.
Intemperaturæ causæ.	137	Locus per quem morbi soluntur quæ declarent.	542
Intemperies cum humore quur composita, & cognitu facilis.	150	Locum aptum ad agendum, quæ indicent, aut contra indicent, vide indicatio.	
Intemperaturæ quæ nam citius perimant.	177	Longi morbi causas methodo non docet Galenus.	195
Intermissionis morborum causa quænam statui debeat.	201. & 202	Longi morbi causæ non omnes eiusdem generis.	ibid.
Intestinorum cauitates quibus de causis occludi possint.	368	Longi morbi causa vna immediata, & quæ.	ibid.
Iracundiæ quos subesse humores ostendat.	400	Longi morbi, salutaris, vel lethalis causæ eadem aliquando, alias verò diuersæ.	196
Iupiter quales præfagiat morbos.	487	Luna quales morbos procreet, & nunciet in singulis venturos.	487
K			
<i>Κατὰ</i> Græcis quid significet.	587	M	
L			
<b>L</b> æuigationis causæ.	165	<b>M</b> agnus simpliciter morbus quomodo reuera sumi debeat.	77
Languidus morbus . vide morbus.		Magnus morbus idem cum periculoso.	65
Lapis vesica quum dicitur esse morbus quomodo intelligatur.	14	Magnus morbus . reliqua vide morbus	
Laxatio à quibus fiat.	162		

# I N D E X.

morbus magnus.	que temerè.	129
Magnū aliter vsurpat Galenus	Medicina inter sapientiæ par-	
in pulsibus quā in morbis. 67	tes qua ratione reputata à	
Magnitudinis partium auctæ,	Philosophis.	92
& diminutæ causæ. 167	Medici officia variantur penes	
Magnitudo corrupta quibus ra-	causarum varietatem. 120	
tionibus emendetur. 523	Medici officia quæ præcipua, &	
Malignus morbus pro vehemē-	propria illi sint. 552	
ti vsurpatur aliquando à Ga-	Medici officiorum vtilitas, &	
leno. 73	dignitas. 553	
Malignus morbus. reliqua vide	Medicina quur ita dicta. ibid.	
morbus malignus.	Medicinæ partes diuersæ quur	
Mania quē humorē sequat. 400	constitutæ, & quot. 557	
Mars quales morbos procreet.	Medici summū officium quod-	
487	ibidem.	
Materiæ nomen quot modis à	Medici officia diuersa quur cō-	
Gal. sumatur. 102	stituta. ibid.	
Materiæ, & subiecti nomen sē-	Medici officia quæ, & quot.	
pe confundi. ibid.	558	
Materia quid proprie dicatur.	Medici officium omne in cor-	
ibidem.	poribus præter naturam affe-	
Materiæ nomen quur præsidia	ctis circa causas versatur. 559	
corporis acceperint. ibid.	Medici præcauentis officium	
Materia quot modis sumatur.	circa quæ versetur. 559	
103	Medici curantis officium circa	
Materia morborum qua ratio-	quæ. ibid.	
ne ostendat tempus, quo mor-	Medici officium versantis circa	
bis præsens infestat. 459	symptomata, quomodo ap-	
Materiæ vitia nō sunt formæ. 34	pellari debeat. 560	
Materiæ medicæ vis præcogno-	Medici officium neutrum circa	
scenda ab eo, qui medici offi-	quæ versetur. ibid.	
cia rectè exercere velit. 566	Medici officium laborantis circa	
Meatus à quibus angustiores	corpora conualescentiū quo	
reddantur, aut perdantur. 161	nomine donandum. 562	
Medicina ad actionem non con-	Medici officium senes tractan-	
templationem comparata.	tis quomodo nuncupandum.	
114	ibidem.	
Medici in causarum enumera-	Medici officia à quibus varien-	
tione, & progressu Aristote-	tur. 562	
lis præcepta non seruant, id-	Medicus vt sua munera rectè	



# I N D E X.

- exercere possit, quæ præcognoscere debeat. *ibid.*
- Medici recentiores quid præstiterint tum Græci, tum Arabes. 340
- Medici qui aliquid scribere aggreddiuntur cui debeant incumbere. *ibid.*
- Medici exploduntur qui negant sui officij non esse exercendū spectare. 370
- Medicorum antiquorum, & recentiorum errores in enumeratione signorum cuiusunque rei. 373
- Medicum quæ oporteat cognoscere præsentia. 380
- Medicus in vnoquoque officio exercendo quos, & quot scopos sibi proponere debeat, & Galeni de hac re opinio notatur. 580
- Medici norantur, qui in nugis, & sophismatis versantur, & proprias artis partes cōtemnunt. 591
- Medicorum qui sectis sunt addisti ingenium. 600. 601
- Medicus quando officia instituta ad correctionem exerceat, quando verò natura. 578
- Memoria qui valeant. 400
- Menses in mulieribus quare repetant. 187
- Mercurius quales denūciat morbos venturos. 487
- Methodi vis quāta sit in tractatione de signis agnoscitur. 353
- Methodus medendi Galeni nihil aliud quàm tractatio quædam de indicationibus. 591
- Methodum medendi qui nam constituere nequeant. *ibid.*
- Mitigatio quib⁹ debeat. 560
- Mitigationem fieri per contraria. 577
- Mitigationē quæ indicent. vide indicatio.
- Modus agēdi quid, & quot modis sumatur. 629
- Modum quæ indicent, vide indicatio.
- Morror quæ ratione corpus secet. 147
- Morbū variè definit Galenus. 3
- Morbi definitio à Galeno tractata refellitur. *ibidem*
- Morbi causa semper nō est dispositio vt Galenus putat. *ibi.*
- in Morbi definitione frustra additur ad causæ differentiam quod primò lēdat actionē. 4
- Morbus male dicitur à Galeno stabilis alteratio. *ibid.*
- Morbus præter naturam à Galeno dicitur esse, aliquando verò aliter. 5
- Morbus primò actionem non lēdit. *ibid.*
- Morbi definitio à Galeno tractata non separat morbum à causis & symptomatibus. 6
- in Morbi definitione nulla ratione actio ponitur. *ibid.*
- Morbi veræ definitionis inuestigatio. 8
- Morbus ex aliis suis effectibus clarius quàm ex actione lesa nonnunquam innotescit. *ibi.*
- Mor

# I N D E X:

Morbum per affectum definiri non posse.	5	Morbi ex tumore præter naturam excitati nunc ad intemperiem, nunc ad instrumenta referri.	ibid.
Morbum non esse effectum constitutionis corporis.	9	Morborum genera, quæ in tota substantia ponuntur certo numero comprehendendi non posse.	29
Morbum non esse causam constitutionis corporis. ibidem		Morborum proximæ causæ quæ.	30
Morbi genus constitutio corporis ponendum.	8	Morbum male statuunt quidam in eo quod temperiæ, & constitutione corporis sequitur.	31
Morbus quid.	9. & 11.	Morborum in conformatione tria primæ genera, & quæ.	37
Morbum non esse calorem, nec frigus ut aliqui volunt.	10	Morbi in figura quot.	ibid.
Morborum genera cum differentis confundit Galenus.	15	Morborum in asperitate, & leuitate vnicum genus.	35
Morborum genera sunt ipsimet morbi.	16	Morbi in cauitate multiplices.	ibidem
Morborum differentiarum quæ dicantur.	ibid.	Morbi in soliditate partium vnum genus.	36
Morborum duo summa genera, & unde sumuntur.	ibid.	Morbos in numero quosdā ponit Galenus qui non sunt.	38
Morbus & sanitas in quibus poni nequeant.	9	Morborum in magnitudine duo prima genera.	39
Morbos in forma similaribus partibus esse proprios.	25	Morbi in cōiunctione partium duo.	40
Morbi similarium partium unde proueniunt ex Galeno.	17	Morbi in situ partium quot.	ibid.
Morborum similis partis male putant recentiores esse non solum intemperiem, sed etiam quæ ea sequuntur.	18	Morbi in connexionione partium quot.	ibid.
Morbi in tota substantia quibus oppugnantur remediis.	19	Morbum ex solutione cōtinui proprium esse instrumentariis partibus.	41. & 47
Morborum similarium duo genera.	26	Morbi instrumentorum proprii quot.	ibid.
Morbi in intemperie positi quot, & qui.	27	Morborum genera à quibus sumenda.	48
Morbi calidi sine siccitate ponendi.	ibid.	Morborum simplicium genera in solutione quatuor.	49
Morbus cōpositus in intemperie duobus modis committitur.	28	Morbi ex subiecta materia cō-	

- posci non sunt censendi. 52  
**Morbos similartum non posse**  
 dissimilariū esse morbos. 53  
**Morbi cōpositi quomodo cen-**  
 sendi. 54  
**Morbi similiarium compositi**  
 quot. ibid.  
**Morbi complicari qui dici de-**  
 beant. ibid.  
**Morborum differētias sparsim,**  
 & variè à Galeno doceri. 56  
**Morborum differentiarū quæ nā**  
 doceantur à Galeno lib. de  
 Differentiis morborū. ibid.  
**Morborum differētiarū essentia-**  
 les vnde sumantur. 58  
 & quæ dicantur. ibid.  
**Morborum differentiarū à causis**  
 compositionis à quibus du-  
 cantur. ibid.  
**Morborum differentiarū à causis**  
 propinquis quæ resultent. 59  
**Morborum differentiarū à causis**  
 remotioribus. ibid.  
 Item à materia propinqua.  
 ibidem.  
 remota. 59  
 Itē à materia subiecta. ibid.  
 Item à fine. 60  
 à Causis sine quibus. ibid.  
 à loco in quo gignūtur. ibi.  
 à loco in quo dissoluuntur.  
 ibidem.  
 à tēpore generationis. ibid.  
 à tempore solutionis. 60  
**Morborum cōpositionem quæ**  
 sequantur. 61  
**Morborum differētiarū ab actio-**  
 nibus læsis sumptæ. ibid.  
**Morborum differentiarū à qua-**  
 litatibus quæ proveniat. ibi.  
**Morborum differentiarū ab ope-**  
 ribus, quæ in corpore obeun-  
 tur, & actionibus simul du-  
 ctæ. 61  
**Morborum differentiarū à læsio-**  
 nis differentiis. ibid.  
**Morborum differentiarū à parti-**  
 bus eorum deriuatæ. 62  
**Morborum differentiarū accidē-**  
 tales quæ, & à quibus ducan-  
 tur. ibidem  
**Morbum magnum variè vsur-**  
 pari à Galeno. 63  
**Morbus magnus quis esse dica-**  
 tur à recentioribus. ibid.  
**Morbus magnus quis, & quot**  
 modis sumatur. 64. 65  
**Morbus simpliciter magnus**  
 quis. ibid.  
**Morbus magnus simpliciter, ve-**  
 hemens, & acutus idem. 67  
**Morbus magnus quomodo su-**  
 matur, quum dicitur indica-  
 re venæ sectionem. ibid.  
**Morbi magni in vna quaq; spe-**  
 cie quomodo metiendi. 65  
**Morbi magni causæ quæ, & quo**  
 modo confundantur à Gale-  
 no. 176  
**Morbi magni signa non rectè**  
 docentur à Galeno. 421  
**Morbum magnum quæ osten-**  
 dant. 422  
**Morbi æstiuī quot modis sumā**  
 tur. 68  
 eorum signa. 423  
 item causæ. 178  
**Morbi autumnales qui dicantur.**  
 68  
 Morb

# I N D E X.

Morbus bilioſus , & pituitofus quis, & quot modis dicatur. ibidem.		tim graſſetur.	74
eius ſigna.	424	Morbus malignus quid.	ibid.
Morbus vniuerſalis quis dica- tur.	425	Morbi maligni cauſæ.	204
Morbi vniuerſalis, & particula- ris ſigna.	432	Morbi maligni ſigna quæ, & Galenî de hac re opinio.	433
Morbus communis quis.	67	Morbus ſimplex quot modis uſurpetur à Galeno.	75
eius notæ.	432	Morbi ſimplicis cauſæ.	205
Morbus cõmunis, & vniuerſa- lis quomodo differant.	69	Item ſigna.	434
Morborum communium diffe- rentiæ quæ, & quot.	ibid.	Morbus compoſitus quot mo- dis dicatur, & quis reuera ſit huiusmodi.	76
Morbi <i>ἐν δυνάμει</i> , & <i>ἐν πράξει</i> qui & quomodo differant.	ibid.	Item illius cauſæ.	206
Morbi cõmunis cauſæ.	203	Morbi implexi, ſiue implicati qui.	77
Morbi in habitu quot modis ca- pianur à medicis.	69	Morbi confuſi, & temperati qui dicantur.	ibid.
Morbi in habitu cauſæ.	179	Morbus exquisitus quot modis uſurpetur à Galeno.	78
Et notæ.	425	Morbus ppriè exquisitus quid, & de quo dicatur.	ibid.
Morbi peſtilentes qui.	69	Morbi nothi qui dicantur.	79
Morbus proprius quis.	70	Item illorum ſigna.	435
Morbi proprii, & improprii cauſæ.	203	Morbus verus quid.	79
Item ſigna quæ.	431	Morbus vehemēs quis, & idem cum acuto, & magno.	ibid.
Morbus ſalutaris, & lethalis quis.	71	Morbi vehementis, & acuti ſi- gna.	426
Morbi dubij qui.	ibid.	Morbus vehemens in quibus partibus poſiſſimum proue- niat.	ibid.
Morbis triplex ſinis ſtatu- endus.	ibidem	Morbus grauis quid.	79
Morbi qui per criſim ſoluuntur differunt ab his, qui ſubito deſinunt.	71	Morbum acutum variè deſinit Galenus, & quomodo eum ut plurimum ſumat.	80
Item eorum cauſæ.	200	Morbi acuti differentiæ.	81
Morbi breues, & longi qui.	72	Morbi acuti ſimpliciter, & non ſimpliciter qui dicantur. ibi.	
Morbos quosdam quæ breues, & longos vocet Galenus.	73	Morbi acuti qui quadraginta diebus terminantur.	80
Morbum malignum non rectè quidam deſiniunt quòd fur-			

# I N D E X.

Illorum differentia	82	Morbi regij causarū recta in-	
Morbi ex acutis profecti.	81	uestigatio, & enumeratio.	
Morbi peracuti siue acutissi-		134	
mi qui.	ibid.	Morbi qui nam ab vno, & qui à	
Item illorum differentia.	82	pluribus suas causas ducant:	
Morbi adaucti qui dicantur.	ibi.	138	
Morbi ex decidentia, & acuti		Morborum in tota substantia	
qui. 76. diebus soluntur idem		causae quae, & à quibus peran-	
Galeno. ibidem		tur.	157
Morbi continui in duplici dif-		Morbi qui nec sanatur, nec oc-	
ferentia à Galeno statuuntur.		ci sit vnquam causa.	200
83		Morbi qui sub tō, vel paulatim	
Morbi continui signa quae.		soluitur causa.	206
427		Morbi ex substantiae deperti-	
Morbi intermittentes qui di-		tione geniti quorū quidam ci-	
cantur.	83	to, alij tardius soluntur.	207
Morbus ordinatus, vel inordi-		Morbi tempora vide tempora.	
natus quis.	84	Morbi principium, vide prin-	
Morbi errantes & inordinati,		cipium.	
ordinati, & cōstantes idē. ibi.		Morbi naturam, genera, diffe-	
Item eorum signa.	429	rentias, causas, partes, effectus,	
Morbus inaequalis negligē-		signa & remedia quorū quae-	
ter definitur à Galeno, & quot		rat medicus.	551
modis sumatur.	34	Morbi quomodo ostendant hu-	
Morbi recurrentes qui dicant-		iores abundare in corpo-	
tur à Galeno.	85	re.	402. 403
Morbi primarij, & secundarij,		Morbos. illiusque causas, & effe-	
siue per sympathiam qui.	86	ctus adesse quae significant.	
Morbus per accidens in eadem		417. 418	
compositione, & non diuersa		Morborum, eorūque causa-	
esse potest.	82	rum, & effectuum genera, &	
Morbus partis similis nūquā		differentiae quomodo cognos-	
potest esse organici, aut è cō-		cantur.	419
tra.	ibid.	Morbi in quibus difficile sol-	
Morbi causa. vide causa.		uantur.	425
Morbis exposita corpora. vide		Morbi recidiuam facientis fi-	
corpus.		gna.	430
Morbi regij causae ex Galeno		Morbis praesentibus quae oport-	
variae, & quod non recte nō-		teat scire praeterita.	449.
nullae ponantur.	133	& 450	

Morb

# I N D E X.

Morbos nonnullos ab initio, alios vero postea qualis fue- rit eorum causa clarius osten- dere. 453	morbos quæ indicent. 529
Morbi generationis modum quæ declarent. 455	Mortuo homine qua ratione li- ceat cognoscere, ex quo mor- bo mors contigerit. 465
Morbum quæ ostendant parum, aut multum perdurasse. 458	Motus quos facilius afficiat. 139
Morbos quales inferant singu- la astra. 487	Motus quos morbos pariat. 143
Morbos qui nunquam sanari po- terunt, nec occidere, saluta- res & lethales quæ præsa- giant. 497. 498	Motum seruari aliquando sine sensu præter Galeni opinio- nem. 250. 251
Morbi longi, & brevis indicia quæ, & unde sumantur. 508	Motus varij corporis quomodo ostendant humores abunda- re in corpore. 401
Morbos quos soluat natura, quos ars sola, quos utraq; 520	Moueri partes quibus, & quor causis contingat. 155
Morbos loci ratione quasdam admittere, vel assequi muta- tiones præter illorum ratio- nem. 524	Mulieres quæ dociles. 400
Morborum solutiones. vide so- lutio. 524	Multitudo quid, & illius diffe- rentiæ. 411
Mordax dolor quis. 282	Multitudinem triplicem esse, non autem duplicem ut Gale- nus putat. ibid.
Eius cause. 286	Multitudinem quæ facit sub- stantia varia, & diuersa ne- mina pro illius ratio- ne. 412
Mores animi quos humores se- quantur. vide animi mores. 332	Multitudinem in toto parte, ad vires, vasa, & proportio- nem quæ committere pos- sint. 414
Mors quibus contingat in prin- cipio, aut alio tempore accef- sionis. 332	Multitudinis cuiuscunque indi- cia ex Galeno. ibid.
Mortem quæ prænuncient in morbis. 497	Multitudo quæ nulla signa ha- beat. 415
Morti vicini quæ non do- leant. 271	Multitudo ad vasa duplex Ga- leno, & illius indicia 416
Mortis varia ratio per singulos morbos ostenditur. 523	Mutare quæ nã, & in quæ opor- teat. 572
& quomodo vna statui possit omnibus communis. 524	Mutatio temperaturæ cuius- cunque quando tentada. 573
Mortem venturam sine crisi per	& Galeni de hac re opi- nio. 574

# I N D E X.

- N
- N**aturæ robur quomodo aliquando morborum sit causa. 168
- præter Naturam in nobis quot sint. 210
- Naturæ rei nomine quid intelligendum in tractatione de signis. 353
- Natura quid possit efficere, & non ars, & contrâ. 392
- Naturæ contraria, quæ generatim, sigillatimque indicent. 429
- Nervorum dolores nullo seruat ordine intendi, & remitti. ibid.
- Nervus quomodo pars similis. 21
- & quomodo ab Arist. & Gal. dissimilari dicatur. 22
- Nominibus in disciplinis non esse abutendum. 617
- Νοσήματα ἰπανιχέμενα quæ dicantur. 85
- Νοσήματα ὑποστροφώδεα quæ. ibid.
- Numerus corruptus morbus non est, sed causa morbi. 13
- Numerus partium quibus causis deficiat. 165
- Numeri partium aucti causæ. 167
- Numerus partium viciatus quæ ratione corrigatur. 524
- Nutritio in quibus scilicet obeatur. 402
- Nutriendi rationem quid indicet. 615
- O
- O**bstuctionibus qui sint expositi. 126
- Obstructionis causæ quæ. 163. 164
- Obstruentia à constipantibus à Galeno distingui. ibid.
- Obstructiones quæ tollant. 523
- Occasio an ponenda sit posita qualitate, & quâritate disputatur. 587
- Occasio quotuplex, & quid. ibi.
- Occasio vniuersalis quid. 587
- Item quid particularis. ibid.
- Occasionem quæ indicent. vide indicatio.
- Occasio vniuersalis quæ scribi possit. 637
- Occasio quæ dicatur solum ab exercitatis medicis cognosci posse, & quæ. 638
- Oculi partem quomodo optimâ esse statuat Aristot. 302. 303
- Oedemata quot mutationes admittant. 522
- Officia medici. vide quædam in dictione medicus.
- Officiorum medici numerus inuestigatur. 353
- Officia instituta ad corporis correctionem quæ, & quot sint quæ exerceant. 578
- in Officiis his exercendis an natura, vel ars primas obtineant, & Galeni de hac opinio. 579
- Olfactus an vaporosus. 298. 299
- Olfactus instrumentum non est in cerebri ventriculis. ibid.
- Oper

# I N D E X.

Opera quæ in nostro corpore sunt à quibus causis proue- niant. 310	Partis similis nomen ad ma- teriam, ex qua illa conficitur, refertur. 22
Ordinatus morbus. vide mor- bus.	Partes similes duplices mor- bos pati. 25
Ordo partium sub quo conti- neatur. 36. 37	Partiū actiones. vide actiones.
Ordo in quibus reperiatur. 640	Partes similes, ut similes cō- munia omnia, & eadem ha- bere. 21
Ordo duplex statuendus in sin- gulis actionibus. ibid.	ad rectam partium instrumē- tariarum constitutionem præ- ter ea, quæ ponit Galenus re- quiri substantiam simila- rium. 30
Ordo accidentarius quis. 640	de Partium substantia quæ po- ni debeant. 31
Ordo essentialis quis. ibid.	Partes instrumentariæ quæ nō dicantur ex sanguine, spiritu, & ex similibus consti- tui. 32
in Ordine agendi non esse sta- tuenda prima quæ cogitatio- ne, sed quæ actione sunt pri- ma. 641. 642	Partes instrumentarias non plu- ribus quàm quinque con- stare. 35
Ordinem agendi quid indicet. vide indicatio.	Partium figura quot modis va- riari possit. 37
Otium qua ratione corpus ex- siccet. 147	Partium aliquarum figurā per se, aliarum verò per accidens corrumpi. ibi.
Οτιςου dolores qui. 287	Partium mutilationes ex dimi- dio factas ad magnitudinis non numeri vitium referen- das. 38
P	Partium numerum excedentiū duplex natura. 39
Parotides circa aures quæ prænuunt. 546	Partes quot modis crescere pos- sint, & minui. 39. 40
Partium substantia malè po- nitur semper læsa, lætis illa- rum actionibus. 6	Partium coniunctio positum, & connexionem continet. 40
Partium similiarum morbi, & natura unde proueniant ex Galeno. 13. 14	Partium læsiones omnes mor- bos illarum non esse. 41
Partium singularum forma di- uersa ab earum temperamen- to. ibid.	Part
Partes benè constitutæ quæ in- telligantur. 20	
Partis nomē quæ significet Ari- stoteli & Galeno. 22	
Partes similes quomodo di- cantur os, neruus, ligamen- tum. 21	



# I N D E X.

- Partium lésiones quomodo cognoscantur pertinere ad partem læsam, vel aliam. *ibid.*
- Partium figuram quæ vicietur. 159
- Partiũ situs à quib⁹ vicietur. 171
- Partium connexionis, magnitudinis, numeri, & figuræ viciatæ causas. vide propriis locis.
- Partes principes non ad multas actiones exercendas, sed potius aliis suppeditandas comparatæ. 233. 234
- Partes propriè affici quæ dicantur. 70
- Partes solidæ quæ, & quot modis dicantur. *ead.*
- Partium natura, & conditio cognita quantum conferat medico. 564
- Partium instrumentariarũ effectus. 395
- Partes publicas duplex functionum genus habere. *ibid.*
- Partem affectam depræhendere difficile. 436
- Partem affectam quibus notis depræhendi scribat Galenus, & quid in ea re desideretur. *ibid.*
- Partis affectæ indicia à quibus sumantur. 438
- Partis essentix nomine quid cõtineatur. *ibid.*
- Partem affectam quomodo cognoscamus ex his quæ illi insunt secundam essentiam. 439
- Partis proprietas quomodo ostendat partem affectam. 440
- Partem affectam quomodo causæ efficièntes monstrent. *ibid.*
- Partem affectã quomodo morbi, & illorum tempora ostendant. *ibid.*
- Partis affectæ indicia ex causis iuvantibus, & lædētibus quopactò ducantur. *ibid.*
- Partis laborantibus signa ab illius effectibus sumpta. *ibid.*
- Ab actionibus lætis. 441
- Ex illius usu. *ibid.*
- Ex dolore. *ibid.*
- Ab excrementis, quæque in ipsis considerata sint. 441
- Ex qualitatibus corporis. 444
- Partis affectæ indicia ex similitudine aliorum ducta. 445
- Partem affectam primariò, & propriè quantum referat ab aliis distinguere, & quòd Galenus id rectè non doceat. 446
- Partis affectæ primariò, & per consensum notæ unde sumantur. *ibid.*
- Partes quæ mitiora, aut validiora remedia postulent, aut alterius generis. 635
- Pars quænam sit apta faciliè, aut difficile aliis compati. 446
- Partem affici propriè, vel impropiè quæ monstrent. 448
- Partes quæ laborauerint per morbos quomodo in convalescentibus cognoscantur. 463
- Partes quæ longiores, vel breviores morbos experiuntur quæ. 509
- Partes singulas pro illarum situ per

# I N D E X.

per diuersos corporis locos expurgari.	543. 544	bis sint expofiti.	488. 490
Partium conformatio quantū conferat ad exercenda medi- ci officia.	564	Pituita frigidiffima est.	398
Item quantum earum magni- tudo.	ibid.	Pituitofos obtufo ingenio effe.	400
Quantum figura.	565	Pituita abundante qui morbi prædicendi.	487
Quantum numerus.	ibid.	Pituitam ad animi mores con- ferre, etfi Galenus aliter fen- tiat.	400
Quantum ficut.	ibid.	Itē quos morbos pariat.	486
Connexio.	ibid.	Platonis, quem Galenus & alij Medici fequuntur, fententia de dolore inferentibus re- fellitur.	400
Proprietates.	566	Platonis fententia de voluptatē inferentibus refellitur.	288
Dignitas.	ibid.	Plenitudo. vide multitudo.	
Utilitas, & publicum offi- cium.	ibid.	Pleuritis quot, & quas mutatio- nes recipiat.	526. 528
Pafiuæ qualitates an dolorem inferant.	274. 278	Pleuritis quæ in tumorem du- rum conuerfi nequeat.	ibid.
Paulus Aegineta nihil de indi- cationibus fcripfit.	591. 592	Pleuritis quæ femper ad falutē, quæ verò ad mortem termi- netur.	526
Per accidens morbus. vide mor- bus.		Pluritidem quæ prænuncient per vacuationē finiturā.	527
Periofus in morbis quid.	321	Pleuritidem fuppuratam, aut in putredinem conuerfam quæ oftendant.	ibid.
Periofi partes quot.	ibid.	Pleuriticos quæ femper comi- tentur figna, & quæ non.	361
Peripneumonix quæ fint com- munia, & quæ propria indi- cia, quæ mediata, vel imme- diata.	361	Pleuritidem alio migraturam quæ doceant.	528
Per fe, & per accidens quid Ga- leno.	88	πλεῖς an plenitudo, vel multitu- do dici debeat, & quid fit.	410
Peftilens morbus. vide morbus.		πλεῖς quid.	412
Philofophi qua in re reliquis præfent.	92	πλεονεξία quid Græcis.	412
Phrenitis per quem locum cor- poris diffoluatur.	543	πνεύματος quid.	413
Pilos nō nutriri nec effe partes animalis.	39	Podagra quo tēpore anni potiffi- mū grauius affligat.	492. 493
Pilorum differentix quomodo oftendant humores abunda- re in corpore.	401		
Pingues & graciles quibus mor-			

# I N D E X.

<i>πολυμία</i> quid.	412	bos qui singulos per vitas
<i>πολυσρκία</i>	413	infestabunt. 485. & 486
<i>πίψα</i> , siue meatus quid significet medicis.	161	Prædicere salutem, aut mortem in quibus morbis liceat, aut non. 50
Præcauere quis Galeno dicitur.	555	Præfagiendi ratio quomodo certa fieri possit. 490
Prædictionem variant temporis morborum.	313. 314	Præsidiorum genera quæ materię medicæ nomen acciperint. 102
Prædictionis nomen quid significet.	349	Præseruationem quæ indicent. 427
Prædicendum quid de futuris.	468	Præseruationis officium an sit omnes an quassam morborum causas auferre, non satis ex Galeno constat. 560
Prædicendi artis vtilitas, & dignitas.	469	Præseruatio quæ fiat per contraria, quæ verò partim per contraria, partim per similia. 576
Prædicere quid oporteat in sanis.	468	Præparatio corporis. vide corpus.
Prædicenda quæ sint vrgentibus morbis.	470	Primò, immediatè, & proximè idem Galeno. 5
Prædictionū tractationē quàm negligenter antiqui explicarint.	471	Primarij morbi, & per consensum causæ. 201
Prædictionum varia vis ostenditur.	473	Principium morbi quot modis sumatur. 316
Prædictiones neutras quas appellent medici.	ibid.	Principium morbi malè definit Galenus quòd sit tempus cruditatis. 318
Prædictiones quo modo sumere liceat à rei essentia.	474	Principij morbi significatio qua dicitur morbus gigni quomodo intelligenda. 317
Prædictiones ex causis rerum quomodo sumantur.	475	Principiū morbi, & vigor quū in eodē tenore per hæc tempora maneat morbus quomodo inter se differant. 318
Prædictiones ex causis qualem vim habeant.	476	Principij morbi longitudo, vel breuitas vnde proueniat. 327
Prædictionum quæ sumuntur ab effectibus quanta varietas.	477	
Prædictiones nō omnes bonas esse oportet si salus sequutura, vt Galenus putat.	481	
Præfagire quomodo debeat medicus.	480	
Prædicere quomodo liceat mor		

# I N D E X.

- Procatastica, & præcedens causa. vide causa.
- Productus morbus. vide morbus.
- Profluuium sanguinis. vide sanguis.
- Profundus dolor quid. 287
- Proprius morbus. vide morbus.
- apertæ* causæ quæ dicantur. 104. & 116
- Prophylactica officium variè explicat, & confundit Galenus. 555
- Proprietates rerum an inter essentiam vel effectus rerum ponendæ. 353
- Puriginosus dolor. 285
- Pueri quur dociles. 400
- Pueri quur per similia, & non dissimilia conseruandi. 371
- Pulsus magni tres duntaxat nō esse causas vt Galenus putat. 257
- Pulsatorius dolor. 282  
eius causæ. 285
- Punctura quid. 498
- Punctorius dolor quid. 282  
eius causæ. 286
- Pulmonis fluxio qua ratione occidat. 525
- Pus esse proprium excrementū quod sit in concoctione partium diuisarum. 43
- Putrefacientia aliter sumit Aristoteles quā Galenus. 165. & 166.
- Putrefacientium duplex genus apud Gal. ibid.
- Putrefactio sanguinis quid Galenus. ibid.
- Putrefactionis veræ causæ. ibid.
- Putredo humorum contentorum in locis constipatis accessionum causa. 184
- Purgationes quur maiores moliamur inclinante quā incipiente morbo. 631
- Q** Valitates quæ symptomata sunt ad quæ genera pertineant. 220
- Qualitates secundæ nō semper à primis fieri. 18
- Qualitates præter naturam tribus modis fieri. 231
- Qualitates corporis quos affectus significare possint. 386
- R** Aritas non semper sequitur temperiem. 19
- Rari doloris causa. 286
- Rarefacienti quæ. 162. & 163
- Recidivæ morborum à quibus causis fiant. 194
- Recidivas quæ dispositio potissimum faciat. ibid.
- Recidivam quæ portendat. 494
- Recidivarum causas quæ præfigiant. 496
- Recidivam instare, aut longius abesse, & modum quo accidet, & quæ ostendant. ibid.
- Remedia eadem diuersis morbis sæpe opitulari. 29
- Remedium quid ex Galeno. 625
- Remedia semper præsentibus, & nunquam absentibus, affectibus deberi. 641
- Remedia doloribus adhibita

# I N D E X.

quæ voluptatē, quæ vero no-	292	Sanitatis naturam, genera, diffe-	
uum dolorem adferant.		rentias, causas, effectus, & si-	
Retrahens dolor.	283	gna quæ querat medicus.	551
eius caufæ.	286, & 287	Sanorum vitia qualia fint.	554
Replentia à quibus fumantur.		Sanitatem illiusque effectus, &	
	171	causas quæ ostendant.	392
Respiratio difficilis varios affe-		Sanitatis genera, & differentias	
ctus thoracis monftrat.	361	quæ monfrent.	393
Reftauratio conualefcantium		Sanitas qualis fuerit laborante	
an per fimilia, vel contraria		egro quomodo cognofci pof-	
fiat.	577	fit.	460
Rigorem per morbos non idē		Sana corpora quid paulo ante	
ſemper ſignificare.	356	egerint, quidque fint paſſa	
Riſus copioſus ſecundum natu-		quomodo cognofcamus.	465
ram quos oſtendat humores		Sanguinis miſſio. vide venæ ſe-	
abundare.	400	ctio.	
Rumpi quæ facilē poſſint, aut		Sanguinis excretio toto gene-	
difficilē.	171	re præter naturam quomo-	
Ruptura quid.	49	do à Galeno, & re vera intel-	
S		ligatur.	230
Sanguis & ſpiritus non vt		Sanguinis excretio quæ præter	
partes ſed vt inſtrumēta		naturam cenſeri debeat. ibi.	
actionum ſunt cauſæ.	32	Sanguinem qui mores animi	
Salutem quæ prænuncient per		abundare oſtendant.	400
morbos indicia.	497. & 498	Sanguis quos morbos pariat.	
Salutem, aut mortem in quibus			486. & 487.
certo prædicere liceat.	501	Sapores omnes non ſequi tem-	
Salutaris, lethaliſque morbi cau-		periem.	19
ſæ.	200	Saturnus quales morbos por-	
Salutares morbi quomodo lon-		tendat,	487
gi, & breues fiant.	196	Scirrhi quod mutationes admit-	
Salutaris morbus. vide quædam		tant.	522
in dictione morbus.		Scopi ſeruandi in vnoquoque of-	
Sani non qui poſſint agere, vt		ficio medici, qui & quot, &	
Galenus ſcribit, ſed qui rectē		Galeni de hac re opinio.	580
ſunt conſtituti, vocandi.	9	Scoporum horum conſideratio	
Sanitas quid.	10	quantum neceſſaria, & utilis	
Sanitas in forma rei ſolum po-		medico.	581
nenda.	36	Scoporū tractatio quàm negli-	
Sanitates dux.	10	gēter explicata ab antiquis,	
		& rec	

# I N D E X.

- & recentioribus scriptoribus. Sensus exquisitus, & obtusus  
ibidem. non sequitur temperiem. 19
- Scoporum numerus quo utitur Sensus sani quomodo volupta-  
Aristoteles quur medicinæ re afficiantur. 293
- prorsus accommodari ne- Sensationum differentia quomodo, & quales ostendunt hu-  
queat. 582 mores vigere. 401
- Scoporum quis primus, quis se- Sensorium quid Galeno signi-  
cundus, & qui deinceps sta- ficet. 297
- tuendi. 583
- Scopi omnibus officiis, vel a- Sensoria quæ maiori dolori ob-  
ctionibus communes & pe- noxia, quæ minori. 275
- culiaries. 584
- Scopus quid agendum, quæ & Sensoria an similia sensibus sta-  
quot sub se contineat. ibid. tuenda. 300
- Scopus qui genus materiæ spe- Siccum quo pacto siccus, & fri-  
ctat quàm multiplex. 585 gidos morbos gignat. 128
- Scopus qui proponitur in qua- Siccus morbos quomodo as-  
litate materiæ quid admo- sumpta pariant. 146
- ne esse spectandum. ibid. Item quæ excernuntur, & re-  
tinentur. ibid.
- Scopus positus in quantitate rei Item quæ fiunt. 147
- quid significet. 586 Item quæ extrinsecus adue-  
niunt. ibid.
- Scopus qui modum rei spectat Siccitas quo modo proveniat in  
quid admonet intelligen- corpore à mœrore, cogitatio-  
dum. ibid. ne, & vigilia. 147. & 148
- Scoporum numerus positus per A lætitia. 149
- fectus esse ostenditur. ibid. A nobis ipsis. 148
- Scopum distinctum ne faciat Siccitas quæ faciliè, aut difficilè  
ocasio à qualitate, & quanti- emendetur. 179
- tate expenditur. 587
- Scopus consequendi ratio om- Siccitas an dolorẽ inferat. 278
- nium utilissima in medi- Signorum utilitas quæ, & quan-  
cina. 590 ta sit. 33 9
- Scopos agendi, quot, quibusque Signorum tractatio à nemine  
instrumentis rationalis me- satis explicata. ibid.
- dicus assuequi possit, & Ga- Signorum tractatio quid potif-  
leni de hac re opinio. 592 simum requirat. 340
- Secundum naturam in sanita- Signorum tractationem difficil-  
tis definitione quid. 11 limam esse. ibid.
- Sectarũ patrociniũ datur. 147 Signorum tractatio quot capita  
Sensibilis noxa quid Galeno. 12 habeat. 341

# I N D E X

<b>Signum</b> quid.	343	<b>Signorum differentia</b> à rebus	
per Signa quæ dignoscenda. ibi.		significatis ductæ.	347
per Signa quæ cognoscuntur plu-		à Significandi modo.	348
ribus modis cognoscere oportere.	342	Signa quæ plura vnus author,	
<b>Signorum genera</b> quot.	344	quàm alius ponat: & quæ in	
<b>Signorum differentias</b> antiqui		illis dissentiant.	351. & 352
methodo nō explicarūt. ibi.		<b>Signorum fontes</b> inueſtigantur.	353
<b>Signorū diuiſio</b> , qua vtitur Galenus in Arte medicinali refellitur.	345	& quot ſint.	ibid.
<b>Signorum diuiſiones</b> à Galeno traditas non comprehendere omnia quæ ars poſtulat.	346	<b>Signorum fontes</b> in Arte medicinali quos omittat Galenus.	354
<b>Signorum differentia</b> à quibus petantur.	347	& quid in his, quos ponit deſideretur.	ibid.
<b>Signorum differentia</b> omnibus communis quæ conſtituenda.	ibidem.	Signa in omni re ab omnibus fontibus capi non poſſe.	355
<b>Signa ſana, morboſa, &amp; neutra</b> quæ dicantur.	ibid.	Signa certiora nunc ab vno, nūc ab alio fonte duci.	ibid.
<b>Signa ſalubria, inſalubria, &amp; neutra</b> quæ dici debeant. ibi.		<b>Signorum traſtationum</b> qualē profiteatur author, 355. & 356	
<b>Signa pathognomonica</b> quæ ſint.	348	<b>Signorum viſ</b> à medico præcognoscenda.	ibid.
<b>Signa iniquiſſima</b> quæ dicantur.	ibid.	<b>Signorum viſ</b> varia, nec eadem in omnibus.	ibid.
<b>Signa euſpſiſſima</b> quæ ſint. ibi.		<b>Signorum vim</b> cognoscere quā difficile.	ibid.
<b>Signa propria</b> quæ dicantur à Galeno.	41. & 63	de Signorum vi quā negligenter ſcripſerint antiqui.	357
<b>Signa coſtionis, &amp; cruditatis</b> quid ſignificent.	70	<b>Signorum viſ</b> in quo conſiſtat, & quomodo comprehendipotſit.	ibid.
<b>Signa morborum</b> quæ proprio nomine careant.	ibid.	<b>Significandi vim</b> quæ non habeant.	ibid.
<b>Signa critica</b> quæ dicantur.	348	<b>Significandi vim</b> non eadem omnibus eſſe.	ibid.
<b>Signa demonſtratiua, prognoftica, &amp; memoratiua</b> quæ dicantur.	ibid.	<b>Significandi modus</b> in quo conſiſtat.	358
<b>Signa morbi. vide morbus.</b>		<b>Signorum propriorum</b> duplex natura.	360
		<b>Signa</b> ab eſſentia rei ſumpta quid	

# I N D E X.

- quid possint, aut nequeant ostendere. 362
- Signa à causis sumpta quid possint, aut nequeant præmonstrare. 363
- Signa quæ ab effectibus sumuntur, quid valeant monstrare. 364
- Signa, quæ à similitudine sumuntur, in quibus vim & qualem habeant. 365
- Signorum numerus in vnaquaque re à singulis authoribus temerè variatur. ibid.
- Signa quot possint esse in vnaquaque re inueniendi ratio. 366
- Signorū inuestigatio quare male à multis fiat. 370
- Signorum inuestigatio in quibus necessaria & quomodo hæc fieri debeat. ibid.
- In Signorū inuestigatione quomodo, & qua voce interrogandi ægri. 371
- Signorum enumerationem cōfundisse omnes scriptores. 372
- Signa quæ primum de vnaquaque re enumeranda. 373. 374 & 375
- In Signorū enumeratione quot modis errent medici. 374
- Signa quæ primò enumeranda inter demonstratiua, memoratiua, & prognostica. 375
- item in aliis quæ per signa cognoscere oportet. ibid.
- Signa quæ in facie apparent, ut Hippocrates censet in omni morbo primum non semper spectanda. 377
- Signorum demonstratiuorum, memoratiuorum, & prognosticorum vtilitatem non rectè docet Galenus. 378
- Signorum genera, & differentias, signata rei genera, & differentias ostendunt. 382
- Signa demonstratiua quæ primò & deinceps enumeranda. 387
- Signa memoratiua quorū sine ex Galeno cuius opinio refellitur. 449
- Signa memoratiua quæ doceant cognoscere. 450
- Signorum memoratiuorum tractatione quā negligenter explicauerint alii scriptores. 451
- Signa quæ docent, ubi plures sunt morbi, qui prius, & qui postea finiuntur. 457
- Signa quæ docent per quem locum causæ suos morbos excitauerunt. 456
- Signa quæ ex Astrologia petuntur à quo fonte signorum ducuntur. 485
- Signa, quæ docent à quibus causis quilibet in morbum prolabetur. 489
- Signa ostendentia quomodo gignetur morbus. 490
- Signa, quæ prænunciant, quæ nā pars corporis causas morborum primum excitet. ibid.
- Signa quæ docent instare, aut longius abesse morbum. 492
- Signa declarantia ea, quæ ventura sunt in conualescentibus. 494



# INDEX.

Signa præmonstrantia recidivam futuram. ibid.	Solutionem facilem in morbis quæ promittant vel difficilem. 506
Signa quæ docent quem finem sit habiturus morbus. 497.	Solutionem obscuram, aut euidentē fore per morbos quæ præfagiant. 507
Signa quæ solutionis qualitatem denunciant. 540	Solutiones bonas morborū quæ prænuncient. ibid.
Signa quæ docent longum, vel breuem fore morbum. 508	Solutiones perfectas quæ polliceantur indicia. ibid.
Signa quæ ostendūt ea, per quæ solvuntur morbi, & quātum vtilia. 521	Solutionis morborum diem, & horam quæ ostendant 515
Simulatores atrabilarij. 400	Solutionis terminū in quibus morbis sola coniectura deprehendere liceat. ibid.
Similia quæ lædāt, & quæ non. 571	Solutionis hora quæ constituēda in morbis, & quæ eam declarant. 517
Similia quomodo dicantur conservare corpora. lege conservatio.	Solutionis authorē quæ ostendant signa. 510. & quantum præcognoscere referat. ibid.
Similares partes. vide partes.	Solutiones in morbis per eadem media non semper contingere, & quæ id declarant. 521
Simpliciter quomodo aliquid dicatur esse. 64	Solutionis modum in morbis quæ significant. 529
Simplicis, & compositi morbi causæ. 205	Solutionē in morbis fore per crīsim quæ præfagiant. 531
Sol quales morbos gignat, & nunciet futuros. 487	Solutionem per abscessum, vel coctionem fore quæ prædicent. 516
Solutio continui. vide continuum.	Solutiones morborum per hanc vel aliam partē futuras quæ ostendant. 542
Solutionis qualitatis nomine in morbis quid intelligendum. 504	Somnus quos humores vigore ostendat. 401
Solutionis qualitatem in quibus solum doceat morbis Galenus. ibidem.	Sophistarum superflua argutia redarguuntur. 605
Solutio fida, periculosa, tuta, obscura, indicata, bona, perfecta, quid: in quo Galenus refellitur. 506	Spiritus substantia qualis. 263
Solutionem fidam, aut infidam quæ monstrant fore. 507	Spiri

# I N D E X.

- Spiritus an partes sint.** 34  
**Spirituū vi. & ratione quinam affectus fiant.** ibid.  
**Spiritus quid requirat, vt possit feruire officiis corporis.** 264  
**Spiritus quot modis alterari possunt.** ibid.  
**Spiritus quibus modis potissimum affici possint.** 454  
**In Statu corporis secundum naturā quid dignoscendū.** 344  
**Studioli litterarū quorū infelicitē concoquant.** 255  
**Struthiocamelus vi caloris ferum non concoquit.** 19  
**Sudorem per crises aduentare quā præsagiant.** 547  
**Suppurationes quā ratione contingant in inflammationibus.** 527  
**Suppurationes fieri quā declarēt, & quid internas suppurationes sequatur.** 528  
**Suppurationē laudabilem, quā verò putredinē factam ostendant.** ibid.  
**Sydera cælo hærentia quos significant morbos.** 487  
**Symptomatum tractatio cogniti iucunda, & necessaria.** 209  
**Symptomata causarum, & morborum effectus.** ibid.  
**Symptomata quomodo curatio nem faciant.** ibid.  
**συμπτωται & συμπεβαινται inter se distinguit: & postea confundit Galenus.** 210  
**Symptomata multa sunt ad animā malis commodum, etsi in hoc Galenus variet.** 212  
**Symptomaticas excretionē aliter quā symptomata corrupta tractatione vsurpat Galenus.** ibid.  
**Symptoma propriē quid.** 213  
**Symptomatum plura quā tria genera à Galeno posita.** ibi.  
**Symptomatum prima genera quot ponenda.** 219  
**Symptomatum numerus par esse non potest in omnibus morbis, & partibus affectis.** 232  
**Symptomata partes principes pauciora nonnunquam alia experiri.** 234  
**Symptomatum numerum in singulis partibus affectis quā ratione depræhendere liceat.** ibid.  
**Symptomatum differentiarū à quibus sumendæ.** 234  
**Symptomata cognata, & quæ affinia dicantur à Galeno.** 236  
**Symptomata insignia quæ appellet Galenus.** 237  
**Symptomata vtilia quæ Galeno.** ibid.  
**Symptomatum causas quas querere debeamus.** 239  
**Symptomatum causas nō rectē docet Galenus, & quæ in eo desiderari possint.** 240  
**Symptomatum omnium morbi non sunt causæ.** ibid.  
**Symptomatum causæ quæ, & quot ponendæ.** 243  
**de Symptomatibus quid dignoscendum.** 344  
**Symptomata quā ratione ostendant præsentē morbos recen**

# I N D E X.

- centes esse , vel inuetera-  
ros. 458.459
- Symptomata quæ nequeant, vel  
possint ars vel natura le-  
nire. 580
- Syncope causas non rectè do-  
cet Galenus. 263
- Syncope causæ quæ ponen-  
dæ. 264
- Syncope ex alteratione spirituum  
à manifestis qualitatibus fie-  
ri nequit. ibid.
- in* in partibus instrumen-  
tariis quid. 11
- T**
- Actus an terreus sit. 296
- In tactu cur maior fiat  
dolor 305
- Temperiem non sequuntur om-  
nes qualitates quæ secundæ,  
& tertiæ dicuntur. 18
- Temperamentum nõ est calor,  
frigus, humidum, siccum vt  
stupidi qui tam credunt. 14
- Temperies equalis, & inæqua-  
lis quid Galeno. 85
- Temperies humida quomodo  
censeatur melior tempera-  
ta. 572
- Temperies quæ seruâ la, vel mu-  
tanda, vide cõseruatio, & mu-  
tatio.
- Temperatos cibos diuersos hu-  
mores pro corporum diuersi-  
tate procreare. 404
- Temporum morborum cogni-  
tio quàm utilis medico. 313
- Temporum morborum tracta-  
tio quibus potissimum ab-  
soluatur. 34
- Tempus morbi quid. ibid.
- Tempora morbi, partes, ætates,  
& motiones causarum ipsarum  
idem esse, & quær. 314. 315
- Tempora morbi vniuersalia  
quot, quibusque nominibus  
singula dicantur. ibid.
- Tempora omnium morborum  
non explicat Galenus. ibid.
- Tempora singula morborum in  
tres partes diuidi. 320
- Temporum morbi differentiæ  
à quibus sumantur. ibid.
- Tempus vniuersale morbi  
quid. 321
- Tempus particulare quid. ibid.
- Tempora morbi continua inæ-  
qualia quæ dicantur. ibid.
- Tempora vniuersalia morborum  
quot sint non rectè docet Ga-  
lenus. 322
- Tempora quatuor nõ habet om-  
nis morbus, ut sanatur. ibi.
- Tempora vniuersalia plura ha-  
bet salutaris quàm lethalis  
morbus & quot. 323
- Tempora vniuersalia quot pos-  
sit habere qui per crissim per-  
fectam soluitur. ibi.
- Item quot qui per imperfec-  
tam. 324
- Tempora quot habeat lethalis  
morbus. 324
- Tempora quot habeat morbus,  
qui nec sanari, nec occidere  
potest. 325
- Tempora particularia morbo-  
rum tot esse posse in lethali,  
vt salutari morbo. 326
- Tempora particularia quot ha-  
beat

# I N D E X.

- beat morbus continuus. ibi. *ἐλάσμα* quid. 31
- Tempora particularia quot habeat quilibet morbus interpolatus. 326
- Tempora vniuersalia quot habeant morbi qui sine crisi soluantur. ibid.
- Temporum longitudinis breuitatisque rationem non docet Galenus. 327
- Tempora morborum. quur aliquando æqualia, alias vero inæqualia sint. ibid. & vnde ea sumantur. ibid.
- Tempora morborum non rectè docuit Galenus quomodo cognoscantur. 329
- Tempora omnium morborum ex lignis cõtionis, & cruditis deprehendi non posse. ibi.
- Tempora morborum quibus indicitiis cognoscantur, & inter se distinguantur. 331
- Tempora morborum præterita, & futura quomodo cognoscantur. 337
- Tempus opportunum ad agendum. vide occasio.
- Tendi quæ facilius possint pariter. 162
- Tensio à quibus fiat. ibid.
- Tensui doloris causæ. 282. 284
- Tenuitas partium non sequitur temperiem. 19
- Tenuitas sensoriorum non est causa quur alia aliis magis dolorem sentiant. 294. 304
- τρίπικρος* quid Græci vocent. 50
- Thoracis affectus significandi quæ maiore vim habeant. 361
- Toto genere præter naturam quæ vocet Galenus. 229
- Toto genere præter naturam non solum excrementa statuenda esse, sed & alia. 231
- Tractatio particularium nunquam docere potest quod ars postulat. 239
- Tristitia quem sequatur humorem. 400
- τρίπικρος* & *πύκνός* quomodo differant, & interpretari debeant. 630
- Tumores omnes ex fluxione non nasci vt Galenus putat. 150
- Tumores quot modis in corpore fiant. ibi.
- Tumores, qui ex congestione, & qui ex fluxione excitentur. 151
- Tumores præter naturam quot modis finiri possint. 522
- V
- Acuationem & illius scopos quæ indicent. vide Indicatio.
- Vehemens quid dicatur. 79
- Vehemens morbus. vide morbus.
- Vena quid. 22
- Venæ sectio à quo morbo magno indicetur. 65
- Venena quæ toto genere sunt lethalia ad intemperiem redigi non possunt. 19
- Ventriculi morbi quur breuiiores quam lienis. 128
- Venus quos humores ostendat vigere in corpore. 402
- Venus

# I N D E X.

<b>Venus</b> quibus inimica aut expe- dita magis. <span style="float: right;">ibid.</span>	<b>Vita</b> quur perpetua esse ne- queat. <span style="float: right;">569</span>
<b>Venus</b> quales morbos prænun- ciet. <span style="float: right;">487</span>	<b>Vitiliginem</b> nūc inter sympto- mata nunc inter morbos po- nit Gal. <span style="float: right;">39</span>
<b>Vermium</b> materiam toto gene- re præter naturam. <span style="float: right;">167</span>	<b>Ulceris</b> , & vulneris nomina à Galeno confundi. <span style="float: right;">48</span>
<b>Vermes</b> quomodo excrementa vocari possint. <span style="float: right;">229</span>	<b>Ulcerosus</b> dolor. <span style="float: right;">282</span>
<b>Vertiginis</b> causæ quæ. <span style="float: right;">242</span>	eius causæ. <span style="float: right;">283</span>
<b>Vergiliæ</b> quales pariant, & por- tendant morbos. <span style="float: right;">487</span>	<b>Ulcus</b> quid. <span style="float: right;">49</span>
<b>Vernales</b> morbi qui. <span style="float: right;">423</span>	<b>Ulcus</b> , vulnerisque princi- pium non recte ponit Gale- nus. <span style="float: right;">318. 319</span>
<b>Victum</b> quæ indicare possint. vi de Indicatio.	<b>Vniuersalis</b> morbus. vide mor- bus.
<b>Victus</b> quid ex Galeno. <span style="float: right;">626</span>	<b>Voluuli</b> causarum & sympto- matum cum eo coniunctio- rum inuestigatio. <span style="float: right;">366</span>
<b>Victus</b> tenuis, & conseruantis victus genera. <span style="float: right;">ibid.</span>	<b>de Voluptate</b> quur tractet au- thor. <span style="float: right;">288</span>
<b>Vigor</b> morbi quid. <span style="float: right;">319</span>	<b>Voluptatem</b> & dolorem esse sensationem Aristoteles re- cte negat. <span style="float: right;">216</span>
<b>Vigorem</b> nullus morbus citra incrementum habere potest vt Galenus putat. <span style="float: right;">322</span>	<b>Voluptas</b> ex appetitu & cupidi- tate definiri nequit. <span style="float: right;">217</span>
<b>Vigor</b> morbi quur breuior, aut longior in morbis reperia- tur. <span style="float: right;">328</span>	<b>Voluptatem</b> fieri quomodo ve- lit Plato. <span style="float: right;">288</span>
<b>Vigorem</b> duplicem in mor- bis statuere quàm absur- dum. <span style="float: right;">331</span>	<b>Voluptatem</b> etiam à duobus cō- trariis fieri. <span style="float: right;">290</span>
<b>Vigilia</b> quos monstret humo- res abundare in corpore. <span style="float: right;">402</span>	<b>Voluptatis</b> causam nō esse actio- nem quæ confertim fit. <span style="float: right;">289</span>
<b>Vincula</b> iniecta partibus quo- modo frigidos pariant mor- bos. <span style="float: right;">145</span>	<b>Voluptas</b> animi vt fiat. <span style="float: right;">294</span>
<b>Vires</b> quid contraindicare pos- sint. <span style="float: right;">648</span>	<b>Voluptate</b> quur nō omnes, dum conualescunt, afficiantur. <span style="float: right;">291. &amp; 292</span>
<b>Visus</b> an splendidus sit. <span style="float: right;">297</span>	<b>Voluptatis</b> causa in sanis & cō- ualescentibus nō eadem. <span style="float: right;">293</span>
<b>Visum</b> etiam ab internis of- fendi. <span style="float: right;">409</span>	<b>Voluptatis</b> causæ quæ fit in sin- gulis sensoriis. <span style="float: right;">294</span>
<b>Viralis</b> facultas quibus validior: aut debilior existat. <span style="float: right;">402</span>	<b>Vomi</b>

# I N D E X.

Vomitū instare per crises mor- borum quæ patefaciant. 546	Vulnerantia quo modo corpus siccant. 148
Vomitum mouentes poriones largiores esse oportere. 586	Vulnera cerebri qua ratione occidant. 465
Urinæ profluuium aduentare per crises morborum, quæ prænuunciant. 546	Vulnera non eadem ratione oc- cidere. 524
Vulnus quid. 49	

FINIS.

L V G D V N I,

E X C V D E B A T

I A C O B V S

F O R V S.

